

續修四庫全書

《續修四庫全書》編纂委員會編

續修四庫全書



上海古籍出版社

三九八·史部·紀事本末類

欽定剿平三省邪匪方略正編三百五十二卷續編三十六卷附編十二卷首九卷表文一卷

(正編卷二百七十五至卷三百十九)

(清)慶 桂等撰

2286/076

欽定剿平三省邪匪方略正編卷二百七十五

辛酉年

九月十六日庚寅勒保奏言前據通南等處稟報

李彬股匪會合王丹餘孽由陝竄來已過巴州

兩河口當即移兵截剿維時聞該匪等有向聞

蒼之勢是以將官兵從老林撤出向西南取道

進剿初一日行抵百丈關探聞分股之賊二二三

百人已竄至蒼溪縣屬之東河順河而下直達

保寧沿河而上即係蒼溪縣城均逼近嘉陵江

岸臣即督兵直趨東河前隊官兵於初二日趕

上賊匪殺賊四五十名生擒戰手李三元等二

十七名餘匪四散逃竄時該匪大眾屯紮石馬

場因剿散之賊奔回報臣該匪即由石馬場連

夜折回原路東竄我兵跟蹤緊躡初三四五等

日由九龍場旣子壩陰林山元灘子南垵場等

處追擊沿途殲斃賊匪十餘名至二三十名不

等逃出附近難民朱老九王陳氏等男婦七十

六名口皆隨時釋放現據探報該匪向青崗波

楊栢河一帶東竄已折入通江地界途次接到

七十五知會該提督將湯劉等逆連次痛剿後

官兵跟蹤追躡於燈籠坪地方遇有另股零匪

在彼滋擾七十五帶兵衝擊斬獲多名生擒賊

首王國賢之弟王愜明即行正法餘匪分路奔

逃維時湯劉股匪已入太平七十五據報奉節

縣屬黑樓門一帶存賊即帶兵由達州新寧轉

回正向夔州進發行至開縣適有苟文明樊人

傑股匪由城口老林竄出開縣至譚家灣滋擾

七十五得信即於八月初八日發隊派令副都

統銜侍衛武隆阿參將鄭啟貴馮元遊擊閻俊

烈等各帶兵勇分路進剿七十五帶領副將張
 良槐都司田中貴等隨後策應武隆阿等趕至
 溫湯井地方有賊匪千餘人由山上吶喊而下
 我兵仰面迎敵兵丁龍明華生擒督陣騎馬賊
 目苟文明一名餘匪奔潰斃賊二百餘名生擒
 一百五十六名餘匪四竄又七里坪東壩溪一
 帶竄出賊匪一股鄭啟貴等帶領兵勇追擊殺
 賊一百二三十名兵丁黃應德擒獲騎馬賊一
 名家賊捨命來撲閻俊烈等當先衝擊鎗箭齊
 發賊即大潰直追至石埡子一帶沿途又殺斃
 五六十名馮元等之兵適由走馬嶺趕至賊匪
 率眾抗拒軍功千總王斌中矛陣亡我兵奮勇
 攻擊賊始敗退追至三寶山又復擒獲三百餘
 人當將生擒男婦內訊出老掌櫃向思順係苟

文明師祖又苟文明之弟苟文太堂叔苟子儒
 親孫苟勇兒並苟文太之妻張氏鮮大川之母
 周氏妻胡氏子鮮明海偽總兵苟文懷之妻王
 氏大頭領羅克俊劉詠舒總旗手李昌龍十二
 名口現在解送達州監禁聽候審辦又訊有被
 脅難民景之修胡周氏等三百十一名口遞交
 開縣就近省釋其餘賊手即行正法等語其所
 擒送逆屬賊日人等業經解到達州 現飭達
 州總理永寧道陳預審訊具報察核辦理又據
 總兵穆克登布豐紳等稟報該鎮等奉經畧派
 令追剿玉山張奇劉學書等股匪自陝來川於
 八月初七日在水溪河紮營探得該匪屯紮在
 開縣之滿月槽有六七百人穆克登布等即帶
 兵趕往斃賊二百餘人餘匪竄去有百餘人躲

入岩洞穆克登布等當令兵勇圍住拋入火彈
城匪衝出洞口均被官兵擒殺查穆克登布所
報劉學書餘匪本與湯劉二逆合夥是此時所
竄大竹梁山墊江之賊卽係此起無疑該境均
係川東腹地肅清已及一年百姓俱經復業茲
復有賊氛猝至恐又被蹂躪裹脅况與下游江
岸相近關係甚重臣遠在川北通南一帶相距
川東甚遠七十五已向大寧一路追剿荷獎等
逆相距亦遠惟查太平羅紋壩一路前派託雲
秦帶兵駐劄防護運道近因託雲秦不能得力
改委田朝貴前往更換該處距達州較近臣現
飛札田朝貴先帶此項兵勇星夜趕赴大竹梁
山墊江一路兜剿務令顧住江防但查該匪於
八月二十七八等日已竄至大竹臣於九月初

五日得信卽日札知田朝貴計該鎮接札馳抵
大竹已隔二十餘日且所帶兵單設不能卽時
剿滅又無別路官兵接濟因思李彬股匪已截
回通江境內距腹地漸遠候補道劉清現帶勇
勇在通江馬家寨防堵經畧額勒登保駐劄西
鄉邊境策應各路之兵均與李彬股匪相近臣
權其緩急咨報額勒登保并札飭劉清將李彬
股匪就近截剿臣卽日率領阿哈保薛大烈等
帶兵連夜兼程馳赴大竹一路策應田朝貴之
兵併力合剿以期早清腹地再據探報高家營
餘匪二三百人亦已入陝與齊家營合夥在卦
子山一帶游奕並據永明節次稟報已由沔寧
取道會同陝省防兵向卦子山一路相機進剿
至刻下川北賊股除李彬等一起之外僅存魏

逆剩有二三百人竄九角山現據通江縣稟報在該縣之松坪碑壩一帶仍係沿邊老林此

時臣因大竹梁山墊江等處腹地有賊不得不

先其所急一俟肅清即當馳回川北剿辦至湯

劉股匪本係交七十五專剿業據連次得獲勝

仗詎該逆等竄入大平後七十五輒因奉節報

有賊信遂舍此而顧彼以致殘匪無兵跟追復

聖著重纂彙編卷七

七

行肆竄令七十五追剿苟文明等股匪似又得

手臣現札致該提督務必將苟逆等匪一手辦

竣勿致再留餘孽

同日陸有仁奏言各股零匪在邊境逃竄經畧

額勒登保因高見奇魏棒股匪尚在寧羌廣

元一帶即親統大兵由西鄉移至南鄭邊界向

西督剿臣昨馳赴軍營面商定議先行肅清川

北匪可由西北兜至東去用恭贊德楞泰復自東

南繞截而進將各股餘匪悉行逼東於一二百

里之內則兵力愈厚而羣匪盡入網羅維時剿

撫兼施即可尅期完竣并據面述龍紹周一股

經德楞泰節次殲擒解散僅存二三百人苟文

明一股經七十五節次剿殺所剩亦不及千人

又張世龍張添倫等合夥餘匪經穆克登布痛

聖著重纂彙編卷八

八

加殲洗只存六七百人竄至西鄉之魯家壩一

帶已派副都統格布舍副將楊芳應元寬馳往

迎剿日內即可得手又安康洵陽平利零星餘

匪現今穆克登布馳往隨處搜剿並有喜明汪

啟胡定泰富蘭九十等在沿邊沿江一帶分堵

惟在川之劉洲選湯思蛟一股有零匪數股與

之附合現在尚有二三千人不日德楞泰德盡

龍道殘匪卽當殺師剿辦而川陝邊界之高魏等股餘匪人數尚有千餘總在老林一帶奔竄額勒登保擬卽督同楊遇春向黃官嶺梅子壩等處馳赴寧羌通江邊界隨地相機迎擊務期一鼓殲除至善以事宜移駐提督及安插鄉勇撫卹難民數大前因長麟奏請將提督移駐漢中已奉

聖旨

九

旨交軍機大臣議覆今以陝安鎮移設固原並漢中協改設陝安之處再行會議具奏臣見經畧業經商及容再與長麟悉心籌議奏

聞其鄉勇一項所應急籌安插者祇在日久隨征之勇誠如

聖諭惟有酌給絕產叛產而入營伍二者爲長久之計現在陝省查出絕產叛產共有四百餘分每

分多者可分給十數人少者亦可分給二三人

除酌給無業難民外卽可安頓隨征鄉勇加以

挑補兵丁缺額並派充夫役壯丁似已足敷安

插此外隨時雇募防守之勇本有家室恒業似

毋庸另籌安頓至撫恤難民爲守土者第一要

務臣惟有督率地方官隨時體察悉心妥辦務

使窮簷共沐安全仰副

聖旨

十

聖主軫念民依至意現在各路糧餉臣供支無誤茲

仰荷

天恩俯准截留甘餉二十萬兩臣已飭藩司遵照截

留解至漢中應用均奏入

上命軍機大臣傳諭勒保日前此勒保剿辦高魏股

匪所剩無多因聞李彬在川北竄擾卽舍高魏而

剿李彬及馳回川北並未與李彬接仗又復稱

湯劉股匪緊要趕往川東似此東奔西逐總未痛剿一次辦竣一股豈不徒疲兵力此時勒保既已帶兵趕赴川東惟當堅持定見督飭官兵將川東之賊迅速辦竣再酌量移師他處以次肅清倘遲至冬令必將以山內冰雪溼滑為辭且轉瞬即屆明春賊匪又將到處掠食尙復成何事體卽李彬股匪雖據勒保稱交劉清截剿但劉清係屬文員且該逆聞知勒保統領大隊官兵前往川東或復思乘間折回劉清所帶鄉勇無多未必卽能攔截或又竄近江岸豈勒保聞信復將由川東馳回川北乎現已降旨令經畧額勒登保迅速派員帶兵前往剿辦並著勒保飛行咨催將李彬一股尅日剿竣勿任蔓延至七十五一路剿辦苟文明等股匪賊斃多名並擊獲首逆家屬所辦尙好所有生

擒賊目苟文太之兵丁龍明華著加恩以把總拔補擒獲賊目向思順之兵丁黃應德著加恩以千總拔補以示鼓勵其殺賊陣亡之千總王斌著咨部賜卹又據奏湯劉股匪本係七十五專剿嗣因奉節報石賊信遂舍此而顧彼以致殘匪無兵跟追等語勒保既知七十五舍湯劉而剿苟樊股匪為非是何以伊亦舍李彬而剿湯劉等逆豈責人則明而責已則昏乎此時七十五追剿苟文明等股匪據稱得手勒保務當上緊飭催剿淨以便騰出兵力另剿他股至魏逆一股零星賊匪雖為數無多但無官兵剿辦豈不又滋裹脅現已諭令額勒登保酌量撥兵剿辦矣至七十五一路擊獲之向思順苟文太苟子儒苟勇兒等十二名口其應行正法者審明後卽在該處正法示眾

聖朝聖德編卷三十一

聖朝聖德編卷三十一

上命軍機大臣傳諭陸有仁曰據陸有仁奏與額勒登保面商軍務善後各事宜已降旨諭令額勒登保分派兵勇由西北向東南上緊剿辦以期迅速集事其善後事宜如移駐提督及安插鄉勇撫卹難民各大端陸有仁當詳細熟籌斟酌妥善與長麟等會議具奏不可草率至糧餉一節陝省賊匪不多征兵愈少供支較易現在又有截留甘餉二十萬兩更可無虞缺乏此時軍務將竣陸有仁惟當加倍奮勉經理無誤方為妥善

欽定剿平三省邪匪方略

正編卷二七五

上又命軍機大臣傳諭額勒登保曰勒保奏大竹梁山墊江一帶湯劉等逆竄近馳往川東剿辦將現剿之李彬一股咨報額勒登保並札飭劉清就近截剿等語李彬一股本由川北竄近嘉陵江經勒保帶兵截剿又從通江折回為數尙有千餘亟

應上緊剿除勒保業往川東其川北一帶現無大員在彼督辦劉清究屬文員帶領鄉勇無多恐不能堵截額勒登保現駐西鄉邊境相距通江不遠著卽派委得力鎮將酌帶兵勇速赴該處與劉清併力截剿又魏逆一股止剩二三百人在通江之松坪碑壩一帶竄匿勒保因往川東無人跟剿雖為數無多而一經搶掠裹脅漸成大股將來又必

欽定剿平三省邪匪方略

正編卷二七五

向無兵處突出滋擾額勒登保均當派員往剿緊顧川北一帶不可任其游奕此時各股賊匪以額勒登保等屢次所奏賊數合之節次擒斬數目統計現在不及萬人不過在川陝楚邊界藏匿額勒登保自應通盤籌畫現有幾股賊匪卽派幾路官兵截剿毋論在川在陝不分畛域上緊剿辦此時額勒登保德楞泰勒保湯遇春七十五穆克登布

等應各帶一軍分占地面俾賊匪窮竄之處均有兵力截剿自無難越日成功若似此漫無把握轉瞬即屆冬令又將以冰雪凝滑為辭延至明春則賊匪有食可掠隨處飽颺辦理又形棘手矣又陸有仁奏稱與額勒登保面商先肅清川北額勒登保由西北兜至東南德楞泰自東南繞截而進將各股餘匪悉行圍逼於一二百里內盡入網羅所

聖朝聖訓卷五

五

見甚是不可徒託空言當計日以待捷音之至

二十日甲午額勒登保奏言臣因高見奇魏棒

姚馨佐等股賊匪竄入寧羌飛飭慶成慶溥永

明等趕緊截剿一面督師由龍池場前進據慶

溥永明等報稱該匪由梨坪竄入陝境後分為

兩股一山西流河竄至大小沙河一由高寨子

竄入羅家壩俱係寧羌地界慶溥永明等帶領

官兵由寬川舖栢林驛前往迎剿該匪聞風折竄由卦子山常家壩向南奔逃慶成帶兵由牟家壩高臺寺趕至銅廠維時慶溥帶兵在板蒼壩永明帶兵由羅家壩分投攔截正在知會進剿詎連日秋雨不止深山中霧氣迷漫賊匪蓄意竄向西北遂分為數股每股或數百人或百餘人晝則隱匿箐林夜則零星出沒實為狡詭

聖朝聖訓卷五

六

異常臣率同楊遇春等由鍾家溝彭壩法慈院

進抵牟家壩據慶成呈報賊匪連日分路衝突

營卡均因截堵嚴密未得竄過初六日各匪由

碓窩坪竄至鐵爐壩慶成帶兵探路進剿初七

日趕抵元壩子探聞賊匪竄出竹壩子該處北

通沔縣大路關係緊要慶成一面令副將多隆

武遊擊和什布等帶領兵勇趕竹壩子趕緊攔

截一面帶兵於元壩子附近山林搜捕是日多
隆武趕到竹壩子果有賊匪自乾溝河竄出該
副將等帶領兵勇由土木壩趕剿斬戮數十人
賊匪竄入老林恃險抗拒山坡陡滑艱於仰攻
天色已晚後隊之兵安設營卡將前敵禦賊官
兵徐徐捲撤乃賊匪於大雨密霧中由上下壓
捨命衝突我軍併力回戰雨中倉卒不能施放
鎗礮弁兵鄉勇傷亡數十名幸營卡官兵奮力
出敵賊始敗退慶成聞信飛速帶兵於次日趕
到策應該匪仍於乾溝河紙坊壩老林奔竄臣
於初十日甫抵黃官嶺據已革總兵德忠差人
飛報有賊匪數百人攻撲白岩河卡隘臣即挑
派兵勇令楊遇春前往接應該匪一見兵到紛
紛奔逃德忠亦即帶兵出卡隨同楊遇春等沿

聖朝聖德編卷五

七

山追剿殺斃六七百人滾崖跌斃數十人時已
昏黑霧雨不止未能深追賊衆向廟壩一路竄
去拏獲活賊夏文德等二十一名供係高見奇
魏棒棒姚馨佐併各股打散零星合夥有二千
餘人因處處皆遇官兵實在不能過去詎明後
均即正法次日賊匪竄至廟壩該處有遊擊常
祿防堵帶兵出擊鎗礮斃賊十餘名搜獲五名
賊匪即旁竄陳家溝向鐵爐壩桃園寺而去已
屬南江地界查桃園寺有路可通巫山壩梅子
壩亦係東北要路臣現已由梅子壩馳抵巫山
壩緊遏北面並飛飭慶溥永明等帶兵於梨坪
城牆岩顧住西面攔截慶成即由乾溝河廟壩
一帶尋蹤追擊將該匪驅向東南臣即於巫山
壩取路截擊以期得手再臣月前進抵太平境

聖朝聖德編卷五

八

內曾派令格布舍副將楊芳應元寬等帶領兵勇三千餘名由白沙河一帶探剿川境賊匪格布舍楊芳等由太平進抵開縣地界臣於龍池場接據稟報有賊匪一股約千數人未知係何首逆由太平竄向西鄉之魯家岩有出九真壩之勢當即飛飭格布舍楊芳等帶領原兵取道九真壩迎頭截擊相距已遠所有剿辦情形日

製書館彙編卷五

九

內尙未據報至穆克登布豐紳桑吉斯塔爾自帶兵由高頭壩翻界嶺一帶進發二十五日行抵南溪縣一帶探有小股賊匪在陽坡屯聚穆克登布等恐該匪聞風遠颺即令官兵潛行紮住並挑撥精勁鄉勇二百餘人假扮教匪令千總胡國安帶領乘夜混入賊羣穆克登布豐紳桑吉斯塔爾於四更時各帶官兵分路前進剿

明時將抵賊匪屯紮之處遙見千總胡國安順溝率眾而進賊匪猝不及備立被鄉勇斬獲數十名賊匪向山梁四散奔逃穆克登布豐紳桑吉斯塔爾等齊帶兵由林中突出共殺賊二百餘人生擒五十三人僅剩百十人向六道河斑鳩關遁去獲犯李如明等訊係白號苟文明衝散餘匪有頭目廖世學魏瓊已經逃去等供隨

製書館彙編卷五

十

即將李如明等正法次日穆克登布等復帶兵勇由六道河趕往斑鳩關將該匪等追及我兵分路抄進將廖世學生擒其魏瓊及餘黨一百三四十名全行殲戮淨盡據穆克登布等稟報前來臣當即發給銀牌銀鏢分賞出力兵勇又據喜明柯滿百祥稟報安康平利一帶均有零匪二三百名竄擾該鎮等挑帶兵勇探剿殺賊

二三十名不等查此等零匪大率楚境被剿折
回之賊^臣並仿穆克登布等擇其緊要者先行
剿辦總當合力剿淨一股再辦一股以期次第
殄滅現在高魏等股賊匪已入川界既未得竄
向西北辦理尙不甚棘手^臣仍留慶溥德忠於
此一帶嚴密堵截緊顧陝境西北^臣卽率同楊
遇春慶成及侍衛將領等上緊分頭剿辦若日
內天時晴霽則此等殘敗游魂不難一鼓集事
再此次高見奇魏棒棒姚馨佐等股賊匪由梨
坪竄入寧羌境內^臣以寧羌一帶本係慶溥帶
兵防堵何以又任該匪竄越當經飛行飭查茲
據慶溥報稱梨坪卡隘係守備孫奉朝帶領兵
勇二百餘名防堵賊匪係由城牆岩竄出城牆
岩距梨坪三十餘里原係扼要之地因陡壁尖

剿平省邪匪方略

三

峯不能安設營卡是以只於梨坪卡內派撥兵
勇四十餘名在彼輪流瞭哨賊匪乘夜攀援上
山將瞭哨兵勇衝散傷亡二十餘人賊眾卽接
踵而至該守備聞信率勇前往賊匪業經竄過
因賊眾勇單未敢深追等語查高魏等股匪蓄
意竄陝因各營卡防守嚴密輒於陡壁無路設
兵不多之處乘夜竄越該守備於夜間不及策
應又因眾寡不敵未能追剿尙屬實情但該守
備倚恃險要不能先事確探嚴堵其疎防之咎
亦所難辭^臣現已將該守備孫奉朝摘去頂戴
重責飭令勉力自贖慶溥駐防之處距城牆岩
有二百餘里一聞賊匪竄入之信卽帶兵趕赴
板蒼壩鐵嶺關一帶將該匪截回未任闖入西
北功過尙屬相抵應懇

剿平省邪匪方略

三

聖恩免其查叅奏入

上命軍機大臣傳諭額勒登保曰此次高見奇魏棒
棒姚馨佐等股欲由梨坪竄出寧羌沔縣等處叠
經官兵併力攔堵將該匪等截回南江不致蔓延
惟賊匪竄入老林時尙敢恃險抗拒由上下壓拏
命衝突看此情形何曾十分窮蹙茲當功屆垂成
之際尤應認真剿辦不可以賊勢已衰稍存忽視

聖恩免其查叅奏入

三

此時額勒登保已帶兵前往川北一帶剿捕該處
尙有李彬等股分竄勒保現已馳赴川東無人剿
辦額勒登保統兵赴川既可緊躡高魏賊蹤並可
兼顧李彬股匪惟賊股雖已截回川境仍恐其乘
間折回目前陝境防堵最關緊要慶成係陝省提
督大員自應在陝境堵剿不必令其入川此後陝
省邊界一切防堵事宜卽責成慶成慶成溥督率德

忠實力防禦如餘匪復行竄近陝境慶成等務卽

悉力截回倘任彼闖入則惟慶成等是問至額勒

登保入川已遠其陝省防堵遇有應奏情形卽著

慶成隨時具奏無須呈報經畧轉致稽遲至穆克

登布等於界嶺帶兵進發後將苟文明股內分竄

賊日廖世學等生擒並將餘黨全數殲戮所辦尙

好此一路兵力正可騰出如陝境內尙有零星潛

聖恩免其查叅奏入

三

匪夥黨卽著穆克登布等帶兵搜捕以淨根株至
孫奉朝防堵寧羌邊境自應扼要守險據稱因陡
壁尖峯不能安設營卡僅留數十兵丁瞭望該處
既可留駐兵勇安有不能紮卡之理且地勢如果
陡峻賊匪又何能陟險飛度乎可見該弁竟係疎
於設備僅摘頂戴不足示懲孫奉朝著軍職作爲
兵丁留於軍營効力贖罪至屢薄駐防之處相距

二百餘里且一聞賊匪竄入之信卽帶兵迎頭截
回功過尙足相抵但究係統轄之員亦難辭咎處
溥著交部議處

欽定剿平三省邪匪方略正編卷二百七十六

辛酉年

九月二十三日丁酉德楞泰奏言竊臣探得龍逆

被剿後並藍白各股敗殘餘孽四五百人奔向

湖北房縣之茅坡凉水泉屯於小溝地方又係

入山之路賽冲阿温春馬瑜蒲尙佐等帶領滿

漢將領馬步兵勇由摩天嶺趕至陰陽溝前進

崇山茂林溪澗中均係亂石陡坎崎嶇必須攀

援而上賽冲阿等將馬隊作為步兵午後行抵

小溝賊匪先已遁入箐林當派千總史定川外

委方文貴等帶鄉勇百餘人先往偵探大隊隨

後史定川方文貴等行至老鷹坡林內突有賊

匪四五十人撲出史定川等正與力敵忽林內

又有賊匪百餘人衝出殺傷鄉勇三各方文貴

帶傷滾崖不知下落適大隊官兵趕上立殺賊

匪五十餘名生擒李華等十七名賊即敗上梯
子崖踞險抗拒當有藍翎馬兵楊國全兵丁程
貴等首先搶上均被石傷我兵人人切齒施放
連環又擊斃賊匪五六十名賊復潰逃我兵乘
勢搶上由梯子崖壓下又殺賊二十餘名生擒
劉文元等十九名前途路徑更險當令副將李
應貴叅將馬應國馬濟等仍帶所領步兵跟蹤

《聖朝聖紀卷之三十一》

二

賊尾賽冲阿等即撤回另覓路徑抄赴湖溪迎
截訊據獲賊供稱龍紹周祇有二百餘人昨在
茅坡遇見羅半年王愾賢駁黨合營前往胡溪
等語當將各犯一概正法初六日賽冲阿等覓
路由杜家溝陰石溝帶兵趕到探報賊匪已翻
簡家山白虎溝一帶逃走是夜李應貴等差弁
稟稱在老林內殺賊十三名內有羅探馬一名

捉獲陳連科等十一名押解來營均即辦理賊
匪已由羅筐崖逃走初七日賽冲阿等馬隊由
白虎溝馳進抄出平壤河已在賊前賊匪知覺
不敢前來又於白虎溝翻中架嶺走房縣屬之
天車壘遁逃查該處通灣腰樹扇子壩九道梁
一帶先是^臣因茅古坪為賊匪竄陝要卡將就
近之徐家壩營卡內抽出兵勇四百名派遊擊

《聖朝聖紀卷之三十一》

三

徐陞督同守備閻寬等即在茅古坪擊卡堵截
^臣於安設卡座之後即督同色爾滾侍衛達勒
達阿蘇爾伸達自祥李東山張應貴馬文斌等
帶兵繞至黃白岩當令色爾滾等帶馬步隊飛
馳進剿泥濘路計極難行走及抵洛陽河有賊
數人在房屋外一見官兵即吶喊潰亂馬隊直
前趕殺步兵進屋搜剿共殺賊七八十人擒

張才祥等二十三名餘賊盡冒雨狂奔經馬隊
趕追二十餘里又殺賊五六十名生擒孫棒等
七名只竄走一二十名訊據獲犯供稱係藍號
陳潮觀餘黨在陝西被官兵打散逃到湖北山
裡聚有一百八九十人要找另股合夥並無頭
目在內等語訊明俱係日久戰手立即正法維
時探得龍逆又由房縣上龕折回入山查龍逆
餘匪無幾被兵窮追惟恃老山箐林苟延時日
萬不敢向東北平原處前逃故又竄進老山其
勢仍須折向西南而竹山之青池埡實為適中
之地連日霖雨各處溪流盡漲山中路窄若全
軍深入箐林實在徒勞兵力臣當派色爾滾侍
衛達勒精阿蘇爾伸遊擊張應貴馬文斌都司
珠勒亨等帶馬步兵五百名由西南家保坪老

欽定剿平三省邪匪方略

正編卷二七六

欽定剿平三省邪匪方略 正編卷二七六

林向東北探蹤迎剿臣即於青池埡扼據相機
截剿又接據七十五信稱帶兵出大寧之湯家
壩追剿苟逆等股賊匪探得該逆在桐油壩與
湯思蛟劉漸遷等股賊匪合夥向黃墩前逃二
十八日至元河哨探有由陝竄來一股賊匪一
千餘人賊首姓崔姓胡在黃墩前之老鴉舖壽
家山空寨子等處屯紮偷破水寨子又攻撲新
寨子等情七十五以佔踞空寨子之賊必須搗
其巢穴散屯之賊不難剿殺遂於是夜先派千
總萬大發外委張興邦帶步兵四百名向麻札
坪小路繞至寨傍林內藏匿靜候前面大兵攻
打齊進令侍衛武隆阿叅將鄭啟貴遊擊閻俊
烈蕭太和都司羅思舉蒲佑盛等帶領馬隊於
四鼓時由桐關堡老林出望鄉坪已刻至橫山

欽定剿平三省邪匪方略

正編卷二七六

一五

梁即率兵仰攻直上賊眾聚集抗拒往來撲擊
七十五繼進官兵齊聲吶喊時寨傍伏兵亦突
出賊後該逆即時慌亂丟棄刀矛馬騾紛紛遁
入老林寨內之賊不及隄防又被圍俊烈李朝
相首先衝入立斃二百餘名生擒蕭東山等六
十八名追至界嶺又殺賊三四十人餘匪向大
渝河狂竄復又搜獲十二名內有偽先鋒金文
一名據供稱此股是戴四掌櫃夥匪有一千餘
人元帥是崔宗和胡明遠我是先鋒由湖廣界
嶺雞心嶺走陝西茅壩大渝河又從螞蝗溪到
老鴉嶺遇見青號楊總兵被官兵打散帶有一
百餘人合夥紮住今日官兵打破寨子竄到老
林邊馬騾擁擠我就逃進林內被搜山兵擊獲
等語其被脅難民張宗禮張子明等共四十二

名照例省釋偽先鋒金文并匪犯蕭東山王廷
佐等分別備勘處斬遊擊閻俊烈首先入寨腿
帶石傷現仍帶兵由大壩口跟蹤進剿 查戴
四一股賊匪前在楚境係總兵孫清元剿辦茲
遁入川境又被七十五截剿雖所餘不過數百
人但陝境先後已有苟戴二股賊匪奔入人數
固屬有限勢亦敗殘然無兵跟剿擄掠日久必
致又成大股須趁勢趕緊殄除或即截剿回川
方為妥善當即飛咨七十五帶兵過陝跟剿萬
不可任其肆行蹂躪至川楚邊界一帶老林山
內時有剿散零星賊匪自數十人至一二百人
不等潛匿其間覓股合夥此種零星竄賊若任
其滋擾必致日聚日增自當隨時分探剿辦以
除後患且龍遊賊匪所剩無幾盤折於二竹房

興巫山一帶亡命狂竄現又由房縣上龔之老林逃入興山之木水三坪向東北奔逃臣又札致賽冲阿等令其挑選奮勇兵勇三百餘名緊跟追捕自東北逼向西南倘該逆竄來得以前後夾擊定可一鼓集事又接據總辦糧餉道員陳預並達州東鄉縣稟報八月二十三日有賊一股約八九百人由東鄉竄至達州亭子鋪經太平寨勇擊殺馬賊二名賊匪由平灘場遁入大竹縣吉陽場又墊江之黃土坎梁山之螺螄店俱有賊匪百餘人滋擾查勒保等帶兵現在川北臣現在楚界鞭長莫及腹地實在空虛該逆等雖係敗殘遺孽若無兵剿辦勢必擄掠日多因思太平運道業已疏通駐紮羅紋壩之總兵田朝貴原帶兵勇二千名較為近捷當即飛

欽定剿平三省邪匪方略 正編卷二七六

欽定剿平三省邪匪方略 正編卷二七六

飭田朝貴星速帶領兵勇由新達直赴梁六一帶前往剿捕俟臣將龍逆擒掃後臨時相機酌量如該處緊要即移師先行赴彼剿辦奏入上命軍機大臣傳諭德楞泰曰龍紹周一股屢經官兵剿敗所剩無多此次經德楞泰督同賽冲阿溫春等跟蹤截剿雖畧有斬獲而龍逆仍未就擒又與羅半年王愾賢零匪合夥竄至興山地方現在德楞泰派色爾滾等帶兵由東北探剿德楞泰於青池壩相機截擊必須趕緊辦理龍逆妻子家屬前已拏獲該犯孑然一身自知萬無生理斷不肯悔罪投出此時又竄入興山苟延殘喘德楞泰惟有督率官兵上緊兜擊務將龍逆及合夥之羅半年王愾賢零匪一併剋期剿淨不可再有遲延俟此股賊匪辦竣後德楞泰視何處賊匪緊要即移

欽定剿平三省邪匪方略 正編卷二七六

一七

兵前赴該處剿辦臨時相機酌量朕亦不為遙制也至七十五一路本係專剿湯劉股匪嗣據勒保奏該提督因奉節報有賊信舍湯劉而剿苟樊等逆今據德楞泰摺內所奏七十五又舍苟逆等股而剿戴四崔胡跟蹤入陝五年以來帶兵大員往往剿辦一吸賊匪未經完竣復又因另股賊匪緊要舍而之他棄垂成之功留未淨之孽以致東奔

聖朝勳績錄卷六

十

西逐有稽賊事各軍營皆蹈此弊即如近日勒保本係剿辦高魏股匪因聞李彬在川北竄擾又復剿辦李彬及馳回川北後並未與李彬接仗又稱湯劉股匪緊要趕往川東軍營積習總未悛改今七十五既已赴陝跟剿戴四崔胡即將此股賊匪責成七十五一手辦理不可又舍此就被務當在陝迅速辦竣又據稱有賊一股約八九百人由東

鄉竄至達州道入大竹縣吉陽場又墊江之黃土坎梁山之螺螄店俱有賊匪百餘人德楞泰飛派田朝貴前往剿捕等語此股賊匪德楞泰未經奏明係何名姓若係湯劉股匪現在勒保已趕赴川東並著德楞泰飛咨勒保上緊剿辦若係李彬股匪昨已有旨令額勒登保赴川兼顧此股賊匪亦

聖朝勳績錄卷六

十一

著德楞泰咨明額勒登保迅速殄除前此各路軍營奏報皆稱賊匪勢已窮蹙不難剋日蕪功屢次降旨令伊等務於九月內一律辦竣茲已屆九月下旬而各路零星股匪尚在竄匿看此情形九月內又成虛望今姑寬限一月德楞泰等務當儘於十月內將各股賊匪悉數殲擒捷音一到必沛厚恩倘十月內仍不能辦竣必當治以應得之罪勉之凜之再接據額勒登保德楞泰勒保三路奏報

賊匪數目李彬及王冉餘孽約二千餘人劉湖選

湯思蛟等股合夥之賊約二三千人樊苟合夥之

賊約千餘人高見奇魏棒棒姚馨佐等合夥之賊

約二千人龍紹周及藍白二號之賊約四百餘人

統計各股賊匪不過七八千人與現在各軍營所

剿賊匪數目是否相符著德楞泰詳查具奏此時

德楞泰在川省之極東額勒登保在川省之極北

聖諭 聖諭編卷五

三

兩處軍營相距約有若干里中間股匪及零星藏

匿之賊共有若干亦著一併查奏

二十五日 已 勸保奏言 臣 前在通江截剿李彬

股匪適聞湯劉等道由東鄉達州竄入大竹一

路當即調派田朝貴帶領防兵先往堵截 臣 卽

移兵馳剿茲於十五日行抵大竹探得該匪前

在太平竄出約有一千餘人適因川省官兵均

在老林追賊該匪遂由東鄉達州竄走大竹希

冀攻撲民寨搶糧擄人幸各處寨堡完固百姓

竭力守禦皆未被賊攻破惟大竹梁山墊江一

帶居民大半復業場集貿易人多賊匪突至猝

不及防均有被賊殺害及裹脅而去沿途驟馬

亦有被搶者 臣 連日冒雨星馳而來該匪卽向

降水之觀音橋柑子舖歐家場姚家崖等處竄

聖諭 聖諭編卷五

三

走並分股向長壽明月場一帶該境西走合州

即緊逼嘉陵江岸東折墊江卽梁山鄆都向雲

開一帶之路適田朝貴先已取到大竹 臣 卽飭

該鎮帶領兵勇向降水之道尾追並派總兵張

志林帶領都司陶得伏守備方一彪馳赴嘉陵

江岸下游幫同牙寧等督率兵勇巡防賊匪窺

渡 臣 督同阿哈保薛大烈直趨墊江趕緊兜剿

探得此時該匪聚眾沿途裏脅已有三千餘人
 騾馬三四百匹然大半係甫經被裹之人官兵
 一到諒可立時解散惟有加緊剿辦早為殲滅
 以清腹地其李彬等逆一股賊匪前經臣由廣
 蒼一帶自西而東截回通江適因大竹等處有
 賊不得不移師剿辦當卽咨報額勒登保查照
 就近派兵辦理並一而札飭候補道劉清帶領
 鄉勇在通江防剿茲據劉清稟稱李彬股匪由
 安家壩一路東竄劉清卽帶領鄉勇由馬家寨
 前赴謝家坪山梁紮住望見賊匪前隊由雙鳳
 壩前來劉清令各勇傳諭投出者免罪遂有田
 文貴等男婦三十七名口投出隨後大夥匪眾
 趕到直撲山梁該道卽令軍功李仕玉王登忠
 等將鄉勇分作兩隊從上壓下殺斃賊匪數十

名賊夥內復有趙文招等二十六名臨陣棄械
 投出該匪向麻啄石竄去所有投出難民該道
 均經訊明原籍送回安插等語查麻啄石係通
 江地方路通太平並與西鄉切近倘經畧卽日
 派有兵至正可就近迎擊又七十五一路近日
 咨報自在溫湯井等處痛剿樊苟股匪生擒老
 掌櫃向思順偽元帥苟文太及逆首親屬多名
 後馳至石梁子探得該匪被兵剿敗分爲三股
 一股向榨井壩竄去有二三百人一股向蘭芽
 場竄去有五六百人一股向謝家壩沙沱寺竄
 去有一千三四百人馬賊二三百名查此股人
 數最多且有新充偽元帥苟朝現偽總兵苟文
 懷在內七十五當卽帶兵追趕該匪由龍洞河
 王家坪竄走楊柳田有入老林之勢七十五卽

一第398册續修四庫全書第2版正內

發隊行抵桃壩正值賊匪頭起盡係婦女官
兵埋伏山後讓過前起隨見馬賊百餘人步賊
五六百人蜂擁而來時副都統銜侍衛武陟阿
遊擊閻俊烈都司羅思舉蒲佑盛守備李朝相
等先到率領兵勇突出立斃賊匪三四十餘
賊奔上東面山梁我兵四路爭上七十五督率
大隊繼至斃賊五六十名藍翎軍功候補把總
張必祿率領兵丁袁朝俸鄉勇鍾玉貴游順等
將騎馬督賊匪二名擒獲我兵衝入又殺斃
二三十名匪眾向牛磊口潰逃我兵追至王道
河又斃賊百餘人生擒六十餘名隨將兵勇撤
回寶塔暫紮查訊所獲督陣之騎馬賊一係偽
總兵苟文懷一係偽元帥苟朝現之弟苟朝明
又訊出大頭領閻瑞休及苟文明之親妹羅查

《聖朝聖訓編卷五》

六

氏訊據苟文懷供係苟文明之弟與羅其清一
同起事我從前在營內曾當總兵昨八月初八
日被官兵打散元帥苟文明亦無下落遂新立
苟朝現爲元帥舉我同管營事羅苟氏是我姊
向嫁與羅其清之弟羅其明爲妻苟朝明是苟
朝現之弟現在營中當旗手餘無要供除將該
匪等解交夔州府聽候審辦外其餘張克達等
七十名俱係精壯戰手立行正法又李科華等
八十四名口係甫經被擄難民隨給照票口糧
省釋再叅贊德楞泰一路官兵前於七月間有
自陝回川至太平之信臣當委同知常發祥帶
銀四萬三千兩前赴太平等候供支兵餉旋又
聞德楞泰追賊已至大寧恐常發祥相距較遠
不能趕到臣復飭夔州府知府方積就近先後

《聖朝聖訓編卷五》

七

解銀三萬五千兩并兵丁鞋脚及馬掌等項前
 往接濟據報俱已交收茲聞德楞泰復有至太
 平整頓兵力之信所有隨營事務尙需派員經
 理臣現已飭委龍安府知府積朗阿又帶銀一
 萬兩前往太平督同常發祥等候接辦至徑畧
 額勒登保一路節次所派穆克登布豐紳永明
 等先後來川追賊所需糧餉均經供支無誤並
 酌撥帳房弓箭等項以資接濟奏入

聖祖實錄卷五十六 十八

上命軍機大臣傳諭勒保曰湯劉等逆由東鄉達州
 竄入大竹沿途裹脅已有三千餘人騾馬三四百
 匹又成大股該逆等本係七十五專剿之賊所剩
 無多前據勒保等奏稱七十五移兵剿辦樊苟等
 逆將湯劉股匪置之不顧彼時朕卽慮此股賊匪
 無人剿辦必致別滋裹脅今果不出朕所料五年

以來帶兵大員往往剿辦一股賊匪未經完竣復
 又稱另股賊匪緊要舍而之他以致剿剩零星之
 賊無兵追捕任其隨處擄掠裹脅賊數復又增多
 各路軍營皆蹈此弊是以屢降諭旨嚴切訓飭而
 積習總未悛改實爲可恨卽如勒保本係剿辦高
 魏股匪因聞李彬在川北竄擾又復剿辦李彬及
 馳回川北後並未與李彬接仗又稱湯劉股匪緊
 要趕往川東往來奔逐徒疲兵力於事何益現在
 李彬股匪雖據勒保稱經道員劉清帶領鄉勇斃
 賊數十人但劉清究係文員所帶鄉勇無多豈能
 將此股賊匪專交該員辦理若無勇幹鎮將帶兵
 奮擊必至又如湯劉之肆行裹脅前已降旨令額
 勒登保派員前往又令其赴川兼顧勒保現在川
 東恐鞭長莫及務當遵照前旨飛咨額勒登保迅

聖祖實錄卷五十六 十九

速籌辦尅日殲除不可稍留餘孽至湯劉股匪據稱前在太平竄出不過一千餘人何以不逾時忽增至三千有餘而所掠騾馬亦復不少必非一時所能聚集自因本年夏間賊匪等在山內避熱而勒保不加查察以爲川境次第肅清漸弛戎備今該匪等因山中乏食又向無兵處突出與湯劉合夥攻撲民寨搶擄人腹地又遭蹂躪皆由勒保疎懈所致而且忽剿李彬忽剿湯劉僕僕道途全無把握况湯劉股匪滋擾之處與嘉陵江相近倘逼近江岸希圖搶渡更屬不成事體勒保著傳旨由飭所有湯劉股匪卽專交勒保剿辦勒保旣經貽誤於前此時惟有堅持定見倍加愧奮督同阿哈保薛大烈等將湯劉股匪上緊殲除尤應嚴防江岸不可稍有疎虞延緩至七十五始則舍湯劉

聖朝聖德編卷六

平

而剿苟獎繼則舍苟獎而剿戴四崔胡昨據德榜奏奏苟逆股匪在桐油壩地方與湯劉合夥而本日勒保所奏情形湯劉等股勢復鴟張此則七十五疎縱之咎著傳旨申飭並著勒保傳知該提督現在旣經入峽跟剿戴四崔胡卽將此股賊匪責成七十五一手辦理必須剿捕淨盡若又不能辦竣致戴四崔胡股匪復留餘孽必重治七十五之罪茲已屆九月下旬川省竄匪尙未剿淨一股看來九月歲事之期又成虛望今再展限一月勒保務當儘於十月內將川省各股賊匪悉數殲除肅清全境捷音遞至自當立沛厚恩若十月內仍不能辦竣軍律具在勒保七十五自問當得何罪勿謂朕言之不早也

聖朝聖德編卷六

平

同日

上命軍機大臣傳諭陝甘四川湖北各督撫曰御史鄭敏行奏教匪滋事地方地多人少日久荒蕪將來變價歸公難保無吏胥欺隱等弊請查明共有若干項畝造冊報部分給鄉勇等語各該省叛產絕產會屢降旨令各督撫等詳查明晰或以之安插鄉勇或以之分給難民而該督撫等日久遷延總未辦有條欵惟陸有仁曾經奏稱查出陝省絕產叛產有四百餘分而每分共有多少及此外有無查出之處尚未奏到現又據該御史奏及此事此時大功將次告竣誠宜及早詳查以為將來分撥地步該督撫等接奉此旨後即遵照節次諭旨派委明幹大員分投查勘除查係難民逃亡之產其仍回原籍者自應給還業主至其餘叛產絕產應查明共有若干可以分給若干人預為清理勿

聖朝聖恩 聖朝聖恩

任豪強稍有隱冒並將如何分給之處妥議章程隨時具奏

聖朝聖恩 聖朝聖恩

欽定剿平三省邪匪方略正編卷二百七十七

十月初一日甲辰陸有仁奏言連日探得高見奇

魏棒棒姚馨佐等股賊匪總在靈羌南鄭南江

交界奔竄分合無定額勒登保督同楊遇春慶

成等帶兵馳剿在九角山沙壩一帶追及賊尾

殲獲多名賊匪翻林向中壩竄逸官兵緊躡窮

追並令慶溥永明分駐南鄭寧羌邊界以扼其

剿平三省邪匪方略

折竄之路又另有分股之賊竄近南鄭哨風樓

卡隘因各寨鄉勇堵禦嚴密旋即折回南江其

西鄉境內張添倫等餘匪數百人經格布舍楊

芳等於景家坪一帶截剿擒獲一百餘人並逼

至西河水漲之處淹斃多名餘匪奔竄錢家山

官兵跟蹤追往至安康平利洵陽一帶零星股

匪現經總兵穆克登布等分投剿辦各該縣復

親帶鄉勇截剿當可逐漸殲除並在提督七十

五咨會現奉德楞額奏派令帶兵由川入陝即向

安康平利等處進剿臣查現在各股賊匪實已

零星殘敗不難悉數掃除此時漢江南北各寨

勇經地方官勸諭守禦甚嚴糧食俱歸寨上賊

到無可搶掠屈指仲冬當可戡定所有各路糧

餉隨地隨時設法運供不致稍有缺悞再寧陝

剿平三省邪匪方略

鎮應設額兵六千名前經臣會同長麟奏明擬

俟凱旋後於各營未經出征兵丁及隨征鄉勇

內按兵六勇四相間挑派補額旋奉

諭旨令即設法經理足數以杜賊匪復入之路彼時

因山內尚有賊匪奔竄居民或遷徙他處結寨

自守難以招募當經額勒登保於隨征兵勇內

抽撥山西陝甘兵丁及通判維昂等所帶鄉勇

共六千餘名補山內防兵之數此時山內業已肅清居民漸次復業亟應廣為招募足數並抽調各營存剩兵丁以便替出暫派入山之各路征兵仍歸原營調遣臣現已一面咨行鎮將趕緊招募一面先將雒昂及各將弁所帶鄉勇統交總兵劉之仁就近逐加挑選此等鄉勇多係山內居民一經挑派入伍既可差操防守又能兼顧其家自不致有旋募旋逃之事其有距家較遠不願在山食糧者即帶至漢中分別遠近資遣安業奏入

上命軍機大臣傳諭陸有仁曰陝省南鄭邊界一帶分竄賊匪經額勒登保督同楊遇春等領兵追剿指日即可殲除其格布舍穆克登布等在西鄭安康等處分投進剿零星股匪俱有斬獲尙俱未據

聖朝實錄卷三十三 三

額勒登保等奏到現在七十五帶兵六千餘名由川馳赴安康平利一帶進剿該省軍需糧餉更關緊要陸有仁惟應督飭屬員隨時隨地源源接濟不可稍有缺乏至所奏挑派鄉勇補足寧陝鎮應設兵額一節此項應添兵額與其招募窮民自不若即將隨征鄉勇量加挑選伊等年來久隨官兵打仗又熟悉山內路徑一經入伍食糧學習當差自更可資得力該撫務當咨令總兵劉之仁於寧陝鎮應添兵額上緊招募俾舊勇挑作新兵勤加訓練於差操防守兩有裨益此亦安置鄉勇之一法也

聖朝實錄卷三十三 四

初三日丙午額勒登保奏言臣於十五日督率楊遇春慶成等由梅子坪一帶進剿追及賊尾楊遇春慶成各帶官兵由兩傍山林搜剿有伏賊

從林中突出持矛抗拒我軍鎗箭並發斃二
三十人賊不能支各向林箐分竄楊遇春慶成
等率兵趕殺斃賊百餘人生擒四十五名訊據
獲賊雷四林供稱賊匪大隊先已由中壩老林
奔竄尙留矛手數百人於樹林叢雜處理伏意
欲待大軍過後衝出劫奪銅帳騾馬仍西向寧
廣地方奔逃等語均係矛手概行正法次日即

聖朝匪類編卷五

派遊擊劉健標王兆龍帶領兵勇從中壩跟蹤
搜剿臣率師由沙河壩趙桂河穿越深林顧住
寧廣地界截擊於十八日追至元山子該匪復
向東逃遁正在督率趕辦途次接據格布舍副
將楊芳應元寬等報稱連日帶領兵勇從梨壩
跟追至通江之景家營冒雨進剿殺賊一百四
十餘名生擒六十四名更有滾岩落河淹斃者

獲犯內有偽副帥張長龍先鋒馬德清劉奇三
名訊係張添倫股內零匪前被官兵於陝境連
次剿殺後張添倫僅剩二百餘人逃至大坪地
方與張世龍股內零匪並各處逃散之人湊合
共有六七百人聞大兵已向西去遂乘空逃入
陝境因安康一帶皆有官兵不敢過去現欲由
西鄉奔往南鄭一帶不料又有官兵到來剿殺

聖朝匪類編卷六

訊明後分別辦理餘匪等復由南河口柳林溪
先後西竄楊芳同侍衛傅陞等帶兵跟蹤追擊
格布舍應元寬等帶兵在空山壩搜剿伏匿零
匪并防該匪折竄之路二十日臣所追之高姚
等匪由麻柳灣東竄桂門關一帶適傅陞楊芳
一路兵勇已至南江之灰灘灣嘴崖等處距賊
匪所竄之桂門關一帶已近傅陞楊芳等遂挑

帶兵勇乘夜暗襲賊賊匪亂竄兵勇分路掩殺至天明時共殺賊一百餘人生擒六十餘人賊眾由黃連壩趙家坪處竄向通江地界

添派副將張瑗蕭福祿等帶領兵勇趕赴楊芳

等一路緊躡賊蹤併力追剿維時張添倫賊匪

二三百人又竄入南江老林由大壩魚尖壩西

道臣即派慶成帶領原兵由三溪口抄龍神殿

聖朝編年卷七

七

趕剿臣仍率同楊遇春由沙壩溪顧住西北進

發二十二日高姚賊匪由罐子嶺東奔又值格

布舍應元寬等由空山壩前進偵知賊匪東竄

即帶領兵勇從西溝截出於高莊一帶迎剿該

匪竄上兩旁山梁格布舍率領馬隊由左山梁

抄進應元寬率領步隊由右山梁直上賊匪敗

退乘勢追趕三十餘里殺賊二百餘人生擒一

百三十餘名該匪由陡壁攀援而遁驟馬不能前進盡用刀矛戮斃填塞道路賊匪翻過山梁

即下馬家岩北竄東峪河一帶格布舍等將生

擒各犯訊明曾紹元等十七名從賊日久即行

正法其李勤修等六十餘名被脅日淺給票釋

放仍即帶兵跟剿次日楊添張瑗等趕到羅圈

岩距東峪三十餘里於夜半發兵進剿賊匪連

聖朝編年卷八

八

夜遁入後山樓房坪老林該匪楊芳等帶兵急

追至樓房坪山梁殲賊五十餘名生擒三十五

名賊匪潰竄後三日亮壩子趕抵皮家坪賊匪

竄佛頭山八海坪一帶楊芳等將獲犯解到

營訊據劉又舉供稱我在黃號股內充當總兵

管領矛手本有一千餘名前與高見奇合夥約

有五六百人又湊合再勦餘黨并各散夥匪共

有二千五六百人昨被官兵截剿始入老林連日到處遇見官兵擒殺甚多並有情急滾崖自縊及逃散者不少馬騾俱拋棄無存現在只有一千餘人向老林逃竄等語該犯等俱係正賊概行正法臣因佛頭山路通松坪天平河可由保耳壩西河口西竄現帶兵勇由碑壩趕抵西河口扼要攔截并派楊遇春分帶兵勇趕赴五

聖朝聖德編卷九

九

台子天平河一帶迎頭攔剿臣查通南寧廣一帶邊界深山老林縱橫二三百里窮岩絕壑跬步維艱而蹊徑分歧處處可以通達高姚等股零星賊匪自夏秋以來即於此輾轉盤折茲臣旬日之內督率官兵踰越險阻已將該匪逼向東趨現在連次被剿情急又遁入通江佛頭山一帶或二三百人或一二百人依山傍林晝伏

夜行以爲苟延殘喘之計臣現在督率楊遇春格布舍楊芳等分路剿辦倘遇不能乘騎之處即鼓勵兵勇親率步行務將此股賊匪剋期辦竣或設法轟出林外一鼓撲滅再行籌辦就近另股奏入

聖朝聖德編卷十

十

上命軍機大臣傳諭額勒登保曰此次高姚等股賊匪在南江通江一帶奔竄經額勒登保督率官兵與格布舍楊芳等先後夾擊共殲擒賊匪九百餘人餘匪被剿情急遁入通江佛頭山一帶額勒登保仍督飭楊遇春格布舍等分路入林上緊剿殺由西北逼向東南務將此股零星賊匪剋日辦竣再行籌辦另股賊匪所見甚是該匪爲數無多潛匿老林冀延殘喘額勒登保惟應飭令兵勇就近剿辦或轟令出山全數殲除不可稍留餘孽

同日吳熊光全保長齡奏言前因各股賊匪竄出楚界後總在川陝一帶山內奔逃離楚境不遠而境內剿敗殘匪遁匿荒山老林均須分兵剿辦當飭總兵孫清元德昌吉林泰王懋賞副將蔣觀濤各帶兵勇於興山房竹邊隘迎截川陝賊股臣全保長齡與侍衛呢瑪善等分投搜剿各處匪匪該匪等四散竄出臣吳熊光督率各屬激勸寨勇隨同官兵到處攔截各路日有擒獲數十人十餘人不等房保二竹東北兩路已就肅清旋據探報龍紹周餘匪奔竄川境後因德榜泰分兵截剿該匪復於老林內勾結伏匿之青號王四一股由大寧巫山折回房縣邊界經副將蔣觀濤於一碗泉毛壩等處截擊該匪旁竄興山之柵子山又經孫清元截擊該匪

《聖祖實錄卷一百一十一》

十一

復由興巴一路西遁十六日又竄至房屬九湖坪經防守陰條嶺之都司陳得文帶兵堵剿該匪捨命衝突該都司奮力抵剿被傷陣亡外委汪啟明救護被傷該匪向薛家坪逃遁經川省官兵抄擊南竄嘯天隴一帶其曾芝秀一股前經孫清元逼至巴東邊界該匪折回興山希圖東竄孫清元復帶兵扼截該匪西竄房竹之三道溝總兵王懋賞副將蔣觀濤率兵截擊該匪竄向白虎壩一帶未令竄入東北腹地又據探報陳大麻子等殘匪經臣全保由竹山西界剿敗後該匪竄至陝省平利河等處與龍八一股餘匪會合由湖溪竄入竹谿之撰河蘿葡灣一帶總兵吉林泰率兵迎堵該匪竄入房屬之猿洛河經侍衛呢瑪善迎頭截剿殺賊八十餘名

《聖祖實錄卷一百一十一》

十一

生擒頭目廖大海陳士富及散賊劉義元等三

十八名餘匪北竄並有龍耳寨首領張選才曹

斐林等集勇伏於段樹凹貫溝嶺一處待賊經

巡殺斃騎馬賊探二名賊奔秦口適臣全保率

兵趕到迎頭截擊該匪北竄東南之扁擔溝又

經臣長齡自保康一路搜山畢後自東而西率

兵兜剿該匪不能下竄已逼向房縣西南一帶

聖訓彙編卷三

三

山內現在賊勢雖南路較西路為重但陝省邊

境尚有零匪數股往來窺伺是二竹所駐官兵

未便據行抽調臣等通盤熟商除欽遵

前旨分飭各州縣凡有寨落處所即激勸寨勇協力

攔截外其深山老林居民鮮少之地練習鄉勇

隨同壯健兵丁深入搜剿庶無患匪徒分匿肆

逸可期日逐殲除未能將分竄之匪逼歸一路

更得與川省官兵聚而剿洗所有獲賊廖大海

陳士富二名訊係頭目其餘劉義元等三十六

名多係川省積慣子手訊明後分別正法梟示

奏人

上命軍機大臣傳諭吳熊光全保長齡曰楚省與山

房竹一帶分竄零星股匪經吳熊光等督飭各路

官兵顧住東北分投截剿均已逼向西南不致擾

聖訓彙編卷三

十四

及腹地該省東北兩路不日即可肅清但與山等

處邊境與川陝在在毗連吳熊光等尤應嚴飭鎮

將即在楚境將各股餘匪上緊剿淨否則亦須逼

回川陝俾額勒登保等合兵痛剿一鼓殲擒斷不

可再令竄回楚界王都司陳得文被傷陣亡著加

恩咨部賜卹

初四日丁德榜奏言竊臣督同色爾滾等由

青池坵前進探得龍逆等四門知與山獨木崖有
 總兵孫清元之兵折向瓦土八泡南逃將經過偏
 橋盡行折毀副將李應貴亦將馬應國馬濟等
 帶領步隊兵勇隨修隨進該逆又由柵子山鑽
 入老林臣當即飭知孫清元帶兵由解家壩堵
 截令李應貴等帶兵勇五百名步行入林或為
 夾擊或即轟出賽冲阿溫春馬瑜蒲尙佐侍衛
 富僧德協領穆騰額等帶馬步隊由西北抄出
 水田坪臣督同色爾滾侍衛達勒精阿遊擊張
 應貴馬文斌等帶兵向東北探剿十二日賽冲
 阿等由水田坪而來又為溪漲所阻賊又翻山
 走鋸鋸嶺向左手三崖遁去李應貴等追至小
 乾河有逃出難民吳德綸等四名俱係難民即
 行省釋查三崖頭係巴東堆子場之路而堆子

場左走平陽三壩右走下貴坪中走石磨老林
 若入川境則必由相思嶺陰條嶺一帶竄逃當
 即札飭各該卡隘堵截賽冲阿等連夜趕搭橋
 成次早渡訖臣令色爾滾等由郭公坪趕出堆
 子場分路截住東面之火峯界嶺老林行抵麻
 線坪即有賊匪一百三十三人正出溝口當經
 馬步兵勇衝進溝內因兩山壁立別無路徑賊
 衆拚死直奔追殺二十餘里殺賊七十人生擒
 李懺華等五十三名止逃去十數人訊係線字
 號殘匪除劉長發等十三名係被擄難民省釋
 外餘係賊匪均即梟首十四日李應貴差報龍
 逆等又由關廟坵躡渡楊家河恐該逆竄出巴
 東之前口賽冲阿等即由下貴坪取道唐家渡
 乘漲渡河衝去兵夫數名繞至前口李應貴等

聖朝通鑑卷之七

五

聖朝通鑑卷之七

六

探得龍逆與黃號賊股尚在茅坪避雨出其不
意卽帶兵勇由茶埡子一直撲入賊營賊衆紛
紛潰逃李應貴馬應國馬濟李應元帶同守備
熊敏謙龍必達千總史定川馮正朝藍翎鄉勇
首謝金章分投追殺立斃賊八十餘名生擒胡
世貴等六十五名追至鴨子溪有賊目手執大
旗率衆回撲經千總史定川用矛戳死兵勇力
剿殺賊三十餘名各逆逃過溪河淹斃四五十
人兵勇亦有傷亡者餘匪向老樹觀遁去訊據
獲犯內有龍逆先鋒胡世貴黃號總兵徐懶倫
又於屍內認出龍紹周之弟龍紹華首級一顆
一面將獲犯解營一面過溪跟躡賊匪向赤口
坵關田逃竄並飛札駐紮羅坪之遊擊孫效前
同知尹英圖帶兵截堵賽冲阿等抄出關埡子

聖朝聖訓卷七

七

接據探報東西寨老林內有被官兵打散賊匪
百餘人潛匿賽冲阿温春色爾滾等帶馬隊由
小坪前進馬瑜蒲尙佐等帶步兵由老木孔入
山搜剿果有伏賊八九十人當被我兵殺斃四
五十名生擒曹興仁等三十四名隨據活賊龐
思懷高永慶等於獲犯內指出龍逆胞弟龍紹
海一名訊明後隨卽斃割其餘獲犯均係日久
戰手一併正法惟偽先鋒總兵胡世貴徐懶倫
二名情愿告懇戴罪立功情詞似屬真切當令
其隨同前敵以備臨陣指認首逆旋報賊由石
磨折回非入相思嶺烏雲頂老林卽向百福坪
七楊壩走房縣之路賽冲阿馬瑜蒲尙佐由黃
溪繞出相思嶺温春色爾滾等由七楊壩走順
水溪十五日行次龍洞河忽有一股賊匪由龍

聖朝聖訓卷七

六

門河竄來臣督同賽冲阿溫春色爾滾馬瑜蒲

尙佐等各帶馬步兵勇分投迎剿賊即折回直

追至馬湖崖地方沿途斃賊一百餘名生擒姜

維漢等五十一名餘匪向陰峪河遁去訊據活

賊供係曾芝秀王愾賢股匪均係矛手一併斬

訖臣等仍分兩路前進據李應貴等稟報龍逆

逃至後坪分爲兩起一竄牛廠一向筲箕坳十

聖朝聖恩編卷七

九

六日起抵巫山縣屬之東坪接據孫清元稟報

帶兵已至平陽三壩扼截賊匪遂不敢東竄又

向巫山之夜叉崖而遁勢已逼入川境臣當即

飛札孫清元帶兵即赴木瓜溪堵剿折竄之路

賽冲阿等由班鳩石至榛子崖探得龍逆於十

五日夜偷被湖北五磴子鄉勇卡隘竄至九湖

攻撲守備陳得文營卡該備力戰陣亡兵勇內

亦有受傷陣亡者數十名遂由嘯天隴翻山走

竹山之南坪山老林走紅茶園路通竹山之向

家壩么姑峽紅坪馬崇嶺等處賽冲阿溫春色

爾滾馬瑜蒲尙佐由乾溪坪長池壩分路兜剿

臣擬即山蕭家坡茅古坪前進查龍逆又與綠

字號及王愾賢等匪會合除疊次殲擒外所餘

賊匪不過二百餘人現向百丈山老林西逃該

聖朝聖恩編卷七

三

處又通楚之二竹五里壩葛藤口左走雞心嶺

即入川之二郎壩至川楚界上已無大股賊匪

惟曾王二逆尙有敗殘匪衆數百原係孫清元

等剿辦現在潛匿楚境老山之中臣已飛札嚴

飭孫清元等即帶步隊進山剿辦務期趁勢殲

滅不可以追逐出境遂爲了事又據太平城口

主簿趙炳然稟奉派勸令各寨團勇堵禦

竄匪或行截殺或經擒斬自十數人至二三十人不等俱已稟請獎賞茲於八月二十八九等日有由黃墩竄來賊匪八九百人在柴家山牛星總一帶滋擾屯於木瓦屋內相距修基壩四五十里趙炳然卽密諭附近之粉壁寨柴家寨各派團勇一百名自帶鄉勇二百名率領軍功領首寨首熊濟崑陳占魁張國相侯化仁熊起鳳袁勇等前往剿殺恐與賊匪混淆并恐驚賊竄走不許吶喊遂暗立太平有慶四字爲號賊太應平喊有答慶以便分別二十九日夜齊集候至四更時分繞至賊所一面令健勇潛入賊巢一面派團勇將各路口埋伏截殺賊匪全不知覺團勇突入立殺賊匪甚多有逃出者又被各路口伏勇堵殺救出被縛民人十七名婦女

欽定剿平三省邪匪方略 正編卷二七七

二十四名口訊據難民稱係唐逆分出賊股令於賊屍內指出僞元帥張世麟一名僞先鋒萬雲星魏懷儒二名探馬頭吳姓一名臣卽發去賞項銀二百兩五錢重銀牌五十面批飭該主簿查明分賞德楞泰又奏言臣原帶兵勇六千餘員名入秋以來旋轉老山之中連旬雷雨又值瘟疫盛行前在太平山內患病之滿漢員弁兵勇前後共有二千餘人派員護送太平縣城調治近接該署令鍾蟠雲稟報病痊者甚多其有尙未痊愈及成痼疾者臣遵卽查明遣回營旗以示體恤而節糜費斯時存營之兵尙有四千餘名旋又追賊往來楚省界上沿途陸續患病寄養者千餘人已送大寧醫治現在營內馬步官兵不過三千餘名興房巫大在在老山等

欽定剿平三省邪匪方略 正編卷二七七

林龍逆餘孽現只有二百餘人盤旋倏忽竟有晝夜奔走二百里之時奮勇步兵尙能追躡馬力實在難支且員弁兵勇俱皆單衣跋涉原期迅疾掃除不料逆賊狡猾已極秋深寒冷雨露奔馳亦形疲乏臣日夜思維若全隊兵馬分投兜截被其牽綴徒勞無濟該逆現在竄向川楚未定查高魏等股賊匪有竄往沔畧之勢經畧

製卷重編卷五

三

額勒登保已督率全軍回陝趕緊截剿勒保又已督兵自隣水剿辦湯劉等股賊匪兼顧江岸川北現無兵力七十五亦已過陝追截苟辛戴四等賊股倘龍逆竄楚臣若仍督全隊追剿不但川楚陝界上無兵卽川東川北俱形空虛况太平大寧奉節雲陽一帶與楚陝犬牙相錯等林老山零星賊蹤散漫飄忽者不少務須逐一

掃淨員弁兵勇無衣無褐前因勒保捐銀二千兩差弁送來賞兵臣當差員赴夔州府將此項銀兩趕製綿衣並飛調太平病痊員弁兵勇及所貯各營一切軍裝等項來營又查二竹邊界一帶現有總兵德昌吉林泰帶兵設卡防堵聲勢聯絡倘龍逆或入楚疆臣卽令溫春色爾滾蒲尙佐等帶領馬步兵勇一千餘名緊躡賊蹤與德昌吉林泰兩面夾擊臣尙有存營兵馬二千餘名不但就近搜捕界上各餘孽卽有大股賊匪亦不過二三千人足敷剿辦俟太平兵馬到來整頓妥協再看何處緊要卽行移師前進均奏入

製卷重編卷五

四

上命軍機大臣傳諭德楞泰曰此次龍逆等股在興山一帶分竄德楞泰督同賽冲阿溫春等冒雨進

攻先後殲擒賊匪五六百人並生擒龍逆胞兄龍
紹海等殲斃逆弟龍紹華所辦尙好龍紹周爲逆
事首逆節年在川陝楚奔逃最爲狡猾可惡其妻
子家馬前已拏獲今又將伊兄弟殲擒該逆子然
一身自知萬無生理斷不肯悔罪投出亦不必示
以招徠該逆此時僅有二百餘人竄往巫山夜叉
崖等處德楞泰現已派令溫春色爾滾蒲尙佐帶
領馬步官兵緊躡追剿務速將龍逆生擒盡法處
治不可捨此就彼總當肅清此股再相度形勢或
幫同七十五剿辦戴回崔胡等逆或至川東幫同
勒保剿辦湯劉等逆如不得已有必須先行移師
剿辦之處亦應派委員責成專辦龍逆一股以
期掃除餘孽然總不若德楞泰一手辦竣之爲愈
也所有首先擒入賊隊斃死龍紹華之千總史定

欽定剿平三省邪匪方略

正編卷二七七

川著加恩卽以守備陞用其太平城口主簿趙炳
然鼓勵寨洞團勇堵禦賊匪殺賊多名著加恩以
應陞之缺陞用

欽定剿平三省邪匪方略

正編卷二七七

欽定剿平三省邪匪方略正編卷二百七十八 辛酉年

十月初五日 戊申 勅保奏言 臣 於十五日行抵大

竹當將湯劉等逆分兵兜截維時探得賊匪分

竄隣水長壽江北四路紛擾當即飭令總兵田

朝貴帶兵由隣水一路尾追 臣 率同阿哈保薛

大烈等督兵馳向墊江一帶兜截詎該匪等於

官兵未到之先沿途擄掠百姓被脅同行者甚

聖祖聖孫萬歲

多約計賊夥連新裹難民已有四千餘人驟馬

亦驟增至一千餘匹 臣 遂一面嚴飭張志林永

寧等實力防守一面率阿哈保薛大烈等領兵

由墊江長壽取道兜截十七日午刻行至墊江

之太平舖該處民人尙在趕集據稱賊蹤尙遠

我兵行過太平舖五六里忽見居民紛紛上寨

聲稱賊匪將至 臣 遂暫紮該處派令副都統銜

協領達斯呼爾岱委參領台清阿泰將羅聲皋

遊擊傅廷佐桂涵等挑帶馬步官兵先進適遇

騎馬賊匪四五十人帶同步賊一二百人向墊

江大路而來達斯呼爾岱等向前圍捕先將旗

手一名箭射落馬該匪卽行折回我兵趕緊掩

殺斃賊八十餘名生擒十九名趕過登溪舖又

殺賊二三十名生擒十五名餘匪已經遠竄當

聖祖聖孫萬歲

將活賊滕于紹等查訊據供此股係湯劉張三

姓元帥自湖北轉回四川又被官兵打敗逃在

太平山內旋在八臺山地方有青號二百餘人

前來合夥聽得川省官兵一路在南江老林遂

商議從東鄉達州大竹隣水一帶要到川西又

聽說沿江防守甚嚴現在墊江隣水江北長壽

各路分撥擄人等語均係賊手概行正法 臣 當

卽令阿哈保薛大烈帶領兵勇由墊江梁山取道從東逼剿并飭田朝貴帶領兵勇由江北長壽取道從西逼剿臣由大竹中路進發該匪等望達州奔竄我兵分路兜截十八九等日探聞賊匪已歸併一路臣卽與阿哈保薛大烈等會合前進二十一日巳刻至達州所屬之瓦硎子探得前隊賊匪百餘人由魏家溝竄至盧硎寺

欽定剿平三省邪匪方略

三

河邊阿哈保薛大烈卽督兵馳擊立斃賊匪二十餘名生擒十六名餘賊踴淺過河當派副將海常都司薛陞追趕臣督率阿哈保薛大烈率領達斯呼爾岱台清阿防禦薩靈阿副將張績叅將羅聲臯蕭鳳來遊擊傅廷佐桂涵晉之璉都司張拱辰守備馬明德等大隊兵勇由盧硎寺進魏家溝望見賊匪大夥在前多係空手知

係新裹難民遂令官兵鄉勇向前高聲喊叫爾等被裹良民速行逃出當見各難民紛紛四散不下千人臣卽分兵追殺賊匪一路自魏家溝追過石板場倒塌乾溪子一路自大堰口追過蓮花菴板橋堰一路自張家壩追過響水硎大樹坪共殺賊四百三四十名生擒一百九名逃散難民復有八九百人餘匪向東鄉一路竄去

欽定剿平三省邪匪方略

四

臣提訊活賊內有偽先鋒王登級大旗手張思祿及戰手吳泳太等六十七名概行正法其餘被脅未久之唐文甲周項氏等四十二名口俱卽遞籍安插查此次賊匪由太平乘虛突出幸仗

聖主天威分路兜截不日以暇該匪等既未能窺伺

江岸又不能久在腹地肆擾統計前後擒斬賊

匪五六百名散出新襄難民不下二千餘名該
 匪敗殘東竄雖尚有二千人其中新被裹脅者
 居多即日趕上接仗自可聞風瓦解刻下賊夥
 向東奔逃有仍入太平之勢其梁山墊江長壽
 江北隣水大竹達州等處均已肅清誠恐尚有
 打散零匪潛匿林箐當令阿哈保薛大烈帶領
 大隊兵勇先行緊躡追剿臣酌留兵勇趕緊分
 投搜捕淨盡即行跟蹤繼進至李彬股匪現聞
 竄至通江絲蘿壩一帶地方并魏逆餘匪二三
 百人尙在通江邊界遊奕且聞齊家營并高二
 餘匪經慶成慶溥永明等由寧羌西北一帶兜
 剿經畧額勒登保亦在該境督辦該匪現在折
 入川陝邊界老林亦恐剿急竄川此時川北兵
 備空虛臣又不能分身兼顧是以酌派田朝貴

管領原帶兵勇前往川北在瀘南一帶會同候
 補道劉清相機堵截陝匪如果入川經畧額勒
 登保自必派兵緊躡前來亦可收兩面夾攻之
 效再接據候補道劉清稟稱該道會同遊擊陳
 弼在南江李家寨地方適有李彬股內偽總兵
 李元受差令駁賊何潮文至寨密稟情愿受撫
 本月十一日李元受即帶領賊營頭領雷仕榮
 等十九名前來懇求免罪該道等收留在寨令
 其寄信賊營陸續招出男婦共一百八十七名
臣口其餘自行逃散者甚多等語臣現在飛飭該
 道等將首先投出之李元受等優加獎賞再令
 轉向傳述設法招徠以散賊黨
 勒保又奏言查此次教匪不法蔓延數省其起
 事之始賊勢鳴張故各地方官紛紛招募鄉勇

聖朝聖德

五

聖朝聖德

六

以資防守爲數不下三十餘萬深慮費用浩繁
陸續散遣者已屬不少嗣因賊過嘉陵江並過
潼河川西川南一帶州縣亦俱招募鄉勇數又
加增自官兵將賊剿敗逼回川北其川西川南
各州縣新招鄉勇除酌留防江外其餘全行裁
撤上年夏秋以後官兵連得勝仗賊勢漸衰臣
復通飭川東川北各州縣酌量情形將鄉勇內
可以裁撤者卽行全裁可以歸團者卽行歸團
其勢難裁撤又不能歸團者酌留防禦其與甘
省接壤各要隘亦令察看情形分別裁撤其所
裁各處鄉勇均經臣飭令地方文武隨時收回
器械遣令歸農目下所存征防鄉勇通共僅有
二萬餘名較之臣初到川省時不及十分之一
數年來從未聞鄉勇被裁滋事指日大功告竣

聖朝聖學編卷之七

七

現在鄉勇只須照前裁撤尙無掣肘難辦之處
似毋庸另立章程轉滋紛擾至各州縣團練係
本地居民爲本地防守均屬有業之人事竣後
更無慮其流蕩無依惟隨征鄉勇出力多年論
功本應錄用技藝嫻習散之亦覺可惜當於撤
兵時卽令管領之將官逐細面詢如果有業可
歸情愿回籍者卽立時收繳鎗矛酌給盤費口
糧路票遣令還鄉並飭令地方官妥爲安置若
無業可歸不能回籍者查將來善後事宜內本
須籌議添設營制所添兵額卽將此項鄉勇作
爲新兵收伍食糧如人多額少一時不能全補
卽將餘剩鄉勇分各標營作爲餘丁遇有名糧
缺出隨時挑補是征勇一項亦不虞其難爲安
插均奏入

聖朝聖學編卷之八

八

上命軍機大臣傳諭勒保曰此次湯劉等逆由達州一帶奔竄經勒保督領鎮將連夜追擊共殲斃賊匪五六百名其中新被裹脅難民解散投出者不下二千餘名所辦尚好該逆等前在太平山內潛竄祇有一千三四百人到處裹脅聚至四千五六百人幾成大股今勒保奮力剿捕不予以暇該匪敗殘東竄核計此股現存賊數仍不及二千人勒保宜堅持定見專將湯劉股匪剿盡切勿以別股緊要為詞又復舍而之他此時額勒登保業已馳赴通江進剿高魏姚等股是川北一路已有大兵屯集勒保自可無須兼顧其川東邊界有德楞泰在彼搜捕龍逆亦可藉為聲援勒保惟當將湯劉等逆上緊趕辦完竣至李彬股內之偽總兵李元受帶領頭人前來投首勒保即令設法招徠固屬

聖旨 欽此

九

解散之一法但此等投出賊夥心懷叵測恐係詐降圖作內應當隨時密為察看不可輕信如遇打仗時應令其身衝頭陣以觀其認真殺賊與否如果真心殺賊再行量為獎賞否則破其詭計當示以懲創勿留為肘腋之患又所奏籌辦征勇一節與前諭令陸有仁將征勇挑作新兵諭旨適相符合此等隨征鄉勇出力多年技藝較嫻勒保於大功告竣後即將所撤征勇充當新兵此是正辦倘人多額少即分給各標營作為餘丁亦無不可

聖旨 欽此

十

初十日 癸丑 額勒登保奏言 臣 昨截剿高姚等股

賊匪逼向通江境內該匪等竄至佛頭山 臣 督

飭楊遇春格布舍楊芳等官兵分路剿辦詎該

匪分股奔逃一由菩提河一帶東竄一由天平

河一帶向西而來遂令格布舍楊芳應元寬張

瑗蕭福祿各帶兵勇分左右兩路追剿東竄之

賊臣率同楊遇春於碑壩沙壩一帶截剿西竄

之賊並剿捕附近零股二十七日楊遇春率領

前隊趕抵沙壩適該匪等二百餘人由黑炭溝

山梁竄至兵勇迎擊斬戮七八十人擒偽總

兵張洪楊上林等四十六名餘匪亡命逃匿訊

據張洪楊上林等供稱係高見奇股內之賊當

聖朝聖德

七

將該犯等凌遲處死餘俱戰手概行正法次日

派撥將弁帶領兵勇于山林中分路搜捕復獲

賊匪二十四名二十九日接據格布舍楊芳等

報稱探得賊匪竄向倒水洞希圖北遁總兵九

十由白雄關帶兵截擊殲擒二十餘名賊匪由

二道梁老林向東遁至馬家壩有繞竄松坪之

勢二十六日格布舍傅陞楊芳應元寬帶領馬

步兵勇由茶園河抄出松樹壩截擊張瑗蕭福

祿侍衛捫欽保等帶領兵勇追至黑洞溝該匪

竄上山梁抵拒張瑗等督率兵勇上攻格布舍

楊芳等又由右面抄上山梁從上壓下殺斃賊

匪一百餘人賊匪潰散山徑陡險各將領棄馬

步行分路趕殺見有賊匪數十人簇擁一賊奪

路奔竄副將張瑗遊擊吳廷剛祝廷彪率領兵

聖朝聖德

七

勇趕殺斃賊二十餘人擒獲十數人內有一人

背受箭傷被把總楊陞新勇張朝玉生擒該勇

認係首逆辛斗該逆亦自認不諱該匪等尙剩

二百數十人連夜翻山潛遁次早張瑗蕭福祿

等帶領步隊兵勇由山林轟遁格布舍楊芳等

帶領馬隊官兵由溝內搜剿張瑗蕭福祿一路

兵勇於山林搜殺五十餘名擒獲七十九名內

有兵丁周義鄉勇黃德和湯榮貴生擒偽先鋒
 蔡坤和偽總兵李貴二名餘賊逼下麻池寺格
 布舍傅陸揚芳等順溝追殺五十餘里殺斃七
 十餘人生擒九十八名內有侍衛德勒奇善前
 鋒吉蘭保生擒偽總兵蘇啟志一名外委蒲明
 鄉勇李杰生生擒傳教老掌櫃敖正道一名連
 日共計殺賊三百餘名獲賊二百餘名此股已

聖朝聖訓卷之三

三

全行掃蕩除將辛斗供詞錄呈

御覽外該逆及蔡坤和李貴敖正道等均飭令凌遲
 處死矛手蔣洪明等一百餘人皆卽正法其被
 脅未久之王宗周等八十餘名均給票釋放回
 籍所有擒獲賊目賊匪之官弁兵勇等亦分別
 各予獎賞又據穆克登布桑吉斯塔爾稟報自
 帶兵由四季河沿河進剿後九月初七日抵滄

永河探有楚人傑苟文明唐大信及藍白等號
 合夥賊匪由漳河坪大石溝花石溝而來穆克
 登布與桑吉斯塔爾分帶將弁兵勇赴廟壠子
 山梁迎剿偵知賊匪大夥在花石溝屯劄分出
 五六百人在廟壠子坡下圍攻民寨卽派委營
 總浸巴圖副將伊昌阿遊擊傅廷剛等帶領馬
 步兵勇五百餘名覓路繞赴花石溝口堵截賊
 匪來路穆克登布桑吉斯塔爾帶領侍衛噶達
 飛遊擊高萬春等及馬步兵勇六百餘名先剿
 攻寨之賊該匪卽棄寨逃遁穆克登布與侍衛
 將領等督兵掩殺賊斃一百餘人生擒六七十
 名該匪逃至花石溝口又經浸巴圖傅廷剛等
 截住殲斃數十名生擒二十二名賊匪順溝奔
 逃桑吉斯塔爾噶達飛等帶兵趕剿穆克登布

聖朝聖訓卷之三

古

即令浸巴圖伊昌阿傳廷剛等進剿花石溝內

賊匪該匪四散飛奔我兵乘勢追殺三十餘里

擒斬一百四十餘名不意山旁樹林內有伏賊

突出將前隊兵勇衝斷穆克登布帶領侍衛馬

隊趕緊上前剿殺將賊擊散復追逐十餘里殺

賊三十餘名當查有黑龍江佐領畢勒敦察委

官湛保遊擊傅廷剛把總張聯成俱中矛傷陣

亡浸巴圖身帶矛傷二處委防禦臯進保乖呼

里驍騎校哲勒格委官岳色納千總呂萬德萬

彪等均受矛石傷兵勇亦傷亡十餘人查此次

殺賊共三百餘人生擒一百一十五名內有偽

先鋒鄧添貴偽總兵楊鳳釐及旗手李朝興李

永治並有寨民拿送偽先鋒鄧士饒等二十三

名均訊明分別凌遲正法次日穆克登布帶兵

躡蹤緊追該匪迷連夜由界嶺竄回川境一面

飛行札知七十五截剿一面由正陽河平溪河

一帶探剿至張添倫殘匪二百餘人原派慶成

截剿現據探報該匪竄至陝境沿邊之黃廠老

林一帶慶成率領兵勇由麥子坪廟壩一帶截

擊節次亦有斬獲慶博德忠現復扼要堵截定

可剋期辦竣臣現已將辛斗一股殲除惟高姚

二逆各帶二三百人於通南一帶山箐中分股

潛逃又探得魏姓之賊五六百名在廣元山內

藏匿均須上緊剿捕現已派令格布舍楊芳等

各帶官兵分路探蹤設法搜剿將該匪就地殄

滅否則先行逼出老林總期將通南廣元一帶

一律肅清再由西向東探剿李彬等各股賊匪

再臣昨將獲犯偽總兵楊步青給與告示令其

宣諭解散並派遊擊陳弼帶往交道員劉清署
 通江令徐廷鈺設法辦理嗣據該道等稟報業
 於八月十七日遣令楊步青尾隨賊夥前往宣
 諭旋於九月十一日有賊目偽總兵李元受帶
 領探馬頭雷仕榮等十九人到寨跪投訊據供
 稱均係王士虎股內之人在松樹壩被官兵打
 散即逃到四川與李彬合夥今有楊步青回來
 傳說投出免死又見各處告示黃旗我等就商
 同乘賊起竄前後逃出如蒙免死情愿前往將
 夥黨一併喚出等語該道等面加獎勵隨令前
 往連日招出男婦一百八十名口造冊具報又
 據署通江令徐廷鈺稟報有襄陽老教閣天明
 帶領四十六人到寨投首供係張添倫股內之
 人該縣逐一查詢多係川省民人即行分別安

置又陝省邊界臣前經派令陝安道朱勳在安
 康平利一帶督同同知周光裕縣丞呂見順王
 世琳等辦理招撫茲先後接據該道稟報陸續
 投出龔榮忠韓進文等二百餘名皆分別妥為
 安置等情臣現督飭各路將領上緊剿辦庶該
 匪震懾兵威悔罪求生較易集事仍飭該道等
 將投出之人隨時查明有無家產妥為安插勿
 令失所奏入

上命軍機大臣傳諭額勒登保曰此次辛斗一股賊
 匪在倒水碓一帶分投奔竄經額勒登保督率格
 布舍楊芳等跟蹤追躡奮力截剿先後斬獲五百
 餘人並擒縛首逆及偽總兵蘇啟志等匪辛斗雖
 非極惡首逆亦係近來著名之賊茲經官兵併力
 截擊將此股全行掃蕩又穆克登布等剿辦英苟

等逆賊擒四百餘人並僞先鋒鄧添貴等二十餘
名所辦俱好其生擒辛斗之把總楊陞著卽以千
總陸用新勇張朝玉著賞給外委頂戴並酌賞銀
兩如伊願入伍卽令其當差以示獎勵此時川省
賊匪大局均已敗殘惟西北有李彬極東則有戴
四崔胡尙在遊奕無人追捕深爲懸念戴四崔胡
一股前經勒保奏七十五入陝剿辦現據額勒登
保札知該提督截剿樊苟等逆其戴四崔胡等股
究係何人剿辦至李彬一股從前在川境奔竄勒
保帶兵督剿現在李彬股匪在通巴一帶逃竄若
不卽爲剿淨必至與高姚等股合夥辦理更爲棘
手額勒登保已至廣元相去較近況所帶鎮將兵
勇亦多著於楊遇春格布舍二人內酌分一人帶
兵往剿務將此股早爲肅清再穆克登布追剿樊

《聖朝聖訓彙編卷之三

九

苟等逆伏賊從林內突出猝不及防致黑龍江佐
領畢勒敦察委官湛保遊擊傅廷剛把總張聯成
被傷陣亡俱著咨部賜卹此時大功將次告成帶
兵鎮將等遇山狹林密之處尤宜隨時留心不值
因剿捕零星餘匪致官兵稍有損折總當於奮勉
之中持以慎重又據奏僞總兵李元受帶領探馬
頭雷仕榮等十九名前來投首並招出男婦一百
八十名口等語此事業經勒保奏聞現又據通江
縣稟報投出老教閻天明等四十六名及陝安道
稟報投出賊夥二百餘名可見賊匪勢已渙散該
匪等悔罪求生赦其前罪固屬解散之一法但此
等匪犯心懷叵測反覆靡常可不必令其隨同打
仗況各股零匪均已敗殘搜捕將盡現在兵威極
爲壯盛尙何藉投出賊夥幫出力惟應明白宣

《聖朝聖訓彙編卷之三

十

諭該匪伊等本係罪犯凌遲今貸其一死已屬格外天恩當令各回原籍安靜守法毋得再行滋事並飭令地方官妥為安插嚴加管束為要

欽定剿平三省邪匪方略正編卷二百七十九

辛酉年

十月十一日

甲寅

上命軍機大臣傳諭額勒登保德楞泰曰近日節據軍營奏報各股竄匪經官兵屢次截剿勢日窮蹙不過奔竄深山老林苟延殘喘即日定可蕪功但此等邪匪祇係內地亂民乘間搶掠東奔西竄並無一定賊巢賊首非如從前辦理西北兩路及大小金川掃穴犁庭馳遞紅旗方為大功告蕪且起事積惡首逆如劉之協王三槐羅其清姚之富齊王氏王廷詔徐添德等俱以次就擒現在所剩龍紹周湯思蛟劉潮選樊人傑苟文明高見奇李彬戴四崔胡等犯並非起事諸逆可比即剿除淨盡亦無馳遞紅旗之理而額勒登保德楞泰等節次擒渠獻馘酬庸懋典朕已默識於懷一俟蕪事有

聖祖聖孫

三

劉卽當明降恩旨宣示中外是額勒登保德楞泰之功早經論定亦不在此時之殲擒湯劉龍苟諸賊也况現在各股賊匪四散奔逃伊等分兵追剿亦祇能陸續殄除勢難將零星股賊同時殲洗無遺卽如地方搜捕賊盜尙偶有免脫若因一二首逆未獲用大兵全力去彼搜剿何日方爲蕪事耶此時額勒登保德楞泰等應通盤籌畫如何辦定大局公撤大兵卽有一二遺孽或歸入搜捕餘匪善後事宜或酌留官一六督捕或竟責成本省督撫酌添本省兵力分飭搜剿惟在額勒登保德楞泰二人度量情形據實具奏一俟奏報大局裁定卽當明降諭旨酬庸奏凱彼時德楞泰當先行來京入覲叩謁

裕陵後令其前赴成都將軍之任辦理善後諸事再令

額勒登保還朝所有官兵應撤應留之處統俟額勒登保德楞泰酌量辦理此乃朕預籌全局務期蕪功完善伊等不可因有此旨遂爾草率完事或致異日復留後患則殊非朕意也倘此時蕪功尙無把握約於何日始能定局亦卽據實奏聞不可稍涉含混

十二日^{乙卯}陸有仁奏言連日接據探報賊匪齊

家營辛斗姚馨佐高見奇等股總在西鄉南鄭寧羌邊界往來逃竄齊家營辛斗一股竄至西鄉之菩提河分水嶺復經官兵逼向通江邊界之鞍子溝一帶適副將楊芳等帶兵趕到卽於黑河溝地方截住痛剿生擒首逆辛斗賊目蔡坤和並殲獲匪衆四百餘名餘賊無多向馬家壩逃竄楊芳緊跟追剿又高見奇餘匪竄至寧

羌邊界之沙壩楊遇春帶兵追截殲斃二百餘人其張添倫餘匪竄至寧羌之常家崖等處經叅將王興朝帶兵截擊賊即折回廣元邊界慶成慶溥現在分投堵剿經畧額勒登保由通江西河口移至寧羌邊界之沙壩一帶居中督剿此時各路官兵均在邊境偵探賊蹤分投剿辦所需糧餉臣督飭隨地源源運供幸未稍有缺

製看匪軍編查彙

四

誤惟查餉銀一項自六月以後祇有截留甘餉銀三十萬兩其餘皆在例餉及寧陝鎮經費內通融挹注嗣蒙恩准於甘省賑餉內截留銀二十萬兩並令將寧陝建營事宜緩至來春臣當即飛飭地方官暫緩興工先行搭蓋窩棚以資防兵棲止一面行知藩司溫承惠於甘餉內截留銀二十萬兩連淮

餉二十萬兩一併趕解漢中以應軍營要用連據該司具稟各營夏秋二季例餉需銀二三十萬現將淮餉二十萬兩截留省城酌量給領現在解到漢中僅止甘餉二十萬兩各路隨征兵勇八月分軍餉並酌發各營卡防堵兵勇分例我發尙屬不敷至九月餉銀已無項支發雖尙有粵餉二十萬兩據報八月始行起程須十一月間方可到陝緩難濟急因思甘省後起賑銀係備冬底明春加展之項尙可緩急相通以濟

製看匪軍編查彙

五

陝省目前要用隨與督臣長麟札商於晉省解甘餉銀內暫截借銀二十萬兩俟粵省餉銀一到即為照數歸還陸有仁又奏言查今歲自春徂秋興安漢中各屬及寧陝孝義等處寨勇一見官兵追賊相近

有集眾下寨協助者有卽在寨上轟擊者每次俱有殲擒其窺伺邊界之賊近處寨勇亦俱併力赴卡隨同官兵堵截並有零股賊匪竄入官兵未到之先卽經鄉勇轟出者至於敗竄潛匿之匪鄉勇隨地搜緝或生擒賊目或拏獲餘匪數名十數名不等臣於每次據報查明視其獲賊之多寡或賞發銀鏢銀牌或酌給虛銜頂戴使其觀感奮興益加努力就陝省現在搜捕情形而論零星逃竄之賊相近寨堡者已斷不致任其漏網其成股賊匪往往潛伏於深山老林人跡罕到之處是以殲洗稍稽一經官兵轟出各路寨勇並可幫同剿捕一面到處盤緝自無難尅日蕨功奏入

上命軍機大臣傳諭陸有仁曰據奏官兵分路剿賊

欽定剿平三省邪匪方略

正編卷二七九

六

情形與經畧額勒登保等所奏大畧相同至所稱九月餉銀無可支發與長麟札商於晉省解甘餉銀內再截留銀二十萬兩一節此項銀兩本爲甘肅賑濟緊要撥往現既據陸有仁截留應用亦祇可暫時通融俟粵省餉銀到陝卽當照數歸完甘省斷不可再行截留致悞該省災賑之用昨額勒登保已將盛京應撤官兵九百餘名分起照料起程其吉林黑龍江官兵應行撤回者均次第辦理現在陝省兵數有減無增而七十五一路現在川境未經入陝此時該省應用銀餉大可節省但大功不日告蕨一切善後尙須支用今又令兩淮鹽政書魯將銀三十萬兩撥解陝省儲備更爲充裕自可足資接濟陸有仁惟當督飭屬員撙節支用不可稍有糜費又據奏陝省寨勇無不齊心合力

欽定剿平三省邪匪方略

正編卷二七九

七一

陝省自團勇結寨以後遇有零星敗竄賊匪屢次搜獲送官深堪嘉許但恐自賊中投出之人寨勇等或希圖縛獻邀功或因素有嫌隙輒加戕害不可不預為飭禁陸有仁當出示曉諭各處鄉勇遇有官兵追賊相近即應出寨協助其被官兵剿敗零星竄近各寨賊匪該鄉勇即當奮力擒縛解送附近軍營或地方官審明實係真賊自當量為獎賞至教匪一經殺出即屬良民若鄉勇等因挾嫌報復遠行戕害不但不能邀功必當治以擅殺之罪如此明切曉諭於緝匪之中仍寓安良之意方為妥善

十四日_{丁巳}德楞泰奏言_臣接據探報龍逆竄至竹谿屬之五里堽李應貴等緊躡尾追該逆又由高足河東向雲霧溪竄逃賽冲阿温春色爾

聖祖聖訓編卷之

八

滾馬瑜蒲尙佐等趕抵招風崖賊匪又由雲霧溪北竄賽冲阿馬瑜侍衛達勒精阿富僧德協領穆騰額叅將馬應國等由右手之九道梁一帶遏其架入湖北腹地温春色爾滾蒲尙佐侍衛蘇爾伸副總管蘇清阿副將李應貴叅將馬元等仍即緊躡其尾該逆於二十三日至瓦桑河知右手北面已有官兵遂由大石堰一帶西竄勢必趨向陝界地勢稍平箐林亦稀馬力尙能施展_臣仍令賽冲阿馬瑜等帶領馬步隊分路兜剿_臣即移至三省毗連適中之大寧徐家壩扼要搜剿一面差探湯劉賊蹤一面分差兵勇四出哨探零星賊匪二十四日探得屏風寨有賊匪一百餘人當即派令總管富登阿副將達自祥叅將李東山等帶領馬步兵勇進剿及

聖祖聖訓編卷之

九

至屏風寨不遠賊四散遁入密林李東山等帶
 領步兵入林追剿共斃賊五十七名生擒謝恩
 俸等三十五名復又搜獲周方來等九名趕至
 向家壩只有賊匪十餘人連夜遁去據獲犯供
 稱係黃號張萬林股內前在陝西打散夥黨亦
 無頭目訊出戰手謝恩俸等二十五名當即正
 法其李維發等係安平寨難民概行省釋二十
 五日又據探報有由陝西鎮坪翻雞心嶺入川
 之易溪一股賊匪不知姓名約有七八百人向
 菜子壩一帶竄來臣即督率侍衛克什布西拉
 布法依當阿總管富登阿副將達自祥等帶領
 馬步兵勇連夜由銅罐溝大廟抄截令叅將李
 東山何君佐等帶領步兵由虎溪山進剿二十
 六日午後趕至鴨保溪追及賊匪臣亦由大廟

聖朝聖訓編卷五
 十

趕來追殺二千餘里沿途斃賊一百二十三名
 生擒劉佐輔何袁氏等六十九名口餘賊向陝
 界分逃訊據活賊供稱元帥名張應祥有五六
 百人總在山裏往來近在茅壩又與青號餘匪
 張二和尚帶二百餘人合夥商量要到湖北等
 語除難民劉佐輔何袁氏等二十八名口照例
 省釋外其王起華等三十一名概即正法人數
 愈少奔竄愈捷偶被官兵前後堵截又復旁竄
 晒荒而逃是兵去賊聚兵來賊散者皆由兵勇
 服色旗號與賊各別遙望即能分曉遂致賊匪
 見兵先逃臣現擬以每隊挑出奮勇兵勇二百
 名爲一起派令幹練勇往干把員弁管領裹糧
 數日概用黃白藍布號以扮作賊狀豎賊營大
 小旗號每起又令投出賊匪數人同行遇有零

聖朝聖訓編卷五
 十一

賊或伴爲入夥剿擊或當前突入劫殺或乘夜
搶撲賊營嗣有藍翎千總高星文何友富陳偉
等並各營兵勇告請前往者六七百名臣親加
獎諭以毋論何股賊匪多少遇賊卽剿按耳給
賞有能擒渠者卽行解營毋論員弁兵勇遵照
前頒賞格給以翎頂官職銀兩又因賊匪常有
假充官兵今官兵又扮作教匪形跡混淆恐沿

聖朝聖鑒編纂

十一

途之洞寨難以分曉俱各給以護牌爲照並令
各洞寨密爲遍傳無分兵賊總不准其入寨如
能協同搜拏亦卽一體加賞高星文卽帶兵勇
二百名爲一起令由湖北之張公橋雙橋子一
路何友富由向家壩一路陳偉由四川之二郎
壩一路探蹤搜捕二十九日據高星文稟報行
抵燈蓋窩左手老林內有賊匪二三百人因見

我兵係賊匪旗號卽遙喊前來會哨高星文令
賊營投首出力之韓自貴答以口號公然不疑
及至覲面問答似覺相疑高星文等喊同衆兵
勇刀砍矛戳立斃賊五六十名趕追十餘里擒
獲張萬祿等二十三名餘匪落荒散竄訊係黃
號內敗殘賊匪李大品除難民張萬祿等十五
名給票釋放外其江佐廷等十八名均已斬訖嗣
據七十五來信自黃墩水寨子追賊過陝由南
天門而至紫陽四季河知苟逆已回川境復向
茅壩折回二十四日探得平利小榆河竄來一
股賊匪八九百人七十五督率將弁兵勇趕至
手扒巖正值賊匪進溝官兵突出截爲兩段賊
卽佔住兩旁山梁副都統銜武隆阿參將鄭啟
貴都司羅思舉等衝上擒獲活賊五名賊卽散

聖朝聖鑒編纂

十二

走追至廻龍溪殺賊五六名擒獲劉其玉等四十餘名次日帶兵抄出小榆河沿途又殺賊十餘人擒獲大小男婦十餘名口賊又翻山逃入川陝界上老林七十五隨由矛壩一碗泉入川二十七日又探得烏龍溪一帶現有賊匪由五池子而來七十五派令武隆阿羅思舉等帶領兵勇剿殺殘賊十餘名擒獲金倫等八名十月初一日據賽冲阿溫春差來曉騎校富興等到營報稱連日冒雨由竹谿大石崖前河一帶趕追龍逆二十七日早間在陝西平利所屬之汝溪盤龍山岳家坪衝踏賊營將首逆龍紹周藏斃全股賊匪掃盡並請四合夥餘匪一併剿除查驗龍紹周首級衆認確實無疑臣詳詢情形實屬真切軍民聞知無不歡欣鼓舞俟龍紹

周首級送到驗明確實係何人藏斃及窮追打伏情形並出力將領員弁兵勇等另行具奏再查楚陝已無大股賊匪即樊逆合藍白號餘匪不過數百人現經總兵穆克登布趕追已至平利鎮坪一帶惟苟文明湯思蛟劉潮選李炳及高見奇魏棒棒姚馨佐等賊匪共三四股而每股亦不過一二十人均已逼入川省境內臣惟有與額勒登保勒保等將此數股賊匪迅速趕緊剿除其三省邊界零匪亦即公同籌商設法務期藏除淨盡迅速蒞事奏入

上命軍機大臣傳諭德楞泰日前經德楞泰等將龍紹周妻子兄弟並大小頭目盡次藏除該逆復與各股零匪合夥往興巴房竹及大寧一帶老山內奔竄轉稽誅經德楞泰督同賽冲阿溫春等分

兵追躡冒雨前進在陝四平利所屬之岳家坪等處衝踏賊營將首逆龍紹周殲斃全股賊匪掃淨並將肅四合夥餘匪一併剿除所辦可嘉之至此次剿斃龍逆係賽冲阿溫春帶兵剿辦而調度得宜實屬德楞泰之功德楞泰賽冲阿溫春者先行交部議敘並賞給德楞泰玉四喜葫蘆牌玉喜字搬指大小荷包賞給賽冲阿溫春玉喜字搬指大小荷包並發去鼻烟壺搬指搬指套各十件一兩重銀牌二百面五錢重銀牌二百面交德楞泰分賞出力將弁兵勇以示獎勵俟德楞泰查明該逆係何人殲斃及如何窮追打仗情形並出力將領員弁兵勇到日另降恩旨現在龍逆股匪既經殲除賽冲阿溫春又可騰出兵力以目前賊勢而論俱係零星小股惟湯劉股匪人數稍多德楞泰應

聖朝聖編卷五

六

令賽冲阿溫春順道先將山內餘匪剿竣即歸入德楞泰軍營幫同勒保合力剿辦湯劉二逆或德楞泰統兵剿辦湯劉大股令賽冲阿溫春就近分剿餘匪總在德楞泰酌量機宜妥為籌辦朕亦不為遙制其川北殘敗之賊亦祇有李彬一股與王冉餘黨合夥屢經降旨令額勒登保就近兼顧茲據德楞泰奏稱已移咨額勒登保商令撥派將弁即赴通江但此股賊匪為數較多德楞泰務當飛咨額勒登保督兵上緊剿除至所稱令官兵扮作賊狀前往攻撲賊營一節所辦甚是但此係官兵初次假裝該逆等未能知覺猝不及防官兵得以乘機掩殺若屢行此計賊匪自必知覺別生詭詐不可不防况賊匪前此即有假扮官兵之事今官兵又扮作教匪形跡混淆或臨陣時不暇辨別稍

聖朝聖編卷五

七

有錯悞轉致墮賊奸計關係非小務當留心慎重
再此時大功將次告竣所剩餘匪往往百十為羣
藏匿山谷官兵追捕稍不留意倘賊匪乘間突出
或致我兵稍有損折尤屬不值德楞泰當密諭帶
兵將弁於奮勉之中加以持重不可稍涉大意

十五日^{戊午}勒保奏言^臣前在達州盧洞寺魏家

溝一帶剿湯劉等逆散出新裏難民二千餘

○聖訓

六

人維時該逆等被官兵剿敗分逃有竄入東鄉
太平之勢其達州附近地方誠恐尚有餘匪藏

匿^臣當卽一面派令阿哈保薛大烈等帶領馬

步共勇先行緊躡追剿一面酌留兵力在達州

梁山太竹等處山林搜捕餘匪據新寧縣稟報

該縣所屬普安場相近地方黑夜有賊匪摸樁

當卽督同副將倭星額等帶兵前往途次復

據探報達州大竹交界之蒲包山尚有零匪藏

匿晝伏夜出隨卽分派參將張明德遊擊夏雲

龍等帶領兵勇趕往搜剿^臣二十五日行至普

安場該處場集未被焚掠詢之居民據稱天池

寺涼風壩一帶林箐有賊出沒摸樁附近居民

有被掠去者^臣當卽分派將弁兵勇督同鄉團

西路進山搜緝共獲九十七名內有陳國良等

○聖訓

九

四十五名訊係普安場附近之人甫經被擄當

卽釋放其李添允等五十二名訊係湯劉股內

戰手概行正法又據參將張明德回營稟稱在

蒲包山一帶督同鄉團搜獲打散零星賊匪周

老三等四十九名押解前來俱訊明正法訖旋

據探報賊匪竄至南壩場因前隊官兵已至下

八廟該匪不敢竄走太平卽折向紫水壩燈草

壩一路奔竄該處東走開縣可入雲陽萬縣東
北卽通馬家營老林阿哈保薛大烈等已改道
由三匯口長店房溫湯井一帶抄截等語臣卽
從普安場起身由永興場向南壩場一路進發
以遏賊匪西竄之路初二日至南壩場接據阿
哈保薛大烈等呈報官兵於二十九日由溫湯
井趕抵樺井壩探得該匪屯聚王家坪相距四

聖著纂要編卷五

三

十五里當於四更發兵初一日黎明趕至王家
坪山梁賊匪業已起行我兵隨向北斗關進發
扼住賊竄馬家營之路途次據逃出難民供稱
賊匪派有戰手五六百人埋伏楊坡樹林內要
截官兵後路阿哈保薛大烈等問明路徑先行
搜捕適有騎馬賊匪數人假充官兵向教學硯
探聽消息經硯民識破該匪驚逃我兵卽跟蹤

迎剿該匪奔上羊耳巖山梁佔踞阿哈保薛大
烈督同達斯呼爾岱副總管格亨得爾委泰領
台清阿副將張續海常等分投進攻該匪不能
抵敵殺賊五六十名生擒六十八名內訊出偽
總兵黎潮順大旗手張名揚探馬頭陳元順葉
時芳等四名其餘皆屬戰手訊明後分別凌遲
正法卽督兵趕緊前進並據各路探報該匪等

聖著纂要編卷五

三

已分竄土黃壩樊喻店八臺山等處現在一面
飛飭阿哈保薛大烈帶兵趕緊追剿臣卽由五
寶場一路兜截前進又據通江縣徐廷鈺稟稱
張添倫一股殘匪近由西鄉簡池壩竄至通江
朱姬廟一帶滋擾該匪股內有襄陽老教堂櫃
關天明聞有招撫

恩旨意欲帶眾投出心懷疑慮先令賊賊詹佑科到

安輯寨探問虛實路遇差員候補從九品徐若
 瀾攔住盤詰詹佑科告知情由該差員隨反復
 開導帶令同行至佛子崗地方見道旁林內有
 人潛匿窺探詹佑科認係閩天明即招呼出林
 告以招撫屬實閩天明遂招同夥四十六人齊
 出羅跪懇求免死情願隨同打仗出力該差員
 帶回通江經該令徐廷鈺審明閩天明與張添
 倫係表兄弟其同夥內尚有偽先鋒陳彥友探
 馬頭王正奇大旗手文貴友戰手彭應俸等共
 十一名^臣現飭該縣暫交候補道劉清處收管
 妥為駕馭酌量遣甲其餘被脅難民概行遞籍
 安插又據太平縣城口主簿趙炳然稟稱近日
 唐明萬股匪數百人竄入城口之黃墩柴家山
 一帶擄掠滋擾該主簿聞信即挑選防守鄉勇

欽定剿平三省邪匪方略 正編卷二七九

二百名並調附近粉壁柴家二寨團勇二百名
 乘夜潛往楚賊甚多救出男婦四十一名查城
 口圍練鄉勇歷年培剿竄匪最為得力今該主
 簿趙炳然復能督率鄉團各勇乘夜攻殺賊匪
 多名實屬可嘉^臣現發去銀牌一百面令其分
 賞出力團首軍功鄉勇人等其主簿趙炳然如
 果始終奮勉出力再行奏請鼓勵奏入
 上命軍機大臣傳諭勒保曰湯劉等逆由紫水壩等
 處奔竄經勒保派令阿哈保薛大烈督同將弁兵
 勇趕緊追躡殲擒二百餘名賊勢已就窮蹙無難
 尅日掃除勒保務須遵照節降諭旨專辦湯劉股
 匪剿洗淨盡再辦餘股切勿茫無主見舍此就彼
 昨德楞泰已將龍紹周一股辦竣即日移師馳赴
 川東協剿湯劉股匪可收兩面夾擊之效其李彬

五九

一股昨亦令德楞泰飛咨額勒登保督兵上緊剿除勒保更可無庸兼顧惟當堅持定見與德楞泰併力合攻將湯劄一股迅速游竣至張添倫股匪閻天明招同夥黨自行投出勒保卽交劉清收管遣用劉清雖爲賊匪素守信服但此等匪徒心懷狡詐若明示招撫日聚日多難保不又生反側目下辦賊究宜以剿爲正務其自行投出者原不必

聖祖聖孫編覽

西

拒而不納惟受撫則可而四處招徠則斷不可卽此次投出閻天明等數十人亦祇應令其各回原籍何必留營遣用刻下大功將竣各路俱有兵勇足資得力又何藉投出賊夥幫同打仗且兵勇等殺賊立功可以量予官職此項罪在不赦之人貸其一死已屬格外施恩卽有微勞豈能驟邀錄用應卽令劉清明白曉諭該匪等凡係從賊之人但

經官兵拏獲俱屬罪犯凌遲斬決至伊等積年老教於法本無可貸幸而伊等悔罪投出皇上如天好生之德不追既往寬以一綫實屬法外施仁伊等當各回原籍安靜守法並著各該地方官妥爲安插隨時稽查嚴加管束勿令滋事至投出夥黨回籍後恐該處百姓以伊等不齒鄉里互加凌辱勢必不能相安並著諄諭該處民人等以現在投

聖祖聖孫編覽

五

出之人不甘爲賊卽與良民無異爾等斷勿存歧視之見俾得各安其業勉爲良善以靖地方

欽定剿平三省邪匪方略正編卷二百八十 辛酉年

十月十九日 壬戌 吳熊光全保長齡奏言 臣等前

此分投剿截賊股逼入南山猶在房縣邊境且

房竹境外與川陝接壤因公同籌酌 臣全保長

齡與總兵孫清元吉林泰德昌王懋賞等各帶

官兵分路扼截以為犄角 臣全保將陳士學賊

股剿敗後查陳家鋪為房竹兩縣東北要隘遂

剿平三省邪匪方略

由秦口移兵陳家鋪旋據總兵吉林泰稟報混

溪一帶另有股賊匪竄至胡溪該鎮派遊擊

常羣前赴迎截該匪又由石板河竄至唐家坪

臣全保查該匪已至唐家坪必東竄小深河長

峪河等處當即親率叅將孫應奉等帶領兵勇

連夜馳赴長峪河迎剿並派侍衛富翰總管都

當河叅將德興等帶兵赴得勝坡一路攔截匪

侍衛塔津保叅將承祿赴稽洛河一路扼堵初

五日辰刻 臣全保馳抵長峪河賊匪正從此一

路前來兵勇設伏山後待該匪竄近衝出迎頭

截殺該匪竄上山頭 臣全保與叅將孫應奉等

率兵撲剿該匪翻落小溝官兵乘勢下壓斃賊

二百餘名該匪亂竄官兵追擊二十餘里沿途

復斃賊百數十人生擒執旗指揮眾賊之騎馬

剿平三省邪匪方略

賊目一名步賊五十二名餘匪竄至梯子溝侍

衛富翰與叅將德興分兩路抄截斃賊二十三

名生擒偽先鋒張世才彭潮良二名散賊二十

一名其餘帶傷逃遁者亦多該侍衛追至葛藤

口復獲男婦十六名口餘匪折竄嶺洛河高淌

河又經侍衛塔津保叅將承祿帶兵扼截該匪

敗遁南竄白河口老林當將兩次獲賊審訊僉

供此股本係戴四掌櫃與陳大麻子陳士學為首陳大麻子一夥在竹山黨家溝被官兵剿殺大眾逃散後到陝西地方遇戴家營會合逃竄因陝西無食可掠又聞陳士學投入龍八營內合夥戴掌櫃亦從唐家坪竄至等語內執旗騎馬賊一名係張起倫乃張添倫堂弟又張世才彭湖良二名為賊營先鋒與旗手矛手張玉順等六十二名分別擣割正法其餘余應可曾陳氏等四十七名口發給路票資送回籍查戴家營賊股此次經官兵迎頭截殺賊擒過半偽帥先鋒已一併就擒餘匪自易殄滅臣長齡前因龍八陳士學一股折向東南奔風帶兵自東而西在高尚河獅子巖等處擣剿沿途俱有殲擒該匪晝夜狂竄從河家壩邊界遠去現據探報

房縣南山另有賊匪竄匿臣由上龔移兵官渡一帶拒剿如遇戴家營殘匪南竄亦得擣頭迎截至青號王四一股竄至興山副將樊雄楚將烏爾卿額管總武成額泰領特克興額遊擊毛秉剛等帶兵抄至土地嶺正值該匪在馬家河攻撲民寨毛秉剛同都司陳安信等帶兵由土地嶺左山壓下樊雄楚同烏爾卿額武成額特克興額帶兵由漆家坪隨進該匪疾竄民寨得保無虞毛秉剛奮力追擊斃賊六七十人至貓兒觀地方前有溪河一道該匪涉水奔逃淹斃五六十人追至石虎頭又遇樊雄楚等與毛秉剛合力並剿斃賊八九十人生擒徐宗順等二十八名訊據賊供此股頭人係王姓元帥又有龍逆股內之何總兵帶領散賊二百餘人合

聖朝龍運編查全

三

聖朝龍運編查全

四

駁當卽分別正法內有關成富等十四名訊係
被裹當卽省釋餘匪仍向興山屬之王家壩一
路逃遁又據德昌稟報陝境石札河一帶九月
二十八日有賊一股滋擾逼近楚界該鎮率同
遊擊歐國光守備方雲超等往剿至釘鈿溝遇
賊該鎮率同將弁兵勇攔頭轟擊斃賊七八十
名生擒向成鈞等九名訊據賊供係崔宗和股
內餘匪經七十五在大榆河剿敗逃散後復又
會合思入楚境今被官兵剿敗該匪仍向陝境
遁逸又據臣全保派往邊界招撫之通判王樹
勳會同守備胡宗典稟報九月二十日探得賊
匪在竹谿邊外之一碗泉地方該通判守備等
前赴西溝一路設法招撫據外委萬祖述等探
有兩股賊匪先後向太平溪奔走後隊之賊趕

聖朝聖訓編卷三

五

上前隊互相攔殺相離西溝不遠該通判守備
帶兵前往迎截當有賊隊散出男婦紛紛來降
該通判守備等令願投出者拋棄器械奔避上
山後隊之賊竟向官兵直撲該通判守備等率
兵施放鎗礮轟斃賊匪二十餘名該匪仍向一
碗泉竄走當查投出男婦共七十五名口多係
川陝大寧太平紫陽平利等縣民人卽發給路
票盤費遣令回籍並移知各原籍地方官妥爲
安頓臣等復查川陝各股零匪每遇官兵剿急
輒思奔擾楚境蹤跡益形飄忽楚境邊界綿長
兵力只有此數雖有臣全保長齡兩路策應之
兵但合計不及二千餘名臣等再四籌商現在
各賊股人數無多其勢散漫剿則易於殲除堵
則難於防範不若合楚省現有兵力分扼房竹

聖朝聖訓編卷三

六

東北一帶腹地則為途較近聲勢易於聯絡遇有賊至即扼住東北兩面分投截剿俾分竄之賊節節受制自可早就掃除而各路將弁兵勇一經派往俱思奮勉立力較更得力統俟邊境肅清其時川陝賊股如尚未一律殲滅盡淨再當相機設防連日各路打仗兵勇間有傷亡月行查明咨部辦理奏入

聖朝聖德編卷八 七

上命軍機大臣傳諭全保長齡曰此次戴家營股匪在長峪河一帶奔竄經全保督率叅將孫應奉等帶領兵勇星夜馳赴該處分路截剿先後斬獲六百餘人並生擒偽元帥張起倫偽先鋒張世才彭潮良實屬奮勇可嘉全保著賞給白玉搬指玻璃盒大小荷包孫應奉著賞給綠玉搬指大小荷包並發去玉搬指鼻煙壺各十件令全保分賞出力

員弁此時楚省餘匪均已敗殘吳熊光現在馳赴隨州辦理流棍所有各股殘匪即責成全保長齡上緊搜淨至楚省邊界綿長現在賊數日少存兵只有此數與其將所用之兵在無賊處所防守不若撤回各營隨同打仗聲勢更為聯絡全保等可即將此項兵勇檄調來營分扼房竹東北一帶俾分竄之賊處處受制可期剋日蕩平

聖朝聖德編卷八 八

二十日 癸亥 額勒登保奏言 臣於初二三等日偵探各股匪蹤截剿接據探報高見奇股匪數百人竄至通江鐵廠河勢將西竄與我軍相距二百餘里當即派令副將張廷楷叅將特依順保遊擊劉健標等挑帶兵勇千餘名由桂門關黃栢坪往擊初四日午後進抵蟒洞溝遇該匪竄至官弁兵勇等追趕數十里沿途斬戮四五十

人生尚盧開甲等三十五名餘匪由大小苟坪折向東趨張廷楷等將所獲各犯解送臣營仍卽由青磁子一帶跟蹤追去臣當訊獲犯皆係積年老賊均卽正法適接據道員劉清遊擊陳弼等稟報李彬股匪於巴州之石窩場通江之瓦石舖奔竄劉清陳弼等率領壯勇截剿於蕭口地方殺賊三十餘名撲河死者十數人並投出孔老八等三十六名餘匪由毛峪鎮竄向南江境內臣一面札調副將張廷楷所帶兵勇前來歸併協剿一面飭令格布舍楊芳等就近在彼探剿高見奇股匪初五日率同楊遇春等取道鷹嘴巖兩河口馬家臺而進初七日馳抵平河探知李彬股匪已入廣元地界初八九兩日帶領官兵兼程進發由三家壩出通坪偵知賊

欽定剿平三省邪匪方略 正編卷二八〇

匪竄至高坡東溪場西至百丈關只七八十里卽於三更時發兵臣與楊遇春分爲先後相繼前進楊遇春與副都統銜全德率同副將張琰蕭福祿叅將吳廷剛等帶領兵勇先顧百丈關午後趕抵該處正遇騎馬賊探十餘人經前隊馬兵追獲二名訊稱李彬大股現在柳溪溝花廟子屯劄差來探聽官兵消息等語當將該二犯砍斃臣一面督率兵勇由段家壩迎頭進發該匪已由柳溪溝竄上贊家梁臣率同副將陳尙德叅將唐文淑等帶領後隊兵勇自旺蒼壩捷徑翻老土地大山亦趕到贊家梁兩路馬步兵勇奮力進擊斬獲七八十人賊匪潰竄復趕過兩重大山沿途又殲斃五十餘名生擒七十餘名賊衆向苟家梁遁去時已昏暮官兵卽於

欽定剿平三省邪匪方略 正編卷二八〇

金寶山暫劄訊據獲賊吳良文等供稱係李彬
 股匪及王冉餘匪竄合一處原有二千餘人向
 在通巴一帶奔竄近因外間有人招令出投李
 彬恐人心不齊駭黨解散要往陝西使眾人離
 家漸遠不敢散出今日到柳溪溝探明路徑明
 日要由旺蒼竄出百丈關過河不想被官兵迎
 殺大夥仍已折回等供除將從逆日久之吳良
 文羅會周等三十七名正法外其餘係附近被
 脅之人即行釋放探得該匪連日向東南竄至
 蒼溪地界次日臣仍率楊遇春等五鼓進兵由
 黑元壩亮啞子至木門適副將張廷楷等所帶
 兵勇亦趕到會合現即加緊追剿不予以暇以
 期痛加懲洗至姚馨佐魏逆等餘匪現在南廣
 一帶藏匿張添倫殘匪經慶成慶溥等於寧羌

之二郎壩等處截回亦匿入南廣山內現在勒
 保派令總兵田朝貴帶領兵勇前來協剿李彬
 賊匪臣已飛札飭令該鎮即赴廣元一帶剿辦
 姚魏等股零賊不許闖入寧羌刻下陝境西北
 一帶有慶成慶溥永明等帶兵截剿一時亦不
 能他竄臣惟鼓勵官兵先將李彬大股辦理得
 手再相機督率將南廣一帶賊匪次第肅清
 額勒登保又奏言臣欽奉
 上諭以李彬魏逆賊匪現在無人跟剿
 飭令派員往剿等因伏查李彬本係川境賊匪於通
 巴一帶奔竄臣前於西鄉地界剿辦王冉二逆
 後即由西鄉馳抵太平復折向通江原係探剿
 李彬等股且以勒保在廣南一帶截剿高魏等
 賊若顧住西北將各股匪逼向東來更可兩路

聖朝聖編卷三十一

十一

聖朝聖編卷三十一

十一

夾擊詎勒保將冉學勝擒獲後高魏姚辛等逆
已乘間由西北竄向寧羗臣恐其入棧竄甘又
不得不先其所急至臣所帶將弁兵勇除穆克
登布分帶外臣及楊遇春所帶合計七千有奇
昨又分爲兩路令格布舍楊芳應元寬等帶領
三千餘名自爲一路兩路又各隨時相機或分
爲三四路四五路不定臣往往親率數百人踰
越險阻逐北追奔非不知稍加慎重誠以刻下
賊匪大勢如此非分兵剿捕不能集事至陝境
防剿官兵爲數本多非不可酌量調撥因賊匪
分竄邊境綿長設卡分營皆關緊要不能輕易
調動且各官兵皆非若臣一路習慣奔走之人
只可令其以逸待勞防剿附近賊匪而不能令
其遠道追擊此所以賊股分竄未能逐股分派

追剿也至賊匪大數前次開單具奏時通計尙
有二萬四千餘人茲奉
聖諭以臣及各路節次擒斬賊目核之屢次所奏賊
數現在不及萬人臣前次所奏賊數亦不過
約畧計算至節次所奏擒斬數目惟實係生擒
者可以按名指數至若臨陣殲斃者勢不能沿
山遍嶺逐一細查亦不過約畧計算若必謂具
奏若干卽實有若干雖臣亦不敢自信至若以
未接仗而言打仗擒斬一人而奏稱十人此則
昧良辜
恩臣斷斷不敢出此各路帶兵大員皆係渥荷
委任之人想亦能從實辦理臣現仍遵
旨將現有賊匪約畧開單恭呈
御覽合計大數一萬有零此外卽有零星無名之賊

未能列入單內者至多亦不過三千人現將大局情形通盤籌度如高見奇姚馨佐張添倫李彬龍紹周唐明萬湯思蛟劉潮選苟文明樊人傑戴四等股賊匪有臣與德楞泰勒保楊遇春七十五各帶大兵分路剿辦自可計日殲除其中能首夥全行淨盡者固屬甚善但恐各股再加痛剿之後人數益屬無多無論首逆已除未除而分路奔逃零星日甚川陝楚三省邊界綿亘數千里處處皆深山老林凡剿敗零匪竄匿其中官兵一時既莫測其蹤迨至分路探明遠涉而去該匪早向他處遠颺及至官兵甫經轉回賊匪又先後踵至輾轉追逐斬獲寥寥而官兵已疲於奔走此等零匪實非全恃兵力所能剿捕且亦非急切所能淨盡查川陝楚防剿

聖朝聖編卷五

五

官兵不下七八萬刻下賊匪大股未除固不能即將防兵裁撤不日大股既除若以如許官兵投捕零匪亦實萬分不值臣竊以首逆中有緊要著名者不可不趕緊剿除各股中有二千餘人及千餘人至數百人者不可不迅速撲滅至若零星餘孽四散分逃總計雖尚可盈千而散竄實不能滿百毫無伎倆殘喘苟延邊境雖未盡救寧而大局即已為戡定彼時東三省滿兵及他省漢兵均可酌量奏請撤回所有川陝楚三省官兵即各歸本省並挑留隨征得力鄉勇令本省提鎮大員率領搜捕餘匪臣或於川陝邊界居中駐紮飭辦現在川陝寨堡聯絡須分派道府率同州縣及正佐委員團集壯勇並大示招徠各零股有人數較多者則以兵勇擊之

聖朝聖編卷五

六

人數無幾者則以寨勇緝之如有逃散悔罪投
誠之人卽查明有無產業分別安置寨勇內有
能搜捕出力或能設法招致出投卽隨時酌量
賞資以示獎勵如現在陝省道員朱勳川省道
員劉清皆已辦有成效可見事屬易行至各省
官兵需用鹽糧有限

聖朝聖訓卷三

七

國帑不致多糜而本省提鎮將弁帶領兵勇分段
併力搜拿責有攸歸亦不敢稽延再留餘孽此
等畫大畧情形如此俟大局一定當與德榜
泰勒保長麟吳熊光等公同籌議詳晰奏

聞

現仍鼓勵官兵上緊剿辦不敢只擒首逆置餘
匪爲後圖亦不敢忽視餘氛致事後復有滋蔓
同日德榜奏言 昨據差報官兵在陝西平
利屬之盤龍山岳家坪已將龍紹周職斃茲查

得龍逆被逼出山向西奔逃二十六日官兵冒
雨趕至竹谿上鵝坪時已傍晚而南江河溪水
漲發急溜洶湧雨雪交加賊匪搶得小漁船二
隻渡後打沉兵至河岸水深浪大卽於就近林
內令衆兵勇砍伐樹木趕搭浮橋步兵先過雪
勢愈大卽暫屯於瓦房溝一面差探賊蹤去後

聖朝聖訓卷三

六

賽冲阿温春等馬隊至夜始過亥刻探得龍逆
紮於隔山三十餘里之汝溪該處先有由曾家
壩竄來一股零星賊匪一百餘人屯踞龍逆已
與合夥賽冲阿温春等公同商酌賊匪諒官兵
不能渡河其心必怠正當乘雪夜而進總兵蒲
尙佐副將李應貴參將馬元馬應國遊擊涂陞
卽帶步隊兵勇連夜冒雪前行賽冲阿温春色
爾滾馬瑜等繼進又據千總史定川等帶寨民

羅正高等前來詢稱兩股賊匪合夥約有三四百人屯於岳家坪係在盤龍山藥山老扒之前如從前面攻打賊匪必鑽入老林惟右手新寨子後有小路進盤龍山老林即在岳家坪背後可以截賊竄入老林之路隨令李應貴徐陞都司彭家棟參革都司馬光宇藍翎千總史定川藍翎鄉勇首謝金章等先帶兵勇由新寨子小路進盤龍山老林扼其去路蒲尙佐參將馬濟遊擊沈洪都司賀廷印守備熊敏謙千總馬正朝等由南向東北走中寨子繞過賊巢之南溫春色爾滾侍衛達勒精阿蘇爾伸副總管蘇清阿參將馬應國都司珠勒亨候補守備龍必達由中分爲兩路直衝賊巢賽冲阿馬瑜侍衛富僧德協領穆騰額佐領達春遊擊張應貴都司

聖朝集賢錄卷三

九

曾壽守備謝成貴由左手楊溪山梁走大柴溝西面扼據會家壩之路計李應貴等之兵約入盤龍山老林抵岳家坪背後溫春色爾滾蒲尙佐三路分投而進雪深過膝天甫黎明適又大霧瀾漫賊衆全不知覺馬元馬應國等即率兵勇衝進猝加剿殺賊衆慌亂向藥山老扒奔逃正遇李應貴之兵兜頭殺出溫春色爾滾等帶馬步兵抄來賊遂敗奔下山蒲尙佐等又由汝溪山梁左邊而來立殺賊一百五十六名生擒八十三名有鄉勇李大朝魏忠才林材見一賊身材高大料係頭目趕前戮之該逆疾走被橫木絆倒李大朝用矛刺中背心該逆急起猶復奪矛被魏忠才林材從傍趕來連刺而死餘賊百餘人盡皆跌坎滾崖死者六七十名尙有三

聖朝集賢錄卷三

十

四十人向會家壩西竄又被賽冲阿馬瑜等迎
 頭截殺立盡又有竄賊三十餘名遁入藥山老
 扒林內馬元馬應國復帶兵勇趕入全行剿殺
 並無一名漏網臣前恐龍逆被獲刻難辨認有
 賊營投出情愿出力殺賊之楊正理楊正修胡
 世貴席國倫等隨作眼目嗣李大朝等呈繳首
 級前來當經楊正理等指認僉供實係龍紹周
 復令於擒獲各逆內指出藍號偽總兵胡初位
 一名於賊屍內指出偽總兵曹應彪偽先鋒劉
 泗玉賴大魁總探馬何義元孔添太偽千總王
 興旺等多名遂將龍逆屍軀鑿剖訊明獲犯均
 係矛手概卽正法查前奉
 諭旨賞格內龍紹周若能臨陣殲斃者官員加一等
 陞擢兵勇卽拔補千總並賞銀五百兩令鄉勇

欽定剿平三省邪匪方略 正編卷二八〇

李大朝等係三人擒殺擬以銀三百兩賞給李
 大朝并賞戴藍翎卽以千總拔補以銀二百兩
 分賞魏忠才林材二人均賞給七品頂戴請以
 把總拔補藍翎千總史定川於追剿龍逆時帶
 領兵勇哨探賊情奮勇倍著打仗最爲出力臣
 於前奉
 原賞花翎四枝內先行傳
 旨賞換花翎又查追剿龍逆滿漢馬步兵勇旋轉於
 興房巴竹巫大老山之內爲五年以來未有之
 辛苦臣卽傳集滿漢各營馬步兵勇宣示
 皇仁賞銀三千兩令其均分給復面加剴切曉諭
 兵勇無不踴躍感發奮興並查明最爲出力之
 將領員弁兵勇等繕單奏懇
 天恩

七一

德楞泰又奏言據千總高星文何有富等稟報擒斬李士品餘匪後探明川楚界連之南坪地方現有賊匪二百餘人在彼擄掠殺傷百姓數人該弁等於初三日分路夾擊殺賊四十餘名擒獲活賊陳崇禮等十七名該逆由磨刀溪鑽越老林向大禾田竄來查大禾田距徐家壩五六十里臣於初五日清晨得信卽派侍衛法依聖祖實錄卷三當阿克什布總管富登阿協領明德副將達自祥參將李東山帶領馬步兵勇五百名向東北迎截午刻趕抵大禾田正值高星文等趕追賊匪下山我兵疾馳迎剿兩面夾擊立殺賊匪一百餘名生擒李尙文等二十五名此起賊匪卽時全數掃盡訊據李尙文等供稱係青號王山股內夥匪並訊出難民陳崇禮等二十八名均

卽給票省釋其李尙文等十五名俱係老教黨卽正法初七日又接七十五來信帶兵前赴太平專剿苟逆因取道烏龍溪後坪山內前進初三日至和岡溪有賊匪迎頭而來卽令副將張良槐擊營令副都統銜武隆阿都司羅思舉蒲佑盛守備李朝帶領兵勇兜剿七十五自率遊擊蕭太和沈文同等繼進至烏龍溪匪衆卽佔住山梁武隆阿等飛馳由燕子壩趕至三十餘里之凌洞壩大山絕頂路徑陡窄棄馬緊追匪衆憑高拋擲礮石我兵冒石仰攻七十五見恃險費力卽令營總傅森額帶馬隊由溝底旁抄橫截令參將鄭啟貴帶兵繞出八步雲之前武隆阿等見已分兵抄截一擁而上痛加剿殺外委張興邦帶領兵勇立斃數賊餘衆敗下八步

雲我兵三面兜剿斬殺百餘人友滾巖並自刎者只竄去賊二三十人拿獲活賊一百六十三名查出偽總兵王曰貴劉登科偽先鋒石正清偽千總方明富傳教老師田進榮等訊據劉登科供係龍紹周股內總兵在開縣一帶游奕陸續會合老藍號先鋒石正清帶有二三十人白號老師田進榮千總方明富有五六十人老黃號總兵王曰貴亦有四五十人青號老師龍連達馮大寬亦有八九十人等語除訊明新據各寨難民秦有諒等二十七名省釋外其王曰貴等均卽正法至七十五所剿之王曰貴等股賊匪三百餘名卽係_臣前奏開縣楊柳池不知姓名賊匪三百多人所供情節相符因知勒保東來是以聞風入山茲幸剿除又去一小股零匪

聖朝聖編卷三

三

並聞湯劉二逆已至開縣向北而逃走榨井壩而至太平七十五現向太平山內前進_臣擬由夔府之寶塔紅池壩入山探蹤迎擊冀與勒保或能兜剿或爲兩面夾擊由東北逼向川北又可與經畧額勒登保合力剿辦均奏入上諭內閣曰額勒登保於嘉慶元年冬間攻克湖南平隴賊巢曾經賞給侯爵並雙眼花翎二年春間苗疆事竣帶兵前往湖北因剿辦教匪遲延革去侯爵授爲伯爵又因擒捕首逆覃加耀辦理遲緩革去伯爵及領侍衛內大臣都統後復授爲經畧大臣又因屢次殲擒首逆冷添祿阮正滌龐洪勝伍金柱汪廷詔高二馬五節經加恩復予優擢遞封二等子爵賞還雙眼花翎數年以來所至之處身先士卒調度有方楊遇春等節次生擒渠魁皆

聖朝聖編卷三

三

係額勒登保分出兵力調遣合宜故能所向克捷
將一餘萬之賊殄除殆盡所餘僅十分之一現在
川北地方惟李彬一股賊匪尚有二千餘人較之
從前擒獲各首逆股內人數亦相去懸絕目下額
勒登保復帶兵前往通江一帶奮力截剿即日定
可殲淨其另摺所奏軍務戡定情形及搜捕餘匪
辦理善後各事宜皆與朕每日指示軍機大臣等

聖祖實錄卷之

三

意旨不謀而合具見額勒登保胸有把握籌畫全
局悉中肯綮深堪嘉獎額勒登保著加恩晉封三
等伯並賞給黃面貂皮馬褂俟李彬一股剿淨後
再加懋賞德楞泰亦因平苗蕩功賞給子爵及雙
眼花翎副辦教匪在穀城殺賊千餘復賞用紫
韁旋因追剿齊王氏姚之富等未能迅速將伊所
得世職花翎紫韁革去自嘉慶四年以後節次殲

擒首逆內文僑高均德楊開第徐樞謨等而其功
績最著者尤在截剿偷渡嘉陵江股匪生擒首逆
冉添元保全川西數百萬生靈至今該處民人無
不感頌疊次加恩復遞封為一等子賞還雙眼花
翎本年又將徐添德龍紹周兩股劇賊全行殲滅
厥功甚偉著加恩晉封二等伯並賞給黃面貂皮
馬褂此時川東惟湯劉二逆尚有二千餘人德楞

聖祖實錄卷之

三

泰現由夔州入山迎擊與勒保兩面夾剿即可盡
數掃除俟湯劉股匪辦理完竣再當加恩優獎賽
冲阿温春在德楞泰一路帶兵剿賊凡德楞泰所
得之功伊二人俱協同出力雖疊次仰邀恩賞交
部議敘尚未得有世職此次殲斃龍紹周係伊二
人帶兵剿辦賽冲阿著加恩賞騎都尉世職並賞
給海龍馬褂温春著加恩賞雲騎尉世職並賞給

黃面烏雲豹馬褂以示獎勵至軍機大臣慶桂董
誥戴衢亨數年以來承旨書諭尙能周到勤勉著
加恩交部從優議敘成德本年甫令在軍機處行
走亦著加恩交部議敘軍機章京章煦自剿辦教
匪以來所有軍營事件係一手繕辦是以節次加
恩陞擢昨因陞用大理寺少卿軍機大臣奏明不
應在軍機章京上行走特降旨暫留並著加恩交
部從優議敘其餘出力章京等著慶桂等擇其尤
爲勤慎者奏明交部議敘

上又諭內閣曰德榜奏查明軍營出力將領員弁
兵勇請旨分別陞賞此次剿除龍紹周全股賊匪
該將領員弁兵勇等奔走荒山窮谷不避險阻奮
力剿賊實屬可嘉頭等侍衛喀爾崇依巴圖魯達
勒精阿著賞給副都統銜黑龍江粘杆副首領蘇

伯遜額巴圖魯蘇清阿著賞補副總管吉林領催

委官獎賞藍翎福柱賞給西濟爾渾巴圖魯名號

粘杆副驍騎校獎賞藍翎常德賞給呼爾察巴圖

魯名號各賞銀一百兩副將李應貴著加恩記名

以總兵用叅將馬應國著加恩賞給副將銜遇缺

陞用叅將馬濟著賞給伊特格勒特依巴圖魯名

號遊擊涂陞著賞給烏勒興額巴圖魯名號各賞

銀一百兩都司彭家棟著賞換花翎守備李榮陞

把總岳廷森外委李登俊柳占魁買朝柱高維章

額外外委袁崇朱仲魁兵丁張應才徐元貴劉占

一周朝李自貴王廷耀楊貴鄉勇李開先劉奉武

鄧玉陞楊昌泰俱加恩賞戴藍翎已革都司馬光

字著加恩賞給守備銜遇缺補用又據稱知縣徐

士林鹽大使米喬齡均能不分畛域挽運軍糧並

從九品李弼隨營日久始終奮勉徐士林著加恩賞給知州銜遇缺陞補米喬齡路遇散匪擊拿活賊二名尤為奮勇著加恩賞戴藍翎即以知縣陞補李弼著加恩以縣丞陞用該員現在丁憂俟服闕後仍赴陝省卽行陞補此外尙有出力員弁並著德楞泰查明具奏

上命軍機大臣傳諭額勒登保曰李彬大股賊匪由巴州通江一帶竄至廣元地界經額勒登保親督兵勇趕至贊家梁奮力進擊斬獲二百餘名所辦甚好此時川北賊匪惟此一股人數較多額勒登保惟當堅持定見將此股首夥賊匪全數掃除再辦他股現在湯劉股匪已有德楞泰勒保專辦苟樊等逆亦交七十五專辦其餘各股零匪均有各將領分追額勒登保儘可毋庸兼顧惟當專心辦

聖朝實錄卷一百一十五

三

聖朝實錄卷一百一十五

三

理李彬大股捷音一到尙當續沛厚恩至所稱各股賊匪大數不過一萬有零擬將一二大股撲滅後大局戡定卽將滿漢官兵以次撤回專責本省提鎮大員督率本省兵勇分投搜捕並派明幹道府設法招致等語此朕宵旰籌畫與軍機大臣等時時議及必當如此辦理今額勒登保意見悉合似此通盤籌算允為成竹在胸不愧經畧之任惟應勉益加勉迅奏大功

上又命軍機大臣傳諭德楞泰曰此次殲斃龍紹周係鄉勇李大朝用矛刺中該逆背心該逆急起奪矛復被鄉勇魏忠才林材從傍趕來連刺而死現經德楞泰遵照前旨分別賞擢李大朝魏忠才林材著再加恩每人加賞銀一百兩其帶領兵勇奮勉最著之藍翎千總史定川著加恩賞換花翎所

有各營馬步兵勇著賞銀三千兩以示鼓勵又據
奏分兵搜捕零匪移師趕剿湯劉賊股並七十五
殄除零星賊股仍向太平探剿苟逆各情形所辦
俱好其擒獲之李尙文等訊係玉山股內匪黨又
七十五擒獲之王曰貴等股賊匪雖係小股零匪
均經官兵殲除川楚邊界漸就肅清亦屬美事此
時川東賊匪中惟湯劉二逆係屬大股德楞泰擬
由夔府地方入山探蹤迎擊與勒保兩面夾剿所
辦甚是至苟逆一股應責成七十五上緊剿辦完
竣不可稍有遲緩

欽定剿平三省邪匪方略

正編卷二八一

欽定剿平三省邪匪方略正編卷二百八十一 辛酉年

十月二十三日丙寅勒保奏言探得湯劉等逆被

官兵連日兜剿所有分竄土黃壩樊噲店等處

之賊均有奔竄八臺山之勢該處路通城口並

馬家營等處老林臣一面飛飭阿哈保薛大烈

等先行抄截八臺山去路臣一面帶兵由土黃

壩樊噲店進發初五日該匪等已竄過太平之

欽定剿平三省邪匪方略

舊縣壩距八臺山七八十里薛大烈等當即帶

兵向油房溝抄出臣緊躡賊尾前進初六日申

刻該匪竄至八臺山下之後漕子山溝屯聚薛

大烈等即派副都統銜協領達斯呼爾岱副總

管格亨得爾委叅領台清阿等帶領馬隊從山

後溝內繞出薛大烈督同副將張績海常叅將

李錦麟羅聲臯等帶領官兵翻山下壓又派遊

擊桂涵晉之璉分帶鄉勇潛赴後漕子左右山
坳埋伏乘夜進發天將明時官兵大隊翻過山
頂坳口賊匪倉皇四散我兵鎗箭齊發斃賊百
餘名生擒男婦一百五十七名口適達斯呼爾
岱等馬隊由山溝抄出追殺又斃賊數十名桂
涵晉之璉等埋伏山坳亦擒獲竄散賊匪八十
七名當將所擒男婦查訊內有探馬頭張大文
旗手馬良成郁二榆及戰手湯廷輔等六十四
名審明後卽行正法其餘高心全金謝氏等一
百七十七名口均係新擄難民照例遣送回籍
探得該匪連夜由白沙河向邱家坪窩坑一路
逃竄薛大烈等緊躡追擊_臣帶兵自土黃壩樊
噲店一路沿途搜獲落後賊匪共計一百十二
名內有何金桂等八十九名均係被脅未久之

人當卽給與路票口糧遣令回籍其餘劉長貴
等二十三名俱係戰手當卽正法初七日起至
白沙河適薛大烈追賊已至該處遂與會合緊
躡賊蹤由虎溪壩趙家壩高坡子官渡灣等處
直追至太平西鄉交界之界牌地方賊匪向西
由魚渡壩木竹河一路逃去初九日薛大烈帶
領官兵追入西鄉激勵將士不帶銅帳各裹乾
糧連夜進發賊匪先向九真壩奔竄我兵從長
嶺抄道截住賊匪折向泉溪河有竄簡池壩之
勢我兵復抄出饒子壩截住賊匪隨折回南竄
我兵趨行一晝夜計程二百三四十里初十日
未刻直追至通江縣鳳羅村地方趕及賊匪詎
該匪分出戰手四五百人據險抵敵其餘先行
翻山奔走薛大烈當卽率同達斯呼爾岱格亨

得爾張績羅聲臯桂涵傅廷佐等督率馬步官兵鎗箭齊發斃賊二百餘名餘匪潰逃薛大烈等復督兵緊躡沿途拿獲男婦一百十四名口內訊出大旗手王朝禮羅思萬高廷舉及戰手劉大成等共三十一名當卽正法其餘男婦葉向葵冉王氏等八十三名口訊係江北長壽大竹等處被裹未久之人均派弁兵解交太平縣分別遣送回籍該逆等由竹峪關向絲羅壩一帶竄去維時^臣問薛大烈已將賊匪截回川境當卽趕向前敵督剿十二日行抵官壩適薛大烈帶兵前來會合查絲羅壩係通江地方西走巴州卽係腹地南走黃中堡等處路通後河係太平運道若官兵尾追前進轉恐賊匪深入腹地或擾及運道是以^臣督同薛大烈等從太平

聖朝聖德編卷五

四

抄向清花溪長壩一路兜剿以冀及早辦竣至李彬股匪據候補道劉清稟報近日竄至楊家坪當派守備何天順帶兵由程子山土壩坪一路堵截該道會同遊擊陳弼帶領鄉勇向烟溪水過河陳弼督率軍功李盛玉何成龍帶領鄉勇並賊夥內新近投出之李元受等突出衝擊立時斃賊三十餘名賊中臨陣棄械投出頭領龐仕聰李彬之妻舅張二猴子探馬頭孟存義王志大旗手王守尊及戰手王長子等六十三名餘匪撲水淹斃者甚多李彬亦撲水過河仍向楊家坪一路逃去二十六日賊匪復由馬草坪竄至雞子頂守備何天順督兵在山梁截住該匪沿河向毛峪鎮奔竄該道帶領李元受等

聖朝聖德編卷五

五

招令賊夥投出免死當有偽總兵孔老入泗水

過河來投又據通江縣知縣徐廷鈺稟稱辛聰

設匪近由陝竄入通江當有新投出之老教掌

櫃冒天明等稱與辛聰平素相好情愿寄信前

往招撫查通南一帶賊股自李元受投出之後

賊夥聞風踵至者頗多招撫似有成效但賊性

狡猾難憑終須懾以兵威臣前派總兵田朝貴

帶兵前往目下已與劉清會合諒劉清得此兵

力聲勢更壯可以剿撫兼施至臣一路連日追

賊打仗官兵並無傷損惟因賊踪散竄分路差

人偵探有探事把總何正貴兵丁王正剛錢貴

等遇賊被圍擄去王正剛錢貴乘間逃回據稱

把總何正貴被賊捉去時直認係探事差官罵

賊不屈被害甚慘查何正貴徵未弁員能知大

賊不屈被害甚慘查何正貴徵未弁員能知大

義不屈於賊致被慘害殊堪嘉憫可否優加議

卹之處出自

聖恩奏入

上命軍機大臣傳諭勒保曰此次湯劉等逆由太平

之舊縣壩竄至入臺山屯聚經勒保督同薛大烈

等趕緊追剿先後共殲擒四百餘名殺賊雖不為

多但該匪被剿緊急向陝省西鄉之漁渡壩一帶

奔竄時勒保當將滿漢將弁交薛大烈帶領緊追

復將該匪兜截回川不使深入陝境所辦尙是薛

大烈鼓勵兵勇晝夜追剿不辭勞瘁其功甚屬可

嘉著交部議叙至李彬一股經劉清帶領鄉勇於

烟溪一帶奮力剿捕該匪隻身撲水過河向楊家

坪逃逸看來李彬已就窮蹙其股內之偽總兵孔

老入棄械來投情形似近真切但賊匪反覆靡常

老入棄械來投情形似近真切但賊匪反覆靡常



究難盡信卽投出之閻天明等稱與辛聰平日相好情愿前往招撫該逆等果能悔罪投誠自當貸其一死若必招之使來恐該逆等以官兵急將蕞事勸令投順或竟有挾而求必得官職始肯投出殊屬不成事體况鄉勇等隨征打仗立功方能與以官職而此等投出匪徒既免其死復又遽邀職賞鄉勇聞之寧無解體目下機宜以剿爲正辦受

聖訓

八

撫則可招降則斷可不必前據德楞泰奏已將龍紹周一股辦竣卽日移師馳赴川東協剿湯劉股匪勒保此次發摺想尙未接到此信現在湯劉一股係勒保專辦所剩不過千餘人如於德楞泰未到之先能將此股迅速殲淨卽係勒保首功必當懋膺上賞方今氣候凝寒朕屢念軍營帶兵勞勩著賞給勒保貂皮馬褂一件藍大烈天馬皮馬褂

一件以示體恤勒保等尤當勉益加勉不可因賊已潰敗稍爲鬆勁此次差往偵探之把總何正貴罵賊身死甚屬可嘉著加恩照千總陣亡例咨部賜卹

二十九日壬申德楞泰奏言臣於初八日移師西

進探剿湯劉二逆卽由大寧之徐家壩取道寶

塔行走十三日行抵竹谿屬之張公橋途次探

聖訓

九

報紅茶園一帶由湖北水田坪竄來賊匪二百餘名滋擾卽派令總兵蒲尙佐協領明德副總管蘇清阿叅將馬應國馬元遊擊沈洪等帶領兵勇前往剿捕臣仍帶大隊由通坪西行十五日行次寶塔該處係夔州府開縣分路之處所有前調太平之兵馬軍裝陸續趕運到營因營中尙有綠營兵百餘名患病未痊臣親加查



驗均令遣回原營調治以示體恤而節糜費現在存營滿漢馬步兵勇四千餘員名以之調派剿辦儘敷佈置十六日蒲尙佐等帶兵回營稟稱十三日行抵清平寨詢據寨民彭安國稱昨有一股賊匪二百餘人由竹谿薛家坪田家坪竄屯紅茶園當因霧雪交作天色已晚我兵屯於寨後次日天明蒲尙佐乘霧雪瀰漫之際卽將兵勇分爲三路令叅將馬應國都司曾壽守備李榮陞龍必達帶兵勇由左手混沌溝抄出紅茶園之北令叅將馬元都司彭家棟守備李鳳鳴帶兵勇由右手雙家槽出紅茶園之東蒲尙佐率領協領明德副總管蘇清阿遊擊沈洪都司賀廷印叅革都司馬光宇帶兵勇由南面二層山老林直搗賊巢三路進剿賊衆慌亂直

《聖朝實錄卷之三十一》

向張磨寨狂逃官兵齊力趕追殺賊二十餘名生擒田國柱等二十餘名訊稱此股賊匪元帥係葛騰勝不過二百餘人蒲尙佐等奮力趕追沿途殺賊五十餘名生擒潘登才等七十餘名餘匪被追竄走全竹槽鑽入老林詎該處前面盡係峭壁懸崖我兵分投三面圍剿殘匪無路奔逃盡被截向西面崖邊滾崖跌死並無一名漏網旋派令兵勇繞至崖下見跌死賊屍四十餘軀卽割取首級令投首出力之席國倫楊正修等逐一指認內有襄陽教首吳天珍僞元帥葛騰勝旗手楊文等首級三顆其餘俱係陳賊並令田國柱等指認確實隨將獲犯一并解到訊出被擄難民羅希臣等四十八名就近交奉節縣妥爲安插其田國柱潘登才等四十七名

《聖朝實錄卷之三十一》

於陝境西北一帶防堵臣當即趕回與慶溥

備堵剿事宜並偵探張逆竄踪進剿嗣據探報

張添倫股匪西奔廣元之兩會寺溫水壩一帶

該處有不知姓名賊匪一千餘人自八九月間

遊奕至今倚恃山險林深出沒擄掠張逆亦即

前往合夥等語臣當即帶領兵勇由卦子山入

林探剿至寧羌之常家岩該匪等西竄尖場子

張家溝距廣元縣一百餘里恐其繞出西北

隨將步兵留紮關口壩卡外先帶官兵馳往廣

元以北會家河王家壩等處探迎並知會川省

備糧傳諭附近義團民勇協同向南迎擊該匪

等竟由尖場子折回右奔流沙坡之勢並聞張

逆已分夥向東南逃竄臣現在之賊係楊開甲餘

孽臣先派關口壩防臣將李殿元等抽帶兵

勇赴瘦嶺子以遏該匪復折西北之路又令

將吳亨衍遊擊張聯奎等速帶步兵鄉勇趕緊

自東北進剿臣亦即趕赴東南接續步隊進剿

十五日二更發兵天甫黎明齊到流沙坡賊匪

不料官兵驟至驚慌退拒將吳亨衍遊擊張

聯奎都司李廷彪馬伏全守備王登科等分帶

兵勇奮力攻撲賊匪傍林恃險捨命滾石抵禦

正在相持守備張起鰲分帶兵勇從旁衝入賊

隊各兵勇乘勢搶上山梁併力剿殺將賊分作

三股兵勇分投截殺忽見賊中一人持刀攔砍

敗賊退而復回直前衝撲慙不畏死我兵施放

鎗礮力敵守備張起鰲帶領兵勇壓下斃賊二

三十名該匪敗潰我兵爭先追剿又斃賊五六

十名生擒一百餘名當賊匪驚亂敗竄之初有

續修四庫全書 第 6 卷 頁 54

鄉勇吳炳通認定持刀攔回敗匪之人首先奮
勇殺入賊羣捉獲扭下崖坎把總齊慎馳往協
同擒住訊係此股首逆楊麟生係楊開甲之子
臣仍督催兵勇分投追剿三四十里沿路斃賊
一百七十八名生擒三百七十七名各路技林
又獲賊四十一名前後共計殺賊二百數十名
生擒五百二十一名查訊獲賊內有川楚積年
製看龍彙編卷全 六
戰手陳高等八十九名並認出偽先鋒張文喜
總探馬頭李奎二人當卽全行正法有新擴附
近民人全良貴等一百十五名並川陝被裹民
人二百七十餘名分別給票遞籍安置首逆楊
麟生訊取確供卽行齣割以彰
國憲此股西北游奕之賊已經剿潰尙有張魏兩
小股先後東遁並接西鄉一帶營卡稟報又有

兩股不知姓名零匪向西竄來臣現帶兵勇卽
由沿卡探蹤向東前進再接慶溥來信探聞十
六日夜間忽有賊匪一二百人由老林突出板
蒼壩向西逃竄尙未接據各營卡稟報不知何
股殘孽現帶弁兵趕往攔剿並知會總兵永明
亦帶兵由大路抄迎等語查漢南沔寧一帶慶
溥永明去後別無大員現在川境大兵以次剿
製看龍彙編卷全 七
賊難保餘匪不奔竄陝界在在均須嚴堵臣若
復追剿零匪更覺空虛隨派陝西遊擊張汝勤
抽帶鄉勇三百餘名又檄調寧羌營弁兵二百
餘名先赴棧道向西路黑河一帶探蹤併力截
剿仍聽慶溥隨時調遣以期及早掃淨伏思臣
等屢奉
諭旨飭令嚴防賊匪竄越乃臣在廣元縣流沙坡剿

賊之日突有零星殘匪乘夜逃竄西路究係防範不密所致咎無可辭除將防卡疎縱之員查明具報經畧勅參懲治外應將臣疎防之處一併呈報經畧額勒登保據實奏奏入

上命軍機大臣傳諭慶成曰慶成帶兵馳赴廣元流沙坡地方生擒楊開甲之子楊麟生及偽先鋒張文喜等痛殲賊匪所辦甚好實屬可嘉慶成著加

恩賞給一品頂戴守備張起鰲分帶兵勇直入賊

隊斃賊甚多亦屬奮勇著加恩以都司陞用鄉勇

吳炳通把總齊慎拿獲逆匪楊麟生均屬出力把總齊慎卽著以千總陞用鄉勇吳炳通如本有頂戴著加陞一等如無頂戴著加恩賞給八品頂戴並賞戴藍翎其餘如尙有出力將弁著慶成查明呈送經畧額勒登保具奏至此股賊匪併首逆姓

名向來總未據各軍營提過又據稱張勳兩小股

先後東遁又西鄉一帶

先後東遁又西鄉一帶兩股不知姓名零匪向西竄來可見川陝交界地方此等素未知名匪匪尙多慶成係專派在陝境西北一帶防堵之員若必待賊匪竄近始行剿辦則此股甫淨他股又來何時始能辦竣惟當隨時偵探何處有賊藏匿或分派將弁前往搜捕或親往督剿使該匪等不能潛身山內以期搜捕淨盡至所稱接到慶博來信探聞忽有賊匪二三百人由老林突出向西逃竄慶博永明各帶兵勇前往追捕一節此股賊匪雖祇一二百人但向黑河一帶奔竄距甘肅地界不遠尙任其竄入甘境又形散漫慶成當知會慶博永明等務將此股截回陝境迅速殄除至此股零匪係從何處汎地衝出向西逃竄著慶成將防卡

跡縱之員查明一併具報經畧叅奏

欽定剿平三省邪匪方略

正編卷二百八十二

欽定剿平三省邪匪方略 正編卷二八二

欽定剿平三省邪匪方略正編卷二百八十二 辛酉年

十一月初一日甲戌額勒登保奏言查李彬股匪

經臣一路官兵截回後連夜向東南逃竄由蒼

溪之大石坎龍山一帶竄向巴州之恩陽河亡

命疾走臣派令遊擊劉健標王兆龍等酌帶鄉

勇五百名躡蹤前進杜其折竄之路臣與楊遇

春及馬步兵勇取道饒子壩桑樹壩一帶顧定

西北由捷徑抄擊十五日趕抵恩陽河接見總

兵田朝貴據稱勒保派令探剿李彬股匪連日

由巴州一帶取道前來昨至恩陽山正遇賊匪

由黃栢河竄出田朝貴率兵迎擊斬獲數十人

賊眾竄上獅子頭山梁田朝貴帶兵搶上不料

該匪分爲兩起竄伏趁我兵前起追上山梁時

後起之賊由溝中築山擾敵鍋帳後隊我軍將

弁兵勇竭力抵敵攪殺一處田朝貴一面分兵
 在山上抵禦一面帶兵轉回奮力殺賊十數名
 將賊擊退該匪向山後趕上前股之賊同向
 青龍坎一路竄去臣深為焦憤查探該匪距我
 兵已有二百餘里即率同楊遇春等由江口板
 廟場緊顧北面每日趁月色起營兼程追剿十
 八日晚間抵雷公坑探知賊匪在達州屬之劉
 家壩屯紮相距五十餘里臣遂飭官兵等於山
 後潛地紮營畧為食息即於二更時發兵令楊
 遇春帶同副將蕭福祿叅將劉維馨吳廷剛等
 率領兵勇由右面之白山寨周家岩小路抄至
 劉家壩後山臣督率副都統銜全德侍衛捫欽
 保副將張瓊叅將唐文淑特依順保遊擊祝廷
 彪等帶領馬步兵勇由左面沿河岸前進五更

時趕抵劉家壩賊匪正在起竄兩路兵勇一齊
 衝殺立斃賊匪二百餘人賊勢大潰分路奔逃
 一股千餘人由北面遁去楊遇春率同張瓊特
 依順保等帶領馬步兵勇跟蹤追殺一股千餘
 人向東面逃竄臣督率蕭福祿劉維馨吳廷剛
 等奮力追趕該匪翻越熊家灣山梁我軍前隊
 由旁路橫衝而上將該匪截為兩股蕭福祿吳
 廷剛等帶領兵勇追殺前股其後股數百人驚
 慌回竄正值臣帶領後隊官兵趕到遂督飭侍
 衛歡格佐領綽卜通阿甲兵德昌等鎗箭齊施
 併力衝殺殲斃數十人前隊叅將吳廷剛都司
 劉元明外委翟廷書分帶兵勇折回來攻殺賊
 二百餘名生擒八九十名內有賊目魏中均苟
 朝萬先鋒王士元趙世佐朱珍及李彬之師王

廷棟等六名^臣因追殺緊急飭將魏中均等六

人捆押其餘當俱砍斃尙有賊匪一百數十人

翻山奔逃^臣飭令蕭福祿等分帶兵勇覓路抄

殺^臣復帶兵緊追至一山峽中擒斬百餘人有

賊目王朝富帶領十三人棄械跪地投誠^臣派

兵管押仍督師追剿前面奔逃之賊該匪已由

關爺廟馬渡關向東逃遁遇春等官兵由淺

聖朝聖編卷五

四

壩場尖山寨追剿前進沿途亦斬獲一百餘人

賊匪竄至大寨門山梁恃險抗拒張瑗等帶兵

奮力上攻張瑗手射數賊賊匪持矛攢刺戮透

綿衣張瑗拔刀將賊矛格斷楊遇春督兵鼓勇

競進搶上山梁賊匪潰敗復追趕三四十里殺

賊二百餘人生擒一百二十餘名內有偽總兵

唐世禮鮮士得朱九青鄧天培何順等五名楊

遇春於日暮時仍收兵與^臣會合統計殺賊六

百餘名生擒及各處搜拿賊匪五百四十二名

滾崖跌斃及逃散者甚多獲騾馬三百餘頭匹

刀子旗幟七百餘件並有道員劉清所帶新勇

李元受孔傳世等臨陣喊叫投出苟能新雇思

聰蒲新堂等十人一併帶送到營^臣將各匪逐

一查訊據魏中均唐世禮等十一名供稱俱係

聖朝聖編卷五

五

通巴一帶民人與冉文儔一同起事自冉文儔

冉添元死後推冉添泗王士虎李彬爲元帥王

恒爲老掌櫃我等多是頭目充當總兵先鋒王

士虎冉添泗向與李彬分爲兩股自王冉二人

被官兵擒獲後餘匪七八百人與李彬合夥共

有二千數百人前蒙招撫亦有逃出之人我們

自知情罪重大未敢出投且因李彬防範嚴緊

不能脫身想要逃往陝西經官兵截回大衆商議祇可往東鄉太平一帶山林內躲避不料官兵追趕今日皆被擒拿李彬不知從何處逃走等語臣即飭將魏中均唐思禮等十一名交運處死其餘燕成美任中魁等三百七十八名均係積年牙手並有他股內剿散附入李彬王冉股內之人概行正法其王從治等男婦一百五十三名口訊明實係被脅未久均交道員劃清分別安置所有棄械投出之王朝富苟能新等二十三人即欽遵

諭旨釋放亦交劉清安爲安插此次我軍與賊接仗弁兵鄉勇內受傷者十數名各弁兵鄉勇晝夜奔馳奮力追剿甚屬艱辛臣已查明擒殺賊目賊匪出力之人分別賞給銀鍊銀牌以示鼓勵

聖朝聖訓卷之六

查李彬股匪經此次痛剿之後人數已殲擒過半緊要賊目多被斬獲惟首逆李彬尙未就縛殊深憤恨現在該匪所存不過千數人向松林菴火阡河遁入東鄉太平界內臣督同楊遇春已由方山坪追抵城隍廟惟有鼓勵官兵勉力趕剿以期剋日掃蕩現據總兵田朝貴報到十四日在黃栢河打仗遊擊費尙阿都司七十三孫斯禮守備張雲鳳陣亡弁兵鄉勇死傷共數十人臣前於恩陽河見該鎮人尙勇幹所帶兵勇亦皆強健此次因未探明後起賊隊以致首尾未能兼顧雖畧有挫折尙屬可用現在勒保又添派貴州官兵三百餘名與之歸併統計兵勇已及二千名不爲軍弱臣現飭該鎮將兵勇妥爲整頓並飭川北道李鈺添補鍋帳仍令田

聖朝聖訓卷之七

朝賁速即帶赴廣元一帶剿辦魏逆等股零星
餘匪再查慶成前在寧羗之乾溝河截剿賊匪
兵勇於霧雨中被賊衝突維時有遊擊和什布
未經回營因無實在下落是以未即具報茲據
慶成呈稱現已派人將和什布屍身尋獲實係
於打仗時被賊矛連戮數傷跌入屋下殞命相
應據實奏

聖朝聖德編卷五

八

聞
額勒登保又奏言竊原任陝安鎮總兵柯藩前
因防守山陽染患痔疾未能擊賊經臣奏奉
職柳號嗣因臣察知柯藩平日帶兵尙屬有方
興安紫陽一帶民人甚爲愛戴復經奏懇
天恩准令釋柳効力自贖又原任巴里坤總兵德忠
去秋因賊匪竄過所管汛地奉

旨革職拿問經長麟審明該鎮因所帶兵單尙無縱
賊遷延情事

恩准留營効力又原任延綏鎮總兵關騰因防守江
岸賊匪分股由茶鎮過江奉

旨革職拿問經臣審擬請將關騰發往伊犁効力贖
罪奉

聖朝聖德編卷五

九

旨暫留軍營作爲兵丁効力查柯藩自蒙
恩釋柳以後臣派令於平利安康一帶帶領鄉勇截
剿德忠於南鄭一帶防守邊境關騰現於西鄉
一帶截剿各該員仰蒙
皇上宥過施仁自新有路一載以來感激奮勉於防
剿處所隨時搜緝殲殺竭盡心力並無疎懈查
從前當剿賊喫緊之際一有疎忽臣不得不嚴
叅示懲今各該員皆能奮勉臣亦不敢少有拘

泥且念該員等自元年帶兵出師日久向會著
有微勞去歲賊勢本屬鴻張或因賊眾兵單或
因地方遼濶先後獲咎其情節均非有心貽誤
現已自備資斧効力年餘雖該員皆係滿洲世
僕情殷自効若竟終身廢棄亦無以遂其犬馬
之忱合無仰懇

聖主逾格恩施俯准將柯藩德忠關騰皆以叅將遊

擊二項酌量補用如蒙

十

俞允則該員等感戴

鴻慈於陝境防剿事宜自必倍加出力臣現在川境

亦可放心且各該員年力尚壯曾任鎮將大員

諸事較為歷練日後於操防營務更屬有裨均

奏入

上命軍機大臣傳諭額勒登保曰此次李彬股匪在

達州之劉家壩屯聚該匪一聞官兵趕到即分東

北兩路奔竄額勒登保派楊遇春等由北面緊追

額勒登保親自帶兵由東面追剿兩處先後斬獲

一千一百餘人並生擒賊目魏中均偽總兵唐世

禮等所辦俱好此股賊匪原不過二千餘人現經

額勒登保分路夾擊斬獲過半所存不及千人額

勒登保等惟當上緊剿辦將李彬一股剋日肅清

擊二項酌量補用如蒙

十

俟捷音馳到即當加以恩賞其投出之苟能新等

均係人經從賊之人貸其一死已屬從寬祇須妥

為安插不必再令隨營効用況此時何藉此輩力

量殺賊若令其隨鄉勇打仗形迹之間終不安協

總宜交付好地方官如劉清方積等員妥為安置

方為正辦至副將張瑗被賊匪持矛刺透綿衣拔

刀將賊矛格開奮力仰攻殊屬可嘉著額勒登保

存記如該副將再有出力之處卽奏請加恩再田朝貴因未探明後起賊蹤以致稍有挫折但該鎮探聞賊匪竄近卽帶兵剿捕並悉力將賊匪擊退尙屬勇往額勒登保仍飭該鎮率領原帶兵勇速赴川北剿辦魏逆餘夥所見甚是應卽飭令該鎮將川北一帶零星股匪迅卽蕩平勿留遺孽所有此次陣亡之遊擊賽尙阿都司七十三孫斯禮守備張雲鳳及前次在寧羗一帶陣亡之遊擊和什布俱著加恩咨部賜卹

聖朝聖德編卷之三

三

上諭內閣曰額勒登保奏已革總兵柯藩德忠關騰於防守邊境截剿竄匪俱屬奮勉請加恩以叅將遊擊兩項酌量補用等語朕詳加酌核德忠關騰二人均因賊匪於所管汛地竄越偷渡先後革職拿問嗣經審明德忠在棧道防堵兵力過單並無

縱賊逕延情事關騰防守江岸與賊匪相隔較遠未能兼顧其獲咎均屬可原是以僅將伊二人革職作爲兵丁留營効力至柯藩平日帶兵雖尙出力其在山陽防守時賊匪奔竄過境柯藩因染患痔疾未出致任賊匪乘間奔竄其咎較重是以將伊革職枷號俟大功告竣之後尙當發往伊犁嗣額勒登保奏稱柯藩平素奮勇加恩將伊釋放枷

聖朝聖德編卷之三

三

號留於軍營効力已屬格外寬宥伊等三人於陝省防堵事宜雖皆熟悉但柯藩之咎較重視德忠關騰應有區別卽德忠關騰亦不應遽以叅遊錄用額勒登保所請未免過優德忠關騰著加恩以都司補用柯藩著加恩以守備補用此三人尙俱曉暢營伍卽交與慶成及寧陝鎮派赴各營汛防守如果奮勉出力將來大功告竣尙當格外施恩

量加陞擢若仍前怠玩卽著提鎮等據實奏仍當加倍治罪

初三日丙子陸有仁奏言竊臣於九月十七日接

據探報川省賊匪二百餘人翻越老林由寧羌之卦子山白岩河竄入沔縣之茶店子一帶滋

擾查茶店子逼近黑河距棧道不及二百里向

爲賊匪奔竄熟習之路南山一帶前經臣竭力

《聖朝聖德編卷五》

古

督率搜捕甫經肅清刻下棧道居民紛紛復業

人烟輻輳市集如常若匪突然竄擾百姓必

復致驚惶且越過棧道卽入南山恐搜剿又須

時日必當扼住東北要路方可不致匪蔓延

而其時慶成慶溥永明所帶兵勇俱在西路堵

剿距賊蹤較遠除飛石截剿外猶恐緩不濟急

因思署涼州鎮總兵齊郎阿帶兵一千餘名現

在畧陽何家岩防堵該處與沔縣接壤尙可朝

發夕至臣隨選弁飛咨齊郎阿令其迅速帶兵

扼要截剿又恐山逕紛歧一路官兵不能攔堵

周密適通判雒昂帶領鄉勇九百餘名奉經畧

調防西鄉鍾家溝是日行抵漢江之南司渡河

地方離郡城僅一百四十里臣復差弁星夜調

回令由留壩武關西溝一帶馳赴黑河迎頭擊

《聖朝聖德編卷五》

圭

剿一面飛飭防守留壩江口遊擊朱集才都司

蘭福守備史克忠等各帶現有之兵分赴要隘

嚴堵並令地方官督率寨勇隨處協剿連日探

得該匪竄至黑河因偵知棧道已有兵勇迎剿

齊郎阿亦繞截而來並經各路寨勇轟擊遂不

敢東趨卽由西北竄入畧陽之大黃院佛洞溝

一帶臣復飛飭雒昂等趕緊兜截無論在陝在

甘總須剋日剪除慶應現已帶兵追至黑河慶
 成亦挑派兵勇入棧協擊諒此釜底遊魂難
 久延殘喘至經畧額勿登保大兵現已移至通
 巴交界督剿又紫陽境內紅崖溝一帶有害匪
 一二百人經總兵汪斌帶領官兵並該處寨勇
 截剿殲擒數十名餘匪情急有奔回川省之勢
 又該縣向家壩零匪一二百人汪啟亦正帶兵
 剿辦其西鄉邊界賊匪出沒無定總兵張鳳等
 現在分投探剿所有各路征防兵勇餉銀仰蒙
 皇上賞撥兩淮鹽餉三十萬兩臣已星飛咨催令兼
 程趕解來陝一面仍設法籌辦務令現在各路
 軍需不致稍有缺悞再臣於南山賊匪搆網肅
 清之後誠恐尚有一二遺孽潛匿深山老林當
 經嚴札地方官督率寨勇到處搜捕此內如審

《聖朝聖編卷全》 共

係被脅難民卽隨時釋放安插其實係殺人放
 火賊匪除節經經畧批令正法外茲復據蓋屋
 縣將拿獲賊目劉二漢一名押解來漢訊係湖
 北襄陽白蓮教匪前在張漢湖營內充當矛手
 嗣復與伍懷志合夥殺人放火不記次數及本
 年八月因賊勢零散該犯潛匿竹林卽被寨勇
 搜獲臣於審明後卽將該犯綁赴市曹處斬訖
 並查明出力寨勇酌量獎賞奏入
 上命軍機大臣傳諭陸有仁曰昨據慶成奏接到慶
 溥來信聞有賊匪一二百人由老林突出經慶溥
 永明等帶兵追擊慶成又派遊擊張汝勤等前赴
 黑河一帶探蹤截剿此股賊匪逼近黑河或闖入
 棧道或竄往甘境均有關係連日正深懸念茲據
 陸有仁奏一接探報卽選派差弁星夜馳往總兵

《聖朝聖編卷全》 七

齊郎阿軍營令其帶兵就近馳赴該處截剿並派
 通判雅昂帶領鄉勇迎擊該匪探知棧道已有兵
 勇不敢東趨即由西北逃竄不致闖入棧道所辦
 甚好陸有仁著賞給烏雲豹馬褂以示嘉獎現在
 賊匪已竄入畧陽地界慶溥慶成所派兵勇亦已
 趕到此股賊匪即責成陸有仁督催齊郎阿雅昂
 會同慶溥等務將該匪剿除淨盡勿任他竄現在
 額勒登保在川境剿賊距險已遠陸有仁一得剿
 竣捷音即行馳奏如係該撫所派齊郎阿雅昂二
 人辦竣即屬陸有仁之功俟奏到再加恩賞至此
 股賊匪係何姓名是否有小賊目在內並著陸有
 仁詳細查明拿獲賊目即在該處審辦錄供具奏
 其餘紫陽境內零星竄匪並著陸有仁催令汪啟
 張鳳等上緊搜剿總期險境一律肅清為要

聖朝實錄卷五

六

同日吳熊光奏言臣到襄後接非長齡來信十
 四日探有零股賊匪竄至房縣南山苦桃園一
 帶該處係屬深山老林馬匹不能行走長齡派
 令遊擊王占鰲守備馬濟盛陳明等帶領兵勇
 步行入山轟擊長齡督率侍衛呢瑪善雙福等
 帶領馬隊赴紫竹等處抄擊兩路官兵連日俱
 有擒獲該匪知官兵兜截緊急連夜由九道梁
 向家壩一路西竄長齡現仍跟蹤追剿並知會
 孫清元自東向西分路截擊臣已札飭該提鎮
 等上緊搜捕不可再有延緩奏入報

聖朝實錄卷五

九

聞

欽定剿平三省邪匪方略正編卷二百八十三

辛酉年

十一月初四日丁丑德楞泰勒保奏言竊臣德楞

泰前將葛騰勝一起零匪剿盡並收集太平兵

馬軍裝移師西向探剿賊匪十七日據後路探

報馬鬃嶺一帶突有賊匪二百餘名竄來當卽

令溫春色爾滾蒲尙佐等帶領馬步兵勇由野

雞池趕至馬鬃嶺是日大霧彌山賊匪在山屯

《剿平三省邪匪方略卷三》

聚烤火官兵乘其不備衝入賊夥一齊吶喊賊

匪驚慌四竄我兵刀矛並舉立殺賊六十餘名

生擒李大用等二十八名訊據供稱係黃白兩

號被官兵打散餘匪有二百餘人熊姓千總帶

領在山中躲避不想官兵殺來等語當將該匪

等正法餘剩零匪探已鑽入老林向紅線殿逃

竄當飭防守鹽廠之都司沙念聖等備閱寬等

就近帶領兵勇搜捕務期淨盡十九日兵抵瓦

屋基探得沙陀子地方有賊三百餘人由謝家

壩老鴨岩向鄒家槽西北前竄臣德楞泰當令

蒲尙佐侍衛達勒精阿等帶領兵勇一千餘名

前往追剿兵至南壩場趕上賊匪殺賊四五十

名生擒梁朝金等三十二名訊明分別辦理餘

匪狂奔向三墩坡翻山逃竄蒲尙佐等緊躡追

《剿平三省邪匪方略卷三》

去臣勒保自在羅村地方將賊匪剿散之後卽

督同薛大烈於十四日行抵清花溪探得湯劉

等逆已由長壩竄過後河由南壩場向榨井壩

關口坪一路奔竄勢欲遁入開縣老山當派薛

大烈等分帶官兵由金雞壩取道九打杵蒼壩

嘴七里溝雞鳴寺一帶老林向外兜截臣勒保

帶兵由雙石壩榨井壩一路緊躡跟追連日沿

途擊獲賊匪自數名至一二十名不等訖有熊大亮等三十三名俱係被擄未久難民隨時給與路票口糧遣令回籍其餘度向青等二十五名俱係戰手或為賊匪探信或係因病落後據供湯劉等逆因官兵緊追已由楊柳池向靈官廟翻山逃竄當將度向青等概行正法查該匪等已翻靈官廟大山既可向雞鳴寺雄板橙北

《聖朝通志卷之三

三

竄又可東走馬家營乾溪處處皆係老林若該逆從堯城壩白馬廟南竄即可出謝家壩自應分兵兜剿當即一面飛飭薛大烈速由七星溝雞鳴寺一路剿截一面撥出兵勇一千餘名交遊擊胡定邦唐際盛等管領由靈官廟緊臨前進臣勒保酌帶兵勇取道桑樹坪關口坪向溫湯井一路進發扼其出山之路二十日薛大烈

帶兵由雞鳴寺行抵滿月槽詢據土人報稱早間有賊數百過滿月槽向寒溪寺竄走薛大烈即督兵緊追至木碗坪趕上賊匪該匪一見官兵不敢抵敵即翻山狂奔我兵分投趕殺斃賊六七十名生擒二十九名維時胡定邦等一路兵勇亦至乾溪地方趕上賊匪數百人遂即奮力追殺該匪向偏寨子奔竄我兵攀援競進直

《聖朝通志卷之三

四

抵山頂殺賊八九十名生擒四十七名餘皆跳崖落荒紛竄訊據兩路獲賊供稱湯思蛟劉朝選在羅村地方被官兵殺敗尙有一千餘人騾馬三四百頭匹走到楊柳池地方商量要到縣雲陽一帶東去因探得大寧現有官兵後有官兵追來湯思蛟帶五六百人騾馬三百餘先翻靈官廟大山往乾溪一帶逃走劉朝選帶三

四百人驟馬四五十匹在後因楊柳池官兵追
 來遂翻山向靈官廟趕上湯思蛟同走不料被
 官兵兩路趕殺不能合夥等供並於活賊內訊
 出偽先鋒張大成探馬頭王三桂牌頭曾廷材
 戰手魏老五等三十七名一併正法其餘蕭從
 禮冉王氏等三十九名口係新襄難民照例遞
 籍並據探報湯思蛟剩四百餘人已由菜子壩
 後坪東逃劉朝選只有二百餘人翻山西竄
 勒保正在分兵兜剿適臣德楞泰帶兵西來於
 二十二日在溫湯井會合臣德楞泰查現在三
 省賊股惟李彬苟文明湯思蛟劉朝選三股賊
 匪稍多其餘俱係零星散匪不成股數茲李彬
 股匪經額勒登保親督官兵來川剿辦連得勝
 仗痛加斬獲想不日可以肅除苟逆股匪專交

七十五帶兵剿辦諒亦不致蔓延湯劉二逆分
 路逃竄所剩亦只數百人臣等飛飭薛大烈帶
 領原兵即從後坪向東跟剿湯逆臣勒保帶兵
 向西探剿劉逆臣德楞泰前聞大竹渠縣界上
 尚有賊匪連日差探該處久已肅清並無賊蹤
 此外亦無大股賊匪可剿今聞額勒登保已入
 東鄉境內督剿李彬賊匪由西北向東南而來
臣德楞泰即自東南向西北前進既可搜捕沿
 途零星匪且額勒登保追剿李逆前來又可與之
 夾擊並趁此軍行相近可將現在賊勢零星渙
 散情形會同籌畫另行設法搜剿并將川省應
 辦善後各事宜逐一商議以期及早集事再查
 原任叅將增順因上年代辦松潘鎮守所屬二
 道橋營卡被賊匪竄出經臣等叅革審明請

旨將該員重責四十板枷號軍營游示俟大功告竣

後發往伊犁充當苦差今該叅員枷號已逾一

載愧悔萬分自恨獲罪拘繫不能隨征殺賊屢

次具稟懇求効力贖罪臣等檢查原案增順賞

賊匪攻撲二道橋之時曾經親身帶兵擊退嗣

賊匪從番地竄出距二道橋尚有十餘里且營

卡兵單力弱不能兼顧以致被賊乘間竄出與

聖旨 聖旨 聖旨

有心退縮者有聞彼時軍務喫緊之際不得不

懲一儆百今該境久已肅清可否仰懇

聖慈准予踈枷令其自備資斧留於軍營隨征効力

俾得自贖之處出自

皇上天恩

德楞泰勒保又奏言竊照現在賊匪情形除李

苟湯劉等逆外其餘零星分散潛跡山林或二

三百人爲一起或一二百人一起並有數十人

一起者兵至藏匿無蹤兵過又潛出打撈此種

零匪必須另行籌商設法搜捕征防兵勇正可

酌量裁撤以節糜費臣等現在會同商議先將

重慶順慶忠州等處所屬州縣已經肅清之地

舊設防兵分別裁減又太平城口向有貴州銅

仁鄉勇五百名此係隔省之人駐防日久應先

聖旨 聖旨 聖旨

遣歸安業又夔州蓮花池有廣東兵丁百餘名

在彼防守日久距原營較遠擬即先遣回營又

東三省兵丁自嘉慶二年奉調出征現有病傷

未愈及因出征日久筋力疲乏者亦應遣發先

令回營以示體恤臣等現在查明以次陸續辦

理遣回均奏入

上命軍機大臣傳諭德楞泰勒保曰此次德楞泰移

師西進沿途斬獲頗多勒保督率薛大烈等追剿湯劉股匪亦有斬獲現在德楞泰與勒保在溫湯井會合統計三省賊股惟李彬苟文明湯思蛟劉朝選等股賊匪稍多其餘俱係零星散匪不成股數德楞泰探知額勒登保已入東鄉境內督剿李彬股匪自西北向東南而來德楞泰即由東南向西北前進兩路夾擊李逆一股定可即日殲除惟劉朝選一股雖有勒保剿辦湯思蛟一股雖有薛大烈剿辦德楞泰不可膜視必須就近分兵幫助至七十五剿辦苟逆股匪恐未必能迅速辦竣德楞泰更應隨時量加策應看來各股賊匪勢極殘敗即日俱可蕪事當此功屆垂成尤不可稍有草率現在有名賊首如李彬湯思蛟劉朝選苟文明等股必當剋日殄除即其餘零星夥匪皆應一律

欽定剿平三省邪匪方略 正編卷二八三 九

辦淨或其中有窮蹙乞命棄械投誠者亦不過貸其一死交與地方官妥為安插斷不必令其隨營効用其敢於臨陣抗拒者均當痛加殲戮以淨根株剿辦教匪已及六年帶兵大員等辛苦備嘗經此番戡定之後必使永無後患方為妥善又據奏將征防兵勇酌量裁撤此時大功將竣所有各路原調征防兵勇正可酌量裁撤以節糜費此內撤回東三省官兵俱由京師經過自應照前次由陝省撤司官兵一體賞資著德楞泰等將所撤東三省兵丁數目及帶兵各將領姓名開列清單先行具奏並將如何分起行走及約於何日過京之處一併奏聞至已革叅將增順既據查明賊匪前從番地竄出時相距較遠不能兼顧倘非有心退縮且枷號已逾一年者加恩准予踈枷免發伊犁令

欽定剿平三省邪匪方略 正編卷二八三 十

其自備資斧由軍營作為兵丁以觀後效

初七日庚辰全保長齡奏言查楚境賊匪散竄房

竹界內惟曾芝秀及戴家營兩股兇悍詭譎人

數亦眾又時時竄近東北臣等熟計自應先其

所急併力逼擊再將各路零匪及分隊落後之

賊逐段搜捕自本月初五日臣全保在長峪河

等處將戴家營痛剿之後賊鋒大挫分股在湖

溪等處三路肆逸尙欲牽綴官兵臣全保當率

叅將孫應奉承祿德興等由玉口左右搜剿斃

賊四十餘名侍衛塔津保富翰先後帶馬隊由

獐洛河兜進搜獲零匪三十餘人訊係正賊當

卽正法臣全保以此股賊匪狡猾異常見兵卽

行分竄必須兜歸一處方可併剿十六七日

率領孫應奉等由扁擔溝向南緊躡沿途殺賊

四五十名逃出新襄良民六十餘人亦有自行

解散者訊係川陝邊界居民逐加慰撫令其歸

業餘匪已逼抵房縣南面邊界維時曾芝秀一

股因會合王四猫夥眾又自興山邊境折至房

屬之舉人坪游奕臣長齡由紫竹攔往探知賊

匪已竄至古廟壩當卽率兵迎擊在二層巖地

方接仗斃賊五十餘名擒獲十二名追至宋洛

河遙見後隊賊來接應復儘力逼剿斃賊三十

餘名該匪向八卦廟南遁因派遊擊王占鰲在

該處老林左近截其逃匿一面帶領侍衛呢瑪

善向北兜截總兵孫清元副將樊雄楚等又自

東抄至沿途均有擒殺該匪大隊狂奔陰峪河

九道梁南竄又分出偽總兵劉潮福一股竄向

學堂溝將抄出官兵之後二十日官兵連夜馳

抵連湖坪正值賊眾在彼屯紮一擁而進長
 齡親率呢瑪善守備馬濟盛陳明等帶領步隊
 侍衛雙福等帶領馬隊分投衝殺該匪情迫奪
 路前奔追殺二十餘里共殺賊一百餘人生擒
 彭德貴等三十七名立時正法賊匪遂翻山向
 南路紅坪會合大股走馬鬃嶺潰逸臣等當查
 戴曾二逆已皆竄邊界老荒山內有官兵分扼
 嚴密斷難再向東北平行處漏越惟是房竹西
 南深林窳箐中尚有零匪或係官兵打散或係
 大股內分出人數不多行蹤飄忽每思闖入東
 北兩面臣全保慮其互相糾合復成大隊節次
 派令將弁兵勇聲東擊西前後搜捕今據報各
 路時有擒殺並陸續解到陳開忠等七十二名
 又都司馬相榮獲前次戕害都司陳德文之偽

欽定剿平三省邪匪方略 正編卷二八三

先鋒徐元朝一犯當卽凌遲處死又各員招出
 難民李學仁等六十六名辦理多有成效刻下
 大股賊匪已在邊境自當分派官兵兼顧零匪
 廓清界內而戴會賊股較大儘此兵力速剿以
 期淨盡臣等揆度地勢賊情熟籌防剿計戴家
 營若不入川卽繞出巴東邊界會芝秀若不入
 川卽折向興山老林惟孫清元一路兵力尙不
 敷分撥現因竹谿西路寧謐派令總兵王懋賞
 前往督防替出吉林泰抽帶精銳兵勇會同孫
 清元或分或合由房屬栢木坪冷盤壩黃連坪
 至興山巴東迤邊一帶兜截臣全保督率侍衛
 塔津保叅將姚國棟等在上龕獅子岩北面攔
 擊兼可策應中路臣長齡督領侍衛呢瑪善遊
 擊常峯等由灣腰樹一帶兜東北而攔擊竹山

一〇三

北面辰令副將蔣觀濤帶兵駐劄鮑家店防剿
 北竄之賊總兵德昌一路太係督防竹谿西南
 川陝交界今令酌帶官兵由王家山自西而東
 遇賊探剿如此更易周匝若大股折回可期分
 道並進圍攻掃蕩其房竹界內現有零匪派令
 侍衛富翰參將承祿德興守備鄧興相等分帶
 兵勇逐段梭巡搜殺聯絡聲勢不拘何股遇賊
 卽剿並示諭各寨落團勇隨處助勢截剿計功
 獎賞若全行搜盡卽令兵勇向邊界迎探以剿
 作防再臣全保在獅子岩一帶距房城不遠就
 近籌撥各路糧餉不虞遲緩奏入

上命軍機大臣傳諭吳熊光全保長齡曰此次全保
 長齡分路帶兵督剿曾芝秀戴家營兩股賊匪節
 次斬獲不過百餘人及數十人不等仍未能將會

戴兩股首逆賊擒夥匪剿淨所辦殊未愜意數年
 以來川陝股匪時常竄入楚境倭什布等僅將該
 匪轟出並未能剿淨一股以致賊匪無所忌憚去
 而復來亦不止一次楚境總未寧謐朕心實深懸
 厪因吳熊光全保長齡俱曾在軍機處行走於

皇考籌辦軍務機宜及朕指示方畧自所素悉是以將

伊三人先後簡授該省督撫提督冀其併力同心

認真剿辦肅清楚境况會戴二股均係小股零匪
 楚省現有兵力不為不厚何難悉數殄平豈伊等
 之意必欲經畧參贊到彼辦理乎額勒登保德楞
 泰二人蕩平川陝各股劇賊厥功甚偉並不在殲
 此區區會戴二逆吳熊光等轉不必存讓功之心
 現在川省李彬及湯劉等匪俱係大股之賊已節
 加痛剿拏日卽可蕪功若吳熊光等尙不速行剿

盡楚省零匪必待經畧叅贊蕪竣川賊到楚剿辦
伊等有何顏面耶所有曾戴兩股殘敗餘匪爲數
無多著責成伊三人務在楚境辦竣不得任其他
竄如能迅速在該省界內將會戴兩股逆匪殲擒
殄滅卽屬伊三人之功朕必優加懋賞倘仍任竄
出楚境卽著跟蹤緊躡趕上剿盡其功過尙足相
抵若不能奮力追擊惟以逼出楚境了事則仍蹈
倭什布等故轍必當治吳熊光全保長齡以應得
之罪慎之

聖祖聖孫萬歲

七

初九日壬午額勒登保奏言竊李彬股匪自劉家
壩等處被剿之後四散奔逃臣督率官兵乘勝
追剿途次有於林箐中搜獲者有自行散出投
首者每日二三十人不等二十三口我兵趕抵
草壩場黃泥嘴探得該匪由化角嶺過口場一

帶向東北奔逸有入太平清花溪之勢維時格
布舍揚芳帶領官兵正由通江一帶探剿聞臣
追剿李彬大股賊匪卽帶兵由麻啄石東溪溝
前來臣聞信卽飭令速由岩山壩冉家壩一帶
顧住北面抄出清花溪該匪聞有兵來復折向
南趨由趙堂壩修山坡一帶逃逸該處東南可
出東鄉之東林壩羅紋壩向西可出巴州之碑
子灘亮垭子石高場臣飭令格布舍揚芳蕭福
祿等帶馬步兵勇跟蹤追剿令楊遇春率同應
元寬張瑗等帶領兵勇由倒回水蠟溪壩一帶
旁路進擊臣率領侍衛將弁等由黃鍾堡觀音
阡一帶截剿二十五日格布舍揚芳等趕至石
人壩距賊五十餘里二更時乘夜發兵黎明馳
抵趙堂壩詎賊於四更時業已起竄跟蹤追出

聖祖聖孫萬歲

八

五六十里午後至余家山起上賊匪後隊馬步兵勇奮力衝擊殺死一百餘名生擒七十餘名均係克悍矛子因追剿緊急當俱臨陣砍斃賊匪紛紛潰敗由東林壩一帶奔逃另有衝散馬步賊匪七八十人由樊家灣碑子灘竄至蠟溪壩正與楊遇春官兵相遇趕至亮壩子殲斃四十餘名生擒二十五名將偽副帥朱印冉添浩

《聖朝通志卷之三》

九

偽總兵龐學禹孔季洪張癸卯等五人一併肇獲到營訊據該匪等供自十九日在劉家壩被官兵殺散李彬總無下落該匪等都是副帥總兵沿途湊合八百餘人與冉家營新充元帥冉添璜向太平逃走昨到清花溪聽得北面又有兵來連夜翻山向南折走要到通巴一帶找尋李彬合夥不到余家山被官兵趕殺纔向蠟

溪壩逃走又遇見官兵截殺跑到亮壩子致被率獲等供_臣飭將該犯等五名凌遲處死內朱印一名本係附近居民數年來率領賊眾於通巴一帶燻燭破寨殘害居民倍為克惡百姓等環視鬻割人人稱快其餘各犯皆係矛子亦概行正法查李彬股匪經我軍節次剿殺已極敗殘連日偵探該首逆確蹤據報帶領二百餘人晝伏夜行由通江毛峪鎮一帶遁去急須分路剿捕其格布舍楊芳所剿由東林壩南竄之賊為數不過五六百人已飭格布舍楊芳蕭福祿等奮力追剿務將此股即行殲除_臣於二十七日率同楊遇春等由通江之茨巴門一帶向西北探剿據署通江縣知縣徐廷鈺稟報李彬一股二百餘人于二十六日由毛峪鎮草市壩有

《聖朝通志卷之三》

十

入南江之勢苟文明樊人傑匪由西鄉之九
圍子黎壩西竄巴山已近通江之空山壩其辛
聰一股由太平竄至通江地田該縣徐廷鈺帶
領壯勇四百名及投出新勇二十餘人相機剿
撫於關溪溝梁州壩栢壩口等處或乘夜衝殺
或扼要截擊三次共斬獲一百五六十名棄械
投出者四十餘人該匪亦竄入南江地界臣隨
發往銀牌銀鏢獎賞出力兵勇仍率同楊遇春
及各將領等兼程前進二十六日由竹峪關馳
抵分水嶺扼要暫紮分投探明賊蹤鼓勵將士
竭力剿辦昨據慶成呈報痛剿楊開甲餘匪生
擒楊開甲之子楊麟生臣已酌撥賞銀交慶成
分賞出力兵勇以示鼓勵並知會慶成即將楊
麟生交遲處死其陝境卡隘外層皆係大山密

欽定剿平三省邪匪方略

正編卷二八三

欽定剿平三省邪匪方略 正編卷二八三

林如有零匪潛遁不拘何股均當趕緊搜剿現
又據摠兵田朝貴稟報二十二日進抵廣元之
白馬廟探得魏姓賊匪七八百人在樊家寨天
台院等處四散屯劄田朝貴是日夜半與叅將
李芝榮游擊和欽王忠桂等三路進兵天尙未
明賊匪已將起竄將弁兵勇等奮力進擊該匪
竄上陡山恃險抵拒我軍奮力搶上山梁賊匪
潰敗由白果樹五郎廟遁去共計殺賊二百餘
名生擒男婦九十三名口兵勇傷亡數名當將
獲犯訊明從逆日久之王孫吉等五十七人立
卽正法被脅未久之民人三十六名給予路票
口糧釋放田朝貴現仍帶兵顧住西面向東南
轟擊臣亦卽發給銀鏢銀牌將出力兵勇量加
獎賞並飭令該鎮務與慶成分投剿捕諒寧廣

欽定剿平三省邪匪方略

正編卷二八三

一〇七

地界即日可以肅清至勒保所剿湯劉股匪昨聞已竄往開縣雞鳴寺一帶勒保由溫湯井進剿本日接德楞泰來信自礮斃龍紹周後帶兵由徐家壩寶塔前進途次復將龍逆分股之二百餘人剿盡現亦由開縣境內探剿是德楞泰一路官兵正係迎頭定可與勒保將湯劉股匪尅期辦竣向通南前來刻下通南一帶賊匪如

聖訓

五

李彬苟文明樊人傑辛聰姚籌佐張添倫魏逆各帶殘匪二三百人四五百人不等於山林中零星奔逃苟延殘喘 惟有鼓勵官弁兵勇將各匪趕辦完竣不日與德楞泰勒保會晤大局可以戡定所有剿捕餘氛及善後各事 當與之詳晰籌商奏請

訓示至七十五日內剿賊情形未據報到刻下苟樊

等逆竄入通江未見七十五追剿前來或係已往川陝邊界探剿崔戴股匪以顧東面亦未可定 已飛行查催不令稍涉遲緩額勒登保又奏言竊查大功即日告成所有各股賊匪經各路大兵分投剿殺後不無零星餘匪四散奔逃非地方官督率寨勇併力搜緝剿撫兼施未能迅速盡淨疊蒙

聖訓

五

皇上諄諄訓諭 復節次通飭川陝楚地方各員一體遵行查川境寨堡民人本甚得力此次 由陝入川察看情形未能如從前之踴躍因百姓日久懈生非地方大小各員實力董率未易集事 月餘以來於川北一帶留心察看惟候補道劉清率領壯勇數百人於通巴一帶剿撫兼施節次斬獲多人招令出投者亦復不少百姓

既聽其指使而賊隊亦多有信從連日隨臣在

營臣察其辦理各事洵屬實力實心不辭勞瘁

又候補同知直隸州署通江縣事徐廷鈺臣前

歲在川時該員辦理地方糧運甚為認真現仍

始終奮勉每遇賊匪竄近縣境尤能鼓勵壯勇

或剿或撫隨時殲擒及招出解散者為數亦多

洵屬川北地方官中最高出力之員可否仰懇

聖恩量加獎勵俾地方大小各員觀感奮興於團勇

聖

剿撫事宜咸知盡力辦理如有因循怠玩不知

振作之員臣亦必與勒保嚴行查叅重治其罪

再陝省寨堡事宜自臣今歲春間奏請辦理後

陸有仁派委大小官員分段趕辦曾經奏明於

完竣後分別懇

恩獎勵各該員急公趨事辦理極為妥速除司道大

員昨已仰沐

天恩交部議叙外所有丞倅以下各員其身任地方

者既有董率之責其分段幫辦者亦有奔走之

勞各該員於寨堡完竣後分駐各寨團集寨勇

以二十寨聯絡一處遇有零賊竄近或督率搜

剿或設法招徠著有勞績節經臣隨時存記今

陝境雖已肅清而邊界搜緝零匪正關緊要所

有前此辦理寨堡各員應擇其分外出力者先

奏

行奏請獎勵庶各該員感激倍常更知罷勉從

事臣與陸有仁往返札商意見相同茲謹將在

事尤為出力者十一員開單恭呈

御覽此外尚有在事出力人員伏大功告竣時再

陸有仁會同查核分別等第酌量請

旨以勵勤勞倘經此次懇

恩獎勵各該員急公趨事辦理極為妥速除司道大

思之後各該員或有始勤終怠者亦即嚴行効劾不
敢稍存姑息再臣隨營辦事之陝西臨潼縣知
縣方載豫自臣人陝之日調派來營兩載以來
辦理一切諸凡勤慎不懈勞瘁應先恭懇
聖恩賞給五品職銜以示鼓勵

同日陸有仁奏言竊臣調派通判維昂等帶兵
入棧堵剿竄匪連日復據探報該匪等由黑河

《聖祖聖訓彙編卷三》

三

折竄畧陽經署鎮齊郎阿帶兵追剿賊即由鳳
縣之火燒關竄至關刀山二十五日慶博帶兵
趕到遊擊朱集才亦領兵前來兩路夾擊殺賊
十餘名賊即由留壩紫柏山一帶老林逃竄二
十六日夜復乘霧越過南星驛海青溝向東溝
一帶奔逸維昂得信即連夜督率鄉勇追截於
留壩黃草溝地方迎頭截擊該匪占佳山梁擲

石抵拒維昂鼓勵鄉勇奮力仰攻直搶上山登
時殺賊五十餘名並執旗賊目二名生擒二十
餘名奪獲大旗長矛數十件適都司蔣福亦聞
信帶兵趕來當復殲擒十五六名餘匪七八十
名即由大白河一帶逃竄訊據獲犯李長脚等
供稱此股係高家營被官兵打散餘賊共有二
百餘人賊目汪少綱帶領原想到棧道秦嶺一

《聖祖聖訓彙編卷三》

三六

帶搶掠口食不料處處多有官兵賊衆人人畏
懼夜半乘霧從海青溝逃來不想又遇官兵截
殺汪少綱已被殺死等語維昂等於訊明後一
面將獲犯分別辦理一面即督率兵勇探蹤搜
洗臣當即捐給銀牌銀兩先將出力兵勇獎賞
並諄諭維昂等務須上緊搜剿完竣勿使一名
漏網再總兵豐紳等於紫陽高橋一帶截剿竄

匪大得勝仗並生擒首逆高見奇僅逃去餘匪
數十人現在搜捕即日可以掃蕩全完又七十
五帶兵追剿苟逆股匪現入西鄉邊界所需糧
餉並各路征防兵勇分例下現在設法供支不
敢稍有缺悞前蒙

賞撥兩淮鹽餉銀三十萬兩臣已疊次飛催務期尅
日趕到以資接濟均奏入

《聖諭廣訓卷之三》

完

上命軍機大臣傳諭額勒登保曰李彬一股賊匪經
官兵屢次剿殺祇剩二百餘人晝伏夜行勢極窮
蹙其苟文明樊人傑辛聰及魏姓等股亦經官兵
分投追擊均有斬獲俱已殘敗看來大功即可告
蒞額勒登保於大局戡定後自應思進京瞻覲祇
謁

裕陵以伸誠悃朕亦望其早赴闕廷面加慰勞當此功

屆垂成之際惟臣以歲功完善為重且帶兵大臣
宣力在外剿賊之功足以仰慰

先帝之靈亦不必拘定三周年內虔申展叩方為克顯
臣子之心至伊母身故自必急欲回家補行奔喪
但一切喪葬之事早經辦畢即亟亟回京亦已無
及額勒登保身為經畧關係重大即目前大功告
竣而善後一切事宜皆須一手經理况伊到京後

《聖諭廣訓卷之三》

三

即在內廷供職非如德楞泰現任四川成都將軍
小京後仍須回任可比是以前降諭旨內俟軍務
大局一定先令德楞泰來京俟其回任再令額勒
登保還朝總須自行酌量通盤籌畫實在餘匪淨
盡地方寧謐斯不負六年辛勤克全忠孝伊還朝
後可以不必再往方行起程若急圖目前完事仍
留餘孽伊甫經到京又臣前往成何事體乎即德

標泰行止亦須與額勒登保彼此商酌若尚有應
須幫辦之事額勒登保亦當奏明暫留協理不必
急於來京但不得因有此七辦理稍涉延緩而於
迅速之中又不可稍有草率據稱湯劉二股德楞
泰與勒保可以尅期辦竣向通南前來額勒登保
不日與之會晤伊三人同心籌畫於軍務一切善
後各事或另有酌辦之處不妨據實敷陳朕摠覽
額勒登保等奏到大局戡定卽降旨論功行賞宣
諭中外佇盼捷音卽至現在賊股較大者如湯劉
李彬樊苟五股卽每股俱以五百人核計亦不過三
二千五百人加之零星不成股數賊匪亦不過三
千餘人此時各路大兵雲集軍威壯盛剿此殘賊
餘匪自可尅期蕝事並著額勒登保將現在賊數
究有若干果否可於冬至月內奏報戡定之處據

實具奏以慰屢注至七十五追剿苟逆股匪前據
德楞泰奏到時朕恐其未必卽能辦竣會降旨令
德楞泰隨時策應今摺內稱樊苟等逆竄入通江
未見七十五追躡前來或已往川陝邊界探剿崖
戴股匪等語戴家營股匪昨據全保等奏在楚省
邊境截剿得有勝仗並未竄往川陝邊界而本日
陸有仁摺內則稱七十五現在西鄉邊境逼剿苟
逆著額勒登保查明如七十五因沿途另遇他股
賊匪帶兵截剿尙無不是不必搜求若有逗遛落
後情事卽應據實參奏不可姑息又據保奏軍營
出力人員具見公當現已分別加恩此內如候補
道員劉清平日官聲甚好民情愛戴人所共知此
次業經賞還花翎大功告竣後尙當格外加恩其
餘各員一經保奏無不立予恩施無非鼓勵地方

官令其幫同帶兵各員速謀大功額勒登保應傳知伊等益當感奮勉圖奏績再應撤官兵已據額勒登保等陸續酌遣其鄉勇一項隨征已久其中自有傷病不能得力之人額勒登保亦應會同川陝楚督撫查明酌量減撤以節糜費歸入善後事宜辦理

上又命軍機大臣傳諭陸有仁日前據陸有仁奏報

《聖祖聖訓編覽全》

三

有不知姓名股匪二百餘名在黑河奔竄經該撫派令兵勇截回畧陽地界當經降旨飭交該撫將此股賊匪速行剿淨並向軍機大臣論及此股必係高家營剿敗餘匪正在懸盼適陸有仁奏稱截剿奔竄股匪已獲勝仗即日可期殲盡並訊據獲犯供稱果係高家營被官兵打散之賊此次該匪由鳳縣向東溝一帶奔逸佔住山梁礮石抵拒雜

昂鼓勦兵勇奮力仰攻共滅擒一百餘名頗爲奮勇陸有仁於初聞信時卽派員前往迎擊調度悉得機宜統俟此股辦竣將該撫與維昂分別加恩其剿剩餘匪僅止七八十人陸有仁務當督飭上緊搜剿以淨根株日前此股賊匪竄近黑河究由何處汎地衝出慶溥永明均係在彼防堵之員慶溥帶兵將該匪截回復於關刀山殺賊十餘名卽

《聖祖聖訓編覽全》

三

前此該匪係由慶溥汎地竄出其功過亦足相抵倘係別汛疎防則慶溥帶兵殺賊非但無過而且有功至永明亦經慶成咨會與慶溥同往追剿而該撫此次摺內並未提及永明若賊匪本由永明一路衝過是永明既不防範於前又復怠玩於後咎實難辭著陸有仁卽速查明據實奏至總兵豐紳於紫陽一帶截剿竄匪生擒首逆高見奇一

節尚未據奏到此時經畧察贊各路大兵雲集川境陝楚邊界祇有七十五在西鄉剿辦苟逆征兵無多其餘祇係原在邊界防堵之兵前次所撥兩淮鹽餉三十萬兩日內諒已解到該撫惟當樽節供支俾無缺乏又各省捐監銀兩前令各督撫收足十萬卽委員解京原指無事省分而言今陝省軍務將次完竣應辦善後事宜需費正繁所有陝省捐監銀兩准其歸入軍需項下支用但須核明支銷數目按月具報俟將來該省辦理善後完竣再行解京可也

上諭內閣曰川陝辦理軍務大功卽日戡定所有在事超衆出力之地方各員自應先加獎勵四川候補道劉清著加恩賞還花翎四川候補同知直隸州署通江縣事徐廷廷著賞戴花翎陝西商州直

隸州知州陳祁著以知府陞用先換頂戴原任陝西興安府知府降補同知周光裕著加恩開復仍以知府用陝西石泉縣知縣李樞煥著以知州陞用先換頂戴署陝西鎮安縣事縣丞胡彬著以知縣陞用原署陝西商州州同緣事革職留任蓋方泌著加恩開復遇缺先儘補用陝西候補從九品向淮著以縣丞陞用陝西候補知縣朱元炳州同熊壘縣丞余春溥從九品張元禧王襲富俱著遇缺先儘補用又陝西臨潼縣知縣方載豫調赴軍營兩載以來辦理一切俱屬謹慎不辭勞瘁方載豫著賞給知州銜以示鼓勵

欽定剿平三省邪匪方略正編卷二百八十四年辛酉

十一月十四日丁亥德楞泰勒保奏言查湯逆股

匪前經官兵剿敗後只剩四百餘人向太平之

茶子壩後坪一路東逃當即飭令總兵薛大烈

等帶領原兵跟蹤緊躡臣等即督率官兵由線

壩西進探剿劉逆並沿途搜捕零匪二十六日

行抵楠木岡探報有賊匪一股二百餘人由長

《剿平三省邪匪方略正編卷二百八十四》

春壩竄往朽木溪又另有賊匪一百餘人由北

斗坪竄向天寶寨月亮坪一帶又有一股賊匪

三百餘人由九子溝走青林子據報劉潮選即

在其內臣等當令賽冲阿温春蒲尙佐侍衛達

勒精阿等帶領馬步兵勇由柞井壩渡口嚴一

帶探剿臣等督兵繼進二十七日探得三股賊

匪均在土黃壩合夥約共六七百人已向放牛

碾平頭山西竄查該處左通石碓窩右通南壩

官兵分路馳進途次據報賊匪在華尖壩三角

包等處屯聚知官兵分路趕剿連夜翻燔筒山

逃走臣等督催官兵抄出五寶場豐城等處馳

追二十九日抵山後壩探知賊眾屯於孫家壩

當令賽冲阿温春帶領兵勇乘夜前進黎明趕

抵該處賊眾起行不遠我兵分馳追及其尾立

《剿平三省邪匪方略正編卷二百八十四》

斃賊二三十名生擒黃芝武等一十九名餘賊

四散向雷家坪等處捨命狂奔我兵分投追捕

又殺賊三四十名生擒龔國士等二十七名餘

匪向黃金口遁走訊據獲犯供稱劉潮選一股

前在木碗坪地方被官兵打散二十五日在土

黃壩遇白號青號兩起各有一百餘人大家合

夥同走要想進山躲避不想官兵追殺劉潮選

就先逃走等語當將各犯分別辦理賽冲阿等旋即帶兵緊躡前進行次官渡探得劉逆帶領殘匪二三百人驟馬數十匹由固軍場向葫蘆井竄去我兵趕抵該處詎賊先已知覺翻山逃走遂派參將馬元等帶領步隊兵勇跟蹤追擊賽冲阿溫春等帶領馬隊順溝抄截賊匪竄至紅岩寨下寨勇等鎗礮轟擊我兵乘勢趕殺斃賊五六十名賊衆紛紛丟棄驟馬攀陟馬鞍山我兵追至半坡該匪等拒據極險陡坎憑高拋擲亂石兵勇冒險仰攻步步進逼時馬隊官兵已從溝內繞赴賊後賊匪遙見即逃我兵一擁而上殺賊一二十名賊衆向柏森坪苦子壩一帶逃走沿途生擒男婦四十六名口訊出劉潮選之妻王氏據供隣水縣人係被擄進營查該

氏雖係難婦業與劉潮選配合罪應擬斬且就近監禁以備擒獲該首逆時令其識認其餘訊出探馬頭鄒雲貴戰手祝起祥等二十八名梟行正法餘俱照例省釋其湯思蛟一股賊匪前由菜子壩向後坪一路東逃薛大烈帶兵跟剿恐其竄入大寧越過陝楚邊界當即商令副都統銜達斯呼爾岱副總管格亨得爾副將張績遊擊傅廷佐桂涵晉之璉等分帶兵勇取道朱家壩桃花壩一帶兜截遏其竄入陝楚之路薛大烈率領參將羅聲臯蕭鳳來遊擊胡定邦等分帶兵勇由小橋溝鎮口廟一路進剿該匪晝夜狂奔薛大烈等緊躡馳追至小泥溪地方趕上賊尾斃賊數十名生擒何海豐等二十九名該匪竄至桃花壩正翻壩口下走適達斯呼爾

岱等見該處山勢險峻係一線盤折而上賊匪已得地勢我兵勢難仰攻遂令桂涵晉之連挑帶趨捷兵勇從左手覓路上山達斯呼爾岱等仍與賊相持作仰攻之勢賊匪不虞我兵抄截其後桂涵晉之連等帶領兵勇攀援潛上山眾吶喊兜殺該匪驚慌四潰有滾崖跌斃者有鑽人林菁者兩路兵勇分投搜捕生擒方文才等十六名維時薛大烈等已帶兵趕上會合當將何海豐方文才審訊據供湯思蛟自與劉潮選分路後帶有四五百人竄至菜子關原想走兩扇門到陝西涇河躲避不料遇官兵把我們擊住等供薛大烈訊明該犯等俱係戰手當即一併正法探得湯逆尙剩餘匪三百餘人逃向木皮河一帶薛大烈等現在帶兵趕緊追剿又探

欽定剿平三省邪匪方略 正編卷二八四

得近日東鄉白瓦溝有打散零匪二三百人竄至達州風洞子一帶臣等現派遊擊唐際盛夏雲龍都司王泰守備周士貴等分帶兵勇前往剿捕至荷文明一股前由川竄陝近接額勒登保來信該匪已經總兵穆克登布等帶兵痛剿所剩不過數百人現由簡池壩折回通江蒙壩塘一帶查此股賊匪前經臣等奏明專交七十五帶兵剿辦刻下該提督行抵何處曾否接仗未據報到臣等現又嚴催令其趕緊剿淨臣等伏查數月來各路剿散零匪俱係潛匿山林晝伏夜出若以大隊兵馬跟剿未免聲勢較大該匪等轉得聞信預竄徒勞兵力必須籌畫大局另行設法分兵搜捕現聞經畧額勒登保督剿李彬股匪近在通江境內臣等即酌帶兵勇探

一一七

赴額勒登保軍營會商大局及一切善後事宜以期及早蕺功至此各路追賊打仗間有陣亡受傷兵勇容俟查明另行咨部辦理奏入

上命軍機大臣傳諭德楞額保曰此次湯劉二逆分股逃竄其湯逆一股經德楞額等飭令薛大烈等帶兵追躡在小泥溪地方趕上賊尾斬獲多名餘匪三百餘人向木皮河一帶逃逸德楞額等督

聖朝聖訓卷之七

七

率官兵由線場西進探剿劉逆沿途多有斬獲并將劉潮選之妻王氏生擒該氏雖訊係被擄為妻但賊匪不能顧及家屬其實在窘迫可知前此如徐添德龍紹周等逆俱係先獲其妻子該匪等不久殄擒看來劉逆亦可即日殲除近來賊股內惟湯劉李苟等逆人數稍多現在湯劉二逆不過各剩二三百人李彬股匪前經額勒登保痛剿據奏

聖朝聖訓卷之八

八

所剩不過二三百人苟文明一股經穆克登布剿辦亦僅餘數百人其餘更屬零星散匪德楞額等聞知經畧近在通江前赴該處軍營與額勒登保面商大局並籌畫一切善後事宜所見甚是伊三人會合後務當彼此熟商籌計除川省外陝楚邊界上尚有剿散之匪亦不可不通盤慮及是否於冬至月內可以戡定大局年內可以將零星餘匪一律剿淨之處據實具奏但不可因急圖竣事致辦理稍有草率必須確有把握蕺功完善為一勞永逸之計至經畧叅贊等向來聲威為賊匪畏懼今剩此零星餘匪自不值伊等親率大兵追剿轉致零星聞風竄匿伊等三人會商後即將如何分派將領帶兵搜剿之處先行詳晰奏聞再節據軍營奏報各股賊數李彬湯恩蛟劉潮選苟文明股

匪合之不過千餘人卽加以各股零匪諒亦不過二千餘人並著德楞泰等將現在零匪是否祇有此數據實查奏又聞樊人傑已經生擒不知係在何路軍營本日德楞泰等摺內未經提及或係被他處寨勇擒獲因路遠尙未報到亦未可定卽著查明具奏

十五日^{戊子}額勒登保奏言查李彬分股賊匪自

《聖朝和匪彙編卷五》

九

擒獲偽副帥朱印等後偽元帥冉添璜率領餘

黨五六百人向東林壩南竄^臣一面飭令格布

舍楊芳等躡蹤緊追務期撲滅一面率同楊遇

春及將領等於分水嶺一帶探聽各股賊蹤剿

辦三十日探有一股賊匪二百數十人在黑虎

廟王家坪一帶滋擾^臣飭令副將應元寬參將

吳廷剛遊擊王兆龍等帶領兵勇由蕭家河進

牛灣進剿詎該匪聞有兵來連夜由栗壩東道

適札克塔爾由西鄉取道回營於三十日行抵

中壩聞該匪竄近卽率同派留中壩防剿之總

兵張鳳副將王兆夢等帶兵截擊殲斃五六十

人生擒四十餘人該匪仍由紅花坪折遁竄向

周家溝距分水嶺四五十里^臣卽令楊遇春率

同副都統銜全德副將張瑗參將特依順保等

《聖朝和匪彙編卷五》

十

由石笋溝一路連夜進擊初三日天甫黎明楊

遇春帶兵抵周家溝該匪已於四更起竄向高

家河逃遁當卽帶領兵勇追出二三十里殲斃

數十人生擒賊目龐思宇探馬頭楊應學等十

六人餘匪四散潰竄應元寬吳廷剛等帶兵亦

從趙家壩旁路追來併方斬獲四五十人楊遇

春仍令應元寬等緊躡搜捕遂將所獲之龐思

字等轉解回營訊據洪稱我係冉添泗王士虎股內總兵自八月間被大兵衝散帶領七八十人於通江西鄉一帶老林藏躲後來遇見張添倫股內打散零匪並各股湊合有二百餘人近因天氣寒冷老林內不能存身出來擄掠不料到處有兵遂被拏獲等語當飭將龐思宇楊應學二名凌遲處死其餘傅廷爵等十四人均係

聖朝聖德編卷四

十一

矛手槩行正法約計此股零匪所剩不過數十人現由徐家河翻山逃逸已派兵勇跟蹤搜剿可以即日掃除至格布舍楊芳等帶領官兵於二十八九等日由羅紋壩一帶追剿三十日馳抵馬鞍山匪賊不遠鼓勵弁兵乘夜進剿斬獲數十人賊匪四散覓路逃逸其有奔竄不及者均於四季坪熊洞子老林藏匿格布舍楊芳等

於天明時分帶兵勇搜殺四十餘人並將李彬之妻冉氏王士虎之妻郭氏鮮倖先之妻王氏及各賊目妻室十數人一併緝獲格布舍楊芳等因追賊緊急不能押帶前進於訊供後即行正法是日賊匪被剿窮蹙零星狂奔有投往民寨經民人送到審訊辦理者亦有本係附近民人經寨民收留者惟探得冉添璜帶領矛手百餘人將旗幟燒燬晝伏夜行向秦家河西去意欲尋李彬合夥格布舍楊芳蕭福祿等派令藍翎把總陳永才帶領鄉勇二百餘人由小路石窩場向家墳迎頭抄截格布舍等親率弁兵由喻家坪江口進發初三日把總陳永才趕抵鎮龍關正與賊遇當即率勇進擊該匪竄入蒙家寨山後林箐內格布舍楊芳蕭福祿等帶兵亦

聖朝聖德編卷四

十二

卽趕到令兵勇四面兜圍縱火燒林賊匪於烟
火中衝突而出兵勇奮力向前將各匪斬獲淨
盡計生擒五十七名殺斃八九十人首逆冉添
璜經把總陳永才鄉勇趙貴趕上生獲經格布
舍楊芳派令陳永才解送前來訊據供稱係冉
文偉堂侄冉添泗堂弟向來充當頭領自冉添
泗被官兵拏去衆人立爲元帥與李彬合夥一
同管事昨因被官兵追殺情急大衆各自逃生
我帶領手下二百六七十人欲往通江找尋李
彬不料逃至鎮龍關兩路官兵趕來圍殺致被
拏獲等語當將該逆凌遲處死其餘所獲各犯
均分別從逆久暫立予正法釋放把總陳永才
及出力兵勇皆酌加賞資以示獎勵再穆克登
布近因患病不能動履將所帶兵勇交總兵豐

聖清通鑑纂要

三

紳會同桑吉斯塔爾等於安康紫陽一帶探剿
賊匪茲據該鎮稟報聞豐紳桑吉斯塔爾率領
官兵奮力截剿十月十八日在紫陽之高橋三
星寨一帶將首逆高見奇生擒夥黨三百餘人
斬獲殆盡僅有餘匪十數人遁向深林已酌派
兵勇兜圍搜捕臣並聞豐紳已差人賫稟前來
係由寧廣入川道路紆繞日內尙未趕到臣現
已專差前赴豐紳處查看一面審訊高見奇確
供具報一面卽將該逆凌遲處死至格布舍楊
芳等於擒獲冉逆後卽由通江之毛峪鎮探剿
李彬股匪現據通江縣徐廷鈺稟報該匪由南
江地界新竄烏林埡張清壩一帶格布舍楊芳
帶領兵勇躡蹤緊剿相距不遠定可卽日殲除
其苟文明股匪由空山壩逃竄後現亦遁往南

聖清通鑑纂要

四

江地界近據探報七十五已由通江之兩河口
平溪壩一帶追剿前去臣亦知會七十五務須

竭力專辦不可再有遲延刻下賊匪又以西北

為重業經隨時飭知慶成慶溥田朝貴等務當

顧住邊界竭力防堵臣現已率同楊遇春扎克

塔爾等由鐵溪河至簡池壩自東向西無論何

股賊匪皆可收夾擊之效再昨接德楞額奏勒保

欽定四庫全書

去

來信現在親督官兵由官渡一帶迎擊湯別等

逆若日內即將該匪全數撲滅德楞額奏勒保率

師西來即可與臣面加籌商趕緊將西北一帶

之苟文明樊人傑張添倫李彬姚馨佐魏姓等

痛加剿除則大局更可及早戡定其有剿剩殘

匪派撥官弁兵勇無論深山密林上緊分投剿

捕更無難悉數蕩平再臣自接任經畧以後兩

次欽奉

恩旨頒發賞需銀共一萬五千兩臣均陸續於川陝

軍需項下調取應用今春蒙

皇上特遣使臣賫銀十萬兩到營臣查明川陝楚三

省防剿官兵普加分賞共用銀六萬四千餘兩

餘銀三萬五千餘兩臣陸續撥德楞額泰軍營伍

千兩外其餘三萬兩零臣半載以來凡遇各路

欽定四庫全書

去

生擒首逆及斬獲賊目賊匪之出力弁兵鄉勇

以及探聽賊信帶路民人應須犒賞者皆用此

項銀兩自八月以後業經動用無存臣查刻下

各股剿剩餘匪四散逃匿兵力不及逐處剿捕

必須鄉勇寨民協力殲擒乃能迅速肅事而鄉

勇寨民非加以獎賞不足以勵其心而用其力

臣沂來通行曉諭民勇如有擒獲一賊者賞銀

一兩有緝獲賊目者則視其賊目是否夥眾分
別優賞各鄉勇寨民等咸知賊匪即日蕩平既
可早靖地方更可立功邀賞均能踴躍從事陸
續拿獲解營者甚多且此等本地民勇道路形
勢既所熟悉翻山越嶺尤為趨健於搜捕事宜
實可得力伏思此時各股殘匪合計已不過五
六千之眾若以小費鼓勵兵勇寨民早一日緝
捕完竣則各路大兵即可早一日凱旋所費無
多而所省實屬不少今臣不揣冒昧仍擬於陝
省軍需項下量為調用一切仍當加意撙節不
敢稍涉繁費統俟大功告竣時臣查明動用數
目再行奏請歸款奏入

上命軍機大臣傳諭額勒登保曰李彬分股之偽元
帥丹添瓊率領餘黨五六百人向東林壩兩竄經

額勒登保派兵追剿楊遇春等於尚家河一帶

獲賊匪數十人擒賊目龐思宇探馬頭楊應學
等十六人格布舍楊芳蕭福祿等帶領官兵追擊
賊匪斬獲甚多生擒各逆之妻並偽元帥丹添瓊
甚為出力可嘉此次格布舍楊芳蕭福祿等生擒
首逆連獲勝仗皆由經畧調度得宜所致額勒登
保著賞玉搬指鑲珠洋鑽帶板大小荷包格布舍

楊芳蕭福祿俱著交部議敘並著加賞格布舍楊
芳玉搬指大小荷包又發去堪達罕搬指鼻烟壺
搬指套各十件交額勒登保分賞軍營出力員弁
以示鼓勵其生擒丹添瓊之把總陳永才鄉勇趙
貴除額勒登保業加賞賚外陳永才著加恩以千
總陞用趙貴如未曾得有頂戴者加恩賞給八品
頂戴如已有頂戴者加陞一等現在李彬股匪所

剩無多且同夥之再添瑣業已就擒妻子亦被拿獲勢極殘敗業經格布舍楊芳帶領兵勇緊躡追剿無難一鼓殄除著額勒登保上緊督催刻期剿淨圻盼佳音卽至昨據德楞額奏到湯劉股匪疊經官兵剿殺所剩不過二三百人伊等聞知額勒登保近在通江前赴該處軍營面商分派將領搜捕餘匪及一切善後事宜想卽日定可會晤

聖祖聖孫編年卷一百一十五

九

此時各股著名之賊如李彬湯思蛟劉朝選樊人傑苟文明張添倫姚馨佐魏姓等人數俱屬無多且訊據獲賊供稱零匪等近因天氣寒冷老林內不能存身出來擄掠正當趁此機會趕緊搜捕淨盡伊三人一經會合務當彼此熟商通盤籌計冬至月內是否可以戡定大局十一月內是否可以將川陝及楚省邊界零星賊匪一律剿淨之處先

行會銜具奏至豐紳等生擒高見奇一節已據陸有仁奏到候額勒登保查明高見奇實係何人拿獲奏到時再降恩旨又七十五剿辦苟逆日久尚未得有打仗殺賊信息今據額勒登保奏七十五由通江一帶進剿已札催該提督不可再有遲延是七十五之辦理遲緩額勒登保亦已看出應遵前旨如果查有逗遛落後情事卽據實奏奏不可

聖祖聖孫編年卷一百一十五

十

因軍務將竣稍存姑息此時宜信賞必罰使人人思奮成功在卽矣又據奏軍營需用賞項請於陝省軍需項下量爲調用等語軍需例無賞項自福康安辦理臺灣軍務以來始有此項軍營視爲常例近年軍營犒賞皆係特旨頒發並不於軍需款下動用所以杜其牽混現既據額勒登保奏稱大功將次告竣所有出力之鄉勇寨民等非加之獎

質不足以示鼓勵已另由兩淮撥銀十萬兩以爲川陝各路軍營犒賞之用額勒登保於收到後卽分撥川陝各路軍營俾兵勇等共沐殊恩咸知感奮至此項銀兩已諭令陸有仁於到陝後轉解額勒登保軍營如額勒登保先向陝省預支若干兩卽令陸有仁在此內扣除至現在額勒登保德楞泰兩路大兵會合川省需用供億較多且蕝功在卽經理善後費用甚繁不待勅保奏請已降旨由兩淮撥銀二十萬兩解川應用所有川省糧餉軍火事宜務須源源接濟樽節以支並於善後事宜妥爲籌備爲要又據稱穆克登布現在患病不能動履穆克登布帶兵剿賊以來頗爲奮勇前此剿淨蕭占國張長更及殲擒首逆龐洪勝楊開甲曾印伍懷志等屢著勞績節經加恩優敘未給世職

念其疊次剿辦有功近復因勞得病自應酌以懋

賞穆克登布著加恩賞給雲騎尉世職並著額勒

登保留心察看如穆克登布病體可以速愈自當

仍留軍營俟凱旋時一同回京如一時未能卽痊

與其在外養病不如緩程來京陛見伊係加恩在

乾清門行走之員俟到京見朕後病體痊愈自可

令回本任或屆時未愈卽留京供職亦無不可

上又命軍機大臣傳諭陸有仁曰額勒登保奏軍營

賞需銀兩擬於陝省軍需項下量爲調用等語軍

需賞項本不應作正開銷現在額勒登保咨會陸

有仁調用軍需銀兩作爲犒賞之用恐將來陝省

報銷時易於牽混是以特降諭旨令兩淮鹽政書

曾再撥銀二十萬兩迅速解陝該撫接到後將十

萬兩解送經畧軍營備賞如額勒登保業已於該

省軍需項下調用若干兩陸有仁卽照數扣除歸還軍需欸項其餘十萬兩交該撫收用該省現無成股賊匪存兵無多目前所辦祇係善後事宜此時不待伊奏請又撥給銀兩隨時接濟陸有仁惟當撙節支用毋稍浮濫

上又命軍機大臣傳諭書魯曰川陝辦理軍務大指日告竣一切賞項及善後事宜需用較多著書

聖訓

三

魯卽在兩淮鹽課節省銀內動撥四十萬兩將二十萬兩解往四川交勒保收貯備用將二十萬兩解往陝西交陸有仁收貯備用務須遴派妥員迅速解交並飭沿途各州縣小心護送毋得延緩疎虞

十七日庚慶成奏言臣前因川陝沿邊時有零

匪出沒窺伺帶兵以次殲剿嗣慶溥承明趕剿

西奔零匪誠恐西北空虛餘孽尋蹤踵至

自廣元關口堦趕赴板蒼壩一帶將陝境嚴密

扼堵多差偵探一有北折賊蹤卽往截剿並飛

催慶溥承明及所派將弁等帶領兵勇趕緊剿

辦旋據慶溥來信帶兵窮追至鳳縣之瓦房壩

督率弁兵殲斃賊匪三十餘人並奪獲刀矛等

件所剩餘匪不過百人向分水嶺逃竄詢係川

聖訓

三

陝地方剿潰龍高餘匪湊合一百餘人內無大

賊目只有探馬頭彭先劉二猫等爲頭等語並

接遊擊張汝勤通判雒昂稟報探得殘匪於二

十六日四更出海清溝口奔竄棧東該員等各

帶兵勇於黃草溝麻地溝等處地方追截擒斬

數十名餘匪六七十人逃入太白河老林各路

兵勇分路抄截趕剿查此股殘匪原僅一百餘

人突出西北茲被官兵剿剩不過數十人並無
著名首逆在內慶博等各帶兵勇分投抄截併
力剿捕又有寧陝各營夙扼截搜擒並未聞入
甘境定可卽口捕淨臣現知會撫臣陸有仁由
漢中就近飭催惟總兵永明一路兵勇行途紆
遠未必卽能趕及餘匪無幾不值徒勞多兵臣
已與陸有仁札商以西北一帶堵剿喫緊急需
兵力並札知永明帶兵撤回協堵查近陝沿邊
一帶深林密菁道路紛歧零星敗匪或倚傍山
林藏匿擄掠或往來搶劫窺伺北竄總緣上游
江水淺涸竄匪多趨西北若不趁此殲除恐湊
合復成大股均應逐一搜捕盡絕據派防毛埡
子之千總溫可稟報探得楊逆殘匪一百餘人
投入張迎孟股合夥共有六七百人依傍老林

欽定剿平三省邪匪方略 正編卷二八四

游奕該弁帶兵放哨直入大院舖老林擒獲賊
目一名散匪數名解送前來審係楊逆夥內放
鎗師傅尤老四自被官兵打散該匪夥內首逆
皆係楚人不願在川總要乘空竄往陝甘地方
令該犯扮作販客探詢官兵撤回何處等語該
犯雖非緊要頭目但打仗多次擄掠多人較他
犯尤爲可惡當卽凌遲梟示臣隨卽密派參將
吳亨衍遊擊張奉廷挑帶精銳兵勇連夜赴川
陝邊界躡探藏匿賊蹤實力剿洗臣督率各營
卡弁兵隨時接應如有大股竄至卽可併力合
剿初七日據吳亨衍張奉廷報稱帶領兵勇穿
林翻嶺偵探賊蹤總無確信追至廣元之李家
灣有往來民人傳說廣元南北江交界漢王山
環丹梁大林聚集多賊時出擄掠該將等分爲

欽定剿平三省邪匪方略 正編卷二八四

兩路進剿初六日黎明至土地垵遇賊接仗先後殺賊二百餘名生擒二百餘名奪獲器械甚多詢係張魏兩股並楊逆零匪其剩餘匪不過二百餘人鑽林逃奔張添倫衣帽盡皆拋棄數賊挽拉入林免脫魏洪升領眾逃跑因遇遊擊張奉廷之兵迎頭殺來滾跌深淵未得該逆實在生死下落現在寨民打撈該將等即帶兵勇前進以期乘勝搜淨臣飛札該將等趕緊搜捕勿使首夥一人漏網並即派員趕往環丹梁查明分別辦理再查上年十五日零匪一百餘名乘夜繞林越卡西竄係遊擊王自祿所管處所陳防業經具稟經畧核奏至現在賊勢衰殘惟在實力搜捕臣嚴飭駐防各營卡將弁俱挑壯健兵勇於就近沿邊探蹤協剿不得株守營

卡其出師日久老弱弁兵既不得力查明以次遣回各卡鄉勇內有老弱平常者亦俱隨時裁革陸續遣令回鄉此輩遊惰性成聚集不免為匪散歸則自圖生計且川楚陝甘曾經賊匪蹂躪之區居民移徙市場寂寥一經平定商販輻輳無賴閑人謀生有路鄉勇雖易於解散即情願入伍者亦多不諳紀律必須鈐束得宜臣併於現有頂戴之鄉勇軍功內擇其誠實出力原有身家者報明經畧量補弁兵之缺將來陝西提標添設營制鄉勇入伍即以補缺軍功隨同營弁管轄素性服習更資得力奏入

上命軍機大臣傳諭慶成曰此次張添倫魏洪升兩股在川陝邊界遊奕經慶成派參將吳亨衍遊擊張奉廷分為兩路進剿先後殲獲四百餘人所辦

尙好昨額勒登保奏稱現在賊匪情形以西北爲重業經飭知慶成等顧住邊界悉心防剿今慶成亦稱西北一帶緊要急需兵力剿堵所奏適相符合川境東南現有德楞泰勒保等大兵雲集足資剿辦諒餘匪不敢奔突東南其川陝連界西北一帶上游江水淺涸恐零匪乘間竄越關係匪輕此時張魏兩股並楊逆餘匪所剩不過二百餘人慶成務當督飭吳亨衍等上緊搜捕如能在該處殲除盡淨卽屬慶成等之功倘一時未能辦竣總須將該逆截向川境以便經畧等合兵剿辦斷不可令其闖入陝界至永明一路兵勇前據陸有仁奏報截剿黑河竄匪摺內未經提及永明當卽諭令查明具奏今慶成摺內亦有未能趕及西竄賊匪之語著卽詳查永明如果有心避賊沿途逗遛卽

欽定剿平三省邪匪方略

正編卷二八四

當奏若實因道路行遠不能趕上賊匪尙無別項退縮情弊亦當據實奏聞仍一面催令將所帶兵勇速赴西北邊界防堵不可再有遲緩又據稱將得有頂戴之鄉勇軍功量補員弁以資鈴束入伍鄉勇一節自應如此辦理至遊擊王自祿陳防越卡西竄賊匪慶成旣報經畧應俟額勒登保劾到日再降諭旨

十九日
壬辰

欽定剿平三省邪匪方略

正編卷二八四

上命軍機大臣傳諭額勒登保德楞泰陝甘四川湖北各督撫曰教匪滋事起於鄂襄自嘉慶二年春間由湖北闖入河南境內從南陽鄧州盧氏一帶竄往陝西四川後河南境內卽無賊匪至今寧謐然該省緊要地方如荆子關等處業經添設新營探補將弁以資控馭至川楚陝三省數年以來賊

匪往來滋擾非止一處現在大功即日告戴其緊要隘口或有今昔異形必須添設營制聯絡聲勢之處正應歸入善後事宜詳悉妥辦現在湖北雖已增設提督陝西五郎雖已添設寧陝鎮總兵固原提督現已移駐漢中但如楚省竹谿至四川大寧陝西西鄉至四川太平東鄉向為賊匪出沒之所中間相隔七八百里至千餘里不等地方遼廓

官吏稀少原設營伍恐致鞭長莫及所有川陝楚三省營制如有應行增添移建之處即應各按該省形勢妥為酌定况自剿辦教匪以來川陝楚三省召募鄉勇為數甚多賊平之後急須妥為安插節經降旨令該督撫等將鄉勇情願入伍者即令食糧不妨於原額之外酌量加增即以此項鄉勇為添設營伍之用至鄉勇中有曾經著有勞績者

給六品頂戴者可補用千總七品八品頂戴者可補用把總外委以資管束若不願入伍者亦聽庶各該省要隘地方兵力充足而鄉勇等各有進身之階并有管規鈐束不致流而為匪著額勒登保德楞泰與該督撫於籌辦善後事宜時會同妥議具奏

臣等謹案川楚陝三省邊境犬牙交錯跬步皆山其間林深箐密幽險阻深而又歧途僻逕在在可通此次教匪竄藏旋折朝東暮西疲我兵力者數年未必不由於此我皇上睿謨坐照地勢險夷瞭如指掌隨時指示控制多方如湖北增設提督寧陝改設總兵均

經

勅議施行地方營伍實已永資寧輯茲因歲功在邁

欽定四庫全書

三

欽定四庫全書

三

復蒙

念及楚省竹筴至四川大寧陝省西鄉至四川太平

東鄉一帶為賊匪出沒之所遼鄂難稽

諭令元戎大吏各按形勢將管制妥為斟酌且即以

散出鄉勇安押入伍其得有頂戴者亦俱分

別錄用仰見

宵旰運籌無微不至地利人和兼參並得益

《聖朝聖訓卷一百一十五》

三

時措之咸宜所以奠黔黎而鞏金城者廣大悉備矣

二十日_{癸巳}陸有仁奏言連日接據探報東竄餘

匪由太白河竄至牛尾河佛葉坪一帶經_臣札

會代辦寧陝總兵事副將韓自昌帶兵趕到兩

次殲斃賊匪三十餘人餘匪由菜子坪竄至麻

地溝復經維昂迎頭截擊擒斬二十餘人僅存

餘匪二三十人零星分散各向林深箐密之處

捨命奔逃_臣一面飛飭韓自昌維昂派出趨健

兵勇分為數路到處搜捕並傳令地方官督率

寨勇隨地截拏韓自昌人甚可靠維昂熟悉山

內路徑且能奮勉爭先約計數日內即可悉數

剪除至此股零匪詢係賊目汪少綱小旗首梁

永和劉二猫等帶領現據維昂稟報汪少綱梁

永和業經殲斃其劉二猫一犯是否亦經殺死

《聖朝聖訓卷一百一十五》

三

容俟確查另行辦理至署總兵齊郎阿之兵原

派防守呂陽之何家岩為甘省保障地方極為

緊要現已撤回本汛又慶成永明兩路兵勇前

會跟追竄匪入山此時餘孽搜捕殆盡韓自昌

維昂二人儘數辦理不值再以多兵追逐且慶

溥等本係防守寧沔一帶近來廣元賊匪尚有

一二股在邊界窺伺_臣當防守喫緊之時_臣已

就近商之慶成即將慶溥承明仍調回寧河邊界分布防堵至紫陽一帶竄匪經總兵豐紳等痛加剿殺之後所剩竄匪僅數十人臣前已飛催汪啟併嚴飭地方官趕緊搜捕其西鄉邊界股匪亦經逼剿出境臣仍遵

旨咨會汪啟張鳳等嚴密堵剿務須全就肅清此時

經畧已回至西鄉簡池壩就近約會德楞泰等

《聖祖聖訓卷一百一十五》

五

議善後大局所有大營糧餉及各路供支臣竭

力湊辦不敢稍有缺悞惟淮餉三十萬兩尙未

據報起解日期約計須臘月中旬方可來陝不

日大功告成所需找發積欠及善後經費不得

不仰懇

聖恩再為籌撥奏入

上命軍機大臣傳諭陸有仁曰此次賊匪由太白河

逃至牛尾河一帶經陸有仁派副將韓白昌帶兵

殲斃三十餘名復經維昂迎頭截擊又擒斬二十

餘人是此股竄匪業經辦畢皆由該撫一經得信

卽派員截勦調度得宜得以剋期剿竣陸有仁著

交部議敘候選通判維昂於此事最為出力著加

恩遇有該省通判缺出先行補用仍交部議敘慶

溥前因高魏股匪竄入寧羌伊有統轄之責是以

《聖祖聖訓卷一百一十五》

五

交部議處此次竄近黑河之賊並非由慶溥經管

汛地逸出且伊帶領兵勇上緊跟追尙屬奮勉所

有前次交部議處之處著加恩寬免現在陝境已

無賊匪惟防堵最關緊要陸有仁札商慶成將慶

溥承明調回寧河邊界分布守禦所辦甚是陸有

仁惟應隨時探聽賊蹤督飭防守各員認真堵截

毋使他處剿敗餘匪闖入為要至陝省所用兵餉

無多現在需銀接濟止係善後事宜昨不待該撫
奏請又撥兩淮銀二十萬兩解陝以十萬兩為經
畧賞需以十萬兩交該撫存貯備用茲又截留廣
東解京銀十三萬三千兩卽令解員於途次取道
河南解赴陝省帑項更為充裕善後諸務不可徒
托空言其添建寧陝鎮營房及撫卹難民安插鄉
勇等項均係應辦之事該撫不可因帑銀寬裕稍
致糜費惟當悉心經理俾收實效

聖諭

手

上又命軍機大臣傳諭江西安徽巡撫曰廣東商捐
銀兩前據該省報稱九月分應繳銀十三萬三千
兩已於十月初十日在該省起程解京計此時當
已行抵江西安徽境地著各該省巡撫飛飭沿途
地方官迎探此項銀兩行抵何處卽轉飭解員不
必解京催令迅速取道河南運解陝省交陸有仁

收貯備用並知會河南巡撫於餉項過境時遴派
委員小心護送

同日

上命軍機大臣傳諭額勒登保德楞泰陝甘四川湖
北各督撫曰現在軍務卽日告蕪其善後事宜內
惟安插鄉勇一事最為緊要節經降旨令該督撫
等酌籌妥辦其如何設法安頓之處總未據伊等

聖諭

手

詳議具奏川陝楚所募鄉勇為數甚多伊等或身
臨前敵或分守卡隘於打仗殺賊之事習以為常
未免桀驁難馴且自應募以後全恃官給口糧以
資生計今一旦裁撤若回籍後無業可執必致漸
流為匪身蹈罪愆而無識之徒妄謂伊等曾經剿
賊出力今賊匪已平輒以法嚴繩伊等未免心生
觖望是以屢次諭令該督撫或酌給叛產絕產或

令充伍食糧原為伊等預籌生計但聞叛產一項為數無多蓋各省匪黨皆係無藉之徒鋌而走險其甘心從賊如龐洪勝之家產饒裕者寧有幾人至被賊裹脅各村民其本有田產者一經散出自必歸家各認已業且各處尚有散出難民均須安插是叛產絕產亦豈能遍給無遺况自賊中投出者即屬良民此等多係無業之徒若不妥為安撫

《聖朝實錄卷一百一十五》

五

仍令流離失所亦恐滋生事端因思川陝楚地方遼闊儘有官山未經開墾荒地與其為客民佔據何如撥給鄉勇令其自安耕作此外若有可興之利不妨奏明辦理如川省銅鹽等項或有可以資借謀生無礙於官而有便於民者各就該省現在情形量為措置總之有恒產方有恒心衣食之源既開則邪慝之萌自絕該督撫等務當與經畧參

贊彼此熟商妥為籌辦至鄉勇隨同官兵剿賊日久其中傷病者亦不少現在各省所謂官兵其因傷病未愈及隨征日久者均以次撤歸原伍而鄉勇之傷病者轉未議及是官兵之裁撤者多而鄉勇之冗食者不少殊非核實之道且有由隔省調派隨征者此時即應先行裁撤以節糜費並著一併詳查妥辦

《聖朝實錄卷一百一十五》

甲

欽定剿平三省邪匪方略正編卷二百八十五年

辛酉年

十一月二十二日乙未額勒登保德楞泰勒保奏

言臣額勒登保前聞臣德楞泰勒保有前來會

商之信即於簡池壩稍候臣德楞泰勒保由竹

峪關鐵溪河輕騎橫程前進初十日趕抵簡池

壩會晤並連日接據格布舍楊芳等稟報自擊

獲冉添璜之後由通江探勦李彬股匪於初六

剿平三省邪匪方略

日馳抵煙溪據報賊匪由三花頂竄至張家溝

即連夜發兵進擊詎該匪亦於夜間向三官堂

逃竄初七日格布舍楊芳等抄出麻壩寨是日

該匪竄至龍灘壩相距六十餘里即於三更帶

兵進擊黎明時趕至龍灘壩賊匪已竄上仙人

垭於陡壁懸崖處恃險抗拒格布舍帶領馬隊

官兵分左右兩路向山後抄截楊芳督率步隊

兵勇攻取山梁鎗箭齊發擊斃賊匪十數人賊

匪擲石抵拒弁兵受傷者數十人相持數刻馬

隊將次抄到步隊奮力搶攻賊遂翻山狂奔馬

步兵勇追趕數十里沿途斬獲三十餘名賊向

巴州之卧龍寨奔逸訊據獲犯供稱李彬近於

巴南一帶找尋打散之人陸續歸夥共有四五

百人匪被官兵乘夜暗襲每夜於一二三更時起

剿平三省邪匪方略

身逃走並無定向等語格布舍楊芳現仍躡蹤

追剿務期辦竣又據賽冲阿温春呈報帶兵由

大陽壩進發初三日抵馬鞍山探得劉朝選股

匪由關廠溝西溪逃竄官兵趕至雲頂寺賊匪

一見官兵捨命前奔我兵趕上賊尾立斃十餘

名生擒十八名餘逆翻桅杆嶺星散逃遁官兵

分枝搜勦殺賊二十餘名又擒獲男婦十五名

口餘匪竄向沙壩場探得該逆只有三百餘人已走樊喻店向開縣境內東奔現仍帶兵緊追由南水岡取道碑牌溝花籃寺前進又據總兵薛大烈稟報該鎮督兵緊躡湯思蛟賊蹤趕出八臺山因探得白崖祠趙家坪等處有另股零匪二三百人圍攻寨祠百姓等奔告乞援薛大烈傳齊各將領於初八日申刻發兵連夜進剿

三

四更趕到該處薛大烈密諭兵勇勿舉烟火暗視賊屯所在候至黎明賊匪正由趙家坪起竄經副將張緯恭將羅聲臯遊擊桂涵等各帶兵勇一擁衝殺該匪數雖不多人人兇悍分投抗拒我兵於亂石溪水中與之攙殺賊始紛紛向犀角坑梨樹溪各處逃竄後經叅將蕭鳳來遊擊胡定邦等帶領兵勇分投截殺賊無生路有

棄械乞命者有拾人而衝撲者各將領分投督戰層層圍剿並無一名漏逸共計斃賊一百餘名生擒七十三名奪獲旗幟鎗矛甚多獲犯內查有為首者陽老教掌櫃蕭焜偽總兵先鋒趙文科李樹文牌頭王階等四名訊係林亮功林天相股內零匪向與他股附合在川陝楚一帶逃匿近因各股皆被剿殘敗蕭焜等復帶領餘黨各自奔逃今被官兵斬獲無遺等即飭將該逆等一併凌遲處死所有擒獲該逆之兵丁田得勝等數名記功示獎薛大烈現仍帶領官兵偵探湯逆竄蹤趕緊剿辦至七十五剿辦苟文明股匪由平溪壩追入南江地界初三日由大黑灘至羅家壩探得賊匪竄抵雲霧壩七十五帶領將弁兵勇分路進發初四日追至四河壩

四

趕上賊匪後隊殺死十四名生擒十二名逃出
 被脅民人數名賊匪搶上險山抵拒我軍鎗礮
 轟擊傷斃賊匪十數名賊即他竄訊據獲犯供
 稱苟文明現在股內約有二千人今日苟文明
 率眾先行偽副帥苟朝獻帶領數百人押後等
 供七十五現仍跟蹤追剿臣等查刻下李彬股
 匪有格布舍楊芳等追剿計日可以掃除湯劉
 股匪經賽冲阿温春薛大烈等節次剿殺零星
 奔逃亦可卽期辦竣臣等昨又令札克塔爾馬
 瑜副將應元寬察將特依順保遊擊劉健標各
 分帶官兵由蒙壩塘柳林溪向西偵探各股殘
 匪協力趕辦以刻下賊情而論西面零匪較多
 必須先行剿洗且若逆一股先祇一千餘人近
 日湊合餘匪軍脅民人又有二千之眾臣等雖

欽定剿平三省邪匪方略 五

欽定剿平三省邪匪方略 正編卷二八五

已疊次嚴催七十五趕緊截剿但非併力速辦
 未能集事臣額勒登保現卽率同楊遇春等馳
 往東北向西督剿上德楞泰由東南向西進擊
臣勒保仍由太平一帶向東進發督率薛大烈
 將湯恩歧一股剋期辦竣並將劉朝選股匪責
 成賽冲阿温春帶兵專辦不日東西兩面賊匪
 漸次殲除將緊要首逆悉數擒獲則全局卽可
 戡定容將應辦各事悉心籌商奏請
訓示
 額勒登保又奏言臣連日接據在陝境防剿之
 總兵胡定泰汪啟並豐紳稟報高見奇一股賊
 匪約三四百人於十月十四日竄至西鄉之乾
 溝河胡定泰帶兵連夜進擊斬獲四五十人生
 擒十五人該犯於十五六等日由乾溪壩竄向

欽定剿平三省邪匪方略 六

一三七

紫陽之黃瓜溪經汪改一路營卡截住斬獲三十餘人該匪於十七日由壬河灘淺處涉水竄過晚間在三星寨半山屯劄適豐紳因穆克登布患病頗重暫留孟石嶺營卡調養豐紳與桑吉斯塔爾分帶官兵由東北向西南一帶探剿竄匪豐紳於是日行抵高橋相距不遠遂即乘夜發兵天尚未明趕抵三星寨遙見賊匪在半

聖朝勦擒竄匪

七

山屯紫溝底隔壬河一道水勢較深該匪不能回竄我兵憑高下壓正得地勢當令侍衛噶達爾察將傅雲遊擊桑漢等帶領兵勇於左山梁埋伏豐紳率同叅將王應鳳遊擊李國棟都司劉貴麟等帶領兵勇於右山梁埋伏令遊擊高萬春閻俊烈都司哲楞泰等帶領兵勇從中路下坡奮力衝擊斃賊三十餘名賊匪一面抵拒

一面向右山梁奔逃豐紳率領伏兵鎗石並發擊斃二十餘名並乘勢抄下山梁與閻俊烈等併力勦殺又斃賊四十餘名該匪亡命向左山梁尋路奔逃又經噶達爾察傅雲桑漢帶兵截住三路兵勇衝入賊羣斬戮八十餘名生擒七十餘名賊匪向溝底亂竄豐紳率兵乘勢掩殺有貴州兵丁朱必顯將高見奇擒獲餘匪逃遁無

聖朝勦擒竄匪

八

路經我軍逼入河內淹斃數十人又殺斃四十餘人尙有二十三人由旁路衝出匿入林箐亦即全行搜捕無遺共計獲犯一百一十二名內有偽帥周萬友軍師閻慎度先鋒張茂梁有和旗手胡得舉李成仁劉寄朝張朝正等八名我軍於賊匪攪殺之際都司哲楞泰猝中賊矛陣亡遊擊高萬春臂受石傷桑漢身受矛傷其餘弁

兵亦傷亡數人訊據高見奇供稱係湖北襄陽人與高二高三係同族弟兄向在高二股內充當副帥自高二被官兵殺死我充當老掌櫃昨在廣元之桂門關被官兵衝殺我帶矛手約三百人又於山林內湊合另股逃散者百餘人到處藏躲因川中官兵追殺緊急想從西鄉紫陽一帶逃往湖北不料陝西層層有兵連遭截殺

欽定剿平三省邪匪方略

九

今日到此被官兵斬獲盡絕將我擒住等供豐紳將獲犯內從賊日久者七十九名先行正法其餘二十五名係被脅民人卽行釋放所有高見奇及偽帥周萬友等八名暫行押禁聽候辦理臣查高見奇肆逆有年其罪惡與高二高三相埒茲得臨陣生擒並將夥黨全行殄滅足快人心現已專差逐一驗明管令豐紳將高見奇

及偽帥周萬友等八名懸行凌遲處死所有該一路擒殺賊目賊匪兵勇除已酌撥銀兩銀牌發往分賞並將汪啟胡定泰兩路兵勇亦酌加獎勵其在事分外出力之備弁兵勇以及生擒高逆之兵丁朱必顯據豐紳保送前來又慶成在廣元地界剿辦賊匪生擒楊麟生所有出力員弁奉

欽定剿平三省邪匪方略

十

旨令慶成查明報茲亦據慶成報到謹將兩路保送單內細加考核擇其奮勇超羣勞績顯著者一併開單先行請

旨獎賞現又據桑吉斯塔爾稟報上月二十日於紫陽一帶之馬鹿山小白河一帶截剿由川入陝之藍黃二號餘匪殲斃三十餘名生擒賊目蔡玉雲等二十四名該匪等被兵勇迎頭截剿仍

由界嶺老林遁入川界現在安康紫陽一帶邊

境肅清桑吉斯塔爾豐紳仍於四季河一帶偵

探賊蹤趕緊截剿又前由寧羗卦子山竄入陝

境之一二百人由川境剿散乘間西趨臣聞信

後卽飭慶溥及防守畧陽之副將齊郎阿等趕

緊剿捕務卽撲滅陸有仁又派令通判維昂率

勇協剿頃據稟報慶溥維昂率領兵勇業將該

剿匪著實錄卷之三

十一

匪殲除過半餘賊不過三四十人竄向洋縣山

內又有署寧陝總兵韓自昌帶領官弁兵勇併

力搜捕日內諒可淨盡再近日來陝省沿邊州

縣及寨堡委員於賊匪入境時均能鼓勵寨民

協力搜緝其賊夥中投出者或一二十人二三

十人不等臣均隨時飭令妥為辦理凡係搜獲

匪徒不得輕縱其係自行散出者查明原籍安

為安置

額勒登保又奏言臣欽奉

諭旨飭查由寧羗老林突出向西奔竄之賊究係何

股分出從何處汎地衝過刻下是否截回等因臣

查此股零匪係由防守古城山遊擊王自祿汎

地逸出緣該遊擊於十月十五日探有零匪數

十名竄至松光梁相距四五十里遂卽帶兵前

剿匪著實錄卷之三

十三

往堵剿該匪遁入箐林正在分兵入林搜捕忽

據守卡兵丁報稱西南又有賊匪竄至該遊擊

復帶兵勇星馳堵截不料該匪百餘人已乘間

翻越山林向西奔竄追剿不及據慶成具報前

來臣亦差人密查無異臣查該匪既係由遊擊

王自祿汎地逸出卽有疎防之咎但念該遊擊

只帶兵勇三百餘名分撥卡隘數處實係因賊

分竄往來堵截顧彼失此與防剿不力縱賊他竄者有間應請

旨將該遊擊摘去頂戴以觀後效至慶薄於該匪竄出後卽帶領兵勇奮力剿捕雖未將該匪截回而現在斬獲已將完竣慶成相距較遠並因剿辦楊逆股匪未能兼顧可否免其議處出自

聖恩至永明防剿之處係在南鄭迤東其寧羌一帶

聖恩至永明防剿之處係在南鄭迤東其寧羌一帶

三

非其統轄再查二等侍衛綸布春月前因患病甚重前赴漢中調養茲據陝安道朱勳稟報該侍衛於本月初十日病故臣查綸布春出師有年殺賊奮勇前蒙

聖恩由侍衛游陞副都統今春偶因帶兵遲延獲咎革職嗣又因打仗殺賊屢著勤勞蒙

恩賞陞二等侍衛並巴圖魯名號該員感奮倍常日

年力富強正資出力乃遽一病不起殊爲可惜

現已經漢中道府妥爲照料棺殮卽令其跟役扶柩進京又有黑龍江佐領魏敏布特海佐領根壁勒吉林防禦塔吉那寧古塔防禦銀保山西寧武營叅將張元麒五員近因積勞患病在軍營先後身故均奏入

上命軍機大臣傳諭額勒登保德楞額泰勒保曰此次

李彬股匪經官兵剿急竄至仙人壩地方恃險抵

古

拒官兵分路抄襲現在祇剩四五百人無難尅期辦竣其劉朝選湯思蛟二股在沙壩場趙家坪等處亦經官兵追擊所剩亦不過五百人勢極殘敗所辦尙好惟所稱苟文明股匪先祇一千餘人近日裹脅民人湊合餘匪又至有二千之衆額勒登保率同楊遇春等顧住東北向西督剿德楞額泰由

東南向西進擊等語七十五帶兵素知其不甚出力剿辦荷逆一股日久未見獲一勝仗辦理遲緩早經朕看出是以節次降旨令額勒登保等將該提督是否任意逗遛據實查奏今據奏到情形他路所剿賊匪日見其少可見追剿緊急不予以暇而七十五所剿荷逆轉增至二千餘人賊匪又得從容裹脅非七十五辦理延緩何致如此卽額勒登保等亦稱屢次嚴催何以並未奏奏况李彬湯劉等股僅派賽冲阿格布舍等分投追剿而荷逆一股則經畧叅贊督兵截擊是七十五竟全不足恃額勒登保等僅於摺內隱約其詞未免意存瞻顧自因大功卽日告竣不肯將提督大員遽行叅劾殊不知蕘功已近尤應賞罰嚴明卽軍務完畢兵可百年不用而軍紀仍不可一日不肅何得於

《聖朝實錄編卷五

五

懈弛之員稍存姑息乎著額勒登保等查明七十五沿途如何逗遛或因舊病復發行走濡遲不能趕上賊匪均屬七十五之罪卽應據實叅奏倘經此次訓諭之後再爲容隱朕於他處訪聞得實額勒登保等俱不能辭咎矣至請加恩各員俱照所請行內惟兵丁朱必顯將高見奇生擒尤爲超衆出力乃單內僅請與在事各員一體賞給藍翎未免過輕高見奇雖非大股積惡首逆亦係著名之賊經朱必顯擒獲自當逾格陞賞已另降旨將朱必顯超陞把總賞戴藍翎並賞銀一百兩以示獎勵又據奏陳防寧羌竄匪之遊擊王自祿僅請摘去頂戴一節亦屬寬縱王自祿著革職作爲兵丁留營効力贖罪額勒登保等於陳防遊擊尙有意從寬無怪其於提督大員不肯覈實叅辦此時大

《聖朝實錄編卷五

六

功業將告蕺軍營賞罰尤當公慎持平以昭激勸
何必代人受過耶至慶成慶溥等於西竄賊匪相
距較遠且能奮力剿捕其處分自可寬免但額勒
登保等大兵現在追剿苟逆一股倘該逆被剿緊
急或致折回陝境不可不預爲防範著額勒登保
等傳知慶成慶溥務須於陝省邊境隨時偵探嚴
密防堵設有竄回之賊務須迎頭攔剿勿使一名

欽定剿平三省邪匪方略

正編卷二八五

闖人若防範不嚴致令竄入陝境則惟伊二人是
問斷不再恕就目前大局而論苟文明李彬湯思
蛟劉潮選等本係後起之賊非起事首逆可比且
屢經官兵剿捕勢極窮蹙該逆等猶復怙惡不悛
始終不肯投出自當痛加搜捕悉數殲除總以剿
爲正辦但該逆等每股尚有三三百人多至一二
千人不等必須散其黨與使該逆等孤立無助更

無難卽日殲擒當此搜捕緊急之際不妨出示曉
諭以爾等本係良民陷於賊隊今著名首逆無不
悉就誅夷一二遊魂已如釜魚阱獸大兵四路搜
拿立成灰燼爾等何苦甘心從賊自蹈死亡若能
趁此悔心一經投出卽與編氓無異况早令地方
官清釐叛產將來卽予伊等耕種作爲己產並廣
爲設法以裕其衣食之源卽或賊中偽總兵掌櫃

欽定剿平三省邪匪方略

正編卷二八五

等如果悔罪投誠亦當宥其一死倘或擒獻首逆
並能仰邀獎賞禍福生死所關爾等不可不及早
悔悟如此愷切曉諭散其脅從更爲事半功倍再
樊人傑一犯前據額勒登保奏稱總在川境本日
全保長麟等奏剿辦藍黃青白等號餘匪摺內稱
有樊人傑之弟樊小掌櫃一犯在楚境肆擾而額
勒登保等摺內又未將樊人傑蹤跡敘及並著查

明覆奏又據奏豐紳一路生擒首逆高見奇時所有與賊攪殺中矛陣亡之都司哲楞泰著咨部賜卹遊擊高萬春臂受石傷乘漢身受矛傷現在是百痊愈并著遇便覆奏至綸布春自獲咎之後頗知奮勉出力已仍加恩賞給巴圖魯名號超陞二等侍衛茲據額勒登保奏稱該員染病身故殊為可惜著加恩照頭等侍衛軍營病故例議卹

《聖朝實錄卷五》

九

上諭內閣曰首逆高見奇肆擾有年其罪惡與高二高三相埒此次豐紳探知該逆屯劄三里寨即乘夜發兵率同桑吉斯塔爾等三路並進奮力衝擊臨陣將該逆及偽元帥周萬友等八名生擒並將匿入林箐餘匪全行搜捕無遺實堪嘉獎豐紳著加恩賞給提督銜桑吉斯塔爾噶達鼐傅雲王應鳳桑漢李國棟高萬春閻俊烈劉貴麟柯連仲周

天章等俱著交部議敘其擒獲高見奇之貴州兵丁朱必顯著加恩超陞把總並賞戴藍翎仍加賞銀一百兩以示鼓勵至慶成豐紳兩路出力備弁兵勇內守備何榮王登科二員著照額勒登保所請賞換花翎千總朱得芳把總齊慎馬斌張燦文外委徐成連胡永泰艾玉林額外外委趙連城單烟兵丁梁安王吉泰軍功趙永才孫玉吳炳通等

《聖朝實錄卷五》

十

十四員各俱著賞戴藍翎同日德楞泰勒保又奏言查川省沿邊地方幅員遼廓一州一邑有周遭一二千里及七八百里不等到處深山老林地方文武耳目難周遂致奸宄潛生易於滋事此次教匪不法蔓延數十州幸蒙皇上天威各路官兵叠次殲擒醜類大功屆歲而剿

散餘氛潛匿於川陝楚三省邊界尙須悉數搜
際卽事竣之後亦須責成地方文武彈壓稽查
但欲再添重鎮需項浩繁

國家經費有常未敢輕議似不如將營制文員因

地制宜量加添改庶事不煩而功易集臣等連

年帶兵往來於東北兩路察看情形酌擬章程

茲與經畧額勒登保量爲更定查重慶川北兩

欽定剿平三省邪匪方略 正編卷二八五

鎮所轄地方本大總兵一駐重慶一駐保寧均

爲扼要之地未便改移而所屬沿邊地方自巫

山以至廣元綿長二千餘里距兩鎮駐紮之處

較遠實有鞭長莫及之勢自應於連界陝楚地

方酌量添改營汛以資控制查太平一縣爲川

東川北沿邊適中之地原設都司一員營分較

小不足以資彈壓其所屬之城口與廣元縣屬

之黃楊堡通江縣屬之竹峪關大寧縣屬之徐

家壩巫山縣屬之大昌等處居萬山之中爲三

省毗連要路均須分設營汛聯絡聲勢應請將

太平營改爲太平協設副將一員駐紮城內卽

以太平營原有都司一員作爲協標左營移駐

城口安兵四百名添設協標右營守備一員隨

同該協駐城防守卽以太平營原設兵數作爲

欽定剿平三省邪匪方略 正編卷二八五

右營兵額再於協標另設守備一員兵二百五

一名分駐通江縣屬竹峪關防守又於廣元縣

屬黃楊堡大寧縣屬徐家壩巫山縣屬大昌營

三處各設守備一員兵各二百五十名查太平

營向係川北鎮標營分今改設太平協應仍歸

川北鎮統轄其新設黃楊堡一營原係川北鎮

標汛地應亦歸川北鎮管轄徐家壩大昌營原

係蕪州協汛地應歸蕪州協管轄以上新設各營除原有都司及舊設兵數外計添設副將一員守備五員所添兵額請於通省營分酌量籌撥如有不敷即於各該處隨征鄉勇內擇其情愿入伍者挑選充補每年加增經費無多而於邊界兵防益覺周密其應行添設千把外委等官分防營汛馬步戰守額數及各官俸薪等項

分例現飭藩司會同三標中軍查例議詳另行咨部核辦至文職府廳州縣各官有地方之責現在賊氛初靖亦應因時變通臣勒保率同司道詳悉籌議查達州一屬為教匪起事之地民俗刁悍撫治甚難應請以達州直隸州改為府治太平縣地方遼濶為東北沿邊適中之地今又設立協管應請改為太平廳直隸同知即以

太平縣缺改為府治附郭首邑新寧東鄉兩縣則仍循其舊惟東鄉縣屬南場地處通衢應添主簿一員分駐彈壓新改太平廳應添照磨一員作為該廳首領所屬城口地方原有主簿一員今既改縣為廳應將主簿裁去改設經歷一員歸廳管轄又涪州所屬鶴遊坪近日結成一寨周圍四百餘里有場市四處居民數萬家距州甚遠不可無官彈壓應添設州同一員分駐又平武縣屬之大印山周遭數百里民番毗接近成寨落數處戶口增至數萬距縣亦甚窳遠應添設主簿一員分駐又綿州金山驛地方向係該州舊治稱為老州先因被水衝塌城垣於乾隆三十五年將羅江縣裁去即以綿州移駐稱為新州去年賊過嘉陵江時老州百姓連

夜修築城牆竭力堵禦得保無虞現在城郭煥
 然城外河流近年亦已改道無慮再有水患該
 百姓等疊次呈請移復州治現經藩司議請將
 茂州所屬之保縣裁去歸併理番直隸同知管
 理卽以保縣一缺改復羅江縣綿州則仍歸舊
 治各照當年原設地方分撥管理以順輿情綿
 州州判仍駐豐谷井以復舊治至添設裁改文
 職各缺本應遵照定例裁缺抵改惟現當籌辦
 軍務善後之時未敢過於拘泥所有達州一處
 以州改府請免另裁府缺其添設太平同知查
 有順慶府同知事務較簡請歸併該府通判管
 理卽將順慶同知改抵太平同知達州既已改
 府原設州同可以裁去改抵涪州州同墊江縣
 縣丞向駐高灘事務亦簡請歸併該縣管理卽

欽定剿平三省邪匪方略 正編卷二八五

將墊江縣縣丞改抵新設太平廳經歷太平縣
 城口主簿改抵東鄉縣主簿達州原設吏目可
 以改爲該府經歷麻柳場巡檢卽分隸首縣管
 理惟太平廳應設照磨一員平武縣應添主簿
 一員通省實無閒缺可裁惟有仰懇
 聖恩俯念地方情形今昔不同准予添設以收實效
 其餘教職巡典等官或須另爲變通現任各員
 如何更調學額如何定設及衙署俸工役食等
 項現飭藩臬兩司會議具詳另行分別奏咨辦
 理奏入得
 旨軍機大臣會同該部速議具奏
 同日全保長齡奏言查楚境辦賊先須顧住東
 北腹地攔剿並施往往以兼顧爲慮而賊匪經
 官兵稍剿入山恃界外無兵堵擊不難隱處漏

逸迨竄入深林密箐中或又間道抄出官兵之
 後或勾結界外另股併合回竄折走賊勢雖衰
 而稍稽擒掃實由於此臣等前將官兵分佈各
 路形勢已極周密因熟籌大局此等敗匪與其
 逐之出境僅清楚界自不若揆度地勢窮賊所
 向設法夾擊較為得計隨探得戴家營一股竄
 往白河口老莊子一帶復聚集山內零匪南奔
 大禾田又會合川省邊界青藍等號大股賊眾
 併力竄回湖溪平渡河地方人數驟增約有二
 千餘人臣等當卽約會兩路並進臣全保督率
 侍衛富翰塔津保總管都當阿佐領霍隆武叅
 將孫應奉承祿德興由獐洛河向東進剿臣長
 齡親率侍衛雙福遊擊王占熬巴圖魯守備馬
 濟盛守備楊永順陳添壽等由柏木坪向西進

剿臣全保一路於初八日趕至老居溝正遇賊
 匪在彼屯紮當令官兵分兩路吶喊抄撲該匪
 衝突數十次監翎把總張朝鳴把總黃遇龍謝
 英外委施安仁帶領兵勇首先競進短兵相接
 攪殺一處斃賊一百餘人富翰都當阿承祿都
 司羅綸高承耀等帶馬隊趕到鎗擊箭射又斃
 賊百餘人滾崖傷斃者百數十人追至七架山
 沿途乘勝殲殺計是日前後共斃賊三百餘人
 又生擒余元徐么兒等二十一各供稱戴家營
 原剩五六百人因合張世舉等各股共集有二
 千餘人復又折回等語該匪等均係精壯矛手
 訊明後當卽正法又救出被裹民人七十餘人
 釋令就近歸業奪獲騾馬牛驢刀矛旗幟鳥鎗
 甚多該匪連夜散竄八里坡一帶併力肆突適

一四八

叅將姚國棟遊擊三福等帶兵勇搜山到彼乘
夜抄至一碗泉擱剝正值該匪擁至鎗箭並發
斃賊七十餘人賊已退却姚國棟三福帶領兵
勇衝入賊隊射倒數賊匪衆情急攢撲路仄水
凌馬力難施該二員一受矛傷一受鎗傷陣亡
適賊衆蜂擁東奔臣長齡趕抵八卦廟迎頭接
仗遊擊王占熬佐領張進亨委官武成保把總
趙先貴帶領兵勇首先搶進殺賊百餘人該匪
後隊並到抵死抗拒分作五隊迎敵勢極兇悍
張進亨助受矛傷二處武成保腿受矛傷一處
呢瑪善雙福等身先士卒極力衝擊守備馬濟
盛箭斃藍頂花翎馬賊一名馬步官兵赴勢儘
力齊上鎗矛並舉臣長齡又帶領都司金洪嗣
等一擁而進復斃賊一百餘名生擒九十八名

奪獲騾馬牛驢九十七頭匹器械一百八十六
件拋棄衣履糧食等件沿途甚多計是日斃斃
賊匪共四百餘名提訊活賊內有偽軍師鄭三
元一名偽元帥褚貴王之遠鄧彬等三名供稱
此股係藍黃青白等號餘匪合夥推張世舉爲
首內有樊人傑之弟樊小掌櫃苟文明之弟苟
大秀都是副元帥又有總兵李應桂共有一千
三百餘人鄭三元與姚之富同時習教因是老
教首又有算計推爲軍師主謀昨與戴家營合
夥想要抗拒官兵擄掠糧食在老居溝經官兵
打散戴家營已往西逃走張世舉帶領各股前
來伊戴有藍頂花翎在一碗泉打仗傷害官兵
經官兵箭斃屬實苟大秀亦已帶傷他們搶去
總兵李應桂被鎗打死等供當將鄭三元及賂

貴等四名懸示其餘吳富兒等九十四名均係積年牙手槩予斬訖其逃出難民訊係附近百姓當卽釋回安業時戴家營一股已向廟坪一帶竄走臣全保當卽率侍衛富翰等顧住北面督兵緊躡追擊所餘青藍等號匪衆現向紫竹一路竄去臣長齡率領侍衛呢瑪善等顧住東面腹地緊進追殺再孫清元等所辦曾芝秀一股由馬鬃嶺斜出興山地界又分前此會合之王四一股由長峯直走巴東邊隘經副將樊雄楚李天林等繞至界牌垵截住曾逆去路擒斃賊匪及賊探共計六十餘人又經孫清元吉林泰壓剿前後受敵賊勢窘迫亂竄不敢交仗散出附近民人楊有才等二百餘人該匪遂走二里荒老林逃匿王四一股逸至巴東沿渡

河經派往兜剿之遊擊俞國智率領把總袁大綱等在下古坪一帶斃賊八十餘人都司周言昇同知尹英圖等復於將軍嶺桃子坪等處接仗奮力掩殺立斃賊百餘人解散裹脅百姓亦有百餘人王逆大敗遁走興山之塔坪奔逃現任孫清元等設法兩面夾擊查此次官兵痛剿合夥賊股大獲勝仗斃賊共有八百餘人其王曾兩逆經官兵兜截表裏夾擊均稱得手該逆等皆不敢突至腹地又不能逃遁出境而每遇接仗散出者較前更衆其情形極為窮敗現在雖分竄老林圖延殘喘官兵分路專剿各據勝勢臣等督飭各將弁兵勇鼓銳並進總當趁此得手之時窮賊所向隨機剿辦務使以次就地掃除節次打仗官兵勇衝冒冰雪均極奮勉

出力弁兵間有傷亡查明另行咨部辦理奏入
上命軍機大臣傳諭全保長齡曰此次戴家營一股
會合川省邊界青藍等號賊蹤驟增至二千餘人
向老居溝一帶奔竄全保當卽督率官兵分投抄
擊共斃賊三百餘人該匪等連夜散竄復經長齡
帶兵趕到迎頭剿捕殲賊四百餘名並偽軍師鄭
三元等多名所辦尙好全保長齡均著交部議敘
並各賞給四喜玉搬指大小荷包又發去玉搬指
五件翎管十件鼻烟壺十五件著分賞全保長齡
兩路出力將弁又賞給兩路出力兵勇一兩重銀
牌各一百面五錢重銀牌各一百面所有帶領兵
勇奮力殺死賊目張世舉之守備馬濟盛著加恩
以都司陞同知首先殺賊之遊擊王占熬佐領張
進亨委官武成保把總趙先貴及頭等侍衛兜瑪

《聖朝實錄卷之三十五》

三

善二等侍衛雙福俱著交部議敘以示獎勵恭將
姚國棟遊擊三福衝入賊隊受傷陣亡深為可惜
著咨部賜卹此時戴家營賊匪經痛加剿殺之後
勢已窮蹙曾芝秀王四股匪經孫清元等截剿殲
擒二百餘人餘匪亦屬無多其戴家營一股專交
全保長齡剿辦曾王二逆專交孫清元剿辦務於
年內在楚省境內殲除淨盡不留餘孽卽係全保
長齡孫清元之功捷音馳到必加懋賞現在德楞
泰勦保俱馳抵川北經畧額勒登保軍營會商善
後事宜川東一帶兵力稍單恐賊匪聞風乘間奔
竄該省在在毗連所有各卡隘尤當嚴密防堵著
該撫等督飭各將弁晝夜巡防勿使賊匪一名奔
逸為要

《聖朝實錄卷之三十五》

四

欽定剿平三省邪匪方略正編卷二百八十六

辛酉年

十一月二十三日丙申慶成奏言查張魏餘匪僅

有一百餘人狼狽越林逃奔臣派令叅將吳亨

衍遊擊張奉廷等裹帶乾糧率領兵勇入林窮

追並詢據花岩寨民人報稱十一月初八日打

敗賊匪追落岩澗約有二三百人逃竄不及一

半餘俱滾跌淹斃陡峽水深天寒實難打撈查

剿平三省邪匪方略

收奪獲賊旗鳥鎗長矛三百餘件首級五十六

顆耳記一百二十八具活賊二百十五名押解

前來訊出偽總兵馮天堂一名偽先鋒侯得俊

蕭斌彭成晏楊光德等四名實係隨從張派倫

魏洪升等起手老教殺擄較多當卽凌遲梟示

又有日久矛手譚明子等一百五十二名亦卽

分別正法其餘從賊未久被脅之川陝民人附

近郊保赴營求領給發尙有離家稍遠川陝難

民六十四名查寧羌縣知縣馮裕定於前次解

交楊逆裹脅民人內審出湖北正賊許應元一

犯飭令正法尙屬細心卽就近解交該州復加

詳訊分別釋放旋據叅將吳亨衍遊擊張奉廷

等報稱正在剿捕殘匪間探有提督七十五自

太平城口追來苟文明等一股並冉高姚等逆

剿平三省邪匪方略

餘匪及通南一帶剿潰零匪與之合夥約有二

千餘人馬驟甚多由南江廣元沿邊一帶向西

北晝夜狂奔等語臣一面飛札該將等趕緊回

陝境各營卡兵勇堵剿尙恐兵力不敷臣卽帶

兵馳往川陝邊界之關口埡探蹤合剿途次據

報稱冉高姚等大股由廣元之尖場子向中子

舖北竄恐由南棧大道直入陝界該將等已帶

兵抄往黃壩驛截剿臣 得信後漏夜西折陽平

關迎頭攔剿適吳亨衍等因賊已過廣元大道

以西亦帶兵勇抄出賊前隨與臣 會合向南迎

剿據署陽平關叅將陳清選差探報稱該匪聞

有官兵迎頭截來未敢竄入陝境退至廣元之

蔡壩河十二日晚間由彼潛赴金獅廟淺灘偷

渡嘉陵江西奔環梁蒿溝沿江以北滋擾仍係

三 聖者聖皇編卷夏

廣元地方川陝以白巖灣分界該處以南大灘

地方設有川省防卡躡淺之金獅廟又在

以南若賊匪偷渡後向東北奔竄即入寧羗州

境等語伏查嘉陵江係自東北而南白水江係

自西北而南保至廣元昭化之間白灘渡漚液

南下爲川江此股賊匪雖於廣元縣屬金獅廟

躡淺偷渡西北尙在白水江之東逼近寧羗

陽階文地方亦係大山老林從前藍白號賊匪

往來甘陝竄徑其白水江流急不能涉渡而隆

冬水涸亦當慎重嚴防臣 以剿賊爲急不敢拘

泥疆界一面飛行川北松潘二鎮嚴加防堵一

面咨明勒保趕緊轉飭防範並將廣元境內疎

防之員查明叅奏聞提督七十五現在追剿此

股一併知會緊顧西路進剿但陝甘現無大兵

四 聖者聖皇編卷夏

剿辦恐致竄匪滋蔓臣 帶領兵勇抄截已過陽

平關即應就近剿辦又不便因有此股賊匪西

竄逃牽動防剿大局所有西北防堵先已奏

明檄調總兵永明臣 去後恐其一人照料難周

並札商長麟陸有仁酌量前竄入終南山之殘

匪如寧陝鎮將及通判維昂等兵勇之力可以

搜捕完竣即知會慶溥先行撥回西北兼同承

明督率防堵更為周密此股西竄之賊盡係殘
匪人數雖多衆心不齊一兩仗後易於得手

乘此餘孽聚合鼓勵兵勇不遺餘力趕緊剿洗

第零匪烏合被剿情急復思散竄苟延當此功

虧一篲之際不容稍有稽遲計此三四股殘匪

合夥捨命西奔川楚地方餘匪自必頓減現將

情形報明經畧若各路兵勇剿辦殘匪已有就

聖朝勳績編卷六

五

緒騰出習慣屢涉兵勇酌派鎮將管帶由陝境

東北探蹤抄來兩路夾擊併力搜擒更得迅速

集事奏入

上命軍機大臣傳諭額勒登保德楞額保慶成曰

此次張魏餘匪經慶成派令將弁疊次截擊多有

斬獲並於獲犯內訊出偽總兵偽先鋒等五名分

別正法所辦尚好惟首逆張添倫魏洪升二犯乘

間逃竄未知下落自應派員上緊捕搜肅清至苟

文明一股與冉高姚等逆餘匪合夥約有二千餘

人驟馬甚多由金獅廟淺灘偷渡嘉陵江此則七

十五之罪苟文明股匪本係七十五專剿為日已

久總未見趕上賊匪獲一勝仗早經朕看出節經

諭令額勒登保等據實查奏昨伊等奏到摺內稱

苟逆本止一千餘人近又裹脅聚增至二千餘

聖朝勳績編卷六

六

人此即七十五縱容之罪經畧叅贊俱向西截剿

是明知苟逆一股人數較多七十五全不足恃始

終徇庇是何意見昨又降旨令額勒登保等據實

查叅今苟逆果奏合他股餘匪偷渡嘉陵江非七

十五屢次遲延子賊以暇何至於此七十五獲罪

甚重著即解任交額勒登保德楞額將七十五沿

途如何逗遛延緩之處訊明叅奏治罪即七十五

因從前曾經受傷患病行走不能迅速亦當及早
報明經畧另換他人帶兵自不至縱賊滋蔓乃以
賊平指日懸棧貪功不自引退又不能速辦苟逆
以致如此鴟張其罪斷不能稍貸矣至額勒登保
德楞泰既知七十五辦賊遲延屢次嚴催何以不
行參奏且伊二人如尙在陝境猶可稱相距較遠
不及兼顧今額勒登保德楞泰俱在川北稔知苟
逆一股人數頓增向廣元一帶奔竄豈不慮其竄
渡嘉陵江早爲防範何以竟未籌計及此勒保保
四川總督並不先事預防實屬疎忽額勒登保德
楞泰查明賊匪偷渡之金獅廟一帶江岸勒保如
曾派員在彼防守即將該處巡防之員嚴叅辦理
倘該督未經派員防守則專係勒保之過亦卽據
實叅奏慶成聞知賊匪渡江後卽帶領兵勇由陽

聖朝聖訓卷之三

七

平關趕往不分畛域奮力剿賊甚屬可嘉想慶成
發摺時尙未知經畧叅贊俱已向西截剿苟逆一
股現在伊三人皆專注此股賊匪自無難尅日殲
除但陝省西北一帶祇有慶溥永明二人在彼防
禦兵力未免較單倘李彬湯劉等逆聞知乘間竄
入殊有關係如慶成趕上苟逆業經得有勝仗經
畧叅贊接踵至彼大兵雲集自易尅期辦竣或合
慶成仍回陝境防堵或留慶成在彼額勒登保德
楞泰二人內分一人督辦李彬湯劉等股並防堵
陝境不致顧此遺彼方爲妥善至苟逆一股據稱
人數雖多衆心不齊易於得手但此等殘匪總須
迅速剿辦不可稍令滋蔓况苟逆奔竄之地逼近
寧羗畧陽階文地方俱有大山老林若任其逃入
嶺前未免費力且白水江汛當隆冬水涸之際亦

聖朝聖訓卷之三

八

慮慎重嚴防當此功屆再成豈可復任散漫額勒
登保等務當趁其攢聚一處併力截擊將苟逆一
股悉數殲除就此厥功兼贖前咎佇盼捷音之速
至

二十五日戊戌長麟奏言臣於十一月初九日行

抵漢中正與撫臣陸有仁商辦善後事宜十七

日夜間據報苟文明與冉高姚等股餘匪合為

一夥約二千餘人於十二日晚由川省廣元縣

九

屬之大灘地方躡淺偷渡嘉陵江向西奔竄十

五日竄至階州屬之梅子園查此股賊匪本係

四川提督七十五追剿臣當即飛致七十五無

分畛域跟追入甘趕緊剿洗聞提督慶成現亦

帶兵由寧羌抄赴甘省兜截經畧額勒登保來

贊德楞泰亦由通江一帶連夜向西追剿前來

如有入甘之信應需糧餉臣已由急遞飛札鞏

秦階道朱爾漢馳赴階州督率辦理惟是甘省

地方正當散賑之際饑民絡繹載道臣雖已飛

札各州縣傳諭災黎各登堡寨但若不酌調官

兵防堵衛護人心未免驚惶臣亦已飛調督標

並固原提標河州鎮標共官兵二千二百名分

布岷州秦州鞏昌一帶既可防賊深入亦可藉

安人心臣亦於十八日自漢中起身馳回甘省

十

照料軍需糧餉一切各事宜奏入

上命軍機大臣傳諭額勒登保德楞泰長麟慶成曰

昨據慶成奏稱苟逆渡江奔竄仍係廣元地方通

近寧羌畧陽階文等處今苟逆已竄至階州屬之

梅子園是已闖入甘肅境內此皆七十五玩縱之

罪斷難解免自剿辦教匪以來徵兵籌餉已及六

年近日始能將各股殘匪逼歸川境歲功已在旦
夕詎料七十五所辦苟逆一股日久遲延又復湊
集餘匪竄入甘境以致經畧叅贊所帶大兵俱向
西截擊又形散漫朕心深爲焦厯此時甘省正當
乏賑之際饑民絡繹於道苟逆渡江時雖祇二千
餘人若饑民等被其裹脅日內或已增至三四千
人亦未可定况階州地方早經安堵今猝遭蹂躪
百姓有一人受賊荼毒卽係七十五縱賊殃民所
致昨會降旨將七十五解任交額勒登保德楞泰
密辦今苟逆竟入甘滋擾而七十五尙不知在何
處遲遲卽慶成長麟摺內俱稱係七十五所辦不
知其有何處追趕七十五曾經獲罪今復玩悞罪
更難追著革職拏問交額勒登保德楞泰長麟嚴
加審訊如七十五任意遲延縱賊奔竄不特當按

聖朝聖編卷六

十一

律定擬竟應加重處置卽因從前曾經受傷患病
當此剿賊萬緊之際自揣不能勝任何以不及早
報明經畧另換他人帶兵乃戀棧貪功貽悞軍事
其罪亦難輕貸所有四川提督員缺著額勒登保
德楞泰等先派員暫署卽於軍營應陞出力人員
內擇其打仗奮勇而又才具明幹能膺提督之任
者保舉數員出具考語開單進呈候朕簡放至賊
匪由廣元偷渡時前日慶成摺內並未提及該處
有防守官兵在彼攔截本日長麟奏到之摺亦祇
稱躡淺渡江向西奔竄可見廣元一帶江岸竟未
派員防守勒保身任川督固有應得之外其時經
畧叅贊俱在川北稔知苟逆向廣元逃竄並不先
事預籌速派鎮將前往防範而又明知七十五屢
次延玩不及早奏致苟逆乘間竄擾均難辭咎

聖朝聖編卷六

十二

現在伊一人自己帶兵入甘務當迅速截擊即在階州境內將賊匪悉數殲除尚可勉贖前愆再邀恩宥倘稍有遲緩或任苟逆深入甘境甚至越過棧東竄匿南山老林則額勒登保德楞泰不但前功盡棄必將伊等所得封爵一併追回額勒登保等自思際此功屆垂成佇膺懋賞之時可不倍加愧奮耶再長麟一令其來京供職陝甘總督簡放惠齡此次長麟一聞苟逆竄甘稟報即一面飛飭鞏秦階道馳赴階州趕辦糧餉長麟亦即由漢中馳回甘省照料一切甚屬可嘉惠齡由京赴甘尙需時日長麟惟當督率該道等將軍營應需糧餉妥為籌運俾得源源接濟無誤軍儲其所調固原河州兵二千名分布岷州秦州鞏昌一帶防護自應如此辦理再慶成此時自已於額勒登保德楞

《聖祖聖訓卷之三》

三

泰未到之前先行起抵甘省奮力截剿如已將苟逆一股痛加殲戮得有勝仗即著迅速具奏以慰廑注
同日長麟陸有仁奏言竊_臣等前奏請將固原提督移駐漢中經軍機大臣會同兵部議以現在漢中較固原更為緊要應照_臣等所奏將固原提督移駐漢中作為陝西提督至固原地當孔道亦關緊要_臣等原奏內議請仍設固原總兵之處部議以陝省向設陝安鎮總兵一員駐紮興安若將陝安鎮總兵移駐固原以漢中原設之城守協副將移駐興安歸提督管轄一轉移間不煩添設總兵而控制較為得力但究未能深悉該處情形仍交_臣等再行詳議等語查提督既經移駐漢中距興安僅六百餘里且尙

《聖祖聖訓卷之三》

古

有新設寧陝鎮總兵近駐南山聲氣相通足資
聯絡誠如部議若將陝安鎮總兵移駐固原漢
中協副將移駐興安則漢南一帶控馭機宜提
督就近可以兼顧應請遵照部議辦理又_臣等
原奏內稱固原現有提標兵丁三千五百八十
二名減至二千作為定額之處部議以固原邊
陲重地總兵所轄兵額似不必拘泥營制輒議
裁減可否仍照提督所轄原額併交_臣等妥議
查固原提督原管額兵三千五百八十二名內
除屯防口外兵丁外實止存營兵二千九百四
十二名本非過多_臣等原奏特以經費有常總
總為節費之計今准部議可以毋庸裁減實於
控馭巡防均有裨益其漢中提標應募新兵俟
大功告成將各營隨征鄉勇挑補足額即可藉

為安插鄉勇之地更屬一舉兩得亦應遵照部
議辦理謹將一切章程詳細妥議開單恭呈
訓示奏入得
旨原議大臣悉心妥議具奏
二十六日_巳軍機大臣慶桂等會同吏部兵部
奏言伏查川省為沿邊要地幅員遼闊山深箐
密最易藏奸此次教匪不法仰仗
皇上天威疊次殲擒醜類大功屆歲但毗連陝楚地
方道路分歧恐餘氛易於潛匿事竣之後一切
彈壓稽查均關慎重其有地處衝要而向未設
有官弁者自應添駐專閫大員以資控制今據
德楞泰等奏稱川北鎮所屬太平營為川北川
東沿邊適中之地請將該營改為太平協添設
副將一員駐劄城內將該營原設之都司一員

作為協標左營都司移駐城口并於協標添設

備弁兵丁分駐防守等語查川省設有提督一

員總兵四員俱分駐要隘而重慶川北兩鎮所

轄營汛界連陝楚自巫山以至廣元綿長二千

餘里距兩鎮駐劄較遠有鞭長莫及之勢該處

向僅設有都司一員不足以資防守該大臣等

連年帶兵剿辦目擊該處情形請酌添將備兵

聖祖聖訓卷之六

七

丁係為慎重邊陲起見應如所奏於太平營地

方添設副將一員並添協標右營守備一員隨

同該協駐劄城內即以太平營原設之兵丁作

為右營兵額其原設之都司作為協標左營都

司移駐城口安兵四百名分巡稽察再通江縣

屬之竹峪關廣元縣屬之黃楊堡大寧縣屬之

徐家壩巫山縣屬之大昌等處地處萬山之中

為三省出入要路亦應如所請於竹峪關黃楊

堡徐家壩大昌等四處各添設守備一員並各

添兵二百五十名分營防守以聯聲勢徐家壩

大昌二營原設夔州協汛地仍應歸夔州協應

與改駐之左營都司及添設之右營守備並竹

峪關黃楊堡各守備歸川北鎮管轄至所添兵

額該大臣奏請於通省營分酌量籌撥其不敷

聖祖聖訓卷之六

六

者自應於各路隨征鄉勇內情願入伍之人擇

其年力精壯者揀選毋得以軟弱充數其應行

添設千把外委等官並兵丁馬步戰手額數應

俟該大臣等詳查妥議再行核辦至所奏夔州

添設知府州縣丞倅之處查各省道府以下各

缺該督撫不得妄行更改若因地方情形今昔

不同不得不為變通者准令該督撫隨時具奏

今該大臣等以達州為教匪起事之地民俗刁
 悍撫治甚難量請酌改所有達州直隸州應准
 其改為知府太平縣准其改為太平廳直隸同
 知東鄉縣准其添設主簿一員太平廳准其添
 設照磨一員所屬城口地方主簿准其裁去改
 設經歷一員涪州所屬鶴遊坪准其添設州同
 一員平武縣大印山准其添設主簿一員綿州
 金山驛地方向係該州舊治准其移駐老州地
 方保縣准其歸併理番同知管理即以該縣改
 復羅江縣綿州州判准其仍駐豐谷井順慶府
 同知准其歸併該府通判管理將缺改抵太平
 同知蓬州原設州同准其裁去改抵涪州州同
 墊江縣縣丞准其改抵太平廳經歷太平縣城
 口主簿准其改抵東鄉縣主簿達州吏目准其

欽定剿平三省邪匪方略 正編卷二八六

政府經歷麻柳場巡檢准其分隸首縣管理太
 平廳准其添設照磨一員平武縣准其添設主
 簿一員其所添知府及太平廳照磨平武縣主
 簿該大臣等既稱現辦善後事宜未能拘泥成
 例裁缺改抵亦應如所奏免其裁抵該處當賊
 氛初靖之時於要隘處所添設員弁分佈營汛
 形勢已為嚴密全在文武大員督率該屬實心
 任事庶撫馭均有實濟而地方益著敦寧至達
 州既請改為府應當改
 錫嘉名 臣 等謹遵
 旨酌擬恭候
 欽定其各官俸薪添建衙署兵房應鑄關防印信及
 各缺應如何酌定繁簡題推之處並一切未盡
 事宜統俟該大臣等分別題咨到部再行核辦

奏人得

旨依議達州著改為綏定府

聖朝聖德編卷六

三

欽定剿平三省邪匪方略正編卷二百八十七 辛酉年

十一月二十九日 壬寅 額勒登保德楞額奏言 臣

額勒登保德楞額於前次拜摺後各帶官兵由

嚴家壩梓潼廟馬家嶺分路前進探剿苟文明

及各股零匪行抵平溪壩據扎克塔爾馬瑜等

報稱十三日抵金雞河探有一股零匪約四五

百人由樟溪嶺一帶奔竄十四日率兵進抵南

聖朝聖德編卷六

一

江分水嶺四鼓發兵該匪正在圍逼民祠前隊

兵勇趕到殺斃賊匪數名該匪慌亂翻山逃遁

扎克塔爾馬瑜與副都統色爾滾副將應元寬

等分投追殺斃斃七八十名生擒六十五名奪

獲刀矛八十三件餘匪由陡壁深林四散奔逃

訊據獲犯供稱係姚馨佐股匪並與張添倫股

內分出百餘人合夥將從逆日久之李榮貴

等四十七名正法其餘附近被脅之十八名卽行釋放扎克塔爾馬瑜等仍卽緊躡賊蹤追剿前進十六日抵沙河壩場又據探報附近之碑壩天平河一帶皆有零匪出沒滋擾扎克塔爾復與馬瑜各帶官兵分左右兩路探剿十七日早間扎克塔爾督率兵勇行抵木竹壩半山適遇一股賊匪竄來扎克塔爾帶領官兵併力下壓鎗箭齊發斃賊五六十人率獲大旗手杜心斗等十七名訊係辛聰股匪當卽用矛戳斃帶領兵勇奮力追殺趕過數重大山沿途斃賊四十餘名滾巖落澗者數十名該處山勢窄狹賊匪將驟馬全行拋棄翻山奔逃遂令副將應元寬叅將吳廷剛等帶領步隊兵勇跟蹤追殺扎克塔爾率同傅陞捫欽保等帶領馬隊從旁路

欽定剿平三省邪匪方略

正編卷二八七

順溝沙截兩路共斬獲七八十人奪獲刀矛百餘件馬驟四十餘頭匹餘匪由鐵實寨老林竄逃又有被官兵衝散百數人向白果壩逃遁適遇馬瑜帶領官兵於碑壩西壩一帶探剿而來迎頭截殺斃賊三十餘名生擒五十四名追抵韭菜巖悉數殲盡遂將兩路所獲各犯歸併審訊將真正賊匪戴洪孝陳貴珍等六十九名分別凌遲正法其被脅未久之吳清臣等三十八名亦卽釋放是晚扎克塔爾馬瑜等仍合兵一路十九日進抵下沙壩又探有賊匪三四百人屯扎丁家溝相距五十餘里是夜三更扎克塔爾率同傅陞應元寬等帶兵由芥菜園進剿馬瑜色爾滾率同李應貴馬應國等帶兵由新寨子進剿各官兵於四更時均抵丁家溝卽乘月

欽定剿平三省邪匪方略

正編卷二八七

色衝入賊屯刀砍才截立斃三十餘人賊匪向山後老林奔竄步兵勇跟入老林時已黎明於林箐內分投搜剿共計斃賊七十餘名生擒男婦八十二名餘匪百餘人向大樹壩奔竄正值臣帶領兵勇從趕場溪而來迎頭兜剿又有馬應國吳廷剛祝廷彪等跟蹤追到該匪無路逃竄匿入箐林我兵分路兜圍截斃五十八名製者勇纂編卷五 四 生擒七十四名將此股賊除淨盡遂趕抵貴門關紮營訊據所獲各犯內偽總兵張正坤林太文大旗手周老五等供稱係冉學勝高見奇戴四等股內節次剿散之人陸續奏台一處只有二百餘人日間不敢行走臣夜暗出摸樁先後裹脅一百餘人意欲與大眾合夥即將該三犯凌遲處死并將從逆日八之周上典等八十名

概行正法其餘附近被脅者即予釋放臣等連日由通南一帶分路進發原係迎剿苟文明賊匪因各零匪於附近竄擾自應先行督率剿辦現又據探報姚馨佐股匪被剿之後所剩二百餘人由彌陀寺向東奔逃幸聰股匪被剿之後所剩亦不過三百餘人由大壩向西奔逃皆於深山密箐晝伏夜行為避兵苟延之計惟探得苟文明股匪有分出六七百人向南江西南之鎮子壩龍山一帶逃竄其正股約二千餘人向西南廣元關入寧羌界內七十五現在緊躡追剿臣等業經嚴行飭催該提督并總兵田胡貴等務即趕緊截剿即不能就地撲滅亦必併力迅速攔回萬勿直令西竄並飛札知會慶成轉飭各營卡防剿官兵嚴密堵截臣 德楞泰現即

率領達勒精阿馬瑜等由南江沙河子木門西
南一帶趕辦苟逆分股之數百人并就近督催
七十五將西竄之賊上緊截回與之兩面夾擊
臣額勒登保現仍率同扎克塔爾揚遇春由木
竹垭保年壩一帶分兵剿洗姚馨佐辛聰及各
起零匪且備荷逆股匪經各官兵逼向東來亦
正可迎頭剿辦伏查刻下賊匪情形如姚馨佐
辛聰張添倫等早已潰敗零星竟無伎倆李彬
率領餘匪近向東太一帶奔逃有格布舍揚芳
等帶兵緊躡專剿可以即日辦完湯思蛟殘匪
有勒保督率薛大烈剿辦劉潮選殘匪有賽冲
阿温春等剿辦亦皆不致久延時日惟荷文明
一股人數尚多肆意奔逃實為可惡然當此兵
多賊寡之際亦不能稍有蔓延一經七十五等

聖諭 欽定剿平三省邪匪方略

六

截回即不難一鼓集事是刻下軍務大局已為
截定臣等謹商定應行籌辦各事奏請
訓示約計奉到
諭旨為期尚須兩旬彼時荷文明股匪縱尚未全股
殄滅亦必所剩無多其各股餘氛亦定可漸次
消滅臣德楞泰即當酌量情形遵
旨先行北上恭伸展
觀叩謁
聖諭 欽定剿平三省邪匪方略
七
裕陵現在仍惟有與臣額勒登保速探賊蹤分路趕剿
斷不敢存遷就完事之見
額勒登保德楞泰勒保又奏言竊臣等荷蒙
委任統率師千數載以來仰仗
天威赫濯
睿訓周詳各首逆王廷詔高二高三馬五徐添德伍

懷志再學勝龍紹周高見奇等皆係兇悍巨魁
緊要大股均已次第蕩平其現辦之李彬湯思
蛟劉潮選荷文明等股零星奔竄不難迅就肅
除前次欽奉

上諭飭令_臣等通盤籌畫如何辦定大局徐撤大兵
卽有一二遺孽或歸入搜捕餘匪善後事宜或酌
留官兵督捕或竟責成本省督撫派兵搜捕籌度

聖諭

人

情形據實具奏_臣等謹會商應辦事宜十款恭呈

御覽一川陝馬隊官兵除吉林索倫各留三百名於
川陝二省調度楚省亦酌留二三百名外其餘
東三省官兵在楚者卽由楚撤回在川者卽由
川江至襄陽起早撤回在陝者由漢中西安分
起撤回一將雲貴官兵及川省官兵均歸於川
界搜捕餘匪俟將次肅清時卽將雲貴官兵由

川省撤回原營仍酌留川省征兵於太平以東
開縣大寧交界處所派總兵一員設一大營提
督統率又於通江南江廣元交界處所令本鎮
總兵設一大營又於通江太平適中之地令總
兵一員帶兵設營或將軍總督在彼駐劄統率
其所留兵數按通省標鎮協營官兵以四成爲
率如不敷分設卽以隨征鄉勇添補約計每處

聖諭

九

酌設兵勇五千名共須兵勇一萬五千名足敷
搜剿其防江兵勇擬將防兵先撤將鄉勇暫行
留防俟搜剿官兵撤歸本營之際再一體全裁
一將現在川陝隨征之兩廣直隸山西山東官
兵均歸於陝界協同陝甘官兵搜捕俟將次肅
清時卽將兩廣直隸山西山東官兵由陝撤回
原營酌留陝甘官兵於平利安康交界之磚坪

派總兵一員設一大營將軍統率又於寧羌南
鄭交界之黃官嶺派總兵一員設一大營提督
統率又於西鄉固縣營派總兵一員設一大營
臣額勒登保在此暫劄其所留兵數甘省除西
寧寧夏官兵係緊要邊地全行撤回外其督標
提標肅州河州涼州五營酌留兵七千名陝省
除寧陝鎮外各營兵亦以四成爲率如不敷分
設卽以隨征鄉勇添補約計每處酌設兵勇六
千名共須兵勇一萬八千名足敷搜捕一楚省
將現有之東三省官兵酌留二三百名調用其
餘山東兩廣江西安徽官兵卽由陝撤回原營
所有陝西隨征之湖南湖北官兵撤歸楚省以
提標及鄖陽鎮官兵在二竹設營提督管帶以
督標撫標官兵在言万縣之九道梁扇子壩一帶

欽定剿平三省邪匪方略

正編卷二八七

欽定剿平三省邪匪方略 正編卷二八七

派總兵一員扼要設營巡撫統率以宜昌鎮官
兵在歸巴興山一帶設營本鎮總兵統率所派
各標官兵亦以四成爲率如不敷分設酌量撥
留湖南兵一二千名協同宜昌鎮兵設防倘兵
力再不敷用將就近本州縣鄉勇酌量分撥設
營處所以資搜捕交吳熊光全保長齡等隨時
辦理一川陝楚除酌設官兵搜捕外仍飭各該
管道府督率委員分定段落勸諭寨堡民勇於
附近協同搜捕如有斬獲卽分別獎賞各寨嗣
遇有損塌隨時修葺不許疎忽俟餘匪淨盡後
再令居民下寨一外省官兵撤回後祇留本省
官兵設防長捕則分例自應酌減擬令官員支
領鹽菜及本身馬乾銀兩裁去馱隻兵丁祇支
鹽菜夫價裁去加增餘丁一各州縣寨硿存貯

欽定剿平三省邪匪方略

正編卷二八七

一六七

糧石卽供支設防官兵如搜捕少需時日糧不敷用各州縣卽毋庸再運以省脚價每兵按月給予口糧連鹽菜共發銀二兩七錢如陝省酌留兵勇一萬八千名以每名二兩七錢合計每月連官員約需五萬有零三省安設兵勇數目多寡不一總計一月需銀不過十四五萬兩一各省鄉勇除未留用者應令其回籍各安生業

《聖朝聖訓編覽卷七

士

外其所留鄉勇月支鹽菜銀九錢月支米一分若不支米每月連鹽菜給予銀二兩七錢鄉勇內有壯健情願入伍者隨時挑補名糧如糧缺不敷卽作爲各營餘丁俟搜捕完竣後將補給名糧者隨隊回營有充餘丁者亦一同歸伍隨時驗補其餘不願入伍者聽其回籍生理一川楚各本境肅清後恐交界處所深山密林內尚

有零匪伏匿三省兵勇彼此聯絡於交界處所會哨一二次果無餘孽始撤回本營操防一鄉勇數年隨征多著勞績其頭人內有率

旨賞給翎頂者除已拔弁缺毋庸議外其有五六品頂戴藍翎者如願入伍卽以把總外委補用七八品頂戴以外委額外補用倘不願入營本省

《聖朝聖訓編覽卷七

士

督撫查明給予執照准其照舊戴用翎頂各回本籍其餘各勇均於回籍時酌給盤費以示獎勵以上各條係_臣等公同籌商是否有當恭候訓示均奏入

上命軍機大臣傳諭額勒登保德楞額奏保曰此次姚馨佐張添倫及辛聰各股餘匪竄至樟溪嶺木竹埡等處經兵勇剿殺前後殲擒五百餘名并將零匪肅除淨盡所辦尚好惟荷文明一股先據慶

成奏報該逆與冉高姚等匪會合約二千餘人於本月十二日由廣元金獅廟淺灘偷渡嘉陵江續又據長麟奏報苟逆一股於本月十二日由大灘偷渡嘉陵江向西竄竄已於十五日竄至階州之梅子園地方而本日額勒登保摺內稱苟文明正股賊匪尚在寧光境內等語慶成之報係本月十四日所發長麟之報係本月十八日所發俱已將

聖朝聖鑒事

古

苟逆奔竄情形探聞入奏慶成摺內并稱一面報明經畧酌派鎮將探蹤抄截乃此次額勒登保之摺係本月二十一日所發較遲多日早應接到慶成咨報何以摺內所叙情節不但不知苟文明正股竄至階州并不知其躡淺渡江之事殊不可解且上次額勒登保等奏報會稱苟逆一股人數稍眾非併力剿辦不能集事額勒登保由東北向西

逼剿德楞泰山東南向西追擊據所奏情節似已分路進發而本日摺內則稱德楞泰由南江一帶剿辦苟逆分股之賊六七百人並督催七十五截賊向東以便夾擊亦與前奏不符以上各情節即速明白回奏至另摺奏報竟稱大局戡定尤屬冒昧看來額勒登保等竟不免有遷就了事之見大非朕意矣前此朕屢次降旨令額勒登保通盤籌畫將大局戡定情形先行奏報並諄諭以不可稍有草率今苟逆正股尚有二千餘人其分股之賊亦有六七百人即李彬湯思蛟劉潮選等股亦未全淨此時苟逆即無偷渡嘉陵江竄到階州之信已不得云大局戡定况現在又已闖入甘省豈伊等欲將苟逆大股未完之賊歸入搜捕餘匪內僅交本省提督七十五辦理欲思粉飾完事乎朕之

聖朝聖鑒事

圭

諭令額勒登保等將大局熬足情形先行具奏者原以湯劉李苟等逆如果悉數殲除或實已殘敗不能成股祇剩一二零星餘匪自可將搜捕之事歸於善後辦理焉有大股未完輒稱大局已經戡定豈朕卽據爾等粉飾入告之摺論功行賞耶前此慶成長麟等奏到苟逆奔竄入甘朕心已深焦

《聖朝實錄卷七

六

匪而本日額勒登保等所奏情節又與慶成等奏報不符九增煩瀕額勒登保德楞泰勒保均著傳旨申飭辦理教匪已及六載當此蕪績有期更應加意慎重若額勒登保等祇圖目前完事不爲久遠之計設使甫經撤兵餘匪復潛出滋擾彼時仍須徵兵調餉非但不成事體而賊匪散而復起剿辦更爲費力何如趁此兵多賊少之時一鼓殄平爲一勞永逸之計額勒登保斷不可因現在將屆

年節欲思以蕪功喜報上慰朕心若果能將各股首夥賊匪悉數殲擒不留餘孽於年內奏報凱首固屬甚善萬一稍稽旬日而蕪功完善其所爭遲速幾何額勒登保等惟應辦理周妥萬勿草率從事以致功虧一簣也再樊人傑一股屢次奏報均未提及該逆亦係著名首犯此時究竟竄往何處若該逆夥黨均已剿散止餘隻身逃竄自無難嚴

《聖朝實錄卷七

七

飭卡隘隨時盤獲倘夥黨未淨尙成股數必當查明該逆奔竄地方分飭將領上緊追剿將首夥殲捕淨盡爲要至七十五於追剿苟逆節次遲延以致闌入甘省其咎甚重著額勒登保等查明如果苟逆現在尙未渡嘉陵江竄至階州慶成長麟奏報之詞尙有未確則七十五僅止辦理遲緩尙可量予從寬祇須解任審訊無庸革職等因若慶成

等所奏係屬實在情形則七十五罪無可追額勒
登保卽遵照前旨將七十五革職擊問審明加重
定擬具奏勿稍瞻徇至所奏會籌應辦事宜如隨
征鄉勇內將賞過翎頂者卽以把總外委補用一
節與朕前降諭旨正合惟所議先撤官兵後撤鄉
勇一節尙未妥協軍務告戢以後安插鄉勇一事
最爲緊要前已有旨諭知額勒登保德楞泰會同
各該督撫悉心籌辦若如額勒登保等所奏先撤
官兵後撤鄉勇則官兵歸伍之後鄉勇等未免無
所鈐束殊非善策朕意或先撤鄉勇後撤官兵否
則兵勇兼撤方爲正辦但此意切不可稍有宣露
恐鄉勇等轉致心生疑貳也至所議將各州縣察
硯存貯糧石供支設防官兵等語亦屬未妥留防
兵丁如尙有搜捕等事畧需時日其所需糧餉自

欽定剿平三省邪匪方略

正編卷二八七

應設法接濟若如額勒登保等所議將案硯官存
糧石供支官兵若有不敷各州縣無庸再運每兵
按給口糧銀兩聽其自行買食恐案硯居民有意
居奇兵丁口食必形拮据此一節應另行妥議辦
理又摺內有德楞泰酌量遵旨先行北上之語此
則尙早前此因德楞泰係成都將軍於軍務大局
底定後先令伊來京召見慰勞卽回本任以便更
換額勒登保來京原指各股賊匪辦竣而言今苟
文明股匪尙在奔竄而李彬湯劉殘匪亦尙未全
行剿盡不但額勒登保當留彼督辦卽德楞泰亦
不可遽行來京總須會同熟商妥辦務期經久救
寧德楞泰惟應聽候朕旨來京毋庸亟亟若急於
啟程致軍務稍有貽誤必治以應得之罪再教匪
不過內地亂民並非遠徼外夷掃穴犁庭可比卽

欽定剿平三省邪匪方略

正編卷二八七

全數辦竣不值馳遞紅旗祇須用紅裏黃面奏摺
加緊馳奏將大功底定情形聲叙得體以便宣示
中外但不可稍有輕率也

欽定大清會典事例

卷

欽定剿平三省邪匪方略正編卷二百八十八 辛酉年

十二月初一日 長麟奏言 臣因探聞荷逆倫

過嘉陵江竄入甘境之梅子園 臣 卽馳回甘省

照料一切二十三日行抵徽縣地方途次據探

役報稱十七日賊匪仍在梅子園屯聚提督慶

成趕至與賊接仗殲斃生擒約一百餘名賊匪

敗走十八日竄至階州屬之安家壩十九日竄

至階州屬之望則關二十日竄至階州屬之牛

頭寺二十一日竄至階州屬之草川子係階州

禮縣交界慶成現在帶兵截剿副將齊郎阿亦

由陝省南山趕回緊躡追剿頃接慶成來信稱

十七日黎明趕至梅子園賊匪二三千人分爲

兩股正在起竄慶成督率將弁兵勇直前剿殺

斃賊四五十人賊匪搖旗聚集戰手佔據陡險

山梁將弁兵勇奮力搶撲賊匪滾石如雨兵勇
多被石傷並不稍退攻撲愈力賊匪又分兩股
欲抄兵勇後路慶成卽撥弁兵迎擊又殺賊七
八十人生擒四十九名賊匪敗走訊據活賊張
大禮等供稱此股係苟文明爲首冉高張魏餘
匪及川陝邊界湊合打散零星戰手並新裹者
共有三千餘人等語至提督七十五因恐賊匪

剿平三省邪匪方略 二

由階平竄往龍安現由太平川一帶顧住西路
探蹤進剿總兵永明亦經慶成催令迅由陝省
棧道一帶帶兵趕來協同剿辦慶成因連日追
賊緊急囑臣先行奏

聞早慰

聖懷再甘省成黎均已各登堡寨現在飛催前調官
兵分撥衛護斷不致在聽賊匪裹脅蹂躪其行

欽定剿平三省邪匪方略 正編卷二八八

路官兵所需糧餉亦經臣奏差標弁分投嚴催
務俾源源運供不敢稍有貽誤適又接據道員
朱勳稟稱經畧額勒登保已於二十三日馳抵
南鄭縣屬之牟家壩差探有逆賊匪奔竄情形
賊匪如向東竄卽由棧道一帶迎頭截剿如向
西竄卽由寧羌沔縣一帶進兵日內可入甘境
奏入

剿平三省邪匪方略 三

上命軍機大臣傳諭額勒登保長麟慶成曰苟逆股
匪前經慶成長麟奏約有二千餘人竄入階州彼
時卽慮該匪竄至甘省沿途裹脅賊數又必加增
今據長麟奏稱苟逆渡江後連日在階州之牛頭
寺草川子等處套竄人數已有三千餘幸慶成帶
兵趕至與賊接仗該逆又分兩路欲抄兵勇之後
經慶成撥兵迎擊先後殲擒一百七十八人賊匪

一七三

始行敗走慶成當苟逆乘間狂奔之時趕緊截擊以挫賊鋒甚屢可嘉慶成前於安南出兵時曾賞給巴圖魯名號嗣經革除今慶成一聞苟逆西竄之信卽帶兵趕上賊匪恃險抗拒滾石如雨慶成督率兵勇並不稍退殲斃多名俾逆賊不致肆行竄擾卽係慶成之功著加恩賞還西郎阿巴圖魯名號以示獎勵俟苟逆辦竣再加懋賞昨額勒登保在南江發摺時自尙未知苟逆竄甘之信今已行抵南鄭自係接到地方稟報卽行馳赴該處慶成現在所帶俱係防兵日久坐守於打仗不能十分得力額勒登保所帶之兵均屬節次得勝勁旅旣抵南鄭應卽探明賊蹤迅速趕上督同慶成奮力截擊勿再延緩至長麟摺內並未提及德楞泰來甘自因川境南江現有苟逆分股之賊及湯劉

李彬等匪亦尙未淨正須德楞泰在彼督剿其竄甘苟逆正股有額勒登保慶成足資剿辦卽責成伊二人趕緊辦理並催永明等速由棧道前來協剿務將苟逆股匪卽在該處地方全行辦竣則此外已無大股賊匪尙萬不得已亦須逼賊回川斷不可令其竄過棧東或潛匿南山老林辦理又致費手至七十五辦賊遲誤節經降旨令額勒登保等將伊革職拿問今七十五並未跟蹤緊躡轉繞赴太平一帶是否有心逗遛必須核實辦理著額勒登保詳查如七十五本已行走遲緩聞賊匪入甘又繞道避賊其罪更無可追自應仍遵前旨革職拿問倘西路實在緊要必須預行攔截七十五前赴該處尙非無因亦著據實具奏朕於七十五本無成心未嘗有意從嚴亦非曲爲開脫額勒登

保務當秉公查辦以昭平允再甘境所需軍餉業經長麟派員分段催償自應妥為供運前據長麟奏該省現有存備展賑銀三十八萬餘兩此時距明年展賑之期尚遠軍儲緊要必須隨時接濟長麟即可將此項銀兩先行挪移支放用過若干即據實數奏明候朕撥給還款若賊已兜截回川無須甘省支應即可不必挪動也

聖朝聖編卷之六

六

初四日丙午勒保奏言竊前與德楞泰會合迎

晤額勒登保等議大局惟時探聞七十五追剿

苟文明一股賊匪已至廣元一帶賊夥較眾恐

七十五一時不能得手額勒登保德楞泰遂會

商帶兵向廣元巴州分路取道併力剿辦臣仍

回川東督剿各股餘匪十八日回抵太平該縣

尚有前次薛大烈生擒蕭焜股內夥賊六十餘

犯監禁候審臣當即提犯審辦並差探川東各

路賊蹤黃冲阿温春等追剿劉潮選股匪已由

開縣向寶塔一帶跟蹤緊躡格布舍楊芳等跟

剿李彬股匪在東鄉大坪溪地方得有勝仗現

向雞鳴寺一帶緊躡前進薛大烈剿辦湯思蛟

股匪尚在城口一帶旋於二十二日接據稟報

該鎮自辦完蕭焜股匪之後仍行探剿湯逆兵

聖朝聖編卷之七

七

到茨竹溝據土人報稱附近牛尾池小中河等

處山內有賊匪一股約三四百人薛大烈恐湯

逆印在其內查詢路徑知茨竹溝對面大山之

後有花角園堡子坪譚家灣江西壩四條小路

相通均在青林之中薛大烈遂連夜分撥兵勇

派令參將羅聲臯蕭鳳來遊擊晉之連都司周

俸等由花角園取道遊擊傳廷在梓涵都司馬成

林陶得伏等由堡子坪取道遊擊胡定邦都司
薛陞馬正元等由江西壩取道薛大烈同副都
統銜協領達斯呼爾岱副總管格亨得爾副將
張績遊擊張振辰等帶領滿漢官兵由譚家營
取道四路巡近不一均約定行近賊屯埋伏候
至黎明一齊圍捕及至天明賊匪猝見官兵四
至驚慌亂竄我兵奮力衝殺刀矛並舉立斃賊

【製香齋聖編卷六

八

八九十名生擒賊六十四名餘匪或奔跳崖坎
或鑽隙林菁我兵分投搜捕又殺斃六七十人
生擒九十八名尚有匪眾百餘人奔上該處之
遼仙崖擲石抗拒我兵勢難仰攻薛大烈遂挑
選趨捷兵勇二百名暗伏兩旁樹林將大隊兵
勇徐徐撤退賊見我兵下撤果即乘空下山逃
竄我兵從樹林內突出悉數殲擒並無一名漏

網查訊此起賊匪係黃號齊王氏股內餘孽賊
首葛士寬王朝安均係襄陽老教掌櫃向同姚
馨佐一路今年秋間在巴山老林內被官兵剿
散潛匿川陝邊界近日復與高家營及辛聰股
內剿散餘匪零星湊合要想出山掠食今遇官
兵圍住殲淨所擒活賊二百三十六名盡屬賊
手薛大烈就近訊明正法惟將黃號賊首葛士

【製香齋聖編卷六

九

寬王朝安並偽總兵王學書辛聰之姪辛世才
齊家營探馬頭郝思順黃號步探王啟秀牌頭
洪正舉等共七犯解候查訊此時城口一帶尚
有零星賊匪數股倏出倏沒不知湯思蛟一犯
究竟潛匿何股現在趕緊剿辦等情查近日賊
匪情形疊被官兵剿捕殘匪零星窮竄一聞官
兵消息即分路奔逃賊數愈少探信愈難所以

官兵屢次痛剿而首逆尙未就擒今既據報城
 口尙有零匪數股但能逐股辦淨首逆不患不
 得卽輾轉竄逸而餘黨既淨亦無虞一二首逆
 稽誅臣現在飛飭薛大烈速將城口附近山內
 各股零匪趕緊剿辦卽湯逆就擒餘股亦必須逐
 一殲盡設無湯逆在內而殲除一股卽少一股
 餘孽亦於大局有益又臣前聞有零賊一股從
 東鄉竄往達州風碓子一帶當派遊擊唐際盛
 夏雲龍分兵一千名前往剿捕行抵該境探聞
 此股餘匪已竄入大竹地方該遊擊等卽帶兵
 從黃泥壩觀音崖一路探蹤前進初二日探得
 賊匪屯聚團馬舖該遊擊等領兵趕剿賊匪一
 見官兵卽慌亂狂奔我兵奮力追殺斃賊三十
 餘名生擒男婦胡連升李蔡氏等二十一名口

欽定剿平三省邪匪方略 正編卷二八八

擒獲騾馬十二頭匹鎗矛數十件查訊此股賊
 匪係王珊餘黨宋總兵爲首帶有賊匪約二千
 餘人已折向新開坪一路奔竄該遊擊等卽將
 所獲男婦交大竹縣審辦仍帶兵勇連日跟蹤
 緊躡初六日追至觀音橋地方趕上賊匪該匪
 見官兵逼近卽搶占山梁遊擊夏雲龍守備夏
 瑚周士貴等從山後掩襲下壓遊擊唐際盛都
 司王泰守備吳之繡張鼎甲等帶兵從觀音橋
 進擊賊見官兵兩路齊至卽亡命衝突我兵奮
 勇圍捕斃賊五十餘名生擒男婦一百十八名
 口當於賊屍內認出偽總兵宋國品牌頭孫大
 砲屍身二軀活賊內訊出牌頭游學明王應才
 鄭相李貴方繼太鄧維均朱神志蒲明得等八
 名立卽正法其餘男婦送交新寧縣審訊辦理

此路以仗有千總高占魁把總袁進希各受矛

傷現飭調治陣亡兵丁一名受傷兵勇五名該

遊擊等辦理完竣即帶兵探迎臣一路歸隊臣

查此起零匪為數雖屬無多但已竄入腹地該

遊擊等帶兵剿淨尚為出力惟近據探報雲陽

萬縣一帶另有張姓零匪三四百人在彼滋擾

無兵剿辦該處與新寧梁山一帶接壤皆距達

州相近臣現又撥本隊兵勇添入唐際盛夏雲

龍等一路並派總兵張志林統率就近由達州

取道馳往剿辦此時川東零星分股賊匪有賽

冲阿溫春格布舍楊芳薛大烈張志林等帶兵

分路跟剿而額勒登保德楞泰及七十五各路

官兵又俱在川北一應糧餉軍火等項均須籌

備分投接濟且參革副將褚大榮參將周廷幹

之案在達州羈候日久亦須早為審結臣擬於

此次路過達州時暫駐三四日將各路糧餉軍

火及應審辦案件親為料理完竣即趕赴東路

督剿奏入

上命軍機大臣傳諭勒保曰此次賽冲阿溫春格布

舍楊芳薛大烈等分剿李彬湯劉等股沿途俱有

斬獲並將黃虎餘孽葛士寬等首夥數百人全行

盡盡所辦尚好但荷文明一股早據慶成長麟先

後奏到該逆與冉高姚等匪會合於十一月十二

日偷渡嘉陵江竄至階州梅子園等處相近禮縣

交界經慶成趕上迎擊已挫賊鋒而額勒登保已

於前月二十三日馳抵南鄭探蹤進剿勒保係四

川總督乃於荷逆股匪偷渡過江尚茫然不知所

司何事且與經畧參贊會晤後為日無幾何以額

勒登保二十三日已至南鄭進剿荷逆而該督是日所發奏摺如無其事該處地方官於荷逆偷渡情形諒無不稟知本省總督之理豈勒保佯為不知遂能始終隱匿耶勒保著傳旨申飭其賊匪偷渡之金獅廟大灘一帶江岸若該督並未派員弁在彼防守任賊竄越則罪在勒保若本派有員弁不能守禦勒保即當查明奏毋得稍有瞻徇至摺內稱有零星股匪但能逐股辦淨首逆不患不得等語所見甚是此時川省並無大股賊匪其零星竄賊殲除一股即少一股餘孽若能先將李彬湯劉等逆擒獲固屬甚善否則將零星賊匪愈剿愈少各首逆勢孤更無難按名擒縛該督總當遇賊即剿不拘何股迅速殄平肅清川境如將李彬湯劉等著名首逆殲擒即用六百里加緊奏聞以

欽定剿平三省邪匪方略 正編卷二八八

烈屢念其餘剿盡一股零星賊匪仍用六百里馳奏所有此次剿賊出力之遊擊唐際盛夏雲龍如再有奮勉之處著該督保奏再行加恩
初五日丁未額勒登保奏言竊臣昨因荷逆股匪由廣元闖入寧羌一帶與德楞泰分路剿辦德楞泰帶兵由南江廣元前進臣即率同扎克爾楊遇春由沙壩碑壩前進於東西兩路探剿姚章等股潰敗零匪並偵探荷逆竄蹤相機策應二十三日馳抵通江之西河口接到陸有仁來信荷逆賊匪由廣元之大灘涉淺過河竄向階州境內臣查此股賊匪係七十五帶兵專辦臣未能痛加截剿致向西奔慶成在羅家壩得信雖已由陽平關前營兜擊第恐該匪人數較多亡命狂奔慶成或恐急切未能得手一有夏

欽定剿平三省邪匪方略 正編卷二八八

延所關匪細上遂即派令楊遇春帶領馬步兵

勇二千餘名由南鄭沔畧饋程進發併力剿辦

次日臣及扎克塔爾等帶領官兵由青石關南

鄭接續而進二十六日起抵褒城之新集途次

又接陸有仁來信云七十五由太平川躡蹤追

剿十五日於安東河趕上賊尾畧有擒獲慶成

山陽平關過河十七日起到梅子園遇賊接仗

《製書齋叢書卷之六》

六

斬獲百餘人賊匪向西北逃竄有趨崖門口白

馬關之勢臣又飭令楊遇春探蹤而進倘該逆

折竄東來即可迎頭截殺現又飛飭慶成七十

五上緊截剿務即將該匪攔回不得深入階文

地界並飭知楊遇春等探蹤追進如該匪被剿

東折且可與慶成七十五等共收夾擊之效臣

現即於新集暫為駐扎設或該匪窺伺棧道臣

更可率同扎克塔爾就近截剿該匪前此竄擾

南廣一帶密菁深山剿捕頗形棘手今既於此

一帶奔竄則地勢較南廣易於為力楊遇春慶

成七十五所帶官兵已不下萬人茲臣又復於

新集親臨督催三路官兵趕緊剿辦無難就地

撲滅不致稍有蔓延再查川省之嘉陵江係眾

流所匯其由西固階州文縣而來者為白水又

《製書齋叢書卷之七》

七

為白龍江其由成縣徽縣畧陽而來者為白水

江二水至廣元以下合流始名嘉陵江過白水

江西去係通階文之路南去則係白龍江過白

龍江南岸始與龍安交界此次苟逆股匪由寧

廣接壤之大灘西淺竄過係白水江乃嘉陵江

上游距龍安邊境尚遠且有白龍江之隔現在

總兵呂朝龍帶兵在彼防範總兵田朝貴帶兵

復由廣元前往堵剿該一路實可無虞臣並已

知會德楞泰卽於南廣一帶督辦該處零星匪可

無須兼顧甘境之賊再前此由寧羌竄入陝境

零星二百餘人經慶溥雒昂等疊次剿捕之後

餘匪三四十人竄向洋縣山內茲據慶溥等報

稱該匪遁至孝義鎮安界內慶溥雒昂率領兵

勇探蹤搜捕署寧陝鎮韓自昌亦分派兵勇追

剿斬獲三十五名又經孝義寨勇孟雲從等拏

獲賊匪十七名業將該零星匪搜捕淨盡臣現令

慶溥帶兵轉回仍於寧羌一帶督率防範

額勒登保又奏言竊查兵丁追剿賊匪備極艱

辛其衣履等項必須因時籌備臣於九月間在

陝境督剿時因天氣漸寒所有各路堵截官兵

衣履等項除陝甘二省距本營甚近長麟等業

欽定剿平三省邪匪方略 正編卷二八八

經飭辦軍裝解營應用外其餘東三省滿兵及

各省漢兵鄉勇亟須就近代為籌辦臣會飭西

安漢中興安道府等製辦棉襖一萬一千六百

五十件棉馬褂一千一百件暖帽四千八百九

十五頂棉套褲四千八百七十九雙布鞋四千

九百二十四雙均經各該處陸續辦就解送軍

營分散各兵勇以資服用共計工料銀二萬二

千一百五十兩臣因兵丁等隨征出力歷有歲

時不日事竣凱旋衣履銀兩臣原擬自行捐給

奏請於應得廉俸內照扣歸欵撫臣陸有仁以

伊歲入較優必欲捐辦臣查陸有仁與藩司溫

承惠夏間會已捐辦單衣鞋履此次需費較多

恐亦力難獨任臣曾經札復茲陸有仁又與各

司道籌定通省自直隸州以上公捐陸有仁捐

一八一

銀四千兩藩司溫承惠捐銀三千兩臬司文需
 捐銀二千兩道員朱勳台斐音素納吳沂楊護
 等五員各捐銀一千兩知府陳文駿龍萬育盛
 淳崇王駿猷洪蕙趙洵樊士鋒等七員各捐銀
 八百兩直隸州知州陳初莊振莊炳皂杜喻文
 鏞等五員各捐銀五百兩皆係實缺之員各自
 捐廉將價值照數給發並未敢於公項中稍有
 挪動臣抵川境時又經勒保處解到捐廉
 製辦棉衣三千件布鞋二千雙臣亦經分散各
 兵勇添補穿着現在各兵勇等均得禦寒無虞
 風雪因知
 皇上軫念戎行無時或釋理合奏
 同均奏入
 上命軍機大臣傳諭額勒登保曰苟文明一股在廣

元地方踰淺渡江係前月十二日之事慶成長麟
 等均已先後奏到而額勒登保前次摺內尚云苟
 逆股匪由廣元闖入寧羌彼時額勒登保得信已
 遲現在額勒登保派令楊遇春帶兵由南鄭沔畧
 探蹤前進并飛飭慶成等上緊截剿將該匪攔回
 期收夾擊之效自應如此辦理惟額勒登保現在
 褒城之新集地方暫駐自係慮及該匪窺伺棧道
 是以在彼駐劄就近截剿但苟逆一股自渡江之
 後沿途裹脅日多昨據長麟奏到該逆竄近禮縣
 已有三千餘人雖經慶成趕上得有勝仗然兵力
 未免稍單額勒登保既至褒城自應統兵前進既
 可為慶成楊遇春兩路聲援而於苟逆奔竄蹤跡
 得信亦可迅速至苟逆奔竄甘境總由七十五剿
 辦不力所致額勒登保摺內既稱七十五未能痛

加剿殺又稱七十五於安樂河趕上賊尾畧有擒殺是七十五逗遛玩悞之處額勒登保皆所深悉卽因未曾接奉前此將七十五革職拿問之旨未經具摺嚴參亦應將伊延緩踈蹤之罪參奏請旨何得竟無一字提及且七十五在川專剿苟逆種種逼遛額勒登保並不上緊督催致苟逆得以乘間偷渡亦難辭咎此次應一併自請議處而摺內

聖祖聖訓卷之三

三

亦並未奏及均屬非是額勒登保著傳旨申飭仍著遵照前旨查明七十五如並未與賊接仗任意遷延卽當將七十五革職拿問審擬具奏不可姑息或另有別項情節以致延緩亦應嚴參請旨總之七十五縱賊之罪難以輕貸卽此時苟逆一股尅期辦竣七十五亦有應得罪名至額勒登保果能將苟逆股匪就地撲滅俾首夥全數剿淨不再

蔓延則功過尙可相抵額勒登保惟當勉之又勉

一面嚴飭楊遇春慶成等奮勇截擊仍親自帶兵

探蹤前進上緊督催卽在甘境剿淨竄跡音速

至至階文一帶地勢寬廣賊匪最易肆竄從前高

三馬五等逆闖入甘省時額勒登保等會稱該處

地勢較平無深林密箐可以施展馬力而該逆等

旋即輾轉奔竄擾害無數地方迨日久始行撲滅

聖祖聖訓卷之三

三

何曾在甘省辦完一股今摺內尙稱甘省地勢較南廣易於爲力寧不報顏額勒登保尤當以前事爲戒總須西顧龍安東顧棧道遏其旁竄之路將該匪迅速殲除方足仰承恩眷日內楊遇春慶成續有勝仗卽速行馳奏以慰厯注再樊人傑一犯是否卽在苟逆股內或另竄他處何以並未提及仍著查明具奏

上諭內閣曰額勒登保奏陸有仁等捐廉備辦衣服解送軍營分散兵勇一摺軍營兵勇跟隨剿賊備極艱辛其衣服等項自應隨時籌備以資賞給陸有仁等若將此項衣服早為陳奏朕必准其作正開銷不令捐廉籌辦今既於通省直隸州以上實缺各員內公捐置備均屬急公可嘉巡撫陸有仁藩司溫承惠臬司文需道員朱勳台斐音素納吳沂楊護知府陳文駿龍萬育盛淳崇王駿猷洪蕙趙洵樊士鋒直隸州知州陳祁莊振莊忻皂柱喻文鏗均著交部議敘該撫等既自請捐廉仰邀恩敘斷不可因此稍有派累致干嚴議此時功屆垂成一切軍營賞項俱可無庸再行置備若實有需用之處該撫惟當奏聞請旨動支公項不得派令地方官公同捐辦

聖朝聖恩

臣

同日陸有仁奏言竊臣前將東竄餘匪剿辦殆盡嗣復接據探報逃散零匪共有三十餘人分為數起晝伏夜行總向林深箐密之處潛竄逃命慶溥韓自昌雒昂等各路兵勇緊躡入林搜緝於秦嶺北河小香爐溝等處林內隨地殲洗先後共三十五人業已搜捕淨盡臣恐尚有一二逃賊潛匿稽誅現復飛咨該署鎮韓自昌加意偵緝並飭各地方官督率寨勇到處搜尋務期盡絕根株所有慶溥兵勇自即可撤回寧河一帶分布嚴防其雒昂所管鄉勇亦令整隊出山以便派赴沿邊堵剿連日探得經畧額勒登保於川陝交界一帶屢獲勝仗殲斃餘匪甚多惟因苟文明股匪二千餘人由廣元竄至甘省階州雖經慶成於梅子園一帶截剿稍有斬獲

聖朝聖恩

臣

七十五亦自西路緊逼而來但賊數較多且有
各股剿剩戰手竄台萬一乘間東趨入棧則剿
辦又復需時臣隨星飛咨至經畧已先派楊遇
春由棧道自東而西隨探隨造以便與慶成兩
路夾擊經畧大營亦即由沔縣一帶居中策應
叅贊德楞泰由西鄉移至廣元探蹤前進督臣
長麟於本月十八日自漢中起程馳回甘省防
堵諒此殘敗餘氛不難即時殄滅一經剿盡其
餘零匪自更易於殲除大功指日告成糧餉更
關緊要臣隨時隨地設法供支幸未稍有缺悞
惟餉銀一項前缺後空粵餉二十萬兩於本月
初旬到陝臣因應還甘省賑餉雖係預備明春
加展之需而事關撫恤災黎未便人為延宕業
已照數解還甘省至前蒙

聖旨嘉獎

天

賞撥淮餉銀三十萬兩據報本月初旬始行起程約
須臘月中旬方可趕到又本月二十二日欽奉
諭旨賞撥淮餉二十萬兩以十萬兩解送經畧軍營
備賞其餘十萬兩交臣收用現在尙未據報起
解日期均屬緩難濟急在各路征兵衝寒敵愾
月餉既不能稍有拖延即防守兵勇分例係計
日授食之需亦難歷久不發臣復與長麟酌商
將山東省解甘壬戌年例餉銀二十萬兩暫爲
截留始得酌發十月中旬以前各營緊要之款
而自十月下旬以至歲底即酌分緩急竭力捭
擋亦必須銀五六十萬兩方可稍資敷衍至於
善後等費臨時自當奏明另行籌辦奏入
上命軍機大臣傳諭陸有仁曰此次慶溥韓自昌維
昂等將零匪搜盡所辦尙好至探聞苟文明股匪

聖旨嘉獎

天

及各股剽劫戰手或合恐其乘間東趨入棧所慮極是現在楊遇春已帶兵勇二千自東而西與慶成兩路夾擊而額勒登保亦已至褒城一帶現諭令探蹤前進諒苟逆一股當可就地殄除不致擾及棧東至所稱陝省糧餉緊要現將山東解甘于戊年例餉截留二十萬兩給發此項例餉自應籌撥還甘現已傳諭兩淮鹽政將商捐銀兩動撥二十萬解交甘省歸欵矣

聖朝聖德編卷之六

天

欽定剿平三省邪匪方略正編卷二百八十九辛酉年
十二月初九日辛亥德楞泰奏言竊臣帶兵前由南江向西南探賊進剿二十五日行抵木門場接據防江副將趙得功等稟報初八日探得蒼溪縣屬之永寧舖白鶴觀喬子壩等處均有賊眾距嘉陵江岸二三十里有窺伺之勢即會同川北道李鈺蒼溪縣王衍慶等帶領兵勇於堰溪口亭子口小站河一帶督兵巡防賊匪屯聚山梁屢次直撲河岸竟有馬賊躡至江心者均經擊斃未得搶越嗣賊又沿江而上恐其狡計折回乘間躡過李鈺等酌留兵勇在小站河防堵趙得功帶領兵勇與賊隔河並上賊遂翻山四散直至二十一日亥刻賊匪突至堰溪口擲取竹木紮筏搶渡經兵勇極力堵禦擊半夜

聖朝聖德編卷之六

一

始行退走轟斃賊匪四名馬騾二匹旋探該匪
竄向五里子一帶仍走江岸不遠趙得功李鉞
現在雙游子大壩口分投扼據惟江岸綿長兵
力單弱臣即批飭該將道等鎮靜小心防範是
日臣即趕至甌子壩三更後拔營行程一百四
十餘里二十六日申刻抵盤龍場探得該匪已
在大元山汪家河茶園子等處焚掠臣恐賊匪
知覺狂奔將營盤焚於山坳不准各營燒放號
火是夜四鼓帶兵冒雪進剿令達勒精阿馬瑜
帶同侍衛法依富阿克什布總管富登阿副總
管珠山副將李應貴馬應國叅將馬濟張應貴
遊擊涂陞由校槽口梅子灘一路進剿臣督同
色爾滾侍衛蘇爾伸總管蘇卿阿協領德寧阿
副將達自祥叅將何君佐遊擊馬文斌德英額

聖祖聖訓卷之三

二

李應元由柏楊院陳家壩一路進剿以期左右
夾擊黎明時均趕抵賊屯處所時該匪已經起
竄馬步兵勇分投極力趕追直至木橋子追上
賊衆我兵奮勇剿殺立斃賊匪五六十名生擒
魯學貴等一百二十一名敗殘餘匪復分兩路
奔逃隨令達勒精阿馬瑜等帶領兵勇由柳溪
溝一帶追剿臣督同色爾滾等由三合場老土
地趕殺兩路官兵均又追至騾子槽地方該處
溝深路窄賊衆擁擠不開我兵衝入賊羣刀矛
齊舉又殺賊七八十名生擒侯德峻等九十二
名奪獲馬騾八十七匹頭旗幟刀矛無算賊衆
滾崖跌斃者不計其數臣復督率馬步兵勇竭
力趕剿六十餘里至鍋莊坪唐家溝一帶各殺
賊三四十名生擒周得友等五十三名其沿途

聖祖聖訓卷之三

三

逃散者無從悉數惟達勒精阿趕殺賊匪因山高陡險冰雪滑溜人馬滾跌下坎數丈幸有石塊擋住壓傷左膝幸不甚重仍忍痛換馬帶兵追賊兵勇內亦有陣亡及受傷者數名另行咨部辦理旋訊獲犯侯德峻供稱係嘉慶二年被擄入營充當戰手在陝西湖廣甘肅四川地方各處打仗殺人元帥張添倫見我出力封為先鋒從前原有四五千人近被官兵追殺實只剩四百餘人又有楊開甲手下總兵陳國柱亦帶三百餘人前至南江合營在山內各處黑夜摸樁又擄有三百餘人那時會見了苟文明全他商量分開牽綴官兵苟文明往廣元一路我等於初間走到蒼溪不能過江又商量要走廣元尋找苟文明不想官兵追趕將我等擒獲等語

《聖朝實錄卷之九

四

周得友所供亦同隨該二犯鞠割處死其屈得字等一百十四名均係日久戰手老賊一概正法訊出蒼溪難民曹有富李張氏等一百三十六名口即就近寄存三會寨酌留口糧交寨長張林暫為照料並札飭該縣王衍慶親赴該寨查明住址妥為安撫其廣元難民王登仁王董氏等十四名口該縣葉文復業已來營即交伊領回查臣前奏有苟逆分出小股六七百人竄入龍山一帶者現經臣訊據獲犯即係張添倫與陳國柱合夥黨匪除此次剿洗外張逆約剩男婦老幼不過三百餘人已由通坪三家壩鏢尖山向南江奔竄有走野人村之勢陳國柱率殘賊百餘名由旺蒼壩漢王城亦向南江逃遁臣統計全局張陳二逆餘孽無幾即使竄逃

《聖朝實錄卷之九

五

山內諒不為患而入甘賊匪較為緊要總兵田

朝貴現在帶兵二千餘員各在廣元山內搜剿

零匪此刻業已無賊且距臣軍營不過數十里

臣即札調該總兵令其即帶原兵剿辦張添倫

等殘匪務期竭力剪除淨盡不可任意遲緩臣

即帶兵就近馳赴廣元確探苟逆情形相機辦

理倘附近再有竄來零匪仍可隨時搜捕不但

聖朝聖恩編卷五

六

可顧白水江岸亦可扼據川北再勒保帶兵折

回太平後聞薛大烈所追湯思蛟股賊賽冲阿

温春等所追劉潮選餘匪均屬無幾現又竄入

大寧山內臣相離日遠尙未得其來信日來或

已掃擒亦未可定又遊擊唐際盛所追賊匪數

百近亦由開縣遁入老山惟據雲陽縣稟報有

張姓賊夥六七百人在彼游奕無兵剿辦臣現

亦札知賽冲阿温春等如劉逆已除即就近移

師雲陽剿辦張姓股賊並暫在川東一帶幫同

勒保逐一搜捕剿洗臣營中尙有馬步兵勇二

千餘員名無論何股賊匪足數剿辦獨其不必

急欲回營再臣遵奉

諭旨遵查現在三省各股賊匪除苟逆一股二千餘

人外其餘如湯思蛟劉潮選李彬姚馨佐辛聰

聖朝聖恩編卷五

七

張添倫唐明萬會芝秀王國賢等餘孽每起百

餘人至五六百人不等實已敗殘狼狽自知滅

亡在即悉藉老山箐林為苟延殘喘之計若無

官兵搜剿則合夥結黨出而擄掠一聞官兵臨

近又復四散分逃晝伏夜出如鬼如蜮分合出

沒靡常且川陝楚邊界內外尙有零星散匪自

二三十人至百餘人不等至焚人傑一犯臣前

月行至太平據報該逆只剩數百人遁匿於湖北邊界老山之內是否已被官兵及寨勇擒獲之處刻下尙未據有稟報該逆惡貫滿盈天理不容自不能倖逃法網惟此時賊蹤潛藏山內地方遼闊臣近又移師川北各州縣稟報遞送愈遠實在數目未能周知然論目下情形除苟逆外實無成股賊眾臣約畧計算統其亦不過六七千人較之上次查覆一萬三千之數又減一半俟查明後再行詳細覆奏

德楞泰又奏言查現在川楚陝各股賊匪均係敗殘零星分竄惟苟文明一股人數尙多臣前在川東時因苟逆由陝折回川之太平高頭壩羊耳壩游奕其時提督七十五並無專辦之賊臣遂於十月初二日奏明將苟逆賊股專交七

十五帶兵剿辦毋論竄向何處務宜窮其所向嗣復疊次咨催臣與經畧額勒登保行次南江貴門關又據報苟逆分出六七百人向西南龍山一帶奔竄正股二千餘人向西關入寧廣界內又經額勒登保與臣嚴行催飭臣等商酌分兵搜捕各起零匪又可以備苟逆折回或為迎剿或為夾擊臣即取道由木門西進二十五日接據防江副將趙得功等稟報蒼溪屬嘉陵江岸一帶帶有賊匪窺伺業已會同川北道李銘等督率兵勇屢經轟擊尙未遠颺現經分投扼據日夜嚴防臣正發營前進接據廣元縣知縣葉文馥稟報有賊匪一股由會家河竄近朝天關大路梗阻十二日已至鍾子舖直奔沙溪子河岸是夜大霧三更時分作四五起一面與防河

聖朝聖訓卷之三

聖朝聖訓卷之三

兵勇搶渡打仗一面分出賊眾由橫梁子大灘
孟蘭閣萊白灘青灘廟延長六七十里蜂擁
淺兵勇眾寡不敵已被搶渡過河十三日有七
提督帶兵趕追十四日在寧羌安樂河趕上賊
尾稍有斬獲並稱陝西慶提督亦帶兵由陽平
關前往截剿查此河在廣元之東距縣一百二
十餘里係嘉陵江上游之支河各畧陽河其中
尚隔有黑河一道若該逆欲過川西必須經由
白水渡江方能奔竄是防堵白水實爲緊要臣
當卽飛飭總兵許文謨知府汪福將原兵帶赴
白水卡隘督同原防白水之叅將沈宗文嚴密
防堵並飛飭松潘鎮總兵呂朝龍將備戰兵八
百名調赴碧口一帶令該鎮協同許文謨等併
力堵截諒可無虞查甘省階文一帶今歲秋收

聖朝勳業編卷九

十一

歉薄現在賑卹又值冬令嚴寒冰雪交加之候
該逆不但無可掠食亦難忍受饑寒揆度情形
斷不能久延滋蔓又查苟文明等合夥賊匪不
過二千餘人而慶成七十五兩路大兵現有萬
餘兵力數倍於賊且慶成之兵現抵階州之清
水係在賊之北七十五之兵現在階州之琵琶
寺係在賊之西臣業已飛咨該提督等務宜併
力將苟逆等賊股就地殲除否則亦當逼向東
南此時額勒登保已由南江而至沔縣臣亦示
日可抵廣元均可以收兩面夾擊之效設或該
逆有竄白水之勢臣卽帶兵由昭化過河就
直前迎剿惟甘省久經肅清百姓皆已復業臣
此次苟逆等復竄該處閭閻未免又受荼毒臣
實在惶悚焦急之至再查七十五專剿苟逆賊

聖朝勳業編卷九

十二

股迄今將及兩月屢經行催總未能痛剿一次

前臣同勒保經過太平縣時詢知該提督追賊

至皮河舖苟逆屯於水田相距不過七八十里

七十五因兵勇未會支餉十六日回至縣城就

延六日於二十二日始行帶兵前進迨追至南

江四河壩接仗亦未得手該逆遂西竄廣元所

屬之沙溪子一帶踞淺搶渡所有防河不力之

《聖旨》

七

文武俟臣抵廣元查明另行奏奏外其提督七

十五素日打仗雖屬勇往當此功屆垂成之際

並不竭力趕緊剿辦致苟逆又復竄甘未免稍

需時日七十五玩悞之咎實無可辭惟臣與七

十七同在京營當差現又同事川省臣雖膺叅

贊重任然將軍提督均為大員是以未敢定擬

然又不敢稍舉過護瞻徇再臣適接據駐劄廣

元之副將永寧知府德福等稟報苟文明賊股

已被慶提督七提督由甘省截回於十一月二

十八日午後自寧羗燕子河折竄河東七提督

緊躡賊蹤二十九日該逆已奔至廣元之鍾子

舖等情查苟逆折回川境仰賴

天威所致誠為蕩事預兆臣不勝欣忭之至至鍾子

舖在廣元縣北距城二百餘里臣於初一日拜

《聖旨》

七

摺後趕至黃土坡在縣之東亦相距鍾子舖二

百餘里初二日即取道天仙坪會家河前進該

逆若由原路折竄正可與七十五兩面夾擊一

鼓集事如或另竄他路臣督同七十五等併力

掃除冀以仰紓

聖厯此次七十五將苟逆賊股迅速截回未令滋蔓

甘省亦未遭其蹂躪該提督深知愧憤極為奮

勉可否仰邀

格外鴻慈出自

皇上天恩

同日長麟奏言查荷文明賊匪據報由草川子

直趨西固文縣一帶意欲竄往龍安經提督七

十五遶至賊前迎堵慶成緊躡抄截將該匪截

回於二十三日折竄階州屬之琵琶寺七十五

由安樂河王家山一帶趕至與賊接仗賊至奔

逃迅速未能得手僅殺賊匪數人二十四日賊

匪竄至階州屬之太平川慶成七十五與總兵

永明等四路兜截賊匪無路可走於二十八日

夜間竄至階州交界偷渡白水江有防守陽平

關遊擊徐延齡帶兵在江岸擊卡堵截黑夜兵

單身中矛傷陣亡慶成即於二十九日逃過陽

聖朝聖恩編卷五

古

平關迎剿該匪即由大灘地方竄入四川廣元

縣境向南奔竄慶成七十五現在緊躡追蹤甘

省境內已就肅清此次各路大兵入甘為日無

幾甘省雖當災歉各州縣撥運軍火兵糧經

嚴催督飭尚屬迅速寬餘均無貽誤現在人心

莫定安堵如常其前竄陝省南山內之零星賊

匪數十人亦經副都統慶溥督率各將弁全數

剿滅淨盡並無一名漏網至

二百名現在秦州岷州鞏昌一帶防堵雖賊匪

現已出境自應即行檄撤惟

德楞泰等議奏戡定大局搜捕餘匪章程內開

即日大局戡定後請於川陝楚三省境內各設

大營三處搜捕餘匪並議令各道府率同委員

勸諭秦民一體協同搜捕等因查甘省界連川

聖朝聖恩編卷五

古

陝尚有零星賊匪竄入賊匿亦不可無兵搜捕

臣現調之官兵二千二百名內河州鎮標官兵

六百名該處回番雜處地方緊要現已札飭撤

回本汛以重巡防外其餘官兵一千六百名即

交鞏秦階道朱爾漢階州遊擊七十九管領於

階州連界來往巡查遇有零星賊匪即行搜捕

統俟各省防兵全撤後再行一律撤撤似於搜

捕全局較為周密再臣正在繕摺間據探事守

備沙生桂報稱該備於初一日經過陝省畧陽

縣見有賊匪數百人從畧陽縣屬之樹林溝竄

出初二日竄往黑河滋擾等語查黑河南通沔

縣寧羌北通徽縣虞關此股賊匪是否仍係苟

文明分股折竄入陝抑係川省另股賊匪又由

別路竄來尚未接據各州縣稟報惟無論何股

賊匪但有大批較近自應即行趕往速剿提督

楊遇春甫於十二月初一日由兩當縣拔營前

赴虞關相距較近臣當即差人飛行知會適楊

遇春營內亦有人來臣細加詢問據稱楊遇春

亦已探知黑河有賊現已趕往剿辦額勒登保

大營相距黑河亦不甚遠兩面夾擊此股賊匪

諒可即就殄滅均奏入

《聖訓聖學編卷之六》

七

上命軍機大臣傳諭額勒登保德楞額奏日前據德楞

額奏報帶兵剿辦苟逆分出股匪今閱摺內所奏

情形前此苟逆西竄寧羌一帶共小股六七百人

係張添倫與陳國柱合夥餘黨並非苟逆一股分

出之賊經德楞額沿途督剿共計殲擒賊匪四百

五六十人所辦尚好現在德楞額就近馳赴廣元

確探苟逆蹤跡相機迎擊自應如此辦理其餘李

彬湯思蛟劉潮選及張添倫陳國柱殘匪俱應乘
勝及早殲除德榜奏派令賽冲阿温春等分投剿
辦自可得力但伊等向來隨同德榜奏帶兵剿賊
固屬奮勇今德榜奏已至廣元賽冲阿等各自領
兵無人督率或不免鬆勁德榜奏當上緊飭催尅
期辦竣不可因年節已近稍有耽延與其在軍營
度歲何如趕緊蒞事奏凱還朝同膺懋賞乎此事
辦理已閱六年被害之良民以及陣亡官弁兵勇
曷可勝計若再遲延寃憤何從伸洩成何事體朕
咎益重矣卽勒保一路亦須一體嚴催勿任遲緩
德榜奏勒保均係曾經獲咎復行加恩之人尤應
勉益加勉迅速奏功至另摺查奏苟文明股匪躡
淺過江總由七十五玩愒之咎不敢稍事回護瞻
徇實爲公正可嘉七十五專剿苟逆爲日已久總

聖諭

七

未能趕上賊匪痛剿一次其遷延遲悞早經朕看
出是以屢經降旨令額勒登保德榜奏等查奏而
額勒登保總未據實奏出茲據德榜奏所奏七十
五不但未經與苟逆一股打仗且該逆屯聚水田
坪時與七十五相距不過七八十里七十五因兵
勇未曾支餉回至太平縣耽延六日於二十二日
始行帶兵前進迨返至南江四河壩接仗亦未得
手該逆遂西竄廣元踞漢搶渡此卽七十五確實
罪狀從前魁倫在達州耽延八日以致再添元等
從容竄過嘉陵江潼河川西地方遭其蹂躪是以
將魁倫治罪正法今當此功屆垂成之際正應趕
緊跟剿而七十五竟遲延六日與賊以暇復任苟
逆渡江裹脅又形散漫縱賊殃民罪無可追况兵
勇糧餉稍遲亦軍營常有之事七十五惟當一面

聖諭

九

進兵一面遣員催取或在彼紮營暫駐等候一二日焉有轉回就餉之理乃距賊不過七八十里不思滅此朝食竟回至太平縣城就延六日任賊西竄其罪甚重雖據奏續報苟文明股匪已被慶成七十五由甘省截回折竄河東七十五緊躡賊蹤雖似知咎而縱賊渡江之罪已屬百家難辭本日又據長麟奏稱七十五繞至賊前由安樂河王家山一帶與賊接仗僅殺賊數人未能得手是長麟亦知七十五之無能其截回苟逆係慶成之功七十五仍屬無功有罪額勒登保德楞泰應即遵前旨將七十五革職拏問秉公嚴審此時德楞泰由廣元前進自與七十五相遇即著德楞泰先行審訊不得因已將七十五參奏又欲心存開脫所有四川提督員缺著額勒登保德楞泰即委軍營安

幹大員暫行署理接管七十五原帶官兵並查遊肯於現在出力之副都統總兵內擇其打仗奮勇而又才具明幹能膺提督之任者保舉四五員出具考語開單進呈候朕簡放現在苟逆既由甘省改竄折回慶成等兩路大兵俱在賊之西北額勒登保已由南江而入沔縣德楞泰不日可抵廣元若慶成等將苟逆逼向東南德楞泰正可迎頭攔截收兩面夾擊之效務當趁此機會一鼓殲擒不可稍有稽遲又任他逸又長麟摺內稱陝省有賊匪數百人由畧陽縣竄往黑河滋擾聞楊遇春現往起辦且距額勒登保大營亦不甚遠等語此股賊匪是否仍係苟文明分股折竄入陝抑係川省另股賊匪又出別路竄來著額勒登保就近查明具奏此等零星散竄之賊為數無多楊遇春既經

聖朝聖鑒

主

聖朝聖鑒

主

起往而又與額勒登保大營相近該總署自必督
飭剿辦無難就近掃除否則亦應逼歸川境以便
併力殲洗至所稱各路賊匪不過六七千人較前
一萬三四千之數又去其半自屬易辦但賊匪或
分或合多寡無常總須上緊剿辦經其裝設之路
自必日就殲除不可因目前賊數較少稍涉大意
惟當趁此大功將成之時倍加奮勉將苟逆大股
賊匪速行辦竣並將李彬湯劉等匪一律殄平勿
留遺孽再德楞額奏苟逆賊眾由橫梁子大灘等
處蜂擁踴淺兵勇眾寡不敵已被搶渡等語該處
既有兵勇在彼防守豈無官員率領並著額勒登
保等查明該處係何員防守據實奏至達勒精
阿趕殺賊匪因山高水滑墜馬跌傷仍忍痛換馬
帶兵追賊會否就愈遇便撥奏再長麟摺內有防

欽定剿平三省邪匪方略

正編卷二八九

欽定剿平三省邪匪方略 正編卷二八九

守陽平關遊擊徐延齡帶兵在江岸擊卡堵截因
黑夜兵單身中矛傷陣亡並著額勒登保咨部賜
卹
上又命軍機大臣傳諭長麟曰長麟奏苟文明賊匪
已竄出甘境折入四川廣元地方此時甘境已就
肅清所有甘境連界川陝地方該督現將前調防
堵秦岷一帶之官兵挑出一千六百名交鞏秦階
道等於階州邊界來往查察務須嚴密防守勿任
賊匪折回為要其河州鎮標官兵六百名撤回本
汛以重巡防所辦亦是至黑河竄匪有楊遇春追
剿經畧亦不日趕到自無難盡數殲除該督惟當
轉飭各邊隘上緊嚴防惠齡現已馳赴新任該督
卽在甘省暫候俟惠齡到時卽面為交代再行來
京可也

欽定剿平三省邪匪方略

正編卷二八九

一九七

上又命軍機大臣傳諭惠齡日前因賊匪苟文明竄入甘境特令惠齡馳驛前往辦理軍務本日據德楞泰奏報苟逆於十一月二十九日於寧羌燕子河經慶成等截剿折回慶元鍾子舖地方續又據長麟奏稱慶成於二十九日繞過陽平關迎剿苟逆即由大灘地方竄回四川廣元境內甘省已就肅清惟探知黑河有賊匪數百人楊遇春已趕往剿辦各等語現在額勒登保早入陝境距黑河不遠惠齡當先往經畧軍營探明陝境賊匪業經剿盡再行赴甘如惠齡未到之先經畧已將黑河賊匪辦竣帶兵入川惠齡即前往甘省與長麟面為交代接印任事

十一日 癸丑 額勒登保奏言查慶成於梅子園與苟逆接仗之後該匪由崔安二壩奔逃有西竄

階州之勢慶成帶兵由白馬關郾家河往來抄截顧住西北七十五帶兵由麻柳林任家壩探蹤截剿顧住西南二十三日七十五進抵琵琶寺正與賊遇副都統銜武隆阿等帶領官兵奮力衝擊殺斃十餘人賊匪搶佔左右山梁七十五復督率兵勇分路進攻自午至申殺賊五十名生擒周奉潮等四十二名兵勇傷亡數名該匪向南折竄五馬河一帶該處路通白水之姚家渡一帶江岸又可繞出陽平關北折入陝七十五由魚箭壩廣平河緊顧西南江岸兜剿慶成自郭家壩兩河口星夜帶兵由陽平關緊顧西北進發賊匪探知兩路官兵跟追不能西遁即由安樂河連夜折向邵家壩逃逸二十八日仍由陽平關下游寧廣交界之燕子河水淺

聖朝聖訓卷之三

書

聖朝聖訓卷之三

書

處所竄過東岸該處有遊擊徐延齡率領兵勇
二百名防剿賊匪黑夜猝至該遊擊率領兵勇
抵禦因寡眾不敵徐延齡猝中賊矛陣亡六勇
傷亡十數名因慶成官兵緊追前來賊匪不敢
停留向竹壩蔡壩河星夜南遁於初一日從鍾
子舖轉斗舖竄過棧東會家河入廣元境臣連
日率同扎克塔爾豐仲等由元子山沮水舖青
草驛洶水舖督師前進於初二日進抵寧羌適
慶成於陽平關緊顧西北而來據稱此次賊匪
竄入甘境祇在階州地界二百餘里之內大山
老林中往返旬餘被兩路官兵截剿緊急仍由
原路折回所有甘肅邊境寨堡早經辦竣長麟
先已飭令地方民人糧食俱皆上寨未致被其
擾害亦無裝脅等語臣於初三日抵廣元之茅

聖諭重編卷之九
美

壩探報賊匪由會家河一東奔李家壩現已知會
七十五帶領官弁兵勇前來以便歸併一路星
速追剿前進現聞德標泰由廣元之真武宮探
蹤截擊臣更可與之合力剿辦惟臣日前由新
集沮水舖一帶進發時途次接據稟報有賊匪
四五百人由張家山古城山衝卡竄入寧羌之
卦子山二十八九等日復由錢索關竄至錢壩
右奔畧陽黑河之勢臣查楊遇春一路官兵本
由沔縣一帶進發因恐荷逆從畧陽兩當關入
棧道遂即帶兵由留鳳棧道一帶迎剿約計日
內可抵雲關一帶此股竄匪正可迎頭截擊臣
已飛速飭知楊遇春探蹤迎剿不致滋蔓至慶
溥辦竣南山零匪現由城固南鄭一帶而來臣
復飭令帶兵自褒城入棧兜擊以期就地掃除

聖諭重編卷之九
美

其陝境西北寧河一帶卡隘臣現今慶成仍於

寧羌八面河卦子山顧住西北一帶督率官兵

往來截擊並令永明帶兵替慶溥管理元孛子

古城山城牆岸一帶卡隘偵探截剿不任再有

疎虞再查南廣一帶零匪經官兵疊次剿殺後

該匪匿入老林臣疊經飛傳西面一帶營卡嚴

密堵剿並差弁嚴行查察茲賊匪又由張家山

《剿平看雙臺編卷完

天

古城山越卡竄入陝境實為可恨臣連日查得

張家山卡隘係原任遊擊王自祿帶領兵丁一

百七十名防堵古城山卡隘係四川南平營都

司倭里布帶領鄉勇三百名分設防守上月二

十五日二更時賊匪四五百人從元竹坪新寨

子竄至張家山王自祿帶兵出卡奮擊賊匪一

面抵拒一面攻撲營卡該卡內留兵四五十名

不能守禦該匪衝過張家山營卡即竄至古城

山該處都司倭里布聞信正在調集鄉勇出卡

截擊不料賊匪已於黑夜潛至卡外猛力衝過

向卦子山竄去臣查刻下各股殘匪零星肆竄

必須各處防剿官兵併力截捕方可迅速殄除

除遊擊王自祿前已疎防獲咎欽奉

諭旨革職作為兵丁效力贖罪茲乃一悞再悞未便

《剿平看雙臺編卷完

天

稍涉寬縱應請

旨將原任遊擊王自祿即於軍前正法都司倭里布

於賊匪竄近時未能截擊以致衝卡而過實屬

疎玩但念其所帶鄉勇分佈卡隘數處亦覺稍

單且鄉勇究不若官兵之足恃應請

旨將該都司倭里布革職發往伊犁効力贖罪恭候

命下之日即遵照分別辦理並傳知各路防剿官兵

俾知儆戒其張家山古城山二處現今慶成

派將備加意防堵

額勒登保又奏言查荷逆股匪本係七十五專

辦之賊乃自太平境內進剿而西已逾四十餘

日並未痛加剿殺以致荷逆日增裹脅乘間

西趨誠如

聖諭七十五獲罪甚重臣昨於荷逆西竄時一面催

《聖諭重纂卷一百一十五》

三

令該提督趕緊截剿一面專差官弁前往跟蹤

察探剿辦情形並札飭沿途州縣將該提督有

無逗遛遲延之處據實具稟以憑核辦因師行

無定尙未接據稟覆情形是以尙未叅

奏茲蒙

皇上訓示臣已傳

旨令其解任所有隨同一路帶兵大員俱經派令

分路剿賊現祇有肅州鎮總兵豐伸一員甫由

安康調到即令其前往七十五一路將提督印

信封固收在并管領該路兵臣現已進抵廣

元地界七十五日內亦必到來即當面加詢

明如何逗遛遲延之處嚴行叅

奏不敢稍有徇庇均奏入

上命軍機大臣傳諭額勒登保德楞泰曰據額勒登

《聖諭重纂卷一百一十五》

三

保奏荷文明一股經慶成等在甘省截回折竄陽

平關仍入川省廣元地方與前日德楞泰長麟先

後所奏相同現在額勒登保已抵廣元之茅壩地

方而德楞泰亦由廣元之真武宮探蹤截剿又有

慶成帶兵繞擊其七十五原帶之兵已派豐伸接

管荷逆一股賊匪不過二千人有此數路大兵前

後夾擊無難一鼓殲擒額勒登保等務當督率將

領奮力剿辦尅日辦盡不可再任他貳彼時李彬湯劉等股自應一律辦竣額勒登保等應嚴飭各路帶兵大員並咨催勒保令其認真剿辦不可稍有遲緩至湖北邊界尙有會芝秀戴家營股匪並聞樊人傑亦在其內該處賊匪約計共有千餘人全保長齡等自前月二十二日奏報後迄今尙未續奏楚省官兵將賊匪遁剿緊急或逃入該處老林潛匿交春後又復竄出豈不又落故套復致稽延額勒登保當於此時卽派員弁前往確探若楚省邊界賊匪俱已殲除固屬甚善否則德楞泰於苟文明一股辦竣後竟須前赴川楚交界將會戴等逆迅速殄除此時大局全定德楞泰卽可由楚省先行來京額勒登保仍在川陝適中之地暫駐督辦一切此時除苟逆大股外其餘各股零匪均

屬無多總須於年內年外將李彬湯劉會戴等股賊匪趕緊剿辦縱各首逆未能一時全獲必須將賊夥大加殲戮不復成股其餘零星散竄之賊每股祇剩數十人或百餘人合計不過千數實在敗殘窮蹙可以歸入剿捕餘匪善後事宜內辦理方可將戡定大局情形加緊馳奏朕卽當明降諭旨宣示中外立沛重恩但不可稍有草率更不可再有延緩若額勒登保等當此兵盛賊衰之際尙不思奮迅成功或延至明年二三月間始行告厥則伊等不但不能承受恩眷轉至前功盡棄矣額勒登保等當勉之又勉早奏膚功又據奏七十五專剿苟逆一股自太平跟追而西逾四十餘日並未能痛加剿殺其如何逗遛遲緩之處尙未查出等語此事昨據德楞泰奏七十五於該逆屯聚水田

坪時距賊祇七八十里因兵勇未經支餉轉回至
太平耽延六日致賊衆裹脅肆竄踰淺渡河關入
甘省此係七十五確實罪狀額勒登保尙未知悉
額勒登保俟七十五到營時卽傳旨將伊革職等
問並將伊回至太平一節審訊明確嚴行定擬
奏若額勒登保德楞泰已會合一處自應公同審
訊如尙未會合卽著額勒登保先行審訊定擬至
七十五之子武隆阿前經勒保節次保奏加恩賞
授副都統銜雖父子罪不相及但武隆阿係在伊
父七十五一路軍營帶兵前次勒保奏武隆阿打
仗奮勇自卽係七十五轉報恐亦未必確實並著
額勒登保詳悉查明如武隆阿果能奮勉稱職前
次保奏尙屬公平則可置之不論若武隆阿不過
在伊父軍營隨同打仗並未起衆出力或可酌量

聖朝聖訓卷之九

三

降等補用尙尙有別項劣蹟卽應參革治罪軍營
功過難掩衆人耳目額勒登保等不可向七十五
詢問恐其瞻徇伊所帶一路將領兵弁等自有公
論無難具得底裏也至豐仲屢由軍營奏保加恩
補授總兵加提督銜但朕從未識其人現在額勒
登保雖令其管領七十五一路官兵但豐仲能否
勝任提督之處未據奏明著額勒登保德楞泰公
同酌擬如豐仲卽可勝任提督卽當奏明將該員
擢授若不能勝任著遵照前旨保奏四五員候朕
簡放又據奏王自祿前已疎防獲咎茲又任賊匪
竄越張家山營卡未便寬縱請將王自祿卽在軍
前正法一節所辦尙是但王自祿前此守卡時旣
有疎失彼時額勒登保若卽將王自祿革職作爲
兵丁載罪効力何至復行僨事乃仍令其防守要

聖朝聖訓卷之九

三

隘以致又復任賊竄越一誤再誤豈非額勒登保
 派委不慎之咎現當功屆垂成之際各路營卡更
 當分外嚴密似此疎縱債事之員自應按軍法從
 事王自祿著即在軍前正法示眾至都司倭里布
 於賊匪竄近時未能截擊任賊衝卡而過實屬玩
 悞乃額勒登保因伊所帶鄉勇分佈卡隘未免稍
 單僅請將倭里布革職發往伊犁効力贖罪亦失
 之姑息倭里布著於軍營枷號示眾俟大功告竣
 額勒登保等凱旋時再將倭里布釋枷發往伊犁
 効力至奔竄陝省黑河之賊是否係苟文明分出
 之股抑係川省另股賊匪額勒登保應查明覆奏
 並飭催楊遇春迅速蒞竣勿留餘孽

聖祖聖訓卷一百九

美

欽定剿平三省邪匪方略正編卷二百九十 辛酉年

十二月十二日甲寅吳熊光奏言臣於前月十三

日由襄陽起程仍回房縣維時全保長齡俱督

率將弁在西南山內剿賊目下川陝賊匪業經

按股殲擒指日大功告成楚省更當趕緊剿捕

疊據探報戴家營及青藍等號餘匪經全保長

齡於老居溝八卦廟等處剿敗後向扇子場齊

聖祖聖訓卷一百九

家山一帶分竄官兵趕追截擊該匪狡詐異常

一見兵至輒即狂奔其現竄處所係房竹交界

俱屬深山老林零星雖有斬獲尚未得痛加殲

戮實為可恨至曾王二逆係各股零匪合成一

股人數稍眾前此竄至興巴境內經孫清元吉

林秦樊雄楚李天林並分防巴東之文武四路

兜截該匪不敢東趨遂向白河口老虎壩西竄

孫清元吉林秦英雄楚李天林等分兩路抄擊
樊雄楚等趕至天保寨該匪正在攻擾民寨見
官兵趕到卽四散奔逃兵勇直前追殺斃賊五
六十名乘閒散出者八九十名該匪亦竄入房
竹接壤之南面大山以圖延喘查賊匪畏懼兵
勇併力圍剿遁向老林深處兵至則散匿無蹤
兵退後接續四出而川楚連界一帶又多係老
林山深雪厚更易藏匿節據探報川省大寧奉
節等屬之放牛場後溪河李家壩乾溪口石牌
山黑溪河等處地方亦有零匪竄擾臣惟有與
全保長齡相機熟商董飭各鎮將等務將境內
之賊搜捕淨盡並嚴防川陝零匪毋使闖入連
日房境得有大雪未得各路剿賊信息現在業
已晴霽全保長齡等自必乘勝設法趕剿辦

欽定剿平三省邪匪方略

正編卷二九〇

欽定剿平三省邪匪方略 正編卷二九〇

奏入

上命軍機大臣傳諭吳熊光全保長齡曰全保長齡
自前月二十二日奏到夾擊會戴各股賊匪情形
後迄今二十餘日總未見續有奏報刻深盼望茲
遞到吳熊光奏報祇係馳回房縣探報各路剿捕
情形全保長齡在房竹一帶剿辦戴家營及青藍
等號餘匪雖有新獲並未能痛加殲戮其曾王二
逆雖經孫清元等分路抄擊斃斃五六十名散出
者八九十名該匪竄入房竹接壤之南面大山辦
理俱未得手據稱山深雪厚賊匪更易藏匿似該
處竟與陝省南山老林相仿豈吳熊光等以此藉
口竟任賊匪輾轉潛藏置之不辦安心度歲耶此
時天氣嚴寒山內無糧食可掠正當趁賊匪凍餓
之時上緊剿捕一鼓殲除若稽延時日轉瞬春融

欽定剿平三省邪匪方略

正編卷二九五

欽定剿平三省邪匪方略 正編卷二九五

賊匪又將四散奔竄擄掠得食辦理更為棘手昨
 曾諭令德楞泰於四川辦完苟逆後前赴楚省幫
 剿曾戴等逆川省賊股較多此時業將游竣湖北
 境內不過零星殘匪吳熊光等若再不加奮勉迅
 速剿淨必待德楞泰帶領勝兵前來因人成事豈
 不報顏吳熊光等務當趁德楞泰未到之先趕緊
 於年內一律肅清不得再有稽延致干咎戾至摺
 內稱大寧奉節等處現有零星匪竄擾係屬川省何
 股賊匪吳熊光等當督飭鎮將嚴密邊防倘賊匪
 竄近楚界尤應不分畛域奮力迎擊趁勢殲除不
 得以驅逼出境了事再近聞首逆樊人傑亦在楚
 省邊界吳熊光摺內未經提及並著確實查明一
 併擒捕勿任潛竄

十四日丙辰德楞泰奏言竊臣前抵廣元黃土坡

知苟逆等賊股由寧羌燕子河折回河東已入
 四川廣元之鍾子舖一帶臣即趕緊前進嗣探
 該逆由原路竄來臣即改道板橋子入山迎剿
 初二日兵至鍾家溝據報賊眾由會家河母家
 院而來正可迎頭截剿初三日四鼓臣督率色
 爾滾馬瑜等帶領兵勇由賀家院進發黎明抵
 槽子溝賊匪已自李子園東來我兵正在溝底
 競上逆眾遙見即佔踞王家壩極高山梁頭二
 層崖上各有賊眾數百人依恃陡險水凌溜滑
 抵死抗拒二層崖上之賊即憑高擲石鎗箭並
 發兵勇奮力仰攻數次未能搶上總管富登阿
 帶領索倫兵五十餘名棄馬步行競上射死賊
 匪十餘名帶傷者不計其數我兵即搶上二層
 崖衝入賊羣攪殺一處立斃賊匪二十餘名賊

聖朝聖恩

四

聖朝聖恩

五

始退上頭層崖併力抗拒荆州防禦阿卜達阿射倒一賊猝被旁賊矛傷陣亡時王家堽山頂之賊見官兵已上一層崖一齊下壓勢極兇猛馬瑜等帶領兵勇由左邊迎剿色爾滾等帶領索倫官兵步行由右邊旁抄兩路鎗箭如雨臣催令競進賊見官兵勢猛不敢再壓賊恃地險水滑力拒不退守備陳應彪首先搶上受傷陣亡臣見王家堽山勢險峻冰雪凝滑兩旁均係陡坎無路可繞惟左邊樹木叢雜若鑽林越箐扒上數人可以直至頭層崖之後臣即令吉林藍翎領催巴圖爾前鋒德齡披甲德林保惠德四人各帶烏鎗短衣結束攀藤附葛繞至頭層崖側藏於山凹臣親見連次鎗斃賊匪十七名賊匪始行慌亂右一路色爾滾帶領侍衛蘇爾

聖朝通志卷之三

六

伸總管富登阿蘇卿阿副總管珠山佐領達什左一路馬瑜帶領副將達自祥參將張應貴馬濟遊擊馬文斌徐陞中一路副將李應貴馬應國參將何君佐遊擊李應元守備龍必達一齊趁勢上搶王家堽賊眾又復下壓與我兵攪殺一處短兵相接立殺賊匪四十餘名索倫藍翎披甲克星額受傷陣亡時山後又有賊來接應臣即在二層崖上用礮轟擊兵勇無不憤恨鎗箭刀矛一齊舉發又殺賊二十餘名受傷賊匪百餘名生擒十八名賊方敗走我兵搶佔山頂臣復督同將弁兵勇趕追二十餘里沿途殺賊三十餘名生擒十一名直至黑山老林時已天晚即有該處硃民陳有才飛奔馬前稟稱賊匪男婦小口先已走張場去了今有許多戰手埋

聖朝通志卷之三

七

伏在老林內兩邊我在桐子看見真確等語

復令哨探無異隨賞給陳育才大銀牌一面查

黑山形勢係直脊一道山梁林深箐密水堅雪

凝暮夜深林實為徒勞無濟我兵即於王家壩

屯駐臣查苟文明等賊股男婦大小現在約有

三千餘人馬騾四五百頭匹各逆衣帽整齊者

實多其中亦有烏鎗弓箭撒袋殊堪詫異而其

《聖朝聖鑑卷三》

八

兇悍情形尤為可惡該逆素為狡猾茲又糾合

張士龍餘黨及各股老賊遺孽均係敗殘亡命

之徒當此功屆垂成萬不可令其稍占便宜

已諭令各營將領等每逢剿殺時進退務當留

意斷不可以輕視隨訊活賊謝美觀等供稱苟

文明與藍號張士龍餘黨合夥又在通江南江

一帶遇見各股打散之數百人亦來併合前過

廣元李家壩地方又偷破大寨一處擄有七八

百人得衣服鎗箭什物頗多今聞廣元要到蒼

溪過江現有大兵緊追恐不敢前去營裏連婦

女小口有三千餘人騾馬幾百匹今日帶傷者

有二百餘人聽元帥等說白蓮教劫數已完遲

早總是一死等語餘無要供當將謝美觀等三

十九名一槩正法又查蒼溪閬中一帶嘉陵大

《聖朝聖鑑卷三》

九

江現在冬令水涸灘淺而臣帶兵緊躡趕剿賊

匪萬難搶過然亦不可不為嚴防現已飛飭總

兵許文謨川北道李鈺副將王威寧知府德福

等將上游白水一帶防兵酌量抽撥添設於蒼

閬沿江各卡日夜嚴密防堵後有追兵使賊腹

背受敵斷不敢直前搶渡旋探苟逆是日屯紮

張壩有出大石板元壩于之勢臣於初四日趕

至李子坪沿途逃出陝甘難民譚廷禮等十七
名該逆於二更拔營由元壩子出大路向東南
至真武官約行一百四五十里初五日臣趕抵
尖山場沿途又有逃出陝甘難民李先福李周
氏等二十七名口相距賊匪六十餘里該逆探
知官兵已到又於二更時竄往蒼廣南三交界
之三滙寺初六日臣趕至旺蒼壩又有逃出難
民陳殿魁王陸氏等三十一名口臣俱已訊明
給票就近護送廣元縣令其按名遞送各原籍
妥為安插此次陣亡官二員兵二名受鎗矛箭
石傷者滿漢官弁十一員各兵勇六十餘名均
不甚重現俱隨營征勦容俟查明另行咨部隨
接據總兵田朝貴稟報前准臣飛札飭知接勦
張添倫及楊開甲餘匪當卽帶兵跟蹤進發初

欽定剿平三省邪匪方略

正編卷二九〇

欽定剿平三省邪匪方略 正編卷二九〇

二日黎明行至平梁溝時值賊匪起營田朝貴
派令叅將張明德守備鍾廷孝等帶領兵勇由
左手翻火焰寨向關門子追剿沿途殺賊五十
餘名生擒賊六十餘名令遊擊王忠桂和欽等
由右手苗家山神壇溪一帶追剿殺賊八十餘
名生擒三十餘名田朝貴督率叅將李芝榮都
司馬見廷守備劉金元等由中路土門子太平
坡等處趕剿殺賊六十餘名擒賊一百十餘名
奪獲長矛旗幟六十餘件驟馬四十八匹三路
獲犯共計二百二十四名內訊出偽先鋒秦念
台探馬頭吳倅陞王先並旗手三名及老戰手
王子朝等一百二十六名立卽正法其餘擄難
民鮑順福邢陸氏等九十二名口交地方官按
名分別給票照例妥為遞送回籍訊據秦念台

欽定剿平三省邪匪方略

正編卷二九〇

二〇九

等供稱元帥原是張添倫並楊開甲手下總兵

陳國柱二人二十八日在白坪堰合上魏元帥

閻元帥三百餘人今共有六七百人餘無要供

殘匪已向關路口奔逃仍即帶兵追剿等情

當即批飭令其趕緊追剿務期迅即擒掃再

疊奉

諭旨飭令將提督七十五革職拿問及查明沿河跡

防文武臣前摺已將七十五剿辦不力並文武

疎防另行查辦奏明茲荷逆業已截剿回川而

經畧額勒登保聞於初四日趕至李家壩雙河

口正值七十五在彼已傳

旨革職拿問並將所帶將弁兵勇委員接管督率東

來約計兩三日內又可與臣會合一俟到來安

為數籌將荷逆等股賊匪先行趕聚剪除以冀

迅速肅事其七十五並河防疎虞文武請俟會

合後查明另行會銜具奏奏入

上命軍機大臣傳諭額勒登保德楞泰曰前此各股

賊匪經官兵疊次剿殺勢極殘敗不敢與官兵接

仗馬驟皆少衣服凋零惟到處逃避苟延殘喘今

荷文明一股糾合張士龍餘黨及各股老賊遺孽

大小男婦約有三千餘人馬驟四五百頭匹衣幅

整齊并有鳥鎗弓箭撒袋等物德楞泰所帶俱係

屢次得勝勁旅極為趨健素為賊匪所畏懼乃此

次荷文明等匪竟敢搶佔山梁併力抗拒並兩次

下壓勢極兇悍官兵僅殲賊一百餘名未能得手

實為可恨總由七十五在太平耽延時日子賊以

暇致荷逆在李家壩地方攻破大寨擄掠七八百

人並衣服鎗箭等物其寨中百姓遭賊慘殺者更

不知凡幾此皆七十五縱賊殃民之罪據稱額勒登保於初四日起至雙河口已將七十五革職余問德楞泰於兩三日內即可與額勒登保會合伊二人當遵照節降諭旨嚴審定擬具奏此時大股兇悍賊匪祇有苟文明一股額勒登保德楞泰務當督率將弁等併力合擊以期滅此朝食斷不可稍有鬆懈若能將苟文明一股趁勢殲盡則其餘零星散竄之賊無難搜捕淨盡惟望額勒登保德楞泰於年內年外遞到戡定大局捷音同膺懋賞况據獲賊供內有白蓮教劫數已完遲早總是一死之語額勒登保等當乘此出示曉諭以該首逆等自知白蓮教劫數已完萬無生理當此大兵雲集勢如拉朽摧枯立成灰燼其首逆各逆稔惡已久斷難幸免誅夷而爾等被脅之人本係良民不

欽定剿平三省邪匪方略 正編卷二九〇

欽定剿平三省邪匪方略 正編卷二九〇

得已而從賊今當教匪氣數已盡之時何苦甘心附從同罹慘戮不如及早投出既可免遭鋒鏑又得官為授產給資各安生計禍福生死所關爾等亟宜省悟如此愷切曉諭俾裹脅難民及早投出不但散其黨與而投出一賊即可少殺一人其始終怙惡之賊總應悉數殲擒毋令漏網所有此次打仗首先帶領索倫兵棄馬步行射死賊匪十餘名之總管富登阿可嘉之至著以應陞之缺陞用藍翎領催巴圖爾前鋒德齡披甲德林保惠德四人取道繞上層崖鎗斃賊匪多人亦屬奮勉著德楞泰存記遇有該員等應陞缺出卽行保奏嗣民陳有才赴營稟報賊匪埋伏老林德楞泰復令哨探無異未中賊計卽屬有有才之功除已賞銀牌外並著德楞泰查明再行 恩賞給陳有才八品

欽定剿平三省邪匪方略 正編卷二九〇

二二一

頂戴若原有頂戴卽加一等賞給以示獎勵守備
 陳應彪於賊匪恃險力拒首先搶上受傷陣亡甚
 屬可惜著加等照都司陣亡例賜卹防禦阿卜賞
 阿藍翎披甲克星額亦俱殺賊陣亡均著各部賜
 卹再前次德楞泰札調總兵田朝貴帶兵二千名
 剿辦張添倫陳國柱等股茲田朝貴接准德楞泰
 飭知後卽帶兵趕往將張添倫等股痛加剿捕獲
 有勝仗共殲斃匪三百餘名德楞泰務當轉飭該
 鎮乘勝將此股迅速殄除勿留餘孽至勒保一路
 於本月初四日陳奏軍營情形此時已隔旬餘未
 據續有奏報德楞泰亦須一體嚴催毋任延緩其
 由畧陽竄近黑河之賊是否卽係苟文明分股折
 竄抑係川省另股賊匪曾經降旨諭令額勒登保
 就近查明此時楊遇春率領將弁在彼專剿如已

聖朝聖恩

六

辦有就緒額勒登保得信後並著卽行馳奏
 十七日臣未勸保奏言竊臣與額勒登保德楞泰
 分兵後臣轉回川東飭催薛大到將城口賊股
 趕緊剿辦又因雲萬一帶報有零匪派令總兵
 張志林督同唐際盛夏雲龍等帶兵先行前往
 探剿臣路過達州卽就近將各路糧餉籌備并
 審辦各要案仍一面遊派弁兵分探各路賊蹤
 探得薛大烈一路官兵自將黃號餘黨剿辦後
 卽帶兵由木坪河渡口場等處搜剿山中餘匪
 聞菜子壩一帶湯逆竄匿蹤迹薛大烈隨卽
 帶領兵勇探蹤前進適格布舍楊芳追剿李逆
 帶兵前來亦因李逆輾轉窮竄尙未就擒該鎮
 等會商設法剿辦現由修溪壩取道分投進兵
 兜擊又探得賽冲阿溫春一路官兵跟追劉逆

聖朝聖恩

七

一五〇六八

至火燒包地方剗逆所帶二百餘人遁走茶山
壩又合黃號餘黨百餘人折回團城又有不知
姓名殘匪五六十人湊竄老林經賽冲阿帶兵
轟出該匪復向沙陀子由茅坪龍洞河唐家坪
一帶東竄有奔赴大寧奉節之勢賽冲阿等現
在緊躡追剿查以上各股賊匪均不過二三百
人輾轉奔走忽分忽合首逆究在何股一時頗
難探確惟有分兵四路搜捕逢賊即剿庶幾賊
勢日減而兵力不致徒勞臣現在分投寄信賽
冲阿温春格布舍楊芳薛大烈等務須彼此趁
勢聯絡賊分即分賊合即合但能日有斬獲自
可使賊匪日就殲除至苟文明一股竄至川北
與他股餘匪零星湊合人數稍多近日向西北
窮竄因官兵在後追剿該匪復分為兩股一股

欽定剿平三省邪匪方略

正編卷二九〇

上竄陽平關一股下竄蒼溪其竄陽平關之賊
又由陝折回在朝天關以上之金獅廟地方踞
淺渡河竄入甘省階州一帶慶成七十五兩路
官兵分投兜截聞已得有勝仗且額勒登保親
往督剿諒可不致蔓延其竄蒼溪之賊亦至堰
溪口之嘉陵江岸砍取竹木紮筏希圖搶渡經
該處防江文武極力擊退此時德穆泰已帶兵
前往剿辦亦可無虞惟查此時竄走階州一帶
之賊若再折向西南即逼近白水江其上游西
岸係屬番地路通龍安下游西岸即昭化一帶
臣現已飛飭松潘鎮總兵呂朝龍嚴防白水江
上游建昌鎮總兵許文謨嚴防白水江下游務
使賊匪不能偷渡川西庶經畧叅贊兩路大兵
易於得手臣現將達州應辦各案審明具奏後

欽定剿平三省邪匪方略

正編卷二九〇

即向雲陽大寧一帶進發以便督同各路官兵
搜剿餘孽以清東路再據開縣知縣馬鳴鑾稟
報盤獲賊匪鮮明思一名臣提犯親鞫供係鮮

大川胞姪與鮮大川一同習教起事向在賊夥

充當總兵管帶一千餘人在川陝楚三省歷次

與官兵打仗鮮大川死後該犯帶眾逃入苟文

明股內本年秋間在開縣地方被七十五一路

聖清通鑑卷之三

三

官兵剿散該匪子身窮竄被開縣差役盤獲

於審明後當將該犯梟割示眾至開縣知縣馬

鳴鑾留心盤詰尙屬能事其盤獲該逆之差役

臣現已酌加獎賞以示鼓勵臣正在拜摺間接

據川北道李鈺稟報苟文明股匪於十一月二

十八日由寧廣交界之燕子河地方仍竄回河

東有七十五在後帶兵追剿等語是該匪業已

折回東岸不致蔓延甘省且聞額勒登保已帶
兵由沔縣兜截泰贊德楞泰已帶兵向廣元迎
擊諒可即就肅除奏入

上命軍機大臣傳諭勒保曰勒保自本月初四日奏

到分剿李彬湯劉等股賊匪情形後迄今已將半

月總未見續有奏報本日遞到奏摺僅係探報賽

冲阿薛大烈等分路剿賊情形而勒保轉在達州

聖清通鑑卷之三

三

審辦案件耽延多日此次拜摺後始向雲陽大寧

一帶進發殊屬遲緩現在川省剿辦零星股匪為

第一要事何勒保轉視為無足重輕僅委之賽冲

阿薛大烈等分投剿辦勒保藉審案為名安坐達

州度歲全不以辦賊為事實不可解至摺內稱會

商設法剿辦之語亦係紙上空談並未見伊等打

仗得手豈不又成軍營奏報故套耶賽冲阿温春

等帶兵雖素屬奮勇但已離德榜素軍營獨自領兵無人督率恐不勉鬆勁勒保卽不親臨前敵亦應前往督率豈有置之不問之理看來伊等因年節已近竟欲安心度歲不思減止朝食茫茫賊股較多之時伊等每逢年節卽不免心存懈弛此時川東一帶不過敗殘餘匪勒保等尤易涉大意殊不思上年正月初一日額勒登保由川省起程赴陝將剿賊之事委之魁倫而魁倫竟在達州安住八日以致冉添元等乘間搶渡嘉陵江川西地方被賊蹂躪魁倫遂因此伏法前整不遠勒保亦係棄瑕錄用之人可不引以爲戒乎當此功屆垂成尤爲刻不可緩豈得因度歲致有耽延勒保固不可稍存此念並當通飭川省各路軍營併力同心上緊剿賊將李彬湯劉各股賊匪趁此隆冬掃除

聖諭

重

淨盡伊等與其在軍營度歲何如奏凱還朝同膺懋賞乎至苟文明大股之賊現已有額勒登保德榜泰兩路大兵在廣元一帶前後夾擊定可尅期殄除無須勒保分心兼顧所有川東零匪專交該督率同賽冲阿薛大烈等卽在襄陽大寧一帶就地殲盡若稍有遲緩至來歲春融賊匪又得掠食飽颺四散奔竄或又闖入楚省惟勒保是問前曾撥兩淮鹽課銀二十萬兩解川應用現又降旨諭令書魯將兩淮商捐項下撥給銀二十萬兩解交楊揆備用該省軍需更爲充裕然不可因充裕稍涉冒濫仍須實力撙節也

同日

上命軍機大臣傳諭書魯曰現在大功卽日告竣川省一切善後事宜需費較多著書魯於兩淮商捐

聖諭

重

理下撥銀二十萬兩派委委員迅速解往川省交
楊接收貯備用並飭沿途各州縣小心護送毋得
稍有遲緩疎虞

十八日庚申長麟奏言查黑河小股賊匪探知楊

遇春追趕緊急卽晝夜狂奔於初七日夜半由

陳倉溝竄出南星棧道奔入鳳縣迤東之王家

場楊遇春連夜追來鍋帳兵勇悉行落後僅有

奮勇兵勇數百人於王家場趕上賊蹤賊匪正

在喘息楊遇春鼓勵兵勇一擁直前賊匪驚惶

四散楊遇春分兵搜捕殺賊一百餘人生擒六

十六名賊匪僅有騾馬二十餘匹亦經全數奪

獲訊據活賊供稱首逆係辛聰劉永受在逃未

獲連夜竄至鳳縣東南之銀門寺楊遇春齊集

兵勇鍋帳卽分兵兩路一路由銀門寺追剿一

路由鳳縣正東之大樹壩抄截計此時副都

統慶溥諒已趕抵馬迥留壩一帶正可迎頭截

剿與楊遇春前後夾擊臣當將賊匪趨向及楊

遇春分兵抄截路徑飛速詳細寄知慶溥俾有

把握以便相機進兵臣於十二日

接據興安府屬之署澤州陰廳通判杜蕙稟報賊

匪一股約五六百人於初四日夜間竄過江北

其確由何處偷渡稟內未據聲明除飛飭查明

該匪偷渡處所並防江大員職名報明經畧參

奏外臣亦已飛檄署陝安鎮總兵百祥署寧陝

鎮總兵韓自昌陝鎮都司黃瑞各帶兵勇迅

速迎往截剿至辛聰賊匪不過剩有三百餘人

現有楊遇春慶溥兩路兵勇實已足敷剿辦臣

亦已飛行札商楊遇春如辛聰賊匪無需通判

維昂兵力亦卽飛飭維昂帶領勇趕往漢陰一帶協剿渡江賊匪更爲得力再臣接據額勒登保來信內稱偵探苟逆賊匪已由陝省之陽平關折回由原路竄入四川廣元縣屬之李子壩等處額勒登保卽自黃壩驛改道入川顧住陝境趕緊追剿已於十二月初四日趕至廣元縣屬之劉家坪相距賊蹤不遠恭贊德楞泰現在亦已趕抵廣元縣屬之賀家院一帶相距賊蹤亦不甚遠日內必有勝仗提督慶成現已帶兵回陝仍赴防所奏入

上命軍機大臣傳諭長麟陸有仁曰朕初閱長麟奏報所叙情形楊遇春將辛聰劉永受等趕緊追剿分兵搜捕殲擒一百六十餘名賊匪敗竄鳳縣東南一帶楊遇春分兵兩路抄截而慶溥亦抵馬道

留壩一帶迎頭截剿定可迅速殲除稍慰懸厯及聞至接據漢陰通判稟報有賊匪一股約五六百人於初四日夜間竄過江北又致蔓延實爲可恨前此漢江北岸竄匪經官兵搜捕多日始能肅清茲又任賊匪闖入寶屬不成事體自係防江員弁疎玩所致卽著長麟查明此股賊匪是何姓名係何處竄匪從何處汎地偷渡防守大員係屬何人卽行據實奏漢陰地方與平利紫陽相近該匪或由楚省邊界竄來亦未可定長麟祇須將此股首逆姓名詢出卽可知其何處竄來現在辛聰等殘匪祇餘二三百人有楊遇春慶溥二人足敷剿辦長麟已飛檄百祥韓自昌等各帶兵勇前往漢陰截擊並札商楊遇春令通判維昂帶領鄉勇趕赴該處協剿所見甚是維昂向在南山一帶剿捕

餘匪路徑最為熟悉即速飭該員前往協剿可期
 得力計此旨到時如楊遇春慶浦已將辛聰等殘
 匪辦竣伊二人即同赴漢陰會剿若餘匪一時未
 淨或專交楊遇春督率搜捕慶浦即分兵往剿偷
 渡漢陰之賊慶成現已帶兵回陝長麟尙係該省
 總督俱應迅速趕往會同剿辦並嚴飭派往之署
 總兵百祥韓自昌等奮力截擊必須將渡江之賊
 悉數殲擒否則亦必逼回南岸斷不可令其前竄
 或致逸入南山老林况五郎地方已設有重鎮南
 山一帶各隘口俱添設將弁兵丁專司防堵聲勢
 聯絡亦萬無令賊匪竄匿之理陸有仁現駐漢中
 自己早得地方官稟報並著該撫隨時確探渡江
 賊匪情形如官兵得有勝仗即速馳奏以慰廑注

欽定剿平三省邪匪方略正編卷二百九十一 辛酉
 十二月十九日 辛酉 額勒登保德楞泰奏言查荷
 逆賊蹤由李子圍母家壩一帶竄去恐其入陝
 臣 額勒登保遂由茅壩取道劉家坪元壩子一
 帶探蹤兜剿前進初六日抵元壩子知 臣 德楞
 泰於賀家院等處與賊接仗後賊匪由真武官
 梁家場高坡子一帶向東南竄去遂即由百丈
 關旺蒼壩進發初八日抵通坪與 臣 德楞泰會
 合探得該匪由魚溪寺清化河遁入南江境內
 臣 德楞泰於初九日同抵木門又據探報該匪
 竄往元灘子有由巴州至通江之勢查該匪等
 因近日未經痛剿其勢頗覺張知 臣 等兩路
 兵來又復兼程疾遁 臣 等各帶兵勇不過二千
 餘名茲將豐紳接管之兵勇彼此分撥 臣 額勒

《剿平三省邪匪方略正編卷二百九十一》
 天

登保率同札克塔爾豐紳帶領官兵由左路之
長池馬張鋪兩河口一帶截剿臣德楞泰率同
達勒精阿馬瑜等由右路之元灘子青崗渡一
帶截剿並派令遊擊劉健標都司羅思舉帶領
弁兵鄉勇千數名跟蹤緩追虛張聲勢以杜折
竄該匪或向左竄或向右竄均可迎頭奮擊至
楊遇春一路官兵昨令其探剿竄往沔畧殘匪
百餘人現據畧陽縣稟報該路官兵於初四日
自該縣之吳家營進發距賊不遠日內即可接
仗此股賊數無幾定可就地剿除又總兵田朝
貴帶領官兵自初二日於火焰寨神壇溪太平
坡等處將張添倫楊開甲魏洪升合夥餘匪剿
殺獲勝後仍卽緊躡追剿初五日早間於二硯
橋薛家坪等處遇賊接仗殲斃賊匪五十餘名

欽定剿平三省邪匪方略 正編卷二九一

生擒三十餘名該匪向龍鳳垭桑樹溝老林奔
逃田朝貴率領官兵追過三重大山沿途斃賊
四十餘名生擒六十五名餘匪四散奔逃向板
橋口竄去遂將獲犯訊明被脅未久之四十六
名交南江縣給發路票釋放安置外所有大旗
手李士斌等五十餘名概行正法並據獲賊李
四海供初二日官兵追殺賊匪後聞賊夥中傳
說老掌櫃張添倫藏於林箐內生死未定等語
田朝貴已派弁兵前往尋覓是否屬實尙未
據該鎮報到至格布舍楊芳等所剿李彬股匪
於上月十四日追至東鄉之楊柳池二更時冒
雪進剿天將黎明趕至太平溪奮力衝殺賊匪
四散匿入林箐將弁兵勇分路追趕殺斃百餘
人生擒爲總兵何多獻苟文璧元鋒孫紹誠何

欽定剿平三省邪匪方略 正編卷二九一

明文旗手張子明羅朋袁學賢劉宗朝等一百三十六名奪獲刀矛一百餘件李彬率領殘匪向流水溝老林逃遁遂將生獲之賊目何多獻等八名及從逆日久賊匪六十四名概行分別凌遲正法其被脅未久之鍾邦達等七十三名均就近交地方官安插據格布舍楊芳等專差具報並將所殺賊匪耳記一百四十三副呈驗

聖示匪窟肅清

四

前來^臣等查核無異仍飭格布舍楊芳等奮力速辦務將李彬及早生縛並將餘匪掃除淨盡其薛大烈等所游湯思蛟股匪近據稟報已與劉湖選合夥竄^臣東鄉之新開場薛大烈於上月二十二日由八平渡口場進發與寶冲阿等協力趕辦再近^臣陝省安康紫陽一帶地方官稟報十一月中旬有川境零匪數百人竄至安

康西南茨蓬溝滋^臣穆克登布帶領遊擊閻俊烈由二郎坪一帶進剿捐職從九品王世琳率同該處寨勇由盤河一帶堵擊二十一日於羊圈河斬獲賊匪二三百人奪獲騾馬數十匹餘匪四散由八道河竄至紫陽之壬河又經總兵汪啟帶兵截剿殺賊三十餘名生擒十六名餘匪二百餘人竄入西鄉境內該處有總兵胡定

聖示匪窟肅清

五

泰帶兵防剿定可聯絡截擊悉數殲除惟該匪係何股餘孽有無緊要賊目因相距甚遠亦未據穆克登布等報到查刻下各股殘匪皆屬易於剿捕惟苟文明人數較多頗形狡惡^臣等惟有併力速辦俟將該匪剿除則此外實無大股賊匪可期迅速肅功至禁^臣一犯據獲犯供稱該匪前與苟文明分股帶領百餘人各自逃

一四三九

竄近據探報在開縣大寧以東依附別股零匪
於山林中藏匿臣等已札飭該一帶地方卡隘
探蹤剿捕不日將苟逆辦定後卽分兵前往搜
捕再臣額勒登保奉到

諭旨遵查生擒首逆高見奇時遊擊桑漢所帶矛傷
尙不甚重現已痊愈惟遊擊高萬春臂受石傷
骨折筋損未能卽痊情殊可憫臣昨已飭令帶

聖旨

六

領貴州傷病兵丁緩程回黔調養並辦理本任
營伍事務以示體恤

額勒登保德楞泰又奏言竊臣等奉

旨將七十五革職拿問嚴加審訊臣額勒登保於初
四日抵廣元之李家壩值七十五帶兵追賊由
會家河一帶前來相距不遠遂將該提督調至
軍營恭宣

諭旨七十五伏地碰頭戰慄悚懼臣額勒登保當飭

將七十五管押隨營前進初八日行抵通坪會

同臣德楞泰嚴審據稱自奉派剿辦苟逆以來

惟於太平疏通道路支發餉銀兵丁等製辦衣

履暫劄六日其餘皆逐日追剿並未停留惟因

南廣一帶山大林深急切未能得手後因該匪

向西狂竄實無捷徑可以抄截只得跟蹤緊追

聖旨

七

於階州地界連次接仗將賊截回實未敢稍有

逗遛惟專辦苟逆股匪未能及早殲除致賊竄

入甘境實屬罪無可道等供臣等查七十五如

果有任意逗遛縱賊肆竄之事則軍律具在

聖明固不能曲法施仁卽臣等仰荷

委任之隆亦斷不敢以功屆垂成稍有容隱自當恪

遵

諭旨從重定擬具奏今據七十五所供其在太平暫

劄六日派撥官兵接護餉項係為整頓兵力並

非無故耽延此後亦實無逗遛不前之處臣額

勒登保前曾專差員弁赴七十五軍營密行查

察並令地方官將七十五每日師行處所一一

查報茲據報到情形與七十五所供符合是七

十五之咎祇係辦理遲延不能扼賊他竄此次

聖祖聖訓卷五

八

賊匪竄甘固係七十五剿辦遲緩不能以未得

地勢及無捷徑抄截稍自解免但念七十五從

前出師數次曾經帶傷十五處昨因賊匪竄入

甘境帶領官兵日夜過發兩次接仗旬餘之後

將賊截回未能深入甘境該一帶民人未致多

遭蹂躪是七十五尙知愧懼雖功過不能相抵

而其情節猶有可原臣等查看七十五所帶官

兵因終日奔馳甚為苦累而隊伍尙屬整齊且

衆兵勇聞七十五獲咎拿問多有痛哭流涕者

可見其平日帶兵尙得軍心該提督除業經奉

旨革職外現當剿捕萬緊之際應請

旨將七十五留於軍營仍令帶兵自効並可否仰懇

聖恩准其降等補用之處出自

皇上逾格鴻慈臣等現將七十五解交廣元縣暫行

聖祖聖訓卷五

九

羈禁恭候

命下敬謹遵行

額勒登保德楞泰又奏言竊臣等奉

旨飭查賊匪偷渡之金獅廟一帶江岸勒保會否派

員在被防守等因查四川省嘉陵江岸綿長千餘里

自廣元以下之桔柣渡起係總兵許文謨帶領

兵勇分設防守其白水河岸自碧口之龍安一

帶起係總兵呂胡龍帶兵設卡防堵副將永寧
知府德福同帶兵勇亦在白水下游河岸防守
均為保護完善地方此次賊匪竄過之金獅廟
一帶係嘉陵江上游支河其水自峒陽而來深
不及尺盛夏亦寒裳可涉因距川境腹地有白
水大河之隔向未設有重兵去歲派都司郭攀
龍帶領兵丁一百七十名鄉勇二百名在朝天

製看翻頁編卷星

十

關大路駐劄於該一帶上游分佈卡座該管段
落直接陽平關綿長二百餘里逐處分設兵勇
不過數名至十餘名不等僅供哨探巡查賊近
時傳集附近團勇以資截擊苟逆股匪因官兵
緊躡十一月十二夜突分數股於距朝天關
百三十里之金獅廟大灘等處蜂擁躡淺過河
分設兵勇為數本單不能抵禦陣亡兵丁二名

鄉勇十四名總兵許文謨副將永寧知府德福
防守之處相距三四百里一聞警信即帶兵星
夜趕來賊匪業已搶過該鎮協等恐其搶渡白
水關入川西即帶兵星回原卡嚴防維時川北
道李鈺副將趙得功因張添倫餘匪竄近蒼溪
江岸意欲搶渡正分帶兵勇在堰溪口一帶堵
擊署廣元縣知縣葉文馥亦奉文在東路百丈

製看翻頁編卷星

十一

關一帶團集寨勇並催運軍糧相距皆遠均未
能兼顧此_臣等查明賊匪過河疎防之實在情
形也查金獅廟一帶雖未設有重兵但既派都
司郭攀龍防守乃不能先事嚴防以致賊匪搶
過實屬咎有應得未便以賊衆兵單稍為寬貸
應請

旨將山西吉州營都司郭攀龍革職作為兵丁留營

効力贖罪其餘文武各員應懇

皇上天恩免其查議均奏入

上命軍機大臣傳諭額勒登保德楞泰曰自本月初

十日額勒登保奏報將苟文明股匪截回川境督

師入川併力剿辦各情形後迄今又聞旬日朕朝

夕盼望捷音乃本日額勒登保德楞泰遞到奏報

仍係會商剿辦苟逆事宜並未趕上賊匪痛加殲

聖祖聖孫編卷五

三

戮惟在廣元通坪地方會審七十五就延時日假

令此數日內苟文明股匪因無大兵追躡輾轉奔

逃蔓延裹脅豈非予賊以暇又踵七十五故套何

時平賊耶現在別無大股賊匪惟苟文明一股人

數較多據奏賊勢稍覺鳴張此即就延所致經畧

叅贊為各路帶兵大員領袖聲威素著所帶兵勇

又屢次得勝勁旅最稱趨健現又令豐紳管帶七

十五原帶之兵會剿兵力不為不厚伊二人既稱

會商後分路進剿務應卽在南江通江巴州一帶

將苟逆股匪掃除淨盡斷不可令其深入川東或

北竄陝界而西面一帶卽係嘉陵江尤為緊要更

不可任其前竄年內為日不過旬餘已難望其全

行賊績但必須趕正月內將此股辦完肅清川境

勿再延緩至摺內稱楊遇春一路剿辦沔畧竄匪

聖祖聖孫編卷五

三

賊擒一百六七十名與昨日長麟所奏相符額勒

登保等當飭催楊遇春上緊搜捕又陝省安康紫

陽一帶川匪竄入滋擾現經總兵穆克登布帶

兵迎擊斬獲二三百人亦與前日陸有仁所奏相

同惟昨據長麟奏有一股賊匪約五六百人由漢

陰竄至江北地方經長麟飛檄百祥韓自昌等帶

兵迎截並札商楊遇春令通判維昂帶領兵勇前

往協剿額勒登保摺內未經提及想尚未得信此股賊匪無多既有百祥韓日昌維日等在彼剿辦昨又令長麟慶成同往會剿額勒登保等自可無庸兼顧斷不可捨現在苟逆緊要之賊又分一人前往惟應嚴催長麟慶成等趕緊剿辦勿令蔓延其李彬湯劉等逆不過敗殘餘孽勒保昨已馳赴川東額勒登保亦應上緊轉催勒保賽冲阿薛大烈等迅速剿淨務絕根株為要至七十五本應正法姑念其尚非出於有心延玩伊從前出師又曾受傷十五處彼時若有一處傷重即致陣亡且拿問之時兵勇等痛哭流涕可見其平日尙得兵心是以加恩免其正法作為兵丁効力贖罪前次苟文明竄甘實係七十五疎縱所致額勒登保等應即將七十五派赴前敵令其認真殺賊如果奮勉

欽定剿平三省邪匪方略

正編卷二九一

欽定剿平三省邪匪方略 正編卷二九一

立功額勒登保等據實具奏倘仍前怠忽即在軍營正法不能再為曲貸矣其七十五所遺提督一缺豐紳會經加賞提督職銜且七十五一路官兵現在交伊管帶已降旨令其補授額勒登保等即傳諭豐紳倍加感奮勉圖奏績此時七十五既因辦賊遲誤獲罪留營額勒登保等當通飭各路帶兵大員引以為戒即該經畧等亦應以七十五為前車之鑒當此功屆垂成之際朕惟望伊等素凱還朝同膺懋賞甚不願其耽延受過但或稍有鬆勁致成功再稽時日則不得不治以應得之罪額勒登保等不可不勉之又勉也

欽定剿平三省邪匪方略

正編卷二九一

二二五

十五在太平航延六日整頓兵力與無故逗遛者
有間且七十五曾帶傷十五處平日帶兵剿賊尙
知奮勉又能深得衆心七十五著加恩免其正法
作爲兵丁留於軍營在前敵効力贖罪以觀後效
所有四川提督員缺著豐紳補授其所遺甘肅肅
州鎮總兵員缺著張績補授

上又諭內閣曰金獅廟一帶係專派都司郭攀龍防
守雖因賊衆兵單致賊匪搶過其不先事嚴防之
罪無可寬貸所有山西吉州營都司郭攀龍著革

職作爲兵丁留營効力贖罪其餘文武各員防守

之處相距皆遠未能兼顧著加恩免其查議

二十一日^{癸亥}勒保奏言竊於前次拜摺後卽
向東路進發行抵新寧據報該縣境內楊河溝
地方有零匪一股在彼潛匿^臣當派副將倭星

額李錦麟帶領兵勇前往搜捕該副將等連夜
行走初八日黎明行抵該境見山坳空房內藏
有賊匪該副將等卽督率兵勇趕緊圍捕賊匪
驚覺扒山四竄兵勇分投擒殺斃賊三十餘名
生擒十六名當將活賊帶回^臣統加查訊內有
賊目楊秀奇訊據供稱向在湯思蛟股內充當
牌頭前日在太平山內被官兵打散湯思蛟帶
領一百餘人馬三匹分路向馬家營一帶逃去
我帶八十九人在楊柳關龍王堂楊河溝各處
藏匿因無可搶掠又逃散二三十人剩五十餘
人今日被官兵擒殺尙有十數人四路扒山逃
散等語當卽分別正法其薛大烈一路官兵據
報近日在修溪壩一帶搜剿湯逆適探得八卦
山內有賊匪一股竄匿約一二百人又簡家河

山內有賊匪一股竄匿約一二百人又簡家河

地方有零匪一股在彼潛匿^臣當派副將倭星

地方亦有零匪潛匿薛大烈當卽分派參將蕭鳳來遊擊桂涵薛陞都司馬成林等帶兵剿八卦山之賊副將海常都司邱鳳岐等帶兵剿簡家河之賊薛大烈帶兵分投策應初二日蕭鳳來等行抵八卦山賊已起竄官兵跟蹤追躡初三日已刻追至沿水溝地方趕上賊匪蕭鳳來馬成林分兵由右手荷蘇圍上攻桂涵薛陞分帶鄉勇由左手白菓圍下壓兩路兵勇夾擊斃賊七八十名生擒旗手一名戰手二十四名餘匪數十人鑽入箐林無蹤薛大烈當提旗手沈得明等審訊據供此股係黃號餘黨總兵李顯林爲首帶領一百多人竊匿山內躲避官兵今日官兵前來搜捕李顯林已被殺死等語當令認出偽總兵李顯林屍身剗取首級梟示並將

欽定剿平三省邪匪方略

正編卷二九一

欽定剿平三省邪匪方略 正編卷二九一

該犯等正法至簡家河之賊係不知姓名餘匪五六十人在彼摸樣並無賊首在內海常邱鳳岐等帶兵前往搜捕業已悉數殲除又接賽沖阿溫春來信據稱前月二十七日在奉節大寧交界之桃木灣乾溝安葛山一帶追剿賊匪沿途殺斃七十餘名生擒三十三名內有湯思蛟之妻符氏偽總兵王三魁之妻李氏及探馬頭張陞旗首李自臣黃漢文等三名賽沖阿等訊明後照例分別辦理查訊湯劉二逆均已分路先逃並不在此數賊內臣查近日川東賊匪零星分散百十爲羣或有賊首或無賊首俟分路合輾轉奔逃卽如賽沖阿溫春薛大烈等分路搜捕湯劉二逆屢次探有蹤跡趕緊剿辦將二逆之妻俱已先後擒獲而該逆仍不在其內其

欽定剿平三省邪匪方略

正編卷二九一

一二七

兎賊伎倆實堪痛恨然窮蹙情形亦可概見現在探得沿邊山林如通城寒水壩簸箕圍無量山羊耳壩湯家壩等處均有零匪自數十人一二百人至二三百人不等大約未獲首逆不過潛匿此數股之內趕緊分投搜剿自可次第殲除至格布舍楊芳等追剿李彬股匪前據探報已至二郎壩近日曾否得手尚未得有信息其

聖朝聖德編卷五

三

張志林等一路官兵探剿雲萬餘匪因該匪向西奔竄張志林等帶兵向梁山忠州取道兜截亦尚未據報接仗確信臣現在自新寧向雲萬進發探聽各路賊情相機前往督剿同日德楞泰勒保又奏言竊照建昌道石作瑞於本年十一月十七日丁親母艱例應開缺所遺道缺例應請

旨簡放惟查川省尚有候補道劉清一員該員在川年久歷著循聲嘉慶四年蒙

革奉

旨以知縣降補尚未得缺本年正月間臣勒保以該員在川北一帶管領鄉勇防堵屢著勞績奏請開復原官奉

聖朝聖德編卷五

三

旨允准在案茲有道員缺出理應先儘補用所有建昌道員缺可否即以劉清補授之處出自聖恩均奏入

上命軍機大臣傳諭勒保曰此次勒保等派令將領分剿湯逆股內散匪楊秀奇李顯林等各有斬獲而簡家河之賊經副將海常等前往搜捕悉數殲除所辦尚好惟摺內稱接賽沁阿溫春來信在奉

節七寧交界地方雖將湯恩蛟及偽總兵王三魁
二八之妻擒獲恐係賊匪所擄民婦故令落後冒
充賊妻計圖逃脫亦未可定現在敗竄零匪倏分
倏合其未獲首逆總不過潛匿此數股之內勒保
等如果將李彬湯劉著名首逆擒獲固應即由六
百里馳奏但當隨時隨地遇賊即剿若僅注意此
數名首逆設遇零星散匪置之不辦則該匪等乘
間聚脅聚聚賊數又必增多此時賊蹤分合靡常
勒保當通飭帶兵各員視賊所向隨機分合奮力
截擊若能如此次辦簡家河之賊盡數殲擒不留
餘孽俾散竄之匪日漸搜淨則李彬湯劉等逆無
所依附即不難按名擒獲勒保現已向雲萬一帶
進發探聽各路賊情相機督剿務須飭催賽冲阿
薛大烈格布舍張志林等上緊將李彬湯劉等逆

及各股零匪於正月一律掃除肅清川境毋得再
有遲延

同日

上諭內閣曰劉清在川省有年聲名素好經朕加恩
擢至道員嗣因再添元股匪由太和鎮地方竄過
潼河劉清係屬總巡疎於防範實有應得之咎是
以將伊降為知縣但彼時劉清曾經稟明魁倫欲
將貴州兵丁留於潼河一帶防堵因魁倫不雅所
請賊匪得以乘間偷渡亦非劉清漫無籌畫所致
該員自降補後在川北一帶管領鄉勇防守地方
屢著勞績前已開復原官茲有道員缺出自應先
儘補用劉清著加恩兼其補授建昌道以示獎勵
二十四日 丙寅 陸有仁奏言連日據報前竄峒陽
接官亭一帶賊匪首逆即係辛聰因提督楊遇

春帶兵趕到賊即連夜翻山由鳳縣大石巖出溜壩陳倉溝一帶經楊選春帶兵趕至王家場截殺賊匪一百餘名生擒六十餘名奪獲騾馬旗幟器械甚多餘匪四散竄入深林密箐楊選春現由鳳縣迎門寺一帶隨地搜剿臣復飛飭雒昂帶領鄉勇即由洋縣華陽一帶趕緊探蹤繞截慶溥所帶官兵亦已自洋縣八山自可三聖朝聖鑒編卷星
臣面會剿至此次賊匪乘夜竄越因追捕甚緊未能稍有停留棧道行旅居民尙俱安堵無恙又賊匪一股約五六百人前由紫陽漁溪河竄至西鄉之十四道河總兵胡定泰派守備李芳帶領鄉勇夜撲賊營未能得手鄉勇間有傷亡迨胡定泰帶兵追往該匪已折回漢陰紫陽交界之段江石地方乘夜躡淺過江經該處防守把

總黃大勇帶本卡兵七十名沿江堵禦力竭陣亡賊即由江北梧桐溝銅錢窖逃竄該處寨勇鎗殿轟擊斃賊十餘名賊匪復東竄至安康鎮安交界之巖屋河一帶臣查過江賊匪雖止數百人但據報並無官兵緊躡追剿此時鎮安山陽一帶防兵甚少處處空虛且相距楚豫交界不遠設賊匪乘間東竄關係匪輕經畧額勒登聖朝聖鑒編卷星
臣保相距較遠不敢稍有拘泥一得探報即飛咨該處防守總兵汪啟迅速馳剿又總兵穆克登布亦近在安康平利一帶臣亦飛咨該鎮酌量該處緩急情形分兵協擊一面咨會署寧陝總兵韓自昌即挑帶官兵由孝義鎮安一帶探從堵剿並飛移署西安將軍祥保酌量派軍標官兵願住鎮安商州一帶以杜賊竄東北惟汪

15 6 21

啟一路官兵距賊較近日內曾否截住賊蹤尙未得有確信臣實不深焦灼所幸楊遇春之兵現在南山如將辛逆股匪剋日辦完即可就近移師督剿臣已札致楊遇春相機籌辦至苟逆大股賊匪由廣元竄至巴州之魚溪寺一帶經畧叅贊分兵南北兩路追剿其前敵總兵楊芳等追剿李彬股匪已至平利之鎮坪地方賊勢日形零落指日即可掃除奏入

欽定剿平三省邪匪方略

正編卷二九一

上命軍機大臣傳諭陸有仁曰此次楊遇春剿辦辛聰股匪多有斬獲其搶渡江北賊匪現竄至安康鎮安交界地方經陸有仁飛咨總兵汪啟穆克登布韓自昌等迅速馳往分兵協擊所辦俱是又札致楊遇春如將辛聰股匪辦完即就近移師督剿所見亦是但楊遇春果能將辛聰股匪剿淨自可

令其帶兵往剿若未能完竣亦不可捨而他往至此股竄匪本屬無多現有汪啟穆克登布在彼截擊又有署總兵韓自昌由孝義鎮安一帶探蹤迎擊署西安將軍祥保接陸有仁稜知自必派官兵願住鎮安商州等處以杜賊竄東北前又降旨令長麟慶成赴彼會剿無難迅速掃除陸有仁惟當轉飭汪啟穆克登布等上緊剿辦若能就地殲除固屬甚善否則亦須逼回漢江南岸斷不可任其竄往鎮安商州逼近豫省再此股賊匪何人爲首是否由湖北邊界竄入抑由川省竄來並著陸有仁查明具奏至疎防之胡定泰李芳已降旨交鞫勒登保查明辦理矣

欽定剿平三省邪匪方略

正編卷二九一

上又命軍機大臣傳諭額勒登保曰前據文麟奏漢陰地方有賊匪一股約五六百人於初四夜間竄

過江北當經諭令查明此股竄匪從何處竄渡該處防守係屬何員據實奏奉本日陸有仁奏此股賊匪係由胡定泰所管汛地偷越守備李芳帶領鄉勇往撲賊營未能得手等語胡定泰李芳二人防堵不力以致江北無賊地方復又闖入皆有應得之罪著額勒登保查明疎縱緣由將該二員傳旨革職卽行審擬具奏至把總黃大勇帶兵堵禦未能將該匪截回固難辭咎但所帶兵勇僅七十名又已力戰陣亡仍著咨部賜卹

聖祖實錄卷三

天

欽定剿平三省匪方畧正編卷二百九十一 辛酉十二月二十六日 戊辰 慶成奏言 臣於前月帶兵赴甘被剿荷逆股匪自梅子園奮力痛殲後該匪繞折逃避時值冰雪嚴寒 臣鼓勵兵勇不分晝夜抄截緊急該匪料難深入陝甘卽由原路折回川境並未蹂躪日夜翻山穿林亡命奔逃其夥從被裹之人沿路多有逃散 臣帶兵趕出陽平關適經畧額勒登保亦到沔寧地方順道往見一切面逃額勒登保卽由寧羌入川緊蹙督剿因 臣所帶兵勇跋涉辛勞量予犒賞令在八面河一帶整理往來截剿嗣聞荷逆股匪經額勒登保德榜泰督兵分路併進該匪由廣元花溪一帶向東狂奔 臣慮其復折陝境隨自八面河入山至廣元之關口堙以備迎頭扼剿前

聖祖實錄卷三

一

此有辛劉殘匪四五百人由鐵鎖關西竄黑河
經畧檄行提督楊遇春由畧沔探迎剿辦維時
副都統慶溥及臣派去遊擊張汝勤等兵勇捕
盡南山殘匪撤回札知一併協剿楊遇春已趕
至棧道以東遇賊截殺斬擒一二百名餘匪逃
竄南山現在分兵剿辦本月十三日接據漢陰
廳稟報有賊數百人不知何股餘匪於初四日
由漢陰紫陽交界地方躡淺偷渡北竄查漢陰
距關口堽已隔千里數日後臣始得信計經畧
進至巴通地方得信更遲恐紫陽漢陰一帶總
兵劉瑞沅啟等之兵勇俱因防江喫緊未敢擅
離雖偷渡之賊爲數無多亦非臣專管防所惟
經畧距陝稍遠臣係本省提督自應隨時籌撥
兵勇趕往協剿查參將吳亨衍前在南山搜捕

欽定剿平三省邪匪方略

正編卷二九二

欽定剿平三省邪匪方略 正編卷二九二

尙能熟悉卽分撥兵勇九百餘名派該參將帶
領由洋縣入山抄出北面協剿並飛咨楊遇春
慶溥如將辛劉殘匪辦竣兵力充足定可併力
一鼓殲除尙辛劉餘匪尙未淨盡楊遇春慶溥
酌商一人督率搜捕一人就近馳往調遣參將
吳亨衍一路兵勇趕緊合剿偷渡之賊俾得及
早集事至邇來川陝西北邊界尙屬寧謐惟苟
逆一股經畧參贊向巴通地方剿辦漢南一帶
邊防關係緊要臣隨帶兵由寧沔南鄭一帶督
率各路兵勇加倍嚴防前月二十八九兩日疎
防賊匪偷越張家山之遊擊王自祿都司倭里
布經畧查明參革治罪臣派員接防整飭並將
王自祿等換回先卽摘去頂戴恭候
諭旨至漢陰所報賊匪偷渡未據指明究係總兵劉

欽定剿平三省邪匪方略

正編卷二九三

二二三

瑞汪政等何員專官之汎臣現已飛差確查務
得其實以便具報經畧核奏奏入

上命軍機大臣傳諭惠齡慶成曰辛劉殘匪四五百
人經楊遇春截殺一二百名餘匪竄入南山前此
竄匪南山賊匪經官兵搜剿多時始能肅清今又
被殘匪闖入實為可恨五郎地方安設重鎮其南
山各隘口又添派兵弁星羅棋布原為嚴防竄匪
而設何以仍在賊匪竄往豈該處新設營汛尙未
齊全竟無官兵在彼駐守耶著惠齡慶成查明參
奏至由漢陰地方酌淺渡江之賊慶成得信後卽
飛飭叅將吳亨衍帶領兵勇由洋縣抄出北面協
剿所辦尙好此股賊匪前經長麟陸有仁等先後
奏到現已折竄安康鎮安交界地方當經降旨令
長麟慶成前往督辦今慶成已帶兵赴寧沔南鄭

一帶督率嚴防距安康較遠且苟逆股匪經額勒
登保德楞泰兩路大兵迎截恐該匪被剿緊急由
川竄陝漢南等處邊防甚關緊要慶成竟不必前
赴江北卽在寧沔一帶認真防守以杜苟逆竄陝
之路其偷渡漢陰之賊卽責成吳亨衍剿辦惠齡
已前赴鳳縣與長麟會晤該督接印後無庸再往
漢中所有江北賊匪專交惠齡會同楊遇春督率
剿辦現在竄入南山之辛劉餘匪為數雖屬無多
若在彼藏匿日久必致別有叢脅且安康鎮安一
帶竄匪亦難保不就近竄往若駭合勾結勢必復
成大股而帶兵之員又得以山深路險為辭搜捕
未免費手此時楊遇春已分兵剿捕辛劉殘匪其
偷渡江北之賊現有汪啟穆克登布韓白昌吳亨
衍等帶兵協剿並署西安將軍祥保派兵顧住東

聖祖實錄卷三

四

聖祖實錄卷三

五

北兵力不為不厚志齡楊遇春務當督飭鎮將等將山內山外奔竄殘匪奮力截擊於正月內盡數殲除斷不可稍有遲緩致任蔓延再前在漢陰偷渡之賊昨據陸有仁奏係胡定泰李芳疎防今慶成謂內稱究係總兵劉瑞汪啟等何員專管現在確查等語與陸有仁所奏不符著惠齡據實查奏並詢明此股竄匪係何賊首從何處竄來一併覆

奏

二十七日_{己巳}吳熊光全保長齡奏言查戴家營暨藍黃青白各號餘匪自經_臣全保長齡在老居溝八卦廟剿散向西南一帶遁入老林王會二逆經孫清元等遁入興巴邊界亦在老林中折竄無定查各該處俱緊接川陝邊界綿長千有餘里林深山茂霧_不時賊匪狡猾異常一

欽定剿平三省邪匪方略

正編卷二九二

見官兵則四散竄匿迨至兵過又復聚而出擾兼之萬山重疊路路可通東截則西奔南兜即北竄賊勢愈窮奔走愈速官兵緊躡深追實已不遺餘力睹此情形不勝焦灼憤恨_臣等公同熟籌必得分兵數路三面進逼遇賊即剿方可得手_臣全保長齡由獅子岩高塘河自北而南總兵孫清元吉林泰抄赴興山自東而西總兵

德昌王懋賞自西而東隨剿隨進另派熟悉老林路徑之奮勇兵勇深入轟擊表裏夾攻_臣吳熊光設法分投趕運糧餉源源接濟並激勸義勇曉諭堡寨以聯聲勢初三日探得前次剿敗之青藍等號餘匪竄至泉溪廣龍灘一帶德昌王懋賞自西追剿前來_臣全保長齡督兵迎截該匪折走譚家垭德昌王懋賞領兵勇趕上賊尾鎗

箭齊發立斃賊匪八九十名生擒二十四名該

匪益形慌亂向蔡家坪八尺溝四散亂竄臣全

保長齡督率侍衛呢瑪善參將德興承祿遊擊

王占鰲等抄向賊前迎擊賊匪翻上山架捨命

狂奔官兵奮力窮追沿途殲斃五十餘名該匪

鑽入深林復用鎗礮轟出斬戮三十餘名生擒

黃玉賢等四十八名並德昌一路獲賊訊據供

《剿平番匪方略卷三十五

八

稱戴家營卽戴四前被官兵在老居溝剿散後

只帶領三四十人翻山逃走不知竄往何處或

已歸併別股現在是青藍等號有劉張兩個元

帥各帶二三百人因官兵追殺得緊已四散亂

逃不成股數不過在南山老林內東藏西躲擄

食度日等語查黃玉賢等二十五名曾經充當

賊目牌頭矛手當卽一併正法其餘王雨等四

十七名訊係被擄未久當卽省釋探得該匪剿

散後又分兩路一由黃龍山紅花梁向東奔竄

臣全等卽派朱士奉孫應奉帶領馬步官兵搜剿

一向西南廟坪老林奔竄派撥奮勇步兵直入

老林轟擊臣全保長齡督率大隊官兵由獐洛

河一帶截剿務期剋日掃除至王曾二逆經孫

清元一路副將李天林英雄楚烏爾卿額等率

《剿平番匪方略卷三十五

九

兵追至溪口該處山勢排列極爲險峻馬匹不

能行走當經總管托爾托保帶領馬隊截住漢

川嶺竄出之路李天林等帶領步兵入山行至

天保寨見賊匪擄得下寨汲水鄉民向寨上索

換食物我兵追上立時斃賊十餘人餘匪捨命

飛奔由老虎埡竄出漢川嶺正值總管托爾托

保迎頭截住兩路擊剿斃賊六十餘人散出難

民九十三名餘匪向洪坪逃奔適孫清元吉林
泰由坪上河抄截而來該匪卽向羅漢峒潛逃
其王會大隊尙在斑竹園屯紮係清元帶同總
管托爾托保副將烏爾卿領遊擊毛秉剛都司
郭朝鳴等由連湖坪洪坪兜截吉林泰率同副
將李天林樊雄楚參將持安都司姜元祥等向
斑竹園進擊該匪正欲拔寨官兵直前追剿賊
衆情急分扒左右大山該鎮等由下斃坪夾喇
溪兩面截殺追至二十餘里沿途共斃賊二百
餘名生擒六十四名餘匪向亂柴溝一路奔逸
汛出殲斃偽先鋒朱龍並據牌頭魏大富等供
稱王會元帥令我等總躲在老林裏覓食聞官
兵來到四散就逃因四川擄不出糧食要想到
巴東火峯一帶去覓食營裡矛手各處打撈被

鄉勇寨上打傷許多漸漸逃散餘無要供當將

該二犯卽行糲割其李喜等二十二名皆係兇

惡子均卽正法其被擄未久之王興等四十

一名照例寧釋該匪卽向興山屬之後界坪一

路逃遁孫清元吉林泰現由冷盤坵檀香坪跟

蹤追擊連日天氣晴霽定可趕上痛加洗戮

等查各股零匪勢已窮蹙專藉老林山險爲延

喘之計臣全保長齡惟有與孫清元吉林泰德

昌王懋賞等督率兵勇分路儘力搜剿賊分則

官兵分路兜擊賊合則官兵合力殲洗隨時相

度機宜妥速籌辦此次打仗德昌一路守備倪

聯清腿受石傷其餘各路兵勇間有傷亡容再

查明咨部奏入

上命軍機大臣傳諭吳熊光全保長齡曰楚省軍務

情形自前月二十二日全保長齡奏報夾擊各股
 攢聚賊匪後至今已隔月餘總未撲續有馳奏朕
 以為必係吳熊光等將該省各股殘匪掃除淨盡
 始行專摺具奏及本日遞到吳熊光等奏報祇將
 餘匪先後藏擒五大百人仍未能擒一賊首剿盡
 一股而曾王戴家營等及青藍等號餘匪仍在楚
 省老林奔竄伊等在彼所辦何事乃摺內尚稱趕
 緊設法務期尅日掃除可謂無耻之極試思伊等
 此次奏報已遲至三十五日若俟下次奏到又在
 二月初旬彼時氣候暄和青苗在地賊匪又得掠
 食飽颺輾轉奔竄何時始能辦淨伊等豈不思滅
 此朝食耶吳熊光全保長齡均著傳旨申飭伊等
 務當激發天良大加振作期於正月內將楚境各
 股零星殘匪一律殲除若能於川省苟逆辦竣之

先已將楚境廓清遞到捷音尙有微勞足錄尙再
 有稽延必俟經畧參贊將苟逆大股殲盡後移師
 赴楚幫同辦竣則吳熊光等有何顏面不但無功
 而且有罪矣稟之慎之
 二十八日庚午勒保奏言前據雲萬一帶報有賊
 匪竄擾臣當向開縣取道東行途次臨江市探
 聞該匪等已西竄忠州查該境北通梁山墊江
 西去鄧都涪州長壽一帶處處皆係腹地且聞
 此股賊匪有六七百人總兵張志林一路兵力
 稍單臣必須親往策應督辦當卽一面飛飭張
 志林同遊擊唐際盛夏雲龍等帶領兵勇緊躡
 賊蹤追剿臣一面改道由梁墊一路向長壽抄
 擊張志林等於某一日追至忠州所屬之黃金
 灘趕上賊尾殺斃十五名生擒二名查訊賊匪

蹤跡據供已向黃金灘翻山向三會場一路西
竄該鎮將所擒活賊正法立帶將弁兵勇連夜
翻山遊行十三日抄至三會場之前白石鋪地
方探得賊匪尙未經過張志林等兵勇暫在山
坳潛伏午後賊匪等果至該處場上意欲覓糧
做飯我兵乘其不備突出擒剿該匪始猶抗拒
唐際盛夏雲龍督率兵勇鎗箭齊發射死旗手
一名穿紅馬褂騎馬賊一名賊勢潰散張志林
卽分派唐際盛夏雲龍守備周仕貴吳芝秀張
鼎甲等四路追捕殺賊一百三十四名生擒男
婦七十四名口餘匪尙有數百名紛紛翻山鑽
林竄逸時天色已晚林箐深密黑夜難以窮追
張志林當卽收集兵勇暫息並將活賊查訊內
有偽元帥何贊一名係與王登廷徐添德同時

起事之犯張志林當卽派員將該犯解送臣營
其餘或係戰手或係被裹男婦卽就近解交忠
州收明審訊分別辦理張志林等仍帶兵勇由
鄧都長壽一帶探剿適臣於十五日行抵長壽
縣屬之葛蘭橋該鎮前來會合據稟先後追剿
賊匪斬獲情形是日首逆何贊亦已解到臣親
提訊究據供係達州人與王登廷徐添德一同
起事充當戰手各處與官兵打仗後來充當總
兵掌管營事王登廷等陸續敗死我自立爲元
帥手下有四先鋒並牌頭戰手一千餘人今年
夏間在陝西被官兵打散只剩三四百人逃入
川陝交界老林內藏躲又遇青號楊老掌櫃也
帶二三百人會合一處近因老林裏冰雪甚大
難以存身所以出來打撈昨由開縣雲陽一路

走到白石鋪地方忽然有官兵趕上將我拿住
 楊老掌櫃不知逃往何處等供當將該犯凌遲
 處死並飛飭忠州將所收夥匪難民逐一訊明
 錄供稟報查辦一面飭差飛探該匪蹤跡復於
 長壽途次擒獲探信賊匪何文海一名當即訊
 明正法臣查此股賊匪尚有四百餘人且有賊
 目在內既在長壽江北等處奔竄必須趕緊剿
 淨現在探明該匪竄向即與張志林分路兜擊
 以期即日殲除其賽冲阿温春等一路官兵自
 在奉節大寧交界之桃木灣乾溝安葛山一帶
 打仗後連日偵探劉逆蹤跡總無實在確信亦
 未遇他股得有痛仗惟探得附近王莊坪黑樓
 門叢木嶺曹家田等處近有打散零匪倏出倏
 沒賽冲阿温春等現在設法探剿其薛大烈一

路官兵近將八卦山簡家口兩路賊匪辦完後
 尚在大寧山內萬古寺紅池壩一帶探剿零股
 賊匪近日曾否遇賊接仗尚未續有確信至格
 布舍楊芳追剿李彬股匪近據探報已由桐油
 壩過峽連日亦無消息至苟文明一股自甘省
 截回後仍入川境德楞泰業經接有痛仗賊鋒
 已挫額勒登保現亦帶兵前來夾擊正係聚殲
 機會臣又飛飭許文謨將江岸加緊嚴防德楞
 泰又就近添派田朝貴赴川西協防江岸刻下
 該匪人數較多經畧泰贊兩路大兵雲集定可
 立時剿洗此股一完軍務全局已定臣即當咨
 商額勒登保德楞泰將分段設兵搜捕各事宜
 趕緊定議辦理奏入
 上命軍機大臣傳諭勒保曰此次賊匪何贊等與青

號餘匪楊掌櫃合夥竄至忠州經勒保飛飭張志
林同遊擊唐際盛夏雲龍等帶兵追剿抄至白石
舖地方探知賊匪尙未經過張志林等將兵勇藏
匿山坳候賊匪過時突出迎擊殲獲賊匪二百餘
名並生擒偽元帥何贊所辦尙好此股賊匪訊據
獲賊供稱尙在老林蕪縣近因山內冰雪甚大難
以存身是以出來打撈等語此等零星竄匪本無
伎倆惟是潛匿深山苟延殘喘兵至卽伏匿不出
兵退卽四出搶掠並無自行投出之賊亦斷不可
復事招撫現在何贊等因老林內冰雪甚大無食
可掠出山打撈恐其餘老林似此者尙多或冰雪
較少有食可掠賊匪潛藏未出必須剿辦淨盡著
勒保督飭鎮將等分路搜捕遇賊卽剿務將各處
老林內藏匿餘匪悉數殄除斷不可以此等散竄

聖朝重農編卷五

六

之賊稍涉大意卽如苟文明一股亦係敗殘餘燼
爲數本屬無多七十五辦理遲延予賊以暇遂致
裹脅湊聚又成大股此時苟文明股匪現有經畧
叅贊兩路大兵合剿自無難尅日殲除勒保不必
分心兼顧至川省邊界李彬一股已竄陝境格布
舍楊芳曾否跟蹤追剿湯劉等逆勢俱窮蹙蹙沖
阿等會否得有勝仗其大寧山內零匪會否辦竣
勒保係四川總督所有川東各股賊匪責成該督
飭催上緊搜剿務於正月內一律掃除勿留餘孽
若再延至春深勒保自思當得何罪耶
上又命軍機大臣傳諭惠齡長麟陸有仁日前據長
麟等奏報有賊匪一股約五六百人由漢陰地方
晒淺渡江本日勒保奏探聞格布舍楊芳帶兵追
剿李彬股匪已由桐油壩竄過陝境等語是漢陰

聖朝重農編卷五

六

賊匪或節係李彬由川竄入亦不可定格布舍楊
 芳本派令專剿李彬一殷伊等_臣領官兵是否追
 蹤前來如伊二人僅將李彬股匪盡逐出境即帶
 兵回川置賊不辦則格布舍楊芳均有疎縱之咎
 著惠齡等即速查明據實奏若格布舍等業已
 追至陝界惠齡等即當飭令伊二人協同汪啟穆
 克登布等奮力剿捕尅期辦竣現在此股賊匪是
 否已竄至鎮安或與南山竄匪合夥務須上緊殲
 除淨盡勿任蔓延至竄入南山之辛劉餘匪為數
 雖屬無多若聽其日久潛匿必致輾轉勾結前已
 諭令楊遇春等督率鎮將上緊搜捕現在曾否辦
 竣著惠齡等先將近日剿辦情形速行馳奏以慰
 廑注

三十日_臣額勒登保德楞泰奏言查荷逆股匪

由巴州竄入通江境內十一二等日_臣額勒登
 保率同扎克塔爾豐紳等由大河口城隍廟一
 帶緊顧北面前進_臣德楞泰率同馬瑜達克精
 阿武隆阿等由元灘子青岡渡一帶緊顧西南
 而進該匪知兩路大兵併力兜剿亡命奔走_臣
 等帶兵僭程冒雪進發日行一百三四十里不
 等_臣額勒登保於十三日晚間追抵通江之烟
 溪是日賊匪竄至楊家坪欲出瓦石舖向北竄
 入西鄉因聞北面有大兵截剿遂連夜折竄龍
 鳳垭十四日_臣德楞泰由巴州之士裏壩兼程
 探剿晚間趕抵九子坡探知賊匪竄過龍鳳垭
 於劉家壩橫山子等處屯劄相距六十餘里遂
 於三更時發兵天明馳抵瓦山溪賊匪尙未退
 竄惟該匪屯劄之劉家壩係在木耳巖半山水

雪陡滑我兵若由瓦山溝直進係屬仰攻且有
深溝之隔恐難得手臣德楞泰遂分兵兩路令
馬瑜率同遊擊蕭太和沈文同羅思舉等帶領
步隊兵勇由左手繞上山梁進擊又令副都統
銜色爾滾武隆阿侍衛蘇爾伸總管富登阿協
領德寧阿副將李應貴馬應國叅將馬濟遊擊
馬文斌徐陞等帶領馬步兵勇由趙家河直上
山梁進攻臣德楞泰督率侍衛克什布副將達
自祥叅將何君佐遊擊珠勒亨等相繼而進賊
匪見我軍上山仰攻膽敢糾眾下壓我軍鎗礮
齊發立斃賊匪十餘名賊匪亡命抗拒相持半
時之久適馬瑜等帶領從左路繞上山梁向賊
後壓下賊匪慌亂色爾滾武隆阿等卽乘勢搶
上橫山子兩路兵勇衝入賊巢攪殺一處賊股

內有頭戴翎頂一人往來督陣勢甚兇悍色爾
滾躍馬直前挽弓欲射被該匪持矛戳傷左肋
墜馬滾巖只傷皮膚幸不甚重兵丁李貴奮力
上前將該匪戳斃賊勢潰散經我兵殺斃二百
餘名生擒何倖修等一百三十四名餘賊向大
深溝逃遁臣德楞泰仍令馬瑜克什布武隆阿
等帶兵躡蹤追剿並令達自祥羅思舉等帶領
步隊由小路抄截色爾滾仍換馬追殺兩路官
兵又殺賊二百七十八人生擒冉大會田仕得
等三百十七名該匪分股由尖茶坪黃鍾鋪草
壩場一帶逃遁其計殺賊五百八十九名生擒
四百三十餘人滾崖跌斃及逃散者甚多奪獲
旗幟鎗矛二百餘件騾馬三百餘頭匹我軍只
傷亡弁兵數人遂將兵丁李貴所殺頭戴翎頂

之賊令該犯雷順安等指認據稱係新元帥荷

潮獻荷文明胞姪向日亦當先鋒在賊營中主

謀管事今封為元帥荷之明自稱為老掌櫃等

語又於殺斃賊匪內認出荷文明堂弟荷文舉

生擒賊犯內認出偽先鋒景仕朝旗手雷春發

等三名臣德楞泰當飭將景仕朝等凌遲處死

所獲各犯內訊明被脅未久者一百八十九名

聖朝聖德編卷三

三

均予釋放其餘多系戰手概行正法是日臣額

勒登保由洪口至亂石子臣德楞泰一路官

兵已獲勝仗賊匪竄向黃鐘舖仍恐其北出竹

峪關遂連夜由竹峪關亭上廟官壩一帶迎截

賊匪知北面又有兵來復由石人壩仙女寨走

馬坪折向東南而遁臣額勒登保即帶兵由太

平趙家壩舊縣壩一帶竄往東面探蹤抄截賊

匪現由沙壩場出樊噲墟渡口巖向南逃竄該

匪經此番剿殺兇鋒大挫所存已不過千數百

人亡命疾走更不敢稍有停留據獲犯供稱該

匪自甘境折回之後原要由太平西鄉入陝因

北面有兵疊次攔截現欲由開縣大寧入楚等

語查刻下勒保於開縣一帶督剿賊匪賽沖阿

溫春帶兵在大寧寶塔一帶薛大烈在小平溪

聖朝聖德編卷三

三

明通井一帶因湯劉股匪所剩無多於冰雪深

山中潛蹤逃匿各路官兵皆在東面設法剿捕

臣等已知會勒保督兵向溫湯井一路探聽荷

逆竄蹤相機遏截並飭知薛大烈於雞鳴寺明

通井等處截剿杜其入老林東竄之路臣德楞

泰連日緊躡賊蹤追剿臣額勒登保又派令總

兵豐紳分帶官兵二千餘名由紅巖子渡口

緊顧東面協同臣德楞泰併力進剿惟因東而
一帶大兵雲集西面甚屬空虛恐該匪乘間折
向西趨臣額勒登保現已親率札克塔爾等由
固軍壩官渡黃金口一帶進發以備該匪折向
西來即可迎頭截殺有此數路大兵合力趕辦
自不致稍有蔓延約計旬日之間必可就地殲
洗臣等俟將此股賊匪辦完即察探各股餘氛
以次掃滅再格布舍楊芳等所辦李彬股匪自
上月二十四日追至東鄉太平溪斬獲多人之
後該匪翻越山林由太平雞鳴寺兩扇門遁至
峽境之八仙河格布舍楊芳等星馳追截節次
殲擒所剩僅百數十人又經格布舍楊芳等將
該匪由南天門大竹河截回太平地界臣額勒
登保於十五日晚間進抵竹峪爾據民人報稱

有賊匪百餘人竄至附近之董溪口老林並有
該匪股內逃出難民陳大富供稱此股即係李
彬殘匪臣額勒登保以該匪為數無多條隱條
現若偵知多兵追剿必仍四散潛逃轉難搜捕
已酌派參將朱槐遊擊劉健標等共帶精健兵
勇八百名作為兩路連夜前往分投兜剿務期
弋獲格布舍楊芳等次日帶兵到來已歸併臣
額勒登保一路進剿奏入
上命軍機大臣傳諭額勒登保德楞泰曰此次苟文
明股匪由巴州竄入通江境內額勒登保德楞泰
分路兼程進剿賊匪屯紮木耳巖德楞泰分兵進
攻賊匪仍敢恃險抗拒我兵奮勇衝入賊羣攬殺
共計斬獲賊匪一千餘人並殲斃苟文明之姪偽
元帥苟朝獻苟文明之弟苟文舉及偽先鋒旗手

等大挫賊鋒額勒登保探聞德楞泰一路已得勝
仗恐賊匪北竄竹峪關卽帶兵迎截賊匪知北面
又有大兵不敢竄陝折向東南逃遁所辦尙好本
日正屆歲除得此捷音成功已在旦夕額勒登保
德楞泰著加恩各賞四喜玉牌搬指玉鼻煙壺大
小荷包用迓新禧速成大功永承恩眷副都統銜
色爾滾乘賊匪慌亂搶上山梁欬射頭戴翎頂之

聖朝勳績編卷三

三

賊致該匪持矛戳傷墜馬仍換馬追殺實屬奮勇
著賞大小荷包如續有出力之處著額勒登保等
再行保奏另發去玉搬指翎管各十個鼻煙壺十
件交德楞泰分賞所帶出力員弁至兵丁李貴兒
色爾滾被傷墜馬奮力上前將該匪戳斃色爾滾
得以無恙其戳斃之賊卽係偽元帥苟朝獻乃賊
人用事頭目倉猝被戮賊勢始行潰敗尤爲超衆

出力李貴卽著超補千總以示獎勵苟逆一股經
此次痛剿之後所剩不過千數百人亡命奔逃勢
已殘敗額勒登保等務當趁此兵威勝勢專心剿
辦迅速盡數殲除勿留餘孽此股辦竣其餘皆不
過零星散竄之賊伊二人自當分投剿捕額勒登
保應赴陝督同惠齡楊遇春等搜捕漢陰南山等
處賊匪德楞泰係成都將軍應卽在本省幫同勒

聖朝勳績編卷三

三

保剿辦李彬湯劉等逆川陝兩省股匪辦竣卽各
行馳奏至漢陰一股賊首不知是何姓名初以爲
必係由楚竄陝之賊前閱吳熊光等奏報情形楚
賊並無竄入陝境者昨又據勒保奏李彬一股已
由川竄陝朕又疑漢陰之賊必係李彬今額勒登
保等摺內稱李彬股匪前由太平竄至陝境八仙
河經格布舍楊芳帶兵追殺祇剩殘匪百數十人

截回太平地界李彬仍在川境其漢陰之賊究
係何股從何處竄來額勒登保等仍遵前旨確查
具奏此時陝省辛劉餘匪竄入南山其漢陰竄匪
已近安康一帶恐與山內辛劉合夥著額勒登保
咨催惠齡楊遇春督同汪啟穆克登布韓自昌吳
亨衍等上緊剿淨勿少遲緩

欽定剿平三省邪匪方略 正編卷二百九十三

欽定剿平三省邪匪方略 正編卷二百九十三 壬戌年

正月初一日 癸酉 惠齡長麟奏言 臣等先後馳抵

武功縣屬之扶風鎮接據署寧陝鎮總兵副將
韓自昌報稱探知賊匪有東竄山陽之信卽帶
兵繞至東北向西南抄截賊匪知東面有兵卽
折向西南雙溝腦一帶狂奔韓自昌督催兵勇
緊躡追剿二十日賊匪奔入鎮安屬之焦圍溝
老林佔踞山梁恃險迎敵韓自昌督率兵勇分
路搶上賊匪抵死抗拒有武生伍敏軍功毛貴
不避危險奮力仰攻殲斃賊匪五六十名生擒
執旗賊目李正並牙手十六名立時戮斃賊匪
敗潰竄入老林兵勇緊追搜捕賊匪自相擁擠
落崖跌斃者又有三十餘人生擒二十四名奪
獲旗幟鳥鎗賊矛驢馬甚多該匪卽折向鎮安

五郎交界一帶向西北奔竄此次共計擒殺賊匪一百餘名訊據活賊孫踞官等供稱此股賊匪有五六百餘人係宋憲伏及李貴成二人為首由四川竄入西鄉漢陰交界偷渡江北當將正賊孫踞官等十七名正法其餘被裹難民移交地方官安插韓自昌仍帶兵緊躡適提督楊遇春亦於二十日馳抵鎮安由孝義舊縣關一帶進兵自東北向西直兜截查該匪不過剽有四五百餘人楊遇春韓自昌既趕上賊蹤而面夾擊無難於日內全殲殲滅至辛聰賊匪先有一百餘人折竄黑河化山等處臣等已委副將齊郎阿都司蘭福趕往剿辦並調鞏秦階道朱爾漢遊擊七十九迅赴甘肅邊界防堵茲據報稱該道等已於二十三日帶兵趕抵徽縣

是甘肅邊界已有准備此外尚有辛聰餘匪仍南山內北面一帶奔竄逼近威寧縣屬之小峪口福峪等處現有副都統慶溥通判維昂分投追剿亦無難尅日掃除惟辛聰餘匪既已竄近各峪口宋應伏股匪現由鎮安折向西北奔竄勢亦必由五郎四畝地金雞河一帶竄入南山北面老林現在各峪口並無兵備臣等或慮由子午峪入山督催剿辦或應即在南山北面策應防堵並可兼顧甘肅之處容俟馳抵子午峪察看賊匪趨向再行相機辦理奏入

上命軍機大臣傳諭惠齡長麟曰惠齡長麟奏漢陰渡江賊匪首逆宋應伏李貴成經副將韓自昌截回殲擒賊匪一百餘名不至再向東趨元旦得此佳信川陝各股賊匪必能即日殄平覽奏實為欣

慰現在殘匪只有四百餘人韓自昌帶兵緊蹙提督楊遇春亦由孝義舊縣關一帶自東北向西南兜截正可兩面夾擊惠齡長麟務當督催楊遇春韓自昌等上緊截剿迅速殲除竚望捷音踵至副將韓自昌督率兵勇分路搶上山梁殊為奮勇武生伍敏軍功毛貴奮力仰攻均屬出力俟此股賊匪剿盡後著惠齡等保奏候朕酌量加恩至此次偷渡漢江賊匪係宋應伏李貴成爲首該二逆自係川省敗竄之賊但節次經畧叅贊所報賊匪從未奏及該二逆姓名究係從川省何股賊匪內分出由何處卡隘逸入如拿獲活賊務須訊明二逆來蹤遇便覆奏再辛聰餘匪現在南山內北面一帶奔竄據奏慶溥維昂分投追剿應卽飭令迅速殲除此股爲數雖屬無多有首逆辛聰在內勿令

欽定剿平三省邪匪方略

正編卷二九三

四

俾逃漏網爲要至五郎地方早經添設總兵其南山各隘口亦添派兵弁分段駐守前據長麟等奏添設營房因一時未能建蓋早有旨令長麟等酌蓋窩棚暫令兵丁棲止何以現又稱各峪口尙無兵備竟與未設鎮以前無異豈長麟前次奏稱安營設汛之語竟屬空談並未游里耶此係長麟任內之事與惠齡無涉著惠齡將此一節查明據實覆奏長麟此時自不應急於回京仍當在彼幫辦一切現在江北竄匪未經剿淨惠齡初到陝省所有南山一帶情形長麟較爲熟悉自應與惠齡同在一處將剿捕機宜并總督任內應辦事件面爲交代總俟江北南山零匪悉數剿淨長麟卽可回京養親不必俟大功告竣也

欽定剿平三省邪匪方略

正編卷二九三

初二日甲惠齡長麟奏言臣惠齡由省起程於

二四九

二十一日馳抵鳳翔_臣長麟當將印篆卷宗委
員移送_臣惠齡即於二十三日接印任事途次

聞有賊匪一股由漢陰渡江_臣長麟已札商提

督楊遇春並飭派署寧陝鎮韓自昌前往截剿

伏查此股賊匪於竄過江北之後_臣長麟即經

飛飭漢陰廳確查賊匪偷渡處所及防江員弁

以憑咨呈經畧奏茲據查明此股賊匪係由

聖祖聖孫編卷五

六

川省竄入陝省西鄉漢陰交界從段江石偷渡

過江防守段江石把總黃大勇業經陣亡統轄

防江大員係涼州鎮總兵劉瑞因在石泉防堵

聞信趕至賊匪業已偷渡北竄但係該總兵統

轄汛地相應請

旨將總兵劉瑞革職俟報明經畧另派防江大員更

替即將劉瑞就近解赴漢中交撫臣陸有仁審

訊辦理再查賊匪竄過江北於十四日竄至孝

義屬經護鎮安營遊擊馬世勳孝義營都司馬

進署孝義同知孫樹各帶兵勇分投截擊即於

十四日在孝義老菴地方與賊接仗殺賊十餘

人生擒三名解送孝義廳審訊該匪被剿後已

於十八日竄入商州有奔山陽之勢韓自昌已

追及賊蹤並據探報楊遇春將幸聰殘匪交副

聖祖聖孫編卷五

七

都統慶溥通判雒昂專辦楊遇春已於十四日

由華陽向鎮安一帶進兵自係親往剿辦過江

賊匪計此時已可趕至山陽商州一帶又據陸

有仁札稱一聞賊匪過江即移會總兵蔣克登

布汪啟馳往剿辦_臣等並已先後飛咨河南湖

北督撫鎮臣一體嚴密防堵_臣惠齡長麟即日

自鳳翔起身由商州北面一帶入山督催剿辦

現在辛曉賊匪被剿情急分股四竄十二月十八日有一百餘人仍由黃柏園竄出南山奔入黑河餘匪尚在山內臣長麟恐慶溥維昂不能分兵已另派副將齊郎阿都司蘭福趕赴黑河截剿並飛飭鞏秦階道朱爾漢遊擊七十九在甘境一帶嚴密防堵臣愚齡又復飛催該將等務須趕緊剿辦實力搜捕以期淨盡

聖諭

同日陸有仁奏言前自漢陰過江之賊由鎮安之栗札坪竄至孝義防守都司馬進署同知孫樹等分領兵勇截剿殲獲賊匪十五六名賊向藍田屬之高橋等處竄逸馬世勳即由鄆家河一帶扼截楊遇春因此股賊匪亟須先為剿辦已將辛逆專交慶溥維昂兩路兵勇辦理自卽帶兵由鎮安栗札坪趕往督辦署將軍祥保接

臣咨會亦已挑派官兵馳赴藍田以杜賊竄東

北之路署總兵韓自昌由孝義馳往會剿慶成復派令參將吳亨衍帶兵協擊計此時祥保所派滿漢官兵及韓自昌所帶兵勇均可抄出賊前楊遇春所帶勁旅亦即緊躡前進兼以山內各寨勇於賊到之處合力轟擊聲勢極為聯絡諒此殘敗餘氛無難即時殲洗不致蔓延東趨

聖諭

查此股賊匪前由段江石地方竄過江北先據漢陰屬稟報該處係紫陽漢陰交界臣以總兵汪啟近在紫陽且距賊竄之路較近是以咨會該鎮迅速馳剿嗣據查明段江石地方上游係劉瑞汎地中隔一石下游係汪啟汎地前次堵剿陣亡之把總黃大勇實係劉瑞所派之弁臣業已札致額勒登保核辦其辛逆賊匪現與賊

日劉永受分股奔逃辛逆已竄至棧西之鐵爐川一帶劉永受率眾約三百數十人竄至寧陝曲家溝經通判雒昂趕到殲擒一百餘名奪獲鳥鎗刀子甚多餘匪向茶子坪竄逸雒昂現在緊追投剿臣復飛咨慶溥趕緊前赴棧西截剿辛逆一股諒亦不難撲滅又苟逆賊匪因經畧叅贊兩路大兵追剿緊急由巴州折竄通江額勒登保由竹峪關扼截聞德楞泰之兵已由南路趕近賊蹤日內即可兩面緊逼痛加剿洗至各路官兵糧餉臣督飭源源運供不敢稍有缺誤新任督臣惠齡現由棧道前來漢中臣俟接見後所有善後事宜自當面商妥辦均奏入上命軍機大臣傳諭惠齡長麟陸有仁日昨日遞到該督等奏報係在此摺之後已據查明首逆未應

伏李貴成業經副將韓自昌帶兵截回不致東竄提督楊遇春亦由孝義舊縣一帶向西南兜截當即諭令惠齡長齡督催楊遇春韓自昌等奮力截剿迅速殲除其南山內辛聰餘匪亦著飭令慶溥雒昂分投追剿至疎防竄越江北賊匪前據陸有仁奏胡定泰派委守備李芳帶領鄉勇往撲賊營未能得手迨胡定泰帶兵追往該匪已折回段江石地方踰淺過江等語是以降旨令額勒登保查明疎縱緣由傳旨將胡定泰李芳革職今惠齡等摺內入稱賊匪從段江石偷渡過江統轄防江大員係涼州鎮總兵劉瑞請旨革職與陸有仁前奏不符且本日陸有仁摺內僅稱段江石係劉瑞所設汛卡而於前奏指稱胡定泰係屬錯誤之處並未據實聲明若即將劉瑞革職或恐稍有屈抑劉

聖賢集卷之三

十一

聖賢集卷之三

十二

瑞者解任交陸有仁先行訊問俟額勒登保查明
竄匪如果由該鎮所轄汛地逸出自必秉公奏
另派防江大員更換彼時再將劉瑞革職審辦亦
不為遲再陝省現值剿捕將竣之時糧餉關係緊
要上年十二月初五日據陸有仁請截留甘省例
餉銀二十萬兩業經降旨允准并另撥准餉二十
萬兩解還甘省陝省得有此項餉銀倍為寬裕於
一切應付供支務須源源接濟俾士馬飽騰厥功
迅速為要

聖訓

三

初四日丙子慶成奏言臣前因探聞苟逆股匪由
川境東竄額勒登保督兵進至通太地方恐剿
餘匪復奔陝境隨即帶兵由漢南沿卡督飭扼
截途次探知辛劉賊匪北竄經提督楊遇春在
棧東剿殺後分出一股西折本月十七日逾棧

竄入黑河一帶滋擾查黑河西通甘省撤成等

路最多臣先派遊擊李朝顯騎都尉邢承誥等

抽帶兵勇由沔寧持徑抄出西南緊顧嘉陵白

水二江竄徑並嚴飭防堵畧陽弁兵併力向南

逼剿如該匪復由原路回竄臣正可乘機剿殺

一面飛傳各防卡探巡截剿一面令遊擊張泰

廷都司張起熬等各領步隊由老林沿邊探

聖訓

三

蹤伏候邀擊臣自帶馬隊馳往沔寧一帶迎剿

旋據遊擊李朝顯等稟獲賊匪周登明一名訊

係辛聰一股賊匪自漢東與劉永受分夥折回

黑河探知西路有兵截來即商議由原路銜突

沿邊營卡入川等供聞恐賊匪知臣之兵迎頭

前往復思折退遊擊李朝顯等兵力不足退其

西竄是以即在板棧壩堵截俟賊竄出沔境以

南剿殺該匪等日倚老林屯歇夜出大道潛奔
 行人猝不及防一路擄掠殘害搶奪驟馬甚多
 二十四日夜間由鐵鎖關至寧廣交界之福
 橋溝屯紮度其不能西折隨飛催遊擊張奉廷
 都司張起鰲等兵勇速由老林繞進臣即帶馬
 隊馳扼福橋溝口張奉廷等帶弁兵自山梁下
 壓張起鰲等帶鄉勇由老林溝內突出賊匪猝
 不及防奔逃老林兵勇直入賊營往來衝殺立
 斃賊匪八九十人殘匪爬上老林守備李行正
 李如緒千總劉經馬忠良等追殺入林又斃賊
 五六十人生擒五十一名並賊旗鳥鎗等件查
 活賊內有曾大掌櫃係辛聰之師被軍功李雲
 用矛連戳腰膺滾坡擒獲又偽總兵張天湖帶
 手下二十餘人未防兵勇突入驚慌不及拾掇

聖朝實錄卷之三

古

器械跪求投出其沿路新擄民人俱項拴繩鎖
 凍餒難堪一見官兵人人號哭不已隨即查明
 釋放訊據曾大掌櫃名曾賢章係襄陽府宜城
 縣人嘉慶元年父親曾世因習教被拿處死投
 入齊二寡婦營內後與張添倫一起本年冬間
 會合劉起榮長子劉元帥由古城山板蒼壩出
 沔畧黑河往棧東去遇見官兵與辛元帥帶三
 百餘人折回黑河要到甘肅拾馬探知西路有
 兵堵截即由原路過來到福橋溝歇息被官兵
 拿住等供查曾賢章為襄陽起手之賊父子相
 繼傳教已屬罪人惡極又與各首逆同惡相濟
 抗拒官兵自應訊明即行凌遲處死除從賊日
 久之矛手宋林山等三十餘名先行分別正法
 外其曾大掌櫃即令弁兵小心管解漢中札知

聖朝實錄卷之三

古

續修四庫全書 史部 紀事本末類

臣陸有仁研審辦理至偽總兵張添朝等二十
三人哀懇情願殺賊自贖現今委弁管帶隨時
查看稍有可疑仍卽斬除果能打仗不惜身命
尙係有心向善再行陸續遣回本籍安插現在
殘匪百餘人鑽林南竄川境飛卽知會總兵永
明就近協同各卡截剿務期乘此窮蹙剿除奏
入

聖朝罪惡編卷五

七

上命軍機大臣傳諭慶成曰此次幸聽一股賊匪與
劉永受分夥竄回黑河聞知西路有兵攔截復由
原路衝突沿邊營卡逃逸入川經慶成督率將弁
奮勇截剿殲斃賊匪一百八十九人現在殘匪祇
有百餘人慶成已知會總兵永明就近協同各卡
兵勇截擊此等賊匪皆係積惡日久萬無招撫赦
免之理慶成卽當飭催永明務須乘賊匪潰敗之

時痛加剿戮悉數殲除不可再令竄逸此時辛逆
雖已入川若該省防堵嚴密復思折回陝境亦未
可定且苟文明股匪經額勒登保德楞泰大兵合
擊亦難保其不逃入陝省邊界慶成總當在寧沔
一帶扼要駐劄隨時探聽遇賊卽剿以期迅速蕩
事至軍功李雲將首逆曾大掌櫃連截腰膀滾坡
捉獲甚爲奮勇可嘉著查明李雲如未得頂戴卽
賞給八品頂戴如已有頂戴者加一等賞給以示
獎勵至賊首曾大掌櫃一犯罪大惡極想陸有仁
於審明後自必將該犯正法不致稽誅至偽總兵
張添朝帶手下二十餘人因兵勇突入驚慌不及
執械始哀懇乞降並非誠心投順其所稱殺賊自
贖之語殊不可信現在官軍聲勢壯盛當此大功
將成之時豈藉此一二投出匪徒幫同出力慶成

聖朝罪惡編卷五

七

當詳加察看如張天湖等情跡稍涉可疑當立予正法若該犯等委係誠心投順亦不過貸其一死應卽量給盤費遣回原籍安插勿任滋事

初七日己卯額勒登保奏言查荷逆股匪由樊噲

店渡口巖向東南逃竄臣恐該匪折向西趨是

以於二十一二等日率同札克塔爾等由官渡

一帶進發以備截剿旋據報稱該匪已由櫻桃

製省都匪案編卷五

六

垵月亮坪竄回開縣六寧界內東趨臣查該匪

被剿之後所剩已不過千餘人德楞泰帶兵緊

躡而前並有臣派往協剿之豐紳一路官兵聲

勢壯盛若再趕上剿殺一二次必卽完竣臣若

又率師向東追剿前進則西北一帶空虛現在

迤南一帶李彬張魏及各零匪未盡剿除亦

不可顧彼失此是以臣又復向東進發遂於附

近一帶偵探零匪趕緊剿捕二十三日晚間據

民人報稱有零匪二百數十人由開縣境內竄

來在標通山王家坪屯紮遂令札克塔爾楊芳

及副將張瑗蕭福祿等各帶兵勇分路進剿臣

亦卽由厥溪而進詎賊匪聞有兵來紛紛肆竄

各將弁兵勇分投追殺斬獲二三十人及十數

人不等又有零匪二十餘人竄至厥溪後山亦

經臣飭派兵勇擊獲訊據各犯供稱係王山餘

匪一百餘人向依附劉潮選等奔走因官兵追

剿緊急復糾合劉朝選股內戰手百餘人共有

二百餘人向山內奔逃等供臣遂將所獲賊犯

馮學明等四十五人分別凌遲正法訖所有被

剿竄走之賊尙有一百餘人仍令張瑗蕭福祿

李東宣等率領兵勇尋蹤剿捕二十五日於固

軍壩一帶探有確蹤卽乘夜冒雪潛帶兵勇四
路兜圍殺斃三十餘人生擒八十五名內有著
名賊目苟文富偽先鋒杜其瞻大旗手劉顯富
熊桐泰等四名此股零匪已剿捕無遺惟王山
一犯據供於數日前帶領矛手二十餘人潛蹤
他往尙未轉回等語未得將該逆一併擒獲實
爲可恨臣卽飭將苟文富杜其瞻等四名凌遲
處死餘匪均行正法其有附近被脅之男婦八
名亦卽釋放刻下各股零匪人數愈剿愈少兵
至則逃避無蹤兵去則潛出擄掠此時若以全
隊兵勇大張聲勢逐北追奔實屬徒勞無益臣
現惟督率官兵相機徐進一有賊匪確蹤卽派
撥安幹將弁帶領兵勇千數人爲一路數百人
亦爲一路或潛往截擊或乘夜兜擒總使賊匪

聖朝重典

手

猝不及防以期次第撲滅其德榜泰所剿苟逆
股匪恐東竄入楚臣已飛行知會楚省全保長
齡督飭將領探蹤攔截以收夾擊之效倘該匪
因楚省防剿嚴密不能東趨勢必由太平之城
口一帶折竄而來臣現於渡口場大竹河一帶
飛探確蹤以備截擊至臣前次派令遊擊劉健
標與叅將朱槐等各帶兵勇由洪口一帶剿捕
李彬殘匪該遊擊率同千總陳永才探蹤前進
據寨民報稱有賊匪三百餘人於傅家山林等
中藏匿遂率兵勇馳往剿殺斃賊四五十人生
擒八十餘人劉健標等遂將獲犯就近解交太
平縣審訊仍卽帶兵於通江一帶探剿李彬股
匪日內剿辦情形尙未據該將領等報到其所
獲賊犯已據署太平縣鎮蟠雲訊供稟報前來

聖朝重典

手

隊稱係苟文明股內之人十五日被官兵於劉

家壩衝散偽總兵曹世倅帶領二百餘人向傅

家山逃遁要探聽正股合夥曹世倅已被官兵

殺死等供臣飭令將矛手羅開蘭等七十五名

正法其餘二十七名係被脅未久之人即解往

原籍安置又據總兵田朝貴道員劉清先後報

稱張魏賊匪自初五日被剿之後於鹿子廟黃

聖朝聖德編卷三

三

栢亞平河柴家溝一帶輾轉奔逃田朝貴帶領

官兵探蹤截擊十四日早間於天地寨殺斃三

十餘人擒獲五十六名餘匪向廣元之三家壩

逃竄道員劉清因在百丈關查辦團勇事務相

距不遠派令鄉勇截剿斃斃百餘人生擒五十

餘名賊匪竄往董家梁一帶是日夜間仍令鄉

勇前往掩擊又殺斃五十餘名生擒五名鄉勇

陣亡十數名田朝貴現由三會場截剿臣已諄

飭該鎮道等務須顧住西南營儀一帶妥商剿

辦以期即日殲除至田朝貴前次擊獲賊犯有

老掌櫃張添倫身受鎗傷藏匿林箐之供該鎮

差人前往查驗業已身死將首級割解前來當

即令人辨認據稱係張添倫之弟張添祿又名

張小祿充當元帥亦係緊要賊目臣復經飭知

聖朝聖德編卷三

三

田朝貴等務仍將張添倫留意拏獲無任漏網

再臣於二十二日接據陝境稟報近有零匪二

百餘人於初四日夜間由紫陽之木梓河段江

石竄過漢江北岸臣當即飛行知會楊遇春慶

溥分帶官兵速赴該處緊要頃東北截剿勿令遠

颺二十六日又據陝安道朱勳報稱楊遇春所

剿由寧羌竄出之辛聰賊匪由棧道竄往南山

楊遇春於留壩之黃家場得獲勝仗餘匪四百餘人竄近秦嶺楊遇春因聞有零匪竄過江北恐其乘間東趨卽酌量緩急將辛聰股匪交慶溥率同叅將佟福通判維昂帶領兵勇剿辦楊遇春由石泉寧陝進剿過江之賊約計兩股賊匪不過八九百人皆可計日殲除不能稍有滋蔓

《聖朝通志卷一百一十五》

清

額勒登保又奏言本月二十二日接據慶成來信初五日有賊匪數百人竄過漢江北岸等情臣正在飛行飭查間茲於二十六日據防守五黑壩之總兵胡定泰專差兵丁賚稟到營臣當卽查閱來稟並將該兵丁嚴加詰訊據稱初一日晚間探有一股零匪三百餘人由觀音堂老南山竄至廟溪河木竹山一帶胡鎮於是日晚

間帶兵起程初二日至觀音堂初三日至老南山是日發兵赴廟溪河乘夜進擊該匪已由臘溪河碾子壩向江岸亡命奔逃官兵追至碾子壩天色已晚次日帶兵往追該匪又竄往上七里連夜奔向木梓河而進胡鎮因相距已遠不復跟追賊匪從段江石衝卡竄過江北等語又據防守柳溪江岸之總兵劉瑞稟稱初五日據遊擊龔鐸差報有賊匪三百餘人乘夜竄至木梓河段江石躡淺過江北岸防守把總黃大勇帶兵七十名截擊黑暗中受傷陣亡兵丁傷亡數名其餘被賊衝散遊擊龔鐸在漢王城防守聞信帶兵策應賊已竄過劉瑞在柳溪相隔一百二十里卽帶兵由江北三岔河抄截等情臣查刻下零匪肆竄恃各營卡官兵聯絡剿捕乃

《聖朝通志卷一百一十五》

圭

能速期淨盡節次飛牌傳飭此次零匪僅三百餘人胡定泰帶領兵勇二千餘名在王黑塢等處分設卡隘堵剿若能奮力截擊必可就地殲除何致竄過漢江北岸該鎮截剿不力之咎實無可辭應請

旨將河州鎮總兵胡定泰革職作為兵丁効力贖罪

以示懲儆至遊擊龔鐸帶兵三百餘名在漢王

聖祖實錄卷三十一

美

城防守段江石係該遊擊分出小卡相距四十

里此次賊匪竄過江岸該遊擊未能先事預防

又未能迅速接應以致疎虞更有應得之咎應

請

旨將遼鳳營遊擊龔鐸革職即於江岸柳號示衆使

防江各員共知儆惕其總兵劉瑞防堵之處相

距甚遠已帶兵前往截剿俟該鎮報到如何剿

辦情形臣另行查核具奏均奏入

上命軍機大臣傳諭額勒登保曰額勒登保於通南

附近一帶探有劉潮選夥匪王山等二百餘人向

山內奔竄即派鎮將等搜捕將零匪剿淨無遺額

勒登保以刻下各股殘匪愈剿愈少若以全隊兵

勇追奔逐北徒勞無益現已派委將弁分路剿辦

所見甚是此時所剩賊匪俱屬敗殘餘燼零星散

聖祖實錄卷三十一

毛

竄若專注意一二首逆置餘匪於不辦則該匪等

得以乘間裹脅湊聚又成大股即如漢陰之賊宋

應伏李成貴向不著名今忽竄越江北為首滋事

可見烏合之衆本無一定賊首惟有隨時隨地遇

賊即剿果能將敗黨殲除淨盡其首逆勢孤無所

依附亦斷難漏網現據查明前次田朝貴拿獲之

張添倫實係伊弟張添祿該犯曾充偽元帥亦係

緊要賊首今既被傷身死賊夥又少一要犯總之
不論何賊以掃除淨盡為要再苟逆一股經德楞
泰帶兵趕剿自無難尅日辦竣斷勿任其東竄入
楚該省現有戴四崔胡曾樊等逆在彼潛匿該處
帶兵大員剿辦已覺遲緩豈可復令苟逆闖入額
勒登保應即飛咨楚省防堵苟逆并飭催全保長
齡等上緊將本境之賊速行剿盡勿再延玩又額
勒登保因陝省尙有辛聰股匪及過江之賊未經
辦完飭令寧陝鎮總兵楊芳前赴任所協同剿捕
所辦亦好至前此據陸有仁查明竄越江北賊匪
係胡定泰李芳等疎防當經降旨飭令詳悉嚴查
昨又據惠齡等奏稱賊匪由段江石偷渡統轄大
員係總兵劉瑞洪即以與陸有仁所奏不符恐稍
有屈抑是以僅將劉瑞解任詢問今據額勒登保

聖旨

天

查明竄過江北賊匪僅止三百餘人胡定泰帶領
兵勇二千餘人前往堵剿因相距已遠不復跟追
賊匪遂衝卡過江請將胡定泰革職作為兵丁効
力贖罪遊擊龔鐸未能先事預防并請革職於江
岸柳號示眾等語此股竄匪實由胡定泰等疎玩
所致著額勒登保親提嚴審如祇係現在所奏情
形即照原議分別懲辦俟大功告竣再將伊二人
發往伊犁倘有別項畏蕙情節即當從重定擬具
奏所有胡定泰原帶之兵應派員接管其所遺河
州鎮總兵員缺著於軍營出力應陞人員內保奏
數員候朕簡放至劉瑞在柳溪駐劄距賊一百二
十里該鎮聞賊匪竄越即帶兵抄截尙無不合劉
瑞著不必解任仍回防堵處所其陸有仁所叅守
備李芳額勒登保摺內未據奏及并著查明該守

聖旨

天

備有無疎縱情節併據實覆奏

聖朝通志編卷一百一

三

欽定剿平三省邪匪方略正編卷二百九十四年 壬戌

正月初八日 庚辰 勅保奏言查楊掌櫃帶領殘匪

四百餘人向墊江梁山一路奔竄適 臣 帶兵迎

截該匪等聞信折回向長壽江北等處奔竄該

境場集居民久已復業賊匪猝至必多驚擾 臣

當即督同總兵張志林等連日緊躡進剿二十

日申刻行抵長壽江北廳交界之桶井地方探

聖朝通志編卷一百一

一

得賊匪在古路坪屯聚查桶井兩山對峙地勢

高峻距古路坪尚有四十餘里若官兵翻山前

進該匪等必聞信驚逸當飭官兵在山坳暫紮

募食於三更發兵張志林帶同副將李錦麟遊

擊唐際盛夏雲龍等率領兵勇乘夜翻山前往

臣 督同侍衛花品塔什拉副將倭星額叅將盧

呈滿遊擊門繼春王泰等帶兵繼進約五更時

一丁六〇八寸書局印行 8 頁之四

候張志林等行無古路坪賊匪並不知覺賊首及婦女等俱在場上空屋歇宿精壯戰手四散在場外露處官兵乘其不備猝至擒殺該匪等驚覺場外匪眾亡命肆竄屋內所住賊匪亦紛紛奪路逃走適臣亦帶兵趕到當飭花品塔什拉倭星額門繼春會同張志林李錦麟等帶領兵勇分投搜捕斃賊五六十名擒獲男婦一百七十四名口餘匪乘黑四路奔竄當於活賊內查出張長德一名訊係首逆張長更之弟李氏一口係賊首楊掌櫃之妻臣親提訊問據張長德供稱自嘉慶二年四月間與兄張長更同入老教林亮功夥內張長更充當元帥我充當戰手後來林亮功被殺我在徐添德夥內管事今年夏間徐添德在陝西被官兵打敗我就帶六

聖朝聖編卷之三

二

七十人逃入老林與何贊合夥後來何贊又與楊掌櫃會合共有六七百人從開縣山內出來到忠州地方遇官兵連打兩仗何贊被官兵拿去我與楊掌櫃逃到此間被官兵拿住楊掌櫃不知何往又據李氏供係雲陽縣人丈夫周德上年被徐添德一夥賊匪殺死搶我入營有青號頭人楊姓留我為妻一路行走有時山裡藏匿有時出來擄掠等語當將張長德凌遲處死又訊出偽總兵何祖明旗手譚一連李士奇及戰手熊美先等八十八名均即分別正法其餘蔣申孫李氏等八十一名口俱係附近被脅未久之人當交江北廳分別遞籍惟楊掌櫃之妻李氏本係難婦非逆屬可比但既與賊首楊掌櫃配合日久應暫交巴縣監禁留為識認逆犯

聖朝聖編卷之三

三

之用俟此股賊匪殲淨再行遞籍保釋至該股所剩餘匪計不過二百餘人剿散後分起逃走一起由茨竹林向合州一路奔竄一起由靜觀場向江北鎮一路奔竄查兩路均近江岸該匪雖屬無多倘被偷渡川西終恐滋蔓臣當卽帶兵由江北王家場悅來渡等處截住沿江之路飭令張志林李錦麟等向茨竹林一路追躡又製看刑勇彙編卷四四製看刑勇彙編卷四派副將倭星額遊擊門繼春等向靜觀場一路兜擊該匪等聞官兵分路兜剿不敢竄近江岸折回隣水縣屬之譚子壩地方合夥張志林倭星額等兩路官兵追剿沿途擒斬落後賊匪十數名一二十名不等因連日天氣陰雨山路溼滑賊匪亡命狂奔官兵未能趕及現在該匪已向大竹渠縣一路奔竄下游江岸無虞臣卽帶

兵由隣水趕緊前進督同張志林等迅速追躡以期將此股竄匪殲淨再查川省教匪滋事以來地方官勸諭百姓築寨集團堅壁清野連年頗著成效惟是向時賊勢尙衆百姓僅能憑險自守能殺賊立功者不過百分之一二近來官兵各路剿捕賊勢已十去其九臣昨與額勒登保德楞泰彼此會合預將善後大局通盤籌畫定議俟辦完大股之賊卽將官兵分段駐劄搜剿餘匪必俟餘匪淨盡方可徐議撤兵又恐餘匪零星四散官兵蹤跡難周仍須激勵鄉團協力搜捕而舊日鄉團祇能各自爲守無官統率終覺散而無紀難期得力若僅責成本管州縣則收令等外有地方應辦事宜勢又不能常在四鄉辦理一練之事惟有遴委熟悉軍務大

員分路總理其事仍多派正佐各員分定段落各專責成申明約束聯絡聲勢兵力之所不到則以民力佐之民力之所不支則以兵力助之庶幾偵探易周而賊無潛匿之地但此事必須乘官兵未經分駐之先辦出頭緒庶將來易於集事是以額勒登保德楞泰與^臣會合時公同議定章程^臣當即遵委會辦軍務熟手之道府丞倅并飭司由省揀派州縣佐雜各員指定段落各赴差所分投辦理以廣元蒼溪南江通江爲一段派候補道劉清總理以寧遠府知府德福佐之並派正印官二員佐雜二十員分路經理以太平大寧爲一段派候補道府鄭成基總理以同知銜候補通判李在文佐之並派正印官二員佐雜二十員分路經理以達州東鄉新

欽定剿平三省邪匪方略

正編卷二九四

寧梁山開縣爲一段派成都府知府趙秉淵總理以西陽州知州張星偉佐之並派正印官二員佐雜十員分路經理以奉節巫山爲一段派雅州府知府周景福總理並派正印官一員佐雜八員分路經理以雲陽萬縣爲一段派知府銜候補同知直隸州劉大經總理並派正印官一員佐雜八員分路經理其餘忠州墊江酆都涪州長壽江北合州定遠岳池隣水大竹廣安渠縣營山儀隴蓬州南部南充閬中昭化劍州等州縣均屬腹地幅員較狹且將來大兵分駐後該境賊氛自遠應卽責成該地方官經理仍各添派佐雜二員幫辦此次辦理團練需員較多川省大小正佐各員多有在軍營効力出身者於防堵事宜頗多熟手均勻分配儘敷差委

欽定剿平三省邪匪方略

正編卷二九四

凡各員分定段落後每一寨一碉挑選團練若干名派令寨首管領每伍雜一員管領寨碉若干處每正印官一員管領佐雜若干員均以各該路道府總理其事現有大小各員俱已陸續前往差所分路查點寨碉團勇造具花名清冊刊立告示條規頒發賞格約正二月間可以辦定章程此時川省大夥之賊惟苟文明一股人數較多現有經畧叅贊兩路大兵剿辦自不難即時完竣即湯劉等逆雖尚未就擒而其夥匪無多勢極窮蹙亦與他股零匪無異彼時團練既成大股已完即可將官兵分段駐劄凡遇賊至零星無多者本寨團練即為堵擊附近寨碉亦共相策應搜捕賊匪稍眾本段官兵就近剿捕至團練人等有能斬獲匪眾及擒獻首逆者

欽定四庫全書

八

照依賞格分別賞賚各員督率有方亦量加獎勵所需經費由總理道府稽覈撥支給倘有冒功滋事及辦理不善者各治其罪設有賊匪悔罪來投即由該委員就近訊明若係緊要賊首錄供稟報覈辦如係尋常夥匪即查明籍貫分別遞籍安插俾得各安生業不致再流為匪如此民團既有統率而兵力復相表裏賊匪無遯跡之處必不能再延殘喘統俟賊氛淨盡再與額勒登保德楞泰酌量情形妥議撤兵以期一勞永逸斷不敢專恃團練稍存草率遷就之見奏入

上命軍機大臣傳諭勒保曰賊匪楊掌櫃等向墊江一路奔竄勒保督同張志林等帶兵追剿沿途殲擒賊匪二百餘名并生擒首逆張長更之弟張長

欽定四庫全書

九

德偽總兵何祖明并楊掌櫃之妻李氏此次勒保所剿楊掌櫃一股祇係敗殘之賊自應搜捕淨盡卽屬善後事宜原不必待大功告竣始行辦及勒保係該省總督所有本境內未淨零匪皆其專責務須督率將弁隨時隨地詳細搜剿每辦一處卽將該處廓除淨盡斷不可稍留餘孽卽大功告竣後勒保亦無專駐省城辦理地方尋常事務之理

十

仍當赴深山老林一帶及賊匪平日來往潛匿處所周歷巡查搜緝以絕根株至苟逆股匪經額勒登保等在通江境內痛加剿殺殲擒一千餘人自無難尅日掃除惟昨額勒登保摺內有苟逆一股恐東竄入楚之語苟逆如果思竄入楚界自必由川東經過勒保規督兵在彼應卽嚴飭將弁等實力堵截但能遏其前竄之路則德楞泰等大兵從

後緊追兩路夾攻賊匪自無從逃遁可期一鼓殲除至李彬股匪已由陝截回川境格布舍等跟剿會否續有勝仗并賽冲阿薛大烈等剿捕之賊如探聞的確均卽迅速具奏又據奏派委道府分段團練兵力之所不到則以民力佐之民力之所不支則以兵力佐之等語此事早應如此辦理兵與民同係蒸黎本無區別伊等均各有室家一遇賊匪協力捍禦爲公卽以爲私是設兵固以衛民而團勇等守望相助亦與兵無異但須地方官認真團練務使聲勢聯絡用收實效勿徒作紙上空談其辦理團勇正佐各員於所管地段有能斬獲賊衆擒獻首逆者卽使該員向來居官平常此次實能出力卽當奏請加恩若心存偏向將擒獻功績移向平日能事之員以爲酬勞之具又將何以服

衆該督總當核實查辦不可稍有冒濫屈抑以昭公允

同日陸有仁奏言前自漢陰過江之賊由藍田邊境竄至鎮安雙溝一帶韓自昌恐其乘間東竄卽連夜冒雪帶兵繞至東北攔截詎該匪聞風折竄由太嵐溝奔逃至焦團溝山梁恃險屯紮韓自昌督兵分路進剿該匪胆敢放鎗擲石

《聖朝聖訓彙編卷五》

十三

抵死抗拒軍功伍敏毛貴率勇奮力仰攻搶占山梁登時斃賊五六十名賊衆始奔入老林復經兵勇追擊又滾崖跌斃三十餘名生擒賊目李正並矛手龍潮等四十餘名奪獲驟馬旗幟鎗矛百餘餘匪翻老林竄至西北車家溝一帶韓自昌仍督同伍敏毛貴等緊躡窮追不予該匪以片刻之暇訊據獲賊供稱此股賊匪係宋

應伏李貴成二人管領並無著名首逆在內

臣

查此股賊匪據報原止五六百人現經官兵趕上痛剿其勢已極殘敗提督楊遇春復趕至鎮安一帶分路緊追長麟惠齡已由鳳翔馳赴商州督剿自可尅日掃除斷不致蔓延東竄又劉永受股匪經通判雒昂剿敗後由鄂縣高溝竄至紅沙觀音山一帶慶溥雒昂現在分投兜截

《聖朝聖訓彙編卷五》

十三

其辛逆帶領之賊由棧西黑河一帶竄至沔縣曰岩河經該縣典史謝大名督率平安等寨義勇奮擊擒獲賊匪數名餘悉敗竄至寧羌風香溝偏橋溝一帶經慶成帶兵趕到擒獲一百餘名並拿獲辛逆之師曾顯章偽總兵劉學富餘匪奔竄老林慶成現在跟蹤搜捕又西鄉邊界之廟埡子有零匪竄入經委員余春溥督率雙

山等寨義勇用鎗礮擊斃偽先鋒譚姓並餘匪數名賊卽折回川境臣已將出力寨勇酌加獎賞又總兵穆克登布派兵至平利八仙漁棚子一帶剿賊獲有勝仗生擒偽總兵袁思各殺斃偽總兵艾彩堂及餘賊數十名並自行投出數十名餘匪卽竄赴四川邊界又叅贊德楞泰剿辦苟逆股匪已大挫賊鋒並生擒苟逆之弟苟文舉偽先鋒苟潮獻經畧額勒登保現由通江舊縣壩一帶抄截以期兩面夾擊一鼓殲除連日各路捷報頻聞若苟逆大股一經辦完其他零星之賊不難以次蕩平轉瞬新春大局卽可戡定臣實不勝欣祝之至奏入

上命軍機大臣傳諭陸有仁曰此時各股賊匪惟苟逆一股人數較多昨據額勒登保奏稱苟逆被剿

聖祖聖孫編卷五

古

之後已由開縣大寧界內東趨恐其奔竄入定但賊匪蹤跡無常見東路追剿緊急或折而北竄亦未可定是陝省邊境地方不可不嚴密防守現在寧沔一帶慶成帶兵在彼堵剿一切糧餉供支陸有仁務須源源接濟不可稍有缺乏至漢陰過江之賊經韓自昌痛加追殺其勢已極殘敗陸有仁當飭催慶成等上緊就地剿除勿令蔓延他竄速清陝境爲要再前據惠齡等奏賊匪偷渡過江統轄大員係總兵劉瑞朕以與陸有仁所奏不符是以降旨僅將劉瑞解任詢問今據額勒登保查明此股竄匪實係胡定泰龔鐸等疎玩所致現已將胡定泰作爲兵丁龔鐸革職枷號至劉瑞在柳溪駐劄距賊一百二十里該鎮聞賊匪竄越卽帶兵抄截尙無不合劉瑞已有旨不必解任仍

聖祖聖孫編卷五

五

回防堵處所

十一日未德楞泰奏言臣前在巴州之劉家壩

木耳巖等處痛剿苟文明賊股該逆被剿畏懼

宵夜狂奔日行一百三四十里總欲竄遁入山

苟延殘喘臣督率色爾滾武隆阿馬瑜等緊躡

跟追不子以暇沿途日有擒獲二十二日我兵

趕抵漆樹溝探報另有一股賊匪數百由茅坪

《聖諭和碩額驍卷五》

六

竄來現屯榨井壩一帶臣即令色爾滾等帶領

馬步兵勇分路追擊至關口坪見有賊匪二三

百人在彼我兵傍山突出直前剿殺賊眾登時

潰散立斃賊匪五六十名生擒夏有文等四十

七名惟把總袁斌趕追殺賊猝被矛傷陣亡餘

匪向亮垭子東竄又遇額勒登保派來協剿苟

逆之豐紳等帶兵自桑樹坪抄來迎頭截殺又

斃賊二十餘名餘匪扒山越箐四散竄逃復令

色爾滾等趕緊搜捕又拿獲郝通等十三名訊

據各獲犯俱係王山餘匪前被官兵剿散共有

二百餘人並無頭目在內當即分別辦理臣仍

督兵趕辦苟逆二十三日至楊柳池探報苟逆

已入開縣之馬家營老箐竄走姚成壩現屯關

廟山一帶派有戰手數百人圍攻姚成寨糧臺

《聖諭和碩額驍卷五》

七

勢極危險查姚成壩關廟山等處山高路仄刻

下冬令冰雪愈大馬力更難施展當即飛派副

將李應貴遊擊李應元蒲佑盛都司汪濤等挑

帶步隊蹻捷兵勇一千餘名連夜星馳前往救

援該匪遙見官兵即行先遁我兵乘勢趕追殺

賊三十餘名生擒黃祿等十一名逆眾向梨兒

壩一帶東遁旋解到獲犯黃祿等訊據供稱

苟文明自官兵將元帥苟潮獻總兵苟文舉等
殺死無人管事打仗商量逃進老山可以躲避
官兵若官兵追進山來我們就由老林內雞鳴
寺或火山繞出大寧竄往湖北等語查雞鳴寺
火山等處俱係老山箐林該處北走卽太平之
城口高觀寺東通百里荒黃墩在在可入陝境
若出大寧之新田壩桐油壩又可直竄入楚正
籌計間又據總兵薛大烈等稟稱奉額勒登保
飭令帶兵前赴雞鳴寺貓兒梁扼據東面老山
之路苟逆知該處已有官兵迎截折向梨兒壩
並訊得逃出難民供稱苟逆又要出雲陽走陽
橋三壩過湖廣去臣以該逆既有出雲陽之供
則必由寒水壩向東出陽橋壩恐一路跟追不
但前無堵截我軍實難期其迅速與其全隊涉

險受其牽綴莫若分兵前後兜剿較爲得力臣
卽飭令薛大烈等帶兵協同李應貴等緊跟尾
躡臣由榨井壩譚家壩趕緊躡行二十八日已
至大寧之朝陽洞業已抄出賊之東面扼截設
該逆竄出加當灣臣卽就近由奉節之紅池壩
入山抄出大寧之桐油壩仍可截其東奔入楚
之路如該逆希圖竄陝額勒登保現已移師由
大竹河城口等處搜剿零匪兼顧陝境卽可備
剿苟文明折竄毋論竄陝入楚務期根株盡絕
迅速躡平以期戡定大局上紓
聖厪臣頃又連接賽冲阿温春等來信自大寧桃木
灣安葛山礮斃劉潮選股匪七十餘名生擒三
十三名內有湯思蛟之妻傅氏偽總兵王三柳
之妻李氏探馬頭張陞李自臣黃漢義等三名

奪獲刀矛旂幟極多因首逆先逃由開縣之長
 流水趕追十五日在韓朋埡殺賊四十餘名滾
 崖者數十名生擒十三名復派叅將馬元等向
 漁溪溝尾追賽冲阿温春蒲尙佐等又向東鄉
 土黃壩鏢尖壩抄截十六日兵距鏢尖壩不遠
 探有另股賊匪四五百人由礮通山屯於木王
 坪當卽就近分兵兩路追剿直追至五包塲殺
 賊四五十名餘匪情急撲過東鄉前河我兵趕
 追過河又淹斃賊匪數十名賊卽奔上對河山
 梁倏忽折回奔潰遙見賊後已有官兵截殺自
 上壓下係馬元由漁溪溝跟剿韓朋埡之賊前
 後官兵夾擊將兩起賊匪痛加剿殺立斃賊二
 百餘名生擒六十餘名餘匪無幾從旁竄走馬
 家山賽冲阿温春蒲尙佐等復鼓勵兵勇力追

聖朝重纂編卷五

平

至梨兒埡該匪又與該處屯踞匪一百多人
 合夥向大秧田亮埡子逃去我兵直追至黃昏
 後計行已一百八九十里勢難再進是日接仗
 兩次三路官兵共殺賊及淹斃滾崖者計三百
 餘人生擒六十三名奪獲馬騾二十三匹頭鎗
 矛旂幟無數查出礮殺偽總兵胡斌楊大才二
 人因獲犯人多未能細訊已就近全行解交東
 鄉縣訊明分別辦理四鼓後仍卽帶兵由丁家
 坪跟追二十日途次探得劉逆竄走開縣之茅
 埡頭天馬渡一路賽冲阿等又派馬元由臨江
 市左手斑竹園一碗水蝦蟆石跟追自同温春
 河尙佐等帶兵由七皇灘鐵鎖橋吳三坎抄截
 二十一日追至新寧縣之仁市舖探知賊匪在
 潘家槽一帶時馬元等業已緊跟賊尾前來賽

聖朝重纂編卷五

三

冲阿温春蒲尙佐等卽以道碗殿前進官兵行
距潘家槽不遠賊衆一見卽佔山梁經兩路官
兵前後分投仰攻鎗箭齊發斃賊二十餘名該
匪窮極遂皆四散潛匿復又分兵於山溝密林
草窩內遍搜又殺賊三十餘名生擒十七名時
已戊初天氣黑暗訊據獲犯供稱劉湖選情急
只帶十餘人先逃賽冲阿温春蒲尙佐等恐首
逆又復遠颺連夜分派兵勇巡邏二十二日黎
明卽分兵遍行搜捕又拿獲賊匪十三名內有
度向瑤之子度選正賊衆稱爲度少師傅詢以
劉逆下落亦稱各不相顧現在分兵五路令叅
將沈洪遊擊賀廷印都司彭宗棟守備馬光宇
千總祝鵬程等帶兵分路逐加搜捕並飛札新
寧達州大竹梁山各地方官星速傳諭各處礮

聖朝重纂編卷之

三

寨一體嚴密搜拿能擒獲首逆者卽時獎賞並
飛飭各州縣礮寨嚴緊盤拿日內或已擒除亦
未可定再_臣前准額勒登保來信李彬餘匪只
有百餘人苟文明路過洪口時業已合夥進山
將豐紳等所帶兵勇二千餘員名撥歸_臣一路
協剿兵力已足剿辦惟東鄉太平開縣雲陽大
寧沿山一帶時有零星賊匪出沒晝藏夜見四
散摸拏者甚多_臣現已札致賽冲阿等如將劉
逆辦完令其帶兵在開縣之何家壩榨金壩馬
家營一帶逐處搜捕零匪茲復接據薛大烈李
應貴稟報苟逆自姚成壩山內又折向秀才口
至梨兒壩時有先竄在彼之唐大信王士虎各
餘黨共六七百人合夥已北向青灣子奔逃_臣
查此時剿辦賊匪如果合併一處正好聚而殲

聖朝重纂編卷之

三

旃臣即就近取道大寧之紅池關入山自東而
北向湯池關一路相機迎截緊顧東北並飭薛
大烈李應貴等緊躡趕追不可稍存觀望以期
夾擊掃擒奏入

上命軍機大臣傳諭德楞泰曰德楞泰奏荷逆一股
由開縣竄走姚成關圍攻糧臺勢極危急經德楞
泰派兵馳救殲獲多名一面飭薛大烈等緊躡賊

聖訓彙編卷五

五

蹤一面自行帶兵趕至大寧朝陽洞已抄出賊之
東面迎截所辦甚好荷逆一股經官兵節次剿殺
現在賊數已不滿二千其勢自漸覺潰敗但該逆
尚能派出戰手數百人圍攻姚成寨糧臺設或官
兵馳救稍緩寨洞竟被攻破勢必裹脅寨民搶劫
糧石羸馬賊勢又致鳴張不可忽視此股賊匪著
專交德楞泰剿辦務當督率弁兵上緊奮剿并嚴

飭薛大烈等緊躡前進以期兩面夾擊一鼓殲除
設該匪被剿情急竄入陝楚邊界德楞泰亦應緊
躡前往迅速辦淨勿再延緩又賽冲阿等追剿劉
潮選一股連次接仗殲殺賊匪三百餘名生擒六
十餘名該匪逃至新寧地方窮極四散劉逆只帶
十餘人潛逃自不值以大兵剿辦惟當派委員弁
嚴密搜捕以期就獲或徑交地方官查拿亦可賽
冲阿等既將此股剿剩無幾即首逆經他人盤獲
亦係賽冲阿等剿辦之功至東鄉太平開縣大寧
沿山一帶摸摻賊匪往來無定若不速行剿盡該
匪乘間裹脅必致聚成大股總當就地廓除勿留
餘孽所有此次殺賊陣亡之把總袁斌着咨部賜
卹

上又命軍機大臣傳諭吳熊光曰據德楞泰奏荷文

明股匪在姚成寨被剿向梨兒壩一帶東竄商民
逃入老林繞出大寧竄往湖北又大寧之新田壩
桐油壩雲陽之陽橋三壩俱可竄入楚境現在德
楞泰督兵趕至大寧之朝陽洞業已抄出賊之東
面扼截但賊匪詭計異常兼之大寧雲陽一帶山
路叢雜該督等務須將楚省邊境一帶嚴密防堵
以便德楞泰乘勢夾擊就地殲擒若稍有疎虞令
賊匪闖入楚境惟吳熊光等是問本日馬慧裕奏
報湖南捐監銀數朕不待該督等奏請卽諭令馬
慧裕撥銀十萬兩解赴湖北歸入軍需項下支用
該省得此接濟糧餉益臻充裕惟當督率將弁不
分畛域實力防剿以期迅奏膚功

上又命軍機大臣傳諭馬慧裕曰湖南省現存捐監
銀十一萬九千七百餘兩著撥十萬兩解赴湖北

交吳熊光等收貯歸入軍需項下動用

欽定剿平三省邪匪方略正編卷二百九十五年

壬戌年

正月十二日

甲申

吳熊光全保長齡奏言查王曾

二逆暨藍青白各號餘匪自經

臣

等督飭孫清

元吉林泰由東截剿德昌王懋賞由西兜擊

臣

全保長齡從中路深入搜剿三路官兵互相倚

角隨剿隨進日有擒殺該匪大隊總在老林深

遠中東出西沒分合無定總兵德昌王懋賞率

製看邪匪方略正編卷二百九十五年

一

同都司黑達色等帶領兵勇由油坊坪廟坪等

處截擊斃賊八十餘名生擒四十七名搶獲刀

矛旗幟二十餘件餘匪敗折水牛沖北竄適

臣

全保長齡督飭副將朱士奉孫應奉等由麻灣

馬家坪迎截前來賊匪正在摩天嶺鋸廠一帶

希圖掠食官兵自後山衝下截剿賊匪慌忙奔

逃立斃一百餘名生擒偽元帥周本善一名並

活賊三十八名搶獲刀矛旗幟等件餘匪四散

鑽林遁逃當飭副將朱士奉等入山跟蹤搜捕

訊據偽元帥周本善供稱戴四掌櫃前被官兵

勦散後跟隨王曾股匪竄向巴東我帶二百多

人在湖溪一帶老林藏躲眾人稱為元帥原想

歸附王曾大股合夥不料被官兵拿獲等語當

將該犯立行臠割並德昌等一路活賊解送前

製看邪匪方略正編卷二百九十五年

二

來訊出兇惡矛手鍾昌卓等共二十一名概行

正法至王曾二逆東竄與山龍門河又據探報

川匪二股東竄三溪河一帶將入楚境經

臣

原派興巴防守之同知尹英圖都司周言昇等

帶領兵勇迎頭截擊並激勸該處寨民義勇齊

心堵截共斃賊八十餘人賊即西折由火峯山

逃竄

臣

全保長齡由獐洛河上龕灣腰樹扼截

賊匪西竄老林之路孫清元吉林泰由羅坪抄
截前進探得各股賊匪均在龍潭坪大磔西灣
仙峯觀一帶散漫屯紮隨即分路進兵孫清元
同總管托爾托保副將李天林等馳抵馬磔口
遙望賊匪在西灣仙峯觀一帶山梁屯聚該鎮
帶領官兵奮力搶上賊眾倉皇失措翻仙峯觀
遁逸兵勇趕上刀砍矛戳追殺四十餘里斃賊
一百七十八名生擒十四名吉林泰帶領參將
楊安等抄至界嶺該匪散而復聚佔據山梁滾
石下壓吉林泰帶領兵勇分爲兩翼仰攻直上
立斃當先執旗賊目乘勢搶上山梁憑高下壓
匪眾滾崖跌死者不計其數餘眾由三溪河遁
逃官兵追至楊家山斃賊三百餘名割獲耳記
一百十八副生擒六十七名救出男婦大小一

製齊匪彙編卷五

三

百十一名沿途拋棄旗械甚多餘匪均向觀音
巖竄去前後共獲賊八十一名訊出黃號偽總
兵李云章供稱王曾二逆因南山內無可覓食
官兵又逼剿緊急適青號戴四掌櫃投往合營
商量同赴巴東走至羅溪壩又遇樊姓陳姓二
股俱在三岔羅溪壩合營行至興山巴東卡隘
折回被官兵剿散並訊據偽先鋒吳甲雲供亦
相同當將該二犯凌遲其戴佑先等七十九名
訊係從賊日人一併正法其餘逃出難民分別
寧釋此時孫清元吉林泰已與續派前往協剿
之副將朱士奉共帶兵勇五千餘名追剿入川
如該匪等折回二竹_臣全保長齡立即帶兵迎
剿以收夾擊之效此時房竹南山內尚有潛匿
餘匪自數十人至一二百人不等_臣全保長齡

製齊匪彙編卷五

四

仍督飭德昌王懋真等分路入山設法搜捕務使剪除淨盡

吳熊光全保又奏言查楚北新設提督改移鄖

陽鎮協共應添兵三千五百名經前督臣書麟

奏蒙

俞允臣等與長齡公同酌商若以無業鄉勇補充額

兵有盈無絀足敷安頓且既可收駕輕就熟之

▲聖祖聖訓卷五

五

效又得官為鈐束不致流而為匪臣等乘未經

撤兵之時即令管帶鄉勇之員將各鄉勇花名

住址開造清冊訊明實無房產家室是否愿充

兵丁逐一註明先行呈核一俟大功底定除本

有田房妻室不愿入伍之人即令該管將領將

烏鎗刀矛等項器械收繳仍請折給一月口糧

并查明所有房間如已被賊焚燬照例給予房

價以示體卹而資復業其無房產又係隻身者

此等民人隨地為家即可撥赴提鎮兩標入伍

補額此外如無房產而有家口之人勢難即離

故土應令各歸各縣就近撥交竹山協及竹谿

房縣二營補充兵數所需千把外委及額外等

官即於出力鄉勇首領內視其職銜大小酌量

拔補令其管束訓練更為親切得力至施南鄉

▲聖祖聖訓卷六

六

勇如有願赴提鎮二標入伍者固屬甚善倘無

生計又欲回歸本鄉則施南並未添設兵額其

情願入伍者應即發交施南協作餘丁俟有缺

出挨次挑補亦屬易於安插

吳熊光全保又奏言查嘉慶六年二月內前督

臣書麟以襄陽控引河南之新野鄧州為全楚

北面門戶請設湖北提督一員駐劄襄陽統轄

全省標營除將襄陽鎮標原有官兵二千七百五十名撥歸提標外仍請添設兵九百十名其
鄖陽一府控襄陽之上游界連河南川陝幅員
遼濶山林深阻請將原駐穀城之襄陽總兵移
駐鄖陽府城改爲鄖陽鎮總兵所有舊設鄖陽
協副將移駐竹山改爲竹山協副將其原有竹
山營遊擊移駐房縣兼轄保康作爲鎮標左營
遊擊至竹谿向有遊擊一員改爲鎮標右營游
擊仍駐竹谿核計鎮協各營除原有額兵二千
一百七十九名外仍請添兵二千五百九十名
總共添兵三千五百名並經書麟將添設移駐
營制官弁兵丁開具清單奏蒙

皇上勅交軍機大臣議准在案_臣等竊思此次添設
提督移駐鎮協各營節節俱有提鎮大員駐守

聖祖聖訓卷之七

固足以嚴屏蔽而資控制惟二竹房縣界連川
陝萬山重疊廣袤險要且五方雜處最易藏奸
該三縣相距四川之大寧陝西之平利各有八
九百里至千餘里不等卽本省西南邊界相去
各縣治亦在五六百里之外實有鞭長莫及之
勢且係賊擾最久鄉勇最多之處以現在情形
而論自以二竹房縣爲重必當多添兵力以資
駕馭_臣等再四籌商惟有於腹地各營內將前
議添設兵丁酌量抽撤歸八竹山協及竹谿房
縣二營於沿邊緊要隘口妥爲佈置庶足以昭
慎重而臻周密查房縣南接大寧山勢最爲深
險今擬於南路適中之上龔安設守備一員駐
兵一百二十名并於西南之九道梁東南之冷
盤壩各安設千總一員各駐兵六十名又竹山

聖祖聖訓卷之八

南面亦與大寧聯界擬於適中之官渡安設守備一員駐兵一百二十名并於東南之洪坪安設千總一員駐兵一百名其西北之吉陽關與陝省白河洵陽交界犬牙相錯亦應安設千總一員駐兵六十名又竹谿縣為陝省入楚門戶西通平利南界大寧應請於西南扼要之豐溪安設守備一員駐兵二百名并於東南之向家壩安設千總一員駐兵一百名如此節節安設營汛不特沿邊要隘聲勢連絡并可各按段落稽查彈壓實於地方大有裨益核計添設沿邊各汛共需兵八百二十名應請於提鎮二標腹地各營內減六百六十名其不足之數即於各本營湊撥安設再二竹房縣等屬尚有應行添設文員之處現在飭查有無冗員可以裁移另

聖朝實錄卷之九

九

行具奏
 吳熊光又奏言現在大功即可告成惟官兵尙未能全撤且善後一切需費浩繁必須預為籌計茲據湖南撫臣馬慧裕咨稱湖南捐監銀截至上年十一月已存十萬餘兩計至年底尙有續收約共可湊撥銀十五萬兩又據藩司孫玉庭稟稱湖北省所收捐監銀亦已存十萬餘兩相應
 奏明即將南北兩省捐監銀兩就近撥作軍需善後之用臣仍嚴飭藩司等樽節支放斷不敢稍任冒濫均奏入
 上命軍機大臣傳諭吳熊光全保長齡曰此次王會戴各逆與川省竄來之陳樊股匪會合希圖牽綴官兵乘間東下窺伺歸州一帶經全保長齡及總

聖朝實錄卷之十

十

兵德昌王懋賞等帶兵抄截賊匪竄至仙峯觀一帶屯聚孫清元督率官兵奮力剿殺賊衆倉惶遁逸復經吉林泰帶兵幫剿前後共殲擒賊匪九百餘名并擒獲偽元帥偽總兵偽先鋒等逆所辦尙好惟餘匪向觀音巖一路竄去未能在楚省境內剪除淨盡其著名首逆亦未擒獲一名尙不滿意現在孫清元吉林泰與副將朱士奉已帶兵追剿人川自應如此辦理昨據德楞泰奏到川省苟逆一段經官兵剿急欲由開縣雲陽竄往楚省現經德楞泰帶兵趕至大寧朝陽洞一帶抄出賊之東面迎截第恐路徑紛歧賊匪仍得乘間東竄孫清元吉林泰既帶兵入川若苟逆與楚省竄匪會合更可先行協剿苟逆亦不必專注王曾戴樊陳等首逆總須無分畛域遇賊卽剿果能將苟逆匪黨

欽定剿平三省邪匪方略

正編卷二九五

欽定剿平三省邪匪方略 正編卷二九五

殲除淨盡則德楞泰必同汝等剿辦戴曾等逆此次孫清元吉林泰二人打仗尙屬出力俟將此股竄匪全數廓除必當加以懋賞吳熊光等當傳知伊二人倍加奮勉也至房竹南山內尙有潛匿餘匪自數十人至一二百人不等賊匪詭計百出此次所剿各逆其大夥已入川省而王曾戴陳樊各逆或轉潛匿楚省山內躲避亦未可定吳熊光等當督率鎮將及地方官上緊搜捕隨處留心凡遇拿獲賊匪俱嚴切跟究勿致遠颺漏網如將該首逆等擒獲著加緊馳奏以慰廑注又據奏請酌撥餉銀一節昨已降旨馬慧裕令其撥銀十萬兩解湖北備用今吳熊光既稱湖南捐監截至年底可以奏撥十五萬兩著將餘銀五萬兩一併解交湖北至湖北省捐監銀十萬兩自應留作本省軍需

欽定剿平三省邪匪方略

正編卷二九五

二八一

善後之用亦著照吳熊光所請准其撥用此時楚省餉項充裕吳熊光等務須將軍餉源源接濟并樽節支放為要又據奏酌籌安頓鄉勇一節各處鄉勇安頓之法亦惟補充額兵最為正辦伊等既入營伍即可明示約束而所得鹽糧分例亦足敷養贍之用自不致流而為匪但須查詢明確將愿充額兵者始令入伍亦不必稍有勉強其籌布沿

聖訓 聖訓 聖訓

邊要隘管汛等事宜亦均照所請行

上又命軍機大臣傳諭馬慧裕曰朕因湖北軍營需用已諭令馬慧裕撥銀十萬兩解往湖北備用茲據吳熊光奏接到該撫札稱合計上年十二月續收尙可湊足十五萬兩除十萬兩業經撥解外著該撫再將所存銀五萬兩迅速解赴湖北交吳熊光以為軍需善後之用

十四日丙戌勒保奏言賊首楊掌櫃股匪二百餘人經臣與總兵張志林分兵兜擊該匪被追情急仍在鄰水潭子壩地方合夥向大竹渠縣一帶奔逃行走甚速官兵連日冒雨跟追因山路溇滑不能間道抄截該匪由渠縣竄過廣安岳池等處意欲偷渡渠河西竄適該境河水較深所有往來船隻地方官一聞賊信早已禁泊西

聖訓 聖訓 聖訓

岸賊匪不能躡渡折回達州所屬之木頭市適新寧東鄉一路有官兵擊敗零匪一股三四百人與該匪合夥三十日臣督兵行抵渠縣所屬之楊家場探得賊匪折回之信計楊家場至木頭市相距不過五六十里當即策勵官兵連夜進發初一日辰刻師次二郎橋正遇賊匪翻山前來約有六百餘人我兵一擁而上鎗箭齊發

賊匪遇兵迎擊卽轉踞山梁負隅屯聚臣察看山路陡仄兵勇冒險仰攻恐有傷損必須設法抄襲方可得手遂督同侍衛花品塔什拉副將倭星額等帶領兵勇在正路迎面敵住派令張志林率領副將李錦麟等分帶兵勇左右兩路夾攻又派令守備周仕貴等帶領兵勇順溝嶺至半山先將亂草焚燒我兵乘勢進逼賊潰亂四竄官兵搶上山梁分投追捕斃賊五十餘名生擒男婦八九十名口奪獲賊旗刀矛等件驟馬四頭匹當將所擒男婦查訊據活賊胡文發等供此股賊首楊掌櫃在右路坪被官兵剿敗所剩二百餘人連日逃走在木頭市地方遇著牟姓帶領三四百人由東鄉一路逃來彼此合夥今被官兵追剿楊掌櫃已經殺斃牟姓帶領

餘賊不知逃往何處等語當令指認楊掌櫃屍身割取首級又於賊屍內認出偽先鋒王青一併梟示其餘胡文發等五十二名係從賊日久之犯概行正法金啟萬張韓氏等三十七名口係脅從難民分別遞籍保釋所剩餘匪尙有四百餘人由梁山太竹交界之蒲包山新場分水嶺一帶奔竄有向雲萬之勢臣督兵緊躡追剿路過梁山據該縣稟稱近日月股零匪二三百人由開縣竄來在梁墊交界之芝麻坪地方晝伏夜出查該境係屬川東腹地此股賊匪雖屬無多但官兵若盡向雲萬一路前進恐該匪等在腹地潛匿日久或又蔓延殊有關係必須分兵剿辦臣派張志林李錦麟等跟剿雲萬之賊臣督同花品塔什拉等就近搜捕芝麻坪另股

零匪總分路殲除盡淨先清腹地至賽沖阿
溫春一路官兵在開縣之譚家壩捲井壩梓潼
廟楠木岡及東鄉之土黃壩華光壩等處往來
搜剿劉逆蹤跡適於開縣途次據寨民報稱該
境柏木園有竄匪一股約有二三百人當派參
將馬元參領春陞保等帶兵跟蹤追剿至韓朋
埡地方趕及賊匪分道攻擊斃賊四十餘名生
擒男婦十三名口餘匪向魚溪溝一路奔逃馬
元等一面跟追賽沖阿溫春一面向土黃壩一
路兜截正在探蹤夾擊間復據該境寨民報稱
有賊一股約四五百人由砲通山木旺坪竄蒲
河一帶賽沖阿當即分派總兵蒲尙佐參將李
東山沈洪等爲一路賽沖阿溫春督率侍衛官
森德協領明德等帶領吉林馬隊爲一路直趨

前河迎頭截剿該匪卽向五寶場奔竄官兵乘
勢攻撲斃賊四五十名該匪由前河晒渡復淹
斃數十人餘匪奔上山梁賽沖阿等督率官兵
追擊適馬元等亦由魚溪溝一路前來乘機夾
擊將賊匪痛加剿殺是日官兵分路接仗三次
共斃賊三百餘人生擒男婦六十三名口奪獲
賊旗四桿刀矛一百九十七件騾馬二十餘頭
匹查訊活賊知韓朋埡所剿之賊實係劉逆在
內被兵剿散劉逆已帶百餘人向南壩場一路
奔逃五寶場所剿之賊係青號王姓不知其名
當將所獲男婦解交東鄉縣聽候審辦賽沖阿
等以劉逆爲重複又分路連日探蹤緊躡行至
新寧八廟橋地方探得賊匪在涼風埡盤家槽
等處游奕賽沖阿溫春等督率官兵直趨該境

截剿賊匪被兵剿急四散潛藏林箐之內官兵
分投搜捕殲斃賊匪四十餘人生擒男婦二十
九名口內有度選正一名衆賊指稱係首逆度
向瑤之子訊據供稱係度向瑤胞姪認爲繼子
還有親生子叫度文正在營管事度向瑤與湯
思蛟係屬郎舅湯思蛟向來同劉潮選一路行
走十月內被官兵緊剿湯思蛟帶四五十人逃
走妻子騾馬都留在劉潮選一路劉潮選帶有
二百多人逃至葫蘆井遇著官兵打敗騾馬散
盡妻子亦被官兵拿獲昨在溫湯井劉潮選帶
五十餘人前來合營被官兵追來劉潮選帶十
餘人從前面山上跑走我被拿住等語當卽分
兵各處搜捕又將度向瑤親子度文正搜獲賽
冲阿等當將所獲各犯分解達州新寧收明聽

候審辦適接叅贊德楞泰咨因開大一帶有另
股賊匪調令前往探剿賽冲阿溫春不便久住
現已分諭附近團寨趕緊搜捕賽冲阿溫春等
卽帶兵由開縣向大寧一路進發等語查劉逆
既被剿散僅帶有十餘人其勢未必卽能遠竄
臣現又嚴飭新寧梁山東鄉開縣等處督同團
寨實力搜查務期弋獲其薛大烈一路據報連
日正在大寧太平山內探剿賊匪適接經畧額
勒登保札飭因荷逆向東奔竄恐其逃入老林
調令該鎮帶兵從雞鳴寺明通井一帶遏賊入
山之路薛大烈卽移兵至雞鳴寺一帶堵剿該
逆知該境有兵攔截不敢竄近卽由開縣東竄
叅贊德楞泰又札調該鎮向白馬堯城一帶堵
截薛大烈復遵照前往等語 臣查此時荷文明

大股賊匪既已東奔李彬一股聞亦與之合夥而奉節巫山亦時有由楚竄來零匪出沒是日下夔府一路賊勢較重今德楞泰賽沖阿溫春薛大烈等各路官兵均已東行兵勢壯盛諒可剋期殲滅至格布舍楊芳一路經額勒登保已調回歸隊在太平邊境策應川東腹地僅有一旅之師計兵勇二千餘名此時達州新寧

聖朝聖訓卷之五

臣

梁山大竹竿處既有零股賊匪必須逐一分路剿除方可收師他向奏入

上命軍機大臣等諭額勒登保德楞泰勒保曰此次賊首楊掌櫃帶領殘匪分路逃逸意欲偷渡渠河西竄因船隻已禁泊西岸不能躡渡折回經官兵趕上截剿斃賊僅止百餘雖將楊掌櫃殲斃而該逆亦非著名首犯無足重輕且餘匪仍有四百餘

八向梁山太竹一帶奔竄未能悉數剿淨不足為慰至所稱賽沖阿等剿辦劉逆一股接仗三次共斃賊三百餘人劉逆僅帶十餘人敗竄一節昨已據德楞泰奏過此時賽沖阿溫春等正在四路搜查劉逆蹤跡因接德楞泰咨文即帶兵向大寧一帶進發其薛大烈一路連日在大寧太平山內探剿賊匪又經額勒登保札調移兵至雞鳴寺一帶

聖朝聖訓卷之五

臣

堵剿在經畧叅贊自因苟逆一股賊數較多剿捕最為緊要是以將賽沖阿薛大烈等調往協剿殊不思苟逆從前亦不過零星奔竄之賊伊等視為無關緊要並未上緊剿辦以致該逆乘間裹脅遂成大股現在劉逆雖僅帶十餘人窮竄其在大寧太平山內藏匿之賊為數亦屬無多但額勒登保德楞泰將賽沖阿薛大烈等紛紛調去則劉逆等

無人事辦安知其不又別滋勾結賊數日漸增多
追苟逆辦竣後而劉逆及大寧太平山內零匪豈
不又來一苟逆乎況如摺內所稱由砲通山竄出
之賊似此者諒復不少目前功屆垂成豈可任其
散而復聚總當遇賊即剿不予以暇其未經蹂躪
地方斷不可令其闖入若能隨地剿淨餘黨悉除
則首逆自無難剋期擒獲轉不必專注渠魁致零
匪稍有疎縱一俟擒獲首逆即迅速馳奏以慰屬
注

聖朝初纂編卷五

五

同日惠齡長麟奏言臣惠齡前於行抵西安時
因距漢陰地方寫遠尙未得賊匪過江之信嗣
於鳳翔途次接據漢陰廳稟報臣等當即折回
東路剿辦行抵扶風鎮據署寧陝鎮副將韓自
昌稟報已將過江賊匪截回西窰得有勝仗查

明此股賊首係宋應伏李貴成自川省竄入西
鄉漢陰交界由總兵劉瑞汎地洒淺過江臣等
於二十九日趕抵子午峪據報辛聰賊匪本與
劉永受合夥奔竄經提督楊遇春在鳳縣屬之
王家場剿散後辛聰率領餘匪折窰棧西仍由
黑河逃赴寧羌礪橋溝一帶提督慶成聞知趕
至與賊接仗擊獲辛聰之師曾賢章偽總兵張
天湖殲斃賊匪百餘人生擒五十餘名止剩百
餘人連夜逃遁已由毛壩竄回川境其劉永受
股匪經通判維昂在寧陝曲家溝剿殺多名餘
匪二三百人向東逃竄至抱龍石礪等峪內藏
匿副都統慶溥帶兵抄至東面攔截該匪旋即
折回西窰臣等當經札詢楊遇春現由何路進
兵以便趕往會辦嗣接楊遇春覆信以賊匪雖

聖朝初纂編卷五

五

向西趨總在北面一帶道近沿山峪口若_臣等

一經入山則北面無人照料賊匪轉得竄擾平

原囑令_臣等即在北面各峪口悉力堵截使賊

匪不能竄出平原則伊等剿辦方能得力等語

_臣即於正月初一日拔營由北面沿山一帶向

西移進探蹤堵剿初二日趕抵蓋屋縣屬之赤

峪田峪等處投聞該匪正向峪口奔竄_臣等即

聖朝實錄卷之三

三

趕往迎剿該匪翻山西竄_臣等一面派委軍標

遊擊馬得劉英魁馳赴新峪口兜截_臣等亦即

趕至黑水峪探剿該匪又向老君嶺一帶奔赴

西南查老君嶺仍可北竄卽縣斜峪關直達寶

雞桃號二川_臣等相機扼要總期顧住北面不

令竄擾平原現在慶溥維昂并楊遇春所派參

將張超吳廷剛等三路兵勇分投兜截不難迅

就殄除其宋應伏等賊匪自被韓自昌剿敗後

該匪又分爲兩股折竄寧陝漢陰交界之天仙

堂龍王溝等處並未與劉逆合夥韓自昌現仍

緊躡賊蹤竭力追剿慶成所派參將吳亨衍亦

由石泉前來正可迎擊楊遇春一面派撥參將

張超等協剿劉逆賊匪一面自行帶兵趕赴寧

陝四畝地截剿宋應伏等賊匪諒此敗殘餘孽

聖朝實錄卷之三

三

一經接仗無難全數掃除_臣等惟有會商楊遇

春督飭各鎮將趕緊搜捕俾南山以內早就肅

清上紓

宸厪至南山卡隘均已安設齊全但地方遼濶東西

綿亘二千餘里南北亦將及千里以六千兵勇

分布各營汛每一營汛相隔或百餘里或二二三

百里其間層巒疊嶂樹密林深此次幸聰劉永

受等股查明實係翻越大山老林潛遁入山並未經由卡隘再臣惠齡詳查五郎新設各營汛均在南山以內南山北面七十二峪勢難處處安兵前經原任西安將軍恒瑞奏明遇有賊匪竄近峪口就近撥派軍標官兵趕赴堵截俟賊匪去遠仍復撤回此次賊匪竄近子午等峪口臣等因本未帶有官兵當即與署將軍祥保商派軍標官兵八百名臣等帶領在於各峪口一帶防堵此外並無別路官兵奏入

上命軍機大臣傳諭惠齡長麟曰劉永受宋應伏等賊匪此時並未合夥為數無多但必須剿洗淨盡方為肅清若任其在山內往來奔竄轉瞬即屆春深賊匪又得隨處掠食何時始能竣事乎惠齡等此時以賊匪向峪口奔竄一面派員赴辛峪口兜

截一面自行趕至黑峪口探剿總期顧住北面不令竄擾平原所見甚是賊匪在山外奔竄時自應嚴密防堵不令入山若既已入山必當在山內就地剿淨勿令再有奔軼或致闖入未經蹂躪之區惠齡等當督飭各將領等上緊搜拿迅速辦淨至南山卡隘既稱安設齊全自必聲勢相連豈賊匪經過之地皆係無兵處所耶又摺內稱惠齡等本未帶有官兵現調軍標兵八百名在各峪口防堵該處峪口甚多祇有軍標八百名恐未足深恃惠齡等再當於就近各營酌量調派以資剿辦

十六日戊子額勒登保奏言臣自將王山餘匪掃除後仍於東太一帶偵探零匪發兵剿捕乃賊匪聞風遠避疊據探報周圍一二百里內並無賊蹤德楞泰所剿苟逆股匪竄大寧老林後亦

尚無折竄之信惟叅將朱槐遊擊劉健標等自奉派追剿李彬殘匪後於上月二十六日行抵通江之東溢溝據民人報稱現有零星賊匪一百二人於平合子地方緊倚山林藏匿夜間潛出擄掠朱槐劉健標等料係李彬賊匪遂率領兵勇連夜進發二十七日黎明時趕至平合子兵勇分路奮力進剿賊匪不敢抵拒當即殲斃三十餘名生擒二十六名奪獲刀矛二十餘件餘匪向林箐內四散逃遁朱槐等一面將所獲各犯派撥兵勇解送臣營一面由黃廠溝翻山至竹峪關一帶緊追搜剿臣將各犯逐一訊問內有偽總兵朱潤一名矛手楊奉華等十七名據稱李彬前被官兵疊次剿敗只剩一百數十人向川陝邊界躲避奔逃昨日到平合子偵聽

《聖朝聖編卷五》

三

附近無兵是以在此屯劄不料官兵到來我被擒獲等語臣當飭將該犯等即行分別凌遲正法其實係被脅未久者七名立予釋放查李彬係緊要首逆現已竄近竹峪關一帶恐其向東奔逃臣一面仍飭該將備等速即併力剿捕一面率同札克塔爾等由潔藻河姚家壩一帶探蹤兜剿初二日晚間進抵亭子廟復據叅將朱槐等報稱二十九日至朱陽廟探知賊匪於蕭家坡潛行屯劄相隔五十餘里都司余步雲魏尊德帶領兵勇由明埡子進發繞上蕭家坡山頂從上壓下守備管繼祥千總李文貴從大智帶領兵勇於周家山設伏要截叅將朱槐守備歐凱等由小園子潛蹤進剿時已薄暮朱槐等帶兵先到賊匪正於民房內藏匿一聞兵來即

《聖朝聖編卷五》

三

向山坡樹林逃遁適余步雲等帶兵由山梁壓下殺斃賊匪四十餘名生擒二十三名賊匪奪路狂奔又經守條管繼祥等截住擒斬八九人該守備因有首逆在內奮力上前擒拿賊匪拋擲石塊管繼祥已帶石傷復猝受矛傷均不甚重首逆李彬率領夥黨四五十人奔上山林連夜疾遁朱槐余步雲管繼祥等仍將獲犯解送

聖諭

三

臣營均即訊明分別辦理現探得該匪由兩河

柳林溪陳家壩一帶逃竄此一帶山深林密隨處可以竄逃其蹤跡更難尋覓朱槐劉健標等現將所帶兵勇或百餘名或數十名分爲數路尋蹤搜捕并傳知該寨祠民人協同官兵一律盤緝連日接據巴州儀隴蒼溪各地方官稟報有苟文明之弟苟文芳率領零匪二三百人在

巴儀界內奔竄經寨首陳朝會等率眾截剿殺斃二十八名生擒十三名該匪現竄巴南境內又總兵田朝貴所剿魏張股匪四五百人竄至巴州之新場該州千總陳安邦帶領鄉勇截擊殺賊十餘名田朝貴現由岳家坪青崗渡取道追剿賊匪向通南之長池壩奔竄均隨時飭令各該州縣鼓勵鄉團奮力剿捕並發給銀鏢

聖諭

三

銀牌將出力鄉團量予獎賞現又派令副將蕭福祿遊擊李東宣會同侍衛彥丕勒達春阿等帶領兵勇一千餘名前往通巴一帶協同剿辦將各零匪剋期掃除飛探東面各股賊蹤一有折竄之信卽帶兵取道迎剿并督催田朝貴蕭福祿朱槐等將西面賊匪趕緊搜剿西面一經寧謐則更可專注東面之賊以便吳德榜

赤勒保等併力集事再近日接據穆克登布稟
 報十二月十四五等日有賊一股三百餘人由
 川界竄至陝境魚棚子八仙河一帶穆克登布
 桑吉斯塔爾率同遊擊閻俊烈桑漢等分路進
 剿投賊六十餘名生擒三十一名內有偽總兵
 艾彩堂一名餘賊向山林逃遁訊據獲犯供稱
 係唐大信李顯必股內餘匪艾彩堂袁思明為
 首本要逃往湖北不料到處有兵截剿艾彩堂
 已被拿獲等供十六日穆克登布等率同桑漢
 閻俊烈等探蹤追捕復殺賊三十餘名生擒十
 一名有賊目袁思明率領夥黨五六十人赴營
 投誠穆克登布察其情狀屬實遂即收留管押
 臣已飭知穆克登布即將袁思明等遵
 旨免死訊明原籍有無產業就近交平利縣安插至

楊遇春所剿竄過漢江賊匪三四百人已往鎮
 安鳳凰嘴一帶奔逸遇春於十七日由野竹
 坪一帶進發計期正可截擊日內曾否剿捕完
 竣尚未報到又聞辛劉股匪業已分竄劉永受
 竄至寧陝之小曲灣經慶薄維昂各領兵勇殲
 斃數十人尙餘二百餘人現在緊追剿殺辛逆
 二百餘人由沔縣地界折竄鐵鎖關於黑夜翻
 山行走慶成相距較近已探蹤剿捕再 臣於三
 十日路過太平有薛大烈所派遊擊桂涵於大
 竹河木旺山追剿零匪殲殺數十人生擒二十
 七名將獲犯解送太平審辦 臣即飭太平縣鍾
 蟠雲審明逆犯十人即行正法其餘被脅未久
 者解回原籍安業奏入
 上命軍機大臣傳諭額勒登保曰此次額勒登保分

派官兵搜捕餘匪雖有新獲俱係零星竄匪且李
彬一股爲數本屬無多額勒登保若遊派得力鎮
將多帶兵勇緊躡追剿無難早行辦淨乃閱摺內
所派叅將朱槐遊擊劉健標守備管繼祥等俱非
平日知名勇幹將領在朱槐等既經派令剿賊自
必思擒一賊首勉力立功但辦理總覺遲緩守備
管繼祥因上前擒拿賊匪致被賊傷尙屬奮勉該
員如續有出力之處著額勒登保再行保奏候朕
加恩陞用剿捕教匪一事辦理已逾六載豈可再
有稽延上年額勒登保奏請減撤東三省官兵彼
時朕以額勒登保必係胸有成見無難指日歲功
是以准行今以敗殘零匪尙復輾轉稽誅延時
日倘賊匪或更滋蔓豈將已撤勁兵再行徵調成
何事體賊匪一日不淨殺戮一日不止官兵尙或

聖訓

卷

有不殺賊之時賊匪斷不能不荼毒百姓現在正
遇年節瑞雪應時日來天氣清和舉行令節典禮
諸凡順遂但朕一念及該處黎元尙遭蹂躪未登
衽席深爲惻然哀愍總之目下各股均係零星殘
敗之賊若能於正二月內掃除淨盡奏凱還朝不
特朕稍紓宵旰爾等亦可回京長受恩眷豈不甚
善倘稍有延玩朕不但不能加恩并將爾等從重
治罪不稍寬貸并回京亦不可得稟之慎之
同日陸有仁奏言前自漢陰過江之賊經韓自
昌剿敗後由西北車家溝一帶竄至寧陝之七
里溝復經叅將同福帶兵趕到擒殲十數名賊
分兩股向漢陰安康邊界奔竄韓自昌帶領兵
勇由椿榆壩一帶向西兜擊叅將吳亨衍之兵
卽自泰山廟躡蹤追剿至此股賊匪係由川省

聖訓

卷

竄至漢陰偷渡過江並非自湖北竄入又賊目劉承受一股由鄂縣太平峪竄至盤屋縣陰家坡翻林西遁通判雒昂率勇由黑水峪一帶迎頭截擊慶溥帶領兵勇緊躡追剿元旦在盤屋景峪地方得有勝仗殺賊四五十名楊遇春之兵亦正在隨地探蹤督剿日內當可合力掃除其辛逆股匪經慶成剿敗後竄至寧羌平巖坊一帶老林副將舒隆阿隨帶兵衝入林內殲獲十數名賊即連夜翻山由王家壩走馬梁奔竄復經叅將李殿元帶兵掩襲殺賊十餘名賊即潛竄廣元縣境慶成帶兵趕赴徐家坪板蒼壩一帶拒截又通江縣屬零匪一股竄近南鄭縣之花石梁經查寨委員阿齡阿等督率寨勇用鎗礮轟擊斃賊數名餘匪即折竄南江縣境又

西鄉邊界降渡山一帶竄入賊匪一股經總兵張鳳帶兵截擊並查寨委員余春溥率勇協助稍有斬獲餘匪亦折竄太平縣境經畧額勒登保因荷逆賊匪已被官兵剿散現在分股逃竄即統領大兵回至西鄉萃草河居中督剿臣查陝省境內惟南山餘匪二股未除此外已無另股之賊現在山內兵多賊少若果趕緊剿辦自不難剋日殲除臣節次咨催楊遇春慶溥韓自昌並嚴飭通判雒昂及各路帶兵將弁務須挑帶奮勇官兵穿林入箐晝夜窮追不予賊以片刻之暇仍飛飭各地方官鼓勵寨勇到處協擊以助聲勢無論官兵鄉勇有超眾出力將賊匪一鼓剿除並擒獲出名首逆臣即一面奏請恩施一面另為捐給重賞總期於正月內一律辦竣

聖諭

毛

聖諭

毛

肅清山境以期仰慰

聖懷再臣接准慶成咨會前於礪橋溝地方截剿辛

聰股匪先擒大掌櫃曾賢章一名移解臣處審

辦臣查閱慶成原奏有犯供辛聰等赴川別有

邀結之語恐川省尙有伏而未起教匪是以該

犯欲前往勾結當即親提研鞠據曾賢章供稱

係湖北襄陽縣人嘉慶元年即隨同齊王氏張

聖朝聖編卷五

五

添倫起事後復與徒弟辛聰合營上年十一月

同辛聰在四川又與劉起榮之子劉永受合夥

由寧羗竄入棧道被楊提督官兵打敗劉永受

嗔罵辛聰不肯出力辛聰就與劉永受分開我

同辛聰只帶有二三百人官兵追趕得緊因張

添倫現在四川地方想要與他合營不料到寧

羗又遇官兵將我同總兵劉學富拿住我前次

所供赴川別有邀結就指張添倫而言等語查

該犯係隨同齊張等逆首先起事之人罪大惡

極今已審訊明確當即將該犯綁赴市曹凌遲

處死訖奏入

上命軍機大臣傳諭陸有仁曰陸有仁督辦糧餉原

不責以衝鋒打仗之事而該省帶兵大員及各將

弁等何人奮勉立功認真剿賊何人心存怠緩因

聖朝聖編卷五

五

循畏葸陸有仁近在同省見聞必確著即詳細訪

查據實密奏毋稍諱飾至各路糧餉關係緊要已

降旨諭令伯麟佶山那蘇圖等於山西捐監并兩

淮長蘆商捐項內各撥銀十萬兩共三十萬兩迅

速遴委妥員解往陝省交陸有仁收貯備用該省

軍需極爲充裕陸有仁惟當督飭經手人員樽節

支放源源供運毋致缺乏并嚴查局員勿令稍有

侵冒為要

上又命軍機大臣傳諭伯麟佶山那蘇圖曰現在大
功指日告竣陝省一切善後事宜需用尙繁著傳
諭伯麟佶山那蘇圖卽撥山西捐監銀十萬兩兩
淮商捐銀十萬兩長蘆商捐銀十萬兩解赴陝省
交陸有仁收貯備用

聖朝聖訓編查要

聖

欽定剿平三省邪匪方略正編卷二百九十六 壬戌年

正月十七日 已丑 德楞泰奏言 臣 昨因總兵薛大

烈副將李應貴等帶兵在姚成壩關廟山趕剿

苟文明賊匪該匪向青灣子奔逃 臣 取道紅池

壩入山自東而北向湯家壩過其東竄入楚之

路恐該逆狂竄直奔入楚卽帶兵趕行初一日

入山抵紅池壩初二日至木碗坪地方接據薛

聖朝聖訓編查要

聖

大烈等稟報探得苟逆山開縣之雙河口鐘鼓

溪竄走帶兵連日趕追二十九日該逆冒雪折

向偏坡嶺有走雪泡山之勢薛大烈與副都統

銜達斯呼爾岱副將李應貴張績等等商分兵

三路兜剿達斯呼爾岱遊擊晉之連都司馬成

林羅英等帶領馬步官兵設伏於雙河口以截

賊匪折竄之路李應貴遊擊李應元蒲佑盛等

帶領兵勇從左手而進抄出賊前以截雪泡山之路副將張績參將羅聲舉遊擊胡定邦張拱辰等帶領兵勇由右手而進薛大烈帶兵由中路相機策應迨兵抵青灣子趕上賊尾有守後戰手數百人一見官兵即據險抗拒我兵奮勇直前鎗箭齊發立殺七八十名時李應貴等帶兵抄出夾擊又殺賊四五十名拿獲活賊張順等六十五名賊遂折向偏坡嶺遁逃我兵追趕至炕香巖路窄雪深賊匪擁擠不開兵勇刀砍矛戳痛加剿殺又斃賊百餘有滾巖而死者有奪路自相戳殺者驟馬滾巖及斃死者無數官兵乘勝窮追賊匪惟知狂奔並不拒敵沿途又復殺賊二百餘人生擒李相義等九十三名將賊衝爲三起一起三百餘人向十里坪前竄一

起七八百人走小團城朝陽坪而逃一起百餘人向西流溪遁逃薛大烈等復分投追襲各路又共殺賊六七十名生擒劉學文等五十九名各匪連夜冒雪奔竄計此次共殺賊五百餘名生擒二百餘名奪獲賊旗刀矛馬騾無數獲犯內訊出旗手曹應功周山珍等二名查訊苟逆下落均稱該逆聽見官兵殺來先行逃走不知何往又有張維吉等八名訊係李彬股匪被官兵剿散零星附入或稱李彬在內或稱自行潛逃詰之曹應功等供詞亦屬游移是皆係頑梗不化老賊概行正法旋據各路探報該逆賊衆是夜俱竄至香曹灣聚集將驟馬盡行宰殺分割其肉各自背負裹帶向黃栢廠貝母池老山遁逃中途樹林內復有賊匪自縊死者四十餘

人等語查黃栢廠貝母池老山叢密勢極險峻綿長數百里絕無人烟冬令冰雪愈大馬匹萬難行走故該逆被剿窮極盡宰馬騾以為乾糧冀圖苟延殘喘該處西北通太平縣屬之新開場濛濛溪又通雞鳴寺薛大烈等酌派兵勇尾追親帶馬步兵勇由寒水溪走太平之雞鳴寺壘坪抄出菜子壩紅花梁一帶迎頭截剿如該

逆竄出夾山壩臣業已督率達勒精阿色爾滾武隆阿豐紳馬瑜蘇爾伸等帶兵趕至東面以截住入楚之路設或北走陝境經畧額勒登保現由大竹河城口前進亦可就近探剿刻下苟逆勢已衰殘故冒雪遁入黃栢廠老山連日大雪未止天氣嚴寒山中百姓均歸洞寨不能擄掠且三面俱有兵力兜截正是人奪其禦使之

聖朝聖鑒編卷五

四

聖朝聖鑒編卷五

五

自投絕地仰仗天威一經兜剿即可掃除淨盡初三日臣帶兵行至大寧屬之加當灣又接准賽冲阿温春等來信前在新定潘家槽剿殺劉潮選賊股因該首逆只同十餘人潛藏分兵通行搜捕二十四日在老鴉冲搜獲賊匪姚成志等五名內有度文正一犯係度向瑤長子訊稱與劉潮選同行至涼風埡地方我暫躲在草窩裏他不知何往二十

五日又搜獲賊匪奈宗貴等二名亦稱各自逃生不知劉逆去向均已正法所有附近百里內外山林巖溝連日徧搜無影賽冲阿温春蒲尙佐等以全股賊衆搜剿已盡惟首逆劉潮選一犯在逃不值以大兵搜捕被其牽綴臣查該逆只同一賊在新定梁山界上之涼風埡潛逃即

飛飭梁山新定二縣並附近之達州東鄉大竹
宜縣開縣連派幹練差役壯勇協同各鄉團於
所屬境內深山窮谷之中鄉場市鎮逐處嚴密
搜拿如能將該首逆搜捕獲者立即奏請

恩慈獎勵倘敢視為海捕具文一經別處拿獲究出

由河縣潛匿竄逸定將該縣查叅並札飭總理

知府趙秉淵遵照辦理臣隨又飛移賽冲阿等

欽定剿平三省邪匪方略

正編卷二九六

即帶兵先由開縣之温湯井至馬家營一帶搜

捕零匪囑其留意焚人傑等首逆下落該逆勢

窮力竭不能隻身逃遁又不能聚集多人或附

其內苟延殘喘亦未可定並令其探明苟逆賊

蹤倘由姚成壩原路折竄又可迎頭截剿與薛

大烈等收兩面夾擊之效臣緊顧東面現在帶

兵由湯家壩桐油壩後坪一帶進剿此次打仗

並無陣亡帶傷兵勇事機極為順暢至苟文明

賊股係臣奏明專交七十五剿辦緣其時臣在

川楚界上分路趕辦龍紹周大股賊眾正當喫

緊之際兵力不能兼顧不料七十五不能痛剿

遂致該逆輾轉奔竄入甘七十五固有應得之

罪臣亦難辭咎應請

旨將臣一併交部嚴加議處奏入

欽定剿平三省邪匪方略

正編卷二九九

上命軍機大臣傳諭德楞泰曰此次苟逆由開縣之

雙河口一帶奔竄德楞泰即催令薛大烈等分三

路兜剿冒雪進兵先後共殺賊五百餘名生擒二

百餘名賊勢潰敗辦理甚好著賞給德楞泰玉大

吉四喜葫蘆牌玉喜字搬指大小荷包至薛大烈

達斯呼爾岱李應貴張績相機追捕伊四人奮勇

可嘉俟辦理苟逆一股完竣即奏明再加恩獎又

劉湖選一股在新寧潘家槽地方潛藏賽沖阿等
於山林巖溝連日搜捕雖未能將首逆生擒而全
股賊衆業已殲洗無遺所辦尙好賽沖阿溫春蒲
尙佐著加恩交部議敘并發去玉搬指大小荷包
小刀鼻煙壺各十件交德楞泰賞給帶兵出力將
弁其打仗兵勇均衝寒冒雪晝夜奔馳備形辛苦
著發去一兩重銀牌二百面五錢重銀牌二百面

聖旨重賞編卷八

八

交德楞泰分賞軍營出力兵勇以示鼓勵此時苟
逆股匪被剿緊急勢已殘敗據稱賊匪遁入黃栢
廠老山自縊死者四十餘人苟逆或卽在其內亦
未可定卽該逆尙延殘喘然已自投絕地無食可
掠又有三面兵力兜截正是極好機會自無難立
就擒縛德楞泰務當督飭將弁奮力加緊剿辦斷
不可再任他竄致稽顯戮統俟捷音馳到共膺懋

實至劉湖選一犯夥黨業已剿除淨盡僅與二匪
同逃原不值以大兵全力搜捕惟當曉諭各寨峒
民人上緊嚴密緝拿如能將劉逆設計擒獻不但
可邀重賞并立時給與官職現在劉逆股匪業已
完竣所有派剿之賽沖阿溫春蒲尙佐等著卽移
兵剿剿苟逆探蹤截擊與薛大烈等收兩面夾攻
之益至黃面紅裏奏摺與紅旗露布無異馳到後

聖旨重賞編卷九

九

卽據以宣示中外德楞泰等務須通盤籌畫大局
果係戡定餘匪剿剩無幾當遵前旨加緊馳奏其
一切搜捕善後事宜若僅交地方官專辦恐不足
恃德楞泰本係成都將軍自應督率經理務俾全
境肅清餘氛殄滅卽或至春盡夏初來京亦未爲
遲再薛大烈原係專辦湯思蛟一股今德楞泰將
伊爾來協剿苟逆其湯逆股匪曾否派人接辦著

卽詳悉具奏樊人傑一犯著德楞泰查明該逆的實下落派員搜獲毋任漏網又據奏因七十五辦賊遲延未能先事查察自請嚴議一節德楞泰身爲叅贊自應如此奏請但七十五業經從寬革職作爲兵丁此次德楞泰追剿苟逆調度有方成功在卽所有自請嚴議之處著加恩寬免

同日

剿平三省邪匪方略

十

上命軍機大臣傳諭顏檢陸有仁曰現在大功指日告竣陝省善後事宜需用尙繁昨已諭令伯麟估山那蘇圖等各撥銀十萬兩解交陝省應用各該省相距陝省較遠恐一時不能解到著顏檢卽將該省此次捐監銀十萬兩遴委委員迅速解往先交陸有仁收貯備用至陝省軍需又得此項銀兩接濟益形寬裕陸有仁惟當督飭屬員樽節支放

源源供運毋得稍有侵冒爲要

二十日壬辰勒保奏言臣師次梁山據報該縣所屬之芝麻坪有零股賊匪潛匿滋擾該境係屬

腹地必須先爲剿淨當令總兵張志林分帶兵勇先向開縣一路進發追剿餘匪臣帶兵在梁

山境內剿辦芝麻坪之賊初五日行抵平林舖

探得賊匪已起竄黃家場派令副將倭星額遊

剿平三省邪匪方略

十一

擊門繼春陳龍驤陳元龍等帶領兵勇探蹤進

剿臣督同侍衛花品塔什拉遊擊馬龍等催償

馬步官兵繼進約行三十餘里至關口山該處

山梁與黃家場之山對峙僅相隔十餘里我兵

纔上關口山賊匪約有二百餘人正在對面山

梁屯聚望見官兵卽吶喊起竄我兵趕緊跟蹤

追捕翻過兩重大山後殺賊三四十名生擒旗

手蘇添賜李高明及男婦四十九名餘匪向成

功寺翻山竄走臣一面飭令花品塔什拉等帶

領兵勇跟蹤緊躡一面親提活賊蘇添賜等查

訊據供此起係湯恩蛟股內夥匪上年冬月在

太平境內被官兵剿散湯恩蛟不知何往我們

在馬家營山內藏匿零星聚合二百餘人青號

白號俱有並無賊首統領只有我與李高明係

製書館編纂

三

屬旗手管領眾人從東鄉開縣一帶竄來各處

打撈摸樁被官兵拿住等語查所獲男婦內有

婦女十一口幼孩十名係大竹梁山新擄之人

當卽解縣保釋其餘俱係戰手概行正法臣

仍督官兵由開元寺沙樹灣斑竹園等處連日

窮追該匪晝夜狂奔官兵跟追二百餘里初入

日追至達州所屬風洞子地方探得賊匪僅剩

四五十人在附近山坳藏匿臣當派倭星額門

繼春畢萬年分帶兵勇抄出賊前臣督同花品

塔什拉等催兵前進該匪聞信起竄適與倭星

額等相遇官兵前後圍剿將賊匪悉數殲除又

該匪在黃家場追散後分出四五十人竄近梁

山所屬之福星寨經寨民丁芳和等率眾堵擊

鎗斃賊匪八名生擒李永芳等十八名尙有一

製書館編纂

三

二十八棄械散竄無蹤諸寨民將所擒活賊解

營查該寨民等於賊匪竄近時卽能與官兵協

力剿捕實屬出力可嘉際此辦理團練之時更

當優加賞資俾資激勸臣當給銀牌紬疋並函

加獎勵所獲賊匪卽行訊明正法此股賊匪既

淨梁墊新達一帶腹地均已肅清此時川省大

局西北有額勒登保帶兵兼顧聲勢已壯而德

楞泰若追賊出境奉節巫山大寧一帶零星股
匪尙多各路官兵無人統率恐其覲望鬆勁臣
現在由開縣取道向夔府一路進發既可策應
張志林所剿之賊又可就近督催賽沖阿溫春
薛大烈等將奉節巫山大寧等處零星竄匪次
第肅清奏入

欽定剿平三省邪匪方略

正編卷二九六

上命軍機大臣傳諭勒保曰此次勒保督率官兵將
湯思蛟股內夥匪悉數殲除所辦尙好惟首逆湯
思蛟未經擒獲自當探明下落速爲搜捕諒該逆
亦不過在附近山幻潛匿勒保應分派勇幹將弁
實力搜捕並曉諭各該處寨民團勇隨時盤詰查
拿若能將湯思蛟縛獻必當加以重賞並量給官
職其劉朝選李彬二首逆亦著上緊搜捕毋令漏
網但不可注意三名首逆置餘賊於不辦又令彼

奏成大股此時勒保已由開縣向夔府一路進發
正可督催張志林及賽沖阿溫春薛大烈等將奉
節巫山大寧等處零星賊匪上緊殲淨總當遇賊
卽剿不遺餘力務於正二月內將川境一律肅清
均膺懋賞再前據吳熊光等奏王會戴各逆會合
樊陳股匪敗逃川省巫山地界孫清元等已帶兵
追剿入川此股由楚竄川之賊現在竄至川省何
處地方孫清元等會否趕上截擊該督現赴川東
卽著就近查明馳奏

二十二日甲午額勒登保言查李彬殘匪自經

叅將朱槐等於通江平合子蕭家坡一帶疊加
斬獲後該匪只剩四十餘人由南江之小南山
菜子寺火天崗一帶亡命奔逃叅將朱槐都司
余步雲守備管繼祥等各帶兵勇兼程追捕沿

遂斬獲數人樹林內自縊者八人初五日早
聞趕抵太平山拿獲賊夥中散出賊匪二名據
稱李彬於二十九日在蕭家坡被官兵衝散時
卽已隻身他往不知去向先鋒鮮奉宇帶領餘
黨三十餘人於昨晚逃到太平山陳家屋內商
量同到地方官處投首五更時都已四散等語
朱槐等趕至陳姓屋內復加察探見有賊人折

製卷一百一十五

六

斷長矛十數根而賊匪已無蹤跡朱槐等以首
逆李彬既已他遁餘黨又復四散不能尋蹤追
捕遂將兵勇撤至鶯嘴巖另探賊蹤據該處民
人報稱有賊匪百數十人由廣元之大黑灘一
帶竄來現在登碑埡並有逃出難民云係辛逆
股匪朱槐余步雲管繼祥等遂商定分兵兩路
乘夜進擊三更時朱槐同守備管繼祥歐凱帶

領兵勇由大佛寺烏斗坪迎遇賊前都司余步
雲魏尊德守備祝鳳鳴職員戴廷棟千總李文
貴等帶領兵勇由關門子鷲頂嶺統至賊後朱
槐等兵抵登碑埡天色黎明賊已起竄由五寶
山直向老林奔逃朱槐管繼祥帶兵追趕賊匪
佔踞高坡拚命抵拒我兵鎗箭齊發斃賊數人
賊匪退上山梁適余步雲魏尊德祝鳳鳴戴廷

製卷一百一十六

七

棟等帶領兵勇由關門子五寶山抄出遂與朱
槐管繼祥等併力圍殺斬獲三十餘人當有左
國舉等二十餘名棄械跪投首逆辛聰率領五
六十人尙復猛力衝突各將備等奮不顧身鼓
勇力敵經鄉勇頭目王方軍功白雲及散勇黃
明蕭學文任太和等將首逆辛聰生獲並有偽
總兵張上元先鋒陳尙志旗手張國盈及餘匪

五十八人悉經職官戴廷棟千總李文貴及眾
兵勇等擒斬淨盡臣查辛聰係湖北老教與齊
家管張漢潮辛斗等一同起事於川楚地界肆
擾有年稽誅日久昨與劉永受竄往棧東復與
劉逆分股由沔寧一帶竄入廣元其狡詭情形
實屬萬分可惡茲適遇臣所派官兵奮力進剿
仰仗

聖主威福將該逆臨陣生擒賊黨全行殄滅事機殊

為順利現在叅將朱槐等已將該首犯押解前

進俟解到時即當審訊辦理另行奏

聞至臣於初七八等日分派官兵在太平附近搜剿
零匪並探聽苟逆確蹤以備截擊初十日探得
德楞泰所剿苟逆有由黃墩至城口之信即率
同札克塔爾格布舍等由鹽廠蒿壩子東發十

三日向大竹河前進行抵橫山子適薛大烈差
令都司汪濛報稱苟文明賊匪於上月二十九
日竄至青灣子經薛大烈張績等帶兵追及接
仗殺賊五百餘名該匪有東竄之勢聞德楞泰
督師由新田壩緊扼東面截剿該匪又折向羊
耳壩高頭壩遁入老林於十一日竄至花馬洞
是日薛大烈與李應貴分路抄擊殺賊八十餘
名生擒十六名內有先鋒龔卓等三名該匪不
過一千二三百人現由廟子壩小界嶺龍柏河
一帶向西北逃竄臣查該一帶已逼近紫陽西
鄉地界賊匪被剿窮蹙不能東向勢必闖入陝
疆薛大烈跟蹤追剿已抵大竹河臣未便仍由
大竹河前進當即札飭該鎮等務當趕緊追剿
毋稍予賊以暇臣即帶兵折回蒿壩子於十四

日馳抵西鄉之漁渡壩顧住西北探蹤迎截現
 在德楞泰顧住東面由高官寺城口一帶兜截
 前來陝省邊境安康之六道河等處有總兵穆
 克登布等在彼防剿西紫之王黑壩瓦房店一
 帶又有總兵汪啟胡定泰帶兵防剿臣亦經飛
 飭該鎮等偵探賊蹤併力迎剿該匪連旬以來
 於深山老林中亡命奔走不遑掠食輒將馬騾
 宰食可見其窮蹙已極現有此數路官兵兜截
 旬日之間定可就地掃滅此股一經辦竣則此
 外實無大股所有零星散竄之賊分投搜捕尙
 易為力大局即可擬定再頃據穆克登布桑吉
 斯塔爾呈報初三日有賊匪數百人翻過界嶺
 竄至巖家溝穆克登布等率領將弁兵勇分路
 迎擊斬戮七八十人生擒三十三名賊匪竄匿

老林兵勇正於林內搜捕忽附近之蛇嘴子有
 伏賊突出兵勇受傷者三人穆克登布督率遊
 擊陶俊烈等奮力衝殺立斃三十餘名生擒十
 七名餘匪四散奔竄兵勇等分路追殺又斃賊
 四十餘名生擒二十八名餘匪百餘人零星逃
 遁仍翻界嶺入川天色已晚將官兵撤回班鳩
 關查訊獲犯七十八名內有偽先鋒李青一名
 偽總兵陳元奉一名據供係張子聰餘匪由界
 嶺逃入陝境均係積年陳賊即一併正法又總
 兵田朝貴所轄張魏賊匪數百人聞竄至蒼黃
 地界臣又派令副將蕭福祿等帶兵由通南前
 進既可探聽張魏賊蹤與田朝貴協力殲除更
 可將西面零星匪起緊殄滅現接陸有仁來信云
 過江賊匪係宋應伏李貴成二人為首由西北

聖朝聖德編卷之三

三

聖朝聖德編卷之三

三

一帶奔竄楊遇春慶溥韓自昌等各帶官兵節

次趕剿均有斬獲合計該匪與劉永受等賊人

數不過四五百名楊遇春慶溥等兵力數倍於

賊自不肯稍涉遲緩臣復疊次催令趕緊剿辦

務於正月內肅清漢北以便騰出兵力搜剿各

處零匪及早戡功至首逆李彬隻身奔竄不過

苟延殘喘現又傳知各路營卡寨民分投搜緝

聖著勅諭纂錄卷三十一

務期弋獲以邀厚賞再查叅將朱槐都司余步

雲守備管繼祥等前此派令帶領兵勇五百餘

名追剿李彬股匪現在該股匪除節次擒斬之

外所餘無多業經解散惟首逆李彬一人逃逸

茲又生擒首逆辛聰並將夥黨一股殄滅該將

備等實屬奮勉已結除叅將朱槐本有巴圖魯

花翎應暫緩獎賞外都司余步雲現戴藍翎應

懇

賞換花翎守備管繼祥應懇

賞戴花翎從九品職銜戴廷棟一總李文貴鄉勇頭

目王方三員名均懇

賞戴藍翎使派出各路剿賊官兵咸知奮勉可否如

此鼓勵之處出自

天恩奏入

聖著勅諭纂錄卷三十一

上命軍機大臣傳諭額勒登保曰辛聰係老教首逆

與張漢潮等同時起事在川楚地方肆擾有年今

經額勒登保督率將弁跟蹤追捕奮力截擊將辛

聰一犯生擒並偽總兵張士元先鋒陳尙志旗手

張國盈等餘匪悉數殄除李彬一股亦經官兵趕

剿全行辦竣首逆隻身逃竄定可即日搜獲所辦

仗好額勒登保著賞給四喜玉搬指玉大吉葫蘆

牌大小荷包參將朱槐等帶兵殺賊奮勇可嘉朱槐著賞給副將銜並加賞四喜玉搬指大小荷包毋庸再給議敘余步雲著賞換花翎管繼祥著賞戴花翎戴廷棟李文貴著賞戴藍翎與魏尊德祝鳳鳴一併交部議敘鄉勇頭目王方軍功白雲等當官兵圍住辛聰時奮勇直前將該逆生獲甚為出力王方除照所請賞戴藍翎外與白雲各賞銀

聖朝聖鑒編卷三

五

四百兩如未有頂戴俱賞給七品頂戴黃明蕭學文任大和各賞銀二百兩如未有頂戴俱賞給八品頂戴若王方等五人已有頂戴俱著加一等賞給併發去瑪瑙鼻煙壺十個小刀牙籤袋各五件交額勒登保分散帶兵出力將弁再發去一兩重銀牌一百面五錢重銀牌一百面分賞此次出力兵勇以示獎勵現在川省不過零星散匪惟苟逆

一股賊數稍多摺內稱經薛大烈等殲擒七百餘人該逆連旬以來祇向深山老林中亡命奔逃不遑掠食將騾馬宰割充饑實已萬分窮蹙額勒登保馳抵西鄉顧住西北探蹤迎擊德楞泰願住東面兜截前來而安康西紫等處又有穆克登布等分投防剿苟逆已成金魚吐獸自當即日就擒辦完此股川陝已無成股之賊額勒登保等酌量情形如實在可以戡定大局自必用黃面紅裏摺由六百里加緊馳奏竚望捷音速至渥沛恩施若零星餘匪尚多不妨遲遲報捷必須分飭將弁逐一搜拿勿留餘孽

聖朝聖鑒編卷三

五

欽定剿平三省邪匪方略正編卷二百九十七

壬戌年

正月二十三日乙未吳熊光全保長齡奏言查青

藍白各號餘匪只剩數百人東藏西躲總在房

竹邊界萬山之中惟恃老林為逋逃之藪希圖

苟延殘喘臣全保長齡督率總兵德昌王懋賞

等分路向西南山內隨剿隨進適據探報生長

溝元嶺一帶均有賊匪零星散竄又報紅岩溝

製書館編卷七

有一股賊匪約二百餘人詢之逃出難民云係

青號餘匪有張允壽之子張得貴在內臣等當

令德昌帶領都司馬驥等由生長溝左抄上元

嶺王懋賞帶領都司熙達色等由溝口搶進賊

匪慌亂衝出經兩路兵勇截殺立斃三十餘人

滾崖跌死者二十餘人生擒十五名訊係積年

真賊隨將該犯等駢戮餘匪四散翻山逃逸臣

全保長齡因紅岩溝一帶山路散漫且青號係

徐添德餘匪最為狡猾若帶領大隊前往恐賊

匪聞知連夜遁逃當督飭侍衛塔津保呢瑪善

等抄至沂浴河截住賊匪去路隨派都司鄧洪

守備麻光裕向伯端把總張朝鳴等挑帶精銳

兵勇於十二日乘夜趕至紅岩溝往撲賊營見

該匪在民房屯紮當即拋擲火彈一擁而進賊

製書館編卷七

匪猝不及備立斃五六十名餘眾鑽入亂草內

兵勇放火燒死者三十餘人一時火光燭照刀

砍矛戳又斃賊三四十人餘匪奪路衝出內有

一賊頭裹白布麻光裕自先搶進擒獲訊係首

逆張允壽之子張得貴並賊眾男婦三十四名

旗幟騾馬鎗矛無數天甫黎明臣全保長齡趕

至復分投剿獲四十三名將此股青號賊匪殲

擒淨盡並無一名漏網查該犯等與徐添德張允壽同惡相濟狼狽為奸寔已罪惡貫盈審月後即分別凌遲處死其兇悍矛手唐代幅等十七名一併正法餘俱被擄未久概予寧釋至王曾戴各逆經孫清元吉林泰帶兵跟追探聞已入川省大寧境內該處亦與房竹接壤難保其不繞道折回適准額勒登保知會德楞泰所剿苟逆股匪向開縣大寧一帶東竄恐其闖入楚境囑_臣等督率將領探蹤攔截查孫清元吉林泰係由大寧自東而西德楞泰係由開縣大寧自西而東如該匪竄近正可乘機夾擊_臣等飛札孫清元等相機迎剿_臣全保督同總兵德昌在漳洛河官渡一帶緊顧西路_臣長齡帶領侍衛呢瑪善富翰等在鷹腰樹等處東南迎截並

於二竹適中之地派令總兵王懋賞駐紮聯絡聲勢一面督率兵勇分路入山搜拿餘匪仍四路偵探設荷逆暨王曾餘孽竄近二竹房縣邊界_臣全保長齡即董率將備趕往截剿以期一舉集事_臣吳熊光在後路督催糧運以利軍行並曉諭各寨落一體協拿餘匪以期淨盡奏入上命軍機大臣傳諭吳熊光全保長齡曰此次青藍白各號餘匪在房竹邊界萬山之中潛匿奔竄經全保長齡督率將弁官兵奮力搜捕在紅岩溝地方痛剿得勝並連夜往撲賊營適賊匪屯聚民房官兵拋擲火彈一擁而進賊匪猝不及備無暇肆竄前後殲斃賊匪一百八十餘人生擒九十餘名搶獲旗幟馬鎗矛甚多將青號餘匪首逆張允壽之子張得貴臨陣生擒此股賊匪剿洗淨盡所

聖朝實錄卷之三

聖朝實錄卷之四

辦甚好全保長齡著交部議敘守備麻光裕當首
逆張得貴奪路衝出之時首先搶進遂將該首逆
擒獲尤為奮勇可嘉著加恩以都司陞用都司鄧
洪守備向伯端把總張朝鳴同時奮勉出力均著
交部議敘以示獎勵並著賞給吳熊光全保長齡
四喜玉搬指皮眼罩袋大小荷包並發去磁鼻烟
壺十件小刀搬指袋各五件又一兩重銀牌一百
面五錢重銀牌一百面分賞此次出力將弁兵丁
使各知感激倍加奮勉至此時功屆垂成尤應趕
緊剿捕廓清餘孽楚省邊界王曾戴各股餘逆前
據吳熊光等奏已竄往川省現在楚省本無大股
之賊此時青號零匪又已淨盡楚境早晚肅清而
苟逆一股現據額勒登保奏該逆已竄至川陝邊
界官兵分路兜剿不日可以辦竣是苟逆斷不至

欽定平定回疆方略

五

竄入楚境設或王曾戴各股餘逆有折回楚境之
事當奮力截剿若不致折回吳熊光等當督率兵
勇將房竹山內零星竄匪一律搜捕淨盡再將川
陝各邊卡嚴密堵禦不可稍有疎懈致賊匪一名
闖入再現在大功將蒞兵盛賊衰川陝賊匪除殲
筭擒獲外多有紛紛解散懇請投順之人自俱各
歸本籍但此內籍隸襄陽一帶者尤多伊等回籍
後難保其不再有潛行勾結情事吳熊光等尤當
不動聲色密為留心防範杜絕根株為要

欽定平定回疆方略

六

二十五日丁酉德楞泰奏言前因總兵薛大烈引
將李應貴等在青灣子痛剿苟逆賊股大獲勝
仗該匪走香蕈灣老山連夜向西南奔逃薛大
烈等緊躡賊蹤臣督兵由加當灣緊竄東面前
進嗣於臘月二十九日起陰雲密雪連日未止

初六日臣程抵湯家壩據哨探拿獲探事賊謝

萬金等二名訊據供稱苟文明連次破官兵剿

殺把元帥苟潮獻殺了戰手死得甚多祇剩一

千數百人見官兵追緊連夜由香曹灣老山繞

出雞鳴寺牽綴官兵前往西南便可由後坪高

觀寺黃墩一帶東走湖北等語臣查苟逆自甘

回川後屢據獲犯供稱急圖竄楚因被官兵分

聖朝聖編卷七

七

投兜截始行折回西南茲又北竄黃墩希圖東

逃入楚查黃墩東通大寧之一碗泉並平利之

茅壩大小樹河北翻界嶺即平利之八仙河散

子坪在在與楚毗連臣一面派幹弁兵勇赴黃

墩確探賊蹤一面即派總兵豐紳副都統銜武

隆阿等帶領馬步兵勇連夜趕至茅壩臣即取

道一碗泉扼住入楚之路旋據薛大烈等連次

稟報並差探黃墩弁兵回稟苟逆賊匪被薛大

烈達斯呼爾岱等連日跟追沿途頗有斬獲因

老山箐林雨雪積厚未能痛剿該匪被迫情急

又折向雞鳴寺轉到後坪高觀寺黃墩一帶希

圖東竄薛大烈趕至水寨子賊忽西折木瓜河

南溪等處訊據獲犯周士得等供稱苟文明原

思竄赴湖北因探得一碗泉茅壩都有官兵不

聖朝聖編卷七

八

敢東走纔又折回總想到湖北去等語查南溪

北通兩扇門南天門可出平利之八仙河若南

走係修基壩高觀寺西走即高頭壩羊耳壩而

兩扇門南天門又為川陝界嶺均係老林冰雪

堅澗艱險萬狀斷難行走況有總兵穆克登布

喜明等帶兵在八仙河一帶堵截該逆由此過

陝與否臣已飛飭穆克登布隨時確探迎頭截

剿期與薛大烈等兩面夾擊該逆若西竄高頭
壩羊耳壩額勒登保現在太平西鄉界上搜捕
業已扼住西面設或仍由原路之高觀寺後坪
南折斷不敢深入川東必出開縣之馬家營查
薛大烈達斯呼爾岱等原帶兵勇四千餘名
前又撥添副將李應貴等僑健鄉勇一千餘名
以之剿此收殘餘賊可期得力惟緣連日接據
巫山營都司袁陞侯署知縣徐士林稟報十二
月十七日戌刻突有零匪在城外教場焚掠該
都司等督率兵勇鎗礮轟擊斃賊數名賊匪退
至距城十里之七星舖屯住次早又帶兵勇追
剿拿獲賊匪賀三兒等二名訊係劉姓為首帶
有三百餘人由湖北來到菜子壩探聽城中官
兵多少要會合八石坪一股人同來撲城當經

剿平三省邪匪方略

九

稟請夔州府文武酌撥官兵二百名派都司帶
領到縣防禦又據八石坪探差報稱十七日有
賊百餘人由湖北竄至後營八石坪等處又據
大昌探差稟報二十日另有賊三四百人自通
城青龍嘴竄至大昌楊溪河一帶與前各逆合
夥現惟督率兵勇實力嚴防堵禦又據稟楊溪
河之賊於初八日折回八石坪仍向湖北當陽
東竄孫清元吉林泰帶兵跟追回楚又據夔州
府副將富明阿知府方積知縣徐大椿稟報十
二月二十五日有賊匪探馬突至距奉節縣十
里之下關城地方正在調派兵勇前往卽有賊
三四百人焚掠經富明阿督率千把帶領兵勇
擊剿立斃賊十餘名卽時潰逃是夜賊匪竄至
乾溪溝又乘黑攻撲把總許耀陞等營卡經許

剿平三省邪匪方略

十

耀陞等用鎗石擊退斃賊數名乘勢追剿至下坪高又殺賊數名向江邊之安坪至拖板屯紮又稱正月初一日有自巫山之水口竄來賊匪一股約四五百人由奉節之高家灣竄往鐵瓦寺而楠木溝黑馬石等處亦有零匪初五日該匪過朱家壩被礮首冉啟俊等截殺賊匪四名搶獲旗矛等件團勇亦有損傷又據署雲陽縣梁敦懷稟報十二月十四日有白號餘匪約三百餘人由奉節大壩竄來經二獅碛等五碛嶺首唐應龍等督集團勇截殺追趕共殺賊十四名帶傷而逃者二十餘名搶獲旗三面邪書一本團勇張得仁陣亡餘匪向開縣邊界竄去又據大保太平兩寨武生杜林等稟報十八日有賊匪竄至香坪甲經兩寨團勇兜截殺斃偽總

聖朝聖編卷五

十一

兵李正德一名賊匪十四名追過奉節界上而逃團勇內惟陳有瑄等四名被害臣查各股賊匪均被各路官兵剿敗自知罪大惡極不敢投出自首惟百計希圖延喘因思巫大雲奉各州縣濱臨大江未獲各首逆及老教賊目賊匪見勢已瓦解萬無生理難保其不改名換姓三五散行假扮各色人民乘間渡過南岸免脫逃生臣關係甚重當即飛飭沿江各州縣文武於渡江要津商賈船隻往來嚴密稽查盤詰萬勿稍生疎懈致令賊匪混過其奉節巫山大寧水陸運道及摺報文移因賊匪狡詐莫測畫則不持長矛身藏短刀假扮客民或充探信兵勇往來負販人等並伺寨居民碎難分別每被擄掠夜則四出模稜遂致道路不通閭閻亦受其累若

聖朝聖編卷五

十二

不設法剿除淨盡勢恐日久人數日增如各著名首逆久無下落者或在其內又復糾合成股則剿辦費手而於大局更有關礙此時賊勢情形實與從前迥異川東空虛無兵賊匪零星滋蔓運道梗阻且苟逆輾轉奔逃總欲牽掣官兵乘間入楚臣一面另為設法剿除零匪又可兼顧東面與額勒登保遙為聲勢况苟逆現已猖獗薛大烈達斯呼爾岱等帶領兵勇五千餘名跟追入山已獲大勝兵威又壯若臣大隊相機而進亦斷無以一萬數千兵勇前後追剿此子餘殘孽而置楚省邊界各匪不顧之理且有經畧督兵正在西北該逆斷不致有蔓延臣現又嚴飭薛大烈等務將此股賊匪趕緊掃除不可稍涉觀望加將苟逆殲擒就近卽解送經畧大

欽定剿平三省邪匪方略

正編卷二九七

營查詳奏報又查近來賊勢衰殘皆不成股數故總向無兵處所遁逃川東川北各碉寨雖有團勇時能截殺究不能賴以集事而各逆每聞大兵將到又皆瓦解四散無影無蹤臣現擬由楚境交界之八石坪自東而西分派將佐視賊之多寡酌帶兵勇分爲多路每路中以數十人在前引誘或扮團勇或扮行旅或爲難民或充零匪或附於碉寨或藏於林壑改裝易服使賊匪驟見莫辨庶能到處殲除設遇湖北賊衆或苟逆竟又東來臣均可併集兵力隨時剿辦如此變通籌酌於剿捕可期迅速若仍以大隊兵馬搜捕我兵未到之先賊匪聞風遠颺晝夜趕追兵疲馬乏受其牽掣更爲遲滯現在巫大奉雲零匪實多而又無兵剿辦臣權其輕重實有

欽定剿平三省邪匪方略

正編卷二九七

不得不為之顧及者因即於初十日由一碗泉取道徐家壩前進至總兵田朝貴并候補道劉清剿辦張添倫等股匪疊獲勝仗諒已就近稟報經畧現聞該總兵已由吳姚二壩有向南江之勢臣亦即札飭田朝貴務宜趕緊剿除再近據川東川北各州縣稟報寨團勇於零匪竄過時有殺賊三五名至二十餘名不等團勇中

《聖朝實錄卷五十七》

五

亦有陣亡傷亡者是辦理團寨事宜已有成效臣均已隨時飭遵前定賞格令各州縣逐一賞勵撫卹造冊彙報又接到賽冲阿温春等來信已帶兵至開縣馬家營一帶搜剿其時該處業已無賊嗣據雲陽奉節稟報均有賊匪竄擾當即就近帶兵前進途次探報勒保督同總兵張志林追剿一股賊匪六七百名由萬縣竄來恐

其東逃即前往協剿現在賊已西竄仍即緊蹙前進如苟逆南來自當先行迎截頃又接額勒登保來信在西鄉一帶剿辦李彬賊匪業將西北扼住查苟逆業已殘敗又有大兵跟追斷不敢竄陝臣現將川東零匪趕緊剿盡不但糧運無阻江岸無虞而楚界亦可肅清仍隨時確探苟逆賊蹤以冀速行殄滅奏入

《聖朝實錄卷五十七》

六

上命軍機大臣傳諭額勒登保德楞泰曰此次德楞泰將苟逆截回西南所剩不過千餘人勢已窮蹙現飭薛大烈等帶兵跟追德楞泰因川東巫大奉雲等處零匪滋事酌量緩急親帶兵勇由一碗泉前赴大寧之通城一帶督飭將弁分投搜捕又可緊顧東面與額勒登保遙為聲勢防苟逆東竄之路自應如此辦理此等零星竄匪雖訊據獲賊供

稱有由湖北竄來之賊但每年至春融時賊匪在
山內潛匿者常出山搶掠此時巫大奉雲零匪必
多係上年各處剿剩之賊冬間藏伏深山現屆春
和又思四出掠食今賊匪既已散竄自當分派將
領隨時隨地遇賊卽剿通計各處零匪數目不下
千餘人敢於在城外教場焚掠會合夥匪思欲撲
城又乘夜偷撲官兵營卡看來屢次所稱賊勢窮
蹙俱係空言竟不可信德楞泰現因賊匪假扮各
色人民乘間偷竊另爲設法視賊多寡酌帶兵勇
分路引誘并使賊匪驟見莫辨冀得到處殲除此
等機宜祇期於剿捕有益德楞泰可隨時設法酌
辦朕亦不爲遙制總之川東零匪專交德楞泰就
近剿辦斷不可任其竄入楚境務於春月內一律
肅除不拘何股辦竣卽速馳奏不必俟川東賊股

聖訓重編卷七

七

全數肅清始行奏報也至苟逆一股雖有薛大烈
等分路追擊但德楞泰既往川東不克兼顧著額
勒登保督同薛大烈等奮力殲洗勿少鬆勁俟辦
竣苟逆後騰出兵力幫同搜捕川東餘匪以期及
早廓除藏功奏凱所有各股首逆如李彬湯思蛟
劉潮選等犯現俱亡命奔逃額勒登保等固不可
專注爲首之賊置餘黨於不辦然亦勿令該逆等
潛竄漏網一有擒獲之信卽行馳奏再陝省竄匪
宋應伏李貴成劉永受等爲數不過四五百人額
勒登保務須上緊轉催楊遇春慶溥等將各股賊
匪剋日剿淨額勒登保德楞泰俱經節次加恩而
賊匪尙不能辦竣寧不自知愧奮耶

聖訓重編卷七

六

二十七日已額勒登保奏言臣帶兵入陝截剿

苟逆該逆竄回小界嶺龍柏河一帶逼近紫陽

地界臣一面飭令薛大烈等帶兵跟蹤追剿一

面親率扎克塔爾格布舍等由漁渡壩茅垵塘

進發緊顧西面該匪聞大兵分路追截於深山

老林中輾轉奔走薛大烈張續李應貴等於十

五日帶兵抵麻柳壩賊匪由大塘堤竄至木竹

坪一帶相距不遠薛大烈等帶兵趕抵木竹坪

該匪前隊已經他竄有後隊數百人遙見官兵

聖朝重編卷九

九

即佔據險山抗拒兵勇奮力上攻殺賊三十餘

名該匪零星逃匿官兵趕過數重大山又殺賊

二十餘名因雪霧瀟漫山坡陡滑未得痛剿該

匪向觀音堂折竄經已革總兵胡定泰帶兵截

擊由八廟河入星子山老林乘夜竄向五塊石

楮河一帶又經副將劉管城帶兵迎擊殺斃十

數名該匪不能北走由混人坪節草壩直向西

奔臣於十七日由高橋趕抵沙坡子探知賊匪

竄至楊家河相隔七十餘里即連夜發兵由控

馬嶺前進以期痛剿天明時兵抵楊家河賊匪

已於二更時由西鄉大路向西北奔逃恐其竄

出西鄉平原擾及漢中遂向司上一帶兼程抄

截官兵奔走二百餘里於二更時趕抵壩口顧

住西面賊匪不能西趨又竄向莞荳坡十二嶺

聖朝重編卷九

十

一帶查該處路通白沔峽逼近茶鎮及七星壩

江岸亦關緊要是日薛大烈等帶兵由節草壩

跟蹤前來即飭令由莞荳坡緊躡追剿臣於三

更時率同扎克塔爾格布舍等帶兵由西向北

取道白沔峽抄截詎我兵於黎明時行抵該處

該匪已於四更時竄過白沔峽向七星壩江岸

奔逃臣率兵趕抵江岸賊匪有涉水而過者有

撐船而渡者大半已過北岸兵勇等鎗箭並發將船打翻賊匪受傷溺入水中淹斃數十人餘衆盡奔赴北岸逃遁臣亦卽督催馬步兵勇躡淺過江併力追剿賊匪向秋木梁華家溝四散飛奔我兵分投追逐翻越十數重大山殺賊一百餘人生擒一百七名又有乘間逃散被寨民解送者四十餘人時已昏暮風雪交加計程亦有二百數十里卽於子午鎮暫扎鍋帳稍加食息訊據獲犯李正等供稱現寔有一千三百餘人苟文明係老掌櫃又有張温二姓充當元帥日夜奔走由白沔峽到七星壩見漢江水淺可以晒過又搶得小船二隻大衆一齊過江寔無一定去向等語當將該犯李正及積年矛手一百二十三名正法訖其餘二十五名係隨近被

脅民人給票釋放次日由遙峯一帶至菩提河探知賊匪已向迎風壩分路疾遁或北竄寧陝地界或東竄漢陰鎮安地界尙無定向臣現已飭知薛大烈張績等由井泉子兩河五郎關一帶偵探截剿臣卽由石泉漢陰顧住東南而進務乘該匪窮蹙亂竄之際尅期殄滅並知會楊遇春隨時探聽苟逆確蹤如果竄近迎剿則更臣易於集事至德楞泰一路官兵間由城口進發現到漢北有此二路兵力已敷剿辦其川東一帶尙有各股殘匪未經掃除現已知會德楞泰無須帶兵入陝卽於川東太平一帶協同勒保並督率賽冲阿豐紳温春等趕緊剿辦及早肅清至張魏賊匪於上月二十五日竄至南江一帶又與另股餘匪二百餘人合夥二十八日

竄至蒼溪之地捲寺田朝貴由得勝坪一帶追剿參將李芝榮帶前隊兵勇先行掩擊該匪竄上山梁兵勇等乘勢搶攻賊匪猛力下壓李芝榮受傷陣亡兵勇亦傷亡數十名田朝貴即督催後隊官兵奮力衝上山梁追趕二十餘里殺賊三十餘名生擒十七名該匪向廣元山林奔逸臣恐田朝貴兵力稍單業經派定蕭福祿侍衛彥丕勒等帶領馬步兵勇前往協剿昨參將朱槐等將辛聰生擒據報已解至巴州臣飭令朱槐等亦即帶兵前往蕭福祿一路協同田朝貴將張魏賊匪趕緊剿辦現據慶成呈報有賊匪約千數人向廣元會家河奔竄此股自即係張魏賊匪臣復經知會慶成緊顧西面嚴密截剿並與田朝貴蕭福祿等協力兜擊以期速行

辦竣再七星壩一帶江岸向本設有防兵去秋因賊氛已遠該一帶及石泉以上江岸無須備禦是以將官兵撤赴川陝邊界安設堵剿此次苟逆竄近陝界臣率同薛大烈等分路追截該匪無分晝夜向深山密箐亡命狂奔以致乘夜竄過江岸雖該匪勢已敗殘不能稍有滋蔓但臣督率官兵分路趕辦既未痛剿又未截住咎無可辭應恭懇聖恩將臣重加治罪次入上命軍機大臣傳諭額勒登保曰額勒登保奏報苟逆由西鄉向七星壩搶船偷渡殊出意料之外苟逆前既自投絕地何至此又復竄過漢江北岸且前據奏稱該逆已不遑掠食宰割驟馬何以猶能晝夜狂奔分路疾遁兼以馬隊官兵追剿步竄

《聖祖聖訓》卷之七
三

《聖祖聖訓》卷之七
三

之賊日行二百餘里何以竟未能緊躡截回是前
奏係謊言搪塞耳此次苟文明由川越過陝境漢
江自必係軍營官兵因過年節予賊以暇任賊勢
蔓延一至於此至賊匪向江岸奔竄時乘船搶渡
該處有一二船隻地方官未能預爲提禁朕亦不
加深究但七星壩一帶本設有防兵額勒登保前
因賊氛已遠遠行撤去是以苟逆股匪探知無兵

御製平定回疆方略卷一百一十五

五

備禦遂肆無顧忌搶船偷渡若該處防兵未撤致
有疎虞不特將防江官員查明懲辦卽額勒登保
係經畧大臣統轄各路已有疎忽之咎況江岸官
兵是伊裁撤不能先事豫防其自請重加治罪之
處是所應得若竟從寬免何以整飭戎行但念其
從前帶兵打仗屢著勞績姑從寬革去伯爵降爲
一等男並拔去雙眼花翎著換戴單眼花翎以示

薄懲現在賊匪由七星壩竄過江分投逃竄必
致與陝省之宋應伏李貴成劉永受等合夥益肆
鳴張苟逆本有千數百人若復與各股零星奏合
爲數更多愈難剿辦寔深焦急所有此股過江之
賊卽責成額勒登保專剿務於石泉等處就地殲
除萬勿令其竄近甘省或遁入南山老林逼近鎮
安商維一帶萬一賊匪潛入南山額勒登保必當

御製平定回疆方略卷一百一十五

美

飭催鎮將入山搜捕斷不可僅在山外株守使賊
在內輾轉畏脅稽延時日前據額勒登保奏陝省
兵力十倍於賊今伊又親帶大兵赴陝卽云連日
追馳稍覺疲勞而陝省各路官兵皆在本境堵剿
以逸待勞豈能以此藉口額勒登保務須督率各
路官兵將苟逆及宋應伏等零星賊迅速殲平肅清
陝境此時巫大奉雲各處零星竄匪合計不下千

餘人亦屬急須剿辦已專交德榜秦就近設法辦竣自不能分身兼顧川北而額勒登保已移師石泉地方川北一帶兵力稍單倘李彬湯劉等逆聞大兵齊赴陝境又復乘間折回辦理更為棘手著額勒登保迅飭田朝貴加福祿朱槐等嚴密堵剿即將川北一帶零匪迅速分路兜擊以期及早肅事其張魏賊匪約有千數百人向廣元曾家河奔竄額勒登保亦當飭令成緊顧西面截剿勿任該匪竄出並與田朝貴加福祿等協力殲擒如額勒登保能即將苟逆等匪辦竣仍當移兵川北督同田朝貴等將張魏各匪上緊殲除毋令稽延為要所有此次打仗陣亡之參將李芝榮著咨部賜卹

同日惠齡長麟奏言據探報辛曉後股賊匪百

餘人從留壩竄入黑河老林劉永受股匪分為兩股竄至秦嶺以北之板房子厚畛子一帶宋應伏李貴成賊匪亦分兩股一股由四畝地金雞河竄入秦嶺以北之黑山谷西流水一帶一股竄入孝義廳屬之沙維帳韭菜灘一帶查該處俱係深山老林山徑險仄為節年來辦賊費手之區兼自正月初旬陰雪連綿兵勇穿林搜捕將備亦棄馬步行備涉艱險而各該匪等依恃路險林深晝則藏匿老林夜則掠食奔竄時出時沒臣等焦急萬狀節次嚴催各路兵勇分布四面設法進攻提督楊遇春副將韓自昌參將吳亨衍在四畝地兩河口一帶由南向北進剿副都統慶溥通判雒昂在高關洵陽壩一帶出東向西進剿適本任寧陝鎮總兵楊芳帶領

官兵由五郎江口一帶自東向西進剿_臣等帶

兵緊顧北面各峪口探有賊匪卽迎頭截擊不

敢稍留餘力又據報副都統慶溥率同通判維

昂帶領兵勇於正月初一日在盤崖景峪內之

偏巖子追及劉永受賊蹤該匪搶佔山梁擲石

抵攔兵勇肩石仰攻斃賊數十人鎗斃大旗手

二人十二日維昂鄉勇於寡婦橋趕上劉永受

剿平三省邪匪方略 正編卷二九七

賊蹤賊匪從陰陽坡下山分三股迎敵軍功鄉

勇等鎗礮齊發立斃賊匪十數人生擒三名又

竄至孝義沙羅帳等處經護鎮安營遊擊馬世

勳在小庵溝殲斃六名拿獲四名又宋應伏等

賊匪經_臣等沿山堵截於十七日竄至西流水

相距澗峪口七十餘里_臣等卽督率軍標遊擊

馬得帶領兵勇於二鼓拔營十八日黎明趕抵

西流水宋應伏等一見兵至卽搶佔沙窩子山

梁官兵鎗礮齊施擊斃賊匪三十餘人救出難

民十三名該匪四散狂奔_臣等現在分催各路

合力兜截務期殲滅淨盡仰慰

聖慈至辛聰後股賊匪竄入黑河後_臣等飛飭道員

朱爾漢遊擊七十九於甘省邊界嚴密防堵一

面飭催防守畧陽留壩之將備等跟蹤截剿據

剿平三省邪匪方略 正編卷二九七

報防守廟臺子守備史克忠在妖洞溝截殺賊

匪十餘人生擒五名又道員朱爾漢率同兩當

縣知縣誠忠帶領寨勇在兩當屬之西河寨追

殺賊匪十八名該匪由黑河逃往沔縣境內又

據沔縣知縣馬允剛稟稱督飭署該縣典史謝

大名並該令之子馬樹坊率領寨勇搜殺十餘

人擒獲活賊三名內有一賊羅姓是否係屬頭

目現在解赴漢中聽候撫臣陸有仁委員審訊
現在餘匪又由沔縣竄赴畧陽老龍溝遇慶成
派委之守備李如緒打敗僅剩賊匪數人四散
逃竄奏人

上命軍機大臣傳諭惠齡長麟曰前據額勒登保奏
陝省官兵十倍於賊當此賊少兵多之際該督等
正應督催將領上緊搜捕力摺內動以陰雪連綿

聖朝重賞

三

備涉艱險為詞又落從前軍營奏報故套似此怠
玩因循轉瞬氣候融和賊匪藏匿深山者俱各四
出滋擾且青苗在地并得到處掠食輾轉蔓延裹
脅奏聚伊等又將藉口於賊多兵少何時始能蕪
事惠齡長麟俱著傳旨申飭提督慶成楊遇春向
來打仗尚屬奮勇近來未見與賊接仗著惠齡等
傳旨將慶成等嚴行申飭楊芳現已到任正可令

其帶兵剿賊并著該督飭催慶成楊遇春慶溥楊
乃及道員朱爾漢分投搜捕務將宋應伏李貴成
劉永受及辛聰後股殘敗餘匪趕緊殲滅肅清陝
境倘遲至二月後賊匪尚未辦竣不但慶成楊遇
春等當嚴行治罪并將該督等一併懲辦決不寬
貸

聖朝重賞

三

同日陸有仁奏言連日據探報南山賊匪分出
零股數十人由海青溝老林竄至棧西之黑河
一帶臣隨飛飭沔縣寧羌畧陽各地方官嚴密
堵剿並飛咨慶成分派官兵到處搜捕旋據沔
縣知縣馬允剛稟稱該匪等由畧陽之棧壩林
竄入沔境當即督飭典史謝大名並該令之子
馬樹坊率領義勇奮力截擊殲斃賊目關掌櫃
及餘匪三十餘人又生擒賊目羅姓並劉順國

曾有娃三人餘匪無多竄至老龍溝復經慶成

派出兵勇搜拿淨盡隨訊據曾有娃等俱供稱

羅姓卽係賊首羅半年臣一併提至漢中親加

研鞫如是係首逆羅半年另當恭摺具

奏至漢陰過江之宋李二逆股匪竄至盤屋景峪

一帶經惠齡長麟派撥兵勇截剿殺斃賊匪數

十名餘匪折向東趨現在總兵楊芳督同副將

韓自昌叅將吳亨衍等合力兜截斷不致任其

東竄並過江賊內另有分出賊匪數十人潛匿

寧陝河口已派遊擊林向榮帶兵搜剿又賊匪

劉永受一股由盤屋柳葉河一帶竄入老林楊

遇春慶溥並通判雒昂三路兵勇分投剿捕臣

查山內餘匪兩股人本無多兵勇十倍於賊祇

以霧雪甚大賊匪到處狂奔尙未能一鼓掃蕩

現復添有楊芳一路官兵分投剿辦更不難尅

日殲除洵可仰紓

聖廕經畧額勒登保在川陝邊界搜捕李彬殘匪適

派出兵勇在於南江之五寶山遇見辛逆股匪

當卽痛加剿殺生擒首逆辛聰餘匪殲洗殆盡

查辛聰係著名首逆積惡已久今得臨陣生擒

寔足以大快人心洵爲卽日歲功佳兆其苟逆

股匪經總兵薛大烈連次接仗擒斬甚多餘匪

盡棄驟馬竄入老林薛大烈緊躡追剿額勒登

保恐該匪折回陝境並因星子山一帶另有賊

匪闖入現卽統領大兵由西鄉漁渡壩一路探

蹤截擊所有各路軍糧臣隨時督飭源源運供

不敢稍有缺誤奏入

上命軍機大臣傳諭陸有仁曰陝境零匪爲數無幾

卽抄出高家營值賊匪正自西來兜頭迎截當
 殺賊四十餘名生擒彭世祥等三十七名口趕
 至巴東之兩河口突見一股賊匪千餘人在兩
 河口左面山坳圍攻碉寨我兵趕至山下見碉
 門豎立賊旗二桿該碉民一見官兵齊喊救命
 臣恐係賊計詭譎卽將兵勇暫紮細看情形實
 係百姓被困正當危急之際我兵自應先行解
 救免其荼毒 臣卽令豐紳帶同總管富登阿副
 將張良槐等爲一路副都統達勒精阿總兵馬
 瑜等爲一路副都統銜色爾滾武隆阿等爲一
 路 臣帶領侍衛克什布巴哈布副將達自祥等
 正在分佈督飭間賊衆竟敢恃險下壓三路將
 弁兵勇競進仰攻鎗箭齊發復用大礮指定轟
 擊立斃賊匪三十餘名生擒項朝富等十七名

欽定剿平三省邪匪方略 正編卷二九八

賊卽搶上山頂叅將馬濟帶領弁兵首先搶上
 賊倚恃陡險推滾亂石搏擊如雨馬濟並千總
 嵩士發把總石華貴戴應放均被石傷陣亡副
 將鄭啟貴奮不顧身率領貴州官兵冒石競進
 搶上山頂衝入賊隊連射二賊該匪愈聚愈衆
 鏖戰一處鄭啟貴挽弓不及卽奪獲賊矛力敵
 身受石傷二處矛傷一處幸不甚重富登阿帶
 領索倫官兵步行繼上亂箭齊發連射賊匪十
 餘名應弦而倒將鄭啟貴救出惟把總王占鰲
 朱之必外委楊正坤桂天元同時陣亡豐紳達
 勒精阿等箭枝射已殆盡又殺賊匪一百四五
 十名生擒王士貴等三十四名帶傷賊匪甚多
 賊衆始敗向北逃 臣復督率兵勇趕追二十餘
 里翻過石埡子大山沿途又殺賊十餘名生擒

三二七

陳益德等二十三名天氣已黑卽行紮營旋探
 該逆已向興山之毛龍寨奔逃查毛龍寨一帶
 係從前徐添德等所屯之地四面俱係箐林直
 通豐玉坪非走九道梁卽奔房縣當訊獲犯項
 朝富等供稱此股賊匪是陳湖觀二子爲首不
 知名字去年陳湖觀在陝西被官兵殺散逃走
 不知生死只剩二百餘人與會芝秀台夥後復
 因口角分開躲到興山巴東巫山山內摸樁破
 過幾處洞寨今湊有一千餘人將張家洞圍住
 三日不想官兵殺來等語復令於獲犯內指出
 僞先鋒徐得茂旗手李發並戰手陳益德等四
 十三名概行斃割梟示其餘被裹未入難民王
 士貴楊王氏等就近送交巫山縣省釋安插其
 彭士祥等三十七名口亦卽訊明分別辦理是

聖朝聖德編卷六

四

夜據哨探回稟三溪河之賊由巴東兩河口折
 回巫山之龍村一帶距巫山縣城八九十里又
 據逃出難民吳貴供稱此股賊匪係老黃號並
 黃白藍青等號都是官兵打散零賊合夥並無
 元帥內有陳朱沈三人爲首每起不過三五十
 人或百餘人總在興山巴東巫山山內擄掠今
 聚有一千餘人探得巫山縣城兵少想要破城
 聞官兵來乘夜往湖北逃走不料官兵迎面殺
 來纔又轉到龍村等語查臣去冬督兵遠在川
 北楚境賊情毫無見聞昨抵大寧時臣卽移咨
 吳熊光全保長齡等將楚省近來剿辦賊股及
 賊匪現在何處賊數多寡情形詳細移知至今
 尙未見覆現在查核興山巴東巫山界上賊匪數股
 約計共有四五千入其二竹房縣等處有無賊

聖朝聖德編卷六

五

匪刻下未能周知^臣 應卽帶兵過楚剿辦第巫
山濱臨大江城內兵備空虛勒保現督同賽冲
阿温春張志林等在梁萬一帶剿賊達州東鄉
又有零匪肆竄勢難兼顧此時雲陽奉節大寧
巫山水陸運道難通若不就近將此股賊匪掃
除徑行督兵入楚不免有顯此失彼之虞若分
兵剿辦^臣 除撥賽冲阿及薛大烈兩路兵勇外
存營之兵並豐紳帶來兵勇共計不過五千餘
員名其勢再難分撥至藍號陳朝觀餘匪非北
竄九道梁上龕則走房縣探聞全保長齡現督
兵在房縣之獅子崖堵剿^臣 已飛咨全保長齡
探明截擊並飛札飭查孫清元吉林泰等所追
係何股賊匪現向何處逃竄將一切剿辦情形
詳晰具報以便酌辦^臣 卽於十九日移師西來

欽定剿平三省邪匪方略

六

二十二日起駕巫山之琴樂坪探報折竄各號
餘匪仍回龍村三匯舖王家槽一帶相距巫山
縣城六七十里及八九十里不等^臣 擬卽分路
進剿務期卽行肅清再行督兵過楚其田朝貴
所追張魏賊股近據川北道李鉉稟報該總兵
於十二月二十九日在蒼溪白鶴觀等處剿賊
小有失利恐賊勢又復鴻張江岸緊要懇請撥
兵協剿查田朝貴所帶貴州山西官兵及鄉勇
等不足二千未能痛加剿殺該匪總在蒼溪一
帶遊奕而江岸實關緊要^臣 查額勒登保一路
兵勇除派撥楊遇春帶赴江北外所剩兵勇恐
難抽撥當卽札商勒保如梁萬之賊無幾張志
林一人足資辦理卽令賽冲阿等帶領原兵馳
赴蒼溪廣元一帶督同田朝貴併力剿辦張魏

欽定剿平三省邪匪方略

七

賊匪則江岸亦可無虞

同日勒保賽冲阿奏言臣賽冲阿將韓朋瑛等

溪溝等處賊匪剿洗後適接德楞額奏來札以解

縣雲陽大寧沿山一帶時有零匪出沒晝藏夜

見四散摸樁囑令由謝家壩扎金壩一帶沿途

探蹤搜捕臣賽冲阿隨帶兵從開縣夔府一路

進發行至桂壩地方探報有賊一股約四百餘

《聖朝勳績錄卷八

八

人自雲萬竄來臣賽冲阿即由桂壩移兵迎擊

該匪聞信即折回西竄開縣之高陽地方時臣

勒保兵抵開縣聞信後即一面知會臣賽冲阿

跟蹤緊躡一面飛飭張志林帶兵向臨江市鐵

索橋等處兜截臣勒保仍帶兵勇趕往策應十

五日臣賽冲阿一路官兵緊躡賊蹤馳抵南門

場探聞賊匪竄走跳墩場沙壩一帶臣賽冲阿

當與副都統溫春總兵蒲尚佐等商定於二更

殺兵兼程追趕從琵琶場至跳墩場賊匪先已

遁走官兵復由黃家壩陳家壩直追至萬縣所

屬之彈子壩天尚未明探知賊眾在彈子壩半

山高險之處屯紮尚未起竄當將馬步官兵分

為左右兩路臣賽冲阿帶同協領穆騰額等由

左嶺進攻溫春帶同侍衛富森德等由右手進

《聖朝勳績錄卷九

九

攻蒲尚佐帶同參將馬元等率領馬隊官兵由

山下向上仰攻賊匪恃險抗拒步隊官兵奮力

攻撲鎗箭齊發斃賊十數名適左右兩路馬隊

官兵已繞上山梁兩面夾擊賊始驚惶四散官

兵乘勢分投剿殺斃賊七十餘名生擒男婦五

十一名口奪獲賊旗刀矛等件又滾崖跌斃賊

四十餘名該匪被剿情急翻山越箐捨命奔逃

我兵緊躡追捕復由馬鞍寨白沙壩直上莫家山大梁沿途追殺復斃賊四十餘名生擒三十名是日酉刻臣勒保帶兵趕至會合當卽一面派兵搜山一面親提活賊審訊均係零星匪夥並無要犯在內隨卽分別辦理其張志林一路官兵由臨江市鐵索橋取道向新寧前進途次探得柏林槽地方有不知姓名賊匪一股約二百餘人在彼竄擾張志林卽連夜進發賊匪聞信先已起竄官兵跟蹤緊躡計程一百五六十里於十六日申刻追至莫家溝地方探得賊匪在前面山坳屯紮張志林隨派遊擊唐際盛夏雲龍分帶兵勇從左右山溝抄出掩襲張志林親帶都司畢萬年等督率兵勇翻山下壓賊匪見官兵從上而下卽分路向左右山溝奔逸適

聖素齋藏書卷之十

十一

遇唐際盛夏雲龍兩路兵勇迎頭截剿該匪紛紛亂竄我兵爭先擒捕立斃賊六十餘名生擒五十名滾崖跌斃者復有二十餘名奪獲賊旗刀矛甚多尙有逃散賊匪數十名俱鑽入林箐窮竄張志林當卽派兵搜山一面將活賊解赴臣勒保軍營聽候查訊辦理臣勒保提犯嚴訊內有賊首王得一名據供係首逆王登廷之堂兄王學禮之姪嘉慶元年九月與王登廷等同起事王登廷被擄後卽在營接手管事眾人

聖素齋藏書卷之十

十一

事及從賊日久之犯當即分別交還正法其餘

訊係被脅難民避籍安插臣勒保查此股賊匪

既經官兵擒斬多名並將賊首擒獲所剩餘匪

數十人無難一併殲除現已飛飭張志林趕緊

搜捕務期淨盡再臣前在南垣場途次聞東鄉

中河一帶零賊一股有竄向達州新寧之勢當

即分派遊擊羅思舉守備桂朝陽等酌帶鄉勇

前往探剿十四日行抵麻柳場探得該匪約有

二三百人已竄至風桐子與麻柳場相距二十

餘里羅思舉等當即兼程馳往賊匪佔據該處

山梁羅思舉等分投夾擊斃賊四十餘名生擒

八十六名餘匪仍翻回原路逃散當將活賊查

訊內有亢仕洪一名據稱係首逆度向瑤之妻

舅向在賊營充當頭目帶領四五百人在湯恩

蛟股內隨同各處打仗去年七月間在沙壩被

官兵打散帶領六七十人逃入太平老林又與

別股湊合二三百人近日要向新寧一路竄到

風桐子被官兵擊住等語羅思舉等當將所獲

各犯就近解交達州聽候審訊辦理臣等查彈

子壩剿剩之賊約尚有二百人被兵擊散四路

奔逃探得已竄梁山新寧一帶其風桐子剿剩

之賊亦尚有百餘人仍翻回東鄉一路且聞八

台山馬家營等處零股賊匪百人為羣者尚多

若竄出滋擾總在附近東開新達一帶腹地至

奉節巫山大寧等處現據該地方文武稟報均

有餘匪或自楚省竄來或自老林竄來時出時

沒往來滋擾均須逐一搜捕臣等公同商議統

領官兵先由梁山新寧一帶將現在剿剩餘匪

分路搜捕淨盡再偵探東開奉大等處賊情或
分路搜捕或併力殲除臨時酌量情形趕緊辦
理均奏入

上命軍機大臣傳諭德楞泰勒保曰德楞泰一路在
巫山兩河口等處所獲零匪不過百數十名及三
四十名不等而與巴巫山等處股匪竟有四五千
人在彼屯聚勒保一路張志林等分剿之賊殲擒
五百餘人而摺內稱奉節大寧等處均有賊匪或
自楚省竄來或自老林竄出時出時沒往來滋擾
是賊數又復增多辦理轉行棘手朕心深為煩懣
德楞泰係成都將軍勒保係該省總督俱在川省
辦賊有年非初到該省者可比所有賊匪往來熟
徑及藏匿處所總在川境之內自應深悉乃毫無
知覺直同聾瞶而地方官亦並不查察稟報殊屬

全無天良賊匪狡獪異常冬間則憩息山內春間
則潛出肆竄以逸待勞而官兵轉為牽綴豈伊等
於用兵主客之勢亦懵然不知耶看來老林伏匿
之賊恐尙不止此數伊等在彼所辦何事大負委
任德楞泰勒保均著傳旨嚴行申飭剿辦教匪已
逾六載各路徵調兵勇不下十餘萬所用餉銀由
內庫發給者前後已及七八千萬其由各該省解
撥者尙不在此數豈得藉詞兵餉不足乎乃言防
堵則賊匪欲陝而陝欲楚而楚從未見有一處截
其去路惟事尾追言剿捕則僅殲斃落後餘匪卽
擒斬一二首逆而賊中又有號稱為首者如陳朝
觀之二子素未聞有是人今忽湊成一股勢甚猖
獗以此而推則李彬湯思蛟等或亦在他處勾結
餘燼復熾皆未可知目下情形竟足另起爐灶豈

非前功盡棄耶經畧額勒登保昨因荷逆竄回江北由伊撤回防江兵勇所致已革去伯爵雙眼花翎降為一等男德楞額保可不引以為戒乎所有川東之賊著貴成德楞額迅速辦竣再往楚境剿辦與巴賊匪其川省梁山新寧一帶剿剩餘匪著貴成勒保及賽冲阿二人督率搜捕毋得再有遲延致干重戾副將鄭啓貴總管富登阿俱屬奮勇著存記俟再有出力之處奏明加恩其打仗陣亡之參將馬濟千總萬士發把總石華貴戴應敷王占鰲朱之必外委楊正坤桂天元俱著加等賜卹

初二日癸卯陸有仁奏言連日復據探報荷文明股匪經總兵薛大烈帶兵追剿由西鄉星子山老林竄出節草壩一帶經畧額勒登保得信即

親督兵勇趕赴拴馬嶺堰口一帶兜截該匪已竄至七星壩江岸踰淺偷渡額勒登保大兵趕到乘賊半渡截擊擒斬二百餘人其大隊之賊分為數股向饒峰嶺迎風壩一帶奔竄逼近寧陝鎮安地界額勒登保即由石泉漢陰統兵前進扼賊東竄之路薛大烈等自兩河一帶緊躡賊蹤以期兩面擊剿參贊德楞額帶兵至西鄉漁渡壩現經額勒登保止令入川會同勒保剿辦另股賊匪又劉永受一股尚在鄂縣山內奔竄其宋應伏等一股已竄至藍郡境內楊遇春楊芳維昂等隨地探蹤剿辦惠齡長麟等亦派兵入山搜捕惟因山中霧雪瀟漫該匪等盡則潛匿老林夜則翻山逃竄以致尚未得手并有分出一股由磨房溝竄至岐郿交界之陳村一

帶經遊擊韓一八圖等帶兵探剿賊數十餘名賊
復竄至郿縣橫河騰韓克圖等現仍帶兵堵剿
又有零匪一股潛出棧道向西奔竄已至秦家
壩一帶臣隨飛飭沔縣寧羌畧陽等處各地方
官督率寨勇嚴密堵擊并飛咨慶成就近派兵
實力搜捕務期悉數殲除無任竄入川境此時
山中兵勇雲集經畧又復入山且薛大烈所帶
兵勇較多亦同時馳往會剿所有糧餉更關緊
要臣嚴飭地方官并各路糧員隨地隨時源源
支應奏入

臣軍機大臣傳諭額勒登保曰陸有仁奏荷逆過
江以後經官兵擒斬分爲數股向饒峰嶺迎風壩
一帶奔竄逼近寧陝鎮安地方逸入南山額勒登
保由石泉漢陰統兵前進扼賊東竄之路年來賊

欽定剿平三省邪匪方略 正編卷二九八

匪潛入南山帶兵大員不能上緊搜捕任賊匪在
山內輾轉裹脅數月後又復任其逸出延緩積習
最爲可恨此次荷逆既經北竄入山卽專交額勒
登保一手辦竣或酌派鎮將入山追擊或親身督
兵前剿其應如何堵截剿辦之處朕亦不爲遙制
但須尅期辦竣勿令蔓延現在川東川北各股零
匪已交德楞泰勒保等分投截擊各專責成額勒
登保竟不必分心兼顧况陝省兵勇十倍於賊卽
現在荷逆闖入而額勒登保所帶大兵業已全行
赴陝聲勢更爲壯盛仍屬兵多賊少額勒登保務
當督率鎮將等自東而西截擊不可任其竄近豫
省亦不可令由棧道逸入甘境或乘間竄回川北
爲要陝省五郎地方早經添設總兵其南山各隘
口亦添派兵弁分段駐守何以荷逆偷渡江北逃

欽定剿平三省邪匪方略 正編卷二九八

竄南山如入無人之境豈該處添設營汛等事竟未辦理耶著額勒登保即速查明據實具奏至前據額勒登保奏張魏賊匪約有千餘人向廣元會家河奔竄會否入陝其辛聰後股餘匪竄入黑河一帶現又據陸有仁奏另有零匪一股潛出棧道向西奔竄已至秦家壩此數股零匪俱著交廣成等就近派兵實力搜剿額勒登保應隨時飭催務令悉數殲除毋得稍有遲滯

同日

上命軍機大臣傳諭各路領兵大員陝甘四川湖北各督撫曰各路軍營奏報皆稱賊匪窮蹙不成股數指日即可蕩平乃近日節據額勒登保德榜秦勒保等奏報有逆竄過漢江其餘巫大奉雲梁山新寧及興山巴東等處賊匪四出滋擾賊數較前

頓增數倍此等賊匪皆係從前剿剩各股餘孽如陳朝觀之兩子及宋應伏等向來本未著名今忽湊聚成股隨處竄擾若不亟為撲滅必致又成大股在賊匪狡猾伎倆總以嚴冬竄伏川陝交界深山老林為延喘伺隙之計帶兵大員隨賊追逐於各處潛藏之賊或未能深悉至地方州縣於本境管轄深山老林不過一二百里耳目易周如果有賊匪伏匿境內該處地方鄉保不難嚴密稽查隨時稟報該州縣等斷無不知之理乃各州縣以剿辦事宜為帶兵將領專責而於賊匪潛藏本境置之不問試思州縣官所辦之事有過於此之重大者乎此時各處賊匪既已出山紛竄雖係餘孽皆當隨時隨地上緊截剿掃除淨盡六年以來剿賊之法總係跟蹤追剿賊匪等多分股數牽綴官兵

兵至則四散潛藏兵退則分投滋擾是該匪等轉
得輪番休息以逸待勞而我兵昕夕追馳日形疲
乏主客之勢不明以致中賊詭計日久遷延迄無
成效自宜亟籌變計各專責成勉圖奏績此時陝
境苟逆及各處零星匪專交額勒登保督同楊遇春
等辦理陝省西竄零星匪專交慶成慶溥等辦理川
東一帶之賊專交德榜泰辦理川北之賊專交勒
保賽沖阿等辦理楚省興山等處各匪專交吳能
光全保長齡等辦理務將各人專辦之賊即在本
境內就地殲除不得以驅逼出境了事如有他省
竄至之賊亦即當隨時截殺俾賊匪所到之地皆
有兵截剿無從逃逸可期以次肅清並各於要隘
處所添撥兵勇嚴密防範務使聲勢聯絡互相接
應於剿捕方為有益至陝省南山一帶從前曾經

聖旨著照舊章辦理

三

奏明肅清此時即有苟逆等竄入伊等素無巢穴
諒必不能久存其川省巫大奉雲等處零星匪為數
較多且係向伏深山近日始行出掠其中自必有
屯聚處所素為賊匪依踞並著地方官留心查察
以絕根株倘仍因循玩忽不及早報明即行嚴參
治罪再統計各處竄匪不過萬餘而額勒登保等
所帶征兵數倍於賊諒剿辦但恐官兵日久疲
勞應須酌換或分則見單不敷撥遣不妨量為添
調如廣東貴州等省得力之兵皆可調撥額勒登
保等當酌量情形一面調撥一面奏聞不得以前
此奏請撤兵意存迴護倘實在無須增添亦著迅
速具奏

聖旨著照舊章辦理

三

臣等謹案川陝楚三省山深箐密之區奸匪
流民隨處皆有自邪教倡亂以來始得嘯聚

成羣乘機煽結屢經彌難由尚存或逃官
兵剿截緊急潰散奔逃踰時而復成烏合桀
黠者輒自號渠魁或屆冬令近寒潛蹤巖穴
逮春和而竊發藉剽掠以苟延數載稽遲卒
由於此我

皇上洞燭先幾查經

誠諭帶兵大員以剿辦一股必須殲除盡淨實為

製著程重編卷五

五

握要機宜而地錯勢紛餘孽迄未絕迹方成功之待

蕙忽賊數之增多茲蒙

聖明指示分定責成並令地方官隨時嚴密稽查

制勝運籌綱條預立是以不旋踵而賊氛蕩掃也

上又命軍機大臣傳諭吳熊光曰前據德榜奏稱

有另股賊匪三四百人竄至大昌楊溪河一帶與

各股合夥仍向湖北當陽東竄昨又據德榜奏勒

保奏報與巴巫山等處有賊股四五百人在彼屯

聚辦理轉形棘手吳熊光係本省總督豈竟毫無

見聞現在川陝楚三路已降旨令帶兵大員分段

剿辦所有湖北各股賊匪專交吳熊光全保長齡

等併力殲除務將潛匿股匪淨絕根株勿留餘孽

至楚省糧餉不待奏請又撥安徽捐監銀十萬兩

解往接濟該省餉項倍形充裕務當源源供運毋

製著程重編卷五

五

使缺乏為要

上又命軍機大臣傳諭安徽巡撫福慶曰安省捐監

項下現存銀九萬餘兩此時湖北辦理剿捕事宜

需用尚繁此項銀兩不必解京福慶即於別項內

先行湊足十萬兩迅速遴委委員解赴湖北交吳

熊光收貯備用

初三日

甲辰

吳熊光全保長齡奏言伏查川楚邊

界犬牙相錯道路分歧前此王會等匪由巴東邊界剿敗入川經總兵孫清元吉林泰統率兵勇緊躡追襲探聞已入大寧境內因思房竹南面之陰條嶺張公橋向家壩等處悉與大寧毗連為賊匪往來熟徑相距巴東六七百里該匪等一入大寧即可繞由北面仍入楚省房竹境內且叅贊德楞泰所剿荷逆一股亦恐由大寧至向家壩等處狂奔入楚臣全保督率總兵德昌王懋賞由官渡向二竹西南邊界迎截臣長齡統領官兵由灣腰樹向九道梁陰條嶺等處攔擊並將各處老林藏匿零匪順道分兵搜捕連日擒獲賊匪自數名至一二十名不等隨即正法日來西南邊界已漸就廓清茲於二十一日接據孫清元吉林泰等報稱王會等逆自入

聖朝聖恩編卷三

美

川後分爲數股翻山越嶺晝夜狂奔該鎮等兼程進發趕至巫山梁家巖探得前路有賊攻撲寨礮該鎮等帶領兵勇前往援救斃賊七名生擒賊目張開甲一名餘匪翻山逃逸訊據張開甲供稱此股賊匪係王四猫冉姓餘匪王曾賊股已向大寧尖山坪竄去等語當將該犯正法隨由大昌槐花坪探路追擊行至烏龍觀探有賊匪屯聚該鎮等當即率兵進剿賊匪折竄巴巫河該處河水溜急賊亡命洶渡溺死甚多我兵奮勇爭先俱各涉水搶渡亦間有淹斃隨經總管托爾托保等帶領馬隊躡淺過河斃賊四十餘名生擒矛手六名領催舒明阿生擒偽先鋒羅世友據供線字號原係辛聰爲元帥前年在萬縣地方被官兵剿散不知生死現係張元

聖朝聖恩編卷三

毛

師營事我在營充當先鋒等語當將該犯懲罰
 其子手羅士明等六名一併正法餘匪統由北
 面老林折向巴東奔竄該鎮等現在回師追擊
 又據防守巴東之遊擊俞國智稟稱王曾等逆
 由木瓜溪折回巴東龍船河地方經該遊擊督
 率兵勇奮力迎擊殺賊二十餘名賊匪愈集愈
 多千總唐宗莒手刃數賊力竭陣亡該遊擊亦
 受矛傷二處經把總袁大綱率領軍功首領徐
 功茂等衝入賊隊將該遊擊救出袁大綱身受
 矛傷數處其首領徐功茂等七名皆力戰陣亡
 隨經都司周言昇同知尹英圖帶領兵勇趕赴截
 擊擒殺賊匪五十餘名賊眾即由黃荆嶺竄往
 羅甸溪 臣 吳熊光因孫清元等雖經趕回已落
 賊後恐致乘隙東竄當即飛信知會 臣 長齡由

《聖朝聖蹟彙編卷六》 天

房縣興山一帶趕赴歸巴迎頭截剿札商 臣 全
 保暫駐房竹西南邊界以防川匪乘間闖入茲
 於二十五日復據孫清元吉林泰稟稱前因王
 曾等逆折竄巴東當即倍道馳回深聞該匪等
 已由觀音閣竄往歸州走馬嶺等處該鎮等連
 夜兼程抄赴賊前以遏東竄之路恐賊匪聞知
 遠遁並密飭首領甘魁所帶鄉勇假扮教匪前
 往誘敵將官營旗號藏匿各執前獲賊旗於十
 七日四更時分直向賊營進發孫清元督同遊
 擊烏勒喜訥都司姜元祥等帶領兵勇由右手
 古城前進總管托爾托保副將烏爾卿額等帶
 領馬隊官兵同軍功首領鄭光明等帶領練勇
 由左手長嶺一帶抄截吉林泰率同副將樊雄
 楚參將毛秉剛等帶領弁兵由中路瓊壩包進

《聖朝聖蹟彙編卷六》 天

剿副將李天林朱士奉等率領弁兵在走馬嶺南首小路埋伏以便截擊十八日天明時分甘魁等進入賊營有偽先鋒張添壽大旗首楊士魁帶領牙手二十餘人迎前會話甘魁等假充別號餘匪欲與合營張添壽信以爲實甘魁等出其不意一聲吶喊將張添壽楊士魁擒獲并將牙手二十餘人一併殺死衆賊知係官兵遂形慌亂各路官兵一齊競進鎗擊箭射登時斃賊一百餘名各賊匪見四路俱有官兵圍擊卽搶上瓊壩山梁恃險擲石抵死抗拒官兵人人忿恨竭力仰攻并用礮轟擊賊匪漸退我兵趁勢搶上山梁殺賊一百餘名賊匪情急四散亡命狂奔滾崖跌死者甚多兵勇四路追殺沿途又斃賊一百數十名此次共殺賊三百七十餘

名先後生擒黃尙志等五十七名擒獲旗矛馬甚多逃出男婦大小難民六十四名口訊據張添壽供稱係襄陽縣人嘉慶二年幫同樊人傑起事在營充當先鋒數年總在川陝湖北往來奔竄樊人傑派伊弟樊二掌櫃管事詐稱伊已身死其實尙在營內上年十二月內樊人傑在四川大寧地方聞德參贊已到川東因與王曾崔胡及王四貓陳姓合營想到湖北地方躲避後聞湖北官兵已往大昌一帶追剿線字號樊人傑與王姓會姓商定從北面老林繞進巴東邊界不料被鄉勇假充同教把我拏住據楊士魁供係四川墊江縣人在賊營充當旗首餘無要供當將張添壽楊士魁割牙手黃尙志等五十七名俱各正法其逃出難民王幅林等

六十四名口分別省釋臣等伏查此次王會等

逆會合折竄賊數增多雖經孫清元痛加剿殺

大挫賊鋒惟股數不一忽分忽合情形極為詭

譎且聞巴東界外尚有賊股遊奕自因德楞泰

現在川東賊匪畏其聲勢希圖竄入楚省邊界

苟延殘喘誠恐孫清元等一路官兵難以兼顧

臣長齡現由興山一路馳赴歸巴與孫清元吉

聖旨著德楞泰

三

林泰分路會剿以期一鼓撲滅倘賊又繞向西

南奔竄臣全保即督率鎮將帶兵迎擊倘德楞

泰大兵追剿苟逆完竣前來更可合川楚兵力

以期夾擊集事奏入

上命軍機大臣傳諭吳熊光全保長齡曰吳熊光等

奏王會等股賊匪由川境折回經孫清元吉林泰

沿途追擊小有斬獲及該逆折竄巴東孫清元等

倍道馳回趕赴賊前督率將弁兵勇等奮力攻剿

共計殲擒賊匪四百餘名將偽先鋒張添壽旗手

楊士魁擒獲大挫賊鋒此次所辦俱好孫清元等

出川省趕回緊躡賊蹤扼其東竄之路所見甚是

此時楚省境內祇有王會等股竄匪已被官兵截

住長齡由興山一帶馳赴歸巴與孫清元等分路

會剿全保亦督率鎮將帶兵迎擊務當趁此兵威

聖旨著德楞泰

三

勝勢奮力剿殺將王會等逆一鼓殲除斷不可再

令竄逸至川東賊股甚多竟有四五千人雖有德

楞泰在彼截剿難保其不竄入楚界不可不預為

防範昨經降旨令帶兵大員各專責成所有楚省

各匪專交吳熊光全保長齡辦理但川陝楚毗連

山內路徑紛歧賊匪處處可以逸出若一經竄楚

即係楚境之賊吳熊光等惟當遇賊即剿不論何

股盜匪併力殲除不得以驅出楚境卽爲了事再
 樊人傑一犯既據獲犯供出捏稱已死與王會崔
 胡等合營商定從北面老林繞進巴東邊界是契
 人傑現在楚境嗣後遇有擒獲賊匪務須嚴切根
 究該匪下落一經拏獲卽迅速奏聞至領催舒明
 阿生擒偽先鋒羅世友奮勉可嘉著加恩以驍騎
 校陞補遊擊俞國智防守巴東此次賊匪折竄係
 該遊擊所管汛地本有應得之咎第念該遊擊督
 率兵勇奮力迎剿身受矛傷其功過尙足相抵著
 加恩免其治罪把總袁大綱當俞國智被圍之時
 衝入賊隊將該遊擊救出實爲出力著加恩以千
 總補用首領甘魁經孫清元等飭令帶同鄉勇假
 扮教匪前往誘敵該首領進入賊營出其不意將
 偽先鋒張添壽等及矛手二十餘名一併殺死賊

欽定剿平三省邪匪方略 正編卷二九八

營慌亂官兵得以乘勢掩擊痛加殲戮奮勇可嘉
 甘魁如本無頂戴著加恩賞給八品頂戴如本有
 頂戴卽者加一等賞給以示鼓勵其十總唐宗苜
 手刃數賊力竭陣亡著咨部加等賜卹又軍功首
 領徐功茂等七名亦著咨部賜卹

欽定剿平三省邪匪方略 正編卷二九八

欽定剿平三省邪匪方略正編卷二百九十九

壬戌年

二月初六日丁未額勒登保奏言查荷逆股匪由

石泉之善提河竄至迎風壩臣飭令薛大烈張

績等由兩河五郎關一帶抄截臣率同扎克塔

爾格布舍張鳳等由石泉漢陰顧住東南而進

二十一日晚間兵抵迎風壩賊匪竄踞高山之

上扎克塔爾格布舍張鳳等帶領兵勇於三更

製者重纂編卷三

時奮力衝擊殺賊三四十名因山勢陡峭冰雪

疑滑張鳳連馬墜入深巖跌損左腿賊匪連夜

翻山逃遁臣於二十二日進抵漢陰之澗地鋪

探得該匪已由鐵爐壩竄入漢陰之觀音河有

東出銅錢窖松樹壩之勢薛大烈等由寧陝之

賈家營太山廟進發顧住北面次日臣又分撥

兵勇千名派令格布舍李應貴副將張瑗等帶

領由中河紅巖寺素竹嶺星馳追擊臣仍率同

扎克塔爾全德由梅子鋪大河口陳家臺松樹

壩一帶探蹤迎擊途次接據格布舍等報稱二

十四日帶兵趕抵銅錢窖探得賊匪向焦溝逃

遁當即鼓勵兵勇冒雪追至吳溝賊匪正在該

處掠食兵勇分投掩殺殲斃五六十名生擒旗

手張文向等三十四名均經正法餘匪翻越山

製者重纂編卷三

林向東北逃遁臣聞信於二十五六等日顧住

東面由紫溪嶺蔡家坪霸王灘至鎮安之沙溝

口抄截探得該匪竄向小壬河水糧寺一帶已

在我兵之西復恐該逆被剿情急遁入孝義素

嶺臣即緊顧東北於二十七八等日傍晚追至

三臺子行程已一百五六十里賊匪亦甫經竄

到將欲屯劄遂即乘夜進剿斬獲三十餘人生

擒米世朝等二十四名該匪復連夜潰逃當將獲犯概行正法二十八日帶兵由洵陽壩追剿又據薛大烈張績報稱二十五六等日與副都統銜達斯呼爾岱等帶兵由銅錢窖火鑱礮旋探旋進聞烏雲寨有零匪百餘名竄擾連夜剿捕殺斃二十餘名生擒鄭世溝等二十一名據供係苟逆股內之人於二十四日被兵衝散連日由深山無路處竄走要我尋大股合夥尚有餘匪數十人於天明時潰散無蹤薛大烈等現由木旺坪手扒巖前進探剿苟逆正股臣又探得苟逆已由洵陽壩出火地向腰竹嶺奔逃查腰竹嶺右路通金雞河四畝地可入南山左路出賈家營五郎關可折竄漢陰石泉地界臣已飭格布舍李應貴張瑗等躡蹤緊剿并飭令薛

聖朝聖編卷五

三

大烈等顧住東南從古桑墩太山廟賈家營一帶截擊臣率同扎克塔爾全德帶兵即由傅家河金雞嶺甘家礮抄赴西北督催夾擊至楊遇春在高觀寺帶偵探賊蹤截剿於二十九日早間聞信前來迎見據稱賊匪劉承受二百餘人於二十四日由小王澗折竄菜子坪老林東奔副將應元寬參將吳廷剛等帶兵跟蹤進剿楊遇春於兩河督兵抄截擒斬十餘名餘眾向傅家河竄去現在該匪有竄出大山岔之勢至宋應伏李貴成股匪三百餘人自過江後竄至鎮安火鑱礮分為兩股宋李二逆及賊目張萬林帶矛手百餘人又有宋小掌櫃及探馬頭帶領二百餘人各自奔走約在五郎河會合因疊被官兵剿殺未得合夥李貴成張萬林竄至菲

聖朝聖編卷五

四

萊灘等處震攝兵威先後隻身逃遁祇有宋應
 伏率領餘眾竄至光頭山守備趙友倉黨連陞
 等兩路抄截殺斃三十餘名生擒王升等九名
 滾巖跌斃者十餘名餘匪無多於山林內四散
 逃逸其宋小掌櫃及陳文海賊匪經慶溥等帶
 兵剿辦向西逃遁聞已竄往板房子厚吟子一
 帶臣查該提鎮等實未敢稍遺餘力惟因限於
 地勢兵力難施且山內雪深二三尺冰凌堅凝
 馬匹不能前進各將弁帶領兵勇多係徒步入
 山而賊蹤艱於尋覓仍未得痛加斬擒實堪焦
 憤現在劉逆已東竄大山岔該匪為數只二百
 餘人臣仍令楊遇春星馳前往率同應元寬等
 緊顧東面趕緊剿洗其宋小掌櫃及陳文海等
 二百餘人即責令慶溥率同叅將吳亨衍遊擊

聖朝聖編卷五

五

張汝勤等帶領兵勇二千餘名由華陽板房子
 大白山自西向東迅速剿捕或由東向西轟出
 山外亦可剋期殄平至峪內尚有宋應伏張萬
 林未淨餘氛已令總兵楊芳副將韓自昌率領
 寧陝官弁兵勇於江口高關一帶顧住東面向
 西探剿北面峪外有惠齡長麟等帶領官兵千
 餘名在彼堵剿蓋屋郿鄠各縣又有團勇在各
 峪口堵禦聲勢聯絡不敢踈漏臣現又知會惠
 齡等督飭將備派撥兵勇入山協力搜捕並飛
 催各路領兵大員鼓勵將士奮勉趕辦矣再查
 川中賊匪如張添倫魏洪升等在川北地界奔
 竄經官兵迭次剿殺之後所剩不過數百人昨
 據總兵田朝貴稟報該匪與另股零匪二百餘
 人合夥加以近日裹脅至多不過七八百人現

聖朝聖編卷六

六

向寨洞換易衣履食物百姓等顧前人口不得
 不遂其所欲迨至百姓等報知官兵或我軍偵
 得實信帶兵過往賊早遠颺往往窮日奔馳徒
 勞無益臣前因多兵追剿未能得手是以分派
 將備酌帶勁兵千數人為一路數百人亦為一
 路得有賊蹤或奮力直前攻其無備或乘夜進
 擊使之猝不及防雖亦未必時時得有殲擒然
 較之大隊官兵逐北追奔轉為得力該匪等自
 知罪大惡極心存疑懼雖亦時有解散總未見
 相率來歸既不出投自不便再為招致所以臣
 近於擊獲賊犯除訊明實係被脅未久者量予
 釋放外其餘概行正法地方團勇一事所以佐
 兵力之所不及臣凡遇團勇有斬獲出力者均
 隨時優予賞資其承辦團勇之大小委員及寨

聖祖聖訓卷之九

九

首人等有前來謁見者亦無不逐一剴切訓
 勵各委員團勇不乏急公向上之人然賊匪來
 去無常卽寨民亦往往不及措手所以每有斬
 獲不過數人至十數人既不能責以人人用命
 亦不能責令多有斬獲臣身膺剿賊重任數年
 來日則兼程跋涉夜則籌度事機當此賊數日
 滅功屆垂成寧不思早寬責任卽如官弁兵勇
 等多係征剿苗匪時征調來營出師七八年荒
 山水雪晝夜奔馳勞不敢休饑不遑食亦孰不
 亟圖歲事奏凱言旋實以零星餘匪驟難蕩平
臣惟有與德楞額泰勒保等設法趕辦以期迅速
 殲除若必謂二三月之間卽能一律剿洗無遺
臣亦不敢自必現在所剩者多係狡猾亡命之
 徒飄忽無常若不全行剿除不足以杜後患然

聖祖聖訓卷之十

十

欲仕後患實不能不稍需時日臣去秋因賊勢

漸窮無庸多需馬隊是以奏請將東三省勁旅

酌量撤回刻下賊匪又非去秋情形臣方欲早

定大局酌撤大兵豈容再有征調之舉臣惟有

竭此心力迅圖蕪功此心可對

聖明功過非敢逆料臣曷勝戰慄之至奏入

上命軍機大臣傳諭額勒登保曰額勒登保奏陝境

聖旨額勒登保奏

賊匪只一千數百人楚省零匪通上不過二千有

餘均屬可信惟稱川中賊匪合計不過二千數百

人此則未確昨據德楞額奏與巴山等處股匪竟

有四五千人在彼屯聚額勒登保遠在陝境想尚

未接德楞額奏照故亦不知實數此時苟逆股匪

竄入南山當設法兜擒於要隘處所預為防範不

可任其出入自由若日事尾追徒勞跋涉於事何

益賊之長技在奔馳我之失算亦在跟追即如渭

內所稱賊匪竄近四畝地銅錢窖火鏢礮等處朕

屢閱軍營奏報此等地方均屬習見約畧可知方

向為賊匪向來出沒熟徑額勒登保督兵日久更

應熟悉該處路徑扼其要隘設法截剿至賊匪自

知罪大惡極心存疑懼不肯出投自不必再行招

致額勒登保專心剿捕所見甚是惟所稱山深雪

聖旨額勒登保奏

阻冰凌凝滑人力難施此等語覽之生厭目下已

屆春和冰雪亦漸融化更不得以此藉口額勒登

保惟當趁此氣候暄和鼓勵將弁奮勉圖功務於

二三月內將苟文明及各股零匪掃除淨盡勿稍

延玩其川北一帶田朝貴蕭福祿等追剿之張魏

等匪恐乘間北竄並著額勒登保飭催田朝貴等

趕緊剿淨延綏鎮總兵張鳳因乘夜進剿跌傷腿

骨不能乘騎著加恩准其回赴本任安心醫治以示體恤

同日慶成奏言據探報辛逆股匪分竊竄過棧

西之後又有自五郎等處剿散零匪或數十人

或百餘人接踵遁入黑河臣正在川陝邊界探

剿相離較遠隨派守備李如緒挑帶兵勇三百

名星馳前往沔畧一帶協同該處防兵趕緊搜

剿

三

捕並接都司張起鰲守備李行正等報稱該匪

被剿後晝夜狂奔又於廣元地方與老林藏匿

零匪數十人合夥正月初四日帶兵抄至水磨

壩地方該匪正在攻寨我兵衝上生擒席正綱

等五十六名殺斃數十名餘匪連夜逃遁南江

地方正遇經畧派出將領帶兵迎頭前來痛加

殲戮辛聰已被擒獲等語又據守備李如緒報

稱帶領兵勇連夜趕至黑河探詢賊匪在站壩

林一帶有西竄之勢該備協同畧陽防兵抄出

西北本月十三日在老龍溝遇賊剿殺擒斬三

十餘名所剩餘匪俱拋擲器械鑽林散逃正在

搜捕間賊目羅半年隻身逃至沔縣地方被寨

民捉獲尚有自棧東竄來零匪百餘人在老林

蓋伏夜奔未得確蹤仍即分探搜捕等語又據

剿

古

關平溝防卡遊擊馬良棟等稟報正月二十一

日探有自沔縣竄來零匪數十人假充鄉勇乘

夜繞林偷越營卡該處兵勇得信馳往截殺全

數搜捕淨盡內無著名賊目當將從賊最久者

即行正法甫經被脅者給與路票遣回昨臣因

接經畧來札荷逆股匪經大兵剿急由太平北

竄恐其折入漢南令即帶兵向東探迎協剿臣

卽由川陝邊界兼程趕回行次南鄭之黃鬪嶺
聞該匪先於西鄉江岸偷渡北竄現查陝境江
北祇有劉永受宋應伏苟逆等賊計爲數有限
皆係剿剩敗殘之賊別無伎倆必不敢遠離老
林額勒登保已過江督剿調度各路官兵以次
剿洗易於集事近日臣所派將弁及各防卡兵
勇尚能不避冰雪險阻出力剿賊川陝邊界一
帶尚屬寧謐臣移兵褒沔之間嚴飭將弁將續
入黑河藏匿之賊剋日剿捕淨盡如額勒登保
自江北剿潰零匪亦有西竄者並可就近督率
協捕但川境尚有總兵田朝貴等所剿張魏等
股亦係楚匪難保其不思北竄現已分差入川
遠探不拘何股餘匪竄近川陝邊境臣仍卽不
分畛域帶兵奮剿不使稍有餘孽奏入

欽定剿平三省邪匪方略 正編卷二九九

王命軍機大臣傳諭慶成曰此次奔竄老龍溝一帶
賊匪經慶成派撥官兵分投剿殺殲斃賊匪三十
餘名並在沔縣地方將賊目羅半年擒獲又將竄
近關平溝假充鄉勇零匪數十人全數搜捕所辦
尚好惟川境田朝貴等所剿張魏等股現在廣元
一帶逃竄難保其不偷越陝境慶成惟當緊顧南
面勿令闖入至苟逆近已竄至南山恐其被剿緊
急又思西竄慶成現移師褒沔之間務宜督飭將
弁嚴防東面不使苟逆乘間逃入甘省並將各處
潛匿餘匪隨地隨時悉數剿除爲要
初七日臣吳熊光奏言臣昨因王曾二匪會合
樊陝崔胡等逆回竄楚邊而巴東界外尚有遊
奕之賊誠恐孫清元等一旅之師未能兼顧臣
以知會長齡帶兵馳赴巴東會剿並因參贊德

三五

楞泰追剿荷逆尚在大寧之西又恐該匪等由房竹之向家壩等處闖入楚境不得不留兵防守當即知會全保督率總兵德昌王懋賞暫在房竹南山一帶探蹤迎擊茲據探報王曾等逆前被官兵剿後四散分竄盡往巴東邊界又有出境之勢並探得叅贊德楞泰追剿賊匪已過大寧將入巫山境內是刻下各股賊匪均已竄集巫巴之間該處南界大江官兵三路進逼正可聚而殲洗實屬極好機會急需齊集兵力與川師兩面夾攻適接准全保知會業經督同總兵德昌王懋賞於二十五日取道興山前往巴東相機會剿查此時川省之賊既過大寧則向家壩尚非十分喫緊撫臣自可帶兵前往至二竹西北邊界現雖寧靜但大兵全數南移房竹

聖朝聖德編卷三

七

木免空虛賊蹤飄忽亦不可不加意防範臣仍暫駐房竹一帶彈壓遇有賊警即可隨時調度庶不致顧彼失此再巴東興山一帶除舊存米石外臣又飭藩司於截漕項下撥米五千石解往以資接濟並早飭荆宜施道崔龍見宜昌府金之忠就近董率各州縣探聽大兵所過設法供運餉銀先已撥給二萬兩存貯巴東縣庫備用近又於藩庫襄局共撥銀五萬兩解往昨全保前赴巴東時臣復派員趕解銀二萬兩隨同前進並諄囑全保隨時查察樽節支放似可無虞缺乏奏入

上命軍機大臣傳諭吳熊光全保長齡曰現在王曾樊陳崔胡等逆四散分竄盡往巴東邊界長齡本帶兵前往該處督同孫清元剿辦全保又與德昌

聖朝聖德編卷三

八

上懲賞取道興山前往巴東會剿而德楞泰又帶
領大兵將入巫山境內雖巫巴一帶賊股較多而
兩處兵力不為不厚合之鄉勇不下數萬不啻十
倍於賊且德楞泰善於用兵聲威素著全保長齡
俱係年輕勇往孫清元德昌等向來打仗亦尚奮
勉務當趁賊匪竄集之時併力截剿為一鼓殲擒
之計斷不可令其深入楚境總當儘此二三月內
將興巴一帶竄匪一律剿淨毋得再有延宕至全
保已帶兵前赴巴東其房竹等處未免空虛自當
加意防範吳熊光現往駐劄彈壓所見甚是其籌
辦糧餉一節昨不待吳熊光奏請又撥安徽省捐
監銀十萬兩合之前撥湖北湖南兩省捐監銀兩
為數已極充裕自可源源供運不稍缺乏但吳熊
光本係該省總督又曾在軍機處行走有年不得

欽定剿平三省邪匪方略

正編卷二九九

欽定剿平三省邪匪方略 正編卷二九九

以籌辦糧餉無悞即為盡職所有該省剿賊事宜
皆其責任不但境內竄匪應督催上緊肅清即鄰
境邊界餘匪亦當毋分畛域留心兼顧為要

初十日辛亥勒保賽冲阿奏言查梁山新寧一帶

均有剿剩餘匪往來奔竄臣賽冲阿分帶官兵

由元壩驛團馬鋪一帶取道梁山探賊剿辦臣

勒保督同總兵張志林等帶兵由仁市鋪麻柳

場一帶向新寧進發二十三日臣賽冲阿探得

前竄梁山之賊已向大竹所屬鑼鼓清地方奔

逃當即督兵星馳前往是日酉刻行抵該處察

看四圍山勢路徑叢雜其地向係居民做紙棚

廠近因賊擾人俱上寨遺有空屋沿山多產小

竹林菁深密計賊匪必係藏匿在內當將官兵

暫在高阜紮住次日黎明分派弁兵上玉頂山

三五三

神仙觀等處四路偵探該匪果在西方山華嚴寺等處林內屯聚必須將兵勇分路圍剿臣賽冲阿帶同協領穆騰額塔金保等為一路各帶馬隊官兵向前衝殺蒲尚佐率同叅將馬元李東山等各帶步隊兵勇分投圍捕該匪潛伏林箐約有百餘人一聞官兵突至四散潰逃馬步官兵緊躡擒殺斃賊二十餘名生擒旗手賁文魁排頭唐正佐及男婦三十八名口餘匪向深林密菁之中亡命竄竄臣賽冲阿等分派將弁四路搜捕又獲旗手劉遠明及賊手十九名並據附近寨民擒獻賊六名統計先後獲賊六十六名當即解交大竹縣聽候審辦至臣勒保督同張志林等帶兵向新寧進發途次探得前次剿散餘匪約七八十人由沙河舖老營場涼風

垭一帶折回柏林槽臣勒保當即飛飭張志林等酌帶兵勇趕往剿捕二十三日張志林馳抵該境探得賊匪正在柏林槽兩山中間溝內當派遊擊唐際盛守備兵芝秀帶兵從左邊山梁下壓遊擊夏雲龍都司畢萬年帶兵從右邊山梁下壓張志林親率兵勇由溝內進剿該匪猝遇官兵夾擊無路奔逃立斃四十一名生擒三十七名查無要犯審明即行正法此股賊匪業已悉數殲除維時臣賽冲阿查訊活賊供稱有大竹縣民易國楨等率眾投賊之事寄信與臣勒保前往查拏審辦臣勒保即日馳抵大竹親提活賊黃文魁等審訊供此股係青號餘匪楊總兵為首上年臘月間在隣水境內被官兵衝散楊總兵帶有六十餘人逃向大竹所屬四

聖朝重德編查

主

聖朝重德編查

主

方山正月間有大竹縣人易國楨向習白蓮教
適在四方山經過與楊總兵相遇邀約入夥易
國楨約會同教易國順等二十六人前來同在
四方山藏匿摸樁昨日官兵前來剿殺有唐正
佐等六人被獲其餘二十一人先已逃走等語
臣等查易國楨等本係良民膽敢投入賊夥隨
同滋事情罪尤為可惡不可不淨絕根株臣賽
冲阿帶領官兵先向開萬一路探賊剿辦並飭
張志林管帶兵勇分路向新寧東鄉一帶偵探
賊蹤就近搜剿臣勒保暫在大竹駐紮二三日
督同該縣千芒多差兵役協同寨勇嚴密搜查
當將易國楨等二十一犯先後緝獲研訊供情
無異即將該犯等與臨陣生擒之黃文魁等各
匪一併正法惟賊首楊總兵一犯查無蹤跡據

眾賊供稱該逆本係東鄉人此時恐已逃赴東
鄉臣勒保現在飛札東鄉縣嚴加查緝此時大
竹梁山新寧達州一帶又已肅清惟聞雲萬等
處尚有竄匪蹤跡臣勒保仍趕緊與臣賽冲阿
會合前進探明辦理再查現在川省賊匪除苟
逆外實無大股之賊其在川東境內奔竄者統
計不過二千餘人川北亦不過千餘人至潛匿
山內之賊約計亦已無多惟是賊匪愈剿愈少
分合靡常非比大股之賊可以跟蹤確探易得
下落所有現在差赴各處偵探官兵惟以寨民
之語為憑探報何路有賊即日移兵跟剿似此
兵來賊去兵去賊來輾轉跟追疲勞兵力縱使
旬內接仗一二次而每次斬獲亦屬無多二月
以前斷不能一律辦淨查上年額勒登保德楞

泰興^臣所議會請將官兵分段駐定防剿原為
 剿辦零匪起見就^臣愚昧之見總需仍如前議
 分定段落派委鎮將管領官兵督同地方寨勇
 往來巡哨搜捕俾賊匪無可竄之路方能竣事
 同日楊揆奏言伏查數月以來各路大兵併力
 搜捕總緣賊匪股數零星分剿尚非易易如根
 株稍有未盡即恐遺孽復生誠如

聖諭更應加意謹慎未便稍有草率惟各路官兵聚

會川省一切供支糧餉尤關緊要上年撥餉共

一百三十五萬兩合之捐監津貼僅止二百餘
 萬非不勉力節省但需用孔殷每當短絀之時
 祇得挪墊籌借先資應付^臣通盤核算各路軍
 營官兵鹽菜夫驛以及川東川北防兵月款運
 腳並重慶兩府前領備用每月需銀三十餘萬

計三月支發即需一百餘萬兩又未發滿漢屯
 土官兵鄉勇卹賞坐餉共計已有五六十萬兩
 且藏功在邇料理旋兵遣散鄉勇裁清夫驛脚
 價用款更鉅計算總須二百餘萬方能先其所
 急用敢據實奏

聞伏乞

皇上俯鑒情形迅賜接濟庶於軍務有裨均奏入

聖諭更應加意謹慎未便稍有草率惟各路官兵聚

會川省一切供支糧餉尤關緊要上年撥餉共

上命軍機大臣傳諭勒保曰勒保官兵在大竹梁山
 境內搜捕餘匪斃賊六百餘名生擒旗手黃文魁
 等八十餘名如果確實自係美事第未知果如所
 言否也至川北張魏股匪前據勒保奏稱派令田
 朝貴等在彼專剿勒保係本省總督於各路剿辦
 事宜皆應兼顧况川北係伊專辦之賊豈得因有
 田朝貴等在彼竟委之不問乎又據奏川東川北

兩處賊匪不過三千餘人前據德楞泰奏稱興巴
巫山等處有賊匪四五千人在彼屯聚其數竟多
至一倍或德楞泰所報本未確實抑或係勒保探
聽未明仍卽確查速奏至所稱山林藏匿之賊不
能確指實數惟以寨民之語爲憑殊屬非是朝廷
設官分職地方之事皆有責成豈有賊匪在境槽
然不知州縣並不報而領兵大員亦竟不能設法

欽定剿平三省邪匪方略

正編卷二九九

偵探惟以寨民之言爲憑試思此等寨民又豈人
人可信卽如大竹民人現有率衆投賊之事此外
尙有白蓮教匪混充民人歸入寨祠者安知不轉
爲賊匪耳目詐爲指引致官兵所到之處賊匪早
已遠颺豈不成爲笑柄耶至所稱分派段落責令
鎮將督同地方寨勇往來搜捕此論近是勒保旣
有所見何不照此辦理伊日昨會奏明派委道府

分段辦理團勇等事其各路鎮將等如何分佈以

專責成此等機宜惟期于事有濟朕亦不爲遙制

當與德楞泰商定辦理可也再賽冲阿現與勒保

同在川北伊係西安將軍在川省剿賊或恐呼應

不靈豐紳原係川省提督且七十五一路官兵皆

係伊接手管帶自當責以本省剿賊之事况勒保

一路所帶鎮將如温春等向稱驍健現在帶兵打

仗之員自不缺少何必留賽冲阿在彼幫辦勒保

接奉此旨卽將豐紳調至川北剿辦賊匪賽冲阿

著卽回赴陝省與惠齡同辦陝境之賊至各省辦

理軍務糧餉最關緊要上年川省請撥餉銀僅止

一百餘萬伊等亦未續請朕卽疑係勒保等不過

藉此寬慰朕心未足深信今楊揆果以餉項不敷

陳奏豈勒保竟不籌畫及此耶現已降旨於河南

山東兩省各撥銀五十萬兩山西省撥銀一百萬兩解川備用該督務須督飭糧員妥為經理俾得源源接濟此為最要

同日

上命軍機大臣傳諭河南山東山西巡撫曰現在剿辦教匪大功將竣所有四川省辦理善後事宜及補發各款項需用尚多著於河南山東兩省各撥銀五十萬兩山西省撥銀一百萬兩顏檢和寧伯麟等迅即籌畫不拘何款湊足成數派委委員速即解往四川交勒保楊揆收貯備用

同日惠齡長麟奏言查宋應伏劉永受等股匪分為數股一股二百餘人向南山西北隅之斜峪關奔竄_臣等當即飛飭遊擊綽克圖都司屈端迎頭堵剿擊斃賊匪十餘人該匪翻過菩薩

山遁入老林一股三百餘人竄至盤屋縣屬之小王潤經鄉勇毛貴等截殺三十餘人生擒十五人餘匪敗竄有直奔陡嘴子之勢查陡嘴子距田峪黑水峪均屬不遠_臣等當即親帶官兵趕赴田峪黑水峪一帶往來堵截並派遊擊馬得都司馬進忠迎赴陡嘴子截剿該匪即遁入老林向秦嶺以南奔竄適提督楊遇春於二十一日由兩河穿越老林抄及賊匪趕殺十餘里擒斬十餘人餘匪竄入老林又一股賊匪百餘人在韭菜坪潛匿經總兵楊芳搜剿追至元頭山趕上賊蹤斃賊二三十名賊匪四散兵勇分投追擊又殺賊十餘名生擒九名撲崖跌斃及被石擊斃者約有二三十人訊據活賊王升趙思翠等同供此股係宋應伏帶領之賊此次擒

殺外止剩三四十人不知逃往何處等語查被
擒九犯均係正賊立時正法適楊遇春帶兵趕
到又於次早會同楊芳抄路截剿途間探知中
蘭溝老林有賊卽發兵入林搜捕果有另股賊
匪三百餘人執持各色旗幟捨死抗拒彼此撲
壓數次殺賊二十餘名救出難民十三名訊明
此股係剿散各起賊匪零星湊合跟隨苟逆過
江被經畧額勒登保打散並無著名首逆在內
當將救出難民省釋歸業並分撥官兵入林搜
捕又一股賊匪三百餘人由五郎孝義竄入咸
寧縣之大峪口_臣等當卽飛飭署總兵百祥都
司黃瑞署孝義同知孫樹等各帶兵勇分投堵
截殄斃賊匪六名生擒三名該匪奔孝義藍田
湯峪庫峪大峪口等處_臣等恐其竄出各峪擾

欽定剿平三省邪匪方略 正編卷二九九

及平原當卽一面酌留官兵在於子午峪以西
之湯峪里水峪一帶防堵一面親帶官兵數百
名連夜馳赴湯峪庫峪一帶往來堵截該匪又
復抄竄素嶺以南提督楊遇春現在趕至孝義
廳一帶畧署總兵百祥都司黃瑞亦均在賊匪東
面日內必可痛加殲戮至苟逆賊匪竄入南山
後經額勒登保督兵打散現亦分投狂奔額勒
登保已派格布舍薛大烈等分投剿辦並親由
五郎江口向金雞河一帶進兵_臣等屢欲帶兵
進山以山北峪口處處空虛未便無兵防堵惟
有嚴催楊遇春慶溥楊芳等趕緊剿辦並將韓
自昌雒昂等屢加訓斥無如各賊匪忽合忽分
總係依山傍林晝伏夜竄以致旬餘尙未能痛
加殄洗再_臣等現在南山北面距山內各路軍

三五九

營遠近不一差探回報較遲道路傳聞尚未得有確信奏入

上命軍機大臣傳詢惠齡長麟曰惠齡等奏剿辦南山賊匪情形薄有所獲俱不過撫拾鋪敘並未親自帶兵剿淨一股即所稱往來督剿全係一片虛詞並非切中窾要伊等所辦何事惠齡身為總督於境內各股賊匪皆應籌辦所有賊匪往來蹤跡及官兵打仗情形尤應詳悉偵探方可收剿捕之益現在苟逆竄入山內額勒登保派令格布舍薛大烈等分投剿辦並親由五郎江口向金雞河一帶進兵惠齡於該省軍情豈有不聲息相通之理何至詢諸道路傳聞著傳旨嚴行申飭又據稱山北峪口處處空虛現在專事防堵即以此責成惠齡如賊匪因剿急竄逸出山惠齡不能截住自思

聖祖實錄卷九

三

嘗得何罪惠齡簡用年久屢獲愆尤迭邀恩宥非未嘗經事者比乃一經到陝則意有觀望豈欲俟額勒登保等將賊匪全數辦竣坐享其成為養尊處優之總督乎至長麟帶兵本不得力留於陝省亦屬無益即著馳驛來京以備朕面詢該省情形另候諭旨

聖祖實錄卷九

三

欽定剿平三省邪匪方略 壬戌年 止編卷三百

二月十二日 癸丑 德楞額奏言查老黃號并黃白

青藍五號賊匪共有千餘人在巫山附近之龍

村三匯舖王家漕一帶屯住二十四日五鼓 臣

由琴樂坪分兵進剿令豐紳色爾滾武隆阿等

帶領馬步兵勇由火峯界嶺過其東折楚境之

路 臣 督率達勒精阿馬瑜等帶領兵勇直趨三

匯舖已刻趕抵該處該逆知官兵分路兜剿先

已起營向漢平舖西逃 臣 即督兵趕追直至八

十餘里之馬埡口山梁殺賊十餘名各逆遂紛

紛四散扒山逃遁當即分投搜捕拏獲二十三

名訊有被擄難民曾志才等九名戰手周太來

等十四名均即分別辦理旋探該逆連夜向綠

水天池潛竄日行百數十里我兵連日緊追二

十八日趕至奉節縣屬之草塘河探知賊匪散

屯於張家村一帶 臣 當即鼓勵兵勇乘夜直撲

賊營豐紳色爾滾武隆阿等帶兵前行 臣 督率

達勒精阿馬瑜等隨後策應五更時趕抵張家

村各逆皆係佔居民房東零西散我兵畧為整

頓黑暗中吶喊直衝賊衆登時驚潰亂跑官兵

扼住兩頭路口剿殺立斃賊八九十名生擒帶

傷賊匪劉聲遠等四十五名餘匪連夜逃竄天

明後兵勇於樹林山溝內搜獲賊匪竇福生等

十一名訊據該犯供稱係老黃號與黃白青藍

五號被官兵打散零星湊有一千一百餘人並

無元帥是陳自得為首本係青號探馬頭今帶

領多人想過湖北不想被官兵截住等語內有

難民謝發先等二十八名當即照例省釋餘皆

剿平三省邪匪方略 正編卷三百

剿平三省邪匪方略 正編卷三百

戰手一概正法該逆向無路處翻越大山由青蓮河哨樓東坪嶺北竄希圖東折入楚隨又分兵抄出天池扼住賊頭該逆又被截回屯紮李家壩臣分投兜剿總不予以暇二十七日又趕至馬垵口探有另起零匪六七十人伏匿老林即派叅將張應貴等帶兵入林搜捕臣仍即督兵前進是晚據張應貴等稟報殺賊呈繳耳記

二十七副掣獲范星元等七名訊係各股零賊亦無首逆均即梟首訖二十九日該逆又由龍泉寺西走兵至大堰塘據該處硎民稟稱山梁樹林內現有零賊三四十人晝藏夜出四處摸椿當令遊擊馬文斌等帶兵二百名同硎民前往該匪始猶抗拒被兵勇刀矛亂殺立斃十一名掣獲曹子興等二十六名只有賊匪二名跳

聖朝重典編卷三百

三

崖逃去訊係監號陳潮觀餘匪初二日酉刻兵至大寧楊溪河探得陳自得等尚在水口一帶先令達勒精阿色爾滾武隆阿等帶領馬步兵勇星夜進剿臣督率馬瑜等於四更後繼進初三日黎明始抵水口賊眾業已起行達勒精阿等飛馳趕追至楊家溝地方賊眾正在紛紛躍過溪河經馬隊飛馳趕上鎗箭齊發斃賊六七

十名生擒沈立本等十三名乘勝趕剿由劉家壩老鴉溪翻過寶子大山又殺賊十餘名生擒章維樑等九名餘匪連夜向奉節之七星壩乾溪口西竄訊據沈立本等供稱陳逆原要逃過湖北連日被官兵截剿只有五六百人要進山躲避等語訊明均係老賊一概斬訖臣查陳逆等五賊殘匪輾轉狂奔於巫奉大寧深山之中

聖朝重典編卷三百

四

連次追剿計先後擒獲不過三百餘人其中附近難民有陸續逃出歸家者亦有來營請票者故現只剩五六百人已西竄雲陽一帶惟楚省賊勢昨據孫清元等稟報打仗情形內稱樊人傑同樊二井王曾崔胡戴四等匪連次追剿未能東竄已遁入興房一帶山內且查川東現在零匪實多若注意首逆而遣零匪於不顧日久必成大患臣惟有一面趕剿陳自得等賊匪并先將川東各處零匪搜剿淨盡一面候楚省續有來信臨期酌量辦理其田朝貴剿辦張添倫賊股臣前已札商勒保令賽冲阿温春帶兵前往茲已令遊擊羅思舉等帶領鄉勇一千數百名協同剿辦頃接額勒登保來信亦已派副將蕭福祿帶兵出迤南前進是田朝貴一路刻下

欽定剿平三省邪匪方略

正編卷三〇〇

五

兵力壯盛所剩賊匪數百名定可迅速掃除其苟文明賊股薛大烈達斯呼爾岱等跟剿靈陝額勒登保現又親督官兵由西鄉扼住西北前進并札飭各路鎮將等探蹤分投兜剿該逆只有一千餘人數路官兵雲集即日自能了結而李辛二逆又已先後生擒是川陝邊界指日可以肅清而川東邊界亦可次第洗淨至勒保與賽冲阿温春等會合後現在梁萬一帶剿辦零匪屢次擒斬頗多是腹地不日亦已廓清卽有一二首逆在逃或無多零匪均可入於善後事宜分兵辦理此次剿賊有索倫佐領達什腿受石傷其兵勇內傷亡者容俟臣查明另行咨部辦理奏入

欽定剿平三省邪匪方略

正編卷三〇〇

上命軍機大臣傳諭德楞泰曰此次德楞泰在巫山

三六三

一帶剿辦五號賊匪前後殲擒不過三百餘人卽賊首陳自得亦祇係青號探馬頭並非著名首逆是德楞泰在彼僅屬剿捕餘匪前據奏與巴巫山等處通計各股賊匪共有四五千入正深焦急今摺內稱川東剿剩之賊不過五六百人是德楞泰前奏未免張大其詞且伊既稱川楚邊界賊數增多何以不卽緊躡賊蹤與楚省長齡孫清元等一面夾擊乎此時五號殘匪祇剩五六百人向西逃竄若官兵專事尾追徒勞跋涉於事何益德楞泰當設法熟籌或派令將弁分投攔截以逸待勞或改扮鄉民使賊匪猝不及防得以乘機剿殺務須在巫山一帶將五號殘匪掃除淨盡斷不可令其竄入楚境設該匪等逸入川北或與張添倫等合股亦須分派將弁併力會剿德楞泰總應在川東

聖朝實錄卷三

七

督剿不可捨而他往其與巴之賊倘被楚省通剿緊急折竄川東地界德楞泰應卽上緊者剿勿任蔓延勒保現赴新梁所有川東零匪及陳自得等專交德楞泰辦理其川北張添倫等匪雖經降旨令勒保督飭田朝貴等剿辦但德楞泰現係參贊又爲本省將軍亦當一體飭催勿再延緩干咎十四日^{乙卯}陸有仁奏言連日接據探報川省有零星股匪二百餘人由老鴉口竄入安康漳河經總兵穆克登布督率兵勇分投截擊殲獲一百六七十名殺斃賊目陳得清生擒僞先鋒張友等解散難民三十餘名此股賊匪業經全數掃蕩又南山內苟逆股匪分爲兩股大股由迎風溝一帶竄至安康黑河經畧親督兵勇兜剿其分出小股由漢陰鐵爐壩竄至寧陝黃龍廟

聖朝實錄卷三

八

賈家營一帶總兵薛大烈現由野雞巢進兵截擊其劉永受股匪竄至盤匡馬岔峪經惠齡等派兵迎截賊隨奔竄熊掌溝適有把總翟煥章軍功毛貴等帶兵撞遇隨即追殺斃賊三十餘名生擒十五名奪獲旗矛數十件餘匪復奔入老林潛匿又宋李一逆賊匪竄至澗峪內之教場壩經軍功尹貴率勇趕到殺賊七名生擒三名其前次分出賊匪一股由岐郿交界地方折回盤匡清水河經副將韓自昌帶兵截擊殺賊二十餘名現在惠齡長麟等移師黑水峪田峪一帶相機督剿又棧西關平溝一帶有零匪竄越經遊擊馬良棟并寨勇等分投搜捕業已淨盡又川陝邊界賊匪一股約二三百人竄至西鄉之簡池壩一帶經副將玉福及楊奎猷等帶

兵堵剿其黎壩一帶亦有賊匪奔竄現有委員徐霖率勇防堵臣已飛行各路防守將弁并各地方官督率寨勇嚴密堵剿再沔縣寨勇擒獲首逆羅半年經該縣知縣馬允剛親身押解前來臣逐加研訊該犯始猶狡飾經被裹在營之曾有姓劉順國當面質証始據供稱實係羅半年四川達州人向習白蓮教拜高二為師嘉慶三年高二同高三馬五領賊眾到達州我就入營當旗手後來漸漸管事人都稱為掌櫃五年冬間高二與高三馬五分管我就同高二為一路去年高二被官兵殺死又與張漢潮餘黨關正德合夥竄過陝西留壩與辛聰會合辛聰隨即逃往四川我自帶五六十人竄至沔縣黑河梁入老林正月初間被地方官督率寨勇到處

按剿共打仗三次殺死夥賊三十多人并將關
 正德鎗斃就將我生擒到案等語查該犯係著
 名首逆實屬罪大惡極隨於審明後即將該犯
 凌遲處死并將首級梟示其被裹之鳳縣民人
 劉順國訊明有家可歸業經妥為賞遣至曾有
 娃一名年甫十三全家被賊戕害現在無可依
 歸臣已於漢中妥為安插并將擒獲首逆之寨
 勇人等捐資優加獎賞奏入

聖朝實錄卷三

十一

上命軍機大臣傳諭陸有仁曰此次川省零股賊匪
 由老鴉口竄入安康渚河經穆克登布督率兵勇
 分投截擊殲獲多名掃除淨盡刻下陝省成股之
 賊惟苟逆人數較多額勒登保現督兵赴安康黑
 河兜剿自可迅速肅事但大股劇賊伊等可倚仗
 領兵大員分抄剿辦而各處散散零匪自應地方

官隨地隨時幫同搜捕方可以次廓清乃節據該
 督撫等所奏辦竣一股俱係各路帶兵將弁將賊
 匪臨陣殲戮而地方官督率寨勇擒獲者甚屬寥
 寥除川省之劉清陝省之雒昂楚省之尹英圖孔
 繼粹尚能實力搜緝外其餘各地方官因循疎懈
 者居多各督撫於本境賊匪盡委之帶兵大員剿
 捕而伊等在彼祇不過支給供應竟成承辦兵差
 之員試思該地方遇有尋常盜案尚應上緊踴緝
 豈於敗竄零匪聽其往來潛匿置之不顧耶至被
 裹難民節經降旨諭令各督撫妥為辦理今劉順
 國一名該撫所稱資遣之處是否實已酌給路費
 令其回籍謀生其曾有娃一名年甫十三無家可
 歸該撫即當交漢中府縣衙署酌派差使量給工
 食以資養贍即日勘定大局其投出難民諒復不

聖朝實錄卷三

十一

少若不籌畫盡善伊等無以爲生必致又萌故智
關係匪輕陸有仁務須實心經理斷不可僅托空
言爲要

同日

上諭內閣曰近日節據各路領兵大員奏報軍務情
形並無大股劇賊惟苟文明屢經官兵剿敗竄入
陝省南山筵而走險爲稍延殘喘之計其四川湖
北地界雖有零星賊股俱不過敗殘餘匪前曾特
降諭旨將川陝楚三省畫定地段飭令各該省文
武大員分投搜剿以專責成因思叅贊德榜奉本
係成都將軍現同勒保專辦川省搜捕事宜經畧
額勒登保現在陝省督剿苟逆及該省零星刻下
賊勢窮蹙本不值以經畧叅贊統兵久駐但餘匪
尙未廓清並一切善後事宜均須妥爲籌辦若遠

令伊等還朝將搜捕遺匪各事宜僅交地方官辦
理究恐不足深恃現在川楚二省均係以本省大
員剿辦本境之賊責任甚專額勒登保著以經畧
大臣授爲西安將軍仍兼御前侍衛領侍衛內大
臣專辦陝省軍務統俟餘匪剿淨再行繳還經畧
印信寧夏將軍蘇寧阿現已年老該處地方亦屬
緊要著將賽冲阿調補寧夏將軍賽冲阿現尙帶
兵剿賊一時未能抵任仍著蘇寧阿暫行署理俟
賽冲阿辦賊完竣赴任後蘇寧阿再行來京另候
簡用

上又命軍機大臣傳諭額勒登保曰額勒登保自授
經畧以來帶兵打仗一路成股賊匪現已剿除將
淨惟苟文明屢經官兵剿敗竄入陝省南山一帶
並有另股餘匪日久未能殲淨前屢降諭旨將陝

省之賊專交額勒登保搜剿因思經澤本非地方官可比呼應不靈現已降旨將額勒登保授為西安將軍該省將弁皆其統轄即地方文員亦不敢心存外待如尚有呼應不靈及稍有掣肘之處即當指名嚴參至該省賊匪將次剿淨所有帶兵之副都統及他省鎮將各員如扎克塔爾慶溥穆克登布等額勒登保若需留在該省帶兵不妨酌量留用若已可不需此外如有傷病不甚得力者即可陸續奏明遣回額勒登保竟須在陝多駐時日總俟該省零匪全數辦竣地方實在寧謐朕必令額勒登保還京供職此時且無庸亟亟也

十七日 戊午 額勒登保奏言 臣 率同扎克塔爾由

金雞梁獅子坪甘家岔向西前進途次探得苟

逆股匪由洵陽壩八斗坪竄入黃官峪老林向

聖祖聖訓卷三百

五

西逃竄格布舍李應貴等跟蹤追剿日行百數十里於初四日由魚洞子進發薛大烈張績等帶兵由黃家營抄出四畝地均到東嶽殿 臣 亦即兼程馳抵該處據格布舍薛大烈等面稱賊匪知有數路大兵截剿晝夜不停總於深山密林冰雪陡滑處輾轉逃避現在該匪已由裏巢沙窩子竄入秦嶺該處馬匹萬難前進必須另覓道路等語 臣 查該匪如竄向西北定由太白山之北出辛峪從六柴關奔往寶鳳一帶如竄向西南必由都督河出華陽牛尾河奔往鳳縣棧道 臣 當即派令薛大烈張績達斯呼爾岱等挑帶趨健步隊兵勇三千餘名速由沙窩子東

聖祖聖訓卷三百

六

河翻秦嶺板房子一帶跟蹤追剿 臣 率同札克塔爾格布舍全德等帶領馬步兵勇由栗子壩

女兒壩華陽一帶緊傍山林顧定西南被擊初
八日進抵楊家灘接據總兵劉瑞稟報劉瑞乾
自昌等由太白山迤南剿辦宋逆零匪於前月
二十九日進抵板房子探得賊匪有由黑屹喀
竄向秦嶺之勢該匪人數只有二三百名避兵
逃竄艱於追剿劉瑞遂將所帶兵勇挑選五百
餘名率同遊擊朱集才於夜間覓路抄出後溝
埋伏韓自昌率同都司金三重帶領兵勇數百
名在板房子過住路口以便夾擊初四日辰刻
宋逆股匪竄入溝內劉瑞帶兵迎頭奮擊斃賊
二十餘名生擒十餘名奪獲刀矛大旗十餘件
賊匪向黑屹喀四散奔逃正欲與韓自昌夾擊
不料韓自昌是夜在板房子適荷逆股匪翻越
秦嶺連夜由倒回峪山梁涉竄而來韓自昌帶

剿平三省邪匪方略

正編卷三〇〇

欽定剿平三省邪匪方略 正編卷三〇〇

領兵勇奮力出擊因兵力稍單黑暗中致被衝
散韓自昌并都司金三重猝被賊矛陣亡弁兵
鄉勇亦有損傷劉瑞聞信趕抵板房子宋逆股
匪已與荷逆合夥劉瑞率同遊擊朱集才等奮
力擊退賊匪向黑河橋奔竄臣查該匪既竄
屋黑河橋等處其意自欲在山內游奕現有薛
大烈等帶領大兵由山內緊躡而前該匪自不
能存住或卽由太白山迤北出辛峪口斜峪關
向寶鳳奔竄亦未可定日內薛大烈等計可追
及剿殺因相隔四五百里之遙尙未接據稟報
臣現在馳抵蓋屋之牛尾河飛速偵探如該匪
果出辛峪口等處卽率兵由鳳縣顧住棧道抄
截當可與薛大烈等夾擊以期集事倘該匪被
剿情急或竄往棧西關入甘省邊境臣亦可督

剿平三省邪匪方略

正編卷三〇〇

三六九

師星馳截擊不致稍有蔓延慶溥及參將吳亨
 行一路官兵連日於老林外茅坪牛角壩一帶
 探蹤兜截未能遇賊接仗臣現已嚴札飭令從
 藥壩一帶入山協剿楊遇春由孝義截剿劉逆
 竄匪二三百人日內剿辦情形亦因相距日遠
 尙未報到臣本日接到穆克登布桑吉斯塔爾
 來稟據稱正月二十日探得賊匪二百餘人竄
 至安康漳河口穆克登布等帶領官兵於是晚
 趕到漳河坪距賊三十餘里偵探賊匪在大灣
 屯扎未動穆克登布卽派遊擊閻俊烈洪得等
 帶領兵勇由二虎山進剿又派都司周國平等
 帶領兵勇由天星寨顧住東面截擊又有硝洞
 溝菌扒溝阮家溝巖屋溝數處皆係賊匪出路
 均派令副將伊昌阿遊擊王成傑興普等分路

扼截各路兵勇於三更進發穆克登布桑吉
 斯塔爾帶領兵勇隨後策應五更行抵大灣該
 一帶依山傍林有板屋數處賊匪棲息其中遊
 擊閻俊烈等飭令兵勇不許吶喊先將東北面
 二處屋內賊匪四十餘人擒殺淨盡維時有附
 近屋內賊匪聞聲驚起偽元帥蔡文率領三十
 餘人拚命衝突刺傷鄉勇二名兵勇等均奮勇
 直前當將蔡文殲斃餘賊亦斬獲無遺又有溝
 邊板屋一處屯賊五十餘人經遊擊洪得守備
 王惠增等帶領兵勇將房屋圍住閻俊烈率領
 弁兵鄉勇入屋剿捕內有偽總管羅紹臣偽先
 鋒張友率眾持矛奪路欲去當經外委官志忠
 撥開賊矛將偽先鋒張友生擒各兵勇等復將
 偽總管羅紹臣砍斃餘賊亦全行斬獲鄉勇內

陣亡者三人帶傷者二人維時天已大明尚有

草屋二處屯賊三四十人二三十人不等已聞

風向巖屋溝奔逃都司李廷珍千總楊清亦帶

兵追去復經穆克登布所派之都司楊得陞會

連光等迎頭截住斬獲二十餘人餘匪逃竄無

路俱滾下懸岩跌斃共計此次獲賊九十二名

兵勇割獻耳記八十七副首級八顆訊據獲犯

張友供稱係戴家營股匪去年六月間在大樹

河與戴四掌櫃分夥共有三百餘人是襄陽老

教元帥蔡文帶領分開後在平利湖溪地方被

官兵剿殺一次折傷一百多人蔡文帶領眾人

四處逃竄沿途遇見黃號總兵陳得清藍號先

鋒王敏仁帶有五十餘人合夥共二百多人連

日由羊耳壩來到漳河口想到湖北找尋戴家

營大股合夥不料官兵夜間趕來圍殺元帥蔡

文總管羅紹臣黃號總兵陳得清藍號先鋒王

敏仁都被殺死等供穆克登布當令割驗首級

屬實并將該犯張友及所獲探馬唐善福凌遲

處死餘賊內實係被脅未久者三十一名均交

安康縣釋放外其餘六十一名均係積年矛手

概予正法并據總兵喜明報稱於平利之茅壩

將唐大信股內餘匪二十餘人殺斃九人生擒

老教趙士模等十二名亦經淨盡臣現在酌撥

銀兩交穆克登布等查明出力兵勇分別獎賞

以昭鼓勵又據建昌道劉清稟稱去歲十二月

二十四日探有李彬餘匪一百餘人竄至南江

之梨子園遂即督率鄉勇前往相機剿撫當經

投出四十三人其有持矛抗拒者經鄉勇等奮

力追殺斬獲淨盡等語。查李彬股內未聞有
 此股分竄之賊該道所稟投出姓名內有苟文
 芳一人或即係臣前此所奏苟逆分股亦未可
 定臣已飭令詳查具報亦經酌撥銀兩將出力
 鄉勇按名獎賞又據副將蕭福祿叅將朱槐遊
 擊劉健標等稟報上月十五六等日由通江毛
 峪鎮等處進發二十日至椿樹坪探有一股零
 匪在彼竄擾朱槐劉健標等分路截剿賊匪即
 於林箐內逃遁各兵勇分投搜剿殺賊四十餘
 名生擒三十八名內有偽先鋒羅清仕一名訊
 據供稱係張子聰餘匪前此竄入峽境經穆克
 登布截殺仍翻界嶺入川等語朱槐劉健標等
 當將獲犯就近交通江縣審辦遂即帶兵由八
 廟垭雞鳴垭一帶緊顧西面會同田朝貴協剿

張魏股匪日內諒可得手又據總兵富蘭呈報
 二十六日有零匪一二百人由西鄉簡池壩一
 帶竄至黃栢嶺山林內晝伏夜出富蘭派令備
 備分路搜捕斬戮十數人擒獲四名守備謝占
 魁正入林搜殺之際有伏賊數人於林內突出
 持矛向徽受傷陣亡該匪現由川境竹峪關逃
 竄臣已飭知蕭福祿等協同田朝貴速將張魏
 零匪辦竣即於通南廣元一帶將零匪一律掃
 除毋任滋蔓
 同日惠齡長麟奏言據探報劉永受股匪經臣
 等截回飛奔孝義鎮安交界黑虎廟茨溝一帶
 查黑虎廟茨溝直通大峪口臣等帶兵迎入大
 峪該匪折向西奔適楊遇春由東追來趕至紅
 山洞之乾峽子殺斃賊三四十人生擒三十餘

聖朝聖德編卷三百

三

聖朝聖德編卷三百

三

一第... 續修四庫全書第 4 版正印

名該匪敗竄連夜奔過子午峪以西^臣等恐其北竄平原亦即撤出大峪口向子午峪以西沿峪探蹤堵截初八日晚間該匪竄紫溝峪距峪口僅止五里^臣等即於起更時拔營三更後趕至紫溝峪該匪一見兵到刻即起竄由山內飛奔太平峪^臣等於初九日黎明趕至太平峪督兵進口該匪折向南趨^臣等緊躡追蹤趕至三十餘里之簡池溝地方忽接盩厔縣知縣何紹衣稟報宋應伏股匪連日總在盩厔郿縣所屬之辛口西駱等峪一帶奔竄^臣等派委之遊擊劉英魁都司德克精額等分投截殺該匪等未能竄出折向南趨連夜竄出逼近秦嶺之黑屹塔地方適有總兵劉瑞副將韓自昌都司金三重等將該匪圍截殺斃賊二十餘人生擒十

聖朝聖德編卷三

三

餘名正在圍剿間忽有苟文明大股賊匪自秦嶺竄來在我兵背後恃眾撲壓宋逆見有接應亦奮力衝突我兵前後兩面迎敵韓自昌金三重身受矛傷陣亡總兵劉瑞力戰撤出兵勇亦間有傷損苟文明即竄奔黑水峪宋應伏亦竄奔就峪^臣等派委之都司德克精額會同知縣何紹衣督率兵勇趕赴黑水峪紮住峪口齊向峪內施放鎗礮苟文明未能竄出其宋應伏賊匪先有賊探數人在就峪口窺伺誘令兵勇在就峪堵截該匪正股突由馬岔峪竄出未敢下山即在峪口山坡上之樓觀臺屯紮^臣派委之遊擊劉英魁帶兵趕往擊斃賊匪數人該匪不敢存站即由山坡東奔十餘里仍由田峪進口竄回山內與苟文明合夥有奔往澗峪之

聖朝聖德編卷三

三

湯芳就近剿捕卽帶兵趕赴田峪澗峪一帶攔截荷逆務須嚴密防範勿任賊匪一名逸出至額勒登保摺內稱穆克登布一路獲犯張友供稱伊係戴家營股內夥匪去年六月間與戴四掌櫃分數後共有三百餘人在平利湖溪地方被官兵剿殺卽四處逃竄又喜明報稱於平利之茅壩將唐大信股內餘匪剿淨惠齡摺內亦稱秦嶺以南尙有賊匪二百餘人不知係何股分出張友等匪於去年六月間卽在平利地方潛竄該處俱有地方官管轄豈無聞見或文武員弁漫不經心抑或明知境內有賊潛藏諱匿不稟置之不辦皆未可定但恐陝省境內似此者尙復不少著額勒登保惠齡嚴飭地方文武留心查察認真搜拏倘有仍前疎懈卽據實參辦以示懲儆其張魏股匪現有朱

槐等會同田朝貴等協剿日內自可得手但恐其被剿緊急仍復折回並著額勒登保等督飭邊界將弁嚴密防堵所有生擒偽先鋒張友之外委官志忠著以把總拔補其陣亡之副將韓自昌都司金三重守備謝占魁均著咨部賜卹

欽定剿平三省邪匪方略正編卷三百一 壬戌年

二月十九日庚申德楞泰奏言竊臣前由巫山之

馬坵口將陳逆五號合夥賊匪分路兜剿該逆

輾轉於巫山奉節大寧山中疊被擒斬只存五

六百人始向七星壩乾溪口連夜西逃臣即分

兵西追令豐紳武隆阿等帶兵由北面之上高

坪過其入山之路臣督同達勒精阿色爾滾馬

瑜等躡蹤前進該逆畏懼軍威不分晝夜不由

正路總向大山茂林翻越希圖繞進老山均被

官兵截住初六日未刻臣趕至大崖屋地方探

得該逆因在公坪掠食相距不遠臣即督同達

勒精阿色爾滾馬瑜等帶領兵勇飛馳而進翻

上山梁見各逆在彼炊爨逆眾遙見官兵直下

山梁吶喊先逃馬隊疾驅追至四五里始及其

尾鎗箭齊發立斃賊五六十名生擒謝國材等

十六名仍復力追二十餘里沿途殺賊二三十

名生擒葛時茂等七名餘匪向北海壩西遁天

色已晚未便再進訊明謝國材等五名即係本

地被擄居民其餘均係戰手一概正法初七日

豐紳等帶兵至椿樹灣地方據該處素民鄭發

先等報稱有零匪七八十人在此一帶擄掠警

見官兵到來已進林內躲藏豐紳與武隆阿將

兵勇分爲數路進林搜剿該匪四散奔逃經兵

勇趕殺斃賊三十餘名生擒徐達先等十七名

當經訊係老賊立即梟示初八日午刻抵凍綠

壩探報右手白臘漕謝家溝有西來零匪六十

餘人臣當令豐紳馬瑜等分帶步兵前往搜捕

旋據呈繳耳紋二十七副活賊彭繼祖等二十

一名餘匪向雲陽之蘭溪逸去訛係白號打散
餘匪欲尋另股合夥俱係從賊日久殺人放火
者當卽斬訖嗣探陳逆等知官兵竭力窮追日
行七八十里捨命狂奔由高陽過河向梁山萬
縣西逃又探得有自開縣竄來零匪二百餘人
已入奉節境內又據夔州府及巫山縣文武稟
報巴東巫山交界江邊之萬流一帶有賊匪一
起又巫山之竹笆堡石羅溪地方另有一起賊
匪藏匿又巴東之大花巖亦有賊匪一起各逆
時或逼近江岸時或進山擄掠往來總在巴巫
之間已嚴飭文武密爲隄防等情臣查陳自得
五號餘匪雖擒剿無幾而被我兵追截沿途逃
散者實多故現在只剩三百餘人已向萬縣西
竄勒保賽沖阿業於初五日會合後帶兵由開

欽定剿平三省邪匪方略

正編卷三〇一

三

縣一帶東來探剿臣再四思維現在賊勢實與
從前迥異若臣卽西進窮追縱令該逆奔逃愈
速自可趕辦剿除然而巴巫界上又形空虛倘
各逆聚而成股逼臨江岸日久無兵剿辦所關
尤爲重大是以臣遂卽東折巫山一帶迎剿陳
逆股匪亦可就近探剿湖北各逆並寄知勒保
等凡有東來之賊臣均可兼顧倘賊匪西去勒
保等卽當隨時迎剿是臣扼據其東勒保等遊
兵於雲萬之間又極爲聯絡庶兵馬不致徒勞
於事實爲有神臣卽於初九日由雲陽之磁坪
取道巫夔東下沿途復分派將弁四五路各帶
兵勇二三百名改裝換形隨處遍山搜捕臣亦
督率豐紳達勒精阿色爾滾武隆阿馬瑜等由
中心壩自北面江岸之東洋子龍洞王家梁朱

欽定剿平三省邪匪方略

正編卷三〇一

三

三七七

家三壩一帶搜剿於十一日兵抵夔州府之下
關城連日分兵搜捕每日獲賊數名或十數名
不等均係正賊隨時辦理

同日勒保賽沖阿奏言竊臣賽沖阿帶領官兵

先向開萬一路探賊剿辦臣勒保將大竹奸匪

查辦完竣後亦督兵繼進並派總兵張志林分

帶兵勇向新寧東鄉一帶搜捕零匪初二日臣

《聖朝實錄纂編卷三》

五

賽沖阿正向開縣進發探得有賊匪一股已從

開縣竄向萬縣之蝦蟆石八角坎等處滋擾即

帶兵向萬縣星馳前進詎賊匪聞有官兵前來

即從萬縣折回向梁山奔竄官兵探蹤緊躡其

時臣勒保正從大竹起程向開萬一路進發初

三日到萬縣途次探有賊股已從萬縣向梁山

竄去即改道赴梁山截擊該匪知兩路俱有官

兵兜截遂遁入梁山所屬之栢林漕臣勒保督

同侍衛花品塔什拉副將倭星額遊擊陳龍驤

門繼春守備葛天培等帶兵探蹤剿捕初五日

陳龍驤葛天培帶領前隊兵勇先抵該境見山

梁有賊數十人陳龍驤即率兵勇登山擒捕忽

山後突出賊眾四五百人佔踞山梁恃險抗拒

向下拋擲石塊如雨把總孟國卿奮勇當先額

《聖朝實錄纂編卷三》

六

受石傷仍帶兵冒險而上葛天培亦率兵勇繼

進儘力仰攻正在相持間適臣勒保督同花品

塔什拉倭星額等趕到臣賽沖阿與溫春帶同

侍衛富森德協領明德穆騰額佐領達春等率

領馬隊前來總兵蒲尚佐帶同叅將李東山馬

元沈洪等率領步隊亦至正值前隊官兵與賊

匪相持各路馬步官兵即一擁而進賊匪見官

兵先後踵至始大形驚潰四路逃竄_臣等當卽
派兵分投跟剿由白陽洞圓覺寺亮風埡等處
翻過數重大山追剿百餘里直至黃印濠地方
共殲斃賊七十餘名滾崖跌斃者四十餘名生
擒男婦七十一名口奪獲賊旗刀矛騾馬甚多
當將活賊劉芳鑑等查訊據供此股係白號餘
賊賊首偽總兵宋國品上年冬間在川北被官
兵擊散逃入老林內近從開縣竄出想湊合別
股人偷過嘉陵江到川西地方搶掠纔到萬縣
地界見有官兵卽改向梁山奔竄不想逃到栢
林槽地方四路大兵趕來追殺將我等擒住宋
總兵不知逃往何處等語當將各犯審明所有
從賊日久之戰手劉方鑑等四十五名卽行正
法其餘被脅難民李大發等及婦女幼童共二

剿平三省邪匪方略

七

十六名口發交梁山縣查明原籍送回安插其
張志林一路官兵向新寧達州一帶探剿賊匪
初二日午刻行至達州所屬之六水橋據寨民
報稱有賊匪一股纔由東鄉竄入在蓮花菴地
方滋擾張志林隨卽探蹤迎剿賊匪從檀木場
蜂擁而來約有二三百人張志林當卽派遊擊
鄔海慶都司畢萬年帶兵由左手山梁截殺遊
擊唐際盛守備吳芝秀由右手順河逼剿張志
林親帶遊擊夏雲龍守備周士貴迎頭截擊該
匪猝遇官兵卽折回原路竄張志林等督兵
緊逼追擊直趕至觀音山地方沿途殺斃賊匪
六十餘名跌斃賊十餘名生擒六十五名奪獲
賊旗鎗矛騾馬無數我兵追賊計程六七十里
餘匪被剿四竄天色已晚難以窮追當將官兵

剿平三省邪匪方略

八

暫紮查訊活賊內有詹文明一名係在達州與徐添德同時起事之犯現在賊營充當旗手又據供有胡旗手一名亦係積年老賊本日被官兵殺死其餘被擒活賊均係戰手張志林當派弁兵將所獲各犯就近解交新寧縣收管聽候審辦張志林仍帶領官兵由檀木場龍王堂一帶探明餘匪奔竄去向跟蹤進剿以期淨盡至

臣等在柏林漕剿敗之賊連夜窮竄已由墊江鄰水一帶奔逸有向廣安之勢此股賊匪約剩三百餘人為數雖屬無多但所至皆係腹地易於裹脅且若竄過渠河即逼近嘉陵江岸必需趕緊殲淨 臣賽沖阿帶兵向大竹取道兜擊派令蒲尚佐帶領參將馬元沈洪遊擊賀廷印分兵由鄰水取道追剿 臣勒保帶兵繼進策應以

聖朝聖德編卷三

九

冀即日殲除所有此次兩路官兵打仗共陣亡受傷兵勇十餘名另咨照例咨部辦理查此時川東賊匪零星四竄理應派兵多路分投剿辦但 臣勒保一路原本有兵勇六千餘名上年十月間在馬家營追剿湯劉股匪分出薛大烈一路帶去兵勇四千餘名數月來總在老林剿賊此時又追剿苟文明過陝未能歸隊 臣勒保現僅帶兵勇二千餘名 臣賽沖阿在叅贊德楞泰一路分出亦僅帶兵一千六七百名是 臣等兩路兵勇共不過四千餘名 臣勒保現又分出張志林一路帶去兵勇一千五六百名前赴東鄉一帶搜捕餘匪目下 臣勒保賽沖阿所帶兵勇共止有二千餘名不便再為分撥惟有儘此兵力四路偵探賊蹤設法兜截殲除不敢稍留遺

聖朝聖德編卷三

十

孽至薛大烈張績等追剿苟逆股匪入陝近聞
該匪被剿情急搶過漢江北岸經畧額勒登保
親往督兵剿辦賊勢已經殘敗諒可即日殲除
叅贊德楞泰現在巫山剿辦零匪前此總兵吉
林泰孫清元由楚追剿賊匪至巫山地界旋卽
兜截回楚並未深入川境臣勒保現接德楞泰
來信以此時楚省賊勢較衆擬將巫山零匪辦
淨後卽行督兵過楚其田朝貴一路在川北剿
辦張魏餘匪因其兵力較單臣勒保前已添派
遊擊羅思舉帶隨征鄉勇一千餘名前往協剿
近接額勒登保來信亦派副將蕭福祿叅將朱
槐等帶兵二千餘名協同田朝貴在川北剿賊
計該路兵勇共有五千餘名儘可敷用近又接
德楞泰來信亦慮田朝貴一路兵單擬將臣賽

剿匪方略卷三十一

十一

冲阿所帶官兵撥赴川北今田朝貴一路兵勇
已多自可毋庸臣賽冲阿前往助剿再據建昌
道劉清寧遠府知府德福等稟稱該道府等在
川北辦理團練適李彬殘匪竄入南江之鐵廠
坪經委員等帶領軍功鄉勇奮力截擊殲斃賊
匪多名並將首逆李彬及辛聰之弟辛文擒獲
現在解赴巴州聽候審辦俟查訊確實另行具
奏均奏入

剿匪方略卷三十一

十二

上命軍機大臣傳諭德楞泰勒保曰此次德楞泰追
剿陳逆五號合夥餘匪殲獲無多適勒保賽冲阿
由開縣一帶東來德楞泰卽令其就近迎剿伊卽
帶兵取道夔巫東下搜捕零星竄匪看此情形德
楞泰自因陳逆五股餘匪奔竄已遠不能追及故
爾委之勒保等剿辦與前次苟逆入陝德楞泰未

及趕上以巫山奉節等處散竄賊匪較多爲詞舍
苟逆而前赴川東前後如出一轍此朕就伊所奏
情節平心靜氣體察而得並非臆度也現在德楞
泰旣往巫山一帶所有川東各股零匪卽責成德
楞泰專剿固不得令其竄往川北尤不可使之闖
入楚境務須卽在川東地方悉數殄除毋得一誤
再誤遷延推諉致干咎戾至摺內稱巴東巫山等
處又有三起賊匪或逼近江岸或進山擄掠已飭
文武密爲提防等語此三起賊匪究有幾百幾千
並未敘明殊爲含混並着查明具奏又據勒保奏
現在川北賊匪敗殘四竄卽魏張賊股亦不過零
星餘匪勒保現已派令羅思與幫同田朝貴剿辦
又經額勒登保派令蕭福祿未槐協剿共有兵五
千餘名兵力數倍於賊自可卽日殲除勒保當上

緊督催一經剿淨卽迅速馳奏前已降旨將川楚
陝竄匪交額勒登保德楞泰勒保吳熊光等分界
剿辦以專責成今四川一省又分爲兩路川東令
德楞泰督剿川北令勒保督剿分派兵力各辦各
賊不必兼顧俟一處辦竣後再以得勝兵力彼此
幫辦更易蒞事但不可互相推諉總以實心實力
加緊剿捕切勿稍存取巧見長之見目下川省賊
數無多尤不值以大隊官兵跟蹤追躡德楞泰勒
保惟當亟思變計或分派將領四處剿捕或改裝
易服隨處緝訪德楞泰係成都將軍勒保係四川
總督惟當各擇一適中要隘地方駐劄以逸待勞
督率剿辦庶官兵不至奔走疲乏再賊匪屢經招
撫而投出者甚屬寥寥人情莫不愛生惡死何以
賊匪轉欲自蹈死地其故殊不可解其中或有別

情德楞泰勒保不妨據實密奏又勒保摺內稱擊獲活賊劉芳鑑供稱賊首偽總兵宋國品本係白號餘黨上年冬間在川北被官兵擊散逃入老林內近從開縣竄出更想湊合別股偷過嘉陵江到川西地方搶掠等語此股賊匪自去冬即潛伏老林何以此數月內地方官竟毫無聞見並不稟報剿辦直至近日春和始聽其竄逸出山肆行搶掠

剿平三省邪匪方略

卷三

着勒保即查明該逆所匿老林究係在何州縣所管地方在地方官畏懼處分自必飾詞推諉應即訊之現獲賊匪令其一一指實即將該州縣指名嚴參以示懲儆

同日吳熊光奏言查楚省境內前次僅有王會一股在興巴一帶往來奔竄人數稍衆係總兵孫清元吉林泰帶兵剿辦其餘房竹南山潛匿

零匪係全保長齡分投搜剿自去冬以來節次殲擒已就廓清其王會股匪前經孫清元等追剿入川後興巴一帶亦已無賊迨正月二十一二十五等日接據孫清元等稟報王會二逆糾合川東各股零匪人數增多乘間折回並於歸州走馬嶺地方接仗得勝並聞川東寧巫一帶伏匿餘匪爲數不少惟恐叅贊德楞泰自西而來各賊畏其聲勢必致紛紛東竄與巴等處勢更著重是以全保長齡先後各赴該處合剿以收夾擊之效嗣接全保長齡來信知行至興山境內探得王會股匪經孫清元等剿敗後竄至巴東因聞川省寧巫新到大兵該匪等不擇路徑晝夜狂奔由興山之榛子樹嶺向東北奔竄全保長齡慮其漫及南漳遠安等境各帶官兵

剿平三省邪匪方略

卷三

抄赴東北一帶過其去路孫清元吉林泰緊蹙前進所畏難民沿途逃出甚多賊勢似已窘蹙全保長齡與該鎮等三路兜圍自可夾擊痛殲惟前據興山縣稟報另有賊匪一股竄至該縣之豐玉坪臣恐係王曾分股為牽掣官兵之計是以札囑全保長齡於道過興山時酌分兵力截其東竄先以大兵專注王曾股匪勿墮賊奸計連日接據探報此股賊匪尙在七連坪南陽河山內遊奕並據逃出難民云賊營內係陳姓管事向在川東地方屯聚掠食正月初間隨王曾股匪竄入湖北因陳姓與曾芝秀不睦又各自逃至興山之內希圖搶掠等語臣伏查楚省兵力本不及川陝三分之一而邊境道路綿長堵剿實難兼顧且自去年春夏以後賊總以老

林為窟穴不由大路行走若復照前於各關隘駐兵未免虛設徒糜鹽糧是以臣前經奏明將無益邊卡兵勇一併裁撤集兵三路無分畛域遇賊卽剿昨因房竹西南二面尙屬寧靜是以全保長齡俱赴南路合剿王曾各股以期迅速蕙事今陳逆既分股竄擾且七連坪一帶與房保山徑在在可通又不得不分兵嚴剿以免聚脅蔓延臣已飛信知會全保長齡酌量情形先分一人帶領官兵卽赴西路七連坪一帶專辦陳逆一股仍留一人帶領官兵督同孫清元吉林泰等將王曾各股相機夾擊趕緊辦理至西面竹谿一路近有陝省剿敗零匪數十人或一二百人翻越老林竄入邊境臣因無兵可派當令守備鄧興相把總張朝鳴帶領鄉勇五百名

《聖朝實錄卷三》

七

《聖朝實錄卷三》

六

並令竹谿營遊擊敖世俊抽撥在城兵勇帶領
前往賊窟處所協同各寨義勇隨地截剿日來
節據鄧興相等稟報均有擒斬現仍飭令實力
搜捕務絕根株以靖地方奏入

上命軍機大臣傳諭吳熊光全保長齡曰吳熊光在
房竹一帶駐紮其與山股匪係全保長齡帶兵前
往抄截現據奏稱孫清元吉林泰緊躡賊匪難民

《聖朝實錄卷三百

九

逃出甚多是賊匪勢已窘蹙官兵自應早得勝仗
何以尚未據全保等奏到至所奏與山另有賊匪
一股在七連坪一帶遊奕與房保山徑在在可通
不得不分兵躡剿吳熊光現在咨令全保長齡酌
量先分一人帶兵專辦等語自應如此辦理全保
長齡等總當將此兩處奔竄餘匪就地殲除勿留
餘孽不得以驅逐出境卽爲了事其西面竹谿一

路零匪爲數不多自係陝省剿敗之賊吳熊光派

令守備鄧興相等帶鄉勇五百名並令遊擊敖世

俊抽撥在城兵勇前往搜捕諒已足敷剿辦應飭

令上緊搜淨務絕根株並著查明此股賊匪究係

何逆遇便奏聞至湖北現在已無大股之賊但與

山房竹一帶與川境邊界在在毗連難保無餘匪

竄入該處深山老林爲賊匪奔竄熟徑且現在俱

《聖朝實錄卷三百

十

不過數十人一二百人分合無定實不值以大隊

官兵往來追擊況賊匪遇官兵追急則晝夜狂竄

不知所往及去官兵稍遠又隨處休息且乘間仍

可以褻脅百姓佔住民房及至官兵躡探到來又

復四竄是賊逸兵勞主客異勢官軍豈不疲於奔

命揆之現在情形不可不思變通之法朕意或於

賊匪奔竄所在擇其緊要地方以大兵駐劄扼其

奔竄之路其零星四散之賊或派令將弁前往跟
追或令兵勇等假扮教匪隨地擒殺使賊匪無路
奔逃自投絕地方為以逸待勞著吳熊光等酌量
邊界情形妥為籌辦至此時兵盛賊衰其零星餘
匪自當以搜捕為主但前此節次降旨招撫各地
方大吏已早應實力奉行何至賊匪當此窮蹙之
餘猶復鋌而走險朕求其故而不得深以為愧豈
賊匪另有萬不得已之苦情耶並著吳熊光等詳
細查明設有別情不妨據實密奏

聖朝實錄卷三百

三

二十一日 壬戌 惠齡長麟奏言查苟宋二逆由景

峪腦翻山直向東奔將出澗峪 臣 等即星馳趕

至澗峪口堵截適總兵薛大烈張績等亦帶兵

抄至賊匪東面該匪等又復折回西北有出田

峪之勢 臣 等亦即折回田峪堵截該匪等見北

面處處有兵即向南面銀河溝桃園子一帶鑽
入老林薛大烈張績帶領兵勇緊躡賊蹤相距
已不甚遠 臣 等恐該匪又由別路逃遁亦由乾

峪景峪撥兵入山在東西兩面堵截俾賊匪不

能分竄薛大烈張績即於十三日未刻趕抵桃

園子督率兵勇直前衝殺斃賊三十餘名生擒

四名賊匪紛紛翻上圓嶺山老林堆放木石憑

聖朝實錄卷三百

三

高抵拒官兵正在奮力仰攻忽聞後路鎗礮之

聲據報另有賊匪四五百人由山溝突出抄截

我兵後路經遊擊晉之璉都司羅瑛等帶領後

隊護衛鍋帳兵勇與賊對敵薛大烈即抽帶兵

勇折回援應張績亦督率兵勇攻撲圓嶺山之

賊後路賊匪知有策應即還上連架山大梁薛

大烈等督催兵勇鎗箭並旌槍上半山賊匪擲

石如雨官兵因見山坡草密卽點火燒山風烈
焰熾延燒直上賊匪站立不住我兵從旁搶上
山頂賊匪滾巖逃走我兵自上壓下殺斃賊匪
五六十名生擒十一名賊匪四散潛逃其圍嶺
山之賊經張績督兵冒石仰攻鎗礮並發擊斃
賊匪多名攻至第三層山梁鎗礮愈緊賊匪不
能抵敵卽四散遁入老林計此次除滾崖跌斃

《聖朝實錄卷三》

三

外共殺賊一百餘名生擒十五名內有偽總兵
姚青雲大旗手喬應祿二名該鎮等現在訊取
確供具報額勒登保核奏現在該匪分合未定
薛大烈張績等探明賊蹤乘勢趕緊剿辦刻下
額勒登保已由華陽牛尾河一帶自西面抄截
前來楊遇春及總兵楊芳均在東路兜剿劉逆
賊匪_臣等仍緊顧北面以防該匪等被剿情急

逃竄峪外副都統慶溥抄截苟逆賊匪亦已抵
馬超鎮接奉額勒登保札知西面蘇家溝磨石
溝一帶零星匪一二百人在彼遊奕派令慶溥
督率參將吳亨衍張汝勤等趕緊搜辦並令兼
顧棧道以防苟逆大股西竄甘省是西面亦可
無虞該匪等實已十分殘敗無難卽就剿滅奏
入

《聖朝實錄卷三》

四

上命軍機大臣傳諭惠齡曰苟宋二逆合夥後奔向
南面翻入老林經薛大烈張績督率兵勇直前衝
殺維時後路又有賊匪四五百人由山溝突出抄
截鍋帳薛大烈卽抽帶兵勇折回應援賊匪搶上
半山經官兵痛加剿殺先後殲擒一百數十人並
生擒偽總兵姚青雲大旗手喬應祿所辦甚好此
次自係薛大烈張績之功現在該匪等分合無定

當飭令薛大烈等探明賊蹤緊躡追殺不可鬆懈
 現在賊匪往來奔竄出入老林惠齡等相度情形
 如果將賊匪逼入老林易於辦理即當與額勒登
 保等商定四面兜圍勿令逸出並於山口外各峪口
 嚴密堵禦以便聚而殲洗如謂轟出老林方為得
 力則當盡力跟追逼其旁竄使賊匪進退無據盡
 行盡逼出山庶官兵施展得力總當堅持定見實
 力辦理方可期迅速厥功也

聖旨

三

同日陸有仁奏言連日復據探報苟逆大股賊
 匪竄至鎮安邊界之小壬河米糧寺一帶經畧
 額勒登保督率薛大烈格布舍等分投兜截賊
 匪不敢東趨即向洵陽壩一帶西竄現在逸入
 盤屋之老君嶺辛峪一帶額勒登保由華陽向
 西截擊派令薛大烈格布舍等即由東嶽殿緊

躡賊蹤追剿並恐賊勢竄過棧西已令慶成於
 沔畧一帶設兵迎截又劉永受股匪竄至孝義
 屬之廟溝經楊遇春帶兵趕上殺賊三十餘名
 生擒三十餘名餘匪四散奔逃楊遇春等趕緊
 分投追剿又宋應伏等賊匪分為兩股一股百
 餘人經楊芳督令守備黨連陞等分路截殺殲
 斃多名餘匪奔入老林潛匿一股二百餘人竄

聖旨

三

至盤屋秦嶺板房子一帶經劉瑞韓自昌等帶
 兵趕至擒賊三十餘名餘匪情急逃竄官兵分
 布兜截正在痛加殲洗不意猝遇大股賊匪突
 至官兵奮勇截擊副將韓自昌力戰陣亡都司
 金三重亦被戕害劉瑞督同遊擊朱集方等鎗
 斃並發將賊擊退賊即竄歸一處奔赴黑河橋
 等情臣查副將韓自昌即係前次陣亡副將韓

加業之胞兄向來剿賊甚爲出力弟兄相繼捐
軀家有八旬老母其情實爲可憫臣已飛飭地
方官妥爲照料並傳其親屬來陝送回甘省原
籍又棧西大竹壩一帶有賊匪一股潛匿老林
慶成令都司李廷彪等帶兵剿捕未能得手李
廷彪殺賊陣亡賊匪現竄褒城之劉家河臣已
飛札慶成趕緊馳剿此時各路大兵朝東暮西
盡在深山老林行走糧餉尤關緊要從前南山
各寨存貯之糧因楊遇春等在山稍久供支殆
盡嗣復驟添經畧及薛大烈兩路大兵需糧更
多臣當卽飛飭石泉洋縣城固各地方官將興
安運到之糧無分遠近不惜重價僱夫背運入
山趕送大營仍一面補運各寨存糧以便官兵
到時就近供應惟是賊匪分竄靡定深林曲徑

隨地潛藏不似從前大股之賊易於探蹤趨避
運糧人夫負重過進設遇前途有警勢不得不
加意慎重繞道而進以是頗形棘手現在設法
趕運幸尙不致缺誤臣復添派道府大員分路
督催務期源源接濟奏入
上命軍機大臣傳諭陸有仁曰各路兵勇剿辦賊匪
情形均早經額勒登保等具奏惟陣亡副將韓自
昌係前次陣亡副將韓加業之胞兄家有八旬老
母其情殊爲可憫朕實不知陸有仁據實陳明所
奏尙是現已降旨加恩仍著陸有仁動支銀三百
兩派員賞賞伊母用示格外優卹至所稱大竹壩
一帶有賊匪一股潛匿老林慶成令都司李廷彪
剿捕未能得手殺賊陣亡賊匪現竄劉家河等語
李廷彪著咨部賜卹但此股賊匪究係何人是否

係川省竄匪著陸有仁查明具奏並著飛札慶成
上緊殲淨勿介蔓延

上諭內閣曰副將韓自昌剿賊陣亡前經額勒登保
奏到當即交部賜卹茲聞伊即係前次陣亡副將
韓加業之胞兄弟均沒於王事且家有八旬老
母深為可憫韓自昌著加恩照總兵陣亡例議卹
其一切資送回籍俱官為辦理再加賞伊母銀三

製書齋彙編卷三十一 无

百兩並著惠齡派地方官於伊原籍官建祠堂一
座賜名雙烈祠令本處地方官春秋致祭伊共有
子幾人俟服闋後俱著送部引見如無子嗣即查
伊胞姪咨送以示朕優卹忠盡至意

欽定剿平三省邪匪方略正編卷三百二十一 壬戌年

二月二十日辛酉全保長齡奏言伏查王會股會

合樊崔戴各逆人數增添均係積猾子手總在
萬山重疊之中往來奔竄行蹤極為鬼域若經
官兵趕上即翻山越嶺據險抗拒近因各處老
林聯絡堡寨難於覓食希圖逸出東路擄人掠
食情形尤為可恨臣全保前在官渡一帶搜捕

製書齋彙編卷三十一

餘匪接據孫清元等稟報王會各逆前於古城
剿敗後復折回興巴一帶趨東湖遠安之勢
又據參贊德楞泰知會已抵巫山俟將川省邊
界餘匪剿竣後即由興巴等處入楚剿辦並囑
臣等顧住東面截剿臣全保當即督同總兵德
昌王懋賞由竹山屬之官渡河兼程前進隨即
取道保康一帶向東迎探截剿詎該匪聞風北

走^臣長齡由北峯守抄截前來途次馬良坪會

晤商定^臣長齡由後界坪一路自西北向東兜

擊^臣全保由里隣河黃木崗兜住東路探明攔

截初七日探報該匪等有竄近霧渡河之信該

處逼近東湖遠安下可直達荆宜^臣全保躍得

捷徑由交戰亞可達霧渡河督率德昌王懋賞

二鼓發兵初八日未刻頭隊兵勇將到該處賊

《擊看龍軍編卷三》 二

匪蜂擁圍集松栢寨緣該寨存貯軍糧正在攻

撲之時我兵飛馳衝擊頓解賊圍賊匪飛竄南

面大山佔據馬鬃嶺山腰山勢險峻王懋賞率

同參將胥泗起都司鄧洪馬驥黑達色周長泰

丁有馬渭守備方雲超倪連清畢文標陸世元

等由中路搶進德昌率同參將黃定選常羣都

司鄒宗夔達祥守備永哈布張建業賈龍圖謝

貴等由左手抄進侍衛塔津保副參領皂祿委

營總關成驍騎校烏爾公保等率領前路馬隊

由右手抄進三路官兵奮勇爭先仰攻直上賊

衆亦分三路據險抗拒施放鎗礮連次下壓我

兵鎗擊箭射立斃賊匪五六十人並調到劈山

礮向賊衆轟打中礮滾岬者無數賊衆猶克悍

下壓王懋賞身先士卒中受矛傷力戰陣亡賊

《擊看龍軍編卷三》 三

衆拚命抵敵官兵人人奮勇胥泗起黑達色周

長泰方雲超倪聯清等直前撲進與賊攪殺一

處因地勢窄狹滾崖跌死傷亡賊匪滾崖跌死

者亦復不少陸世元與賊格鬪搶奪賊矛對扎

身受矛傷十六處皆不甚重鄧洪腮受矛傷順

手奪獲賊矛連扎斃二賊德昌塔津保等兩路

會擊仰攻奮不顧身鎗箭齊發復斃賊匪七八

十人賊衆退佔延旺壁陡崖山勢愈高愈陡該
匪恃險搖旗招集餘匪併力下壓塔津保身祿
烏爾公保常羣鄒宗夔張建業賈龍圖謝貴等
爭先攻撲迎面格殺先後皆力戰陣亡正在喫
緊之際黑龍江水手營四品官霍隆武等帶領
後路馬隊直前衝敵連射數賊倒地內有穿豹
皮馬褂賊一名賊衆擁擠將該匪搶擄而去又
射中執大白旗一賊帶箭奔逃領催素木奈前
鋒校委官伍綳阿等在賊隊衝殺射斃者甚多
餘匪始紛紛潰逃霍隆武乘勢搶進德昌孫應
奉等一擁而上賊衆四散奔逃追殺七八里共
斃賊匪二百餘名奪獲刀矛旗幟騾馬甚多生
擒偽先鋒鄧文華大旗手徐貴黃修齋並矛手
三十七名時已昏黑不便窮追山後乘隙散出

被擄難民極多附近一帶各自回籍者難以計
數其陸續來營請票回籍者共有百餘人訊據
鄧文華等供稱樊人傑是老黃號因人少與王
曾元帥崔宗和戴四掌櫃合夥營裏矛手有一
千五六百人大小男婦共有三千餘人因官兵
追殺兩次要過四川聞德將軍大兵將到翻山
折回往荆門當陽一路繞過陝西昨日聞得寨
中有糧米派些矛手攻寨與官兵打仗崔宗和
之叔崔貴與樊人傑同時入教衆人稱爲老師
傅在前抵敵被官兵射倒滾下崖去其穿豹皮
馬褂者係樊人傑兄弟樊三掌櫃被官兵射下
馬來還有總兵富崗帶箭脫逃等語查獲中箭
滾崖賊匪割取首級今獲賊分別指認皆稱實
係崔宗和之叔崔貴當令戮屍並將偽先鋒鄧

文華大旗手徐貴黃修齊三犯立即擣割餘匪
三十七名皆是積賊一併正法偵探賊蹤折向
西南界山水月寺一路遁逃適孫清元吉林泰
由栗子坪東南抄道兜截賊即連夜西竄臣全
保督率官兵一面跟蹤追剿一面知會長齡迎
頭截擊適臣長齡於初十日探得賊匪在高良
坪散漫屯紮遂連夜進兵攻其不備當派侍衛
呢瑪善泰將德興等翻牛皮垵抄出高良坪之
上又派遊擊王占鰲守備麻光裕等由偏坡躍
道而進臣長齡督率侍衛富翰總管都當阿等
帶領馬隊隨後策應於四鼓始抵該處賊匪各
散在民房住宿四圍均有號火瞭哨零匪亦皆
熟睡毫不設備王占鰲等帶領兵勇將瞭哨之
賊先行殺斃一擁而進齊聲喊殺賊衆慌亂有

欽定剿平三省邪匪方略

正編卷三〇二

赤身跳出者有持矛挺殺者均爲兵勇立時擊
斃忽有屋內十數人持矛擁一人衝出軍功李
貴料是賊目一箭射倒爲衆兵勇砍斃我兵拋
擲火彈燒死甚多見一賊上房吶喊招集矛手
格鬪王占鰲喝令鎗兵登時打死賊衆潰散奪
路奔逃比及山垵天已黎明呢瑪善等從高良
坪之上截殺臣長齡督率馬隊盡力追趕共斃
賊二百五十餘名該匪翻山四散竄逃經該處
一帶寨民施放鎗礮助擊賊匪拚命捷走滾崖
落澗者無數隨即查點前後擒獲活賊七十九
名搶獲大小旗幟刀矛鳥鎗驟頭牛馬無數訊
據活賊崔元四供稱崔宗和是我哥子現在與
樊人傑王國賢會芝秀戴四掌櫃合夥營裏都
是樊人傑管事衆稱爲老掌櫃前日要到東湖

欽定剿平三省邪匪方略

正編卷三〇二

去走到霧渡河遇見官兵截殺樊人傑之弟樊三掌櫃並總兵富崗皆中箭傷我叔崔貴亦經射死頭人帶傷甚多要往西南大山內躲避不想又遇官兵等語並查訊射死之賊僉供是戴四掌櫃軍師名楊茂林又於賊屍內指出被鎗擊死之尙三掌櫃除將訊明矛手十四名卽行正法並訊出實在被裹難民二十名口照例省

《聖朝實錄卷一百一十五》

八

釋外其餘崔元四等四十五名均發興山縣朱宗騰訊明分別辦理查該匪等經此次兩路截剿之後由張三坪一路漏夜潛逃賊勢大形窘蹙_臣長齡由後界坪跟蹤追剿_臣全保由播鼓臺顧住西南截擊孫清元吉林泰亦已抄出賊之東北由苟家坪一帶迎頭兜剿現在三路官兵已成犄角之勢並探悉德楞泰大兵尙在川

楚大寧巫山交界一帶剿捕賊匪_臣等惟有盡心竭力層層逼剿務期於德楞泰未到之先迅速集事若德楞泰指日將川界餘匪掃除淨盡統兵來楚聲威益壯更可四路截擊掃蕩餘氛奏入

《聖朝實錄卷一百一十五》

九

上命軍機大臣傳諭德楞泰吳熊光全保長齡曰王會股匪與崔樊戴各逆合夥竄擾經全保長齡督率將弁分路截剿此次先後殲擒賊匪雖共計有五百餘人官兵陣亡者亦復不少殊屬萬分不值披閱之下深爲憫惜該將弁等爭先衝擊奮不顧身所敘情形目不忍觀其打仗出力已可概見唯賊匪經我兵兩路截剿之後向張三坪一路潛逃訊據獲犯供稱各該逆合夥一處手下頭人尙多且俱是樊人傑在內管帶該匪係積年著名首逆

日久稽誅不可不亟行剿捕現在全保長齡孫清
元三路官兵已成犄角之勢務當併力一心將樊
人傑及各股夥匪卽在本境一律剿除萬不可以
驅逼出境遂爲了事如能將樊人傑擒獲或臨陣
殲斃卽係吳熊光全保長齡等之大功朕必重加
恩賞勉之望之所有守備陸世元與賊格鬪身受
矛傷十六處黑龍江水手營四品官霍隆武直前
衝敵連斃數賊均屬奮勇陸世元著卽以都司陞
用霍隆武著卽以三品陞用都司鄧洪領帶素木
奈前鋒校委官伍綉阿在賊隊中衝殺亦屬奮勉
俱著以應陞之缺陞用總兵德昌副將孫應奉俱
屬出力著交部議敘其射死賊目之軍功李貴著
賞給八品頂戴如業已得有頂戴著加等陞賞總
兵王懋賞身先士卒爲國捐軀實爲可惜著咨部

欽定剿平三省邪匪方略

正編卷三〇二

賜卹其餘打仗陣亡之塔津保皂祿烏爾公保常
羣鄰宗夔張建業賈龍圖謝貴均著咨部賜卹胥
泗起黑達色周長泰方雲超倪聯清等摺內稱滾
崖跌死傷亡尙未明晰如查明均已跌斃俱著照
陣亡例咨部賜卹至德楞泰現辦川東之賊原不
責令帶兵赴楚督同籌辦但王曾等股或因被剿
緊急復思乘間逃入川省德楞泰務當預派鎮將
前往迎頭截剿與楚省官兵兩面夾擊以期一鼓
殲淨斷不可任其深入川東地界致干咎戾
二十三日甲子吳熊光奏言臣探聞陳逆已竄近
房縣邊界一入九道梁等處山深林密辦理又
形棘手且恐全保長齡得信已遲未能抄前截
剿臣當卽飛調卽均一帶駐守之副將蔣觀濤
遊擊德祿帶領官兵連夜由房縣進發詎陳逆

欽定剿平三省邪匪方略

正編卷三〇二

知有官兵攔截又聞長齡已回興山不敢下窺
遂向南面老林晝夜狂奔折回巫山之東西寨
木瓜溪一帶並據興山令朱宗騰稟報王曾等
股本欲窺伺宜昌見東路有撫臣等帶兵截擊
復由水月寺西竄折回興山高良坪適長齡帶
領官兵於初十日趕至黃連坪卽於是夜挑帶
兵勇分路進發直抵高良坪賊匪均在民房熟
睡長齡察其無備督令兵勇分投放火賊匪驚
醒衝出立時殺斃一百四十五人被火燒斃者
不計其數其餘各處民房屯聚之賊聞信四散
奔逃官兵沿途追殺又斬獲一百五十餘名箭
斃戴四之軍師楊茂林殺死尙三老掌櫃生擒
尙掌櫃並崔宗和之弟崔元四及頭目矛手五
十四名散出被裹難民甚多搶獲旗幟器械騾

馬無數並據守備鄧興相稟報川陝竄入竹谿
境內零匪合爲一股約三四百人於初八日竄
至竹谿之黑溪溝地方該守備督率把總張朝
鳴首領熊應魁等各帶鄉勇分路進擊賊匪據
守山梁負嵎抗拒各鄉勇奮力直撲斃賊五十
餘名生擒舒代仁等二十七名奪獲賊旗長矛
鳥鎗甚多餘匪遁入溝口老林現仍趕緊搜捕
並將舒代仁等解送前來臣親提查訊據舒代
仁供稱係四川人向隨龍紹周充當旗手屢在
川陝湖北打仗殺人上年龍紹周被官兵打散
後我同旗手黃李二姓帶百餘人逃走總在川
陝老林往來藏匿又將各股逃散零匪隨路收
集現在又有四百餘人從陝省老林翻山纔到
竹谿地方在黑溪溝住紮被官兵拏住等語當

同積憤矛手陳光榮等十二名一併正法其餘
丁全桂等十四名訊係被擄良民各予省釋查
近日賊匪畏懼索倫吉林馬兵弓箭總恃老林
爲窟穴不敢直趨平地惟以忽分忽合爲牽掣
官兵之計因見楚省大兵向日俱緊顧東北往
往故作東趨之勢引誘官兵東下該匪等輒乘
隙狂奔臣已疊次密寄全保長齡並諄飭各鎮
將務宜分路前進探明賊蹤直前進擊奏入

聖諭重纂編卷三

古

上命軍機大臣傳諭吳熊光曰現在所剿賊匪雖俱
係敗殘餘孽而其中有樊人傑在賊營管事該匪
係積年著名首逆最爲狡猾可惡亟須認真迅速
搜捕吳熊光當轉催全保長齡等迅速剿辦如能
將樊人傑擒獲或臨陣殲斃固屬全保長齡等之
功而吳熊光調度有方其功自亦不小必當一體

重加懋賞至摺內稱川陝竄入竹谿境內零匪合
爲一股約有三四百人經守備鄧興相等分路進
擊薄有斬獲遁入老林此種零匪向在川陝老林
往來藏匿地方官未能查察稟報隨時搜緝以致
春融後紛紛竄出恐湖北界內老林潛伏之賊似
此者尙復不少朕節經降旨令川陝楚地方大員
各辦本境之賊以專責成非如從前聽候經畧詞
度者可比吳熊光係湖北總督管轄兵馬所有一
切剿賊機宜惟在吳熊光與全保長齡等悉心熟
籌臨時的辦昨全保一路總兵王懋賞等同時陣
亡十四人恐帶兵之員現不敷用吳熊光統轄兩
省或咨商王柄於湖南鎮協營弁中遴選勇幹之
員前赴湖北軍營聽候調撥若楚省兵力尙覺不
足亦應於湖南各營就近酌調增添不可存惜費

聖諭重纂編卷三

圭

之見如足資剿捕即可無庸徵調也

二十五日丙寅額勒登保奏言查荷逆股匪由陳

家河西老君嶺竄至辛峪口經惠齡長麟所派

都司德克精額帶領兵勇在峪外嚴緊堵截該

匪仍折向東趨由清水河一帶老林逃遁有東

竄田峪滂峪之勢臣仍率師折向東發連日由

石塔寺獅子壩東嶽殿四畝地魚洞子一帶依

《製書彙纂卷三十一》 六

山傍林償程而進探蹤迎擊現又接據探報薛

大烈等一路官兵由虎豹河金鼎甲滂峪一帶

截賊北竄於十二日趕至秋磨菴遇賊接仗得

有斬獲因山險林密限於地勢未能痛剿賊匪

竄向東北欲趨田峪該一帶有惠齡長麟帶兵

防堵該逆不敢竄去即向南竄至光頭山一帶

薛大烈帶兵從八面坡兩面緊躡追剿臣一面

飛探賊匪趨向一面酌派兵勇於西面之裏巢

一帶不動聲息設伏以待并札催薛大烈等速

將該匪驅逼出山一俟該匪竄出老林則較之

山內剿辦易於得力東面高關太平峪等處有

楊遇春楊芳官兵無慮該匪東遁至宋逆零匪

一二百人又聞與荷逆分股現在整屋之東峪

河厚畛子一帶潛匿臣仍專責慶溥率同參將

《製書彙纂卷三十一》 七

吳亨衍趕緊剿辦至楊遇春自赴孝義一帶截

剿劉逆後臣於十二日接據報稱初三日帶兵

由北河進發探得該匪由仙人溝向黑虎廟東

竄楊遇春等即由沙嶺一帶償程抄截該匪聞

風折向西遁初四日趕至乾峽子追及接仗該

匪始尚憑高抗拒我軍奮力攻擊四散潰逃當

即緊躡追剿共殺賊三十八名生擒三十三名

查看該匪只有二百數十人楊遇春當將所獲賊犯訊明從逆日久者正法其附近被脅者釋放仍卽帶兵探蹤緊追現又探得該匪由太平峪西竄楊遇春由高關八里坪一帶兜剿總兵楊芳亦趕至紙坊均在賊匪之東東面亦可無慮臣正在籌辦間據道員劉清稟報本月初四日探得賊匪一股有三百人由南廣交界之趙貴河竄至鐵廠坪劉清一面飭令辦理團練之典史猶啟祥等傳集寨勇遏賊西竄及遁入老林之路一面親率鄉勇趕抵楊家壩派令軍功李仕玉等率領鄉勇並新勇四百餘名連夜潛赴白崖山伏住俟天明時從上壓下又派軍功王宗夏捐職千總李樹勛等率勇三百餘名潛赴五方坪設伏以備夾擊初八日黎明軍功李

剿平三省邪匪方略

六

仕玉等帶領鄉勇大聲吶喊從山上直趨鐵廠坪附近各寨勇亦鎗礮齊發賊匪猝不及備向五方坪奔逃軍功王宗夏等伏勇齊出該匪折向五女山奔逃猶啟祥亦帶領團勇趕到該匪等無路逃遁鄉勇等奮力圍殺經軍功趙文相新勇傅明德將首逆李彬生擒新勇李元受將辛聰之弟辛文生擒又有偽先鋒尹貴曾世璉劉玉藩唐仕武等數名悉經新勇鮮其受王思勤李朝方等生獲共殺斃一百六十餘名陣陣投出大小男婦七十八名餘匪逃出無多現仍趕緊搜捕以期淨盡臣查李彬係緊要渠魁率領餘黨二三千人於川境一帶肆行竄擾實屬罪大惡極臣自去歲十月以後督師將該逆股內頭目餘黨斬獲淨盡惟該逆尚未就縛殊為

剿平三省邪匪方略

七

可恨茲臣詢問劉清差來投稟鄉勇據稱此次

所剿係各股內打散後又經奏集之人李彬僅

帶領數人歸入夥內並詢以李彬年貌與臣向

日詢查李彬年歲形狀俱屬相符且該逆股內

本有投出之人在劉清處充當新勇均已確認

不爽是所獲實係李彬要犯無疑至辛聰本有

胞弟辛文一人堂弟辛斗一人辛文前在寧河

時分帶數十人另自逃竄亦係緊要巨惡茲幸

仰仗

天威均經按名生致並斬獲賊目餘匪殆盡實足以

彰

國憲而快人心劉清於辦理剿撫事務實心實力屢

著勤勞自在

聖鑒其擒獲李彬之新勇趙文相傅明德擊獲辛文

之新勇李元受臨陣擒渠實屬真心出力應懇

恩賞戴藍翎臣現於賞需項下撥銀二千五百兩發

交劉清傳宣

恩旨賞給趙文相傅明德銀各五百兩李元受銀三

百兩尚餘一千二百兩除酌賞擒獲偽先鋒等

之鄉勇外再均勻分賞出力各勇以仰副

皇上鼓勵戎行優加獎賞至意其李彬辛文二犯該

道解往巴州臣飭令詳訊供詞錄報即行凌遲

處死梟首示眾所有此次投出之人仍即妥為

安插又據穆克登布稟報近又撥派將弁兵勇

於安康一帶山林內搜獲賊匪十數名殺斃十

餘人內有牌頭邢貴一名總兵喜明近亦在平

利之兩溪一帶殺賊十數人生擒五人仍係上

次所剿戴家營分股之賊臣飭將所獲各犯正

法仍令探聽川楚邊境賊蹤趕緊截剿奏入

上命軍機大臣傳諭額勒登保德楞泰勒保曰此次

擒獲首逆李彬等係屬劉清之功已另降諭旨加

恩至所稱苟逆一股經官兵連日追剿南竄光頭

山一帶札催薛大烈等將該匪驅逐出山剿辦易

於爲力等語苟逆等竄匿老林兵力固難施展但

一經轟逼出山若各峪口防堵不嚴致令闖入平

聖訓重編卷三

三

原其勢又必散漫且山內艱於覓食難以裹脅而

平原到處可以擄掠總當在老林以外各峪口內

就地截剿方可得手前會降旨令各督撫責成地

方文武員弁遇賊匪在境內竄匿隨時認真搜緝

分別勸懲今四川道員劉清所帶祇係鄉勇並無

官兵能將首逆李彬及辛文擒獲得邀獎賞可見

地方官果能認真團勇實力偵捕竄匪自無從漏

網地方官皆當以劉清爲法如能獲賊立功朕必

從優陞賞現在川省新勇有從賊隊中投出之人

如陝省亦有從賊中投出者果能幫同出力亦當

一體加恩著額勒登保德楞泰勒保等通飭地方

文武共知感奮齊心滅賊並將新勇投出効力一

體加恩之處遍行曉諭但賊黨聞之爭先投出於

剿撫更爲有益

聖訓重編卷三

三

上諭內閣曰額勒登保奏道員劉清生擒首逆李彬

及辛聰之弟辛文李彬前曾在川肆行竄擾自上

年十月內額勒登保督師將逆匪夥黨斬獲淨盡

而李彬一犯窮蹙潛逃未經就縛日久又復合夥

成股茲道員劉清探得賊匪由南廣竄至鐵廠坪

地方卽親率鄉勇連夜潛赴白崖山等處設伏賊

匪猝不及備伏兵齊出奮力兜圍殲斃一百六十

餘名經新勇趙文相等將首逆李彬等同時生獲所辦甚好劉清著加按察使銜並賞戴花翎仍賞給玉喜字搬指大小荷包用昭優獎新勇趙文相等俱臨陣擒渠頗為出力除額勒登保已分賞銀兩外趙文相傅明德李元受並著加恩賞戴藍翎以示鼓勵

二十六日丁全保長齡奏言查王會樊戴暨崔

《聖朝勳績編卷三十二》

西

宗和各逆經長齡在高良坪乘夜襲剿之後不擇路徑翻山越嶺漏夜遁逃其大隊賊眾由店子壩奔竄白蠟坪旋轉東北又分出三百餘人在西南山內滋擾希圖牽綴官兵長齡由歇馬河取道重馬二坪跟蹤追擊每日擒獲數名至一二十名不等沿途散出被擄難民甚多均各隨時妥為安插總兵孫清元吉林泰由白

菓園樹功坪抄道截剿沿途亦有斬獲全保由水月寺播鼓臺顧住西南兜擊以絕賊匪旁折房保之路並順道搜剿分竄股匪十五日行次黃連坪探得該匪分竄坦峪河查該處山徑險仄樹林稠密馬匹難行當派副將李天林等帶領官弁兵勇連夜步行攀援進剿黎明將抵坦峪河該匪聞有官兵迅即起營戎兵跟蹤追

《聖朝勳績編卷三十三》

五

殺鎗擊前射立斃賊匪四五十人賊即飛奔珍珠寨山溝內緣路徑窄狹亂石層疊該匪翻山堽竄走經興山縣知縣朱宗騰帶團練寨勇首領趙傑等窺探賊匪竄近寨下即率領寨民施放鎗礮滾木擗石斃賊三十餘名內有首逆樊人傑之弟樊二亦被擊死賊眾奪路由珍珠寨山堽衝出驍騎校黑格抄小道迎攔身受矛傷

陣亡官兵追殺二十餘里沿途斃賊三十餘名
生擒朱國書王譚氏等二十五名口奪獲旗幟
刀矛拋棄包裹無數散出被擄男婦九十餘名
所剩不過四五十人四散扒山逃竄隨將獲犯
解營訊出探馬頭朱國書大旗手姜尙智魏升
等據供前在高良坪屯紮晚間被官兵殺來樊
人傑戴四掌櫃與王曾元帥同路翻山逃走我
等隨樊二掌櫃被官兵衝散連日找尋走至坦
峪河翻山奔跑不料被寨上攔住去路樊二掌
櫃上前衝路被鎗斃打死矛子手亦傷折二三
十人大眾將樊二掌櫃屍身燒化樊二掌櫃是
樊人傑之弟樊人傑埋名隱姓令伊弟替管營
務眾人稱爲二掌櫃等供當將該三犯立行處
割訊明被擄難民彭蘭王譚氏等十名口概予

製看龍鳳編卷五

五

寧縣其正賊矛手余貴等十二犯一併正法
全保卽迎探王曾各逆大隊賊衆適接總督吳
熊光飛咨陳逆股匪竄擾七連坪冷盤壩一帶
無兵跟剿該處與房竹在在可通若再向東北
奔竄卽可至均穀所關甚重且二竹邊界緊連
陝川大寧平利亦有餘匪零星竄入令 等酌
量情形先分一人帶領官兵卽赴西路專辦陳
逆伏查王曾樊戴崔各逆查經官兵截剿之後
其勢已形渙散日漸窘蹙 長齡已赴東路與
孫清元吉林泰等分路剿辦一經得手卽可夾
擊集事 全保現抵涼風岬相隔西路較近查
二竹房縣西南北三面緊接川陝現在平利大
寧餘匪翻越老林竄入邊界雖有遊擊敖世俊
守備鄧兵相帶領兵勇在彼搜捕恐不足恃且

製看龍鳳編卷五

五

川東巫山界上賊股不一皆在卡外游奕臣等

節次飛飭興巴各卡嚴密堵截現聞蔡贊德楞

泰抄赴東路向西邊剿恐該匪折竄大寧因思

房竹南面之陰條嶺等處悉與大寧毗連為賊

匪往來熟徑自應臣全保趕赴西路一面剿辦

陳逆股匪並偵探川陝餘孽竄近邊界隨時相

機堵截庶免顧此失彼臣全保即於十八日督

聖旨 纂要 聖旨 纂要

天

同總兵德昌由公平榛子樹嶺兼程迎探進剿

臣長齡督同孫清元吉林泰等分路專剿王會

各逆查樊人傑之弟樊二與該逆同惡相濟日

久稽誅今經官兵追至珍珠寨寨首趙傑等知

有官兵追擊協力迎攔得以殲斃亦足以快人

心是樊人傑去其羽翼其勢已孤諒不難即就

殲擒該寨首趙傑等五名圍集義勇協力堵截

實屬出力可嘉臣全保護將

恩頒銀牌各賞給一面並賞給趙傑等軍功頂戴又

曉諭伊等如能殲擒首逆必當奏請

聖恩賞給官職趙傑等俱各欣悅叩謝而去奏入

上命軍機大臣傳諭吳熊光全保長齡曰此次王會

樊戴崔宗和等逆經長齡在高良坪襲剿之後其

大隊奔竄白蠟坪又分出三百多人在西南山內

聖旨 纂要 聖旨 纂要

天

滋擾全保派副將李天林等緊躡進剿賊匪竄至

珍珠寨山溝經興山縣知縣朱宗騰團練寨勇首

領趙傑等探知賊蹤率領寨民施放鎗礮殲戮一

百餘人并將樊人傑之弟樊二掌櫃擊斃餘匪殲

除殆盡此俱係興山縣朱宗騰及寨勇首領趙傑

等之功朱宗騰著賞給同知銜遇有相當之缺陞

補寨勇首領趙傑該撫等業已賞給軍功頂戴著

再加恩賞戴藍翎并賞銀一百兩以示獎勵昨據額勒登保奏四川道員劉清督率新勇趙廷相等將首逆李彬及辛聰之弟辛文擒獲業將劉清加按察使銜賞戴花翎新勇趙廷相等賞戴藍翎并賞給銀兩今湖北知縣朱宗騰鄉勇趙傑又能殺賊立功可見地方官果能認真團勇隨處堵截賊匪自無難殲獲但閱摺內稱趙傑等知有官兵追

《聖朝勳績編卷三》

辛

擊協力迎攔等語是該寨首等若不見官兵緊蹙亦未必敢下寨迎攔而官兵若無鄉勇在前遏截則賊匪早經逃逸安能趕上痛加殲戮總在官兵鄉勇互相策應聯為一氣方能得手現在該縣及鄉勇所擊斃者僅係樊人傑之弟向如此施恩若能將樊人傑擒獲不論何人更應立加重賞著該督等通行曉諭俾地方文武兵民等咸知感勵奮

勉圖功此時全保帶同總兵德昌前往西面房竹

一帶專剿陳逆股匪并偵探川陝餘孽竄入邊界

隨時堵截其王會樊戴崔合夥之賊著專交長齡

督同孫清元吉林泰趕緊剿辦此次搜剿殆盡者

祈不過分股之賊其大股匪眾尚未痛剿且首逆

樊人傑現在賊營管事尤須及早殲擒勿任免脫

但不可專注首逆置餘匪於不問總須聯文武官

《聖朝勳績編卷三》

壬

及兵勇寨民為一氣同心協力必能迅速成功也

勉之所有殺賊陣亡之驍騎校黑格著咨部賜卹

欽定剿平三省邪匪方略正編卷三百三 壬戌年

二月二十七日 戊辰 德楞泰奏言 臣 前由奉節之

下關城督兵前赴巫山於十二日移師東進沿

途仍分兵逐處搜捕途次天池正在駐營間接

據巫山縣文武飛稟昨夜二更時有東來一股

賊匪數百人在江東嘴羅灘菜子壩一帶滋擾

逼近城垣現在督率兵勇施放鎗礮轟擊共斃

《聖朝聖訓編卷三》

賊十四名賊始稍退尚未遠颺 臣 查天池距巫

山六十餘里傳令兵勇於二更後即發兵前進

次日辰刻抵巫邑據城守都司袁陞侯署知縣

徐士林面稟賊匪黎明時業向王家槽東竄 臣

即督率豐紳達勒精阿色爾滾武隆阿馬瑜等

帶領侍衛將領共勇過江東嘴小河向東疾追

趕至三匯舖地方近及賊 臣 馬步兵勇極力趕

剿殺賊八九十名生擒倪金等二十三名訊稱

白號張元帥等匪各處湊合有七八百人探知

巫山城內兵少由十二峯南山裏出來不想被

鎗礮打回等語餘無要供均係戰手一概斬訖

旋探該逆折向西北之東坪壩逃竄十四日仍

督兵趕追至鴉鵲水又殺賊四五十名擒獲毛

向德等十八名餘匪直過巴霧河北逃追我兵

《聖朝聖訓編卷三》

過河該逆連夜由巴霧河之上遊三十里又過

河東向牯牛窰觀音崖東竄非走琴樂坪即奔

木瓜溪均距界嶺不過數十里 臣 原欲將川東

邊界零匪剿淨或截令向西以清東界若再尾

追該逆勢必愈奔愈速架入楚疆又據探報已

東萬流等處尚有賊匪兩起而巫山南山十二

峯一帶亦有 臣 匪再四思維必須設法由水

路繞過界嶺直趨巴東之萬流地方上岸自東而西兜截是以一面飭令在巫山辦理團勇之知府方積周景福協同該縣趕辦般隻卽一面將兵勇撤回暫駐巫山城外之較場壩嗣探該逆知官兵撤回尚游奕於琴樂坪一帶十六日據該縣稟報就近已辦得大小船百餘隻核之足敷二千兵勇裝載之用臣令豐紳色爾滾武隆阿督同侍衛蘇爾明喜等帶領馬步兵勇二千餘員名由巫山登舟順流而下臣督率達勒精阿馬瑜等並巫山營都司袁陞侯典史彭震帶領馬步兵勇二千餘員各由王家槽向南山十二峯前進十七日午後豐紳色爾滾等抵萬流上岸齊隊卽進是晚趕至巴東之馬家村探得張逆尙未翻過界嶺該處山內另有兩起

聖朝聖編卷三十三

賊匪一股先於十五日向興山之羅坪北竄尙有一股餘匪四五百人屯踞乾溝一帶山內已督兵自東而西就近搜剿兜截次日趕至大小水口滴水巖地方官兵突出直前剿殺立斃賊六七十名生擒章國才等四十九名查訊係龔姓帶領線字號餘匪並無著名首逆內有附近難民謝廷文等二十一名卽行省釋其餘賊匪均卽正法餘匪不敢東逃遂另走大荒口西竄而白號張逆見線號賊匪被剿西折亦由原路過巴霧河逃遁臣兵抵王家槽查南山十二峯一帶均係零星散賊佔住民房臣卽將大營暫屯王家槽派令將領率同兵勇等改裝易服分路到處搜捕由水田壩牛家槽向家院子徐家溝直至七星舖仙女舖十二峯之下其中有十

聖朝聖編卷三十三

數人二三十人一處者有五六十八成羣者各路兵勇分投搜捕次日共繳耳記六十三副活賊曹樹德等四十七名奪獲馬騾牛驢刀矛甚多訊出本處土匪趙華廷等八名均係勾通賊匪擄掠之徒其餘均係積慣賊匪隨即一併正法餘匪向水口西逃此時界嶺內外及北岸南山內均已全行搜淨又查南山十二峯一帶原為完善之地向有碉寨而碉多寨少未能一律堅固各逆遁藏其中至今始行肅清臣現飭袁陞侯彭震乘此兵威即令居民將糧石等項或運南岸或搬城內曉諭團集義勇互相守助以絕逆賊佔踞之心並飭知方積周景福安速查催日內諒可辦就豐紳色爾滾武隆阿等連日又將木瓜溪琴樂坪龍村一帶搜捕淨盡十九

《聖朝聖蹟編卷三》 五

日帶兵前來會合臣即令豐紳等仍帶原兵二千餘員各緊躡賊蹤西追臣亦帶兵勇二千餘員各擬即取道楊溪河前赴大寧剿辦張子聰並苟樊二逆餘匪且聞總兵田朝貴等所追張魏一股餘匪已奔開縣馬家營有東竄之勢臣北趨大寧隨時確探亦可就近迎剿設或楚匪被截入川而巫山大寧相距百餘里仍可酌量兼顧又查川東地方遼濶隣墊梁萬新達東開等處刻下零匪自數十名至二三百名者頗多勒保賽冲阿共帶兵勇不過三千員名在彼搜捕正關緊要其川北張魏等逆零匪無幾現有道員劉清帶領鄉勇一千餘名在彼堵緝常有擒斬且通巴文武辦理團寨極為認真而蒼廣巴南又已肅清無賊是以臣即札商勒保賽冲

《聖朝聖蹟編卷三》 六

阿仍將梁萬等處餘孽趁此搜剿不必急於北進想勒保養冲阿亦必酌量緩急情形辦理再

臣從前查奏賊數除苟逆大股外三省中已無

成股之賊均係數百至數十名者游奕於川楚

陝交界老山之內近因臣督兵東下孫清元吉

林泰等追剿入川賊數頗衆所有現追之王會

崔胡戴四樊陳各逆併合已有四五千衆是楚

匪實增於前但其中或有打散零匪附合或日

久又增擄掠均屬事所必有總之目下賊勢遙

見兵至每不抵敵惟恃鋌險翻山鼠竄於巖溝

草木之間縱分兵四出搜捕曠野荒林擒拏有

限迨兵去稍遠則又漸出湊集或遇零匪陸續

併合遂又嘯聚滋擾且恐官兵突至四路分探

留數十人或百餘人牽綴如在西則其衆實已

東逃迨至獲犯訊出真情賊蹤相去已遠一經

追及又復如前其屯聚之處多係散居民房又

於路口高山瞭望我兵剿辦一處其他處之賊

已聞聲先颺似此詭譎萬狀哨探稟報亦往往

朝是夕非所以官兵行走未嘗稍息而擒斬不

能如前其有三五成羣百十結黨者更難按股

分追是以臣前與勒保面商令各州縣洞寨聚

團分派佐雜管領並委道府分段總理近據派

辦各處團寨文員稟報漸能鼓勵寨勇設法要

截獲賊數各至一二十名不等雖未盡能衝鋒

對壘然賊匪竄過終不敢肆意擄掠現已稍有

成效至臣前此由巴東巫山界上截回之陳逆

五號賊股所剩三百餘人近於雲陽之蘭溪又

合另股賊匪一百餘人西奔梁山忠州聞勒保

賽冲阿等接剿已得勝仗此次攻撲巫城之白

號賊匪七八百名臣繞過界嶺截回亦向西北

遁逃計兩次截回川境者已有二千餘名現在

巫山以東至巴東屬萬流以西沿江北岸及山

內賊匪全行肅清臣擬卽分兵西進趕剿白號

賊股如遇零匪亦卽隨時剿擊並仍嚴飭各地

方及辦理團寨之大小委員認真堵禦以期節

《聖看聖纂編卷三十三》

九

節有兵段段截剿迅速集事以刻下兵力而論

數倍於賊祇以地方遼濶賊蹤飄忽追逐不能

得力至於調取新兵不但緩不濟急性尤不耐

勞苦不過虛糜糧餉陳兵雖連年奔馳稍形疲

乏然而登山陟險雨雪寒暑皆已習慣一經行

陣其熟練勇敢之氣質足深恃若再加之鼓勵

無不踴健奮勉故能所向克捷况漢北苟宋劉

等逆不日剪除又可騰出川陝兩省兵力以之

剿此敗殘遺孽不難次第廓清

同日勒保賽冲阿奏言臣等因前在栢林漕剿

敗之賊竄走墊江隣水有向廣安之勢官兵探

蹤兜截該匪被剿情急分作數股四竄正在分

兵剿辦間又據萬縣稟報有賊一股從奉節雲

陽竄來有向梁山葫蘆壩一帶之勢臣等會同

《聖看聖纂編卷三十三》

十

商議前次剿剩之賊既分股四散西竄而東路

又有新來賊匪不待不分兵剿捕當卽議定臣

賽冲阿同温春帶領官兵向大竹一路前進派

令總兵蒲尙佐副將馬元遊擊賀廷印等帶領

官兵向墊江隣水一路前進又派令侍衛花品

塔什拉遊擊馬績門繼春等帶領官兵向萬縣

一路迎擊臣勒保繼進策應初十日臣賽冲阿

等帶兵行抵元壩驛接據大竹縣稟報有賊在該境九盤寺附近一帶竄擾臣賽冲阿卽督兵前進十一日趕抵該境賊匪已竄走蕭家場當飭官兵分爲左右兩路探蹤進剿參將李東山沈洪遊擊楊森曾受等率領步兵從右手翻山追躡臣賽冲阿溫春帶同侍衛富森德協領明德等率領馬隊由左手山堽抄截行至溫家溝地方該境山勢陡險賊匪一聞官兵信息卽奔上山梁都司李鳳鳴帶兵先至其地望見山上有賊卽爭先追殺賊匪在山上拋擲石塊如雨被傷兵勇數名李鳳鳴奮力搶上山梁射斃執旗賊一名賊匪猶恃險抗拒李鳳鳴正率兵勇仰攻不料所騎馬匹爲石塊擊傷跌落下坎李鳳鳴棄馬步行仍復催兵向前忽坎旁突出二

聖朝聖編卷三十三

賊持矛向戮李鳳鳴不及防備遂被戕害適臣賽冲阿等所帶馬隊官兵從左手山堽抄出李東山沈洪等所帶步隊官兵亦全行趕至兩下夾攻鎗箭齊發斃賊數十名奪獲賊旗一面刀矛二十二件該匪翻山奔潰我兵緊躡由觀音寨梁家坡高祠橋老龍場等處沿途追殺復斃賊數十名擒獲戰手五名天色向晚餘匪四竄無蹤當將活賊向起順等審訊正法訖查此路竄匪人數本屬無多追殺殆盡臣賽冲阿辦完此股後正欲移師他向適據總理團練之知府趙秉淵稟報東鄉所屬袁家口壩地方有賊匪一二百人由盧祠寺流碧灘一帶竄來請兵剿辦臣賽冲阿當卽與溫春帶領馬步官兵從趙家場田家坪一路取道迎擊行抵該境賊匪正

聖朝聖編卷三十三

在空房造飯遙見我兵卽捨命向對山奔竄

賽冲阿等督率馬步官兵兩路合圍適有辦理

團務之達州學正倪朝搢軍功武生劉中魁等

率領寨勇二百餘名前來協剿維時馬步官兵

從山梁下壓鎗箭齊發寨勇人等亦分投追擊

賊匪情急四散奔逃所有馬匹牛隻食物刀矛

紛紛拋棄兵勇奮力爭先當時殺斃三十餘名

聖朝聖編卷三

三

生擒二十八名被脅難民逃出者甚多餘匪所

剩無幾均棄械空身竄逸查此股賊匪係青白

二號餘黨賊首席尙文經我兵生擒訊係積年

老教當卽對眾凌遲處死餘賊飭交趙秉淵審

明稟候核辦並飭寨民將逃散餘匪留心盤詰

以淨根株至總兵蒲尙佐副將馬元遊擊賀廷

印等帶領兵勇行抵隣水地界探聞賊匪已竄

廣安蒲尙佐馬元賀廷印等連夜向合州取道

沿河兜截該匪聞官兵追擊不敢竄近河岸復

折回楊家崖華銀山一帶逃竄我兵晝夜疾馳

該匪行走甚速直追至江北所屬之乾廟子譚

家崖黃家碛等處沿途殺賊十五名生擒十八

名奪獲賊旗一桿長矛二十六件該匪被追情

急四散逃竄復飭寨民分投搜捕又於各處林

聖朝聖編卷三

四

箐山洞內搜獲逃賊十九名當與臨陣生擒各

賊一並正法餘匪復折向中山坪新開園一路

逃竄蒲尙佐馬元賀廷印仍帶兵連日緊躡直

趕至大埡口地方復又追及賊匪殺斃十餘人

生擒八名訊明正法奪獲鎗矛四十五件賊匪

尙剩數十人並無器械向開縣之扇子山一帶

各處散竄無蹤至侍衛花品塔什拉遊擊馬積

門繼春等帶兵前往迎剿奉節雲陽竄來之賊
行抵王家場探得賊匪已竄過譚家壩石碑場
等處我兵連夜前進初十日午刻追至忠州之
九亭地方趕及賊匪該匪一聞兵至卽先行起
竄官兵跟蹤緊躡沿途殺斃賊匪三十餘名擒
獲落後男婦三十三名口解送來營臣勒保當
提該犯石老么等查訊據供此股係青號餘匪
賊首名陳自得賊衆約有六七百人驟馬八九
十頭匹向在巴東巫山交界地方竄擾近日因
德將軍兵到陳自得就帶領衆人由奉節雲陽
一路竄至忠州地方遇官兵前來陳自得帶衆
人先走我等落後被擒等語當將從賊日久之
石老么等十一名正法其餘被擄未久之李泰
明李周氏等二十二名口給予口糧遞籍安插

聖朝聖訓卷三

五

查此股賊匪從川楚邊界竄入川東腹地此時
有奔鄧都涪州長壽之勢人數較多恐前派兵
單一時未能得手現在臣勒保會同臣賽沖阿
親率官兵趕往策應賊分則兵亦分賊合則兵
亦合當隨時酌量情形設法殲除至臣勒保前
派總兵張志林在梁山新寧開縣一帶搜剿餘
匪節據稟報該鎮帶領兵勇在仁市舖地方據
該境民人稟稱螺螄店地方有賊匪一股約四
五十人又貓兒寨附近山內有賊匪十餘人晝
伏夜出摸樁爲害張志林當派遊擊唐際盛夏
雲龍等分投搜捕該匪不知官兵到來正屯聚
未散我兵突至殺斃二十餘名生擒二十六名
奪獲賊旗一桿鎗矛二十四件臣將各賊訊明
內有婦女二口係附近民婦被掠當交寨民查

聖朝聖訓卷三

六

喚親屬給領其餘男犯悉係戰手概行正法訖
 張志林仍帶兵偵探賊蹤跟剿初七日行至開
 縣火焰壩探得有賊匪百餘人從三匯場向兩
 河口燈草壩一帶竄去張志林當卽帶兵探剿
 次日午刻追至回龍寨地方賊匪正在翻山張
 志林當同遊擊唐際盛鄔海慶夏雲龍等督率
 兵勇四面圍剿該匪竟敢恃險抗拒我兵奮力
 仰攻上下衝殺數次殲斃賊二十餘名生擒四
 十八名奪獲賊旗長矛騾馬甚多餘匪潰逃自
 午至酉我兵跟追五十餘里該匪等尙剩數十
 人均棄械空手向深林密箐逃匿無蹤當將活
 賊解交開縣聽候審辦張志林仍帶兵探賊前
 進十一日復據探報開縣九龍山地方有賊二
 三百人在火地坡竄來張志林督兵迎擊該匪

正峰擁而來一見官兵卽折回原路奔逃我兵
 緊躡十餘里翻過兩重山梁路逕險窄樹木叢
 雜該匪稍得地勢卽憑高抗拒張志林飭令兵
 勇施放鎗礮向上轟擊並督率遊擊鄔海慶唐
 際盛帶兵仰攻復分派遊擊夏雲龍守備周士
 貴帶兵從右手山梁抄截都司畢萬年守備吳
 芝秀帶兵從左手山梁抄截該匪見官兵三面
 攻圍卽紛紛潰散鄔海慶唐際盛等將賊匪壓
 下山坎適左右兩路官兵齊至我兵趕緊追殺
 斃賊三十餘名生擒賊手四名該匪遺棄包裹
 糧食甚多張志林將所獲賊手卽正法現仍
 督兵偵探餘匪竄向緊躡剿辦再總兵田朝貴
 副將蕭福祿參將朱槐等在川北地方剿辦張
 添倫魏棒棒餘匪近接探報該匪已由東鄉之

剿匪方略卷三十三

七

剿匪方略卷三十三

六

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

中河一帶竄走入馬家營之勢該鎮將等帶兵緊躡前來查此股賊匪向在川北廣元蒼溪等處屢次窺伺上游江岸臣勒保遠在川東正患不能兼顧今被官兵逼剿東來正可就近督催剿辦現已飛飭該鎮將等務令併力剋日辦淨再據署萬縣知縣王世燾稟稱正月十九日有辦理團練之委員陳錦權盤獲賊匪張長貴一名訊係首逆張長更之胞弟與張長更同時起事在賊營領眾管事茲剿急逃散被盤石寨民竿獲送縣錄供稟報前來臣勒保查核供情實係首逆張長更胞弟向在賊營與其兄同惡相濟日久稽誅今罪惡貫盈自投法網當即飭縣嚴劄示眾以快人心奏入

飭將領搜剿川東教匪將界嶺內外及北岸南山內藏匿賊匪悉數剿淨所辦尚好又據勒保等奏官兵在大竹江北分剿賊匪統計前後殲擒之賊不過二三百名其餘散匪仍各分投奔竄看來川境現在俱係零星餘逆並無著名成股賊匪但所剿者俱係積久之賊狡猾異常且什伯為羣自不值以大兵追逐德楞泰分遣將領搜捕并與勒保商令各州縣礮寨聚團分派地方官管理不可徒託空言總須聯文武官及兵勇寨民為一氣同心協力必能迅速蕪功况摺內稱刻下兵力數倍於賊無須添調新兵而陳兵熟練勇敢既足深恃德楞泰勒保務當加之鼓勵儘現有兵力上緊剿辦或設伏邀截或改裝哄誘總在臨時相度機宜設法籌辦朕亦不為遙制至首逆李彬昨經劉清督

率新勇擒獲當卽降旨分別加恩湯思蛟劉朝選
二逆久在川境逃竄此時藏匿何處不可令二賊
免脫現在是否有官兵專辦摺內亦未聲敘并著
查明具奏其趕辦船隻之署巫山縣知縣徐上林
尚屬能事著德楞泰勒保存記俟再有出力之處
續行保奏至素馬催兵遇賊陣亡之都司李鳳鳴
殊為可惜著咨部加一等賜卹

聖朝實錄卷三百三

三

同日慶成奏言近日零星川匪盡由廣元南江
以南潛奔陝境臣未能遠出卡外追捕嚴飭各
卡將弁兵勇一得確蹤不分畛域扼剿其沔畧
之黑河老林一股賊匪二三百人久匿該處滋
擾派去守備李如緒一路兵勇東逐西遁迄未
捕盡臣又派都司李廷彪分帶兵勇三百餘名
趕往黑河協同李如緒併力搜捕乃該都司以

賊匪無多並未確探蹤跡率入老林本月初九
日夜間突遇賊匪猝被戕害并陣亡弁兵七名
鄉勇十五名臣聞信憤恨異常此等殘孽倚林
延喘竟敢肆悍戕害官兵若不先卽剿除必致
漸形滋蔓又為大股臣刻卽自帶兵勇馳入黑
河剿辦探得該匪已入鳳兩地方滋擾臣督兵
星夜抄出西北進剿該匪一聞我兵已出其前
又遁入深林藏匿臣酌留鎗礮弁兵扼住西北
令都司張起鰲守備李如緒各挑捷便兵勇裹
帶乾糧深入老林不分日夜窮其所之遇賊卽
剿連日都司張起鰲守備李如緒等分投搜剿
使該匪無所隱匿斬擒六七十名僅剩一百餘
人折回棧東捨命散奔據擊獲活賊李元等供
稱係劉永受分出之賊此內並無著名首逆祇

聖朝實錄卷三百三

三

有馬姓大旗手管帶想在黑河地方藏躲擄人見官兵處處搜截不敢久停由原路折回等語李元等九名審係積年戰手均卽正法並令李如緒帶兵勇窮追不予稍暇務須盡絕根株分派弁兵在棧西黑河等處老林逐一搜捕已無遺孽_臣帶兵仍撤回褒沔隨時查探不拘何股賊匪竄近督率協剿昨聞苟逆股匪翻過秦嶺竄至峪口經畧督率各路大兵業已截回其劉宋零匪人數無幾亦在秦嶺附近游奕此時黑河地方肅清難保棧東剿散殘匪不復西竄留鳳一帶爲西入黑河竄甘之路_臣在褒沔之間兼顧川陝邊界所帶兵勇內兩次分撥叅將吳亨衍遊擊張汝勤等帶去一半難以再分茲經畧督率楊遇春薛大烈凌溥等各路官兵聲勢

壯盛以次剿洗叅將吳亨衍遊擊張汝勤之兵勇可以移於留鳳之間往來剿搜西竄殘匪棧道商賈行旅亦可恃以無恐矣奏入

上命軍機大臣傳諭慶成曰此次劉永受分出之賊竄至鳳兩地方遁入深林希圖藏匿經慶成督飭將備分帶兵勇入林搜剿擒斬多名棧西黑河等處已無遺孽惟此股餘匪尙有一百餘人向棧東奔竄慶成既派守備李如緒帶兵窮追務須飭令上緊跟躡淨絕根株不可予賊以暇慶成仍應留心堵禦設該匪又向棧東折回卽當隨地剿淨勿致再令竄入老林至苟逆等股現經額勒登保督兵追剿薛大烈張績已在桃園子等處趕上賊股大獲勝仗此時官兵乘勝追擊該匪等非竄往甘肅地界必仍折回川北慶成尤應上緊堵截設苟

逆由棧西一帶奔竄則惟慶成是問再川北餘匪亦難保其不竄入陝界慶成仍當隨時督同將備等扼要堵截不拘何處餘匪竄至卽奮勇剿殺與各路大兵互相策應剋期蕝事

二十九日庚午勒保賽冲阿奏言臣等會同查探

達州新寧梁山太竹一帶剿殘餘匪已就肅清

惟陳自得一股從巫山奉節一路竄來勢稍鴟

聖祖聖孫萬壽無疆

張雖經臣等分派侍衛花品塔什拉遊擊馬績

門繼春薛陞程元龍等帶兵迎擊已於忠州九

亭地方接仗剿獲賊匪六七十人然查該匪人

數尙有六七百人並有騾馬八九十頭匹誠恐

前次所派之兵力尙單一時未能得手臣等正

在督兵策應聞據馬績等稟報官兵自在九亭

地方斬獲多名後該匪卽聞風竄我兵跟蹤

緊蹙每一晝夜計程總在二百里內外沿途逃

出難民兩脚俱腫賊匪亦有狼狽倒斃者十五

日四更時官兵行抵梁家場探得賊匪遁入隣

水縣屬之桂林漕侍衛花品塔什拉等卽率馬

步兵勇乘夜抄擊殺斃賊匪五十六名生擒賊

手十三名奪獲賊旗刀矛騾馬無數餘匪卽向

大竹縣屬之大安槽一路竄走該將等將所獲

聖祖聖孫萬壽無疆

賊匪解交隣水縣收管稟候核辦仍帶兵追賊

前進維時臣等正欲督兵繼進適聞該將等追

賊已由隣水向大竹一路前來臣等當卽會同

商議該將等追剿此股賊匪業經兩得勝仗五

日之間跟追將及千里賊匪畏兵逃竄不必再

爲策應惟有督兵抄出賊前迎頭截擊方可收

兩面夾攻之效臣賽冲阿與溫春帶兵由蒲包

山一路抄截臣勒保督同蒲尙佐等帶兵由月
華場一路繼進賊匪已由團馬舖木魚池等處
竄來我兵卽在蒲包山埡口紮住等候望見前
起賊匪約有二百人溫春卽帶侍衛富森德等
統率馬隊官兵向前奮擊並派叅將李東山遊
擊曾受等帶領步兵繞出賊後追殺正在圍剿
間後起賊匪亦至約有三百人驟馬七八十匹
遙見我兵正與前起之賊接仗後起賊匪卽欲
由原路奔回當派副將馬元遊擊楊森都司彭
家棟守備馬光宇等分帶兵勇抄上兩旁山坡
向下壓剿臣賽冲阿督同協領明德塔金保叅
領達春等帶領馬隊追殺此處山溝狹窄賊匪
擁擠不開我兵鎗箭齊發殺賊七十餘名生擒
五十餘名餘匪亡命向月華場一路折竄適臣

勒保督同蒲尙佐率領叅將沈洪遊擊賀廷印
等帶兵踵至三路官兵跟蹤緊躡沿途復斃賊
千餘名賊匪竄至觀音堂一帶搶佔山梁我兵
奮勇仰攻鎗箭齊發賊復翻山逃竄我兵乘勢
下壓又殺賊三四十名生擒二十餘名滾崖跌
斃二三十名溫春督率馬步官兵由觀音堂磨
子溝張家嶺等處直追至馬鞍山沿途復斃賊
二十餘名生擒十餘名我兵自四鼓在元壩驛
拔營至蒲包山接仗追殺至此計程已及二百
里天色向晚當將兵勇暫紮計此次接仗共斃
賊一百九十餘名生擒一百零七名奪獲賊旗
刀矛烏鎗驟馬無數臣等當提活賊查訊內有
偽總兵羅世先牌頭汪應舉許連斗鄧三林及
戰手鄭庚兒等四十三名概行正法其餘羅朝

仁等六十名均係被脅難民分別遞籍查此股賊匪初自巫山奉節竄至忠屬一路原有六七百人我兵連日追剿斬獲百餘人沿途倒斃及逃出者復有百餘人計竄至大竹山不及五百人經此番痛加剿擊共計殲擒三百餘人所剩不過一百四五十人向平灘場仙女山等處分路散竄現在探明蹤跡追剿至賊首陳自得會

聖朝聖鑒編卷三

三

否被兵殲斃抑已隨眾逃逸尚未查究確實然該匪人數已十去七八餘匪殘敗之極即日可冀殲除又據總兵田朝貴稟報該鍾等剿辦張魏二逆股匪向在川北廣南通巴等處輾轉跟追該匪狡猾異常四路狂奔一時總不得手適經畧額勒登保添派副將蕭福祿叅將朱槐等帶兵前來協剿臣勒保又派遊擊羅思舉帶領

鄉勇一千餘名前往幫助該逆等聞官兵聲勢壯盛即由黃鍾堡絲羅壩一帶向東鄉奔竄蕭福祿朱槐等帶兵尾追田朝貴當與羅思舉商議分路抄出賊前即帶領兵勇由木門場得勝山金鷲寺一路探剿本月初九日行抵南壩場探得張魏股匪已由岳溪翻過周家壩相距南壩場一百八十里田朝貴等即帶領兵勇抄出開縣所屬之木等壩暫紮等候次日賊匪果由岳家壩向大黃山一路竄來田朝貴即將兵勇分為三路迎擊該匪等竟敢恃眾抗拒正在相持間忽有騎馬賊十餘名向官兵隊內直衝而來當被我兵全數殲殺步賊復來相撲經軍功廖榮譚升賀天貴等帶領鄉勇將賊隊戰手立時殺斃多名賊始怯退官兵奮勇追擊斃賊三

十餘名該匪遂向鶯嘴山奔竄田朝貴羅思舉等帶領兵勇跟蹤緊躡追殺十餘里沿途擒獲甚多追至杉木尖地方賊匪復佔住山梁踞險抗拒軍功譚升李貴二人執旗帶領鄉勇首先衝上殺賊五名賊匪不敢下壓眾兵勇乘勢一擁而進殺賊二十餘名餘匪向土黃壩竄去天晚撤兵歸隊查得殺斃賊匪共八九十名生擒男婦一百九名當將所獲各犯查訊有偽先鋒姚士仁殷子富探馬頭蒙必山戰手王作寅等十八名立時分別正法其餘彭宇綱唐黃氏等八十八名口訊係被脅難民就近解交新寧縣查明釋放田朝貴等正偵探餘匪蹤跡商議剿辦適於次日酉刻據附近寨民報稱東開兩縣交界大堰坪一帶竄來賊匪一股現在攻圍洞

聖朝聖編卷三三 三

寨請兵剿辦田朝貴即連夜發兵前往行抵該境天尚未明賊匪正由子木壩竄來與官兵迎頭相值遊擊羅思舉王忠桂等當即分帶兵勇從左右山梁抄擊田朝貴親督兵勇向大堰坪中路衝殺該匪向前抗拒經軍功向貴廖榮並鄉勇頭張中等將該匪橫衝兩截兵勇乘機追殺斃賊十七名該匪折向趙家溝奔竄田朝貴即督率羅思舉王忠桂等兩路抄截復斃賊匪五十餘名生擒七十餘名該匪奔上鞍子溝山梁兵勇仍分路追殺該匪復奔至葫蘆口踞險拒敵自辰至午屢擊不退當有軍功黃陞帶領鄉勇十餘名攀巖而上抄出賊後吶喊下壓該匪慌亂驚潰我兵乘勢仰攻立時殺賊二十餘名滾崖跌斃五十餘名賊匪各處奔竄我兵分

聖朝聖編卷三三 三

投追剿各有斬獲至暮收兵歸隊計此次打仗
共殺斃賊二百餘名生擒男婦一百七十三名
口查訊此股即係宋國品股匪又與湯劉餘匪
在碗架山會合竄至東開交界地方滋擾適遇
官兵痛加斬獲所擒活賊內有偽先鋒張爾文
何廷周及旗手滿成高等四十七名即行分別
正法其餘被脅難民內查有男婦四十九名口
即附近硯寨新寨之人當令親屬領回各州縣
男婦七十七名口就近解交達州查明遞籍臣
勒保查田朝貴兩次所剿之賊一係張魏二逆
一係宋國品股匪官兵兩路痛剿雖已大加斬
獲餘匪所剩無多但張魏二逆係積年老教者
名首逆宋國品係湯劉餘黨恐湯劉二逆潛跡
在內亦未可定均須急加剿淨勿留餘孽並探

得張魏二逆被官兵剿敗後有由東鄉折竄通
江一帶之勢田朝貴一旅之師恐其不能兼顧
其陳自得一股剿敗餘匪現由風洞子竄至七
里峽其勢非左竄東鄉即右竄開縣此股所剩
不過百餘人無需臣等合力剿辦臣賽冲阿同
溫春即探明陳自得一股窮其所向臣勒保即
分兵由達州東鄉通江一帶前往督催田朝貴
一路官兵將張魏二逆趕緊剿辦並督催張志
林分投剿辦宋國品股匪並查探湯劉二逆蹤
跡以期迅速殲除奏入
上命軍機大臣傳諭勒保曰此次勒保等分派將弁
追剿陳自得股匪五日之內跟追將及千里實屬
不遺餘力勒保賽冲阿探聞該將弁已由隣水大
竹一帶前來分路抄出賊前兩面夾擊痛加剿殺

聖祖聖孫萬歲

三

聖祖聖孫萬歲

三

共計殲擒三百餘人又田朝貴剿辦張魏二逆及宋國品等股賊匪在東鄉開縣一帶先後斃賊二百餘名生擒男婦一百七十餘人所辦俱好勒保著加恩賞給四喜玉搬指鑲玉嵌寶石帶版小刀大小荷包賽沖阿田朝貴著加恩各賞給四喜玉搬指小刀大小荷包又發去荷包二十個搬指套鼻烟壺各十件一兩重銀牌二百面五錢重銀牌二百面著交勒保分賞賽沖阿田朝貴兩路出力弁兵俟陳湯劉張魏五逆剿辦淨盡後再行分別加恩所有帶領鄉勇協同剿賊出力之軍功譚升李貴黃升著查明如本無頂戴卽傳旨賞給如已有頂戴均加一等賞給以示鼓勵現在勒保以陳自得一股剿辦餘匪所剩不過百餘人令賽沖阿同溫春探明該逆蹤跡窮其所向勒保分帶兵勇

欽定剿平三省邪匪方略

正編卷三〇三

由達州東鄉等處自催田朝貴剿辦張魏二逆並飭張志林剿辦宋國品股匪兼探湯劉二逆蹤跡所辦甚是賽沖阿前經有旨令其同至陝省剿賊今伊在川所剿陳自得一股餘匪無多自應責成賽沖阿一手辦竣俟此股賊匪殲盡後賽沖阿當與勒保商酌如彼時勒保督剿之張魏等逆業經殄淨無須賽沖阿在川幫辦賽沖阿再當回至陝界與慶成在褒沔一帶協力堵剿其田朝貴張志林所剿張魏宋三逆勒保既親往督辦務當上緊嚴催迅速剿竣此時川省不過零星竄匪易於搜捕勒保賽沖阿尤應剋日肅清佇膺懋賞再宋國品本係湯劉餘孽安知湯劉二逆不卽在宋國品股匪之內勒保當飭令張志林於剿辦宋國品時留心密拏勿任一匪漏網

欽定剿平三省邪匪方略

正編卷三〇三

同日

上諭內閣曰川省地方連年教匪滋擾凡被賊近賊各廳州縣經朕疊次加恩蠲緩現在零匪尙未淨盡若將應徵錢糧一律徵收民力不無拮据著加恩將界連陝楚之大寧太平廣元通江南江等五縣本年地丁正耗銀兩全行蠲免其奉節巫山雲陽萬縣開縣東鄉蒼溪巴州等八州縣本年地丁正耗錢糧蠲免十分之五江北廳長壽達州新寧忠州鄆都墊江梁山竹隣水昭化閬中等十二廳州縣本年地丁正耗錢糧蠲免十分之三至長壽雲陽萬縣開縣巫山梁山達州東鄉新寧等九州縣所有嘉慶三年帶徵二年輪免案內火耗銀兩其達州梁山二處數在一千兩以上者加恩緩至來年帶徵其餘七縣銀數有限俱於本年一併

帶徵昭化南部閬中岳池等四縣緩徵嘉慶三年

地丁正耗銀兩江北廳涪州合州忠州鄆都墊江等六廳州縣緩徵嘉慶三年地丁正耗並帶徵二年輪免案內火耗銀兩蓬溪鹽亭射洪等三縣緩徵嘉慶六年地丁正耗銀兩俱著加恩於嘉慶八年起分作二年帶徵蓬州劍州南充等三州縣緩徵嘉慶三年地丁正耗銀兩定遠縣緩徵嘉慶三年民欠地丁正耗並帶徵二年輪免案內火耗銀兩蓬州緩徵嘉慶五六年地丁正耗銀兩劍州南充定遠三州縣緩徵嘉慶六年地丁正耗銀兩俱著一併加恩於本年分作五年帶徵以紓民力內大寧太平廣元通江南江等五州縣應徵鹽茶稅課銀兩有滯引未銷者亦著一體展限該部知道

欽定剿平三省邪匪方略正編卷三百四

壬戌年

三月初一日辛未 惠齡奏言查劉永受賊匪竄過

子午峪由禮子坪一帶東奔臣當即飛札提督

楊遇春總兵楊芳等趕緊抄赴東面截擊茲據

探報楊遇春率同參將吳廷剛等由沙坪柳林

溝等處連夜抄出賊前楊芳即由禮子坪躡蹤

追截十五日楊遇春帶領兵勇抄至孝義屬之

剿平三省邪匪方略

沙羅帳探聞該匪甫自小安溝竄來相距不遠

楊遇春催兵急進該匪正在圍攻太平硯一見

兵到即逃上右面山梁楊遇春一面飭令馬隊

官兵順溝衝殺一面帶領步隊兵勇分投搶上

山梁刀砍矛戳立斃賊匪三十餘人生擒二十

四名並救出新擄難民李興等十一名該匪直

奔西北獅子坪而去訊出獲賊內有探馬頭一

名陳行義偽先鋒一名阮二係阮學勝之孫並

老戰手鮮成得等二十二名因正在追賊之際

即時全行砍斃其被擄難民均係附近百姓隨

即釋放回家楊遇春仍督催兵勇乘勢襲擊翻

過數重大山追殺六七十里沿途又擒斬三十

餘名餘匪竄入北溝向蛟龍背一帶西遁未致

東竄又於賊匪訊出老戰手劉芳鳳等九名即

剿平三省邪匪方略

行正法其餘王玉成等三名均係居民甫經被

裹亦即釋放楊遇春仍連夜帶兵躡蹤緊追一

面知會楊芳改由江口高關抄截前來以期兩

面夾擊至苟宋二逆經薛大烈張績等截殺之

後該匪仍合夥逃向厚畛子一帶狂奔薛大烈

等分兵兩路一由金井大胡躡蹤追剿一由陳

家河抄前截擊查該匪已翻過秦嶺以南現在

經畧劉登保由獅子壩一帶探剿副都統慶
溥提督慶成亦俱在棧道一帶正可迎頭截擊

臣仍在辛口峪黑水峪一帶往來堵禦以防苟

宋賊匪折回並偵探劉逆賊蹤相機截剿再

兩月以來在於各峪口往來堵截雖未入山而

山內地方情形時與長麟悉心講論凡有關於

剿撫機宜者隨時商酌辦理即如賊匪藏匿老

《聖朝實錄卷三》 三

林如果無糧可掠勢必不能持久南山內自修

築寨堡以來牲畜口糧均已護藏嚴密而賊匪

猶能苟延殘喘者則以老林之內猶有餘糧足

資果腹查南山內向有晉楚富商挾資來陝僱

集工夥每處自二三百人至四五百人不等入

林伐木堆放山溝遇天雨水漲順流沖出以圖

獲利名曰木廂又有開山伐樹種植香菌木耳

其工作人等亦在一二百名以外人數既多則

口糧必裕取攜自便則蓋藏不密賊匪入林處

處得食既為逋逃之藪復有豢養之資是以輾

轉盤踞遂致辦理棘手 臣與長麟籌商札飭各

該州縣傳集商人諭以利害令其暫停工作將

所貯口糧搬運入寨所僱工作撤令出山使林

內無糧可掠不過一兩月內即可剿洗肅清惟

《聖朝實錄卷三》 四

此項工作人等為數過眾且多係游手無賴之

徒若不設法安插遽行遣散必致流而為匪復

令各該州縣著落該商頭人傳集工作人等開

造花名清冊送署或留於縣城運送軍餉或交

地保人等修築寨堡即令應募充工以資餉口

現在州縣等各就本地情形妥議章程設法辦

理一經辦有成法則賊匪不待轟擊而自出老

林官兵稍得地勢卽無難一鼓殲除至於各股賊匪內除起首謀逆之老教人等自知罪孽深重爲

王法所不宥斷不敢自行投出外其餘被脅之人見賊勢窮蹙亦各漸有離散之心近日山內每有三五人或十數人棄戈而逃向各寨堡求乞救命者寨堡首領不敢收納且欲加以殺害遂仍

復入賊夥臣等仰體

皇上天地好生之心寬其一線自新之路出示曉諭反復開導許其投出免死並許其若能縛獻首逆尚應籲請

天恩加以賞賚一面傳知各寨堡首領如遇有賊匪投首卽多撥鄉勇將投首之人押解本管州縣衙門交收稟請安插毋得擅行殺害去其疑慮

《聖朝聖訓編卷三》

五

之心破其固結之勢黨與既解則賊勢自孤於剿辦較爲省力自臣札諭之後木商工人等及寨堡各首領均能體會此意踴躍相從連日

接據盩厔等縣稟報境內木商其工作較多者均已自築堡寨收貯口糧其工作較少者亦已遣令出山暫停營運又據寧陝同知張約稟稱西河寨總陳彤愷在老林搜捕餘匪適有李光

《聖朝聖訓編卷三》

六

發等十七人情願投首當卽稟送到廳又金雞河寨總王緒江稟送投首賊匪李勝用等三名又腰嶺關寨總林定隆稟送投首賊匪趙學玉等四名當經該同知將各寨總等優加獎賞並錄取李光發等供詞稟實前來臣詳加披閱均係苟文明宋應伏等股內之人是該廳辦理已有成效現已札飭該廳將李光發等二十四名

訊其有業可歸者酌給盤費送回原籍其無業可歸者先行酌給口糧妥為安插再據署孝義同知孫樹稟稱該應鄉勇將偽元帥張萬寧等獲送案訊據供稱係湖北房縣人本名李萬清嘉慶三年入伍金杜營內先當探馬嗣充元帥去年十二月間同李貴成合夥從川省竄來搶過漢江後在蕉園灣被官兵打散宋應伏率眾逃走李貴成不知去向我在林內藏躲被鄉勇拏住等語是此股不匪業已完竣除再研究李貴成下落查拏務獲外即將該犯正法

惠齡又奏言連年部撥各省軍餉為數浩繁未敢冒昧請撥所有甘省軍需項下節經借動司庫兵雜各款應請一面飛催各省將應撥協甘銀兩迅速起解於准山西撫臣伯齡咨稱現

聖朝實錄卷三

七

聖朝實錄卷三

八

奉
諭旨在於晉省撥銀一百萬兩解往四川備用晉省庫貯無多已將應解甘省兵餉二十萬兩先行奏解川省俟本年錢糧收有成數再將前項二十萬兩并部撥甘省銀四十萬兩起解來甘等因伏思甘省藩庫既已告竭而晉省應撥之六十萬兩又不能迅解前來例餉需用緊急合無仰懇
天恩在於就近省分
賞撥銀兩迅解來甘以應急需均奏入
上命軍機大臣傳諭惠齡曰此次楊遇春等帶領兵勇連日抄截劉永受股匪不予以暇雖擒斬無多而兵勇等逐日奔馳實屬辛勤不遺餘力總在地方官督平各寨團勇隨地隨時實力堵截擒拏使

逃竄餘匪有寨勇攔截於前官兵緊躡於後無路
逃生自可悉數殲除更爲事半功倍又據奏晉楚
富商僱覓工人攜帶口糧在南山內代木及種植
香菌木耳使賊匪得以掠食原係實在情形但此
等工人皆係無藉之徒爲數衆多如全行遣令出
山勢必流而爲匪該處本已添設官兵應卽責令
幫同防護其業經出山工作人等令其各募充工
以資餬口亦似可行又摺內稱投首賊匪李光發
等二十四名分別遞籍安插一節該匪等旣向寨
總投首自應勿令失所但與其遞籍安插莫若擇
其精壯能事之人令地方官明白曉諭以爾等改
悔投首不過僅免一死若情願回至賊隊或將股
內首逆設法殲斃呈驗首級或生縛獻出必當奏
聞請旨給予官職卽不能殲擒首逆或勸令賊夥

欽定剿平三省邪匪方略 正編卷三〇四

率衆來投亦必奏明重賞俾投出之賊希冀立功
踴躍從事於剿捕機宜亦屬有益設伊等去而不
返亦屬無關輕重現在投出之二十四名旣已分
別安置不必紛更卽俟續有投出夥黨照此酌量
妥辦又甘省每年所撥例餉均須按時支放不能
稍有短缺該省因軍餉需用緊急挪用亦當及早
奏明乃先經借動司庫兵雜各款直至新疆例餉
不能支給始行奏請賞撥未免遲緩著惠齡於晉
省解川銀六十萬兩過陝時截留四十萬兩先應
甘省例餉之用其川省軍餉現又籌款另行解往
無須甘省歸還該督惟應先其所急樽節支用
上又命軍機大臣傳諭勒保延豐信山曰甘省需用
例餉已降旨准其於山西應解四川餉銀六十萬
兩截留四十萬兩應用因思川省軍務將次告竣

欽定剿平三省邪匪方略 正編卷三〇四

並辦理善後事宜餉項均關緊要自應酌量籌撥
抵還著傳諭延豐信山等即於兩浙商捐餉銀一
百萬兩內先撥銀三十萬兩兩淮節省鹽課項下
動撥銀十萬兩迅速派委委員解赴川省交勒保
收貯備用以抵惠齡截留四十萬兩之數

初二日壬申額勒登保奏言查荷文明股匪竄至

光頭山一帶臣一面飭令薛大烈等速將該匪

聖朝聖德編卷三

十一

驅逼出山一面派撥兵勇於西面之襄巢等處

潛行設伏以便該匪竄出老林即行奮擊頃據

楊遇春報稱劉永受賊匪自太平峪西竄後十

三四等日又由韋子坪折向東南之紅廟河小

安溝等處楊遇春督率官兵星馳截剿由柳林

溝黃花嶺趕至沙羅帳該匪正在圍攻民碕一

見兵到奔上山梁楊遇春率領官弁兵勇奮力

上攻鎗箭並發斃賊三十餘人生擒探馬頭陳

行義先鋒阮二等二十四名散出被脅民人十

一名餘匪竄過山梁向西北獅子垭遁去楊遇

春當將所獲賊犯立時處斬並將散出民人釋

放仍即督飭兵勇翻山越嶺緊躡追剿沿途復

殲斃二十餘名拏獲魏文貴等十二名亦即正

法該匪連夜竄至元灘子由西溝老林竄出南

聖朝聖德編卷三

十一

溝楊遇春與總兵楊芳分路兜截臣於十九日

由五郎河進發是日楊遇春追剿劉逆翻琵琶

嶺至兩河探聽賊蹤不遠因老林內馬不能前

派令副將應元寬參將吳廷剛等帶領步隊兵

勇星夜進剿楊遇春帶領馬隊由甘家碕五郎

河而進適與臣相值臣而詢一切情形並等商

剿辦機宜旋據應元寬等報稱五更時帶領步

兵趨至山王廟探得賊匪屯聚燕子巖密派兵
勇潛撲賊營應元寬吳廷剛等相繼而進四更
時趕到燕子巖該匪散處民房我兵衝入刀矛
並舉殺賊十餘名生擒十四名賊匪於黑暗中
四散狂奔向安溝一帶遁入老林應元寬等仍
帶兵勇分投搜剿查該匪經官兵節次剿殺之
後所剩不及百人而且半無器械殘敗已極

聖朝聖編卷三十四

三

遂札知總兵楊芳帶兵迅速剿辦設山內尚有
零星潛匿之賊亦卽一併搜捕毋任漏網是日
接據薛大烈張績等報稱苟逆賊匪於十二十
三等日由桃園于殺剿之後連夜向安溝光頭
山王家河一帶逃竄因聞東南一帶有大兵攔
截又折向黑河橋虎豹河厚吟子西竄有出都
督河黃栢圍之勢

臣

卽令楊遇春帶領官兵並

欽定剿平三省邪匪方略 正編卷三〇四

添派總兵李應貴由東嶽殿龍草坪向西轉通
率同札克塔爾格布舍等由四畝地金竹園

臣

女兒壩華陽一帶迅速督剿途次又據薛大烈
稟報賊匪於二十一日竄至黃栢圍老林薛大
烈張績達斯呼爾岱等於夜間分路進剿殺賊
四十餘人生擒陳三元等十九名賊匪向太白
山奔逃

臣

於二十四日進二郎壩探得該匪已

聖朝聖編卷三十四

四

竄往太白河古木嶺查該處西南可出留壩西
北卽出寶雞鳳縣慶溥及參將吳亨衍現在辛
峪口一帶

臣

已飭令帶領兵勇速由斜峪關方
柴關緊顧桃號二川寶鳳之路由東北向西南
悉力轟剿並令薛大烈張績等帶領兵勇由留
壩向褒河進發預備截擊

臣

現督率札克塔爾
格布舍帶領官兵跟蹤進發令楊遇春李應貴

四三一

帶領馬步兵勇從觀音峽雞公梁磨石溝順住
 東面向西兜剿乘該匪竄出老林以外易於得
 手之際無論向西向南總期併力剿洗再據田
 朝貴蕭福祿稟報張魏股匪經官兵追至東鄉
 地界沿途亦有斬獲該匪向後河一帶逃竄查
 薛大烈等所帶剿兵本隨勒保一路於川境道
 里情形皆所熟悉臣已飭知該鎮等於抵褒沔
 之後如苟逆賊蹤尚遠即由廣元入川於南通
 一帶協同田朝貴剿辦張魏股匪其副將蕭福
 祿等官兵仍調回臣一路歸隊以資得力
 額勒登保又奏言臣遵查寧陝一鎮自去歲臣
 將應設參遊都守等官分別陞調仰蒙
 允准後臣即令各赴任所將營制逐一辦理所有應
 設額兵六千各原議以兵六勇四搭配安設去

聖朝聖編卷三十四 圭

歲夏間因南山有零匪未淨急切未能招募齊
 全是以一面暫將軍營征兵調派分設一面飭
 令各營汛將備趕緊招募半載以來有已經招
 募足額者亦有未經招募足額者蓋因軍務尚
 未告竣民人皆樂為鄉勇不願為兵丁且新兵
 甫經入伍技藝生疎防剿驟難得力山內營壘
 兵房去歲陸有仁因將經費挪作軍需奉
 旨俟春融再行興作是以至今尚未開工官弁兵丁
 既無辦公棲息之所即不能屹然成鎮且地方
 遼闊雖逐段設有營汛而中間相隔總在百里
 以外及二百里不等賊匪追剿窮蹙翻山越箐
 大率不由路徑前次有宋李等逆闖入山內各
 營汛官兵又多派赴各處剿捕以致汛地虛空
 苟逆又復竄入此賊匪所以尚得出入南山之

聖朝聖編卷三十四 六

情形也查寧陝新設官兵現在止領本任養廉其新設兵丁因尚未分別馬步戰守現俱照步兵之例每月各給例餉一兩五錢米折四錢若遇調派搜捕亦不另給鹽糧伏念山中經賊匪疊次蹂躪食物昂貴實不敷用一經調令堵剿更屬竭蹶所以應募者少現在寧陝鎮總兵楊芳業已到任臣已飭令將各營官兵均暫歸本

聖祖聖訓編查高

七

營無須分撥小汛挑出六成作為剿兵以四成爲防兵留於本營汛地如附近有賊該管將備卽帶領剿兵截擊其剿兵應請照本省剿捕之例月給鹽菜銀九錢日支米八合三勺所有本營月餉一兩五錢仍行支給帶兵搜剿之將弁仍給鹽菜口糧其防兵則仍月給銀一兩九錢毋庸加增如此則應募者自多俟衙署兵房修

理齊全卽分別馬步戰守只支例餉官員仍支本身俸廉將鹽米口糧全行裁去至各營汛城堡及衙署兵房爲官員辦公及兵丁安身之所尤須趕緊辦理查倭什布現在寧陝所有寧陝鎮及中左二營應卽率同寧陝同知張約辦理華陽營汛派令原任山西藩司候補同知通判陳文緯辦理留壩江口營汛派令知府龍萬育辦理四畝地營汛派令候補知府商州知州陳祁辦理五郎江口營汛派令糧道素納辦理斜峪關營汛派令鳳邠道台斐音辦理總督惠齡現在峪外相距不遠可以往來查催務期集事再查陝西提督移駐漢中川楚均有添設營汛之處刻下亦應趕緊募額兵修葺衙署兵房使各營汛尅期觀成於彈壓地方搜捕餘匪均有裨

聖祖聖訓編查高

七

盜

同日陸有仁奏言連日復據探報苟逆大股賊匪與宋逆股匪合夥竄至鄂縣澇峪內之桃源子一帶經總兵薛大烈等帶兵趕到殲擒賊匪百餘名並拏獲偽總兵姚青雲大旗手齊應祿賊即向東南一帶老林奔竄薛大烈分兵三路追截經畧額勒登保由熬屋小玉澗一帶親入

聖朝聖訓卷三十四

十九

老林督剿又劉永受股匪由孝義境內竄至寧陝之沙羅帳經楊遇春帶兵趕到殲擒三十餘名餘匪向西奔竄楊遇春緊躡追剿臣惠齡現復移至熬屋田峪以防賊匪北竄又棧西賊匪一股係劉永受分出之賊因慶成帶兵追剿該匪即乘夜竄過棧東之王家場谷岔河一帶適慶成前敵都司張起熬帶兵趕到並經該處

地方官督率寨勇協力圍剿殺賊八十餘名生擒二十餘名所剩餘匪不過五六十名逃入八方山內藏匿現經守備李如緒帶領兵勇及該處寨勇合力搜剿不難即時淨盡又川省藍白等號餘匪七八百人竄至紫陽斑鳩關一帶經總兵穆克登布乘夜督兵擊剿兩次殺賊八十餘名餘匪奔回川界羊耳壩穆克登布派兵分投追剿臣查南山苟逆等三股賊匪統計不過一千數百人而各路兵勇為數不下二萬如果得地得勢不難一鼓殲除現在薛大烈一路已得勝仗經畧復親入老林自可痛加殲洗惟此時山內之兵共計十數隊處處皆須運糧寨存者既已無餘各地方官源源趨運朝東暮西並無定向連日接據咸寧長安熬屋洋縣等稟報

竟有半途遇賊之事雖查明所失糧石爲數無多而護糧丁役壯勇多有遇賊被戕者惟有多添護糧壯勇並時時探信覓路加意慎重趕運軍營不敢稍有缺誤再陝省自寨堡辦成之後各地方官督率寨勇搜捕零星餘匪通計已有七十六起近日復有西鄉縣知縣狄穉於入山催糧時鼓勵寨勇擒獲賊目羅元玉訊係苟文明營內旗手又洋縣知縣石珩擒獲賊匪鍾文一名訊係伍懷志夥匪近日歸入苟文明賊營均於審明後卽行正法又石泉縣知縣李樞督率寨勇擒獲賊目苟子舉一名係苟文明堂叔並大頭領羅應虎李宗富等二名現已訊明就近請示經畧辦理以上各員於搜捕事宜尚俱認真出力其近省峪口一帶屬縣及商州等

屬分投偵探賊蹤晝夜團勇防堵並設法趨運軍糧亦能不避艱險盡心籌辦均奏入

上命軍機大臣傳諭額勒登保曰此次劉永受股匪在燕子巖屯紮經額勒登保派令楊遇春等帶兵追剿節次俱有斬獲該匪所剩已不及百人勢極殘敗自無難全數殲滅其苟逆一股尚在山內奔竄額勒登保已派令將弁悉力轟擊逼令苟逆出山以便易於剿辦但該逆一經竄出必須就近殲除不可任其復行竄入亦不可令其四散奔逃現在額勒登保因薛大烈於川省道里情形較爲熟悉飭令該鎮赴南通一帶協同田朝貴剿辦張魏股匪卽將前次派往之蕭福祿調回隨同剿捕苟逆所辦俱是額勒登保當酌量情形隨時調度朕亦不爲遙制 俟苟逆殄除大局戡定先將所設

鄉勇量加裁減並將附近之湖南湖北等省隨征官兵陸續撤回原省其本省官兵總須於地方肅清寧謐方可全撤歸伍至寧陝衙署兵房從前既未籌辦妥協此時自應趕緊興工一律辦竣俾官兵等得以駐劄彈壓卽著咨會惠齡照所分段落責成倭什布等上緊趕辦其新設兵丁如何分別防剿支領鹽菜口糧之處著額勒登保會同惠齡

陸有仁妥議具奏

三

上命軍機大臣傳諭陸有仁曰陸有仁奏咸寧盩厔等處半途遇賊失去糧石押運壯勇多有遇賊被戕者該撫惟當飭令各地方官多添護糧丁役加意慎重趕運軍營不可稍有缺誤其遇賊被戕壯勇卽與陣亡無異著查明造冊咨部賜卹至西鄉縣知縣狄穉擒獲賊目羅元玉洋縣知縣石珩擒

獲賊匪鍾文石泉縣知縣李樞煥擊獲賊目苟子舉並大頭領羅應虎李宗富尚俱認真出力且所獲賊內多半在苟文明營內充當賊目其苟子舉一名竟係苟逆堂叔此等苟逆賊黨現既就擒亦何難將該逆探蹤緝獲著陸有仁傳諭狄穉等三員並通省各州縣等將來論功行賞總以獲賊之多寡定其勞績如果將著名首逆擒獲自必立加

陸擢其擒獲數名及多名者分別給與恩敘所有

四

狄穉石珩李樞煥三員著該撫存記統俟大功告成一體再降恩旨

同日吳熊光全保奏言竊_臣等前奉

諭旨查明陝甘四川湖北省所屬州縣內其被賊之久暫與受害之輕重及各州縣津貼之多寡分晰開單奏聞_臣查湖北被賊各屬均在上游襄鄖荆

宜及施南等府而下游各屬亦間有被賊擾及者其中久暫不等輕重不一所有運送軍糧軍火等項俱蒙

皇上發帑辦理並不藉資民力各州縣亦無津貼之

事謹將各屬被賊久暫輕重情形遵

旨開具清單恭呈

御覽奏人得

旨交部臣查明具奏

欽定剿平三省邪匪方略正編卷三百五 壬戌年

三月初三日 癸酉 勒保奏言 臣查陳自得一股餘

匪經官兵在蒲包山痛剿所剩不及二百人有

賽冲阿温春蒲尙佐等帶兵追躡儘數辦理宋

國品本非著名首逆自在子木垭地方經官兵

剿散後餘匪竄向開縣一帶現有張志林一路

官兵在彼策應就近探剿惟張添倫一股係襄

陽積年老賊近在川北境內勾結魏家營殘匪

輾轉奔竄田朝貴一路官兵日久未能得手自

叅將李芝榮陣亡後賊勢頗覺鴟張近經 添

撥將弁帶領鄉勇千餘名前赴田朝貴一路協

剿兵力壯盛該匪始行東竄昨在木箐壩大加

痛剿克鋒已挫必須乘此勝機窮其所向以期

趕緊剿淨是以 臣一面飭田朝貴追蹤緊躡 臣

亦督兵繼進策應十八日田朝貴等帶兵追至巴州所屬之土壩營探得該匪已竄過陳家坪向土地堡金子寺一帶分竄相距我兵七八十里官兵遂連夜進發行抵金子寺天色微明賊匪尚未起營官兵三路兜截遊擊王忠桂千總盧仕榮張之仁等分帶兵勇抄截賊前都司馬建廷守備鍾廷孝劉寶元等分帶兵勇抄截賊後田朝貴督率大隊官兵從穀子山大梁直衝而下該匪驚惶起竄我兵四面兜圍殺斃賊四十餘名生擒五十餘名首逆張添倫帶領賊手兩次衝突奪路皆被兵勇截回該逆見無路可逃即捨命抗拒鄉勇內有認識張添倫者見該逆已被我兵圍住皆踴躍百倍當有軍功旗手賀天貴廖榮鄉勇包相鄉魏其隴張順等五人

併力向前將張添倫立時殺斃隨又有賊目二人帶眾前來奪取張添倫屍身復被外委李必榮軍功伍得勝等各帶兵勇立時殺斃并斃賊四十餘名當令所擒活賊指認賊斃兩賊目一係偽元帥陳國珠一係偽總兵魏學盛餘匪向李家嘴敗走復經遊擊王忠桂一路兵勇迎頭兜截斃賊二十餘名都司馬建廷等一路兵勇向上河沙灘口截殺又斃賊十餘名該匪順河向留坪一帶奔竄我兵緊躡追殺先後斃賊七十八名生擒八十餘名追逼落河淹斃二十餘名餘匪分路奔竄我兵亦分路追殺三四十里五六十里不等沿途各有斬獲至晚回至金子寺素營查點各隊兵勇共殺賊二百餘名生擒男婦二百二十八名口內有張廷舉一名係張

《聖朝實錄卷三十一》

二

《聖朝實錄卷三十一》

三

添倫之胞姪向在賊營管事衆人稱爲三掌櫃
又有楊廷獻周心泰二名皆係賊營僞總兵經
田朝貴將生擒各犯並割取各首逆首級稟解
前來臣當卽親加查訊據張廷舉供我係襄陽
縣人父親張添美與張添倫同胞兄弟向來從
王廷詔習教嘉慶元年三月在本縣雙溝地方
起事同時有襄陽縣的張世龍張世虎前來合
營那王廷詔李淑張漢潮們都是一起的後來
夥衆多了就分營行走連年在湖北陝西甘肅
四川往來搶掠與官兵打仗不計次數前年父
親張添美死了我便接手管事衆人都稱我爲
三掌櫃去年在老林裏有魏家營二百多人前
來合夥至十月出山張魏兩營有五個元帥我
叔子張添倫是總元帥還有張如選陳國珠魏

欽定剿平三省邪匪方略

正編卷三〇五

四三九

洪升顏中考四個是副元帥張如選去年跌死
了現在陳國珠領頭管事那魏學盛是個總管
他在營裏每日齊人遇有攙前落後便將木棒
打死所以衆人取他混名叫做魏梓梓我們兩
營於本月初十日在木箐壩遇著官兵打散逃
到巴州又被官兵趕上叔子張添倫并魏學盛
陳國珠同時被殺魏洪升顏中考不知逃往何
處我被拏住等語臣當將所割張添倫魏學盛
陳國珠等首級攙列令該犯與衆賊隔別指認
均屬相符是張添倫一犯與魏學盛即魏梓梓
等臨陣殺斃毫無疑義臣訊明後當將張廷舉
楊廷獻周心泰二犯磔示衆其餘活賊內有
有旗手楊昌朋等十二名凌遲處死戰手馮步
舉等一百五十名概行正法被脅男婦大小六

欽定剿平三省邪匪方略

正編卷三〇五

四三九

十三名口分別遞籍保釋查此二股賊匪合營

後有一千數百人屯川北竄擾牽綴我兵今旬

日之間官兵連次痛剿將兩股著名首逆殲除

逆姪張廷舉及偽總兵楊廷獻周心泰同時就

縛匪衆十去其七惟尚有偽元帥魏洪升顏中

考二犯未獲然餘匪無多現在臣即趕赴田朝

貴一路督同乘勝緊躡剿辦即日可期殲淨此

《聖朝聖鑒編卷五》

六

次官兵鄉勇殲斃著名首逆及擒獲緊要各賊

目甚爲出力可嘉臣現已撥銀一千兩發交田

朝貴令查明出力兵勇分別獎賞以示鼓勵奏

入

上命軍機大臣傳諭勒保曰張添倫一犯係襄陽起

事首逆在川陝等處屢次抗拒官兵肆其荼毒輾

轉稽誅實屬罪大惡極近又勾結魏家營殘匪在

川北境內奔竄經勒保飭令田朝貴追蹤緊躡連

得勝仗該逆竄過陳家坪一帶官兵三路追擊四

面兜圍立將該匪殺斃並將偽元帥陳國珠偽總

兵魏學盛一併殲斃復將張添倫胞姪三掌櫃張

廷舉偽總兵楊廷獻周心泰擒獲共殺賊二百餘

名生擒男婦二百二十餘名口所辦可嘉之至此

皆仰荷

《聖朝聖鑒編卷五》

七

聖佑深恩叩感不盡此股賊匪前經勒保奏明派令

田朝貴專辦嗣因賊勢鴟張勒保即撥將弁帶領

鄉勇千餘名前赴協剿勒保復親往策應官兵聲

威壯盛賊匪無路奔逃得以痛加剿殺俾積年著

名首惡不致漏網固由將弁人人奮勇究因勒保

調度得宜所致勒保著加恩交部議敘田朝貴帶

兵緊躡該匪不予以暇並督兵連夜進發殲獲巨
寇實屬奮勇田朝貴著加恩賞給提督銜如從前
未得花翎卽著加恩賞戴花翎其遊擊王忠桂都
司馬建廷守備鍾廷孝劉寶元千總盧仕榮張之
仁據勒保奏稱俱分帶兵勇甚爲出力著勒保卽
查明如何出力之處再行保奏候朕加恩軍功旗
手賀天貴廖榮鄉勇包相卿魏其隴張順等當張
添倫被圍之時併力向前立時殺斃追賊匪奪取
張添倫屍身外委李必榮軍功伍得勝二人又將
該賊匪等奮勇殲獲殊爲可嘉李必榮著卽以把
總陞用賀天貴廖榮伍得勝包相卿魏其隴張順
著勒保查明如向無頂戴卽賞給八品頂戴如本
有頂戴著加一等賞給勒保現已撥銀一千兩賞
給出力兵勇所有李必榮等七人著加恩各再賞

欽定剿平三省邪匪方略

正編卷三〇五

八

給銀一百兩俾知感勵現在勒保已趕赴田朝貴
一路緊躡督剿務須乘此兵威將零匪全行掃蕩
俟川北全就肅清彼時再當酌量情形或幫同德
楞泰將川東餘匪剿辦或仍在川北堵截苟文明
勿令竄入此等機宜朕亦不爲遙制惟在勒保等
同心併力速蒞鉅功至魏棒棒一犯現經軍營奏
報業經殲斃何以此次摺內稱殲斃之魏學盛卽
魏棒棒著查明遇便覆奏又魏洪升顏中考二犯
逃竄未獲從前軍營奏報曾有顏勝可一名與魏
棒棒合夥奔竄未經弋獲此次所稱顏中考一犯
是否卽係顏勝可亦著查明覆奏

欽定剿平三省邪匪方略

正編卷三〇五

九

初六日丙子吳熊光全保長齡奏言臣長齡探聞

王曾等逆向北狂奔已近南漳邊界誠恐闖入
襄陽等境當卽飛札孫清元吉林泰由東路繞

四四一

赴賊之北面迎蹤攔截顧住襄宜均毅等屬臣

長齡緊躡賊後儘力追擊探聞賊匪已竄南漳

之重陽坪等處適孫清元等由東北抄截而來

該匪探知前路有兵卽折向西南由保康之簡

口釐利店一帶向房縣青峯狂奔時臣全保由

公坪榛子樹嶺趕抵西南之七連坪冷盤壩等

處探知陳逆已由興山逃回巫山境內並慮王

擊著舊集編卷三十五

十

曾等匪復向西南折竄臣全保卽督率總兵德

昌副將李天林帶領兵勇趕赴斗口於險隘處

所扼堵該匪知南路有兵卽折向西北亡命狂

奔由玉瓶河萬家河竄至房縣北鄉之東浪地

方時臣長齡追至青峯由捷徑翻越數重大山

於二十四日黎明趕抵東浪賊匪正欲起營督

見我兵猝至卽紛紛搶據陡險大梁並分賊兩

股潛伏左右溪澗又於後面山凹之內藏匿馬

賊計圖批死抗拒臣長齡當派遊擊王占鰲都

司馬濟盛守備席光裕督率首領李貴等帶領

奮勇鄉勇直上陡險山梁攻撲並派參將承祿

德興遊擊高承燧等帶領官兵隨後接應又派

都司羅綸守備陳添壽各帶兵勇分由左右溪

口進擊以免賊匪抄截我兵之後臣長齡親率

擊著舊集編卷三十五

十一

侍衛富翰呢瑪善總管都當阿等帶領馬隊官

兵往來策應時大隊之賊據住山梁恃險擲石

抗拒兵勇不避艱險奮力仰攻鎗斃賊匪二十

餘名詭騎馬之賊由兩旁山腰直奔而上欲衝

我兵之後臣長齡親率馬隊分馳衝擊矢發如

雨應弦而倒者三十餘名帶傷不計其數並有

執旗馬賊一人被箭射中肩甲翻身落馬經衆

賊搶救飛奔遁去我兵趁勢擁上山梁登時斃
賊六七十人將賊壓下遊擊高承耀衝入賊隊
手刃二人猝中矛傷陣亡賊復迎撲臣長齡親
督馬步兵勇竭力衝殺將賊壓過三重山坡追
殺二十餘里沿途又斃賊一百餘名生擒活賊
楊大名等二十四名奪獲騾馬器械無數訊據
活賊楊大明及寨勇擒獻之賊探陳其明等供
稱樊人傑與曾芝秀商量原要到襄陽去因見
北面有兵就折回南路聞斗口地方有官兵追
來纔向西北逃走不料又遇官兵殺敗把我們
擊獲射中肩甲落馬的就是曾芝秀被眾人救
出等語並令於殺死各賊內認出偽總兵劉昌
武何添祥偽先鋒周貴金隨令各賊分別指認
均屬符合查該犯楊大明等均係積慣才手當

各正法尚有散出難民五十二名一併省釋此
次總共殺賊二百二十餘名該匪現向龍坪大
木廠一帶西窺有入竹山之勢此時孫清元吉
林泰由均穀郎縣邊界迎蹤攔截即可顧住北
面臣長齡與臣全保自東向西緊追前進適臣
吳熊光接據遊擊敖世俊等稟報前次竄入竹
谿各股零匪或分或合往來滋擾十七日該遊
擊帶領兵勇四百名行至跨谷巖探聞泉溪有
賊一股在彼攻撲民寨該遊擊馳赴泉溪適圍
練委員王炳翰帶領義勇前來會合當即兩路
進擊鎗斃賊匪七名餘匪由和合壩向柳林扒
竄去寨圍遂解該遊擊等追至柳林扒該匪等
據住山梁抗拒當即施放鎗砲又斃賊數名併
打倒執旗頭目一名餘賊遂向張家山奔逃并

據散出難民張成富等供稱此股賊匪係川陝各股零匪湊合內有高元帥李黃二總兵管事共有五六百人等語又據竹谿縣徐如灝稟報該縣之香溪楊古碕邊江口等處亦有零匪竄擾查竹谿零匪雖經臣吳熊光酌派遊擊敖世俊守備鄧興相各帶兵勇數百名前往分投搜捕但賊數稍多鄉勇究不足恃臣吳熊光正在

聖朝聖德編卷三

十四

躊躇間適臣全保長齡追趕賊匪相距房縣不遠臣吳熊光即馳赴軍營三面商確目下王曾等逆大股勢漸窮蹙正當併力合攻不便遽分兵力惟查有隨臣全保帶兵之副將孫應奉人甚勇往臣等當於兩營抽撥官兵一千名交孫應奉帶領前赴竹谿督同敖世俊鄧興相分投剿捕臣長齡即由黃龍堰陳家鋪一帶顧住東

面緊躡追剿臣全保由下店子秦口一帶包住南面抄截以期與孫清元等三面夾擊迅速集

事

吳熊光又奏言全保長齡與臣商定後即分路追賊前進臣回至房縣接防守巴東邊卡同知尹英國稟報巫山各股賊匪連日攻撲卡隘均被兵勇截退十七日有賊一股由燕子硯深巖

聖朝聖德編卷三

十五

翻越老林繞入巴東會家嶺該同知督率首領胡祥等帶領鄉勇直前截剿殺斃賊匪三十餘人人生擒活賊陳昌賢一名搶獲刀矛數十件訊據活賊陳昌賢供稱此股係藍號先鋒冉啓才與別號先鋒甘苟等姓台夥向在巫山掠食因聞叅贊德將軍前來剿捕要到湖北躲避纔翻燕子硯老林繞到會家嶺等情臣因無兵派撥

且房竹距巴東千有餘里緩不濟急正在躊躇
間又據巴東縣戴聖哲稟報蔡贊德榜秦派兵
三千名自巫山坐船由水路順流而下已於十
七日到巴東縣境現在自東向西截剿等語
查德榜秦既已派兵抄赴東路兜剿自可將冉
井等逆攔回巫山聚殲第恐該匪等情急旁竄
深入楚地則楚省亦應派兵攔截以便夾擊集
事臣一面差弁確探賊蹤一面知會全保長齡
酌分官兵預備倘川兵未能攔回卽令飛赴東
路協同剿辦均奏入

上命軍機大臣傳諭吳熊光全保長齡曰前此王會
等股賊匪在高良坪一帶屯紮經長齡帶兵前往
乘賊匪在民房熟睡之時奮力剿殺斃賊多名此
次該匪等竄至房縣北鄉地方復經長齡帶兵趕

欽定剿平三省邪匪方略

正編卷三〇五

上賊匪恃險抗拒長齡督派兵勇分路進擊親率
馬步兵勇竭力衝殺追剿二十餘里斃賊二百餘
名奪獲騾馬器械甚多並將首逆曾芝秀射中肩
甲兩次勝仗俱係長齡之功長齡著交部議敘其
在事出力之將弁兵勇著長齡查明存記俟辦竣
此股賊匪後奏聞加恩現在此股賊匪有竄入竹
山之勢孫清元在均穀一帶攔截長齡全保向西
前進務須乘此兵威勝勢奮力兜擒一鼓掃蕩不
可稍有鬆勁至竹谿等處現有零匪奔竄吳熊光
等三面商確以王會大股爲重三路官兵不便捨
而之他抽撥官兵一千名交副將孫應奉帶往督
剿所辦尚好但巴東會家嶺地方又有巫山竄匪
偷撲卡隘無兵派撥湖北兵勢稍單朕前已降旨
吳熊光令其於湖南省酌調弁兵以資協剿此時

欽定剿平三省邪匪方略

正編卷三〇五

竹谿一處竄匪全保長齡已不能兼顧另派孫應

奉前往剿辦此外豈再能撥兵預備耶現在泰督

德楞泰派兵三千名由巫山水路順流而下此項

官兵行抵楚省卽已將巴東竄匪截剿回川現兵

足敷辦賊自無庸再爲檄調倘川東尙有應辦之

賊德楞泰不能兼顧吳熊光當酌量情形在於湖

南鎮協各營內添調弁兵前來湖北幫同堵剿一

《聖朝聖訓卷三十五》 六

面奏聞一面檄調斷不可存惜費之見亦不可因

此時剿賊將竣不值再行征調多兵致辦理又稽

時日所有壓賊陣亡之遊擊高承耀著咨部賜卹

初七日丁德楞泰奏言臣由楊溪河取道大昌

探剿大寧山內之張子聰並苟樊二逆各餘匪

移師向西北進發二十二日兵抵大昌接據大

寧文武稟報張姓等兩股餘匪先後均已竄向

開縣境內有出山之勢查張姓等賊匪旣已竄

出開縣而大寧山內又無賊匪可剿應卽改道

自東北向西南探剿綠字號併白號餘匪遂由

水口龍溪河楊橋壩一帶前進二十五日至奉

節之竹園坪探報有一股賊匪約四五百人屯

於雲奉交界之板廠溪相距我營五六十里

恐賊匪知覺卽於三更發兵星夜前進黎明趕

《聖朝聖訓卷三十五》 九

至該處賊匪業已起營向鳳凰頭大山奔竄

督催馬步兵勇趕至得勝壩遙見賊衆紛紛正

在上山察看鳳凰頭山勢約高十五六里陡險

異常必須分兵旁抄後擊方能得手當令各營

捲旗暗進派達勒精阿馬瑜副將達自祥遊擊

馬文斌等帶領步隊兵勇由鳳凰山脚一路仰

攻臣督率色爾滾侍衛蘇爾紳總管富登阿副

將銜馬應國等帶領馬步兵勇繞上二台坪從旁抄出詎該逆倚恃險窄膽敢憑高推滾插石拚死下壓我兵屹然不動鎗箭齊施愈攻愈緊維時_臣之兵抄至二台坪不遠已在賊旁馬瑜馬應國率領兵勇冒石仰攻馬文斌亦奮勇競進賊衆見兩路官兵分剿退上二台坪地勢稍寬馬瑜馬應國等乘勢搶上達勒精阿色爾滾富登阿蘇爾紳等帶領馬隊直衝箭射鎗擊刀砍矛戳立斃精壯戰手三十餘名擒獲周朝富等六十四名兩路官兵趕緊追殺直至山頂有賊八九十名向南直奔雲奉溝逃去其餘賊衆過紫峽河上大面坡亡命狂奔適豐紳武隆阿亦自天池蒿枝壩追剿前來_臣即令該提督等帶同侍衛明喜總管富僧額副將鄭啟貴張良

樞等率領兵勇向雲奉溝趕追旁竄賊匪_臣督率達勒精阿色爾滾馬瑜等帶領馬步兵勇過紫峽河趕剿大衆之賊翻過四重大山沿途斬殺賊匪一百一二十名生擒向於成等_臣婦二百三十一名口搶獲馬騾驢牛旗矛甚多直追至雲陽之馮家營只剩賊匪十一名騾一頭向上三壩北逃該處可通沙陀子馬槽壩大水田一帶時已天晚計日行有一百五六十里兵馬已乏即於小神堂紮駐豐紳等帶兵由雲奉溝追剿旁竄賊匪趕至三個包旋據呈繳耳記三十七副活拏楊友品等二十二名并馬騾旗幟刀子解送來營據稱只剩三四十人竄向奉節之香坪該處亦可由大水田馬槽壩而至沙陀子查雲奉各洞寨委派團勇素屬得力可期悉

數賊擒隨令獲犯周朝富等於各逆內指出教

首李國珍一名係嘉慶四年間臣掃除線字號

賊匪時所獲教首李國清之胞弟又偽總兵余

佐志唐大高一二名旗手趙思文王得勝二名李

國珍之父李世漢一名余佐志之嫂趙氏並其

妹余公姑余四女前經正法之探馬頭梁方壽

之妻張氏並稱元帥龔其堯在鳳凰頭山上曰

聖朝龍圖萬壽

三

被亂軍殺死令取首級指認確實訊據余佐志

等供稱這元帥龔其堯即龔其位之二弟李國

珍即李國清之胞弟李世漢即國珍之父從前

原有數千人自被官兵將龔文玉龔其位李國

清卜二聘等拏獲線字號一股全行掃除所剿

百餘人各自逃散後來陸續會合有七八十人

總躲在巴東興山巫山房縣老山裏又擄得四

五百人這營裏是李世漢李國珍父子二人管

事龔其堯帶兵打仗這一仗已殺完了等語即

將李世漢李國珍余佐志唐大高趙思文王得

勝等六名縶割處死其戰手周朝富等一百七

十九名一概正法其余佐志之嫂趙氏等與新

近被擄難民共一百三十二名口均送交雲陽

縣解交夔州府知府方積分別辦理又據哨探

聖朝龍圖萬壽

三

雲陽馬槽壩大水田地方現有一股賊匪人數

較多或稱張姓尙未確切現在線字號餘匪四

五十名諒必與之合夥臣擬即就近分路移師

剿辦又據辦理大寧團勇之總理候補道府鄭

成基稟報委員從九品李志昉先後在寨溝野

鹿窖太平寨率領團勇堵截零匪殺斃賊匪槍

獲各色旗幟騾子並救出難民梁崇飛等多人

知府趙秉淵稟報新寧開縣東鄉渠縣萬縣梁

山各委員率領團勇均能截剿零匪自數名至

一二十名不等此次臣經過奉大見各礮寨實

皆堅固連絡團勇等時能截殺零匪臣俱面加

獎勵並給以銀牌無不歡欣鼓舞又接據建昌

道劉清稟報已將首逆李彬生擒餘匪洗淨是

川省又將李彬及線字號龔文玉二起餘匪根

剿平

西

株剪盡其田朝貴蕭福祿等合剿張魏賊匪只

有三四百人又由東鄉之南壩場折竄巴州之

方山坪臣業又飭催亦可即日掃除奏入

上命軍機大臣傳諭德楞額曰線字號餘匪竄至雲

奉交界經德楞額督率官兵旁抄後擊該匪憑高

恃險推滾插石抵死下壓我兵屹然不動復分兩

路冒石仰攻乘勢搶上立斃精壯戰手三十餘名

生擒六十四名賊眾亡命狂奔復經德楞額督同

提督豐紳等分路追剿翻山四重沿途斬殺賊匪

一百二十名生擒二百數十名奪獲馬騾器械甚

多殊屬奮勇可嘉德楞額著賞給大吉玉牌一塊

四喜玉搬指一個鑲玉帶頭一塊黃釐大荷包一

對小荷包四個又發去大荷包五對小荷包十個

雲玉搬指五個象牙搬指套十個磁鼻烟壺十個

剿平

五

著德楞額查明分賞出力之員弁等又一兩重銀

牌一百面著分賞此次出力兵勇以示鼓勵現在

線字號敗殘餘匪尚有數十名在逃而白號餘匪

輾轉奔逃為數較多難保不與合夥德楞額當趁

此兵威督率各路官兵乘勝追擊上緊跟剿即將

線字號餘匪及白號股匪一併剪絕根株統俟川

省各股餘匪辦竣奏聞與勒保一同優加懋賞至

獲犯余佐志供稱線字號一股賊匪前經剿散後僅剩百餘人後來陸續會合有七八十人這幾年總躲在巴東興山巫山房縣老山裏又擄得四五百人等語此股賊匪潛匿與巴各處山內且擄掠至數百人之多何以數年之久地方官竟置之不辦聽其復行裹脅又成大股即云川省近年來軍務殷繁各州縣或另有承辦事件亦必有接署代

聖朝聖德編卷五

三

理之員豈竟視同膜外毫無見聞本應概行懲辦但事閱數年歷任正署各員諒必不少現當辦事需人之際著交德楞泰勒保秉公查辦此內有平日居官尚好及辦理軍務著有勞績者其功過尙足相抵姑子免議若實係無事安居鬪葺不職者即指名奏奏川省深山老林之內恐尙有似此潛伏匪徒並著通飭地方文武嚴密稽察毋任萌蘖

爲要現在川省正在剿辦樊人傑股匪喫緊之際恐賊匪被剿情急闖入川東地界德楞泰即應督率官兵迎頭堵截以收夾擊之功德楞泰此時不可遽赴川北惟當在川東暫爲停駐將巫巴餘匪辦淨兼顧楚境况川楚交界賊匪即係德楞泰應辦之事不可拘泥前有分定地界之論遂生畛域之見也

聖朝聖德編卷五

三

初八日戊寅額勒登保奏言查荷逆股匪由兩河烏木梁向西南奔逃臣令楊遇春李應貴等帶兵由黃柏園跟蹤追剿復親率官兵由二郎壩牛尾河顧住東南進擊二十五日我兵前隊至牛尾河該匪正從古木坪塔家溝竄出見有官兵仍折入老林兵勇等趕入林箐殺賊七名生擒三名該匪向太白河西竄查太白河東北係

太白山老林向無人跡賊匪斷難竄往正北走
磨房溝方柴關可出桃號二川正西由苦竹街
白雲可出鳳縣西南山桑園壩江口可出留壩
路徑極爲紛歧查江口有遊擊營汛設有兵勇
六百名在彼扼截其北面一帶臣前已知會慶
溥率同叅將吳亨衍出斜峪關方柴關緊顧桃
號二川不任折向東遁營又派令扎克塔爾格
布舍副將張煖帶領兵勇由獅子嶺王家楞赴
苦竹街白雲一帶設伏俟其竄出竭力剿殺臣
卽帶領官兵由栗子壩桑園壩一帶督催探剿
滿擬數路官兵可以併力痛剿乃扎克塔爾等
於二十七日趕抵苦竹街賊匪已由湘子河竄
出白雲間西面有兵追來不敢西遁卽向東北
由方柴關桃川狂奔而去慶溥因宋李賊匪由

聖朝聖恩編卷五

天

寇家關銀母寺一帶向西逃竄已於二十四日
帶兵由方柴關起程往剿現由鳳縣之朱家溝
追去未及於桃川號川攔截苟逆竄蹤適有叅
將吳廷剛遊擊祝廷彪等前經場遇者派令帶
領兵勇五百名徒步入山搜剿劉承受餘匪於
安溝光頭山斬獲十數名該匪竄入田峪深林
總兵楊芳帶兵在彼搜捕吳廷剛等遂率兵勇
取道斜峪關前來歸隊於二十八日午刻趕至
桃川之沙壩遙見高山之上樹立紅黃旗幟不
料係賊匪屯聚兵勇等向山上詢問該匪等冒
充薛大烈官兵旋即糾衆猛力衝下維時只有
都司范玉龍帶領前隊兵勇百餘名猝不及備
陣亡兵丁四名鄉勇六十四名吳廷剛祝廷彪
等率勇趕到奮力抵敵殺斃賊匪十數名生擒

聖朝聖恩編卷五

无

二名賊匪潰敗向東南竄入藥地溝白雲峽一帶扎克塔爾格布舍等於酉刻趕到桃川臣聞信亦卽由方柴關五里坡兼程進發於二十九日趕抵沙壩訊據獲犯李世貴等供稱我們元帥係苟文明副帥張二張三又有總兵旗手十數人在山內零星湊合共有千數人要從江口出留壩或到甘肅階文一帶或仍由畧沔逃回

聖朝聖主編卷五

三

四川不料處處有兵只好隨處亂走昨在山上見前面兵勇不多拚命衝下仍往山內藏躲等語當將該犯等正法賊匪甫經出山旋又入山實堪憤恨山內皆係窮巖絕壑密菁深林連旬以來無論兵力難施卽派往探事之兵勇每被戕害非仍逼出山外未易掃除本日探得該匪已由白雲峽入太白梁老林向南逃逸該處又

係萬分險阻馬不能前之地現在派令遊擊王兆龍守備蘇超率領鄉勇數百名徒步跟追趕緊轟擊並令扎克塔爾格布舍帶同副將蕭福祿張瑗等取道斜峪關由辛峪口入山馳赴厚吟子都督河顧往東面向南進擊一面知會楊遇春帶領兵勇由磨房溝雞公梁繞赴黃柏園一帶迎剿臣卽於斜峪關桃川一帶督率剿辦

聖朝聖主編卷五

三

東西皆可兼顧分兵數路設法專逼該匪諒難日久藏匿至劉永受一百餘人現聞已東遁田峪澗峪一帶帶總兵楊芳在彼剿捕又有惠齡在峪外督率搜緝諒卽可以撲滅慶溥所剿宋李股匪二百餘人聞於二十七日竄至棧道武曲鋪慶溥是日追及擒斬數十人餘匪由草涼驛竄過棧四之唐藏一帶已知會慶溥務將此

股餘匪趕緊剿淨又有慶成派令備弁追剿零
 匪百餘人竄往安河廢邱關臣又已札囑慶成
 督催趕辦均勿稍在蔓延現據穆克登布稟報
 本月十四五等日探有零匪一股竄至川境之
 高頭壩有闖入陝境之勢當即派令叅將桑漢
 等率領兵勇翻界嶺至高頭壩乘夜截擊殲斃
 四十餘名生擒四人訊係各股內剿散零匪湊
 合共四五百人只有張姓賊目帶領並無首逆
 該匪被剿後仍由川境之羊耳壩逃竄未至入
 陝穆克登布現仍偵探川楚邊界賊蹤隨時奮
 力剿辦又據防堵西鄉白雄關之總兵九十稟
 報本月十五日有零匪十數名於二道坪滋擾
 經兵勇殺斃九名生擒四名亦係剿潰餘氛欲
 尋大股合夥即將獲賊正法刻下陝省各處均

欽定剿平三省邪匪方略 正編卷三〇五

皆寧謐惟苟逆及劉李餘匪逃匿南山未得掃
 蕩惟有鼓勵將士竭力趕辦總期早清陝境上
 慰
 聖懷奏入
 上命軍機大臣傳諭領勒登保曰此次苟逆股匪從
 塔家溝湘子河等處竄出聞西面有兵即向東北
 方柴關桃川一帶狂奔該匪甫經官兵轟逼出山
 旋復入山實為可恨且敢假充官兵猛力衝突兵
 勇等猝不及備稍有損折幸吳廷剛祝廷彪等率
 勇趕到擊殺賊始潰敗吳廷剛祝廷彪奮勇可嘉
 著額勒登保存記俟續有出力再行保奏苟文明
 股匪雖敢恃險下壓但一經官兵殲斃十數名立
 即敗竄可見賊勢已就衰殘惟該處山內等密林
 深賊匪潛伏狙伺我兵突入搜捕恐轉墮賊人暗

中詭計與其派令將弁帶兵入山徒步跟追莫若於賊匪出入必由之各要隘多派將領預先埋伏為迎頭截擊之計且山內糧食稀少無可搶掠賊匪斷不能久存俟苟逆竄出山時官兵即可隨地痛加剿殺更為事半功倍額勒登保此時轉不必過於著急惟當鼓勵將士多方設法相機提擊以期苟逆速就殲擒加緊馳奏其劉永受及朱李等零匪為數無多並著額勒登保督催慶成慶溥楊芳等上緊分投搜捕全數肅清毋任稍有延緩

聖鑒事 聖鑒事

奏

欽定剿平三省邪匪方略正編卷三百六 壬戌年

三月十一日辛巳惠齡奏言臣正在勞峪一帶派

兵入山搜剿劉永受股匪忽據西路探報朱逆

等匪又與苟文明分夥西竄逼近棧道其苟文

明賊匪亦竄至斜峪關內之沙堤一帶原因刻

下西路更關緊要自未便因劉逆零匪受其牽

綴當即飛飭總兵楊芳趕緊前來探蹤搜剿臣

聖鑒事 聖鑒事

奏

即星夜移營向西前進趕至斜峪關堵剿苟逆

大股又據探報經畧額勒登保督兵抄截苟逆

賊匪已至桃號二川該匪不敢少停旋即翻上

太白山北面高粱老林內藏匿該處山勢險峻

冰雪未消馬匹不能行走額勒登保即派令扎

克塔爾格布舍帶兵由辛口峪一路抄赴東面

截擊並派遊擊王兆龍帶領兵勇由北面藥地

一路前進額勒登保親率兵勇由白雲峽入山
進剿官兵均棄馬步行額勒登保亦徒步督師
并力轟擊提督楊遇春亦已趕至南面黃柏園
官兵四路兜圍自可迅期得手其宋逆等三百
餘人又與慶成前自黑河打敗零匪五六十人
合夥於二十五日同竄至棧東北星溝經都司
蘭福帶兵堵截鎗礮齊施擊斃賊匪十餘人該
匪卽折向土蜂溝竄出由草涼驛過棧向西狂
奔二十六日竄入甘省秦州屬之三岔地方臣
竊計秦州一帶並無兵備誠恐該匪乘虛深入
非南竄徽兩卽北渡渭河臣相距秦州尙有五
六百里之遙一時不能趕到當卽飛札道員朱
爾漢遊擊七十九帶兵趕來兩當屬之楊家店
太陽寺等處攔剿並札調護西鳳營叅將梁廷

聖朝聖恩編卷三

二

秀帶領本汛官兵馳赴隴州渭河北岸嚴密防
堵臣亦卽日拔營趕赴甘境惟所帶軍標官兵
八百名本係防守峪口現在苟文明劉永受股
匪尙在山內北面一帶亦不可無兵堵截臣卽
將該官兵等留駐各峪口並面諭軍標遊擊馬
得探明各峪何處緊要卽先顧何路往來防範
臣止帶本標官兵六百名由寶雞入山馳至東
河橋地方據報宋逆等匪已經竄至渭河南岸
胡店地方知北岸有備卽折向上下仙坪一帶
游奕適副都統慶博並提督慶成所派之叅將
吳亨衍等均已抄至賊前顧住西北二十八日
慶博等帶領兵勇直趨上下仙坪進剿賊匪聞
信狂奔慶博催兵緊追至木樨溝趕上賊蹤分
投追殺斃賊匪二十餘人生擒三名賊匪翻

聖朝聖恩編卷三

三

越辛家山逃遁二十九日仍由草涼驛竄回棧

東已出甘境詎該匪過棧之後又與苟逆分股

之賊百餘人合夥折回土蜂溝一帶屯聚時出

時沒棧道梗塞行旅不通查各省解川餉銀均

在寶雞停留不能起解現當需餉孔急之際未

便日久耽延臣一面帶兵由黃牛鋪一帶自北

而南一面飛飭都司蘭福由廟臺子前來自南

而北兩路官兵隨搜隨進途間正值大雪積地

尺餘臣鼓勵官兵冒雪登山隨處搜剿該匪等

知有官兵前來即由鳳縣屬之安河鐵廠一帶

竄往東南平木老林藏匿距棧道已遠適副都

統慶溥等由棧西趕來已抵草涼驛臣當即囑

令分兵兩路進山搜剿以防該匪繞路折回窺

伺棧道一面傳知各省解餉委員即速起解前

進又接據藍屋縣來稟該縣屬之赤峪田峪西

駱峪等處均有賊匪潛匿或二三十人或五六

十人不等寨勇施放鎗礮擊斃賊匪十餘人諒

係劉永受賊匪零星散竄北面峪口雖有軍標

官兵防堵究難放心此時棧道已通臣無須在

此駐守隨即札飭護遊擊王瑞麟都司蘭福在

於棧道一帶加意防堵勿令賊匪再致西竄仍

趕赴田峪赤峪一帶探蹤截剿奏入

上命軍機大臣傳諭額勒登保惠齡日前此賊匪竄

入老林額勒登保等總以為兵力難施必須轟逼

出山方能痛剿今宋應伏一股竄入老林後竟由

草涼驛越過棧西竄近秦州至渭河南岸幸而慶

溥帶兵截回然亦未能痛加殲戮可見將賊匪轟

出老林仍屬無益朕思宋逆忽出老林不暫停頓

仍由原路入山或係苟逆差伊探聽山外何處有兵何處無備以便全夥竄出肆掠亦未可定爾等不可不防此時額勒登保因苟逆一股竄入高黎老林派令札克塔爾格布舍王兆龍等分路進擊伊親率兵勇徒步入山并力轟擊楊遇春亦已起至黃柏園兜剿但賊匪詭詐異常安知不故引官兵盡數入山以便乘間竄出平原恣其狂妄轉至墮賊詭計試思宋逆賊匪不過三百餘人竄出老林惠齡等尙不能擱截設苟逆大股由山內逸出彼時豈惠齡所帶數百軍標官兵所能阻遏耶額勒登保等不可徒爲入山轟逼之計總須設法熟籌於老林外各要隘處所多設重兵聲勢聯絡預爲防範庶賊匪出山卽可就地截擊絕其逃竄之路方能一鼓殲滅其劉永受及零星散匪額勒登

保惠齡亦須飭催帶兵領速行掃除爲要

十二日壬午勒保奏言查田朝貴追剿張魏餘匪

乘勝緊躡已向巴南一路臣當卽督兵繼進該

匪聞官兵跟蹤追擊卽晝夜狂奔向南江所屬

之劉坪孫家坪一帶逃竄適建昌道劉清正在

平梁城辦理團練一聞賊匪竄近之信卽調千

總陳安邦候選通判劉星藻及辦理團寨之委

員田文烜等分帶兵勇探蹤迎截該匪竄至巴

州之青趕渡正與兵勇相值陳安邦劉星藻等

督率兵勇迎頭衝殺田文烜率領團練壯勇協

同剿捕賊匪猝不及防滾崖落水紛紛逃散兵

勇追殺五六里殺賊二十七名殲斃騎馬賊目

一名臨陣逃出男婦十五名口餘匪分作三四

股每股或四五十人或七八十人向官渡溪長

池壩兩河口等處分竄臣正在督催田朝貴等

帶兵探剿適據太平東鄉探報有賊匪一股從

陝省邊界由竹峪關竄來約六七百人臣查張

魏餘匪屢經痛剿所剩不過二三百人業經散

竄只須分投搜捕而竹峪關新來股匪賊數較

多必須以大隊兵勇迎擊方可不致蔓延臣當

卽一面飛飭劉清督率鄉勇並團練人等將張

聖諭 聖諭 聖諭

八

魏股內剿散之賊四路搜捕猶恐劉清究係文

員僅帶鄉團各勇並無兵力臣當於本營撥出

遊擊馬績恒慶等分帶官兵六百五十名前赴

劉清一路會同辦理其田朝貴所帶兵勇調令

由東鄉取道迎剿新來竄匪二十八日田朝貴

帶兵行抵土主廟探得該匪已到老君場相距

我兵八十里田朝貴卽連夜進兵黎明行抵

老君場賊匪正在起竄官兵趕及賊尾殺斃十

餘名生擒十餘名查訊賊蹤知大夥已向茅壩

子奔竄田朝貴當卽帶領官兵間道抄襲從倪

家坪繞出萬古樓望見賊匪數百人蜂擁而來

田朝貴卽派遊擊羅思舉薛陞王忠桂分帶兵

勇由左右兩路抄擊田朝貴親率都司馬建廷

守備鍾廷孝劉寶元等由萬古樓正路衝殺立

聖諭 聖諭 聖諭

九

時斃賊七名賊衆敗走奔向帽頂山搶佔山梁

抗拒我兵奮勇仰攻鎗箭齊發殺斃賊匪五六

十名生擒五十餘名該匪分投奔逃一股由梯

耳崖向青溪場一股由劉家溝向金鸞寺一股

由五道口向馬風山紛紛竄逸官兵分路追剿

沿途斬獲一二十名四五十名不等至晚回至

普光寺查點各路兵勇共殺賊八九十名生擒

男婦一百三十五名口搶獲賊旗鎗矛騾馬牛
隻甚多臣當將活賊提訊據偽先鋒宋得全等
供稱此股賊匪係白號張子聰餘黨自張子聰
死後伊姪張簡帶領餘匪在川陝邊界老林藏
躲近日與藍號餘黨楊姓共湊合六七百人從
太平走到東鄉地方被官兵剿敗他們不知逃
往何路等語臣訊明後當將該犯並戰手康登

聖朝聖德編卷三

十

玉等七十名分別正法其餘被擄難民張傳文
謝四妹等六十五名口查明原籍遞回安業探
得此股賊匪尚剩四五百人向豐城上八廟等
處分竄臣現在督催田朝貴跟探剿辦至賽沖
阿一路官兵自與臣分路後即由天池寺燈草
壩一帶追剿陳自得餘匪途次連遇大雨官兵
冒雨追躡沿途有逃出難民訊得該匪已竄向

羊子嶺殷家溝等處賽沖阿當即督率官兵趕
緊追至桃溪河賊匪已於先一日過渡適是日
大雨河水漲發溜急人馬俱不能渡當選善泗
水之兵勇數名覓水渡過對岸將大繩橫截河
面馬步兵勇牽繩淌渡過河趕上賊匪侍衛富
森德協領穆騰額副將馬元守備史定川等分
帶馬步兵勇爭先衝殺斃賊三四十名生擒十

聖朝聖德編卷三

十一

二名立時正法賊匪被剿情急四散狂奔又涉
水淹斃二十餘名餘匪尚有百餘人向溫湯井
蕭家山長流水碗架山等處奔逃賽沖阿現飭
官兵分投搜捕至張志林一路官兵在開縣搜
剿零匪二十日探得土黃壩地方有零匪一股
約有二三百人張志林當即帶兵探剿行抵玉
皇觀探得該匪正在前面樹林避雨張志林當

分派遊擊夏雲龍都司畢萬年為一路遊擊唐際盛守備周士貴吳芝秀為一路分帶兵勇左右抄截張志林督同遊擊鄔海慶帶領兵勇直前衝擊該匪一見官兵即翻山四竄我兵四路追躡殺斃賊匪五十餘名生擒二十三名奪獲長矛三十三桿餘匪向梁山萬縣一帶奔竄張志林當將生擒賊匪解交開縣審辦仍帶兵追

製署聖鑒稿卷三

三

剿行抵梁山途次據探報該境罈罐廠地方有零賊數十人在彼晝伏夜出摸樁為害張志林即帶領官兵探蹤搜剿二十六日行抵該處賊匪正在山溝潛匿我兵一擁上前殲斃賊匪五十餘名逃出被擄男婦十二名口查訊此股係青號旗手李士賢帶領餘匪六七十人在此藏匿今被官兵圍住殲淨張志林當將臨陣逃出

之難民解交梁山縣訊釋因探得前竄梁萬餘匪已竄至鄆都一帶張志林當即由墊江隣水長壽一路前往迎擊至川東一路昨接德楞泰來信近日在巫山一帶截回賊匪一股竄向奉節雲陽地方約有八九百人現派豐紳武隆阿等帶兵追擊查此股賊匪為數較多設逼剿西來又必竄近忠萬一帶腹地已飛飭張志

製署聖鑒稿卷三

三

林就近偵探如果該匪等向西奔竄官兵即迎頭截擊以冀與豐紳武隆阿等收兩面夾擊之效再前據建昌道劉清等稟報在南江巴州一帶聞李辛餘匪約三百人竄至該境即督率委員軍功壯勇人等將首逆李彬及辛聰之弟辛文設伏生擒查李彬一犯去年十月間經經畧額勒登保親將全數剿淨惟該逆隻身逃

脫因何此時復有匪眾三百人之多臣當即提
犯研訊據李彬供係達州人胞兄李華向來習
教嘉慶元年跟著冉文燾造反我與哥子跟在
冉文燾一路哥子死後我便接手管領四年正
月冉文燾在麻壩寨被官兵殺死姪兒冉添元
接手管事冉添元被拏之後我們分營王士虎
爲左營元帥陳朝觀爲右營元帥我爲中營元

剿平逆裔編年

古

帥我領有一千多人到處搶掠屢被官兵打散
後來有張添倫楊開甲各股內打散的人湊了
二百多人又有這辛聰的兄弟辛文亦帶些人
前來合夥走到南江鐵廠坪被鄉勇擒住是實
據辛文供係襄陽宜城縣人胞兄辛聰嘉慶元
年從張添倫造反二年五月我投入齊家營九
月間張家與齊家合夥我便歸到辛聰一路未

年十二月在麻柳灣打仗虧折剩有一百多人
在川北老林內躲避本年正月辛聰在關門子
遇見官兵拏去我帶了幾十個人逃到山裏遇
見李彬合夥行走二月初八日在南江鐵廠坪
被鄉勇拏住是實臣訊明後當俱戮割示眾仍
傳首級川北地方以快人心而彰

國憲

剿平逆裔編年

五

同日陸有仁奏言連日復據探報荷逆大股賊
匪由寶雞之白雲號川一帶竄至岐山之桃川
經署額勒登保現在安河方柴關一帶探蹤截
擊並因楊遇春節次剿殺劉逆股匪人數無多
卽令專交總兵楊芳搜捕調出楊遇春由磨石
溝一帶剿辦大股之賊其總兵薩大烈之兵已
由褒沔寧羌等處回歸川省又宋逆股匪自苟

逆營內分出約共三四百人竄至留壩之桑園壩與前此都司張起鰲剿剩之餘匪數十人合為一夥由鳳縣北星溝竄出經都司簡福帶兵趕到鎗斃賊匪十餘名該匪即由黃牛舖大路竄入甘省慶溥吳亨衍帶兵趕至木樨溝一帶兜截殲擒二十餘名賊即折向辛家山慶溥等緊躡追截慶成派令守備李如緒等亦由唐藏至兩當縣境兜剿現已移至畧陽之何家巖以備迎擊又川省通江賊匪兩股一股三四百人竄至兩河塘一股千餘人竄至香鑪山俱逼近陝界梳子巖花石梁等處卡隘臣當即飛札慶成德忠堵截並督飭地方官鼓勵寨勇合力嚴防頃據德忠報稱賊匪三百餘人竄入梳子巖卡內德忠因正在堵剿香鑪山大股之賊當派

聖朝聖纂編卷三

六

守備黃林由海口壩馳至梳子巖奮力堵剿並經寨勇協助官兵轟擊賊匪四散奔逃業已逼出境外現仍趕緊搜剿各等語查此時苟逆大股勢將西竄南山內尚有劉逆殘匪及零星潛伏之賊現今總兵楊芳帶兵剿洗臣復飛飭地方官並查寨委員鼓勵寨勇協力搜捕以期及早肅清

同日慶成奏言臣帶兵搜捕黑河潛匿賊匪並派兵勇跟追過棧剿捕茲據都司張起鰲守備李如緒等報稱帶領兵勇緊躡追至棧東谷岔河蘇家溝大梁等處兩次奮力斬擒僅剩零匪五六十人鑽林散逃臨陣奪獲陣亡都司李廷彪頂帽衣物並於所擒活賊內訊出戕害該都司之襄陽賊曰陳茂徐及萬二名專差押赴該

聖朝聖纂編卷三

七

都司停柩處所衛副祭奠守備李如緒等挑帶壯健兵勇穿林窮追至鹽厥溝詎有宋應伏之賊二三百人向西北奔逃其零匪得以合夥同竄查鳳縣西北緊接秦兩地方該匪過棧卽入甘境正值東作方興農民下寨恐殘孽往來游奕擄掠增多守備李如緒兵力不敷臣卽自褒沔帶兵趕赴西路策應途次畧兩地界之兩河接據探報宋逆賊匪於二十五日竄至鳳縣之北星溝有留壩都司蘭福帶兵趕往堵剿而該逆狡猾繞林西竄兩當守備李如緒連夜抄徑於二十七日至東岔溝口老林卽與賊遇該匪捨死衝突守備李如緒與外委周明帶領兵勇首先搶佔山梁扼住要路截擊該匪不能竄越半夜由原路折回桃花坪孟家灘一帶共

欽定剿平三省邪匪方略 正編卷三〇六

計殺賊二十餘名生擒二名搶獲騾馬十二匹又接副都統慶溥來信率領兵勇跟蹤追至桃花坪遇該匪被我兵截殺折回督兵截剿擒斬數十賊餘匪向東狂遁旋據鳳縣具報本月初二日宋逆殘匪經官兵截剿折回棧東現在慶溥帶兵緊躡追剿臣飛札守備李如緒務須乘機協力剿除探聞經畧額勒登保在東路白雲方柴關一帶剿辦苟逆股匪距棧較近臣若撤出褒沔相隔西路更遠暫於沔畧之間偵蹤扼截均奏入

欽定剿平三省邪匪方略 正編卷三〇六

其陳自得餘匪只剩百餘人向溫湯井等處四路奔逃賽冲阿現飭官兵分投剿捕而張志林所剿青號旗手李十賢亦不過五六十人更可即日殲除至劉清素日勇往朕所深知其督率團勇將張魏股內剿散之賊四路搜捕甚為得力勒保又派遊擊馬績等分帶官兵六百餘名前往幫同剿捕所辦甚是惟計日以待捷音之踵至又本日據陸

聖訓

三

有仁奏川省通江有兩股賊匪一股三四百人竄至兩河塘一股千餘人竄至香鑪山經陝省官兵逼出境外等語此二股賊匪係從川省何股賊匪分出係何姓名現在既經陝境截回四川邊界會否派官兵在彼剿辦並著查明覆奏

上又命軍機大臣傳諭陸有仁曰陸有仁奏川省通江賊匪兩股一股三四百人竄至兩河塘一股千

餘人竄至香鑪山俱逼近陝界陸有仁當即飛札慶成德忠上緊堵截並經寨勇協助官兵轟擊賊匪四散業已逼出境外此次通江竄匪既經陝省截回勒保現在川北已降旨令其分兵殲剿並著伊查明究係何股分出賊目係何姓名據實具奏陸有仁亦當詳細偵探此兩股是否搜剿淨盡賊夥中有無著名首逆遇便覆奏

聖訓

三

上又命軍機大臣傳諭慶成曰慶成奏探聞截剿宋應伏股匪未至深入甘境與昨日惠齡所奏情形大畧相同宋應伏既已折回棧東慶成等雖經帶兵緊躡追剿但恐其竄回老林無從掠食又有額勒登保等帶兵轟擊不能在山久匿勢必仍復出山非西竄甘省即南竄川北慶成現在駐兵沔畧之間自可扼要兼顧一俟該匪逃出南山即當就

地痛剿速將苟逆賊擒卽不能任陝省境內剿除淨盡亦須併力向川北轉逼該處有勒保督兵在彼可以迎頭截擊斷不可令其闖入甘境致滋蔓延爲要再本日據陸有仁奏川省通江賊匪兩股一股三四百人竄至兩河塘一股千餘人竄至香鑪山此兩股零匪是否全數逼回川境何以未據慶成奏到慶成駐紮處所距川北不遠若賊匪復思乘間折入陝境該提督務當上緊截剿毋少疎縱

欽定剿平三省邪匪方略

正編卷三〇七

欽定剿平三省邪匪方略 正編卷三〇七

欽定剿平三省邪匪方略正編卷三百七 壬戌年

三月十五日臣德榜奏言臣前在雲奉交界

之鳳凰頭大山將線字號餘匪襲其堯李世漢

等剿盡後督兵西趨嗣據哨探雲陽之馬槽壩

大水田有賊一股人數較多當卽督兵由上三

壩自東北向西南進剿因沿途時有零匪出沒

正可隨時搜捕當派副將達自祥參將何君佐

走沙沱子黃沙溪前進參將馬應國遊擊馬文

斌由高峯觀前進參將張應貴遊擊楊登魁向

萬家坪傅家壩前進各帶兵勇四五六七百名

不等概用藍白布包頭打豎賊匪旗號不帶鍋

帳各裹口糧分路搜捕臣督率豐紳達勒精阿

色爾滾武隆阿馬瑜等於三月初三日行至開

縣之高陽河達自祥馬應國張應貴等帶兵前

進

四六五

後來營據達自祥面稟行至雙河口見黃沙溪一帶零匪四五十人令兵勇前往合夥該逆正在游移間我兵猝加擒剿拏獲活賊蕭士緒等十三名割獻耳級六副據張應貴解到王三槐之弟王三林王三槐之姪王世愷王世元並活賊張順等二十六名呈繳耳記二十一副又據馬應國等拏獲活賊張啟發等二十一名繳到耳記十八副共繳刀矛旗幟一百餘件問據蕭士緒供稱係青號餘匪共有四十餘人並無頭領總在雲陽開縣山裏摸樁掠食今日見是我們的人來要去合夥不料是官兵把我們擒殺又據王三林供係王三槐堂弟哥子王三茂姪兒王世元王世愷自從王三槐被官兵拏獲送京後我們叔姪四人先隨冷添祿又隨符曰

聖朝聖編卷三

二

明到處竄逸他們被官兵殺了我們帶有七八百人各處擄掠屢被官兵剿殺如今只有七八十人不想官兵假扮我們的旗色到此就殺起來又據張啟發等供係藍號陳自得的人被官兵連次剿殺只剩三百來人又合上白號田姓一百多人走到梁山忠州被官兵連次剿殺只剩得一百七八十人想仍到湖北去躲避官兵搜進山來將我擒獲各等語查此次三路搜捕共擒活賊七十二名呈獻耳記四十五副訊明後即將王三林鬻割示衆其王世愷王世元並蕭士緒張順張啟發等六十五名一概正法其有附近被擄難民鄭家貴等八名卽行釋放隨據探報白號張姓賊匪於初四日尙在四十八槽之椒子坪上墳掛青初五日已向萬縣逃竄

聖朝聖編卷三

三

臣於初四日五鼓發兵趕至萬縣之牛心寨探得該匪已向周家營一路奔竄距臣軍營六七十里隨令豐紳武隆阿等督同侍衛喜明總管富僧額副將鄭啟貴等帶領兵勇二千餘名由東壩廠曾家山右手進發臣督同達勒精阿色爾滾馬瑜等帶領兵勇二千餘名由大地坪鐵風山前進均於二鼓發兵不料該逆先已起營官兵冒雨跟追至大水溪八角崖牛鼻子趕上賊尾分投衝殺賊衆爲雨淋漓各不相顧四散奔逃立斃賊匪八九十名生擒徐盛安李邱氏等男婦一百四名口又復力追四十餘里至千秋塆沿途又殺賊二三十名生擒陳開宗等二十三名口時已天晚各溪山水漲發餘匪捨死撲河淹斃者實復不少遂翻東嶽山桐草支一

聖朝聖編卷三

四

帶逃竄此次原擬竭力掃除此股餘孽不料雨大路滑未能痛加剿洗查此路左通萬縣右走開縣訊據獲犯徐盛安等供稱此股係白號張長更之兄張長青弟張長生爲首要走大寧奉節一帶西逃等語訊明後將戰手陳開宗等八十三名卽行正法其餘徐盛安李邱氏等四十四名口多係巫山巴東難民均按名給予銀米路票遞送原籍查總兵田朝貴等所剿張添倫魏棒棒二逆均已殲斃尙有頭目顏中考帶領餘匪奔逃復被道員劉清截剿約剩二百餘人臣當飭令將張魏二逆首級就近解交勒保查驗具報並飭該鎮乘勢趕剿務將張魏餘孽悉數掃除不可去而他顧其張子聰一股四五百名近據太平文武稟報在城口老山一帶游奕

聖朝聖編卷三

五

此外川東川北已無成股之賊所有零匪亦不過數十人至二三百人現有勒保豐紳溫春蒲向佐張志林田朝貴劉清等分投剿捕自必易於辦理至臣現追之白號張長青賊股原有一千數百人昨被探剿及淹斃渙散外只餘七八百人臣惟有趕緊剿殺一俟掃除後即當移師東下巫巴冀與楚兵兩面夾擊使各逆不致有深入川東之患再臣昨將線字號一股首夥餘匪全行擒殲生擒首逆李世漢李國珍父子及頭目唐大高余佐志等各犯均係起事老賊而又在楚日久必知其詳細加研訊據供樊人傑等以南岸尚有伏而未起習教之人會商同各號欲乘空搶船渡江因大兵到來纔分開逃走訊以各股賊情又稱白號崔胡戴四黃號王曾

等股共有四千餘人黃號樊人傑亦有千餘人與白號時分時合藍號蒲添寶一股係湊合陳朝觀之子併王四猫李彬的餘黨共有二千多人青號王山併徐添德餘匪如今亦有二千多人黃號龍紹周的賴先鋒劉總兵只有四五百人總在歸巴興房老山往來臘月正月都在火峯界嶺及萬流江邊一帶後聞將軍帶兵要來臣纔又分散等語查該逆等所供楚境各匪數目幾及一萬實難憑信是以摺內未敢遽行聲敘頃據密差探報楚省之王曾崔胡戴樊各逆現有官兵跟剿東下惟探有藍號蒲添寶一股賊匪二千多人已由歸州東竄其餘賊匪俟探確再為稟報查前次李世漢所供經臣截回三起賊數併賊首各目及現查出之蒲添寶賊股

聖朝聖編卷三

六

聖朝聖編卷七

七

核對均亦相同則其餘尚未探明者亦未必無
因緣與巴地方在在老山箐林各逆屯踞其中
差探之人祇據逃出難民或拏獲一二賊匪所
言半多不實常有不知賊數多寡爲首姓名者
至於南岸情形遍訪雖有傳說究無形迹固不
可稍涉張皇亦不可置諸意外自應持以鎮靜
不露端倪預爲密籌先將北岸賊衆掃淨則南
岸卽有未萌遺孽亦可潛消默化矣奏入

聖祖聖孫編卷三

八

上命軍機大臣傳諭德楞泰曰此次德楞泰分派將
領搜捕各處零匪多有斬獲所剩不過數十人至
二三百名不等現有勒保豐紳溫春蒲尙佐張志
林田朝貴劉清等分投追捕無難一律掃除惟白
號張長青一股尙有七八百人賊數稍多德楞泰
務須乘其敗竄之時上緊截擊尅期殲淨則川東

川北卽可全境肅清彼時德楞泰再酌量情形探
明楚省賊蹤何處緊要卽移師前往會剿以期迅
速蕪事又另奏訊據獲賊供稱現在楚省南岸尙
有傳習邪教伏而未動之人商同各號欲乘間搶
船渡江後聞大兵到來卽分散逃走等語此等習
教未動匪徒原難保其必無亦不獨湖北爲然此
時唯有隨時隨地遇賊卽剿果能將成股之賊悉
數殲除其餘伏而未動者自必聞風震懾不敢再
行勾結矣

聖祖聖孫編卷三

九

上又命軍機大臣傳諭吳熊光曰本日德楞泰奏訊
據獲賊李世漢等供樊人傑以楚省南岸尙有伏
而未起習教之人會商同各號欲乘空搶船渡江
會合後聞大兵到來卽分散逃走又有藍號蒲添
寶一股湊合陳朝觀之子併王四貓李彬餘黨共

有二千多人白號有四十餘人黃號有千餘人青號有二千多人合計竟有萬餘等語此等獲犯所供固不可盡信然亦未必無因楚省亦有現獲賊犯何不向其詳加研鞫自可以得其梗概即使南岸果有伏而未動之賊亦應持以鎮靜密為防範如能於北岸賊匪悉力殲除將樊人傑等按名擒獲其伏匿未起者自必聞風震懾默化潛消吳熊光務當隨時留意相機籌辦其藍號蒲添寶現與陳朝觀之子等合夥已有二千餘名吳熊光係該省總督何以總未曾據伊奏過現在樊王崔胡戴各股賊數究有若干并百查明速奏

十七日丁吳熊光奏臣 欽奉

上諭昨全保一路總兵王懋賞等同時陣亡十四人恐帶兵之員現不敷用吳熊光或咨商王柄於湖

聖朝聖鑒編卷七

十

南鎮協營弁中遴選勇收之員前赴湖北軍營若楚省兵力不足亦應於湖南各營就近酌調等因

臣查楚省兵力本遠遜於川陝以現有兵力而論實覺不敷分撥惟隨征官兵必須技藝嫻熟曾經行陣者方能剿捕得力查湖南一省惟苗疆各營官兵素稱熟練但苗疆重地亦不便調派而下游各營官兵除留防苗地外其餘節次調赴川陝湖北剿捕教匪現在存營兵數無多且半係新兵於剿捕斷難得力是以臣前次奏請將現在川陝剿賊之湖北湖南官兵二千餘名調回湖北軍營已荷蒙

聖朝聖鑒編卷七

十一

允准諭令額勒登保將苟逆辦完之後即先將湖北湖南官兵撤回楚省目下追剿苟逆正當喫緊之際臣惟有與全保長齡儘現有兵力督飭鎮

將趕緊剿辦斷不至稍有鬆勁第近來賊情愈形狡詐而帶兵鎮將必得久歷戎行胸有成竹之人方足以制賊查楚省總兵孫清元吉林泰雖打仗屢有擒獲尙知奮勉但總未能擒渠掃蕩痛加剿戮此外副將中如李天林樊雄楚蔣觀濤皆能訓練士卒整飭營務卽帶兵打仗亦尙知勉力而於一切臨陣機變未能深通此時楚省必得素有勇畧之提鎮一二員幫同剿辦方可得手查有山西太原鎮總兵穆克登布現在陝省平利縣帶兵堵禦相離楚省竹谿一邊之隔聞該鎮勇幹有爲屢次獲勝可否仰懇聖恩卽以穆克登布調補湖南永州鎮總兵并令統率所帶官兵就近先赴楚協剿實可易於集事其所遺山西太原鎮總兵員缺或卽於李天林

欽定剿平三省邪匪方略

正編卷二〇七

樊雄楚蔣觀濤二員內簡放一員仍暫留楚省帶兵或另行特簡之處恭候欽定仍俟額勒登保將湖北湖南官兵撥歸楚省卽將穆克登布所帶之兵撤回陝西一轉移間兩省剿辦均可不致掣肘再王曾樊崔等逆前經官兵在房縣東浪地方打散後卽向西路一竹一帶晝夜狂奔行走甚速撫臣全保提臣長齡馳往竹谿截其去路總兵孫清元吉林泰由二竹之郭家洲抄赴西南以期兩面夾擊詎賊情詭詐見我兵分路兜剿亦卽分爲兩股由竹谿之水坪竄往南山萬家河黃柏溪泉溪等處四散奔突希圖牽綴官兵現在全保長齡孫清元等俱已追往剿辦至前由川省巫山竄入巴

欽定剿平三省邪匪方略

正編卷二〇七

東興山之冉井等逆節據探報該匪等忽分忽合人數不少並無川兵跟剿誠恐乘間東奔所關並重查有前經派往竹谿南山搜捕餘匪之副將孫應奉人尙勇往刻下竹谿南山已有大兵前去無須該將在彼臣已飛調孫應奉前來並添派副將蔣觀濤共湊集兵勇一千五百名先交該將等帶赴興山一帶探蹤截剿再守備陸世元前在東湖縣霧渡河打仗身受矛傷十六處茲醫治無效因傷身故奏人

聖朝聖編卷五

古

上命軍機大臣傳諭吳熊光全保長齡曰樊人傑一犯係積久著名首逆最為狡猾可惡必須迅速殲擒吳熊光當轉催全保長齡等上緊截擊不可稍有延緩又據奏竄入興巴之冉井等逆人數亦復不少已派孫應奉蔣觀濤帶領兵勇一千五百名

前往截剿此股賊數既多恐孫應奉等所帶兵力未免稍單惟當令其併力堵禦勿令賊匪深入俟全保長齡等將樊人傑等大股剿辦得手或酌分一人帶兵前赴興巴督同孫應奉等剿辦冉井等逆自無難迅就掃除至所稱現在湖南存營之兵半係新兵剿捕難期得力且湖南係苗疆重地該處官兵不便輕為調派所見甚是其現在陝省剿賊之湖北湖南隨征官兵額勒登保自必酌量情形將此項兵丁迅速遣回吳熊光惟當就現有兵力督率剿辦不可少有鬆勁其請將穆克登布調補永州鎮總兵一節所奏亦是楚省帶兵鎮將現在乏人穆克登布打仗奮勇屢次立功朕所深知永州鎮管理苗疆必須勇幹有為之員方足以資彈壓穆克登布著調補湖南永州鎮總兵其所遺

聖朝聖編卷五

五

山西太原鎮總兵員缺將副將李天林補授穆克
登布現在川省邊界防堵如此時並無專辦之賊
即令其迅速赴楚幫同剿辦自更得力其守備陸
世元前因打仗身受矛傷十六處甚為奮勇已加
恩以都司陞用茲因傷發身故著即照都司陣亡
例賜卹

十八日戊子額勒登保奏言查苟文明股匪由白

雲峽竄往太白梁臣令札克塔爾等由辛峪口

入山赴寬河厚珍子向南進擊令楊遇春等將

兵由磨房溝雞公梁繞赴黃柏園進剿並派將

弁由白雲峽太白梁緊躡賊蹤而進旋據該將

弁等報稱峽內路徑險阻臣即親帶官弁兵勇

徒步進發該處兩山夾峙一綫蜿蜒且木石縱

橫兵勇等猱升魚貫而進自己至申行走二十

餘里於松灣暫行駐紮次日黎明時據前隊兵

勇捉獲落後賊匪數人訊知賊眾已翻過太白

梁出楊泗廟現由老營翻越大山向東南而去

臣思賊蹤既相距已遠我軍自不必尋蹤而前

且恐札克塔爾楊遇春兩路官兵由東西兩面

兜截該匪又竄往北面峪口是日復接惠齡來

信未李股匪由棧東竄往山坪恐其深入甘境

已帶兵由寶雞進剿是惠齡既已西去北面又

屬空虛臣遂即將兵勇撤至湯峪口初三日由

郿縣之遠門盤屋之辛峪口而進於初五日抵

黑水峪賊匪經兩路官兵兜截已由大光溝向

東南逃竄札克塔爾由玳瑁河黑河橋勦東抄

截楊遇春由都督河三岔河跟蹤進剿臣因賊

匪既向東兩無須在峪外抄截隨即由黑水峪

入山連日由黃草坡小王澗秦嶺火地柴家關一帶翻山越林兼程而進初九日進抵魚洞子十一日抵楊莊河據楊遇春李應貴及各路將弁等報稱初六日帶兵追賊至藥扒官溝河一帶賊匪正在該處圍攻寨嗣即率兵奮擊斃賊二十餘名該匪四散竄入林等次日復令官弁兵勇跟蹤搜捕該匪一見官兵又佔據菜子坪

聖朝聖德編卷三

六

山梁憑高抗拒我軍正在奮力進攻突有一股賊匪約四百餘人由密窩子竄來搶佔左溪山梁楊遇春一面率同侍衛傅陞副將應元寬等攻剿菜子坪賊匪一面令總兵李應貴侍衛噶拉等分帶官兵迎剿左溪山梁賊匪天色將晚楊遇春等將菜子坪賊匪剿潰殺斃二十三名生擒八名追趕二十餘里賊匪遁入月亮坪老

林李應貴噶拉等一路亦殺賊十餘名生擒五名賊亦潰敗竄入老林是夜與苟逆合夥向東逃遁查得由密窩子竄來賊匪係宋李二逆自棧西安溝竄至牛尾河華陽叅將張汝勤在黃柏園堵剿聞信即分派弁兵赴大小澗溝攔截都督河之路張汝勤並親帶兵勇於初七日趕到華陽乃該匪已於初六日竄過華陽與苟逆

聖朝聖德編卷三

九

合為一股次日扎克塔爾格布舍等亦帶兵由兩岔河趕抵三官廟兩路官兵會合等剿慶溥於初九日趕到華陽亦帶兵追剿而來臣現又飛飭楊遇春扎克塔爾慶溥等務乘賊匪竄合我軍相距不遠之際緊顧秦嶺併力合剿臣即帶兵由兩關河金家坪進發督催趕辦查探山內各股零匪據報一股約七八十人由老莊竄

往潞峪腦又有三四十人由太平寨一帶游奕
自卽係劉承受賊匪經總兵楊芳帶兵搜剿零
星奔逃此外別無賊蹤是現在南山以內苟張
宋李及劉承受各股賊匪共計不過一千六七
百名臣已飭令楊芳將劉承受賊匪趕緊搜捕
聞惠齡現亦由東河轉至田峪一帶堵剿顧住
平原更可就近督率卽日肅清再川境剿辦張
魏賊匪之守備郭大朝於二月初九日在東鄉
縣長吉溪接仗猝中賊矛陣亡又守備歐愷於
十三日追賊至平茅壩未等兵勇到齊卽衝入
賊羣手刃二賊亦被矛傷殞命
同日慶成奏言臣因苟逆賊匪距棧較遠本擬
卽於沔畧之間偵蹤拒截行至畧陽屬之黑河
壩忽聞有川匪一股由漢南地方晝夜偷竄入

聖朝聖編卷三

三

陝初五日已過銅版老龍池等處距沔寧大道
不遠臣聞信卽刻趕出沔邑之銅錢壩蔡壩一
帶分撥兵勇迎往棧東邀擊途次據探差回報
川匪有二三百人於初七日寅刻自寬川舖偷
過棧西在南沙河民屋內造飯卽飛檄派往棧
東兵勇折回西路抄迎截剿臣一面帶領馬隊
追蹤前進至寧羌州屬麻柳壩正遇賊匪蜂擁
前奔臣率領馬隊直前衝殺射斃二十餘賊該
匪翻越數重大山衣帽器械大半丟棄被裹民
人全數落後乘機投出臣祇帶馬隊追殺不暇
詳詢察其情詞多係陝民俱令各自回家仍卽
督兵窮追七八十里人馬竟日未停甫欲暫紮
探聞該匪西竄在黃家灣地方藏匿距陽平關
僅二十里逼近嘉陵江臣隨鼓勵弁兵又趕至

聖朝聖編卷三

三

黃家灣賊匪紛紛逃散^臣指撥馬兵分投追殺
 又射死賊一二十人擒獲偽先鋒周良玉等九
 名時已戌末難以搜捕慮該匪深夜繞奔陽平
 關一帶偷渡該處弁兵防備不及復帶馬隊赴
 關查探殘匪不滿百人折竄峽陽地方初入日
 五更^臣帶兵抄至二郎壩探聞該匪奔入寧畧
 交界之插臺山塔佛寺一帶老林並無走馬之
 路適步隊兵勇自棧東調回趕來即令裹帶乾
 糧分投入林搜捕期於速就殄除不致蔓延訊
 問偽先鋒周良玉供稱湖北襄陽縣人前在高
 家營充當矛手上年八月間高二被官兵捉去
 即歸入張添倫即張二彪子之夥現係魏洪升
 管事本年二月要過陝西因聽得各營卡狼緊
 有先鋒丁佳蘭原在白河縣住家熟悉陝西道

路與喬先鋒商量叫我一同充當先鋒帶陳戰
 手一百五六十人夜間走路沿途又擄得一百
 多人共有三百餘人初六日由寬川大道走至
 南沙河不料馬兵殺來他們散跑將我牽住等
 供當將該犯及陳矛手擄割臬示並嚴飭沿邊
 各卡確探川境竄匪蹤跡^臣一得竄近陝邊信
 息仍帶兵馳往截剿均奏入

上命軍機大臣傳諭額勒登保慶成曰本日額勒登
 保遞到六百里奏報仍不過分路追剿賊匪情形
 並未將苟張宋刻等各首逆殲擒一名而額勒登
 保親帶將弁兵勇徒步進山自巳至申僅行三十
 餘里該匪早已翻越大山向東南逃去不見一賊
 而回徒勞何益即楊遇春等所殲零匪數十名不
 過落後疲乏之賊似此逐日攀援何時始能剿淨

所辦實不安速甚不愜意據稱共計賊匪祇有一千六七百名而各路官兵十倍於賊自無難克日殲除但額勒登保與楊遇春等惟事入山搜捕輾轉奔馳徒疲兵力殊屬非計譬如狐鼠必須熏令出洞方能乘勢掩捕豈有入穴搜尋之理况賊匪斷不能久住山內必仍思出外掠食額勒登保當一面設法轟逼一面派令將弁於賊匪出入必由各要隘預先埋伏為迎頭截擊之計庶以逸待勞可期事半功倍又據慶成奏探得川匪二三百人自寬川偷過棧西卽帶領馬隊前往截剿先後殲賊三四十人該匪竄入寧畧交界老林現派兵勇入山搜捕此股散竄賊匪雖經慶成截回但尙在寧畧一帶山內藏匿難保其不復行竄出慶成仍當在陝境邊界留心防堵不可稍有鬆懈並著額

欽定剿平三省邪匪方略 正編卷三〇七

勒登保將苟宋等逆速行辦竣後酌分兵力前往寧畧一帶幫同慶成剿辦等語以期陝境一律肅清再此次由川竄入陝境賊匪據慶成所奏情節係黑夜潛行偷越營卡該處疎防之員情尙可原及竄入漢南寧沔一帶總兵永明及防堵各員均未奮力截殺實有應得之咎並著額勒登保查明據實參辦

勒登保將苟宋等逆速行辦竣後酌分兵力前往寧畧一帶幫同慶成剿辦等語以期陝境一律肅清再此次由川竄入陝境賊匪據慶成所奏情節係黑夜潛行偷越營卡該處疎防之員情尙可原及竄入漢南寧沔一帶總兵永明及防堵各員均未奮力截殺實有應得之咎並著額勒登保查明據實參辦

欽定剿平三省邪匪方略 正編卷三〇七

四七七

欽定剿平三省邪匪方略正編卷三百八 壬戌年

三月二十一日 辛卯 德楞泰勒保奏言查白號張

姓股匪 臣 德楞泰督率官兵在大小溪牛鼻子

等處大加剿洗餘匪尙剩七八百人向東嶽山

桐草寺一帶奔逃有竄走開縣之勢當派豐紳

達勒精阿武隆阿帶領官兵跟蹤追躡 臣 德楞

泰督同色爾滾馬瑜帶兵繼進該匪被追情急

聖朝勳績編卷頁

晝夜狂奔直竄至開縣所屬兩河口一帶其時

臣 勒保正由新寧移師東來探聞此股賊匪竄

近當即派令總兵田朝貴參將張明德遊擊羅

思舉薛陞王忠桂等帶領備弁兵勇迎頭截擊

臣 勒保亦繼進策應初九日田朝貴等師次瓦

子坪探得賊匪正在乾溪溝何家溝一帶分紮

與我兵相距不遠田朝貴等即帶兵連夜前進

次日黎明行抵該境賊匪尙未起竄田朝貴當

將官兵分路兜剿遊擊薛陞王忠桂帶領兵勇

在左邊山坳埋伏參將張明德遊擊羅思舉守

備劉寶元帶領兵勇由右邊山梁橫截田朝貴

親率都司馬建廷守備鍾廷孝帶領兵勇由正

路直下衝殺該匪見官兵猝至驚慌奔竄兵勇

奮力圍剿立斃賊六七十名該匪向左邊山梁

聖朝勳績編卷頁

逃竄經薛陞王忠桂等從山坳衝出迎頭截住

復斃賊三十餘名生擒四十餘名該匪折回右

手山溝又被張明德羅思舉從山梁下壓該匪

亡命奪路我兵前後圍殺復斃賊一百餘名生

擒一百餘名餘匪分作六七股或向東鄉所屬

之紅沙嶺葫蘆壩或向開縣所屬之楠木洞機

坪壩等處四散逃竄我兵分路追剿三四十里

1 反文十

五六十里不等沿途擒斬甚多至晚收集兵勇
查點共殺斃賊二百餘名生擒二百十四名口
內有偽總兵王學貴趙臣選二名旗手李先志
等八名其餘或係戰手或係難民均暫交開縣
收明聽候審辦搶獲賊旗三十一桿烏鎗二十
二桿長矛三百四十桿騾馬三十六頭匹餘匪
約尙有三百人現在分投散竄_臣等已飛札該
鎮等仍卽探蹤追捕以期迅速蕪淨至_臣冲阿
温春蒲尙佐等前在温湯井一帶正在探剿陳
自得餘匪適有白號張簡一股從竹峪關竄至
太平東鄉一帶經_臣勒保督同總兵田朝貴等
在老君場等處剿敗後餘匪四五百人由楊柳
關天池寺等處分路奔竄_臣冲阿等聞信當卽
就近分兵迎剿賽冲阿帶領馬隊從新寧取道

抄截温春蒲尙佐帶領馬步官兵向東鄉一路
探剿初二日酉刻温春蒲尙佐等行抵上八廟
地方賊匪正在山梁高處望見官兵前來卽連
夜折向三匯口雙河口一帶奔逃官兵緊躡追
剿向雞公嶺平頭山涼埡子等處緊追兩晝夜
直追至侯家院該匪被兵追急分作二股一股
約一百餘人左竄柏木園一股約三百餘人右
竄魚鰍溝温春以右竄之賊較多卽督兵問道
抄出鐵爐溝趕及賊蹤該匪搶佔梓潼廟山梁
温春等當將兵勇分作三路蒲尙佐率領叅將
沈洪遊擊賀廷印等帶兵由左手山梁迎截副
將馬元叅將李東山等帶兵由山下仰攻温春
帶領侍衛富森德協領明德遊擊楊森會受抄
出賊後兜擊三路官兵鎗箭齊發立時斃賊二

三十名賊匪翻山向靈官廟大龍門添樹溝等處分投逃竄我兵四路追捕復斃賊四十餘名生擒二十三名奪獲賊旗刀子等件至晚回至梓潼廟暫紮查訊活賊內有偽千總戴光月旗手黃盈松探馬頭李光華莫老公及戰手林清等共九名當卽正法其餘難民袁文儒等十四名訊係脅從未久解交開縣遞籍餘匪四竄溫春蒲尙佐等現仍探蹤進剿維時臣德楞泰與豐紳達勒精阿武隆阿追剿白號張姓賊匪已至開縣所屬南埡場臣勒保亦督同田朝貴等逆擊此股賊匪前來查該匪既經官兵分投痛加斬獲剩餘匪現仍飭田朝貴等緊躡搜捕臣勒保與臣德楞泰師行相近正當彼此會合將川省現任賊勢兵力通盤籌畫分佈剿辦并

聖訓

五

將一切應辦事宜公同會議定局是以於初十日在南埡場相約會合籌議各事另行恭請聖訓

德楞泰勒保又奏言查川省現有之賊如白號張長青一股經臣德楞泰自巴東截回疊經官兵痛剿所剩餘匪三百餘人其凍自得餘匪經賽冲阿等剿洗後約剩一百五十人已與張長青一股合夥又張簡一股前自竹峪關竄來經官兵連次截剿亦約剩四百餘人又宋國品一股約剩二三百人以上四起均在東開一帶分竄又張魏餘黨頗中考魏洪升一股經田朝貴剿敗後所剩亦不過一二百人現在南江境內此外零星散匪自一二十人至百十人藏匿各處山林出沒無定者尙有數起統計川省現有

聖訓

六

之賊不及三千人均須分投剿捕以期淨盡此

時臣德楞泰既欲督兵赴楚則臣勒保必須兼

顧川東川北現在豐紳已與臣勒保會合一路

薛大烈張績亦經經畧額勒登保遣令帶兵回

川原任提督七十五及伊子武隆阿現在臣德

楞泰一路臣等通盤籌議夔門為川楚門戶巫

山大寧與楚省之巴房二竹處處毗連臣德楞

《聖祖聖訓編卷頁 七》

泰帶兵過楚後恐各匪被剿情急折入川境必

須於邊界預為設備堵截查七十五在川年久

於川東地勢最為熟悉且兵勇素所悅服其子

武隆阿向來打仗奮勇臣等現今七十五武隆

阿率領兵勇在巫山大寧邊界往來巡哨既可

就近搜捕各處零匪設楚匪被剿竄川即可就

近迎截夾擊至川北張魏殘匪現經臣勒保派

令遊擊馬績恒慶會同建昌道劉清各帶兵勇

趕緊搜捕諒不日自能殲盡但該處界連陝境

恐尚有餘匪竄逸川北未便空虛查豐紳為本

省提督向在陝境帶兵會至川北剿賊於地勢

較為熟悉臣等即令豐紳酌帶兵勇前赴川北

於廣南通巴等處往來巡防以顧川省西北臣

勒保將薛大烈田朝貴張績張志林等所帶官

《聖祖聖訓編卷頁 八》

兵分作數路在東鄉太平開縣雲陽萬縣等處

一面將現有賊股分投剿辦一面將零星散匪

隨地搜捕臣勒保即在各處往來督催既可將

腹地趕緊肅清又可兼顧川東川北邊界設再

有另起竄匪來川當酌量情形賊少則分兵迎

剿賊多則合兵併擊臨時相機辦理至臣德楞

泰現擬赴楚該省賊勢較重必須多帶馬步官

兵并得力之統兵大員前往方能集事臣德楞

泰一路官兵惟吉林索倫馬隊最為得力吉林

官兵向係賽冲阿管帶深得兵心人皆用命此

時陝省賊數無多有經畧額勒登保在彼督辦

軍威已極壯盛賽冲阿似可不必急急回陝至

温春蒲尙佐亦均係臣德楞泰一路向來帶兵

得力之員茲將軍賽冲阿温春蒲尙佐等並原

聖恩和碩額駙

九

帶馬步官兵一併仍歸臣德楞泰一路赴楚剿

賊入楚後設將大股賊匪截入川境自應跟剿

回川倘深入楚境另有賊匪分股竄川臣勒保

當酌量分兵辦理至於臣等前此會議於巫山

之大昌大寧之徐家壩太平之城口通江之竹

峪關廣元之黃楊堡五處添設營制業經奏蒙

恩允在案所有各營汛衙署兵房為官弁辦公及兵

丁棲止之所須派委文員估計工程及時建造

臣等公同商議所右大昌營汛派委夔州府知

府方積承辦徐家壩營汛派委候補道府鄭成

基承辦城口營汛派委候補通判李在文承辦

竹峪關黃楊堡二處營汛派委建昌道劉清承

辦惟新設各營皆在沿邊荒僻之地營制雖設

若無城堡不足以資捍衛查廣元所屬百丈關

聖恩和碩額駙

十

也方昨經額勒登保親履相度地勢最為扼要

飭令該署縣葉文積築立城堡刻下業已完竣

該處與黃楊堡相近十餘里且舊有巡檢一員

分駐所有新設黃楊堡一營請即在百丈關堡

內建造毋庸另行築堡其餘大昌徐家壩城口

竹峪關四處應築城堡即令承辦營汛各員一

併估計即日興工建築一俟軍務蒞事新設各

營官弁兵丁皆得樓止即可歸汛操防至於各營新設兵額原擬以隨征鄉勇儘數挑補但恐鄉勇不諳營制一時驟難鈐束_臣等擬將兵勇對半搭配如城口都司應設兵額四百名即以二百名挑補鄉勇以二百名將太平營舊有制兵就近撥補所遺制兵名糧卽以額外新兵頂補其餘大昌徐家壩竹峪關黃楊堡四處均照此一律辦理如此既可裁減新兵額缺又可使入伍鄉勇有所矜束漸習營規此外尙有隨征鄉勇請仍照前奏章程俟大功告竣後有願入伍者分撥通省各營作爲餘丁以次充補亦無難安頓得所

勒保又奏言竊_臣 恭奉

諭旨該省民人續輸津貼銀一次以備賞需急公可

嘉著查照上年恩旨再將此次捐輸津貼各州縣應征地丁錢糧奏請分別蠲免以示獎勵竊思川省續輸津貼一項百姓自切同警之誼分所當然茲復叨荷

聖慈嘉其急公之義闔省紳民益深感戴_臣謹將辦理津貼各州縣分別銀數多寡繕具清單恭呈御覽

同日吳熊光全保長齡奏言據探報王會樊崔等匪合爲兩股一由朱家溝一由桐柏溝俱向西南奔逃時_臣全保長齡先由簡道池大會灣抄出賊前該匪探知前面有兵攔截卽折回東路晝夜疾馳於初九日行至竹山官渡河適孫清元吉林泰由郭家洲進發該匪望見官兵卽轉赴南路向西燕溝寶石店一帶狂奔而去孫

清元等緊躡賊蹤兼程追趕初十日晚行抵境
洛河探知賊匪在於相距三十餘里之褚河屯
紮孫清元等即於四鼓拔營黎明時將近褚河
據前探飛報賊匪正在分攻雙和天星兩寨勢
甚危急孫清元等當令侍衛特克昇額副將朱
士奉等帶領馬步兵勇由左首温浴溝往援雙
和寨又令總管托爾托保委總管武成額等帶

聖朝聖德編卷三頁

三

領馬步兵勇由右首梨樹溝往援天星寨孫清
元吉林泰各帶馬步兵往來策應維時圍攻
雙和寨之賊見官兵猝至即棄寨蜂擁迎撲副
將朱士奉等督率兵勇直前衝擊鎗箭齊發立
斃賊匪四十餘名寨內勇丁出寨吶喊趁勢下
壓官兵益奮力上攻賊匪慌亂四散奔逃朱士
奉等督率兵勇追趕二十餘里沿途又斃賊五

聖朝聖德編卷三頁

四

十餘名生擒活賊十七名餘匪由咸池一帶翻
越大山狂奔逸去其圍攻天星寨之賊一見官
兵即紛紛解圍搶佔左首大山遊擊烏勒喜訥
都司姜元祥等督率兵勇奮力迎擊殺死步賊
七十餘名鎗斃賊十餘名內有執大旗賊口一
名亦中鎗而倒餘逃奔上梨樹灣陡險山梁蟻
聚一處希圖併力抗拒遊擊烏勒喜訥等由中
路奮力仰攻該匪恃險負嵎擲石如雨兵勇間
有受傷吉林泰帶領馬隊官兵繞至山後右首
馳馬直上孫清元督率步兵由山後左首攀援
而登一齊向前衝擊賊匪站立不住即爬山越
嶺四處分奔三路官兵分投追殺計程有四十
餘里沿途又斃賊一百餘名生擒活賊四十二
名餘匪向廟坪平口河一帶竄去此次兩路官

兵共殺賊二百八十餘名生擒活賊五十九名

逃出被裹難民三十七名其餘沿途散去者尙

復不少搶獲賊旗鎗矛騾馬甚多當於獲犯內

訊出周大興一名係曾芝秀股內偽先鋒朱士

富蔡品貴周福三名係探馬旗手並據該犯等

認出遊擊烏勤喜訥一路鎗斃之執旗馬賊係

樊人傑股內偽先鋒趙名魁餘無要供當將該

刑部題單

五

四犯一併臈割其餘陶成鳳等五十六犯訊係

積年矛手概行正法逃出難民酌給口糧路票

各予省釋現在孫清元吉林泰卽由瓦房坪一

路躡蹤緊追不予以暇臣全保長齡由雙竹園

曰沙河一帶向南抄截以期夾擊集事至川匪

冉井等逆尙在興山歸州一路往來游奕昨臣

吳熊光

奏明派委副將孫應奉蔣觀濤湊集兵勇前往

辦可以顧住東面腹地似不敢肆竄滋害堪以

仰慰

慈懷均奏入

上命軍機大臣傳諭德楞泰勒保曰白號張姓股匪

致殘奔竄此次復經德楞泰勒保分投截擊殲擒

數百名所辦皆好現在川省餘匪不過二千餘人

刑部題單

六

德楞泰與勒保會商將川省應辦事宜交付勒保

德楞泰卽赴楚協剿所見甚是前因楚省賊數較

多曾經諭令德楞泰於剿辦川東賊匪將次完竣

時酌量情形前赴湖北協同剿捕今德楞泰未經

接奉諭旨見川省餘賊無多既能統籌全局無分

畛域且並不拘泥前次分界督剿之旨帶兵過楚

正與朕意相合深得大臣公忠體國之道殊屬可

嘉著賞給四喜白玉搬指一個珊瑚豆黃辦大荷包一對小荷包四個以示獎勵現在湖北丹井二逆據吳熊光派孫應奉帶兵堵剿今尙在興山歸州一帶游奕德楞泰自川赴楚必由該處經過卽當順道先將二逆剿淨再赴竹谿一帶協剿樊崔王會等逆楚省賊匪中樊人傑爲積年老教最爲狡惡務須上緊設法將該匪速就殲除餘匪自可漸次廓清可消伏而未起之患至賽冲阿在川剿捕旣屬得力自當仍令帶領原兵歸德楞泰一路赴楚至川省搜捕事宜俱係勒保專責毋論川東川北何處有賊皆當上緊殲除現在張魏餘匪雖經派令豐紳劉清等帶領兵勇搜捕但該處界連陝境苟宋二逆輾轉奔竄難保其不由棧回川與之合夥勒保當飭令將弁等分投防堵毋再令苟

聖朝實錄卷八

七

逆等竄入川境爲要再川省各峒寨民人前此賊匪竄擾時祇能爲堅守之計今賊匪屢經大兵痛剿已屬無多勢極殘敗勒保應出示曉諭寨勇等倘遇賊匪經過時當各奮勇剿殺不可徒知保寨自衛任聽賊匪經過庶殺一賊卽少一賊於搜捕更爲有益

上又命軍機大臣傳諭吳熊光全保長齡曰此次王會樊崔等逆分爲兩股由朱家溝桐柏溝向西奔竄經孫清元吉林泰帶領兵勇奮力追剿共殲擒賊匪三百餘名所辦尙好該賊匪屢經剿敗遇見官兵尙敢蜂擁迎撲恃險負隅擲石如雨可見賊匪怙惡不悛勢尙兇悍斷不肯出而就撫惟有痛加剿殺以期早獲巨憝安輯地方不可稍有鬆懈現據德楞泰奏稱川省已無大股之賊而楚省賊

聖朝實錄卷八

六

續修四庫全書第 32 版反內

勢較重已將川省搜捕零匪事宜與勒保會商派員辦理勒保在彼督催德楞泰即親赴楚省協剿

可見德楞泰於剿捕事宜尙能不分畛域朕早知

其辦完川匪之後必即移師赴楚今德楞泰於川

省零匪尙在未竣已慮及楚省賊勢較重先其所

急督兵前往其隨同赴楚之賽冲阿温春蒲尙佐

等俱係向來帶兵得力之員並原帶馬步官兵聲

剿平三省匪案編卷頁

九

威壯盛自當所向克捷此時楚省大兵俱專注樊

崔王會股匪其在興山歸州一帶游奕之冉井二

逆僅派孫應奉蔣觀濤二人前往剿辦伊等雖皆

副將大員但兵力較單恐不甚得力已降旨德楞

泰令其率領大兵先赴興歸一帶將冉井二逆悉

數殲除再移得勝之師探剿樊崔王會等逆設德

楞泰未到之先冉井股匪業已剿淨吳熊光卽星

速知會德楞泰囑其徑往竹山竹谿專辦樊崔王會等逆以期一鼓集事

同日

上諭內閣曰川省各州縣民人誼切同仇情愿續輸

津貼銀兩以備賞需之用甚屬急公可嘉當卽降

旨令勒保查照上年恩旨再將應徵地丁錢糧奏

請分別蠲免現據勒保覆奏並開列清單進呈所

剿平三省匪案編卷頁

十

有此次捐輸津貼銀兩較多之温江新繁郫縣灌

縣彭縣崇寧崇慶什邡仁壽安縣綿竹宜賓富順

南溪永川江津榮昌綦江南川銅梁大足璧山三

台中江遂寧樂至安岳郫州犍爲榮縣威遠大邑

瀘州等三十三州縣著加恩蠲免地丁十分之二

其華陽簡州漢州資州內江資陽井研慶符長寧

高縣筠連興文屏山敘永廳巴縣射洪鹽亭蓬溪

彭山丹稜青神樂山崑眉洪雅夾江邛州蒲江合
 江雅安雅安天全名山榮經等三十三廳州縣著
 加恩蠲免地丁十分之二成都雙流金堂新都綿
 州德陽馬邊廳珙縣隆昌永寧新津合州西陽秀
 山黔江彭水石柱廳江油渠縣彰明營山蘆山岳
 池鹽源會理等二十五廳州縣著加恩蠲免地丁
 十分之一以示獎勵至川省辦理軍務經朕節次
 頒發帑銀源源接濟原可無藉民力現在大功將
 次告歲一切善後需用之項均屬充裕除此次續
 輸津貼銀兩業已加恩分別蠲免外嗣後該省民
 人無庸復請捐輸並不得再有津貼名目該督應
 飭令地方官一體稟遵毋得藉端滋擾

臣等謹案國家以兵衛民一切芻蕘楨幹之
 儲不能不資乎民力我

皇上子愛閭閻為民藏富計三省用兵以來各路所
 用餉銀多至十千萬有餘悉

頒自內帑絲毫不足以累民實從古所未有今川省民
 人義切同仇偶有懇輸津貼銀兩之事仰蒙
 渥沛恩施

諭令勒保查明捐輸地方寬減租賦酬其急公且

申禁嗣後不准再有捐輸及津貼名目所由民無擾

累不數年而保聚休息共沐

深仁之煦嫗也

同日惠齡奏言查未逆等匪已竄平木等處慶

溥帶兵追剿離棧已遠臣撤出棧道寶雞郿縣

一帶趕緊趨行於初十日馳抵黑水峪據報劉

逆賊匪零星散竄總在黑水峪以東撈峪以西

老林內游奕總兵楊芳現在山內搜捕臣竊計

劉逆賊匪爲數本屬無多特以零星散竄或東或西牽綴官兵苟延殘喘若以大隊官兵東追西逐徒勞兵力難期得手必須將零星賊匪逼歸一處方可聚而威擒當飭楊芳顧住東面向西轟擊隨搜隨進務將該匪等逼歸一處再行分兵四路兜圍以免受其牽綴茲據探報該匪等見官兵轟逼緊急漸次歸併約有百餘人

聖朝聖恩編覽

三

在甘峪內之上關子黃草坡一帶藏匿臣聞信

卽刻拔營星馳趕至甘峪口派兵搜剿詎該匪

屯聚土關子之極高山梁遙見官兵前來又復

零星四散逃向鳳凰山一帶老林臣恐其乘夜

潛遁一面飭知楊芳派撥兵勇四百名在南山

黑龍溝埋伏又派兵勇四百名分在東面百丈

礮沙窩子埋伏楊芳自行帶兵在西面鐵爐岔

一帶策應臣又派撥軍標官兵三百名在東北

殷家坡紙坊一帶截剿督標官兵二百名在西

北黑虎店堵禦四路俱有官兵兜圍諒該匪不

能遠竄臣正在籌布間忽據探報西面野牛河

尙有一股零匪三十餘人在彼滋擾當經楊芳

派令把總田有年秦繼昌分兵前往搜捕趕至

水洞溝老林擊斃賊匪十餘人餘匪俱從石崖

聖朝聖恩編覽

四

滾落跌斃甚多逃脫無幾田有年等現仍尋蹤

搜捕臣督飭楊芳嚴催各路兵勇合力兜圍先

將劉逆股匪殲除淨盡再行搜捕零星之賊至

苟文明賊股又由太白山老林連夜遁往南面

華陽一帶其宋應伏等賊股亦由王家塆平洛

向竄往華陽於初七日向竄至菜子坪經提督

楊遇春截殺殲斃賊匪二十餘名生擒八名搶

獲旗幟六面驃馬十餘匹該匪又折回月亮坪
蒼耳崖等處楊遇春緊跟追剿又於初八九等
日連接三仗擒斬數千人刻下經畧額勒登保
督率扎克塔爾格布舍等由東路九尺壩截殺
副都統慶溥總兵劉瑞等由西路二郎壩兜剿
兵力會合賊勢不能蔓延自無難尅期殄滅
同日陸有仁奏言連日復據探報苟逆大股賊

聖朝聖鑒編卷頁

五

匪前竄至桃川一帶因偵知經畧額勒登保官
兵已在西路截擊仍復折竄洋縣華陽核桃壩
等處經楊遇春帶兵趕到設法轟擊擒斬數十
人賊隨向月亮坪奔入老林現在額勒登保由
小王澗一帶抄截楊遇春即自九尺壩進兵以
期兩面截擊其慶溥所追之小股賊匪已在華
陽與苟逆竄歸一處慶溥等自可協同楊遇春

等併力進剿又劉逆小股之賊尚在蓋屋郭縣
山內零星分竄總兵楊芳等帶兵搜洗督臣惠
齡已自寶雞移回蓋屋峪口一帶防堵又川匪
一股前從梳子巖堵剿出境旋復乘夜偷竄至
寧羌老龍池擾及寬川大路慶成帶兵趕到兩
次截殺殲斃數十人生擒賊目周良玉餘匪竄
入畧陽復經兵勇搜捕現在止存十數人即日

聖朝聖鑒編卷頁

美

自可淨盡又湖北賊匪一股約二千餘人竄至
竹峪之簡家店一帶逼近陝省平利邊界臣飛
咨總兵穆克登布喜明等就近探蹤堵截並札
飭地方官鼓勵寨勇協助官兵嚴密防範所有
各路糧餉臣督飭地方官並各路糧員隨地隨
時不避艱險設法源源運供未敢稍有缺誤至
餉銀一節前蒙

聖恩賞撥山西河南兩淮長蘆共餉銀四十萬兩俾
資接濟計自正月以來晉豫兩省及長蘆餉銀
共三十萬兩陸續解到以之酌量緩急分撥供
支僅敷二月中旬各營緊要之用其二月下旬
以後係暫將山東省協甘例餉十七萬餘兩留
存應用仰祈

俯賜籌撥均奏入

聖旨著照所請欽此

毛

上命軍機大臣傳諭惠齡陸有仁曰惠齡奏劉逆零
匪東西奔竄只有百餘人現在惠齡督同楊芳分
派兵勇四面兜圍以一千二百餘眾之兵力圍剿
百餘名敗殘散竄之零賊豈猶有不能迅速撲滅
之理惠齡等惟當嚴催兵勇奮力搜擊勿任免脫
一俟辦竣即可將楊芳等兵力騰出前赴額勒登
保軍營隨同幫剿苟宋二逆惠齡亦可專力在山

外堵截以明迅掃餘氛將陝境先行肅清又陸有

仁奏探明各路剿賊情形與各處節次奏報俱屬

相符至湖北有賊匪二千餘人由竹谿之簡家店

一帶竄近陝省平利邊界陸有仁即飛咨穆克登

布喜明等探蹤堵截並札飭地方官鼓勵寨勇協

助官兵嚴密防範所辦甚是再該省餉銀不敷支

發懇請賞撥一節陝省前撥餉銀尙有淮餉十萬

聖旨著照所請欽此

天

兩未經解到茲朕又令兩浙於商捐等項下撥銀
四十萬迅速解交陝省備用共有五十萬兩除歸
還甘省例餉十七萬外尙有三十餘萬兩現在薛
大烈一路大兵業已回川陝省客兵日減一日供
支自日漸減省陸有仁當督率局員撙節支用俾
源源供運毋至稍有缺誤爲要
上又命軍機大臣傳諭阮元延豐曰現在大功將次

告歲陝省一切善後事宜需費較多著於浙省本年商捐項下撥銀四十萬兩解交陝省備用如商捐銀兩一時未能足數即著阮元於關稅項下湊成四十萬兩飛飭委員徑解陝西交陸有仁收貯備用

欽定平三省邪匪方略

卷三百九

欽定剿平三省邪匪方略正編卷三百九 壬戌年

三月二十八日 臣督飭楊遇

春札克塔爾慶溥等趕剿苟文明等股賊匪據

楊遇春札克塔爾等報稱該匪藏匿月亮坪

帶老林之內楊遇春李應貴等於九尺壩一帶

分派兵勇探蹤緝捕札克塔爾格布舍連夜帶

兵由抱桐溝迎擊獲賊探唐正受一名據稱

苟文明叫我探聽前途有無官兵要走藥壩包

穀地往五郎去現在大隊由水磨溝火地竄來

等語札克塔爾格布舍率同副將張環蕭福祿

等各帶馬步官兵由水磨溝趕至牌環溝賊匪

大夥已遁入狹溝老林僅留矛手二百餘人在

溝口據險抗拒我兵奮力衝殺殲斃五十餘人

生擒十八名鎗斃執旗賊目一名其餘賊匪百

餘名亦向林箐中紛紛逃匿馬隊不能前進札
克塔爾格布舍仍督率步隊官兵奮力追剿復
斬獲二十餘名限於地勢未能痛剿是日賊衆
向火地亮風埏亡命遁去當將所獲各犯訊明
從逆日久之黃榮彩等十九名卽予正法其餘
李五等四名被脅未久均予釋放次日探得賊
匪竄出三岔河翻過秦嶺向北奔逃札克塔爾
等帶兵緊躡追剿楊遇春李應貴帶兵由大古
坪大小嵐東河都督河一帶攔截臣現帶馬步
官兵二千餘名於十二日進抵地藏溝本擬親
自督率過秦嶺復入南山循蹤而進因賊匪狡
詭百端慣於折竄若使數路大兵悉皆深入山
林向北追剿該匪又由東西兩面繞向南趨則
我兵全落賊後臣遂飭楊遇春札克塔爾等設

製署聖編卷三

二

法趕辦務將賊匪向東南轟出並令慶溥帶領
兵勇一千餘名於黃柏園楊泗廟邊住西南要
路臣卽由核桃壩松埡子探蹤徐進以備賊匪
南來卽可迎擊並爲東西兩路策應途次接據
楊遇春報稱十四日帶兵由大嵐溝抵龍草坪
探得苟逆已由玳瑁河老君嶺有竄向泥峪湯
峪之勢札克塔爾格布舍帶馬步兵勇二千數
百名從辛峪紅水河顧住平原抄截該匪卽使
窺伺平原現有大兵緊剿且峪外又有惠齡帶
兵遏截可以無虞楊遇春李應貴帶領馬步兵
勇二千數百名卽由都督河厚畛子緊顧太白
山老營之路探蹤前進一俟該匪折竄卽可迎
頭截擊本日復據探事弁兵稟報十三四等日
札克塔爾格布舍帶兵由泥峪口截住賊匪趕

製署聖編卷三

三

入紅水河將賊擊敗該匪四散竄入太白山內官兵已緊追前進如該匪徑向西奔即出桃號二川方柴關等處等語札克塔爾等一路師行較遠臣已札知楊遇春即帶兵由乾溝河磨房溝等處向方柴關一帶偵探確蹤與札克塔爾等併力剿辦臣現抵楊家灘即飛行探蹤前進督催趕辦伏思該匪藉南山為避兵延喘之地

聖朝聖鑒編卷三

四

輾轉奔逃臣因大山密林中艱於剿捕不得不亟將該匪設法驅出但恐該匪一出老林亡命狂奔又不得不於旁路抄截以期於老林之外就地剿除乃該匪萬分詭詐連次將出老林一聞官兵趕到又於險峻之處盤旋而遁以致官兵未能尅期辦竣欲速反遲現在總期將該匪盡出老林不得復入林內庶剿辦較易為力該

匪只一千五六百人如事機湊合實不過一兩仗即可殲盡再臣連接南鄭一帶防卡之總兵永明等並地方官稟報二月二十九日有通江界內賊匪四五百人竄至寧羌之映水壩都司德忠帶兵於白陽關小壩截擊同日又有小股零匪約及百人竄至陳家峽德忠恐其偷越卡隘派令守備黃林帶兵百餘名策應初二日映

聖朝聖鑒編卷三

五

水壩賊匪有奔鐵爐壩之勢德忠即赴鐵爐壩截剿賊知有備折竄香爐山德忠仍赴白陽關一帶督飭探剿守備黃林由瓦子坪進抵兩河塘小股零匪見有兵來即上山頂抵拒該備當即施放鎗礮將賊打退賊竄入天平河老林之內復乘夜繞上梳子巖黃林帶兵趕到正與賊遇當即率兵迎擊賊匪翻山由秦家壩一帶西

遁總兵永明防守汛地距梳子巖一帶本遠初五日聞小股賊匪竄至梅子壩派令遊擊朱章等帶領兵勇赴元壩子截剿次日聞賊匪竄往鐵索關復親帶官兵前往該處攔截該匪只有八九十人由茨溝竄往寬川大安一帶維時慶成由沔縣一帶帶兵迎剿初七日至麻柳壩斬獲數十人所剩只四五十人向塔壩寺竄至五

欽定剿平三省邪匪方略

正編卷三〇九

六

無賊蹤惟張魏餘匪數百人由通南奔竄間勒保派撥官兵與道員劉清所帶鄉勇併力剿捕此次未得闖入陝疆復由巴南折竄想劉清等自能趕緊剿捕現仍飭令寧沔一帶卡隘官兵嚴密防範再接據竹谿平利稟報曾王崔戴及樊人傑一股賊匪約有二三千人於本月初一二等日由房縣竹山竄入竹谿之簡家店花園一帶距平利之關陽坪七十餘里全保長齡分帶兵勇向南進剿總兵吉林泰孫清元由東南兜擊當即飛飭穆克登布桑吉斯塔爾喜明等探蹤迎剿與楚省官兵夾擊茲據穆克登布已帶兵取道蘭河獅子壩一帶會同喜明進剿奏入

欽定剿平三省邪匪方略

正編卷三〇九

四九五

七

百里軍報祇係於山內探剿苟逆及慶成等截剿
零匪各緣由並未能將苟逆轟逼出山痛加殲戮
殊屬無謂額勒登保屢次奏報之摺總以苟逆在
深山老林潛匿不出兵力難於施展須誘令出山
剿辦方易爲力茲又稱卽使該匪窺伺平原現有
大兵緊剿又有惠齡在峪外帶兵遏截可以無慮
是額勒登保之意不欲令苟逆出山若山內山
外皆不能辦額勒登保等竟可撤兵閒駐一任賊
匪到處蹂躪滋擾或坐待賊匪自斃有是理乎額
勒登保以十數倍於賊之兵不能剿不能堵不能
追不能截真屬奇事朕實代汝抱愧之至自入春
以來已兩月有餘數萬官兵虛糜糧餉已不知凡
幾若似此每隔旬餘奏報一次敷衍塞責則一兩
報之間轉瞬又經一月卽交夏令二麥成熟賊匪

聖祖聖孫編卷三

八

既得掠糧額勒登保又必以兩水暑熱藉詞推諉
矣額勒登保著傳旨申飭現在苟逆已由玳瑁河
等處有竄向泥峪湯峪之勢峪外惟有惠齡一路
帶兵在彼豈能將賊匪堵截額勒登保務當設法
熟籌於賊匪必由之路多方兜截再將該匪誘令
出山爲一鼓殲擒之計不可徒托空言謂一兩仗
卽可殲淨此時川北零匪爲數無多有勒保在彼
專辦無難剿盡惟湖北之樊逆曾王崔戴等股有
二三千人竄入竹谿一帶昨德楞泰已帶領勁兵
馳赴楚境與長齡孫清元等併力夾擊該匪等被
剿緊急難保其不乘間竄陝該處雖有穆克登布
桑吉斯塔爾喜明等在彼防剿恐未能攔截賊匪
又由紫陽平利逸入陝境竄至老林現在南山苟
文明一股只有一千數百人額勒登保尙不能迅

聖祖聖孫編卷三

九

速殲淨若以楚省焚逆等股又復任其竄陝入山
致與苟逆等合夥賊數增多豈不更爲棘手耶額
勒登保當一面督率鎮將將苟逆上緊辦竣一面
飛飭穆克登布等探蹤迎擊或酌量添派官兵於
平利一帶各卡隘嚴密防範毋使一名闖入此爲
至要

二十九日臣德榜奏言臣前因督兵西追自

欽定剿平三省邪匪方略

十

號張長青賊匪至開縣境內與勒保會合將川
省現在賊勢兵力通盤籌畫分佈剿捕並將應
辦事宜公同會議定局正擬督兵東行接據田
朝貴稟報白號張長青餘匪被追情急直向東
奔有走雲奉之勢臣查東面巫大邊界無兵當
卽派令達勒精阿武隆阿及原任提督七十五
等帶領馬步兵勇二千餘員名星飛至萬縣由

水路趕赴夔州府在於扼要處所確探迎剿邊
其東竄之路臣仍由陸路搜剿零匪東進十五
日申刻行至雲陽之路陽三壩紮營後時已天
晚哨探大龍池現有賊匪三四百人滋擾相隔
祇一大山梁當卽督同賽冲阿色爾滾馬瑜等
帶領侍衛將弁馬步兵勇趕前進剿翻過山後
將抵紅巖溝賊衆遙見官兵卽行狂奔當被馬
步兵勇疾馳追至白廟子斃賊五十餘名生擒
賴大春等二十一名匪衆由畫眉壩西竄旋又
被田朝貴等帶兵自傅家壩迎頭截殺斃賊二
十餘名生擒何智雲等十五名連夜解送到營
訊係宋國品股賊因開縣一帶兵多原要東逃
不料被官兵打回餘無要供一槩正法殘匪已
由譚家壩奔向東開西北而遁查田朝貴所追

欽定剿平三省邪匪方略

十一

白號張長青股匪離向東逃而達勒精阿等所帶官兵又順流趕過賊前該逆斷不能竄楚

臣

卽飭令田朝貴等帶兵就近跟剿宋逆必須務

淨根株不可令其他竄十六日據總理奉巫團

練知府周景福等稟報有自楚竄入八石坪賊

匪二百餘人在白菓寺龍湊子屯踞初七日經

委員候補經歷龔元泰激勸沙啞黃啞兩寨團

剿平匪黨續卷三

七

勇首董曰康胡永順等帶領寨勇截殺斃賊三

名招出難民楊時貴訊係白號小頭目王姓帶

領餘匪向大堰塘東瓜山竄去又據夔州協副

將富明阿知府方積等稟報初八日奉節之康

家橋推磨子突有賊匪二百餘人竄來當卽飛

飭防卡把總李林軍功劉繼先孔貴等就近截

剿一面抽調防兵三百名富明阿卽督率署都

司劉順等至九盤子直攻賊巢斃賊十餘名奪

獲驃馬旗幟刀矛等件惟把總李翠首先帶兵

力追至山後密箐中猝被戕害把總魏宗先力

敵救護亦受石傷幸衆兵勇趕到悉力剿殺又

殲賊十餘名賊始敗走石馬河東竄十二日又

經巫山文武探知抽撥兵勇二百名派令外委

何進軍功朱得龍陶之純在羅門地方兜截斃

剿平匪黨續卷三

七

賊五名淹斃三名救出難民童洪漢等五名搶

獲順刀鞋帽綢帶等物復追至菜子壩不料溝

內伏賊突出兵勇被圍軍功陶之純身受石傷

鄉勇內陣亡陳學仁等三名受傷者四名把總

許耀外委何進力戰殺賊三名賊始敗走柏子

溪各等情十九日臣行次奉節之乾溪口據達

勒精阿武隆阿等稟稱白號張長青賊股差探

尙未東來惟就近之羊耳山現有賊匪百餘人當卽發兵搜捕該逆見兵不敢接仗卽四散亂竄經馬步兵勇分投力追共殺死四十餘名生擒金元等十八名追至龍溪河淹斃約有二十餘名祇剩二十多人翻山散逃訊係黃號零匪由巴東過川還有藍號二千多人聽見大兵到了先已東折獲犯訊明分別辦理迨臣兵抵夔

剿平逆裔編卷三頁

古

州府之草堂河又據達勒精阿武隆阿七十五等稟報探得白號張長青股匪又與一起零匪合夥已至大昌屯住相距不過六七十其時雨霧瀰漫卽連夜督兵前進天甫黎明大雨如注各逆俱在房屋內炊爨武隆阿七十五等率同遊擊蕭太和都司楊正雄沈彪等帶領兵勇由右手傍山而進達勒精阿帶同侍衛珠爾杭

阿總管蘇卿阿等帶領官兵由大路直進出其

不意突加剿殺立斃賊匪四五十名賊眾向河

岸撲水淹斃約有五六十人生擒七十餘名達

勒精阿武隆阿過河跟追七十五帶領兵勇抄

出後山自上壓下前後圍剿又殺賊三四十名

生擒九十餘名餘匪四散奔逃兵勇分投趕捕

又活捉男婦賊匪一百餘名搶獲驛馬五十七

剿平逆裔編卷三頁

古

頭匹各營呈繳耳級五十三副賊旗二十三面

刀子二百五十七件獲犯內訊出張長青之妻

李氏張長生之妻劉氏偽總兵張正魁之妻譚

氏並探馬頭旗手李朝卿等三名訊據李朝卿

及張李氏等供稱前在湖北被官兵趕回四川

原有一千四五百人沿途殺的散的很多走到

開縣地方又被官兵趕殺只剩四百多人要過

湖廣去前日有巴東來的白號王姓二百多人合夥纒湊合了五六百人今日又被官兵殺的拏的淹死的將要完了不知張長青是殺了還是跑了等供捉獲賊匪差弁押解來營聽候查辦所剩殘匪不過百餘人現經趕緊搜捕務期根株淨盡各等情又據前差楚境密探回報有黃白青等號合夥賊股約有三千餘人由興山

製書部彙編卷三

六

龍池折回歸州之水田壩牛口一帶滋擾又有藍號一股賊匪約二千餘人已過界嶺有入巫山境內之勢均無兵剿辦其王曾崔胡戴等逆已向二竹一帶逃竄有二路官兵跟剿各等情伏查^臣兩次分兵過楚兜截賊匪三股入川共計二千數百人內除陳自得白號張長青兩股剿除各剩一百餘人其線字號一股前已全行

製書部彙編卷三

七

剿淨川省現在已無成股賊匪所剩不過殘敗遺孽為數亦不過數十人至一二百人不等有勒保督率各路將領分投剿辦而各州縣辦理團勇之委員等均能實力搜捕自可迅就肅清惟楚境歸巴合夥有數千餘人勢較鴟張而全保長齡孫清元吉林泰等三路官兵已向北追勢難顧及^臣現雖移師至夔距歸巴賊屯之處相離五六百里不等該處距江岸不遠設有疎虞所關匪細必須設法自東兜截將楚省歸巴一帶江岸先行肅清是以^臣酌令達勒精阿武隆阿七十五等帶領馬步兵勇三千餘員名令在川東一帶搜捕零匪並防楚匪被剿入川即可與^臣兩面夾擊現已飭令夔州府方積署奉節縣知縣徐大椿雇覓船隻即由各路順流下

楚又恐各逆驚而他颺擬令各營捲藏戰旗每
船豎打凱旋官兵旗號使賊疑爲川境撤兵自
必乘虛竄至臣兵從東剿達勒精阿武隆阿七
十五等兵由西迎均可痛加剿洗臣仰仗

天威一經剿擊自必立形瓦解次第殲除楚境若無
成股之賊則三省大局均可戡定矣奏入

上命軍機大臣傳諭德楞泰曰此次德楞泰派令將

聖訓彙編卷三

六

領沿途搜捕零匪及白號張長青一股共計殺賊
一百五十餘名生擒二百六十餘名淹斃五六十
名所辦尙好惟歸巴巫山等處有黃白青等號賊
股約三千餘人又有藍號一股約二千餘人相距
江岸均不甚遠川楚邊界犬牙相錯在在毘連賊
匪朝川暮楚原無定向在川卽爲川匪在楚卽爲
楚匪德楞泰身爲叅贊斷不可心存畛域現在旣

由水路順流而下抄出賊東自應遇賊卽剿先清
江岸此時川省已無成股賊匪所剩不過敗殘遺
孽爲數無多有勒保督率將領分投搜剿自可迅
就掃除德楞泰如能將江岸之黃白青藍等號賊
匪殲戮淨盡仍當帶領勝兵卽赴楚北二竹等處
協剿樊人傑及曾王崔戴等逆俾楚境一律肅清
竝膺懋賞再前據吳熊光奏冉井二逆在歸州興

聖訓彙編卷三

九

山一帶遊奕派孫應奉蔣觀濤前往截剿曾經降
旨諭令德楞泰由川赴楚順道先將該二逆剿淨
此次摺內未經提及其實近江岸之黃白青藍等
號兩股賊夥是否有該逆在內孫應奉蔣觀濤等
曾否帶兵前來及現在如何剿辦之處著德楞泰
查明具奏又據獲賊供稱白號一股被官兵剿殺
殆盡不知張長青是殺是跑等語並著德楞泰查

明張長青實在下落遇便奏聞所有殺賊陣亡之把總李翠著咨部賜卹

三十日庚子吳熊光奏言臣自上年抵楚以來卽

諄飭各地方隨時密察加意撫輯并曾派委安

員改裝易服分投訪查實俱各安耕鑿地方一

律寧帖數年以來川陝賊匪屢竄入楚並無習

教未起之人出而從逆之事此其明証本年二

聖朝聖鑒編覽

二十

月間登據前任荆宜施地崔龍見署施南府知

府張許及恩施建始巴東等縣稟報二月初二

日有官兵十八名從川省奉節縣之五龍溪過

江至南岸上坡赴店買飯因爭論價錢彼此吵

鬧而散適是晚朱姓家失火燒燬草房數間村

民疑作賊匪假扮官兵偷渡放火遂致以訛傳

訛有賊過江之信至十一日德榜泰軍營差弁

兵陳偉等十五名由萬流渡過江南岸該處義

勇見其腰纏白布恐係賊匪冒充官兵卽將陳

偉等捆縛送交巴東縣經知縣戴聖哲訊明釋

回等語臣查軍營向多謠言卽如徐添德龍紹

周久報殲斃而自去秋至今每遇獲犯僉稱該

二犯仍在川省老林內藏匿臣恐係賊匪反間

為搖惑人心之計曾諄囑全保長齡及各鎮將

聖朝聖鑒編覽

二十

於審賊時如有此等供詞當密存諸心不必聲

張以防奸計又臣在豫省時凡遇賊匪竄近襄

陽必稱襄陽另有教匪起事接應紛紛傳播其

實毫無影響伏思地方果有其事亦當處以鎮

靜以期潛消默化況現據稟稱事涉子虛若紛

紛飭查恐無識之員辦理不善轉致釀成事端

臣當飭委荊州府知府張方理借清查叛徒為

名前往再加密訪并令傳諭各地方官不得藉

端吹求致使百姓驚疑臣仍隨時留心防範荆

江水深江濶更非漢江可比臣早密飭該道府

董率地方文武遇賊竄近之際毋許船隻停留

北岸又面諭副將蔣觀濤等總由東南向西北

追剿防其窺伺南岸揆度目下情形似可毋庸

過煩

聖鑒事

王

聖座至楚省賊匪上年冬間實止王曾一股人數不

及二千迨本年正月間該匪竄往川東大寧巫

山一帶與樊崔胡等逆糾約合夥回竄楚境人

數頓增共有四千餘人聞老教及真正矛手亦

不過千人其餘皆係被裹男婦幼孩自節次截

剿以來除臨陣殲擒及隨裹隨散外現在各股

人數實不過三千餘人若一經痛剿則裹脅之

人不難即時解散倘蒙

皇上俯准臣前奏派令穆克登布帶兵赴楚幫同孫

清元等併力剿辦亦似可得手就楚殄除至前

由巫山竄來之冉井等逆尙在興歸一帶所打

旗幟係藍線二號節據擒獲探信賊供稱此股

內尙有陳姓管事不知名字或卽係德榜泰所

稱蒲添寶與陳時觀之子等合夥之賊前據各

聖鑒事

王

屬探報約有數千人未可據信臣已密札蔣觀

濤等確切查稟統計楚省王曾樊戴崔胡及陳

蒲冉井各逆并竹谿境內零匪連裹脅幼孩婦

女大約亦不過共有五千餘名臣不敢稍存諱

飾再曾王樊崔各逆經總兵孫清元吉林泰於

初九日在褚河剿敗後賊匪分股由箴籬山咸

池逃竄十一日至白河口合夥孫清元等於十

二日追至賊匪一見官兵即亡命撲河而逃遊擊烏勒喜訥都司姜元祥等帶領前隊弁兵星馳歷下軍功鄭光明甘魁等奮力趕躡箭射矛戮共斃賊六十餘名淹斃賊匪數十名生擒王開喜等十二犯訊無要供當即正法餘匪俱扒大山而逸撫臣全保提臣長齡由司馬崗一帶前進沿途亦有斬獲賊見兩路官兵分投追捕

又向西南老莊子一帶奔竄其前竄與歸境內之川匪一股聞副將蔣觀濤孫應奉等帶兵前往亦竄入老林藏匿臣業經登札嚴催不准遲緩其附近房竹一帶零匪全保長齡亦已抽撥兵勇前往搜捕以冀上緊廓清奏入

上命軍機大臣傳諭吳熊光曰吳熊光覆奏查明楚省南岸並無伏而未起之賊是日前德榜泰所奏

南岸賊匪欲商同各號乘空搶船渡江竟係誤聽人言不足憑信其差弁兵陳偉等帶兵過江往查一節亦屬冒昧吳熊光現因事屬子虛不令紛紛飭查致百姓互相疑懼惟持以鎮靜密為防範所見甚是至曾王樊崔各逆經孫清元吉林泰等在七架山一帶趕剿薄有斬獲而長齡孫應奉蔣觀濤等分投追捕一時均未得手吳熊光惟當飛催長齡等上緊剿辦以期尅日廓清再穆克登布在平利邊界堵截竄匪該鎮已調任永州雖尙未至楚而所辦之賊即係楚省曾王崔戴等逆吳熊光應即遵照前旨札知穆克登布帶兵截剿正可與孫清元等為兩面夾擊之勢至該省糧餉關係緊要現不待該督等奏請已另降旨將江西省捐監銀撥給十萬兩令張誠基派員迅速解楚備用該

《聖朝實錄卷三》 三

《聖朝實錄卷三》 三

省軍儲自必益臻充裕也

上又命軍機大臣傳諭張誠基曰張誠基奏藩庫捐

監銀九萬九千四百餘兩現在楚省剿辦教匪大

功將次告竣一切善後事宜需用尙繁著張誠基

將前項銀兩湊足十萬兩卽派委委員解往湖北

交吳熊光存貯備用

欽定剿平三省邪匪方略

正編卷三十一

欽定剿平三省邪匪方略正編卷三百十 壬戌年

四月初一日 辛丑 勒保奏言 前與叅贊德楞泰

在南埡場會合後當卽知會賽冲阿温春蒲尙

佐統領原帶馬步官兵由雲開取道夔門趕赴

德楞泰軍營歸隊會同赴楚探剿楚省各股賊

匪 臣與豐紳卽由新寧取道前赴達州歸併各

路官兵分定段落責成各鎮將等將現有各股

欽定剿平三省邪匪方略

正編卷三百一

餘匪分路搜捕連日接據總兵田朝貴稟報該

鎮自初十日在乾溪溝等處將 日號張長青股

匪痛加殲洗擒斬五百餘名餘匪分作六七股

向東鄉開縣境內四散逃竄田朝貴等正在帶

兵探剿間十四日行抵傅家壩探得白號宋國

品一股餘匪百餘人正由江口奔逸有竄向夔

門之勢經叅贊德楞泰聞信卽分兵截剿該匪

折回畫眉堽適與田朝貴一路兵勇相值田朝貴當卽督率官兵迎頭衝殺將賊匪壓至徐家溝立時殺斃十餘名生擒十五名餘匪見前後有兵追殺卽翻山越嶺四路逃散田朝貴將活賊查訊內有偽先鋒牟玠一名據供宋國品新自立爲元帥封我及同夥羅登明爲先鋒因四川官兵追殺要由夔州竄過湖北去不想德將

聖朝聖德編卷三章

二

軍的兵追來又向開縣一路逃回今日又遇著官兵那羅登明被兵殺了等語田朝貴當令指出偽先鋒羅登明屍身割取首級並將該犯牟玠等十五名就近解赴德榜泰軍營聽候審辦田朝貴跟探宋逆追捕十五日行至燈盞窩地方探有賊匪數十人正在圍攻硃寨田朝貴卽派遊擊羅思舉分帶兵勇前赴該境見有賊目

一名手執白旗指揮衆賊撲寨兵勇上前剿捕立斃賊匪四名當將執旗之賊擒獲訊據供稱我係劉朝選的繼子名喚劉紹甲所帶數十人皆係白號餘匪劉朝選前被官兵擊散後我卽帶衆附入宋國品股內今日宋國品在李家壩屯紮叫我來打撈糧食不想官兵將我擊住田朝貴當向查訊劉朝選蹤跡據稱近日各處我

聖朝聖德編卷三章

三

尋未遇等語當將該犯及另復活賊五名一併正法田朝貴仍督同羅思舉向李家壩探剿宋國品股匪詎該匪被寨民集衆堵擊已經翻山竄去羅思舉帶領兵勇探蹤前往途次譚家壩河岸適有四五十人沿河行走官兵乘便剿殺斃賊七名追逼落河淹斃三十餘名生擒二名查訊此起係白號張簡餘匪高將該二犯正法

田朝貴仍督官兵向前探剿十六日行抵迴龍
碕地方探得山坡草房內有賊匪數十人潛匿
又督官兵圍捕殺斃四十餘名生擒九名訊
係宋國品股內餘匪此次已被兵剿淨十七日
移兵石埡子據太平碕民人報稱相距六十里
之火石溪板廠溝地方有賊匪一股在被滋擾
田朝貴卽連夜進兵次日五鼓行抵該境有賊
匪七八十人在空屋內停歇當卽分兵前後兜
圍殺斃五十餘名生擒二十八名全股剿盡並
無一名漏網訊係劉朝選股內餘匪其宋國品
所帶殘匪尙在東開交界一帶奔逸現在探剿
又張志林一路官兵經臣飭令由忠州梁山墊
江隣水一帶沿途搜捕於十五日行至梁山據
報該縣柏林漕地方有摸樁賊匪約四五十人

在箐林中賊匪晝伏夜出查得該境山坳遍產
叢竹聯綿里許張志林飭令兵勇縱火焚燒賊
匪被燒情急衝突而出經兵勇圍住殺斃三十
餘名焚死十餘名此起零匪業經殲淨又據探
報中峯寺地方有賊匪一起奔竄約二百人張
志林復移兵剿辦該匪一聞有官兵追剿卽分
作兩股一股數十人由李子寺一帶逃逸一股
百餘人由圍居寨山梁佔踞張志林立刻分兵
追捕其李子寺一路之賊已翻山竄逸無蹤其
圍居寨山梁之賊經寨民率衆截擊鎗斃賊匪
二名該賊奪路奔逸適張志林督兵趕及賊尾
殺斃二三十名滾崖跌斃十餘名生擒七名餘
匪由草山山東開一路竄去訊據活賊係白號
張長青匪當將該犯正法臣伏查此時賊勢

自忠萬至林大一帶經張志林官兵搜查並無
 竄匪藏匿梁山境內零匪亦已肅清開縣東鄉
 之間又有田朝貴一路兵勇在彼搜捕惟川北
 張魏餘匪一二百人臣前飭建昌道劉清會同
 遊擊馬績恒慶等分帶兵勇在巴州南江通江
 等處輾轉跟追據稟報該匪已竄入雲霧山者
 林劉清等一時尚未能得手而太平中前後三
 河一帶復有各股剿剩餘匪百十為羣忽分忽
 合均需分兵剿辦所有豐神原帶官兵前經臣
 與德楞泰商議撥赴夔州交七十五武隆阿管
 帶以備截剿自楚竄來之賊此時豐神前赴川
 北無兵可帶現在於臣一路派出遊擊陳龍驤
 於張志林一路撥出遊擊唐際盛夏雲龍共計
 官兵一千四百餘名交豐紳帶領前赴川北並

將遊擊馬績恒慶所帶官兵六百餘名亦一併
 歸令管帶是豐紳一路兵勇已有二千餘名足
 敷剿辦當即囑令在川北廣蒼通南等處一面
 督剿現有張魏餘匪一面防堵陝境竄來之賊
 其薛大烈張績一路官兵近日自陝回川亦與
 會合惟薛大烈適患寒火鬱結之症臣暫令
 在達城醫藥調治其所帶官兵即分交張績與
 達斯呼爾岱二人帶領張績由七里峽取道前
 河達斯呼爾岱由大成寨取道後河肅清三河
 一帶之賊至張志林一路除撥出唐際盛夏雲
 龍兩隊官兵外所餘兵力無幾不敷剿辦當將
 一路兵勇酌撥該鎮管領前往新梁忠萬一
 帶腹地往來巡哨以防賊匪竄入至此時分兵
 搜捕零匪與從前跟剿大股情形不同臣若專

聖朝實錄卷三

六

聖朝實錄卷三

七

赴一路督剿恐顧此失彼現在卽往來東鄉達
 州新寧開縣等處酌量緩急隨地駐紮督催剿
 辦此時川省零匪統計不過二千餘人如此分
 兵剿捕自易淨盡設再有成股賊匪竄來臣仍
 當酌調官兵親自帶領督辦再湯劉二逆近日
 總未得其蹤跡查東鄉爲該逆原籍居民相識
 者甚多臣現又懸立重賞刊印賞格交總理團
 寨知府趙秉淵分散東鄉各寨務期弋獲奏入
 上命軍機大臣傳諭勒保曰此次田朝貴張志林兩
 路官兵分投搜捕殲擒賊匪或數十人或十餘人
 並無大股之賊其所擒賊目劉紹甲等亦祇係新
 起賊目非復積年老匪且聞官兵一至或潛匿草
 房或藏入箐林聚散無常零星竄逸看此情形川
 省賊勢已衰卽間有潛出摸樁者亦祇與囑匪相

聖朝聖鑒編卷三章 八

類此時正當專事搜捕仿照地方辦案卽可完結
 但不可心存玩視草率將就須知除惡務盡實力
 實心飭令該鎮等按名弋獲勿致漏網至勒保此
 時因張魏餘匪竄入雲霧山老林而太平一帶復
 有剿剩餘匪百十爲羣忽分忽合派令豐紳帶領
 兵勇二千餘名前往督剿並令一面防堵陝境竄
 來之賊自應如此辦理現在陝省苟逆一股經額
 勒登保等帶兵轟逼將欲出山該逆出山之後未
 必東趨自必轉而西竄西面甘肅地方土瘠民貧
 無可裹脅該逆亦未必竄往恐由棧道折竄入川
 勒保當督飭豐紳等留心防範嚴密堵剿設該匪
 竄來正可與陝省官兵會合兜剿務將首夥各犯
 悉力殲除此時勒保駐劄達縣一帶距川東稍遠
 現在楚境歸巴興山等處賊勢散竄德楞秦雖已

聖朝聖鑒編卷三章 九

相機招撫若能全數投出即可肅清一路於剿捕機宜似屬有裨臣即折回澇峪仍督飭楊芳分兵四處搜捕以期剿撫兼施尅日淨盡連日又接據叅將李英多稟稱在茨溝腦搜殺賊匪十餘人搶獲白旗鎗矛等件餘匪四五十人紛紛逃入老林已添派鄉勇入林搜捕又據寧陝同知張約稟稱永隆寨總熊朝萬等在上壩老林搜獲零匪蔣正春等四名均係苟逆股內矛手當經批飭即行正法查此等零匪三五聚集不成股數臣俟將劉逆餘匪辦竣再督飭楊芳搜捕淨盡至苟宋二逆合夥之賊經楊遇春截殺之後又翻至秦嶺北面湯峪泥峪一帶逃竄臣因正在分兵圍剿劉逆餘匪喫緊之際未能分身即派令遊擊馬得都司馬進等帶領官兵

欽定剿平三省邪匪方略

正編卷三一〇

欽定剿平三省邪匪方略 正編卷三一〇

七百名趕往西路堵截適札克塔爾格布舍等亦帶兵抄至北面峪口一帶截擊該匪仍折回山內我兵冒雨進剿三十餘里殲斃賊匪十餘人人生擒六名該匪折向東南巴陵河黑虎橋一帶奔逸額勒登保已由華陽板房子一帶前來楊遇春亦由杜家莊一帶兜剿慶溥業已趕至黃柏園一帶各路官兵緊逼賊蹤日內當即有得子勝仗再前從川省竄入寧羌境內之賊二百餘人經提督慶成帶同革職總兵胡定泰節次殲擒祇剩敗殘餘匪二十餘人無難即就掃除奏入

上命軍機大臣傳諭額勒登保惠齡曰劉永受一股本非著名首逆該犯現被官兵衝散只剩一百二十餘人諒無難即日殄除淨盡即或有二三人未

欽定剿平三省邪匪方略

正編卷三一〇

五一一

獲尙屬無關輕重此時惟苟宋二逆合夥之賊最爲要緊若經官兵轟逼出山惠齡務當督率將弁併力殲除斷不可令其四散奔竄再闖入他境致稽時日至所奏苟宋夥匪經楊遇春截殺之後翻至秦嶺北面又經札克塔爾截剿均小有斬獲現在額勒登保已由華陽一帶進兵與楊遇春慶溥等四路緊逼日內即可得手額勒登保務須趁此官兵雲集賊匪困聚之時趕緊擊剿不可再有遲延若能將苟宋二逆剋期辦竣額勒登保應卽統領勝兵由平利紫陽前往督率穆克登布迎截由竹谿竄來之樊會王崔載等逆以堵爲剿與楚省官兵收兩面夾擊之效以期一鼓殲除所有陝省劉永受等一二零星餘匪及寧羌境內剿殘之賊額勒登保即可交與惠齡慶成慶溥楊芳等分投

聖祖實錄卷三十三 十四

搜捕將陝境一律肅清

初二日王慶成奏言查張魏分股本無著名首

逆係偽先鋒丁佳蘭丁強宗二人管帶由通江

竄入陝境經臣帶領馬隊趕至寧羌之麻柳壩

陽平關等處迎頭剿殺奮力窮追新裹之人槩

行追散所餘殘匪雖百餘人皆係各股積年戰

手狡猾狂奔晝伏夜出意在疲我兵勇希冀遠

颺臣分布弁兵繞拒截擊本月初九初十等日

據派去守備任海千總齊慎馬忠良等報稱探

得賊匪竄至塔佛寺一帶知有官兵入林搜捕

潛在林內埋伏該備弁分三路直前衝殺與賊

短刃相接立斃賊匪十餘名生擒五名餘匪正

在敗逃適遇都司張起鰲等帶兵迎剿兩面夾

擊又斃賊二三十名餘匪狼狽奔逃有繞趨黑

擊又斃賊二三十名餘匪狼狽奔逃有繞趨黑

聖祖實錄卷三十三 十五

河之勢查守備李如緒熟悉黑河道路_臣先令該備前往扼剿十二日寅刻殘匪數十人果向黑河逃竄李如緒帶兵至九條嶺黃連埡迎頭笑出該匪猝不及防紛紛亂竄適都司張起鰲守備任海等帶兵踵至併力剿殺僅剩零匪二十二人大半空手深入林箐正在督率搜捕間探得張魏股匪現由通南地方西竄漸近陝境

《聖鑒事類彙編卷三》

七

_臣聞信卽儘隨帶兵勇先行馳回截剿其在老林散逃零匪就近飭知防堵文武並傳知寨團協同守備李如緒兵勇一體搜緝_臣途次沔邑桑樹灣聞張魏賊匪已竄過寧羌州屬棧西之七里壩一帶滋擾迄未接見總兵永明及各卡員弁稟報未悉由何路闖入_臣刻卽帶兵馳往剿辦奏入

上命軍機大臣傳諭額勒登保慶成曰慶成本在畧沔一帶剿辦零匪因聞張魏賊匪數百人現在已由川省通南地方竄入陝省卽趕赴川陝邊界截剿自應如此辦理此時張魏賊匪已竄過寧羌州屬之七里壩等處或又思竄入陝省南山一帶與苟文明合夥奔竄亦未可定現在苟逆一股尙有一千五六百人在南山內往來奔竄額勒登保剿辦尙未得手若再添入合夥之賊辦理更爲費力此股賊匪卽責成慶成上緊截剿總當自東向西扼其旁竄之路切勿令其闖入南山老林此爲至要至慶成原剿零匪據稱經官兵屢次搜剿之後所剩不過二十二人已派令守備李如緒與就近防堵各員及各處寨勇併力搜捕卽飭令該守備等迅速剿淨不可再留餘孽又據奏此次張魏賊

《聖鑒事類彙編卷三》

七

匪竄過寧羌州一帶滋擾迄未接見永明及各卡員弁稟報永明係該處防守大員何以未經報知著額勒登保慶成詳悉查明賊匪係於何日竄陝經由何處卡隘守卡員弁係屬何人如何竄越及永明何以未經具報一併據實奏

初四日甲辰額勒登保奏言竊臣據札克塔爾格

布舍等報稱苟文明股匪於十三日有從泥峪

《聖朝實錄卷三十三》

六

竄出湯峪口之勢札克塔爾等緊傍山根由東向西轟擊並派副將張瑗都司金步雲等帶領步隊兵勇跟蹤追剿賊匪竄至新開山我兵奮力趕往殲斃七名生擒四名該匪即折竄紅水河孫家地副將張瑗等仍於山內躡蹤逼剿札克塔爾等帶兵於柳家村設伏以備截殺該匪聞風折竄於十六七日遁入太白山東北老林

《聖朝實錄卷三十三》

九

之內因知我兵逼近均於大山之巔四散石扎我軍每由險峻無路之處攀援進攻該匪早已望見躲避轉難得其確蹤實堪憤恨據逃出被脅民人報稱賊匪因山內糧食稀少探聽峪口何處無兵即欲潛出掠食等語札克塔爾等以賊匪藏匿老林出沒無定非誘之使出不能剿殺遂傳令官兵由雲頭口拔營進辛口峪使賊匪知我兵業已他往必即由西路泥峪竄出密令副將張瑗蕭福祿等酌帶兵勇於雙廟子設伏以待札克塔爾格布舍於辛口峪探蹤策應並扼其東竄之路二十日夜間賊匪大夥屯聚石門果有分出矛手二百餘人由泥峪竄出擄掠副將張瑗蕭福祿等帶兵出擊殺斃十五人生擒八名奪獲刀矛四十三件札克塔爾等

聞信帶領馬隊官兵趕到賊匪已折入峪內扎
克塔爾格布舍率同侍衛官兵追趕三十餘里
鎗箭並發斃賊二十餘人賊匪由鷹嘴石翻越
老林而遁據獲犯張志富供稱苟張元帥前與
宋李合夥共有一千六七百人因林內糧食無
多令我們悄悄地擄掠西出桃號二川別無要供
當俱正法扎克塔爾次日仍帶官兵自北而南
通剿楊遇春李應貴等於魯家巖聞信卽帶兵
由方柴關沙壩自西而東協擊臣恐賊匪由南
面太白梁老營竄出都督河黃柏園向西南逃
遁遂由二郎壩碾子嶺一帶探蹤進擊以爲三
面兜擊之勢並令慶溥帶兵於古子灘策應臣
於二十三日抵都督河探得該匪知數路官兵
圍剿存紮不住已漏夜從琿瑯河東道黑河橋

聖朝聖編卷三

三

臣遂翻越秦嶺由厚畛子至包穀地顧住西面
攔截二十五日進抵板房子接據扎克塔爾等
來信云賊匪竄至小王澗東河口向東南奔逸
扎克塔爾現已率兵緊躡追剿楊遇春由黑水
峪黃草坡顧住東面截剿臣本日由小秦嶺趕
往東嶽殿抄住西面探蹤迎剿並令慶溥由大
小澗溝出九壩大古坪顧住西南山口堵截各
路官兵緊扼東西北三面均向南路轟擊該匪
定不能於大山老林內久延殘喘臣已查次知
會各路一俟該匪竄出老林卽不令其折入再
涉遲延至劉永受一股賊匪竄至龍峪甘峪一
帶惠齡分派官兵入山與楊芳所帶兵勇分路
圍剿該股匪內有分出零賊三十餘人經楊芳
一路弁兵殺斃十餘名賊匪滾跌斃十餘名

聖朝聖編卷三

三

楊芳現仍在甘峪一帶剿捕至楚境會王樊戴等匪前此竄近平利臣飛飭穆克登布帶兵迎擊趕至曾家壩該匪因聞陝境有兵仍折向竹谿東南竄官渡向房縣之獐狝河而去惟竹谿邊界之萬佛崖紅巖溝尚有零匪百餘名在山林內藏匿臣已飭知穆克登布務須探明剿洗淨盡勿令在彼游奕再臣接到吳熊光來信以現有兵力不敷分撥帶兵鎮將亦少素有勇畧之人曰

省扼要之區楚省賊匪固可由此闖入川陝而川陝賊匪更得由此竄入楚境而且地方遼濶山大林深連年以來皆成賊藪去歲龍紹周在彼屯聚糾集已至萬餘自臣與德楞泰帶兵掃除之後即派令穆克登布帶領貴州廣東等省官兵及鄉勇共三千餘名在彼往來堵剿凡川楚賊匪竄近登經剿殺截回故未能深入滋擾此不特於川陝有裨即楚省房竹邊界亦皆恃以無慮今若令該鎮移師入楚臣又急切不能另籌得力官兵前往更換則安康紫陽平利以及洵陽白河一帶賊匪又必往來自如甚或又竄過漢江北岸闖入南山則辦理更為棘手實未可輕易更動至臣現帶之湖北湖南官兵除傷亡病故及陸續遣回之外現存已止一千一

聖朝聖訓卷之三十一

聖朝聖訓卷之三十一

二百名臣現在所剿苟逆股匪不過一兩旬可

以得手一俟得獲勝仗後即當將湖北湖南官

兵先行撤令回楚彼時或苟逆業已殲擒或餘

匪實在無幾即當派令鎮將帶領兵勇搜捕惠

齡可以就近督率趕辦臣即酌帶官兵前赴安

康平利竹谿竹山邊界一帶察探楚境賊情或

只須派撥鎮將入楚協剿或須臣親率官兵入

楚督剿並即知會德楞泰由歸巴前進楚境賊

匪雖多要皆裹脅之眾兵威震懾定不難於得

手臣現已札知穆克登布暫勿輕動如穆克登

布必須調赴楚省所有該路官兵不可無大員

接管查賽冲阿調任寧夏將軍陝甘即同一省

川省提鎮副都統已有十數員足敷帶兵應催

令速即前來以便於安康平利一帶帶兵堵剿

庶為得力奏入

上命軍機大臣傳諭額勒登保吳熊光曰苟逆股匪

在山內輾轉逃匿官兵總未得手皆因四散奔竄

之故今額勒登保乘該匪由小王澗一帶向東南

奔逸一面派扎克塔爾緊躡追剿一面派楊遇春

顧住東面截剿額勒登保親身帶兵抄住西南探

蹤迎擊並令慶溥顧住西南山口堵截現在各路

官兵緊扼東西北三面均向南面轟擊使賊匪不

能於山內屯紮逼出老林所辦甚是但該匪轟出

老林之後額勒登保務須督率三路勁兵一鼓撲

滅將該逆首夥賊匪殲戮淨盡既不可使竄逸平

原亦不可復令折入山內方為妥善又據奏派令

賽冲阿來陝帶兵更換穆克登布赴楚等語前據

吳熊光奏楚省賊匪較重請令穆克登布將所帶

官兵迅速赴楚省幫辦當即諭知吳熊光以陝省邊界現有湖北賊匪一股二千餘人竄近平利即係穆克登布在彼防堵是穆克登布雖未至楚所辦即係楚省之賊伊已調補永州鎮總兵吳熊光儘可剴知該鎮在陝境實力堵截倘賊匪折回跟蹤追剿正可與楚省官兵收兩面夾擊之效並未令徑赴楚省亦未令其將所帶之兵歸入楚省軍

營穆克登布雖勇敢素著但若令該鎮一人赴楚亦不過添一戰將如孫清元吉林秦之類豈該省軍容遽能改觀若令穆克登布竟帶全隊之師赴楚聽候調遣則平紫一帶竟無重兵堵剿楚省竄匪豈不肆意奔突全無攔截耶總之教匪在何省分即為何省之賊省分之名雖異仍不過此數股敗殘之匪若妄生分別轉稽時日迄無蕪事之期

聖朝實錄編卷三十一 三

矣至賽冲阿係德楞泰營內帶兵得力之員此時額勒登保調令來陝恐德楞泰亦未必即令離營穆克登布既未即離陝省則賽冲阿亦不必前赴陝省軍營朕前有旨令額勒登保於辦完荷逆後即親統勝兵由平利紫陽一帶進發本日額勒登保摺內亦稱俟荷逆殲擒餘匪無幾即親自帶兵赴安紫一帶察探楚境賊情酌量剿辦所奏甚是

額勒登保一俟旬日內將荷逆辦竣後此外如有零星未淨之賊著交惠齡慶溥楊芳等督率搜捕額勒登保即可移師至平利堵剿再令穆克登布帶領湖南湖北之兵赴楚方為妥協

同日德楞泰奏言臣沿途搜捕零匪於二十五日行抵巫山據達勒精阿武隆阿七十五等報稱張長青賊股前在大昌痛剿之後該逆率領

聖朝實錄編卷三十一 三

餘匪百餘人冒雨北奔經達勒精阿等緊追至
大寧通城又殺賊二十餘名餘匪不過六七十
人四散竄入老山北逃因據探報楚匪二千餘
人已翻界嶺西來達勒精阿等酌量情形卽帶
兵折回迎剿臣隨又飛飭駐防大寧營卡之遊
擊何占鰲總理大寧團練之道府鄭成基等就
近帶兵齊團將白號零匪數十名搜捕淨盡其
楚來賊叟知西面有兵仍卽折回界嶺東去又
前此屯聚歸州之雙土地歸坪一帶夥匪知川
省官兵欲由水路東下現已北竄興山江岸無
賊又探得折回界嶺以東之賊匪二千餘人尙
屯於巴東之大花巖等處若臣乘船東下道路
紆遠卽於巫山改由陸路翻界嶺向東北而進
如賊匪尙在該處卽就近探明截剿設該逆被

聖訓寶鑑卷三

天

剿西竄入川亦卽臣躡賊蹤與達勒精阿等前
後來擊或該逆聞風先颺尾隨前股賊蹤東奔
興山臣自當探明追剿再據興安府知府周光
裕稟報王曾崔胡等逆已竄至安康屬之閬陽
坪查楚省全保長齡孫清元吉林泰三路官兵
自不能悉力過陝勢必有折回西顧剿辦者臣
兵由西北前進楚兵勢必自東南而來定可兩
面夾擊是以現擬仍令達勒精阿武隆阿七十
五等帶領馬步兵勇二千餘員名在於巫山大
寧界上扼據毋論川楚大小賊股竄來均可隨
時剿辦至川東之雲泰巫大四縣現在已無賊
匪全行肅清惟川北張魏餘匪尙有二百餘人
原派遊擊恒慶等帶兵剿辦豐紳近又帶兵前
往督剿亦卽可以殲除淨盡其餘三五結黨百

聖訓寶鑑卷三

天

十成羣之賊頃據總兵田朝貴稟報自派令跟
剿未逆零匪西行節次在開縣之燈盞窩譚家
壩等處殺斃賊匪百餘名並擒獲劉朝選之義
子劉紹甲一名又在回龍洞地方趕殺宋國品
餘匪四十餘名擒獲活賊九名並採得火石溪
板廠溝有賊八十餘名即乘勝進剿立斃五十
餘名活擒二十八名並無一名漏網又據知府
方積等稟報有白號張長青餘匪被剿狂奔經
辦理葉家碛一帶團勇之委員從九品徐錦督
率寨首劉松劉珍等堵剿鎗斃九名並將大旗
手一名擊斃生擒賊目林永康賊始敗走訊據
林永康供稱今日所殺大旗手係副元帥張永
庭向在營裏管事調度等語臣復加訊驗即將
該犯臠割處死查白號張逆餘匪已屬無幾茲

又將此管事賊首賊目殲除羽翼盡去定可即
日根株盡絕當經批飭該府等將寨首劉松劉
珍等按照前定章程分賞銀牌銀兩以示鼓勵
奏入
上命軍機大臣傳諭德楞額奏日前德楞額具奏以川
省現在賊匪無多擬即飭令僱備船隻由巫山順
流赴歸巴一帶自東而西兜截賊匪乃本日奏報
忽又稱屯聚歸州一帶賊匪知川省官兵欲由水
路東下已北走興山其折回界嶺以東之賊匪二
千餘人尚屯於巴東之大花巖等處伊即由巫山
改由陸路翻界嶺向東北而進德楞額轉游移
胸無定見大屬非是又增朕之焦急矣試思巫山
距賊蹤尚遠何以甫擬由水路出師賊匪即能得
信輒行北竄若果如此則軍營消息竟任賊匪隨

時探聽成何紀律況德楞泰既擬由水路行走地方官業已辦理糧運雇備船隻今又忽改道陸行一切均須另行備辦朝令暮改何所適從設賊匪此時知德楞泰欲由界嶺陸路仍復折回江岸德楞泰豈又覓船隻沿江而下耶至摺內稱川匪漸次肅清移師探剿楚匪之語明係意分疆界尤屬非是歸巴巫山一帶川楚邊界犬牙相錯在在毗

欽定剿平三省邪匪方略

正編卷三一〇

連賊匪朝川暮楚有何定處德楞泰身為叅贊川匪辦竣後前往楚省協剿原屬分內之事前次降旨令川楚陝帶兵大員分界剿捕用專責成原以伊等各省本處有應剿之賊不能兼顧並非畫定地界若本處之賊業已剿竣豈有安坐營中擁兵不出之理卽如額勒登保本日奏到摺內稱苟逆殲淨後卽當前赴竹山竹谿一帶察探賊情協剿

如此籌顧全局方爲公正得體若如德楞泰之顯分川楚心存畛域能無自愧乎德楞泰現在既改由陸路向東北前進務將折回北竄及屯聚巴東之賊趕緊截擊就地殲除毋再任賊東竄俟此股賊匪辦竣後卽帶兵赴楚幫同吳熊光長齡等將樊人傑及王曾崔胡等逆悉數殲擒廓清楚境捷報到時德楞泰仍可仰邀懋賞倘心存推諉一味

欽定剿平三省邪匪方略

正編卷三一〇

因循恐前功盡棄矣

同日陸有仁奏言連日復據探報苟逆大股賊匪由月亮坪老林竄至排環溝一帶經扎克塔爾等帶兵追及賊尾稍有斬獲賊匪大隊由盤屋泥峪竄入太白山扎克塔爾等緊躡追截湯遇春帶領兵勇由方柴關桃川一帶迎剿將是額勒登保卽自石塔寺碾子嶺探蹤馳進並令

慶溥帶兵於古子灘一帶駐劄以期四面扼截
 又劉逆小股之賊竄至鄆縣地界督臣惠齡挑
 派兵勇協同總兵楊芳分頭搜剿該逆分出零
 匪三十餘人竄至盤屋景峪一帶業經楊芳搜
 剿殆盡又慶成剿剩零星賊匪潛伏畧陽寧沔
 一帶老林臣飛飭地方官鼓勵寨勇協同慶成
 所派兵勇到處搜捕茲據寧羌州知州馮裕定
 稟報督率查寨委員沈詩成鼓勵寨勇兵役擒
 獲賊目丁佳蘭臣已飛飭解至漢中另行審辦
 具奏餘匪更屬無多自可即日淨盡又前竄竹
 谿簡家店賊匪逼近平利邊界經總兵穆克登
 布等帶兵堵截該匪不敢窺伺現已折回竹山
 關東一帶至前據守卡都司德忠稟報川匪兩
 股一股千餘人竄至香爐山一股三四百人竄

至梳子巖經德忠派令守備黃林將梳子巖之
 賊堵剿出境查梳子巖一帶賊匪即係由寧羌
 老龍池竄入之賊係周良玉丁佳蘭二逆為首
 前經慶成剿捕已將周良玉生擒今寧羌寨勇
 復將丁佳蘭拏獲此外逃匪無幾亦無積年著
 名首逆在內其香爐山賊匪一股早經折竄入
 川當日竄至香爐山係兩股併作一股因旋即
 折回未經探明賊首何人現聞已至南江地方
 有道員劉清等追剿合併陳明奏入
 上命軍機大臣傳諭陸有仁曰此時陝省止有苟逆
 一股賊匪經官兵分路逼剿現據額勒登保奏賊
 匪已將出山諒可即日殄除其餘零匪無多一切
 糧運自較前易於供辦昨又於兩浙撥銀四十萬
 兩解陝備用陸有仁務須妥協經理督飭各糧員

源源供運毋令缺誤爲要再昨慶成奏張魏股匪由川省通南一帶竄近陝省邊境慶成聞報卽馳赴川陝邊界堵剿等語現在慶成會否將此股賊匪截回並各路軍營日內打仗情形俱隨時探明據實奏聞

欽定剿平三省邪匪方略

正編卷三十一

欽定剿平三省邪匪方略正編卷三十一

壬戌年

四月初五日_臣吳熊光全保長齡奏言竊王曾

樊崔各逆經孫清元等緊躡追擊_臣全保長齡

由大小西河一帶向南抄截適據竹谿縣徐如

瀨稟報該境零匪現又合爲兩股一股約二百

餘人竄往紅茨溝一股約三百餘人竄往廣龍

灘俱有東向之勢等語_臣全保長齡查該匪等

欽定剿平三省邪匪方略

既向東來若再與王曾等逆會合人數增多剿

辦益形費手必須分兵剿除當卽派撥_臣全保

一路之總兵德昌帶兵一千餘名隨同_臣長齡

抄截王曾大股與孫清元吉林泰等兩路夾剿

_臣全保帶領兵勇一千餘名就近馳赴紅茨溝

等處以次搜捕二十三日行抵紅茨溝探聞該

匪已竄蜡洞溝相距二十餘里尙在各民房四

散屯住此等零匪最為狡猾一聞兵至即飛奔
 老林伏匿必須乘其不備方能得手當派原任
 都司候補守備鄧興相把總張朝鳴首領康懋
 驥等挑帶精銳兵勇於四更時乘月潛蹤進發
 五更行至蜡洞溝各匪正在民房熟睡鄧興相
 等督率兵勇分投圍住拋擲火彈各屋一時火
 發賊匪猝不及防避火亂竄經我兵刀矛齊舉
 立斃五十餘名鄧興相首先擒獲老教首郭士
 連一名六品軍功康懋驥擒獲偽先鋒袁三甲
 一名兵勇生擒賊匪二十一名查點各房屋燒
 斃屍身六十餘具散出大小男婦五十餘名尙
 有賊匪二十餘名四散亡命奔逃經團練委員
 王炳翰董率寨首馬昌源帶領義勇四路攔剿
 內有龍家寨首領陳正元殺死偽總兵李中先

《聖朝聖編卷三十一》 二

一名隨提訊郭士連據供我係四川達州人嘉
 慶元年與冉文儔冉添元同時起事後來冉文
 儔們被官兵先後殺了我又與樊人傑合夥上
 年四月樊人傑在陝西地方被官兵打散我同
 總兵賴應舉帶了二百多人逃入川陝老林我
 就讓賴應舉為元帥李中先為總兵袁三甲為
 先鋒今年春竄到楚境要與樊人傑合夥三月
 二十三日來到蜡洞溝我與賴應舉同房住歇
 不料官兵圍住放火我逃出被拿賴應舉想已
 燒死等語當將郭士連袁三甲梟割處死旗手
 矛手一併正法散出大小男婦分別遞籍安插
 此股零匪二百餘名已殲獲無遺在事出力首
 領鄉勇人等 全保當即酌量分賞銀牌面加
 鼓勵 全保仍即督率將備等前赴廣龍灘一

《聖朝聖編卷三十一》 三

帶探蹤搜剿臣長齡帶領官兵於二十五日抄至關山地方是日雲霧瀾漫聞各寨鎗礮之聲絡繹不絕自必賊已竄到當派勇四路偵探據報王曾大股行至大圓包乘霧向北折竄現在太平寨山下房屋內做飯等語臣長齡恐賊知覺當挑趨健兵勇一千餘名派交遊擊王占鰲金洪副等帶領掩旗先進直至相離民房不遠始見賊匪兵勇一擁直前該匪不知官兵多寡猝不及防大形慌亂紛紛奪路奔逃我兵迎頭截殺立斃三十餘名其餘賊匪四散分奔我兵分投追擊又斃賊七十餘名生擒二十四名該匪等皆搶上大山負嵎拒守惟時霧雨愈大不能仰攻臣長齡恐該匪乘霧由司馬崗東奔當令王占鰲等即在太平寨督紮堵截併派總兵

聖朝勳績

四

德昌等帶領官兵由司馬崗左手順梁前進臣長齡親率侍衛富翰等帶領馬步官兵由司馬崗右手山梁前進兩路官兵俱至山頂該匪一見官兵即回身狂奔我兵乘勢下壓斃賊八十餘名賊匪滾崖者甚多當又追趕十數里沿途擒獲賊匪十二名各匪竄過對面山梁有向西南王家山之勢因天色已晚恐墮賊奸計不便窮追計兩次斃賊一百八十餘名生擒三十六名散出難民七十餘名當於獲賊內訊出陳尙興等十九名俱係矛手并據指出王占鰲一路殺斃賊匪內有偽總兵彭古英偽先鋒張有大總旗首李富屍身二具並據陳尙興等供稱現在王曾樊戴崔胡各股湊合共有三千人內中真正教匪矛手不過一千人其餘多是被裹老

聖朝勳績

五

幼婦女餘無要供當各正法其被裹未久同散
出難民一併贖送回籍臣長齡現即探明賊蹤

緊追前進一面知會孫清元等間道抄截以便

兩路夾攻易於得手再臣吳熊光提訊獲犯秦

尙典陳希明據供聽聞跟隨樊人傑的人說今

年要有新白蓮教出世纔好若沒得新白蓮教

他們不中用了並未聽見樊人傑說荆江南岸

聖祖實錄卷一百一十六

還有後起的白蓮教等語是日前獲犯所供樊

人傑以楚省南岸尚有伏而未起習教之人自

係樊逆故令伊黨布散謠言希冀地方官紛紛

查拏又如元二兩年之激成事端可以添其羽

翼臣已飭飭施南宜昌各府總當處以鎮靜斷

不可妄拏無辜株連牽累墮賊術中目下辦理

之法惟有速將各股賊匪上緊撲滅奸徒日無

由心生反側而欲求賊勢速滅必須兵力充足

此時附近各省既無兵可調且皆係新兵調亦

不能得力川陝現有官兵是否可以多為抽撥

臣亦未能深知如帶兵大臣因賊匪現多竄入

楚省意欲就楚聚殲則楚省兵數頓增糧餉必

須預為籌備再據副將蔣觀濤孫應奉稟稱奉

派帶領兵勇一千五百名前往興歸一帶剿辦

聖祖實錄卷一百一十七

闖入川匪沿途詢之逃出難民人等稱此股賊

匪係陳井冉三姓為首尚有王四猫子餘黨在

內賊營中連婦女幼孩共有二三千人初聞德

叅贊帶兵前來追趕所以逃到楚省興歸地方

暫在老林左近紮營後來又聞德叅贊並不來

楚追剿可以放心出去掠食口內已竄至興山

之黃連坪一帶屯紮搶掠該副將等現由東北

向西南相機截剿等語臣查蔣觀濤等所帶兵勇本屬單薄僅可暫時顧住東北不使狂奔腹地究未能直入痛剿該匪等日久屯紮未免裹脅漸增適奉

諭旨以穆克登布調補湖南永州鎮總兵並令帶兵來楚協剿擬俟該鎮到日卽酌分總兵一員抽帶官兵前往幫同蔣觀濤等剿辦以昭慎重再

《聖朝龍臺編卷三》

八

自去冬以來川陝鄉勇紛紛來楚其中多係籍隸四川之人據稱因川省不得鹽糧赴楚覓食提臣長齡臣密商若不量爲安頓必致從賊只好擇其與兵勇認識者酌量隨營給與口糧

羈縻安頓奏入

上命軍機大臣傳諭吳熊光曰此次全保帶領兵勇追剿零匪將鄂上連袁三甲等匪二百餘名截獲

無遺長齡帶兵趕剿王曾大股先後斃賊一百八

十餘名生擒三十六名散出難民七十六人所辦

尙好現在樊王曾戴崔胡各股湊合共有三千多

八其興歸一帶陳井冉三逆及王四猫子餘黨共

有二三千人是楚省境內各股賊匪統計不過此

數且其中婦女幼孩居多無難以次肅清前據吳

熊光查奏荆江南岸並無伏而未起教匪茲又據

《聖朝龍臺編卷三》

九

獲賊秦尙典等所供並未聽見南岸還有未起白

蓮教等語自係楚人傑故令伊黨散布謠言希冀

煽動吳熊光所稱處以鎮靜祇將各股上緊撲滅

奸徒自無從心生反側所見甚是樊逆一除謠言

自息矣至興歸等處賊匪聞德楞泰帶兵前來卽

在老林內藏匿嗣聞德楞泰並不來楚始出山掠

食可見該逆畏懼官兵勢已窮蹙蔣觀濤孫應奉

等兵力較單雖難盡令殲除淨盡但必須實力堵禦無任該匪東竄以待德楞泰帶兵前來兩面夾

擊為一鼓掃除之計至德楞泰帶兵入楚糧餉最

關緊要前已不待吳熊光等奏請撥江西捐監銀

十萬兩解楚備用軍儲已為充裕倘尚有不敷不

妨再行奏請總當源源接濟俾無缺乏又據奏接

奉諭旨准將穆克登布調補湖南永州鎮總兵並

製看龍夏竦奏草

十

令帶兵來楚等語前將穆克登布調永州鎮時原

以該鎮如無專剿之賊即可赴楚並未令其將防

堵之兵帶赴楚省此時穆克登布在平利一帶堵

截楚省竄匪防陝即所以為楚况經畧額勒登保

將苟逆逼出南山口內如已剿淨即可令穆克登

布帶令湖北湖南官兵赴楚額勒登保亦即移駐

穆克登布現在防守之平利一帶與楚省遙為聲

援吳熊光不患無大兵接應也再川陝鄉勇紛紛

投楚或係二省陸續裁撤亦未可知吳熊光自當

酌給口糧暫為羈縻並密為防閑毋令滋事為要

初九日^已勒保奏言查張長青陳自得二股殘

匪竄向夔州一路正值恭贊德楞泰帶兵東去

當即分兵兜剿惟張簡宋國品二股尚在東開

之間奔竄而豐城普光寺一帶亦時有剿散餘

製看龍夏竦奏草

十一

匪是以飭令副都統銜達斯呼爾岱與副將羅

聲昇等帶兵由大成寨取道後河總兵張績帶

兵由七里峽取道前河偵探賊蹤趕緊剿辦達

斯呼爾岱於二十二日行抵胡家場探得寨子

山地方有賊匪一股在彼滋擾即帶兵向後河

貓兒渡進剿值河水漲發紮筏過渡正欲向寨

子山進發適據該境寨民報稱賊匪間有官兵

已由黃金坪向青石子一帶竄去達斯呼爾岱等帶兵馳往於二十四日辰刻在太平壩趕及賊尾箭斃賊匪六七名賊匪亡命狂奔達斯呼爾岱遂與羅聲臯等帶領兵勇分投追趕七八十里沿途斃賊四十餘名生擒三十四名搶獲騾馬長矛至馬板溪地方賊匪分作兩股一股竄走豐城一股竄走砲通山維時天色已晚官兵一晝夜行一百五六十里不得不稍予休息當卽在蝦蟆口暫紮查訊活賊據供此係張簡一股賊匪前在梓潼廟剿散後共剩三百多人近日又湊合湯思蛟股內餘黨一百多人各處逃竄等語訊明後卽將各犯正法次日仍探賊蹤跟剿行至修山壩探得竄匪在前而樟木溝內藏匿乘賊不知四路兜圍賊匪見官兵猝至

欽定剿平三省邪匪方略

正編卷三十一

奪路奔逃我兵箭射矛戳及追逼滾崖跌斃者約共有五十餘名生擒旗手李大砲并戰手等二十一名搶獲賊旗長矛短刀等物此股賊匪業被我兵搜捕淨盡並無一名漏網其張簡竄往何處尙未探有確蹤臣現在仍飭達斯呼爾岱羅聲臯等趕緊探剿其張績一路官兵二十四日行抵鹿坪壩探得王家坪地方有賊匪一股約一百餘人騾馬數十匹在山梁高處潛匿張績當卽督率官兵跟剿申刻行至雙龍橋將兵勇暫紮三更後起營分兵三路將桂涵帶領鄉勇由右手山梁壓下都司馬明德傳廷標帶兵由左手山梁抄截張績督率官兵從中路仰攻四更後月色初上我兵行抵王家坪乘其不備一擁而上鎗箭齊發斃賊匪五六十名

欽定剿平三省邪匪方略

正編卷三十一

滾崖跌斃七八人生擒男賊五十四名賊婦三
口搶獲賊旗刀矛騾馬甚多將全夥賊匪剿捕
淨盡查訊活賊內有賊首張學武一名原係湯
思蛟股內賊目近日帶領百餘人分路逃竄又
劉梁氏一口係嘉慶二年被擄入營偽總兵苟
文富姦佔為妻近因苟文富逃散該氏即隨張
學武一路行走其餘或係戰手或係難民張績
就近一并解送開縣審辦又據建昌道劉清遊
擊馬績恒慶稟報該道等探剿顏中考魏洪升
一股殘匪先在雲霧山竄匿經兵勇轟出老林
復竄赴通江劉家營一帶奔竄馬績恒慶等帶
兵跟追行抵貓兒寨賊匪正從溝內奔竄官兵
從山巖直下衝殺斃賊三十餘名逃出難民二
名奪獲賊旗刀矛等物餘匪向嚴家溝一路竄

去外委江順奮勇爭先猝被矛傷陣亡此股張
魏餘黨賊數亦只有二三百人惟所剩均係裹
陽者賊劉清等追剿日久未能得手賊情較為
狡猾現在豐紳已帶官兵二千餘名前往川北
聲威壯盛臣已寄信囑令由巴州廣元一路取
道兜截務期先將此股就地殲除毋任竄過陝
境又據巴州稟報有零匪二股每股約有二
百人一係陳朝觀餘黨一不知姓名均無首逆
在內昨竄至該州油坪寨草壩場等處經千總
陳安邦率領兵丁督同各寨團勇截擊斃賊十
餘名該匪等分路逃竄一股竄向通南地方一
股竄向東太地方臣現已札知豐紳達斯呼爾
岱張績等將北竄通南之賊即由豐紳帶兵迎
擊南竄東太之賊即由達斯呼爾岱張績帶兵

迎擊斷不致蔓延滋擾至東蜀一帶剿剩張宋等股殘匪以及豐城普光寺等處零賊統計不及千人臣督催各鎮將趕緊搜捕無難以次辦淨至張長青一股近據夔州府文武稟報該匪竄至大昌地方經遠勒精阿武隆阿并七十五等帶兵截擊漸獲甚多計餘匪所剩無幾現在德楞泰就近督剿定可即日殲除此外現無另起大股之賊竄入川境至零星竄匪餘匪節據各州縣稟報經辦理團練之委員督率兵勇隨時搜捕擒殺數名至一二十名者甚多辦理頗為認真似不久可望肅清至從前陸有仁所奏通江有兩股賊匪一股二三百人竄至兩河塘一股千餘人竄至香爐山自卽係張簡股匪此外實無如許大股賊匪但川北與陝境在在毗

欽定剿平三省邪匪方略

正編卷三十一

連賊匪往來奔竄事所常有亦不可不預爲防範臣現已寄信豐紳囑其就近分派弁兵常行偵探並嚴飭沿邊州縣令其於所管境內如有賊匪竄入隨時稟報再委員杜茂材係達州人安徽候補州判於嘉慶元年解餉來川維時正值教匪滋事該員誼切同仇告留在籍屢經召募鄉勇防堵禦賊打仗甚爲出力近又派令辦理達州團練事務更能實心經理井井有條茲復訪出假充教匪之土賊二十餘名全數弋獲並無一名漏網實屬能事急公卽日軍務完竣該員應仍赴安徽候補可否仰懇聖恩准其卽以知縣補用之處出自鴻施奏入

欽定剿平三省邪匪方略

正編卷三十一

辦零星賊匪俱有斬獲達斯呼爾岱所剿張簡一
 股既據獲賊供稱該逆前在梓潼廟剿散後共剩
 三百多人又湊合湯思蛟餘黨一百多人通計共
 有四五百人而在樟木溝殲擒跌斃者祇有七十
 餘名何得云此股賊匪業經剿盡並無一名漏網
 摺內聲敘殊欠明晰又蹈從前虛報功績之弊想
 張簡剿敗後帶同殘匪向他處竄逸勒保仍應督
 飭達斯呼爾岱等跟蹤追剿趕緊殄除勿任他竄
 看來川省散竄之賊勢已殘敗摺內既稱不久即
 可肅清必應分飭領兵將弁等掃除淨盡勿留餘
 孽其川北一帶零匪勒保已札令豐紳張績等一
 手剿辦並當隨時留心防堵邊界設苟未股匪被
 額勒登保等逼剿緊急由棧道折竄入川豐紳等
 正可與陝省官兵會合兜剿斷不可令賊闖入川

《聖旨輯覽編卷三》

六

境現在德楞泰由界嶺向東北前進倘賊匪竄入
 楚境德楞泰即須跟蹤前往所有川東一帶零賊
 勒保亦當酌量情形分飭將領趕緊搜捕并嚴防
 楚省邊界之賊勿令折回為要至川省零匪辦完
 後所調各省客兵自應酌量裁撤或竟撤回原省
 歸伍或分撥陝楚隨營協剿著勒保咨商經畧安
 為籌辦至分發安徽州判杜茂材節次堵剿賊匪
 均屬出力近又幫辦達州團練等事實心經理茲
 復將假充教匪之土賊二十餘名全數弋獲甚屬
 能事即日軍務完竣該員應仍赴安徽候補杜茂
 材著加恩以知縣陞用遇缺即補以示獎勵至此
 次打仗陣亡之外委江順著咨部賜卹

《聖旨輯覽編卷三》

九

同日惠齡奏言臣馳回滂峪後飭催楊芳督率

兵勇乘勝搜捕旋據該鎮稟報剿逆餘匪經前

150000 4 23

次剿敗之後奔入老林又復聚集六七十人晝
伏夜出適楊芳前派之千總胡夕秀軍功伍敏
等尋蹤拽至賊匪在林內窺見又翻上懸崖大
山站踞山頂鎗礮不能擊及胡夕秀等當令六
屬軍功劉泰吳興國等攀藤附葛奮力搶上刀
砍矛戳立斃賊匪十餘人賊匪情急跳崖滾坡
而逃又跌斃十數人奪獲長矛二十餘桿割取
耳記十二副餘匪由滴水溝一帶沿途聚集打
散之賊連夜東竄孝義屬之紅廟河等處楊芳
緊躡追剿前往叅將李英多亦已抄至東面紗
羅帳陳家溝一帶截擊臣正在拔營向東探蹤
堵截間又據探報苟宋大股之賊經扎克塔爾
等晝夜緊追該匪東竄至蓮花寨屯聚正在圍
攻寨堡扎克塔爾等帶兵於二更起身前往趕

聖祖高皇帝

三

至該處賊匪猝不及防官兵一齊撲殺殲斃數
十人賊匪紛紛鑽入老林潛遁夜深昏黑之際
乘勢逃出難民甚多現在該匪已竄至碾道秋
木巷一帶距澇峪口不遠臣恐該匪被剿情急
突出平原自以先防大股之賊為急一面飛飭
楊芳督催兵勇迅速搜剿務須於三五日內將
此股殄除淨盡騰出兵力即可協剿苟宋大股
之賊臣仍在澇峪一帶防苟宋等逆北竄刻下
扎克塔爾由東嶽廟一帶跟追楊遇春抄從八
里坪一帶截擊經畧領勒登保亦由大蘭小蘭
等處督剿前來一經轟出老林無難迅期得手
再提督慶成所辦川省竄入寧羌畧楊之賊僅
剩二十餘人竄至黑河內之棧巴林距甘境不
遠經防守甘境之道員朱爾漢遊擊七十九帶

聖祖高皇帝

三

兵搜剿賊匪在東溝勝老林內半山峭壁之下
 遙見兵勇撲上擲石抗拒打斃鄉勇張奇等五
 名鄉勇首領穆德首先冒石搶上半山兵勇相
 繼而進連斃賊匪九人生擒一名搶獲長矛十
 七桿餘匪俱滾跌深澗並令活賊馬榮於賊屍
 內認出頭目丁見南一名馬榮即係丁見南徒
 弟隨即一併正法是此股零匪業經辦竣慶成
 因聞川省張魏餘匪數百人又竄入寧羌邊界
 已過棧西即酌留官兵交守備李如緒在畧陽
 一帶搜山慶成自帶馬步官兵連夜折回寧羌
 截剿奏入

上命軍機大臣傳諭惠齡曰劉永受本屬零星奔竄
 餘匪此次經楊芳等帶領兵勇奮力追擊殲斃賊
 匪數十人所剩諒已無多不難即日掃除惟苟宋

二逆人數較眾亟應上緊剿辦該匪經官兵轟逼
 將次出山惠齡現在涉峪一帶防堵若該匪業經
 轟出應即督兵協力剿捕以期一鼓成擒毋任再
 有他竄一經擒獲苟文明即加緊馳奏以慰廑注
 至張魏餘匪竄至寧羌本日據勒保奏川北張魏
 餘匪只有二三百人是現竄寧羌邊界之賊尚係
 由川北分出並未全行竄陝該匪僅止數百人諒
 無難尅期撲滅但恐竄入老林與苟逆等合夥難
 於剿辦慶成現已帶領馬步官兵折回寧羌截剿
 惠齡務當轉催慶成速將張魏餘匪悉數殲除勿
 任輾轉奔逃蔓延為要

十一日辛亥額勒登保奏言臣督率各兵由東嶽
 殿抄住西南探蹤進擊接據扎克塔爾格布舍
 等稟報賊匪於二十五日由黃草坡東河杜家

墳一帶奔竄扎克塔爾等趕抵小王澗距賊不遠惟該處山險溝狹馬不能行遂卽挑派步兵勇令遊擊李東宣等帶領乘夜潛襲賊營詎賊匪係於各山坡四散屯劄我兵趕到該處甫及動手一處驚喊處處皆零星奔逃當經兵勇殺斃十四名生擒十一名該匪遁入安溝老林潛匿扎克塔爾等將所獲各犯訊明正法後卽由安溝緊躡賊蹤而進該匪於二十七八等日復由金牛坪田峪一帶向東北奔逃欲出峪外擄掠惟時楊遇春李應貴緊顧北面平原由田峪澇峪而進賊匪聞風不敢北趨復向東遁楊遇春派令兵勇跟蹤追襲並親赴兩河一帶設伏以待該匪將近兩河探知有兵卽向菜子坪光頭山南遁北帶兵由四畝地五郎河甘家碛

聖朝聖編卷三

三

一帶探蹤截擊該匪知東北西南均有官兵遂由韭菜坪兩河張九溝翻琵琶嶺漏夜逃竄扎克塔爾等帶兵由馬蝗溝趕抵兩河探明賊蹤卽抄出洵陽壩計程二百餘里楊遇春等從西北之富家河抄截於初二日在腰竹嶺與扎克塔爾等會合籌商進剿北由青龍壩七佛溝賈家營顧住西南而進本日師次栗九坪接據探報楊遇春扎克塔爾等於初三日合爲一路顧住東北由楊泗廟趕至鎮安邊界石門溝天色傍晚前隊官兵追及賊匪該匪奔上山梁抗拒我軍後隊到齊因山勢陡削馬不能前官弁兵勇等分爲四路鼓勇進攻鎗箭齊發斃賊數人并擊斃執旗賊目一名賊勢漸潰我兵搶過山梁該匪大駭尙敢於半山伏匿官兵等憤恨倍

聖朝聖編卷三

三

增奮力衝擊賊匪均即潰敗我軍乘勢追殺賊
斃一百二十三人生擒三十餘名餘匪分投竄
入山林時已昏黑未能深追官兵即於該處露
宿次日四更仍復帶兵追剿該匪已連夜竄越
腰竹嶺奔逃我兵現在併力緊追距賊不遠日
內又可追及痛剿臣查該匪於南山之內輾轉
多時以致我軍未能得手茲已將該匪逼過秦

聖朝聖德編覽

三

嶺以南此一帶雖尚係大山密林然較之嶺北
各峪內已易得手第恐賊情狡詭一經追剿緊
急仍欲分投折竄臣現惟有督率楊遇春扎克
塔爾格布舍等相機兜截并鼓勵官兵趕緊剿
辦以期於旬日之間即行掃蕩至宋李等逆現
尚與苟逆合夥奔竄此外山內賊匪如劉永受
股匪經總兵楊芳等疊加斬獲之後所剩餘匪

零星奔竄亦屬無幾楊芳現帶領弁兵於高關
江口一帶扼截苟逆北竄之路并派領兵勇於
山內分路搜捕不致漏網又據穆克登布稟報
前此潛匿竹谿邊界之萬佛崖紅巖溝等處零
匪經全保派兵剿捕該匪均往楚境之官渡逃
遁穆克登布恐西南一帶空虛川匪乘間竄入
仍即帶兵回至月壩一帶探剿并預令遊擊閻

聖朝聖德編覽

三

俊烈派撥弁兵由界嶺以南遠探賊蹤旋據派
往探事之把總王義如等二十三人回營稟稱
初九日至太平之李家灣探有零匪數百人在
彼屯劄該弁等夜半掩擊於房屋內殺斃賊匪
二十餘人賊眾聞風救護該弁等恐眾寡難敵
避入後山林箐之內賊匪不知官兵多少連夜
起竄十一二等日道往立仁溪及大寧之桐油

壩一帶該弁等暗隨賊尾而進知賊衆仍未防
備復乘夜赴賊匪屯剗處所燃燒房屋又殺斃
賊匪四五十人奪獲長矛三十餘桿因賊匪業
已遠竄該弁等即趕回穆克登布軍營並將所
殺賊匪耳記髮辮呈驗臣查該弁兵等僅二十
餘人遠入川境原係偵探賊蹤乃能連次乘夜
殺賊尙屬奮勉已將該弁兵等酌加獎賞併令
穆克登布仍探川楚兩面賊蹤一經竄近邊界
即仍趕緊截剿至慶溥一路官兵臣前令其在
九尺壩大古坪一帶扼截苟逆西竄之路昨因
苟逆業已東趨漢南各營卡緊要臣當令率領
原帶兵勇取道漢中赴寧沔邊界元壩子一帶
防堵茲據永明及寧羌文武稟報川境賊匪四
五百人由通南竄至廣元之玉田溪水磨壩一

聖旨 欽此

天

帶漸近陝境永明因近日在卡患病不能行動
遂派令遊擊宋鉞米章等帶領兵勇千名協同
各卡將備等探蹤截擊乃該匪由中坪鹽井河
石龍壩一帶亡命奔竄於二十四日晚間竄入
寧羌關口壩翻照壁山向西北奔竄副將舒隆
阿在附近之荷葉嶺防堵因所帶兵勇無多該
匪於風雨中由山梁撲下舒隆阿身帶矛傷六
處守備石寶霖亦帶矛傷二處兵勇被賊衝散
亦有傷亡該匪於二十六日由戴家壩竄至漢
王山遊擊米章宋鉞等督飭兵勇追擊殺斃賊
匪十數名生擒七名奪獲長矛十餘桿該匪向
寧羌畧陽交界之兩河口奔逸有西竄陽平關
之勢現據慶成呈報已率領兵勇赴寧廣交界
處所探剿臣查川北一帶現無他股賊匪此次

聖旨 欽此

天

由南廣一帶闖入陝境之賊自仍係張魏餘氛
 被川中官兵追剿緊急亡命奔逃實為可恨該
 匪或由舒隆阿營卡竄過或由他處竄越令慶
 成就近確查呈報慶成現帶馬步兵三千餘名
 自敷剿辦臣又令慶溥帶領原兵千名前去更
 可分投截擊不致深入滋蔓至此股餘匪係勒
 保派令遊擊馬績恒慶會同劉清率領兵勇剿

聖朝重寶編卷三

三

辦劉清所帶祇係本地鄉勇自不能越境窮追
 而馬績恒慶等自必隨賊所向與陝境防兵協
 力截剿臣現又知會慶成慶溥等務須督率各
 官兵趕緊攔剿就地掃除勿令深入陝境并不
 得竄近甘省再查穆克登布在平利安康一帶
 防剿緊要現聞德楞泰業已率領大兵入楚楚
 省自可無虞臣業已飭令該鎮暫且帶兵照舊

防剿一俟日內將苟逆股匪剿辦得手即可撤
 出兩湖官兵令穆克登布帶令入楚協剿彼時
 賽冲阿當已前來接替有人更不致顧彼失此
 矣奏入

上命軍機大臣傳諭額勒登保曰苟逆一股與宋李
 等逆合夥奔竄在南山之內輾轉多時我兵總未
 得手此次額勒登保督飭楊遇春扎克塔爾等分

聖朝重寶編卷三

三

路抄截四面進兵在鎮安邊界趕上賊匪痛加剿
 殺并將半山伏匿之賊奮力衝擊前後殲斃賊匪
 一百四十餘名生擒四十一名自賊進山以來此
 次畧紓憤恨此時賊勢已形潰敗所辦甚好看來
 官軍勝勢已得不日即可殄平現在賊匪奔竄處
 所已在秦嶺以南較之嶺北各峪口兵力倍易施
 展額勒登保務當督率楊遇春扎克塔爾等鼓勵

官兵相機兜截卽在該處將首夥各逆全數撲滅
勿令再有折竄逃匿旬日之內佇盼捷音至陝省
寧羌地方有川匪四五百人由通廣一帶竄入永
明因患病不能行動派遊擊宋鉞米章帶兵探蹤
截擊其在附近防堵之副將舒隆阿守備石寶霖
聞信後帶兵迎剿各受矛傷賊匪向兩河口奔竄
永明係該處統轄大員賊匪竄越卡隘不能堵截
實有應得之咎著額勒登保查明如定係事前患
病至於不能行動則病勢已重此後亦再難責以
防守之事卽應派員更替將伊撤回如竟係事後
捏飾則當據實嚴叅從重治罪至副將舒隆阿守
備石寶霖曾經帶兵迎剿因兵力無多不能抵禦
並曾帶有矛傷其功過尙可相抵其遊擊宋鉞米
章二員經永明派往截擊雖尙獲賊數名但不能

聖祖聖孫編年
三

將股匪截回並著額勒登保查明據實奏至此
股賊匪自卽係張魏餘氛因川省官兵剿急肆竄
現在慶成慶溥分段截擊額勒登保當飭令趕緊
攔截務須就近撲除固不可任令竄入甘界尤不
可令其折竄南山是爲至要至穆克登布前亦有
旨令侯額勒登保移師平利後再令帶領湖南湖
北之兵赴楚今額勒登保所奏甚是穆克登布現
在自當仍令在平利一帶嚴密防堵俟額勒登保
移師至彼時再令帶兵入楚幫同長崗等在彼剿
賊可也

聖祖聖孫編年
三

欽定剿平三省邪匪方略正編卷三百十二

壬戌年

四月十二日

壬子

惠齡奏言據探報兵勇入林搜

剿劉逆餘匪該匪不能藏匿即連夜由孝義境

內東趨翠花峪之北河腦一帶

臣

復飛飭總兵

楊芳務須乘勝兜圍搜捕淨盡茲據楊芳稟稱

千總胡文秀等已由庫峪抄至賊前軍功王明

智等亦由甘花石躡追楊芳督兵由北河一帶

製著聖編卷三

策應初三日賊匪探知東面已有官兵即順北

河腦山梁折回西竄楊芳聞信帶兵迎剿正與

賊遇賊匪一見官兵尙敢恃險擲石抵拒楊芳

催兵直撲向前鎗箭並發賊匪擲石愈緊兵丁

向天倫首先撲入賊夥戮斃賊匪數名被亂石

擊破頭顱陣亡各弁兵一齊擁上賊匪站立不

住折回亂奔道路窄狹賊匪自相擁擠跌落懸

崖者十餘人生擒羅榮宗等五名追過兩重山

梁適軍功王明智等由甘花石溝底兜截前來

順溝橫截由賊匪半腰殺入戮斃賊匪十餘人

將賊匪衝為兩截一股三十餘人順溝潛奔千

明智等率勇緊追沿途擒斬餘匪僅剩十數人

逃入西甘花石腦老林藏匿一股亦有三十餘

人扒上山梁東竄楊芳督兵追過一重大山正

製著聖編卷三

值千總胡文秀等迎頭截殺前來又戮斃執旗

賊目一名矛手二十餘名生擒二名餘匪十數

人棄械散竄共計擒斬跌斃五六十人奪獲刀

矛旗幟六十六件現在趕緊搜捕不日即可淨

盡復探聞苟宋賊股由寧陝月河向東南奔逃

經畧額勒登保因盤屋寧陝一帶均係老林辦

理棘手是以督率楊遇春札克塔爾等自西北

向東南兜剿現已逼出老林額勒登保及各路
大兵俱緊躡賊蹤日內如得痛剿一兩仗即可
立就殲除臣復飛催楊芳迅將劉逆餘匪搜捕
完竣卽起往截剿苟宋大股更可協力掃蕩以
期迅速集事至前自寧羌竄過棧西之張魏餘
匪四五百人已竄至戴家壩經總兵永明所派
之遊擊米章宋鉞等追殺殲斃十餘名賊匪繞
竄煎茶舖提督慶成帶兵趕到立斃賊匪二三
十人賊匪捨命逃逸我兵追殺一百數十里沿
途又殺賊三四十人生擒十一名奪獲騾馬七
頭匹餘匪由黑河西溝峽竄入甘省兩當縣屬
之元山子一帶經防守甘境之道員朱爾漢遊
擊七十九率領兵勇迎擊該匪又遁入元山子
老林現在慶成已由留壩關圍擊于一帶顧佳賈

欽定剿平三省邪匪方略

正編卷三二二

欽定剿平三省邪匪方略 正編卷三二二

北攔剿不使竄入陝省南山復與苟逆合夥並
派兵入陳倉溝抄截以防該匪深入甘境再臣
接據探報初三日經畧額勒登保督率札克塔
爾楊遇春等在鎮安縣屬之譚家山趕上苟宋
二逆賊蹤合力衝殺立斃賊匪一百餘人生擒
七十八名賊匪連夜由四海坪奔逃我兵亦連
夜跟追於初四日未刻又在上板房追及復殲
斃賊匪一百餘人賊匪折入南溝潛遁初五日
我兵追及又殺斃賊匪四五十人生擒六十二
名該匪情急復向西北之東峪河一帶狂奔仍
思竄過秦嶺北面潛匿老林以延殘喘現在額
勒登保派令札克塔爾由江口一帶截剿楊遇
春由兩河追殺臣趕赴澇峪一帶堵截日內再
得痛剿卽可迅就掃除

欽定剿平三省邪匪方略

正編卷三二二

五四一

同日慶成奏言臣前在畧沔將魏張前股賊匪

節次斬擒嗣於三月二十五日於沔邑途次聞

魏張後股賊匪已竄過棧西七里壩即改由導

嶺溝前進二十七日趕至煎茶舖見該匪在極

險大梁停息率領兵勇一擁衝上賊匪恃險搗

旗放鎗抵敵其內積年戰手較多倍常克悍我

兵直前與賊短刃相接雖有身帶矛石等傷屹

聖朝勳績卷三

五

不退避齊力衝撲登時砍倒賊匪二三十名餘

衆翻越崖澗分四五股奔逃臣酌撥兵勇窮追

生擒陳彩等十一名被脅民人乘勢逃出者甚

多并奪獲旗幟器械等件該匪仍北竄鳳兩地

方時已戌末日行一百六七十里雨霧交作兵

勇暫紮林邊天色稍霽臣督率兵勇緊追前進

承明所派追剿兵勇相離漸遠東南邊防尤關

緊要遂令撤回扼堵并詢問獲賊陳彩等僉供

此股係張添倫魏洪升為首去年張添倫在四

川受傷不知下落姪子張喜即與襄陽人魏洪

升康二麻子等同為元帥雖屢被官兵剿殺又

在老林內外擄掠共有五六百人陳戰手只有

一半馬騾數十匹前在界嶺商量要過陝西或

合大股或趁官兵追剿別股得空過河南地方

聖朝勳績卷三

六

去又慮前有營卡後有追兵是以靠著老林行

走等供臣屢訊各匪皆稱欲過棧東投合苟宋

等夥目下南山內經畧大兵剿辦已有眉目豈

可復任此股竄往滋蔓而山路險仄數日來人

馬漸疲臣焦急萬分先儘尙堪進行之兵馬連

夜帶赴棧道在留鳳武關廟臺子陳倉溝一帶

扼住要路一面飛飭都司張起鰲守備李如緒

挑帶兵勇繞出賊前迎頭攔剿並派遊擊李朝
顯帶兵接應本月初三日賊匪數百人探知棧
內有兵過截繞向兩當地方北奔都司張起鰲
守備李如緒等連夜帶兵趕至鳳兩交界之大
陽山遇賊自未至戌與賊攪殺數次殺斃賊匪
一百餘人生擒五十三名遊擊李朝顯之兵接
續趕到併力衝殺又斃賊三四十人生擒三十
一名剿剩賊匪不足三百人狼狽敗奔西南畧
陽地方老林當將擄掠民人分別釋放其從賊
日久戰手陳彩等六十八名概行正法梟示

《聖諭廣訓卷三十一》

七

聖匪均奏入

上命軍機大臣傳諭額勒登保曰惠齡此次奏剿逆

餘匪經楊芳等帶兵迎剿在孝義境內擒斬五六

十八現在餘匪不過二十餘人賊勢垂盡且當官

兵鎗箭並發之時僅能擲石抵拒並無別樣軍械

可見其殘敗已極積年矛手業已剿殺無遺應卽

飭令楊芳等趁勢剿淨勿令稍有遺孽至苟逆等

在山內奔竄輾轉稽誅令經官兵四面轟逼於初

三初四初五等日連得勝仗前後擒斬賊匪已數

百名賊勢更形潰敗現在該匪情急奔竄仍思過

秦嶺北面老林藏匿額勒登保務須督飭楊遇春

扎克塔爾等鼓勵官兵乘勝掩擊就地殲除斷不

可再任折回山內致剿辦又形費手惠齡現赴滸

峪一帶亦著加意防堵勿令旁竄日內如已將苟

逆賊擒卽著加緊馳奏捷音一至竹沛厚恩所有

此次陣亡兵丁向天論著加恩咨部照外委例賜

《聖諭廣訓卷三十一》

八

卹

上又命軍機大臣傳諭慶成曰此次魏張股匪由寧
羌竄過棧西已入畧陽經慶成督兵上緊抄截至
煎茶舖地方適遇賊匪在極陡山梁停息兵勇一
擁衝上賊匪恃險抵禦矛石齊發我兵屹不退避
併力衝撲登時殺死賊匪數十名生擒戰手十數
名該匪竄蹤北遁復經慶成飛飭都司張起鰲守

聖祖聖孫編卷三

九

備李如緒間道繞出賊前遊擊李朝顯帶兵接應
於鳳兩交界地方奮擊數次各有斬獲殊屬奮勇
可嘉著賞給慶成鑲嵌玉帶頭一塊大荷包一對
小荷包四個又發去玉搬指五個搬指套五個磁
鼻烟壺五個交與慶成分賞此次出力員弁以示
獎勵至此股賊匪被剿情急朕早慮其或思竄過
棧東欲與苟宋合夥是以屢經降旨飭令嚴密防

堵今據慶成奏稱訊問擒獲賊匪所供果有欲投
合苟宋之語現在苟宋股匪業經額勒登保轟至
秦嶺以南連日剿辦屢獲勝仗豈可復令此股竄
往合夥慶成惟當督率兵勇乘此勝勢上緊殲除
固不可使之竄入南山亦不可令其竄入甘省或
折回川境務當在畧陽一帶就地殄滅俟此股辦
竣加緊奏聞捷報到時再將慶成及在事出力將

聖祖聖孫編卷三

十

弁一體加恩

十三日 癸丑 德楞泰奏言 臣 於三月二十七日督

兵由漢坪舖三匯舖取道界嶺東進二十八日
據總理團寨道府鄭成基等稟報有自後坪竄
至湯家壩賊匪一股約五六百人被委員仇允
誥督率寨首郭志帶領團勇轟擊斃賊三名團
勇亦有傷亡者已飭知委員等實力堵禦查達

勒精阿等在巫大扼辦陝楚鼠匪兵力勁銳

卽飛令帶兵前往迎剿臣於初一日翻過界嶺

抄出東馬寨查明此股係黃白號餘匪內有能

姓劉姓爲首約二千多人馬騾數十匹因聞四

川官兵已過湖北連夜走鋸嶺老山向北逃

奔欲竄過興山我尋前股合夥查鋸嶺山綿長

二百餘里絕無人烟路徑極爲險窄騎馱難行

聖朝聖德編卷三十一

去秋賽冲阿等追剿龍紹周時曾分派步兵罕

入該處險阻備知其出山之處北走房縣之灣

腰樹卽至上龕西可通薛家坪而至川之大寧

若東北由長嶺逃竄卽係興山之豐玉坪一帶

是該逆雖已北逃其趨向尙未定準嗣據興山

縣朱宗騰稟報黃蓮坪賊股約有二千餘人被

裹者甚多於二十一日圍撲忠餘寨經勇用

鎗礮擊退翻老林西竄又歸州大水田高家坡

亦有零匪游奕其勢已向東南興歸巴三交界

之處奔竄訊據逃出難民俱係黃藍白三號有

陳張龍冉等姓旗號等情旋又據探報川楚界

上龍潭溝有一起零匪約七八十人在彼滋擾

查該處係在我兵後路先應就近派兵搜捕當

令叅將馬應國張應貴等帶領兵勇連夜探剿

聖朝聖德編卷三十一

初三日午後趕抵牛廠馬應國等分兵左右兩

路直搗龍潭溝賊巢該逆紛紛驚潰官兵鎗擊

箭射立斃賊三十餘名生擒陳成明等十四名

餘匪向後山亂竄兵勇馳追二十餘里沿途又

殺賊二十餘名生擒王有祿等十一名此起賊

匪只逃去七八人竄入密箐初四日又探報有

零匪一起約四五十人由老林竄出在拜佛坪

屯聚焚擄仍飭全馬應國等就近搜捕殺斃二十餘人生擒彭忠賢等十三名餘匪盡行滾巖跌斃並無一名漏網初五日馬應國等帶兵回營解到兩起獲犯訊據陳成明等供稱係黃號王國賢餘匪彭忠賢等供稱係白號張姓餘匪俱係積匪猶賊概予正法適據東路探報黃蓮坪城成有二三千人驟馬極多已由興山竄至歸州之大小峽青灘一帶屯聚臣現擬直向歸州龔家橋東進向南兜剿如能仰仗天威兩股併合固可聚而殲旃設或分逃先將大小峽青灘賊股痛剿則川楚沿江數百里均可一律肅清萬一被剿入川則有達勒精阿武隆阿七十五等兵力迎剿臣亦即緊躡回川務期掃除似於大局較為迅速至川楚之王會佳胡戴

樊等逆前已北竄平利之閘陽坪近經穆克登布截剿回楚折入竹谿查房竹一帶全保長齡等三路兵力儘敷剿辦其熊劉二逆現已入山俟探其趨向再為酌辦奏入上命軍機大臣傳諭德楞泰曰本日德楞泰五百里報至仍係查探東北兩路賊勢酌籌緩急向東兜剿而於江岸一帶竄匪尙未剿辦其所殲拜佛坪等處零星散匪共計僅止百餘人且係將弁等搜捕並非德楞泰親往督剿况德楞泰既知川楚邊界竄匪為數較多自當速往剿辦乃節次奏報總以山徑險仄為詞忽稱由水路前往忽改由陸路茫無定見直至此時始至巴東實屬遲緩德楞泰著傳旨申飭現在德楞泰既向歸州東進剿辦屯聚黃蓮坪之陳張龍冉股匪即著迅速辦理不可

再有耽延其能剿二逆此時德楞泰固難分兵兼顧但任其入山潛匿必致裹脅日多德楞泰速將黃蓮坪股匪剿淨以便移師剿辦熊劉股匪所有川楚邊界各股匪俱責成德楞泰一手辦淨况德楞泰一路所帶征兵較多俱係超健勁旅又賽冲阿本應赴陝剿賊因係伊營內帶兵得力之員是以不令前往仍歸德楞泰調遣而現在湖北省所辦糧餉亦俱來營供支無悞是德楞泰軍營兵精糧足士馬飽騰更何所藉口若再仍前延玩賊匪何時始能剿盡彼時必將德楞泰從重治罪前功盡棄矣勉之凜之至王曾樊戴等逆有長齡孫清元等在彼剿辦此時且無庸德楞泰分心兼顧惟當將邊界各股匪速行辦竣不可任其再有奔竄致干重戾

聖旨 五

十四日^{甲寅}勒保奏言查各路餘匪每經官兵剿敗即分散奔逃賊數愈少賊股愈分當飭各鎮將帶領官兵四路搜剿^臣仍暫駐東鄉大成寨分控督催茲據達斯呼爾岱與副將羅聲臯帶領官兵向土黃壩樊噲店一路探蹤剿辦所有前在黃金坪打散之賊分竄老生園化角園等處經達斯呼爾岱等分投搜捕殺斃賊匪十六名生擒十一名時已昏暮官兵未能窮搜即將活賊查訊內有偽先鋒張學貴係湯思蛟股內賊目當即凌遲處死餘犯十名俱係戰手一概正法又探有賊匪一股約百餘人由泥溪溝鐵礦壩一帶竄走距楊家壩不遠達斯呼爾岱等即帶領兵勇分路由楊家壩抄襲將賊匪圍住殺斃五十餘名生獲四十六名全股殲擒並無

聖旨 六

一名逃逸查訊活賊內有張廷桂一名係首逆
張子聰之子並據指出偽先鋒李開元等十名
其餘俱係戰手當均查訊明確分別正法其張
績一路官兵前次辦完王家坪零匪之後即移
師爛泥壩探有賊匪六七十人在開縣所屬銀
廠坪竄擾張績當與叅將桂涵都司馬明德傅
廷標等連夜帶兵前進初一日寅刻行抵該處

製看龍鑑編卷三

七

四面兜圍殺斃賊匪二十餘名生擒四十一名
訊有偽先鋒廖登仁陳文禮二名據供向係徐
添德股內賊目其餘訊出余思有等二十七名
均係戰手又鄧先才等十二名雖係被脅但從
賊日久未便輕縱當即一併正法又張志林一
路官兵前經臣派往大竹梁山一路搜捕該鎮
行至梁山所屬千工堰地方探有賊匪一股潛

匿該境約二三百人張志林即於三十日三更
發兵黎明行抵該處派兵抄襲斃賊五十餘名
生擒三十三名餘匪向萬縣一路逃竄張志林
當將活賊解交臣營審辦該鎮仍帶兵緊蹤前

製看龍鑑編卷三

六

進至張魏餘黨顏中考魏洪升等一股殘匪昨
經建昌道劉清會同遊擊馬績恒慶等帶領兵
勇在貓兒寨地方剿敗後該匪向殷家溝一路
竄走連日該匪被劉清追剿情急亡命向北奔
竄復經豐紳帶兵在木門湯百丈關一路兜截
該匪遂於二十五日由旋馬坪鴛鴦池一帶竄
過寧羌地界適慶成在彼帶兵截剿該匪仍折
回寧廣交界之關壩現在臣一面飛咨額勒登
保惠齡慶成一面知會豐紳如該匪竄入陝境
即由陝省官兵迎截如折回廣元即由川省官

兵堵剿諒不日自可殲除惟查川北邊界自廣元之七盤關至通江之竹峪關道路綿長豐紳既在廣元防剿恐不能顧及通巴等處設荷逆大股賊匪乘間竄入或致顧此失彼臣現又飛飭田朝貴移師竹峪關一帶一面搜剿通巴境內零匪並就近顧住通巴邊境毋任陝匪竄逸入川如此則川北沿邊有豐紳田朝貴兩路勁旅防剿可期臣仍督催達斯呼爾岱張績張志林等搜捕東路各股餘匪亦可期早就肅清再臣查田朝貴一路官兵攻圍張添倫時實係遊擊王忠桂首先帶兵抄出賊前將賊匪截住去路官兵方能得手其軍功鄉勇賀天貴伍得勝包相卿魏其龍張順廖榮六名併力向前將積年首逆張添倫陳國球魏學盛等三名同

聖朝聖鑒編卷三十一 九

時殲斃實屬奮勉至劉清一路查得該道擒獲李彬時尙有軍功鄉勇李仕玉苟文耀王登忠何成龍徐陞等五名上前衝殺賊匪驚潰奔逃始能將首逆生致應均懇恩鼓勵奏入上命軍機大臣傳諭勒保曰此次達斯呼爾岱督率官兵在太平境內將張子聰之子張廷桂及偽先鋒李開元等悉數殲擒其張績一路在開縣地方將徐添德股內餘匪偽先鋒廖登仁陳文禮拿獲此兩路俱能剿淨餘匪並無一名逃逸所辦尙好惟張志林一路所剿梁山境內餘匪雖亦殲斃八十餘名但餘匪尙在萬縣一帶奔竄勒保當飭令該鎮等探蹤追躡務須搜剿淨盡此時川境已無成股之賊均不過零星竄匪爲數無多正當兵盛

聖朝聖鑒編卷三十一 二十

賊衰之際勒保應趁此兵力悉數辦淨不可稍留餘孽至張魏股匪昨已據慶成奏到節次截剿並於留鳳地方痛加殲擒諒不致竄過棧東惟苟逆股匪現經額勒登保分遣官兵追蹤擊剿業經轟出南山恐該逆等被陝省追剿情急復思由棧道折竄入川勒保務當飭令豐紳田朝貴等嚴密防範以堵為剿毋致再令竄入為要

聖朝聖訓卷之三

三

同日

上諭內閣曰前經降旨令勒保詳查殲擒首逆張添倫李彬等在事出力人員奏請加恩茲據查明覆奏其首先抄出賊前之遊擊王忠桂著加恩賞戴花翎所有軍功鄉勇賀天貴伍得勝包相卿魏其龍張順廖榮李仕玉苟文耀王登忠何成龍徐陞等十一名著加恩賞戴藍翎以示鼓勵

同日額勒登保惠齡陸有仁奏言竊^臣等欽奉諭旨令將寧陝鎮新設兵丁如何分別防剿支領鹽菜口糧之處會議具奏^臣等伏查南山內屢經賊

聖朝聖訓卷之三

三

擾食物極為昂貴現當堵剿喫緊之時將弁兵丁倍嘗艱苦自應量加體恤俾免竭蹶之虞應請仍照^臣額勒登保前奏將所募新兵挑出六成為剿兵酌留四成為防兵其剿兵照本省剿捕之例月支鹽菜銀九錢日支米八合三勺仍給與本營月餉一兩五錢其帶兵搜剿之將弁亦給與鹽菜口糧以資用度至防兵四成祇係守禦較之剿兵勞逸懸殊仍均照步兵之例月給銀一兩九錢以示區別統俟營汛兵房建造齊全將各兵分別馬步戰守再按例支食俸餉以上情形^臣等往返札商意見相同請

旨遵辦奏入

上從之

惠齡陸有仁又奏言寧陝鎮應建營汛兵房業經經畧額勒登保奏奉

諭旨責成倭什布等分段督辦俟山內一經肅清即

可興工建造臣等先已札飭各地方官並各委

員預購料物以期辦理迅速惟上年仰蒙

聖鑒事

賞撥經費銀二十萬兩業經

奏明挪為軍餉之用此時無可挹注伏乞

聖恩俯賜飭撥奏入

上命軍機大臣傳諭顏檢曰現在陝省南山建蓋兵

房需撥帑項前據阿克當阿奏九江關稅銀撥解

二十萬兩赴豫候撥著傳諭顏檢於此項銀兩解

到時即行轉解陝省交陸有仁收貯支用

十六日丙辰吳熊光奏言竊照楚省王曾樊崔各

逆前經督臣長齡在太平寨司馬崗截剿後該

犯即向竹谿王家山一路奔竄長齡與孫清元

吉林泰分路追擊前進臣先經飛飭總兵穆克

登布即在陝境邊界帶兵堵截以收兩面夾擊

之效詎該匪聞知陝境有兵嚴堵遂翻越陡險

山梁向東折竄日夜狂奔由竹山房縣之瓦房

聖鑒事

溝平土河扇子壩一帶遁入與山西面大山孫

清元吉林泰追逐前進長齡由北面抄截而東

路之蒲陳冉井等逆因有副將蔣觀濤孫應奉

在東北攔截不敢直前肆竄尙在興歸一帶往

來游奕前奉

諭旨准令德楞泰來楚剿辦刻下楚境各匪已竄聚

興歸一帶德楞泰自西南而來長齡孫清元等

由西北而去正可三面合圍聚而殲洗茲探聞

德楞泰於三月二十七日由巫山縣起程赴楚

自必順道將巴東卡外股匪剿除後即可入境

臣隨飛札知會長齡孫清元等務向西南進逼

以期與川兵兩路夾擊一鼓集事至德楞泰既

來楚省剿辦事權必須歸一併囑長齡孫清元

等均聽德楞泰調度以便呼應較靈所有打仗

情形亦歸德楞泰就近具奏臣如有所聞亦即

隨時入

告至臣前請

飭令穆克登布帶兵來楚會剿今楚省現有德楞泰

前來兵威壯盛當即飛札穆克登布令其暫緩

再楚省官兵既經增添糧餉亦當籌備寬裕查

現在宜昌一路存銀六萬餘兩襄陽房縣二處

存銀十萬兩又蒙撥江西捐監銀十萬兩臣

業派荆宜施道陳蘭森同知木特布前赴德楞

泰軍營辦理糧務妥為支應現在撫臣全保遵

旨前赴後路襄陽武昌一帶辦理軍需地方事務臣

囑令查看司庫如有可動之款酌量籌撥預備

接濟以免臨期周章至兵糧一項前蒙

賞撥截漕米石已全數分運襄郡宜昌等處而後路

亦須預為籌備查有上年武昌等州縣帶徵元

二兩年初限南米二萬六千五百九十餘石亦

囑全保查明一併撥作軍需趁此夏汛未發之

時由水路分運襄宜以期有備無患再臣接長

齡來信因探聞王會各逆折向東竄隨即回師

抄載二十六日行抵雙竹園地方探聞附近瓦

房溝有大寧縣徐家壩竄來零匪一股約數百

人在彼屯聚未便舍而不剿當派遊擊王占鰲等帶領兵勇於三更時進發長齡同總兵德昌侍衛富翰等帶領馬隊隨後繼進王占鰲等於二十七日黎明行抵該處賊匪正在造飯一見官兵奪路奔逃我兵分頭追殺立時斃賊二十餘名該匪搶上山梁抵死抗拒長齡督率馬隊趕到兩路衝殺又斃賊八十餘名鄉勇首領王德魁衝入賊隊手刃三賊身受矛傷陣亡千總趙先貴射中執旗賊目前首領王元魁射斃執旗賊目一名兵勇一齊奮力衝擊賊匪站立不住紛紛四散潰逃追殺二十餘里沿途又斃賊六十餘名生擒四十三名奪獲旗幟器械甚多餘匪遁入苦菜溝老林當提活賊偽先鋒張連陞查訊據供此股係川陝黃白各股餘匪

欽定剿平三省邪匪方略 正編卷三二二

奏合共有四五百人係偽元帥郭勤慎管事並無緊要賊目在內當將該犯全訊出真正牙手十七人一併正法其餘二十六名俱係附近被裹良民發交竹谿縣分別首釋適撫臣全保派往搜捕零匪之守備鄧興相帶勇趕到當即飭令前赴苦菜溝老林搜捕長齡仍即飛赴前途抄截王曾大股以期與孫清元等兩路夾擊查撫臣全保所帶兵勇一千餘名已交總兵李天林統領即在竹谿境內搜捕零匪苦菜溝一帶與川陝毗連山勢深險所匿餘匪不可不全行撲滅臣即飭委李天林督率將弁趕緊搜捕俟一律廓清後再酌量派赴別路協剿奏入

欽定剿平三省邪匪方略 正編卷三二二

瓦房溝等處折竄遁入興山西面大山爲苟延殘喘之計與興巴一帶游奕之蒲陳井冉各逆相距不遠現在長齡孫清元蔣觀濤等三路官兵分投追躡叅贊德楞泰又帶領勁兵由川赴楚德楞泰自西南而來長齡孫清元等由西北而去正可三面合圍聚而殲洗吳熊光務當札知長齡等將會王等逆向西南進逼與川省官兵上緊夾擊以期

聖朝勦擒逆裔

元

一鼓集事至德楞泰係叅贊大臣既已到楚一切剿辦機宜自應聽彼調度其打仗情形德楞泰亦必就近奏報但吳熊光係該省總督如探聽各路官兵得有勝仗殲擒首逆仍當加緊馳奏以慰廑注再楚省現添德楞泰一路兵勇軍火糧餉自應早爲籌備源源運供吳熊光派道員陳蘭森同知木特布馳赴德楞泰軍營辦理糧務尤應督飭局

員將各處軍需妥爲支應不可稍有缺乏務期同心協力速蕪大功共膺懋賞所有此次衝入賊隊手刃三賊受傷陣亡之鄉勇首領王德魁着咨部賜卹

聖朝勦擒逆裔

元

致有挫損究與畏葸退縮者有間是以不加譴責令其毋庸帶兵此時全保馳赴後路辦理軍需地方事務軍火糧餉尤關緊要本日據吳熊光奏宜昌一路存銀六萬餘兩襄陽房縣二處存銀十萬兩又谷催續撥江西捐監銀十萬兩解楚雖無缺乏亦未能充裕若軍需不敷不妨據實奏請候朕酌撥楚省剿賊正當喫緊之際所有軍儲一切設

稍有貽誤該撫不能辭其咎矣

欽定剿平三省邪匪方略

正編卷三十三

欽定剿平三省邪匪方略 正編卷三十三

欽定剿平三省邪匪方略正編卷三十三 壬戌年

四月二十一日辛酉額勒登保奏言臣於初五日

接據楊遇春扎克塔爾報稱苟逆賊匪被剿之

後大夥由朝陽坪折竄楊泗廟尙有零星賊匪

於後路林箐中伏匿扎克塔爾格布舍帶領馬

步官兵星馳追剿楊遇春李應貴帶領後隊兵

勇沿途搜剿而進初四日未刻扎克塔爾等前

欽定剿平三省邪匪方略

正編卷三十三

隊趕至中板房桃園溝距賊不遠賊匪又分股

向蓆子溝油磨山老林竄逸扎克塔爾格布舍

將前隊分爲數路入林搜剿馬隊沿山截擊斬

獲七八十人楊遇春帶兵於响洞溝一帶老林

內亦搜獲賊匪二十餘人差弁飛探賊蹤有由

平安寨大茨溝折竄秦嶺之勢遂於初四日連

夜商令格布舍李應貴率同侍衛傅陞參將李

五五五

應元李東宣祝廷彪等帶領兵勇赴平安寨長溝設伏扎克塔爾率同侍衛彥丕勒副將張瑛遊擊劉元明蒲佑盛等帶領兵勇赴茨溝福安寨截殺楊遇春帶同侍衛噶拉金保副將應元寬蕭福祿叅將吳廷剛等往來策應格布舍李應貴等於初更時甫抵平安寨果遇賊匪竄至於黑暗中奮力截殺斬獲數人賊眾亡命衝突我軍復奮力掩殺遊擊祝廷彪見有執旗賊目卽衝入賊羣持刀砍殺猝中賊矛戳傷頸右兵勇等奮力向前救護當將執旗賊目戮斃搶獲旗幟上書先鋒苟文清餘賊尙在抵拒我軍刀矛並舉衝殺數刻賊由茨溝逃遁正與扎克塔爾一路官兵相遇斬獲十餘人賊匪由南溝遁去時已五更楊遇春格布舍亦帶兵趕到遂鼓

聖朝聖編卷之三

二

勵官兵跟蹤追剿至初五日午刻沿途又擒賊五六十名賊匪敗向東峪河奔竄兩晝夜之內連次接仗共計兵勇割獻耳記一百餘副生擒賊匪六十四名當將從逆日久之曾紹禹等三十名正法其餘係被脅未久之人卽予釋放賊匪自剿潰之後竄入東峪河茨溝等處該處山勢綿長盡係荒林密箐該匪既畏我軍白晝進攻復畏我軍乘夜掩擊日間於山巔屯聚瞭望夜間於林內零星散處並於夥內分出一二百人條向東遁條向西趨意在牽綴官兵乘間遠竄官兵等或分路兜圍或設伏截擊連次斬獲十餘人至二三十人不等初十一日楊遇春由兩河顧定西面扎克塔爾由八里坪顧定北面步步逼進該匪不能存住於十二日向腰

聖朝聖編卷之三

三

竹嶺奔逃有向南趨之勢楊遇春仍於西面防其折竄扎克塔爾緊躡賊蹤追剿於十二日晚間趕抵油房溝暫行劄營是夜賊匪一二百人由老林潛出偷撲營卡我兵鎗箭齊發將賊擊退兵勇復乘勢出營趕殺藍翎侍衛長安鎗斃執旗賊目一人復帶兵勇十數人衝入賊羣被賊矛戳傷陣亡兵勇亦傷亡數名賊匪仍折向油房溝逃竄天明時察看殺斃賊屍十四具遺棄刀矛數十件該匪現竄入青草山分投藏匿

欽定剿平三省邪匪方略

四

有餘匪四十餘人初八日由灃峪竄至觀音山又經守備黨聯陞帶領兵勇追及殺賊二名賊匪滾巖跌斃數名現仍督率官兵分路趕剿臣

臣 巴面飭該鎮速將餘匪掃除淨盡即督率大隊兵勇於大莊坪光頭山嚴備苟逆竄向西北之路刻下苟逆勢已窮蹙四面有兵剿辦無慮稽滯至日前竄入寧羗之張魏餘匪四五百人經慶成等於棧道一帶抄截業由黑河竄入兩當境界現有道員朱爾漢帶領兵勇在兩當虞關防剿而該處山林較小兵力易施慶成當必督率兵勇就地殲除不致越棧東竄

欽定剿平三省邪匪方略

五

臣 同日惠齡奏言 至灃峪口接准提督慶成來信初三日都司張起鰲守備李如緒等趕至鳳兩交界之大陽山正遇張魏賊匪北竄當即奮

力衝擊自未至戊攪殺數次殲斃賊匪一百餘
 人生擒五十三名適遊擊李朝顯接應之兵趕
 到併力衝殺又斃賊三四十人生擒三十一名
 搶獲賊旗鳥鎗長矛驟馬甚多餘匪不滿三百
 人始紛紛向西南一帶老林逃遁慶成仍督率
 張起鰲等跟蹤搜剿又接據鞏秦階道朱爾漢
 遊擊七十九等來稟張魏股匪被慶成剿敗後
 復翻山西竄南家渠朱爾漢等帶領兵勇於初
 四日黎明趕至該處賊匪屯聚山上用石滾打
 兵勇間有傷亡馬兵楊開泰被石打倒翻身復
 起冒石先登兵勇隨後一齊撲上賊匪始形慌
 亂我兵乘勢衝殺立斃賊匪五十餘人滾崖跌
 斃十餘人逃出難民男婦二十一名口當卽釋
 放回家餘匪分兩股奔逃兵勇亦分兩路追趕

聖朝聖德編卷三

六

殲斃賊匪三十餘人逃出難民十二名餘匪奔
 向四寧川該處僅有一綫礮路賊匪自相擁擠
 落崖跌斃者四五十人餘匪卽竄入羅家山老
 林官兵現仍尋蹤搜捕此股賊匪窮蹙已極諒
 可就地掃除至苟宋大股之賊經官兵連次剿
 殺復折竄西北茨溝腦老林藏匿我兵連日入
 林轟擊該匪又翻山逃向東南火地一帶扎克
 塔爾楊遇春現由東北西北兩路向南逼剿額
 勒登保亦由澇峪八里坪一帶進兵日內必又
 與之接仗其劉逆餘匪僅有數十人經楊芳督
 率兵勇隨處搜捕節有殲擒_臣以此等零匪不
 值牽綴大兵飭令楊芳酌撥兵勇三四百名分
 投搜捕楊芳自帶官兵緊顧東北協剿苟宋賊
 股_臣仍在澇峪一帶督搜劉逆零匪兼防苟宋

聖朝聖德編卷三

七

大股折竄均奏入

上命軍機大臣傳諭額勒登保曰此次苟逆一股經官兵連次剿殺勢已窮蹙乃復竄入東峪河茨溝等處老林藏匿扎克塔爾楊遇春格布舍等分投緊躡雖斬獲無多而晝夜奔馳實已不遺餘力朕亦不忍再加催促此時額勒登保由江口月河進抵腰竹溝督飭楊遇春扎克塔爾等三路合剿務

聖朝聖鑒

八

將賊匪轟出老林併力趕辦至伊等節次所奏打仗情形只稱鎗箭齊發並未見用礮轟擊山林之內利用火攻賊匪既恃老林爲窟穴當此四面有兵圍逼之時或用大礮擊打或拋擲火彈較之鎗箭自更得力額勒登保何以未經籌計及此或因軍營火藥未能充足耶現已降旨諭知惠齡如軍營需用火藥卽令多爲預備以便取用此朕籌慮

所及隨時指示額勒登保可試行之若實係限於

地勢火攻無益亦不妨據實覆奏也再遊擊祝廷

彪於打仗時見有執旗賊目卽衝入賊羣持刀砍

殺猝被賊矛戮傷殊屬奮勇著額勒登保存記遇

有叅將缺出卽行陞用所有打仗被賊戮傷陣亡

之藍翎侍衛長安著咨部賜卹

上又命軍機大臣傳諭惠齡曰張魏餘匪經張起鰲

聖朝聖鑒

九

等連次剿殺已不及三百餘人復經慶成朱爾漢

等截殺又斃賊一百七十八人所剩無多諒可卽

日剿辦淨盡惠齡一得此股辦完之信卽由驛馳

奏以慰廑注再本日據額勒登保奏苟逆股匪竄

入老林復分出一二百人倏東倏西牽綴官兵實

爲可恨此等賊匪與其祇用鎗箭擊射何如施放

大礮轟打或拋擲火彈焚燒已降旨諭令額勒登

保酌量辦理如軍營火藥不敷應用惠齡卽趕緊多爲製備候頒勒登保調取時卽源源運往勿令缺乏再摺內所稱馬兵楊開泰被賊匪用石打倒翻身復起冒石先登殊爲奮勇可嘉著惠齡存記遇有應行拔補缺出量加鼓勵

同口德楞泰奏言臣前在巴東之馬寨督兵東

下擬將大小峽青灘之冉井二逆先行剿辦旋

聖朝聖鑒編卷三

十

據哨探守備史定川等拏獲探事賊匪譚有進

劉必文二名到營訊據供稱在樊掌櫃營內充

當步探頭營裏兩個老掌櫃是樊人傑戴四四

個元帥是王國賢曾芝秀崔宗和胡明元男婦

大小有三四千人馬騾五六百匹由陝西平利

折回到竹谿竹山走房縣之灣腰樹扇子壩進

了南山沿途零星合夥又破幾個峒寨如今有

五六千人要去歸州興山一帶找藍號蒲元帥同下東湖穀城到襄陽去我來探聽有無官兵不想就被拏住又稱唐明萬一股六七百人還在堆子山裏等語當將該二犯正法臣查樊戴

王曾崔胡等逆狡猾異常數年來善於避兵現

又東竄其勢必與蒲添寶一股合夥設被直趨

襄樊所關匪細雖已飛咨吳熊光長齡等酌分

聖朝聖鑒編卷三

十一

兵力緊顧東面恐其緩不濟急我兵若由興山

取道建陽坪自西北趕赴東湖之霧渡河卽可

顧住東面又可迎頭截剿但恐該逆聞風折竄

當派守備史定川等帶領鄉勇一百名令其尾

躡賊蹤夜間多燒號火遙爲大兵追趕之勢臣

卽傳令將弁兵勇裹帶兩日口糧輕騎滅從不

分日夜星馳趕往抄截儘兵馬之力計兩日一

夜行走三百餘里於十一日戌刻抵霧渡河業已抄出樊逆之前旋據探報蒲添寶股賊現在代峯一帶屯聚距營八十里係在我兵之南樊戴崔胡股賊由白雲寺觀音閣東來亦於是日屯於杉木嶺大岔河一帶距營五六十里係在我兵之西是官兵已居兩股賊匪之中該逆勢不能合正擬乘夜發兵進剿蒲添寶股匪知官兵已抵霧渡河連夜由新坪折竄燈明油坪一帶樊戴王會等逆又北竄東湖與山界上之王爺廟因卽酌量就近先剿樊戴等逆是夜三更發兵十三日辰刻兵至天竺山探得前面雞公梁山上有賊匪數百人往來搖旗其山後有空寨一處亦藏有賊匪又山左右溝內各有埋伏臣查看雞公梁山勢陡險溝深路窄馬力難

聖朝聖德編卷三

三

施該逆欲誘我兵衝殺則左右溝內埋伏之賊卽可在官兵之後三面環攻臣當派蒲尙佐副將達自祥叅將何君佐等帶兵勇一千人囑其扼據左右溝口不必進剿使賊不能衝出臣酌分兩路大兵攻搶賊所佔踞之雞公山梁左一路派令賽冲阿馬瑜帶領侍衛富僧德協領穆騰額等右一路派令溫春色爾滾侍衛蘇爾伸珠爾杭阿等各帶馬步兵勇進發該逆一見我兵分投競進卽吶喊搖旗推滾亂石放鎗抵禦官兵不避鎗石徐徐而上進至第二層山包距賊不遠該逆亦分兩路下壓我兵鎗箭齊發立斃賊匪二十餘人賊勢稍退臣催令兵勇乘勢又搶上第三層山包山後埋伏之賊與寨內藏匿之賊一齊突出蜂擁而來與官兵攪殺一處

聖朝聖德編卷三

三

刀砍矛戳鎗擊箭射斃賊匪一百一二十名生擒劉應儒等一百零六名賊遂潰敗分為三起向張家溝黃家灣旗杆嶺奔竄官兵分投追趕至山竹坪石窄壩建陽坪鑼錫坪七八十里不等沿途又共殺賊二百餘名擒獲賊匪鄒先發等二百二十一名滾崖而死者約有一百多人

製看龍聖編卷五

古

先時蒲尙佐等見雞公梁山上之賊大敗即進溝剿殺埋伏之賊共殺賊五十餘名生擒張光雲等三十七名連耳級一併呈繳前來計此次共殺賊五百餘名生擒賊匪三百六十四名搶獲馬騾一百四十一匹頭火鎗二十一桿刀矛四百餘件大小賊旗五十七面隨令獲犯於各犯內指出賊目偽先鋒劉應儒偽總兵熊方杰王洪柱旗首田三元李承奉探馬頭張光雲李

文貴等七名其餘吳先貴等俱係精壯戰手並無婦女幼孩訊據劉應儒熊方杰等僉供樊掌櫃王元帥要我蒲添寶合夥過襄陽樊城一帶探得四川大兵把霧渡河去路截住惟雞公梁山高溝窄馬兵不能得力就挑了精壯戰手山上派了一千二百人是王元帥督陣兩邊溝裡伏了八百人原想官兵深入三路動手不料官

製看龍聖編卷五

五

兵攔殺利害我就被拏等語訊明後將劉應儒等七犯臠割處死其餘吳先貴等三百五十七名一概正法臣正籌蒲添寶賊股無兵剿辦適據報總兵孫清元吉林泰於十二日已抵水月寺並長齡已由遠安北湖頭自東而來是刻下東面已有兩路重兵扼據臣即飛咨令其就近探剿惟樊逆等被剿奔逃或東或西均未可定

臣擬卽督兵窮其所向務期剿洗淨盡上慰

聖懷再查此時樊戴王曾崔胡及蒲添寶股匪人數

稍增賊股互異緣係從前剿殘餘孽日久滋蔓

裹脅日多又聚成大股核其情勢真賊原本無

幾但非趕緊剿殺則被脅難民無由乘空逃出

遂至久假成真於剿辦終爲可慮又探得熊劉

一股賊匪近有二千餘人聞臣帶兵東來竄出

欽定剿平三省邪匪方略

正編卷三十三

巴東陳家坡已入川境其川省南岸習教之人

伏而未起者原屬不少臣前令夔州府知府方

積繕發告示多張設法消弭此次臣過夔州據

該府面稟恭錄

恩旨剴切曉諭查有巫山之商民王瑞原本習教人

極明白能事素與利川恩施建始巴東等處之

人貿易往來熟識深爲信服該府密傳到署曉

以大義面爲獎賞令其宣示

皇仁通行勸導該商民感激歡欣已應諾而去看來

可以得力至勾結之事以樊人傑王國賢二逆

爲首臣現在惟有將該二逆趕緊擒除北岸一

經肅清卽可絕南岸蠢動之心仍抽撥一路遊

兵在於宜歸興巴一帶往來彈壓稽查不但南

北謠傳頓息卽竄近零匪亦可隨時搜剿

欽定剿平三省邪匪方略

正編卷三十三

同日勒保奏言查中河前河一帶尙有剿散各

號餘匪往來潛匿臣飭催各鎮將趕緊搜捕旋

探得砲通山一帶賊匪二三百人在彼奔竄

臣當卽飛飭田朝貴帶兵由冲天漕石滾坪一

路兜截達斯呼爾岱羅聲臯等各帶官兵由樊

會店土黃壩一路迎擊初七日辰刻田朝貴行

至板鞍子地方賊匪已翻山奔竄田朝貴帶同

叅將張明德遊擊王忠桂薛陞等率領官兵探蹤跟追至黃心家殿趕及賊尾兵勇緊躡追殺斃賊十二名生擒三十四名該匪等亡命狂奔向華尖壩沿河鼠去適達斯呼爾岱羅聲皐等一路官兵亦於是日趕抵華尖壩正遇該匪紛紛洶渡達斯呼爾岱羅聲皐即帶領遊擊胡定邦都司馬建廷邱鳳忱等分領官兵跣水渡河追捕殺斃賊三十餘名生擒三十二名賊匪洶渡者見兩岸皆有官兵不敢登岸復淹斃三十餘名餘匪未及搶渡者即鑽越林箐四散奔逃當經副將海常叅將蕭鳳來等各帶兵勇分投追捕殺賊六十餘名生擒五十九名該鎮將等各將所擒活賊解送前來臣當加查訊究出偽先鋒馬金保黃現文偽總兵周明禮並偽千總徐

聖朝聖德編卷五

六

士俸旗手向國良張上科探馬頭王起萬及戰手蔣添仁等七十九名分別正法新被裹脅附近難民向之春等三十八名取保省釋又擊獲湯思蛟之弟湯思武一名訊明止十二歲年齒尚幼暫交達縣監禁俟軍務完竣後再行核辦再此次官兵洶渡追賊有黑龍江領催部委驍騎校桑保住一員及兵丁李元龍等三名被水淹斃另咨咨部辦理其田朝貴一路官兵追賊至華尖壩知前股賊匪已經達斯呼爾岱等接手剿淨當即移兵轉回五寶場豐城一路途次探得翊馬坪蔣家灣等處有賊匪二百餘人在彼奔竄田朝貴即與遊擊羅思舉各帶兵勇分路抄截田朝貴從雲霧寨一路取道羅思舉從老君場一路取道初九日田朝貴帶兵行至石

聖朝聖德編卷五

九

182 200 冊 續修四庫全書 6 五三九

人山趕上賊尾鎗砲齊發殺斃賊匪三十餘名
生擒十四名餘匪向金鷲寺姚家壩一路奔竄
正遇羅思舉帶兵從磨盤埡抄出迎頭相值復
斃賊十餘名生擒五名該匪卽折回羅家坪楊
柳坪等處竄去田朝貴羅思舉兩路官兵追剿
百餘里沿途復有斬獲計此次剿賊共殲斃六
七十名生擒四十四名訊明均係戰手概行正
法至張志林一路官兵前在梁山地方將白號
零匪一股剿敗後該匪向剩二百餘人張志林
帶兵探蹤追躡行至新寧所屬之龍王山迫及
賊尾賊匪向林箐竄走張志林率同遊擊門繼
春程元龍晉之璉等分路追捕殺斃賊匪三十
七名生擒活賊十名張志林當加查訊此股俱
係藍白二號打散餘匪並無首逆在內卽概行

欽定剿平三省邪匪方略

正編卷三十三

正法餘匪尙有百餘人現在竄入栢林漕四處
藏匿臣現飭張志林會同辦理團勇之知府趙
秉淵督率團寨上緊搜捕務期淨盡至張魏餘
黨顏中考魏洪升等殘匪一股約二百餘人被
劉清追至廣元邊境適有鮮姓零匪一股合夥
共有四百餘人竄至寧羗地界當經慶成截殺
該匪折向寧廣交界之關壩適豐紳帶兵抄出
神宜驛會合劉清在彼堵截該匪不敢折回川
境仍向陝境煎茶嶺一帶竄去現經慶成一
路官兵在彼接手剿辦臣復知會豐紳劉清等暫
在廣元邊境防堵又大寧一路近有賊匪一股
約二三百人由楚省竄來卽分股向奉節雲陽
地界奔竄臣已飛飭達勒精阿武隆阿等在奉
節一帶就近剿辦並飭張續帶兵向雲陽探蹤

欽定剿平三省邪匪方略

正編卷三十三

迎剿毋任該匪深入腹地現在川境餘匪日剿日少統計不及千人惟湯烈二逆尙無蹤跡其餘賊目張簡宋國品等零星四散在前後中三

河一帶往來分竄條東條西必須四路搜捕方能淨盡臣現仍在東鄉扼要駐紮督催各鎮將

趕緊分投辦理再臣准陝西撫臣陸有仁來信

以寧羌州駐紮官兵鄉勇每月需糧甚多加以

經畧及各路征兵臨境不免益形支絀四川係

產米之區可否撥大米一二萬石運貯寧羌以

資協濟等因臣查陝省正當軍務喫緊之時且

經畧大兵在境供運浩繁理應不分畛域通融

籌辦當即飭司查議去後茲據藩司楊揆等議

稱川省軍興以來川東川北州縣已無存穀近

年所用軍米均由川西川南州縣碾運供支今

既據陝省需糧應仍請在川西南完善州縣酌

動倉穀二萬石碾米一萬石運陝協濟臣即飭

照所議迅速碾運惟查川省西南各州縣距陝

境較遠若由陸路轉運腳價浩繁惟有令西南

近水州縣用船裝載運至重慶即由嘉陵江溯

流而上運赴保寧再由保寧河轉運朝天關其

路皆一水可達運費較爲節省至朝天關以上

即入陝境所有運至朝天關之運腳即歸川省

給發核銷其朝天關以上之運腳應歸陝省給

發核銷以免彼此牽混

同日吳熊光奏言查樊會各逆昨經提臣長齡

與總兵孫清元吉林泰等由西北台口金斗坪

等處分路抄截該匪不敢逸出北面腹地遂於

九道梁翻越老林竄至歸州水田壩探聞川省

大兵入楚旋折由興山邊界向古城一帶狂奔
並據探報川匪唐熊劉各逆及青號王姓餘匪
山鋸鋸嶺北竄希圖直入房保大路又據興山
縣知縣朱宗騰稟報陳蒲井冉各逆分股在秀
水上下二台往來游奕又分出黃號餘匪攻撲
忠保寨經該縣率領各寨健勇擊追殲斃賊匪
十餘名又黑虎寨首領彭光案等糾同寨勇暗
伏溝內截擊樊曾分股零匪殲斃十餘人生擒
偽先鋒沈名世一名餘匪向平邑口竄去拏獲
各犯審明後均卽正法又川省拜佛坪竄來一
股賊匪攻撲巴東葉子壩卡隘經知府尹英圖
帶領兵勇擊退臣查南路各股逆匪賊數較衆
俱在興歸一帶離古城不遠與樊曾各逆有會
聚合夥之勢必得厚集兵力方能悉數掃除適

欽定剿平三省邪匪方略

正編卷三十三

接叅贊德楞泰來信初九日已抵興山邊
首先辦樊曾等逆查德楞泰所帶勁兵自西而來聲
威壯盛孫清元吉林泰由水月寺自北而南長
齡亦抄赴重馬二坪包截東路目下三路官兵
已聯犄角之勢實屬極好機會至鋸鋸老山北
竄股匪若走彎腰樹卽可直達房縣此時房保
一帶防守空虛臣已札商德楞泰長齡飭令副
將孫應奉張觀濤回至房保以資攔截設或該
匪西竄二竹現有總兵李天林帶兵在竹谿搜
捕零匪並穆克登布在平利境上堵截更可兩
面夾擊迅速剿除至興歸一帶狡猾賊衆總恃
老林爲穴窟其所以不敢竄出平原者皆懼東
三省馬隊弓箭之故查長齡孫清元吉林泰等
所帶馬兵經年入山往來馳逐馬匹多有疲乏

欽定剿平三省邪匪方略

正編卷三十三

應行抽換臣業於河南採買健騾一百頭又於襄鄆所屬就近採買廐壯土馬二百匹已分撥各營以資馳騁現在川楚兵力聲勢壯盛似可尅期蒞功上紓

聖恩俯准於隣近省分或於關稅項下預行

賞給銀四十萬兩連本省藩庫項下撥銀十萬兩共

銀五十萬兩以資接濟均奏入

聖祖聖孫萬歲

奏

上命軍機大臣傳諭德楞泰曰德楞泰奏樊戴等逆

股匪田房縣竄至興歸思與蒲添寶一股合夥德

楞泰率官兵晝夜星馳追行三百餘里截斷會

合之路抄出賊前復分兵兩路仰攻所踞山梁不

避鎗石五衝山後斬獲甚多賊匪潰散四竄官兵

分投追趕共殺賊五百餘名生擒偽先鋒劉應儒

及大小頭目等共三百六十餘名殊屬奮勇可嘉

著賞給德楞泰黃辮大荷包一對小荷包四個鑲

玉帶頭一個日圭一個並發去玉搬指十個搬指

套十個花磁鼻烟壺十個分賞此次在事出力將

弁又一兩重銀牌一百面五錢重銀牌一百面分

賞此次出力兵丁以示獎勵統俟剿淨樊戴等股

捷音到時再沛恩綸厚加懋賞樊人傑一犯為首

聖祖聖孫萬歲

奏

先起事兇逆數年來輾轉奔逃又復聚脅多人肆

行荼毒實屬罪大惡極德楞泰注意剿辦務將該

逆趕緊擒除所見甚是現據察看該逆一股本有

四千餘人此次復經官兵擒殺幾及千人殘匪不

過三千餘人德楞泰惟當乘此勝勢督率官兵先

將樊人傑等大股賊匪迅速殲除方為正辦但該

逆被剿奔逃知東面有兩路官兵自不敢闌入襄

鄭一帶勢必又向西南竄往川境刻下川省零星
餘匪祇剩一千餘人指日即可肅清乃現在熊劉
二逆股匪竄入已增多二千餘人倘樊戴等股匪
再入川境沿途裹脅豈不復形滋蔓雖靖楚而復
擾川仍不過東奔西竄迄無成功殊屬不成事體
德楞泰當趕緊設法就地撲滅毋令再竄入川辦
理又致費手至所稱賊匪原本無幾但非趕緊剿
殺則被脅難民無由乘空逃出遂至久假成真等
語所見甚是朕所深慮者在此至川省南岸伏而
未起之賊原難保其必無此次德楞泰告知方積
恭錄恩旨多張告示曉諭民人並令原本習教之
商民王瑞面行獎賞宣示勸導所辦亦甚妥協總
之此等奸民多係乘機起釁德楞泰若將樊人傑
等股迅速殲淨縱有伏而未起之賊亦必自行解

聖諭廣訓卷三十三

天

散又何患久假成真耶勉之望之
上又命軍機大臣傳諭勒保曰此次青白二號餘匪
復經達斯呼爾岱田朝貴張志林三路官兵分投
剿殺共殲賊二百四十餘名生擒二百餘名並生
獲偽先鋒馬金保黃現文偽總兵周文禮及湯思
蛟之弟湯思武賊勢益形衰敗所辦尚好看來川
境餘匪日剿日少據勒保稱統計不及千人固屬
確實但近日楚省邊界匪徒竟有六七千人設被
德楞泰起剿難保其不由大寧巫山等處入川此
時勒保惟當督飭達斯呼爾岱等各路官兵乘勝
剿殺并飭地方官督率團寨幫同搜捕務期剿除
淨盡切勿稍留餘孽至湯劉二逆前次隻身奔竄
之後至今未得蹤跡務須督飭鎮將嚴加搜捕每
遇擒獲活賊時詳悉根究一有確實信息卽上緊

聖諭廣訓卷三十三

天

擒拏斷不可令其漏網至摺內稱大寧一路近有賊匪一股約二三百人由楚省竄來分股向奉節雲陽地界奔竄現在飛飭達勒精阿等就地剿辦等語而本日德楞泰所奏楚省熊劉一股賊匪自德楞泰東來之後竄出巴東陳家坡已入川境共有二千餘人其數不少看來此時德楞泰移兵赴楚後其川楚邊界游奕各匪又多思逃匿入川不但熊劉一股勢已東竄即將來換人傑股匪經官兵剿急後或亦思折竄入川均未可定勒保須預爲籌備川東一帶甚關緊要現在該處防守鎮將無多勒保一面飭令上緊堵截一面或再酌派將領前往幫辦設遇有竄入賊匪務須就地殲淨其未經竄入之賊尤須設法防禦不可使一名闖入爲要又據奏籌撥川米一萬石運陝協濟所辦甚

聖朝實錄卷之三

三

好陝省現當軍務喫緊之時需糧甚多勒保接到陞有仁知會後卽飭令楊揆於川省完善州縣內酌動倉廩碾米一萬石運往協濟似此通融籌辦不分畛域洵屬可嘉卽日大功告成後不但勒保優加懋賞卽楊揆亦當一體加恩至此黑龍江領催驍騎校桑保住一員及兵丁李元龍等三名雖祇係被水淹斃但究因追賊消渡自應照陣亡例議卹著勒保咨部辦理

聖朝實錄卷之三

三

上又命軍機大臣傳諭吳熊光曰吳熊光奏楚省現在南路各股逆匪賊數較衆俱在興歸一帶與樵會各逆有會聚合夥之勢必須厚集兵力方能悉數掃除現在德楞泰已抄出賊前大獲勝仗將樵會王戴等逆大股賊匪痛加剿殺殲擒八百餘人想吳熊光尙未得信又能劉一股賊匪據吳熊光

探得由鋸鋸嶺北竄希圖直竄房保大路茲據德
楞泰奏稱該匪已竄出巴東陳家坡折入川境等
語現已諭知勒保嚴密堵截矣又楚省餉銀除藩
庫項下准其動用十萬兩外並諭知顏檢撥豫省
存貯備撥銀二十萬兩張誠基撥江西地丁銀二
十萬兩俱迅速解楚備用該省得此五十萬兩餉
銀更爲充裕現在德楞泰正在督兵剿賊喫緊之
際所有軍營應用糧餉吳熊光務當飭令承辦之
員源源供運卽或德楞泰追剿賊匪至川楚交界
地方川省糧運未能趕到楚省糧員亦當隨時接
濟俾得士馬飽騰迅奏膚功以慰塵注

上又命軍機大臣傳諭顏檢張誠基曰現在湖北省
需撥餉項著傳諭顏檢卽於浙江廣東及各關解
到豫省存貯銀兩內動撥二十萬兩張誠基於江

欽定剿平三省邪匪方略

正編卷三二二

西奏撥地丁項下動撥銀二十萬兩解赴湖北交
吳熊光收貯備用

欽定剿平三省邪匪方略

正編卷三二二

欽定剿平三省邪匪方略正編卷三百十四

壬戌年

四月二十六日丙寅陸有仁奏言連日復據探報

苟逆股匪竄至鎮安石門溝譚家山一帶經楊

遇春扎克塔瑪等合兵截剿擒獲頗多嗣楊遇

春追至洵陽壩又得勝仗賊隨由金雞河竄至

蓋屋田峪一帶楊遇春等分路兜擊經畧額勒

登保移兵至潞峪一帶相機堵剿劉永受股匪

剿平三省邪匪方略

一

竄至庫峪甘花石一帶經總兵楊芳節次截殺

所剩餘匪無多即日可期淨盡又張魏餘匪一

股由甘省兩當屬之後川竄至西溝峽一帶經

慶成前敵遊擊李朝顯都司張起鰲帶兵趕到

截殺多名賊匪遂由畧陽金池園一帶東竄現

在李朝顯等躡尾追剿慶成帶兵馳至九子溝

鐵爐川一帶以扼賊匪竄出棧道之路又川省

零匪一股約百餘人竄入西鄉之鹽場壩一帶

經縣丞李晶督率寨勇王大智等擊殺數名賊

即竄入太平境內並另有一股百餘人由通江

竄至巴山老林現經委員易萬里徐霖等鼓勵

寨勇協同總兵富蘭搜剿臣查苟逆股匪自竄

入南山官兵總未得手今賊鋒已挫兼之楊芳

日內剿淨劉逆殘匪又可騰出一路兵力前往

剿平三省邪匪方略

二

協剿諒不致仍前棘手至張魏餘匪現雖向東

折竄慶成已抄出賊前毋虞竄越其平利等處

邊界總兵穆克登布防堵嚴密如川楚賊匪不

復竄入則陝省止此苟逆等股一經得手即日

即可肅清奏入

上命軍機大臣傳諭陸有仁日陸有仁奏川省零匪

一股約百餘人竄入西鄉之鹽場壩一帶經縣丞

148 200 千...

李昂率勇迎擊賊即竄入太平境內並身有一股百餘人由通江竄至巴山老林經委員易萬里等協同總兵富蘭搜剿等語此二股零匪係由川匪何股分出是否有賊目在內今既奔竄滋擾該撫即當飭催該縣丞及委員等認真堵剿勿令蔓延為要此時陝省正當剿辦喫緊之際糧餉最關緊要該撫惟當源源供運不可稍有缺乏

聖訓編卷三

二十七日丁卯 廣成 奏言 臣帶兵剿辦魏張股匪

該匪竄至畧陽老林旋又繞出兩當地方經防堵道員朱爾漢之臣勇截殺折向西奔 臣自李家灣帶兵躡蹤緊追令副將多隆武遊擊李朝顯都司張起鰲等帶兵抄出西北併力夾擊該匪竄至黑松店正遇我兵膽敢倚林恃險抵拒 臣帶兵追至該匪見前後有兵始驚慌亂竄我

欽定剿平三省邪匪方略 正編卷三二四

兵奮力剿殺立斃三四十名千總馬忠良軍功李雲生擒張添倫之姪首逆張喜一名訊據供稱此股係該犯與魏洪升康二麻子顏中考等帶領來陝伊叔張添倫並不在內實係通江地方被勒保兵勇殲斃等情所供地方日期確鑿可據質之所獲活賊亦均昭合維時餘匪分三四路逃奔出沒老林蹤跡詭譎 臣與將弁各帶

聖訓編卷四

兵勇二三百名裹帶乾糧不分晝夜隨探隨剿於嶽兩畧沔之間節次殲戮忽聞該匪紛紛由原路南折捉獲活賊訊知賊眾因經官兵屢次剿敗張喜被擒顏中考滾巖不見川匪多欲迴魏洪升康二麻子商令劉裁縫楊裁縫帶一百餘人先向南奔引誘官兵追去以便趁此肆竄等情隨派李朝顯張起鰲等酌帶兵勇緊躡

五七三

向南乘勢追殺探得在陝賊匪向有二百餘人乘間遁入留壩之紫柏山內該處林箐叢密

分布弁兵扼截老林外各要路令鄉勇兼同附

近寨嗣民人入林搜捕軍功周明擒獲偽先鋒

白庸一名又陸續擒獲閩登青等積年戰手三

十七名當將出力鄉勇寨民分別獎賞本月十

五六兩日賊匪或一二十人或二三十人翻越

《聖朝聖編卷五

五

崖澗潛向東遁臣一面督率兵勇入林搜捕一

面挑派將弁赴棧道要隘嚴密捕擒守備任海

外委王進忠帶馬兵趙成龍軍功李雲鄉勇伍

雲等廝至留鳳交界之汪家溝口遙見山溝板

屋上有炊烟門前豎長矛數根知係逃竄零匪

在內遂一擁衝入屋內賊匪突出向後山密林

奔逃不及拾擊器械該弁兵等趕上生擒一賊

餘匪入林散遁又追及戮斃三賊查認獲賊卽

係首逆魏洪升先將白逆押送來營該弁兵等

尙在逐加搜捕臣訊據魏洪升供認自元年起

事與張添倫等同領匪眾不諱該犯為積年著

名首逆卽張喜白庸亦係此股要犯均應凌遲

處死惟張喜有查對川省殲斃張添倫一節解

交撫臣陸有仁訊辦魏洪升白庸二犯現距經

《聖朝聖編卷五

六

畧一路稍遠督臣惠齡在峪口堵剿隨就近解

交審究查魏張股匪入陝節次殲擒已去大半

其逃遁回川之賊據巡擊李朝顯等報稱與防

剿甘界革鎮胡定泰協力追殺沿途均有斬獲

現過寧羌地方等語茲留鳳一帶老林散匿剿

剩餘匪尙有一百餘人其內並無著名首逆僅

有康二麻子為頭已成釜底遊魂臣現在多方

鼓勵兵勇並附近寨民併力搜捕不使稍遺餘孽奏入

上命軍機大臣傳諭慶成曰此次張魏股匪由兩當折向西奔竄至黑松店慶成帶領將弁兵勇奮力剿殺斃賊多名生擒張添倫之姪首逆張喜餘匪二百餘人遁入留壩之紫栢山復經派令兵勇入林搜緝擒獲偽先鋒白庸及積年戰手三十七名

聖朝聖編卷三

七

零匪四散逃竄慶成挑派幹練將弁赴棧道嚴密搜捕將首逆魏洪升生擒所辦好慶成著賞給四喜白玉搬指一個鑲藍晶帶板一塊花大荷包一對小荷包四個並交部議敘其擒獲首逆張喜魏洪升之守備任海千總馬忠良外委王進忠均著以應陞之缺陞用軍功李雲馬兵趙成龍鄉勇伍雲如無頂戴著賞給八品頂戴如原有頂戴者加

一等賞給並發去翡翠玉搬指五個搬指套八個

磁鼻烟壺十個著慶成分賞出力員弁又一兩重銀牌一百面五錢重銀牌一百面分賞打仗出力兵丁用示獎勵現在首逆張魏既經擒獲僅有賊目康二麻子帶領敗殘餘匪一百餘人在留壩一帶奔竄勢極窮蹙想顏中考必在其內慶成務當督率將弁將零匪掃除淨盡勿留遺孽至荷逆一

聖朝聖編卷三

八

股前據額勒登保奏稱該逆逃匿老林防其折竄西北業經飭令總兵楊芳於剿辦劉永受股匪完竣後帶兵嚴防但恐荷逆被剿緊急乘間向西肆竄非折回四川卽闖入甘省慶成現在沔畧之間如遇荷逆竄近卽當迎頭截擊迅速殲擒毋稍疎縱再川北一帶剿敗餘匪或恐乘間竄陝不可不防昨據陸有仁奏有川省零匪一股約百餘人竄

入西鄉經兵勇迎剿折回太平並另有一股百餘人出通江竄至巴山總兵富蘭在彼搜捕看來此等餘匪倏陝倏川竟無一定蹤跡慶成亦須於陝境邊界盡力堵剿毋使滋蔓

二十九日已勒保奏言查雲陽一帶由大寧

竄入賊匪一股約二三百人臣當即飛飭總兵

張績帶兵從開縣取道迎剿恐該匪分路四竄

《聖朝實錄卷一百一十九》

九

其時張志林正在梁山柏林溝搜山當即飛札

張志林就近由萬縣移師探剿十三日張志林

行抵萬縣所屬鏡子洞探得該匪正從雲陽竄

來張志林卽於是日亥刻帶領遊擊門繼春程

元龍晉之璉都司畢萬年守備周士貴連夜進

發三更後行至陳家壩正與賊匪迎頭相值官

兵鎗箭齊發殺斃賊匪二十三名生擒十四名

搶獲賊旗刀矛等件賊匪乘夜折回白陽寺鐵

鍊橋一路竄走適張績等帶兵由楊家營取道

前來賊匪正在該境山溝內竄走張績卽派叅

將桂涵分帶兵勇先抄上山梁藏伏林內張績

率同都司傅廷標馬明德等帶領官兵從山溝

迎頭截擊該匪一見官兵不敢抗拒慌忙丟棄

騾馬奔上山梁逃竄經桂涵帶領兵勇從林內

《聖朝實錄卷一百一十九》

十

突出自上壓下賊匪驚潰亂竄我兵上下夾攻

殺斃賊三十餘名生擒五十二名搶獲賊旗鎗

矛騾馬甚多查訊此起係徐添德陳自得王珊

各股餘匪該鎮等當將先後擒獲活賊交萬縣

轉解來營審辦該鎮等仍分路探剿餘匪十五

日張績行至南門場途次探得有另起賊匪數

十人在附近鳳凰山竄擾張績卽與桂涵就近

帶兵探剿該匪在松林內藏匿張績等卽率官
兵圍住搜捕殺斃賊十八名生擒二十四名並
無一名漏網張績等當將活賊查訊亦係子珊
股內餘黨內有偽干總羅三帶領殘匪四十餘
人潛跡摸樁張績將該匪等一併解營臣逐一
訊明均係老教戰手當卽概行正法至達斯呼
爾岱羅聲阜等一路官兵自將華尖壩竄匪辦
淨後仍向後河一帶搜剿零匪十三日途次觀
音寨探得有賊匪百餘人由青龍觀向瓦房壩
竄去達斯呼爾岱與羅聲阜卽分路帶兵乘夜
進剿五更時行抵鑼鼓巖探得賊匪正在傅家
壩山坡停息當卽分兵進攻賊匪猝見官兵紛
紛四竄我兵立斃賊匪二十餘名生擒二十四
名又滾巖跌斃十餘名餘匪向梧桐坪龍王廟

等處逃竄我兵分路追剿數十里沿途復斃賊
十餘名生擒三十二名將此起賊匪全數辦淨
查得殺斃賊匪內有賊目偽總兵汪貴一名當
令割取首級其餘賊手石正興等五十三名現
交太平縣轉解臣營候審明分別辦理又探得
清靜洞地方有賊數十人在彼潛匿達斯呼爾
岱當派叅將蕭鳳來分兵搜捕是日三更後行
至官房溝賊匪果在該處巖洞潛藏蕭鳳來乘
其不備分兵四面圍住刀砍矛戮斃賊二十七
名生擒十七名全數掃除並無一名逃逸蕭鳳
來將獲犯轉解臣營臣逐加查訊內有偽總兵
楊成等五名訊據供稱均係湯思蛟股內頭目
其餘十二犯亦俱係老教戰手臣訊明後當卽
分別辦理又田朝貴一路官兵前在馬伏山剿

賊之後適曰竹峪關有楊姓餘匪一股竄來田朝貴正帶兵迎擊途次探得巴州隆勝坪地方有零匪數十人潛匿田朝貴當即就近派令把總馬貴軍功臣成玉段占魁等分帶兵勇前往搜剿殺斃賊匪十二名生擒男婦二十一各餘匪十餘名奪路逃走被兵逼至廟壩河岸挑水淹斃田朝貴當將活賊訊明分別正法其餘係

聖朝聖德編卷三

三

附近甫經被擄之人即交該境寨首具保領回其竹峪關竄入楊姓之賊探有二三百人田朝貴現在帶兵兜截剿辦又據羅文壩委員顧玉棟等稟稱三元寨民盤獲賊匪李德先易仕元二名解送來營臣當加查訊李德先係王三槐股內偽總兵易仕元係張子聰股內偽千總當將該犯等凌遲處死原拏寨民分別獎賞自經

臣分派鎮將各路搜捕處處有兵而各鎮將又能臨時酌量情形分撥將弁實力搜尋賊無竄路官兵日有斬獲賊匪被兵剿急無暇裹脅良民是以每次斬獲皆係老教真賊即數十人之小股其中轉有賊目多名其積年老賊亦俱乘隙逃出就此光景而論賊勢實已窮蹙萬分統計川省現有之賊不過數百人仰仗

聖朝聖德編卷三

南

皇上天威不難尅期搜捕竣事

同日吳熊光奏言查樊人傑王國賢等股竄往興山七連坪一帶翻越老林遁入歸州地界聞叅贊德楞泰大兵自西而來遂漏夜狂奔向東湖九山亂竄茲探得德楞泰所帶馬步官兵由龔家橋白馬灘等處攔截該匪折竄建陽坪雞公山地方希圖恃險抗拒經官兵搶上山梁殲

斃賊匪及滾崖落澗甚多生擒亦復不少餘匪
向羅古坪遁逃德楞泰督兵緊躡賊蹤亦由羅
古坪跟剿前進並據總兵孫清元吉林泰等稟
報連日由水月寺兼程前進十三日申刻馳抵
霧度河遙望馬鬃嶺山梁悉皆賊匪因天色已
晚恐墮賊奸計未便進兵隨於霧渡河暫紮戍
刻據哨探報稱賊匪挑集戰手千餘人前來撲
營該鎮等早已預備馬步官兵設伏迎擊該匪
甫抵河灘勢欲攻撲吉林泰率領副將朱士奉
遊擊烏爾喜訥都可姜元祥等鎗擊箭射該匪
抵死不退正在相持之際適副都統銜總管托
爾托保侍衛特克昇額叅領華山保等帶領馬
隊抄截賊之後路馳射擊殺賊始慌亂潰逃我
兵趕殺十餘里共斃賊匪一百餘名生擒十七

欽定剿平三省邪匪方略

正編卷三二四

名逃出被裹難民甚多搶獲旗幟鎗矛騾馬無
數因黃夜兩榜林密未便窮追當將官兵撤回
提訊獲犯供稱此股賊匪係黃白藍三號合夥
連男婦幼孩共四五百人並無元帥只有蒲井
冉張四個先鋒要往當陽遠安擄掠今日遇見
官兵蒲先鋒帶我們來偷營不料被官兵捉住
餘無要供當將該犯等一併正法該匪被官兵
截剿之後連夜由焦贊堽向西竄去臣體訪情
形據供賊眾四五百人之內其兇悍矛手實有
一二十人適接提臣長齡來信已與孫清元吉
林泰合兵一路由焦贊堽跟蹤追擊得此重兵
會剿自可大挫賊鋒現據探報八卦廟燕麥嶺
老林內有賊匪藏匿晝伏夜出掠搶食物或卽
係鋸鋸嶺熊劉股匪潛竄至彼亦未可定其二

欽定剿平三省邪匪方略

正編卷三二四

竹南山分股零匪雖人數無多一股由竹谿白
 龍池竄至濫紫溝經總兵李天林督同叅將黃
 定選等乘夜襲剿斃賊十餘名散出被擄男婦
 八名一股由竹山麻線峪竄走經都司張冠軍
 帶領兵勇截擊斃賊十餘名搶獲牛騾六頭餘
 匪由石板河觀音寺有東竄化口之勢查化口
 燕麥嶺均逼近房境此時西路兵勇無多不敷
 分撥臣查長齡與孫清元吉林泰等既合一路
 已抄截賊之東北兵力足敷剿辦前派副將蔣
 觀濤孫應奉等所帶兵勇本單似可無須在東
 路防堵臣已一面知會德楞泰即將該副將等
 飛調前來幫同李天林等搜剿二竹零匪並堵
 截燕麥嶺北竄之賊以免顧彼失此據目下情
 形而論賊勢雖聚於興歸東路較重然有德楞

泰所帶官兵聲威素著與長齡等官兵相距不
 遠如樊曾各逆被剿窮蹙又與蒲井冉張各逆
 合夥則大兵會齊夾擊更可望尅期集事臣現
 將軍火糧餉督率沿邊各屬不避險阻設法統
 道供運可期源源接濟以利軍行上紓
 聖慮均奏入
 上命軍機大臣傳諭勒保曰川省餘匪屢經官兵搜
 剿均有斬獲此次總兵張績張志林及達斯呼爾
 岱山朝貴等分投迎擊計又殲擒賊匪四百餘名
 並將偽總兵偽先鋒偽千總等擒斬多人俱係積
 年老賊就此光景而論賊匪已窮蹙萬分勒保惟
 當督飭鎮將等官趁此得手之時將各路藏匿餘
 匪一律辦淨不可稍涉草率至摺內稱川東巫山
 大寧奉節一路現無成股賊匪竄入但恐官兵在

楚省剿急難保賊匪不折竄入川等語看來此係
 必有之事現在德楞泰一路已大得勝仗伊聳威
 素著所有邊界游奕各匪尙有數千勢必潛匿入
 川自宜預為籌備此時川北一路既無賊匪勒保
 當酌量情形移近川東一帶駐紮督飭將備等嚴
 密防守成可隨時呼應不致竄匪闖入再前此賊
 數較多之時兵勇等臨陣殲賊自當隨時獎拔今
 賊已零星潰敗不成股數又恐兵丁等冒功獻級
 或鄉勇內將素有嫌隙之人乘機仇害則甚有關
 係著勒保嚴飭帶兵鎮將及辦理堡寨各員於搜
 捕之中嚴防濫殺況此時賊數不多不過摸樁劫
 奪與咽喉無異拿獲時只當就案辦理經官訊明
 正法不可令鄉勇等擅行殺戮以致波及無辜此
 為最要再湯劉二逆前次隻身逃竄之後何以總

欽定剿平三省邪匪方略 正編卷三二四

未據查有蹤跡偽總兵楊成等數名既據供稱均
 係湯恩蛟股內賊目或印該首逆奔竄地方亦未
 可定著勒保飭屬嚴拿一有擒獲賊匪皆當嚴切
 根究勿令漏網
 上又命軍機大臣傳諭吳熊光曰現有蒲井冉張等
 股賊匪經孫清元吉林泰剿敗由焦贊堃一路向
 西奔竄長齡已與孫清元等合兵跟蹤追擊吳熊
 光卽札催長齡等將此股賊匪上緊趕辦務將各
 號積猾戰手一鼓殲擒毋令再有遁逸刻下德楞
 泰與長齡兩路官兵相距不遠聲威壯盛自可將
 賊匪併力殄除一有捷音卽迅速馳奏以慰廑注
 再現當剿賊喫緊之際所有各路軍火糧餉吳熊
 光務督飭承辦各員源源供運毋得稍有缺悞此
 為至要

五八一

欽定剿平三省邪匪方略正編卷三百十五 壬戌年

五月初一日庚午額勒登保奏言查賊匪竄匿之

處係在萬山之中縱橫三四百里峭壁深林人

跡罕到十四五等日扎克塔爾格布舍率同副

將張瑗由正灣溝鐵砬溝一帶轟擊均因地勢

險阻未能深入維時楊遇春帶兵由寧陝賈家

營進發聞信卽由七步溝抄出石溝口於十六

日劉永福等奏編卷三十一

日至蕉園溝邊住西面該匪是日夜間竄至蕉

溝口於楊遇春營外分投滋擾勢甚兇悍意欲

衝過營卡西竄楊遇春李應貴等分帶兵勇出

卡迎擊鎗箭並發賊匪敗退我兵乘夜追趕生

擒三十餘名黎明查得營外賊屍二十七具是

日賊匪遁入五大谷八大谷一帶密林該處萬

分險阻馬不能前卽是隊亦須攀援竹木而進

臣以該匪恃險不出我兵既一時不能得手又

何可日久相持遂卽飭令扎克塔爾格布舍等

將兵撤至東腰竹嶺古磔墩懶板樅一帶暫劄

顧定東北設伏以待留出東南一路臣帶領官

兵顧住北面馳抵洵陽壩派令侍衛舒林阿捫

欽保遊擊王兆龍帶領滿漢兵勇於西北之嚮

砬溝雙龍橋一帶潛伏並調令江口叅將李英

多寧陝遊擊林向榮各帶官兵於西面之蓮花

石火地等處設卡防備臣於十九日將營盤留

於洵陽壩交全德副將王兆慶大張聲勢嚴密

防範率領副將張廷楷遊擊劉健標張鍾琪並

孟興保等酌帶兵勇六七百名前赴上壩一路

與楊遇春聯絡聲勢督催進剿是日晚間該匪

果向東竄扎克塔爾格布舍等率兵截殺生擒

一五八 冊 續修四庫全書 第 8 版 反內

十九名殺斃二十餘名二十日楊遇春李應貴等徒步帶兵復由古木坪逼剿殺斃十餘人生擒十五名賊匪不能抗拒退入五大谷九曲灣等處臣帶兵趕到次日復督飭楊遇春李應貴等帶兵步行入林併力轟逼追逐三十餘里殺斃九名并見有滾巖跌斃者該匪不敢出林即竄上山巔於無路之處盤旋奔避是夜三更時

聖祖聖孫編卷三

三

竄近蓮花石營卡叅將李英多率兵迎擊殺斃數名該匪又奔向火地撲卡復經遊擊林向榮等鎗礮轟退奔入溝內臣聞信一面知會楊遇春帶兵前來一面率領官兵追趕沿途殲斃賊十數名該匪亡命疾趨於蓮花石火地中間爬越陡壁荒山向西北而遁適總兵楊芳於七佛溝聞報帶兵跟剿亦擒斬十餘人楊遇春同李

應貴亦帶兵趕到臣當飭令該提鎮等乘賊匪

驚慌亂竄之際或分路兜截或併力合剿臣於

二十二日晚間仍趕到洵陽壩顧住東北而進

並飛調扎克塔爾格布舍等帶兵由琵琶嶺金

雞河至兩河顧住北面向西截剿伏念臣目帶

兵剿辦以來凡大股小股賊匪俱無如此股之

狡詭可恨者所幸日內數路官兵併力窮追均

聖祖聖孫編卷三

四

相距不遠定可痛加剿洗尅日掃除至劉承受

股匪前經楊芳分派兵勇叠次斬獲只剩四十

餘名續經官兵殲斃二名滾巖跌斃數名又緝

獲二十名所餘賊匪現在不過十數名楊芳已

分撥兵勇數百名在各處搜捕並偵探劉承受

確蹤緝拿務獲至張魏餘匪自竄入陝境之後

慶成及道員朱爾漢等連次截擊擒斬多人茲

又接陸存仁及慶成來信賊匪分股逃竄一股百餘人由沔縣奔竄寧羗革職總兵胡定泰緊躡前往一股百餘人由寧羗竄往廣元遊擊李朝顯都司張起鰲帶兵跟追是該匪均已逼入川境豐紳及道員劉清現在神宣驛一帶臣已飭令迅速迎擊並咨會慶成督飭將弁等與豐紳等併力掃除

聖朝聖訓卷之三

五

額勒登保又奏言竊張魏後股賊匪四五百人於三月二十四日竄入寧羗關口壩總兵永明因患病不能動關原擊宋鉞米章不能帶兵截回前經奉

旨令臣查明據實奏臣查關口壩本有營卡原係

叅將李殿元在彼防堵因慶成以關口壩在陝境裡層不如李家壩緊逼川境之為扼要是以

聖朝聖訓卷之三

六

於去冬令李殿元移駐李家壩防堵而關口壩未設營卡仍係該叅將汛地此次賊匪由該叅將李殿元汛地逸出其疎虞之咎實所難辭至竄出關口壩之後宋鉞米章未能扼住竄蹤其擱截不力之咎亦無可諉但念賊匪究非於李家壩越卡而過當賊匪竄至鶯嘴巖之時尙係廣元地界李殿元即帶兵探剿不料該匪於深山密林盤旋無定乘間向關口壩奔逃相隔七八十里以致抄顧不及至宋鉞米章之未能將賊截回實由賊蹤之飄忽該遊擊等跟蹤緊追曾於戴家壩一帶得有斬獲雖為數無多然尙無畏縮不前之處較之有心疎蹤者均覺有間該叅遊等在營帶兵有年素著勞績李殿元之弟遊擊李殿魁去春又經打仗陣亡亦尙可憫

應恭懇

聖恩將山西新平路叅將李殿元降爲都司甘肅涼

州鎮遊擊宋鉞西寧鎮遊擊米章二員拔去花

翎各降二級以守備用仍令帶兵防剿至總兵

永明係於三月十四日感冒風寒臣會接據稟

報賊匪係於二十三等日竄近陝境該鎮臥

病已八九日據稱頭暈目昏不能行動尙屬實

聖恩

七

情昨接陸有仁來信亦稱該鎮在卡患病可知

其並無虛捏該鎮節次派出宋鉞米章帶領兵

勇九百餘名前往截剿尙未敢存忽畧之見合

無仰懇

聖恩免其查議均奏入

上命軍機大臣傳諭額勒登保曰苟逆一股經扎克

塔爾楊遇春格布舍連日分路追截雖稍有斬獲

而賊匪尙敢兩次偷撲營卡及至官兵奮力迎擊

又復爬越陡壁荒山仍向老林藏匿種種兇狡情

形實爲可恨現在該逆剿剩餘匪不過千餘人以

目前兵力而計不啻十數倍於賊自可尅期辦竣

然過於焦急或致冒險輕進設稍有踈虞轉中賊

計且殘逆無多以十數倍之兵力與之拚角亦屬

萬分不值額勒登保於迅速剿辦之中尤當持以

聖恩

八

慎重務出萬全現在額勒登保在洵陽壩一帶前

進顧住東北並令扎克塔爾等顧住北面向西截

剿自應如此該處地方漸卽平坦不可令其再有

折竄至劉永受一股餘匪不過十數名亦不值數

百兵勇爲其牽綴著額勒登保酌派兵勇百餘名

令楊芳統率在彼搜捕其餘騰出兵力令其幫剿

苟逆一股更爲有益至張魏餘匪前據慶成奏到

經該提督奮力剿殺大得勝仗現將首逆魏洪升及張添倫之姪張喜俱已拏獲想額勒登保尙未得有此信現在餘匪分股奔竄既經逼入川境自應一面令慶成督飭所派將弁緊躡前進一面飭令川省帶兵之員迅速迎剿以收夾擊之效並著額勒登保催令迅速剿淨爲要

同日

聖祖聖訓編卷三

九

上諭內閣曰額勒登保奏查明前次賊匪竄過寧羌關口壩總兵永明及各卡員弁未能堵截情形一摺參將李殿元駐紮李家壩於賊匪竄至廣元地界卽帶兵探剿該匪於深山密林繞向關口壩奔逃該參將止係不能截住尙無畏葸情事李殿元著以都司降補至遊擊宋鉞米章二員既據查明亦止係防剿不力並非有心疎縱宋鉞米章著拔

去花翎各降二級以守備用總兵永明患病屬實情尙可原著加恩免其查議

初三日壬申德楞泰長齡奏言臣德楞泰前由東

湖趕追樊戴王會崔胡六股賊匪西至歸州白

馬灘尾躡賊蹤前進十六日抵紅溪鄉哨探樊

戴等逆抄出南溪地方復又東折下賓坪一帶

該處路通譚家壩與北岸之南沱並霧渡河相

聖祖聖訓編卷三

十

近其勢仍欲東渡必須分兵兜截方可遏其去路十七日我兵冒雨趕抵江坪已在賊之東北商令賽冲阿色爾滾馬瑜等帶領馬步兵勇取道登嶺油坪扼其正東臣督率溫春蒲尙佐帶領兵勇由西北而向東南兩路官兵於十八日黎明齊至譚家壩併力剿殺賊衆登時潰亂泥淖之中各不相顧立斃賊一百三四十名生擒

郭勝彩李鄧氏等六十四名口時有該處寨民張上文等率領團勇隨同官兵趕殺亦有擒斬逆眾被追情急紛紛拚命撲河又被兵勇趁勢掩殺淹死賊匪一百餘人馬隊淌水步兵拽尾蟬聯而過餘匪上天鷲池大山依險抗拒官兵分投仰攻步步進逼賊不能支向沙坪河遁竄追至河岸殺賊五六十名撲河淹斃六七十名

擒獲劉正華等三十餘名餘匪向黃家冲乘夜奔竄復被東湖之金寶寨民王孝周陳言謹等帶領團勇黑夜堵截殺賊三十餘名捉獲活賊周茂材等九名該匪連夜折竄羅鍋坪始向西

北而逃二十一日戌刻探報該匪屯於興山之黃蓮壩界牌壩一帶距營七十里臣即於二更發兵星夜前進天甫黎明前隊官兵行抵賊

欽定剿平三省邪匪方略

正編卷三一五

屯不遠忽聞前面鎗礮之聲不絕旋報係長齡等帶兵截剿將該逆等衝為兩段一股向龔坪青龍嘴東竄官兵業已尾躡前追一股向萬家林三股水北逃無兵追剿經賽冲阿温春色爾滾馬瑜等帶兵跟追而去臣督率蒲尙佐等帶兵繼進沿途斃賊四五十名擒獲牟盛禮等二十一各計自十六日起至二十二日緊追焚戮六股賊匪總不予以暇計共剿殺及淹斃賊匪四百數十名擒獲賊匪一百二十餘名共獲馬騾八十餘匹頭旗幟刀矛極多乘間逃出自回原籍者無從悉數據獲犯供樊掌櫃等原去尋蒲元帥合夥到界牌壩所剩不上二千人樊掌櫃與王元帥被官兵追殺得緊也沒有一定主意或找蒲元帥大股合夥或到沒有官兵的地

欽定剿平三省邪匪方略

正編卷三一五

方躲藏等語臣查樊戴王會崔胡各逆內陳賊原屬有限難民實在較多故一經緊趕勢即瓦解除訊出偽先鋒偽總兵陳玉材等三名並陳賊楊士雲等三十五名分別戮罰正法外其餘均即照例省釋至蒲添寶賊股知臣帶兵往西追剿樊逆即向東折茲據孫清元吉林泰等稟報十三日官兵至霧渡河正在拿營賊眾分數路來撲經官兵竭力迎剿賊匪一面與官兵打仗一面紛紛淌過河東孫清元等即鼓勵兵勇緊跟馳擊共殺賊二百餘名被水淹斃者甚多擒獲活賊七十一名內訊有從賊日久者十七名當即正法其餘難民概予省釋十五日追至焦贊埡適長齡帶兵自遠安之北湖頭前來兩路會合將該逆等截回賊已不能東趨嗣又接

在長齡來信二十一日戌刻有東來賊匪屯於火石嶺七里橋黃蓮坪諒係樊戴王會崔胡等逆被剿西來遂同總兵德昌帶兵由左路向火石嶺遏其北竄孫清元吉林泰由右路登山截其東逃孫清元等黎明時行抵界牌埡趕上賊尾斃賊二十餘名賊驚潰奔竄長齡當令遊擊王占鰲都司馬濟勝帶兵迎擊自率侍衛富齡等帶馬隊衝殺斃賊三十餘名餘匪分路向東北而逃一面帶兵跟追一面派兵搜捕共獲男婦七十二名口及馬騾旗械等件訊出旗首賊匪李大用等四十三名一概正法難民即行省釋令孫清元吉林泰等尾跟樊逆賊蹤前進二十三日長齡輕騎前來會商臣等查樊戴王會崔胡等四千餘眾自雞公梁痛剿後所剩不過

三千人連日趕追擒斬與落水淹斃並來營請
票及自行逃回外不下二千人其蒲添寶冉并
一股^臣長齡孫清元吉林泰等臨陣察看實有
五千餘衆其中精壯戰手又多其勢已成大股
又遁向老林^臣等揆度賊勢兵力輕重情形以
^臣長齡孫清元吉林泰兩路兵馬分投剿辦樊
逆等賊股^臣德楞泰所帶官兵雖只五千餘員
名而能耐勞苦進山剿辦蒲添寶股匪較爲踴
捷樊逆一股只有千數百人若再將蒲逆大股
剿辦則全楚已無成股之賊大局即可戡定再
^臣德楞泰前奏鋸鋸嶺游奕熊劉賊股聞^臣督
兵東下後該逆卽出山至陳家坡分投竄入川
境茲據巫山辦理團寨總理知府景福都司袁
陞侯知州銜署巫山縣徐士林等先後稟報探

聖鑒事

五

得該逆於十六日至楚邊界被達勒精阿等督
兵剿殺擒斬二百數十名搶獲馬騾旗幟極多
經獲犯認出首逆劉朝選首級一顆餘匪散逃
現在分投搜剿達勒精阿等差弁將首逆劉朝
選首級並質証難民七名口於十九日解到巫
邑^臣德楞泰查首逆劉朝選久爲著名首惡蹂
躪川楚日久稽誅茲幸得以殲斃實足以大快
人心^臣飛飭達勒精阿等查明殲斃首逆係何
員弁兵勇分別獎賞出力人員徑報勒保大營
辦理此兩路官兵打仗間有受傷及陣亡兵勇
容候另查咨部奏入
上命軍機大臣傳諭德楞泰長齡曰樊戴王曾崔胡
等匪前次德楞泰在雞公梁痛剿後所剩不過三
千餘人連日追趕擒斬及淹斃並自行逃回者不

聖鑒事

六

下二千人現在剽剩者祇有一千六七百人賊勢頗形衰潰皆係德楞泰之功長齡一聞稟報亦即督率官兵分路迎擊又殺賊一百餘名均屬奮勇可嘉現在節屆端陽德楞泰著賞給小荷包一個扇套一個香袋四個又加賞白玉四喜搬指一個鑲嵌帶鈎一副黃瓣大荷包一對小荷包四個長齡賞給扇套一個香袋四個又加賞白玉四喜搬指一個黃瓣大荷包一對小荷包四個並發交德楞泰扇套五匣香串五匣香袋五匣著賞給此次出力員弁一兩重銀牌一百面五錢重銀牌一百面賞給此次出力兵勇又發交長齡扇五匣香牌五匣香袋五匣著賞給出力員弁一兩重銀牌一百面五錢重銀牌一百面賞給出力兵勇以示獎勵又發去賞給賽冲阿温春達勒精阿等扇套各一

聖朝聖編卷三

七

個香袋各二個並著德楞泰分賞三所稱蒲添寶冉并一股賊匪實有五千餘眾精壯戰手又多現向老林倚險抗拒德楞泰酌量輕重商令長齡孫清元吉林泰分剿樊逆賊股伊專剿蒲添寶大股實屬可嘉所見甚是德楞泰聲威素著帶領精銳得勝之兵奮力趕剿自可一鼓殄除倘該匪情急逃入川界務當跟蹤前往剿淨此股不遺餘孽為要如蒲逆大股剿淨後樊逆等股尚未辦竣德楞泰仍當帶兵與長齡協力剿辦樊逆以期肅清楚境佇膺懋賞至樊王等股在楚省亦歲多時係長齡孫清元等在彼辦理並未痛加剿殺經德楞泰一經到楚即連次得勝權其急緩以蒲逆一股人數眾多親身督剿將樊逆等無多賊匪交與長齡孫清元等接辦可見德楞泰並無邀功之心此股

聖朝聖編卷三

六

何等因留認識劉逆之男婦七名口並劉逆首級差弁解送來營查驗餘犯訊明正法難民解巫山縣訊明遞籍安插又據川北文武探報寧羌地界有賊匪一股奔竄距廣元邊界五六十里臣恐係張魏餘黨顏中考股匪折回當即飛札豐紳探蹤迎截本月十九日探得該匪竄至寧廣交界之五郎溝豐紳即令土人帶路由麻柳壩取道該處距五郎溝五十餘里山路險仄馬不能行豐紳督同將備均步行分路前進遊擊唐際盛都司廖得高等為一路由右手戰馬坑抄襲遊擊鄔海慶夏雲龍等為一路由左毛和尚坪抄襲豐紳親帶都司王國輔守備葛天培等從中路衝殺行抵五郎溝該匪正在半山茅屋內炊爨官兵三路蜂擁而進賊匪驚潰四

竄我兵乘勢追殺斃賊三十餘名滾巖跌斃賊十餘名生擒賊十三名餘匪亡命向老林竄走官兵追捕三十餘里復斃賊八名天晚撤回查訊活賊張明學等供稱此股係李裁縫陳裁縫二人為首並非張魏餘黨等語豐紳訊明後當將獲犯正法計此起剿剩餘匪尚有七八十人已折回寧羌老林內一時探無蹤跡豐紳仍在廣元邊界加謹嚴防又張績一路官兵在八廟橋地方搜山據土人報稱附近夾耳溝內有賊匪藏匿遂帶兵前往於叢竹林內搜有藏匿匪等匪立時殺斃十二名生擒七名訊據活賊林均喜等供稱係徐添德股內打散零匪共有十九人在此逃避今已被官兵盡數擒殺等語張績等將所獲各犯正法仍移兵他處搜剿又張志

聖朝聖德

三

聖朝聖德

三

林一路官兵於二十一日探得有零匪百餘人
由石埡口竄走張志林當即率同遊擊程元龍
門繼春晉之璉等帶兵分路抄截至花巖頭地
方趕及賊匪官兵緊躡追擊立斃賊十七名生
擒三名餘匪向大竹所屬矮子山一路奔竄我
兵跟蹤追殺沿途復斃三四十名生擒十五名
查訊活賊湯家寶等供稱此起係湯劉股內打
散餘匪只有旗手張子寧劉秉文二人帶領並
無反逆在內當將活賊逐一訊明正法餘匪尙
有數十人散竄無蹤張志林現仍帶兵搜捕其
田朝貴一路官兵在通江一帶防剿探得陝境
有楊姓零匪一股二三百人由竹峪關竄入田
朝貴當與遊擊羅思舉薛陞等分兵四路迎擊
羅思舉一路兵勇行至西鄉通江交界之白地

欽定剿平三省邪匪方略

正編卷三二五

溝正值該匪由溝內竄來羅思舉率領兵勇迎
頭截擊賊匪即折向白楊關奔竄羅思舉帶兵
緊躡追殺直追至天池寺一帶沿途殺斃賊匪
二十餘名生擒男婦二十五名口奪獲騾牛矛
桿羅思舉帶兵已追過陝界五十餘里因未携
帶鍋帳不能越境窮追遂即撤回歸隊所擒男
婦就近解交通江縣審辦又據太平協副將李
廷臣太平廳同知鍾蟠雲稟稱通江地界普陀
寨民王麟瑞王麟趾等盤獲賊匪湯思蛟之兄
僞元帥湯思虎僞千總李仕武二名解送前來
臣親提鞠訊據湯思虎供我與湯思蛟同祖弟
兄嘉慶元年九月間起事先與王三槐冷添祿
同夥後來官兵拿了王三槐殺了冷添祿我同
湯思蛟又與徐添德合營連年奔竄今年春間

欽定剿平三省邪匪方略

正編卷三二五

被官兵打散湯思蛟帶七八十人走了我同白
 號張思聰等連夜逃竄官兵又追得緊因同這
 李千總逃出欲走竹溪關過陝西去前日從普
 陀寨邊境過被寨上人拿住等語又訊據李仕
 武供稱亦係元年一同起事向在湯思蛟營內
 先當戰手後充千總臣訊明後當卽一併凌遲
 處死其盤獲要犯之寨首王麟瑞等卽照現定
 賞格賞銀五十兩以示鼓勵

聖鑒事

奏

同日惠齡奏言近據探報苟逆賊匪見數路官
 兵逼剿緊急卽於二十一日夜從五大谷八大
 谷起竄二十二日五鼓潛至腰竹嶺攻撲遊擊
 林向榮營盤勢甚兇悍林向榮督兵施放鎗礮
 將賊擊退復帶兵出營追剿生擒賊匪四名大
 駭賊匪卽由火地西遁適總兵楊芳聞信趕到

卽令林向榮帶同馬隊抄進乾溝楊芳由火地
 跟蹤追殺楊遇春亦帶兵趕到該匪入郭家溝
 老林向西北奔逸經畧額勒蘇保派令扎克塔
 爾等抄至西北小王澗截剿楊遇春亦由火地
 向西北兜擊適該匪竄至小王澗正遇扎克塔
 爾等一路官兵迎頭截擊斬獲數十人該匪驚
 惶折竄分爲兩股一由小王澗南奔一由安溝
 逃向東南連日大雨連綿額勒蘇保督率扎克
 塔爾楊遇春楊芳分路兜擊其苟逆內又分出
 零匪百餘人在板房溝一帶考林游奕經楊芳
 派令軍功蒲子琴等帶領兵勇入林搜剿擊斃
 多名餘賊四散逃竄臣復飛催該軍功等趕緊
 分投搜捕以免牽綴至張魏餘匪前經提督慶
 成剿散分爲兩股其竄往寧義境內一股賊匪

聖鑒事

奏

由蒿壩溝老林南竄乘夜偷撲都司李懷玉營
卡李懷玉督兵施放鎗礮擊斃賊匪數人賊匪
於黑暗中撲入營盤將官兵衝散李懷玉持弓
四射力戰陣亡弁兵鄉勇間有損傷賊匪卽竄
往川省廣元境內其竄至紫柏山老林一股賊
匪經慶成搜捕在三溝腦一帶殲斃三十餘人
生擒一二十人慶成現仍督率兵勇尋蹤搜捕
其劉永受餘匪人數無多連日據軍功劉盛朝
搜獲零匪蕭自奉等十四名解送來營臣督同
委員訊明將積年矛手正法其被裹難民就近
發交鄂縣關查原籍遞回安業又據署孝義同
知孫樹署都司張立功搜殺零匪五名拏獲三
名又據把總賈玉成等拏獲探馬頭曹自富侯
解營審辦尙有老掌櫃王作正一名現仍尋蹤

聖朝聖德編卷三

三

訪緝諒可不致遠颺惟劉永受一逆自二月十
五日經楊遇春剿敗帶傷潛逃後總無下落茲
經額勒登保派搜山軍功廖友等訪出該逆
於二月二十五日逃至太平峪居民呂文明家
乞食呂文明見其身帶矛傷知是賊匪因憶其
子被賊殺害懷恨已久卽用柴斧將該逆砍斃
因不知係緊要首逆遂將屍身拋棄巖洞未經
報官經該軍功等起出屍首山內氣候甚寒尙
未腐變當令所帶眼線識認實係劉永受屍身
並起出該逆所帶金錫戒指等物該軍功等卽
割取首級携帶呈驗臣卽令營內所獲活賊指
認首級無悞復飭令該軍功等趕赴額勒登保
大營呈驗實係首逆劉永受無訛該逆既被殲
除餘孽陸續搜獲是此股賊匪業已完竣

聖朝聖德編卷三

三

可通隨經札致督臣勒保熟商茲據覆信已於
川西江安等處碾米一萬石由水程趲運而來
臣現派專員前赴朝天關僱備夫騾接運至寧
羌存貯以便分解各營應用均奏入

上命軍機大臣傳諭勒保曰劉朝選一犯係緊要首
逆輾轉稽誅爲日已久前日德楞泰摺內卽有川
省官兵將首逆劉朝選藏斃之語今據勒保奏稱

聖旨邪匪纂編卷五

三

達勒精阿等在大昌一路藏斃賊匪一百六十餘
名生擒一百五十餘名訊出僞先鋒旗手等五十
二名並將首逆劉朝選藏斃所辦可嘉達勒精阿
武隆阿及副將張良槐著加恩交部議敘此時川
省情形祇係剿辦餘匪勒保派令豐紳張績張志
林田朝貴等分路進兵固須督飭該提鎮等認真
搜捕但於剿辦之中尤當嚴防濫殺卽如本日勒

保摺內稱張績一路官兵在八廟橋地方聞有賊

匪十九名藏匿竹林帶兵前往立時殺斃十二名
生擒七名亦隨卽正法訊明係徐添德股內打散
零匪等語此十九人祇在林內藏匿並無抗拒形
跡其所稱徐添德股匪之說止係訊之獲犯林均
喜而林均喜亦已於訊明後正法有何憑據安知
非兵勇等挾仇戕害或更希冀邀功而張績又並

聖旨邪匪纂編卷五

三

未親到亦不過據弁兵一面之詞爲之轉報設果
誅及無辜則該處民人必致心懷惶懼於事甚有
關係惟在勒保仰體朕意密飭該提鎮等於搜獲
匪犯一事必須確有指據方行正法毋令兵丁等
輒行擅殺獻級冒功致啟挾仇枉殺之漸所有此
次張績等稟報搜捕之賊真僞尙難憑信亦不值
加以優獎總之賊匪誅不足惜而良民不可殺此

時兵勇銳氣方盛賊氣已衰不可恃強凌弱所謂弱者非賊也乃謂賊之所困之難民也至豐紳等在廣元邊境堵剿現據惠齡奏張魏餘匪有竄至該處者亦應飭令豐紳上緊截剿勿任再有奔竄又湯思蛟一犯久未弋獲現在太平境內盤獲賊匪湯思虎一犯既訊係湯思蛟之兄自必知該犯逃竄蹤跡著勒保飭屬嚴拿此後遇有擒獲之賊隨時跟訊為要

聖祖聖訓卷五

三

臣等謹案軍營濫殺之弊最為慘酷小民避賊求生橫罹鋒鏑或官兵誤認為賊而至死無以自明或官兵明知非賊而枉死不能自辨其間挾仇報復厭級冒功情事在所必有我

皇上仁慈廣覆周悉弊端

特於搜捕零匪之時

嚴切詰誅必令將獲犯詳悉訊明然後正法無許弁

兵擅自誅戮以致真偽無憑仇殺自便恃強

凌弱

訓戒諄諄所以殲除數十萬莠民而未嘗殺一不辜

迓祥和而消沴戾豈非

大德在生歟

聖祖聖訓卷五

三

同日

上命軍機大臣傳諭惠齡曰苟逆股匪經額勒登保督同扎克塔爾楊遇春楊芳等分路截剿昨據額勒登保奏到情形與惠齡所奏大畧相同此次惠齡摺內已有連日大雨聯綿之語朕前此屢次嚴催即慮及盛暑之時軍營必以雨水為辭今甫及五月初旬雨水尙不甚大何遽至道路阻隔總須

趁此水潦未盛之前趕緊剿辦賊事惠齡仍在山
外峪口一帶實力堵禦不可稍有疎懈一得額勒
登保打仗捷音卽迅速馳奏以慰屢注劉永受一
犯既經鄉民砍斃指驗屬實曹自富又已擒獲此
股賊匪自卽可辦竣至張魏餘匪分竄情形昨亦
據慶成奏到其竄往寧老境內賊匪竟敢乘夜撲
卡都司李懷玉持弓射賊力戰陣亡甚爲可惜著
谷部賜卹

剿平三省邪匪方略

卷五

上命軍機大臣傳諭陸有仁曰此時官兵數路逼剿
賊匪一經轟出老林辦理自易得手所有各營糧
餉尤應寬爲預備現在湖南解陝之糧早經運到
勒保又於四川碾米一萬石由水程趲運赴陝軍
糧已屬充裕其江西協撥兵米六千餘石業經在
途陸有仁惟當嚴飭經過各地方迅速趲行俾得

源源接濟毋任稍有缺乏此爲最要

剿平三省邪匪方略

卷五

欽定剿平三省邪匪方略正編卷三百十六

壬戌年

五月十一日

庚辰

額勒登保奏言

臣

與楊遇春孔

克塔爾分投兜剿苟逆股匪

臣

帶領馬步兵勇

自江口苦竹溝抄往東面而進二十六日趕抵

八里坪據報該匪等知扎克塔爾格布舍之兵

向兩河顧定北面進剿楊遇春李應貴從甘家

砭五郎阿旁路抄擊揚芳緊躡追剿即奔小河

聖祖聖孫萬壽無疆

一

有鼠秦嶺之勢

臣

恐其翻越秦嶺逃入各峪內

游奕隨即帶兵取道於西北面探蹤兜截途次

接據楊遇春等報稱該匪於二十四日向天朝

廠大梁竄遁即一面於火地先行設伏一面帶

同侍衛噶拉博陞率領馬步兵勇趕至太山壩

適賊衆由南溝分竄我兵迎頭剿殺李應貴亦

由另路帶兵趕到該匪見兩路兵至不敢拒敵

向北溝大梁林箐內亂竄兵勇奮勇競進趕過

三重大山殺賊四十五名生擒三十八名搶獲

旗幟長矛時已昏黑該匪匿入七里溝竄上秦

嶺老林當即查訊活賊內有偽先鋒劉允賢旗

手李文明田用富等三名據供營內除元帥苟

文明之外還有張姓兩個弟兄管事先鋒旗手

尚有七八人連被官兵剿殺要乘官兵都在東

聖祖聖孫萬壽無疆

二

南兩面我們直往西去過棧道搶掠又好躲避

不意迎頭遇見官兵等語當將該犯並積年才

手胡文富等二十八名分別凌遲正法其被裹

未久者均即省釋又據扎克塔爾格布舍報稱

二十六日自安溝冒雨前進探得板房子有賊

匪竄出即督催兵勇趕行甫抵小王澗探差飛

報賊股均竄化山華基寨老林邊分擾當即發

隊往剿該匪正在圍攻其寨格布舍帶同侍衛德勒奇善副將張璠等由左手山壩衝擊該匪分股迎拒我兵奮力直前殲斃十數名該匪敗退官兵乘勢掩擊將賊截為三段有向紅巖溝奔逃者有向東溝刺木扒分竄者格布舍張瑛及扎克塔爾等帶兵分投追剿該匪亡命分遁深林初更後撤隊回營兵勇等共殺賊五六十名擒獲活賊五十四名割獻耳記二十四副旗幟刀矛共一百餘件訊據獲犯余魁元等供稱前在南溝太山壩被官兵殺敗商量趁這面無兵向板房子一帶往峪裏去藏躲曰這寨上有糧正在圍攻不知官兵突然到來大家四散奔走等供遂將大旗手王洪士胡朝平凌遲處死其餘從賊日久之亦魁元等三十七名概行

聖朝聖編卷三

三

正法難民給票釋放探得東溝之賊連夜與紅巖溝之匪合併向杜家墳奔走我兵即由杜家墳跟剿臣查該匪連被追剿或竟東趨即派參將吳亨衍分帶兵勇從秋木庵赴碾道一帶迎擊臣督兵仍入澗峪由紙房溝頭東抄擊連日大雨如注官兵等盡由河溝內穿越而行水勢暴漲灘深溜急前後間隔兵役淋漓露處且有淹斃者急切不能前進臣焦急倍常一俟天色稍晴即行督催進剿至劉永受尚無下落昨又據拏獲賊匪黃一升等八名供稱劉永受前被官兵衝散後潛往澗峪內之手扳寨民人房屋存住等語當即密派軍功兵勇改裝易服帶領黃一升及投出難民吳中魁作為眼目前往密行緝捕據查得寨民呂文正呂文成與伊姪在

聖朝聖編卷三

四

寨下看守房屋前月有賊匪十九人到伊屋內將呂文正呂文成捆縛將伊姪殺死賊匪住宿一夜次日有一劉姓向呂文正等說能收留我在家我就保全爾等性命呂文正等應允劉姓便在伊家住下呂文正以眾人呼劉姓為掌櫃疑是頭日因伊姪被賊殺死氣憤莫遏即於是日乘劉逆昏睡之時取斧向頭上猛力打死將屍丟在炭窰內晚間又有一人到來自稱姓袁我尋劉掌櫃呂文正令其畧待並讓其飲酒至夜深時乘空亦用斧打死將屍拋在窰內起出屍身據難民吳中魁辨認實係首逆劉永受及偽先鋒袁姓并有劉永受所帶金鐲二隻戒指一個臣復令投出新勇內有素識劉永受者隔別指認亦僉稱係該逆無疑可見該逆罪惡貫

聖朝龍圖編卷五

五

盈難逃法網當將軍功岳貴廖友民人呂文正呂文成等逐一分別賞賚該逆股內當有逃散之人茲除拿獲之黃一升等八名即予正法外近又經惠齡分派兵勇入山緝獲十數名是此股已無餘孽現仍札飭嚴加搜捕並不得將擒獲之人擅行殺害至我軍連次接仗兵勇間有傷亡以及被水淹斃者容俟查明咨部辦理

同日德楞泰奏言臣前與長齡會合分投剿辦滿添寶賊匪於二十四日督兵前進是日巳刻即陰雨淋漓晝夜不止兵馬未敢暫息露體塗足縱極力趕行一日不過三四十里至二十七日抵豐玉坪前有大河一道約寬二十餘丈雖已水漲察其溜勢稍緩之處即令兵勇砍伐樹木趕緊搭架橋梁二十九日兵勇隊伍均皆卸

聖朝龍圖編卷五

六

鞍鍋帳一切皆背負而過至於馬驟盡行洶渡幸俱平順是夜雨勢益大凡有溪流無不驟漲

臣鼓勵將弁兵勇冒雨而行初一日申刻趕至

南陽河見河身雖窄其內亂石嶒峻水勢建餅

洶湧當令兵勇設法架造橋梁一夜一口方得

濟渡初三日雨勢越大橋被衝去淹斃兵勇數

名夫役十數名欲再架搭一時水高二丈有餘

聖祖聖訓編卷五 七

而雨霧益甚人功萬難下手竟將兵馬隔斷於

溪河兩岸至今雨仍未止探得滿添竇洶河漂

沒賊眾二三百名亦為水阻於富陽河一帶該

處東通房縣西走大寧若兵由大道抄出房境

或繞至大寧不但程途太遠倘該逆聞風東折

則是欲速反遲是以酌量情形必須入山尾躡

較為靠實現在相距不過百數十里聞該逆有

南竄歸州龔家橋之勢如果南來正可探明分

投迎剿惟旬日淫雨不止力不能施臣私衷焦

灼即將領弁兵亦無不憤懣急切惟有籲懇

聖恩稍為寬緩俟得天氣開朗溪漲自必易退諒此

烏合之眾臣即率輕騎趕剿兩三仗定可瓦解

斷不令再稽時日總之川陝楚三省此時惟蒲

逆勢較鴟張然大半均係擄掠被脅之徒一經

聖祖聖訓編卷五 八

痛剿勢皆膽落臣萬不敢以功虧一簣藉雨稍

為鬆勁以致賊勢衰而復熾上負

主恩均奏入

上命軍機大臣傳諭額勒登保曰苟逆股匪經額勒

登保督同扎克塔爾格布舍楊遇春楊芳等分投

追剿該匪復由七里溝竄上秦嶺老林竄為可恨

現在額勒登保帶兵仍入澇峪抄擊據稱連日大

雨如注水勢暴漲灘深溜急官兵急切不能前進等語適召見長麟詢問該處情形亦稱秦嶺老林內險窄異常兵力實難進剿是賊匪一入老林轉得佔據地險苟延殘喘若惟爭入山搜捕輾轉奔馳徒勞何益譬如醫者治病投藥不效自當改易前方另投他劑若膠柱鼓瑟何時始能竣事苟逆入山已經半年有餘額勒登保原期將賊匪轟出

聖朝聖訓編卷九

九

老林於峪口一帶聚而藏旃不令其竄出平原致峪口村莊遭其蹂躪乃苟逆入山以後官兵既難追捕而賊匪在山內仍然攻寨掠食該處居民亦不免於擾害何如設法誘令出山聽其竄向一路再加截剿較為得計即以掩捕狐鼠而論若任其深藏窟穴豈能入洞搜尋必須熏之使出方可乘間捕獲况訊據活賊供稱商量要乘官兵都在東

南兩面直往西去過棧道搶掠之語是賊匪之意原思出山西竄額勒登保何不將計就計設法轟逼現在賊匪不過千人我兵不啻十數倍於賊止須密為布置遙作聲援即賊匪果竄至棧西或竟竄入川楚邊境亦何難跟蹤剿辦此時寧羌一帶有慶成等在彼甘省交界有朱爾漢帶兵防堵賊匪出林西竄前有迎擊後有追兵正可收兩面夾

聖朝聖訓編卷十

十

攻之效額勒登保可即遵照此旨相機辦理較之在山內輾轉奔馳自易得手
上又命軍機大臣傳諭德楞泰曰德楞泰奏官兵自抵豐玉坪後適因連日陰雨溪流漲發所搭橋座俱被衝去以致兵勇淹斃數名現在雨仍未止淡漲奔騰兵馬驟難前進俟天氣開朗後即率輕騎趕剿等語德楞泰帶兵打仗素為奮勇此次道窮

一第... 7

蒲添寶股匪因雨水阻隔不能前進自係實在情形斷非藉此鬆勁此時官兵既為雨阻賊匪亦必為雨水所困該匪等因淌渡漂沒二三百名在當陽河一帶屯聚想日內自尚未遠颺德楞泰轉無庸過於焦灼一俟天色晴霽可以進兵即當鼓勵兵勇趕上賊匪痛加剿殺一有捷音即速馳奏所有此次淹斃兵勇等著各部賜卹

聖朝聖訓卷三十一

十三日壬午勒保奏言查此時川境剿剩餘匪約

尚有四五起臣節次嚴催剿辦二十八日副都統銜達斯呼爾岱副將羅聲舉等在龍潭河地方遇有賊匪二十餘人當經遊擊張拱辰都司馬建廷等帶領兵勇將該匪等全數殲擒內有探馬頭王萬里一名訊據供稱有白號餘黨一百四五十人現由响水洞竄至九子漕古佛洞

內係庠老師傅帶領內有張二掌櫃宋總兵楊總兵熊先鋒等都在一處因怕官兵斗我們出來探信等語達斯呼爾岱羅聲舉等當將該犯等正法隨即派令參將蕭鳳來都司文自新守備楊杰等分帶兵勇連夜冒雨由潼寧關抄道前進達斯呼爾岱羅聲舉等帶領兵勇由井溪壩潘家灣一帶取道進發次日午刻蕭鳳來等

聖朝聖訓卷三十一

行抵古佛洞賊匪聞信即驚惶起竄官兵一擁上前殺斃賊二十八名生擒三十三名並將張二掌櫃擒住奪獲賊旗矛杆其庠道帶領餘匪七八十人向鳳凰山竄走正遇達斯呼爾岱羅聲舉等一路兵勇截住鎗箭齊發立斃賊二十餘名生擒十二名餘匪向井溪壩沿河奔竄官兵前後兜圍將首夥各逆四十七名全數生擒

並無一名漏網達斯呼爾位羅聲阜等查訊所獲賊首度姓卽係老教首逆度向瑤並於餘賊內訊出偽總兵楊繼華偽先鋒熊品二名其餘皆係戰手又於賊屍內認出偽總兵宋長子一名割取首級一併稟解前來臣查度向瑤一犯前於嘉慶五年八月間叅贊德楞泰與臣在太平箭口河地方帶兵圍剿當時訊據活賊黃俞《聖朝野史編卷三》三等供稱眼見該逆跌巖落水曾經奏明在案近日並未聞該逆蹤跡何以此次生擒首逆又稱度向瑤當卽飛提各犯親加查訊據度向瑤供我係東鄉縣人向從冷添祿學習邪教嘉慶元年九月間與冷添祿王三槐湯思蛟劉朝選符日明在豐城地方一同起事人多稱我爲度老師傅連年與官兵打仗不記次數前年八月間

在杜家灣地方打敗我帶幾十人逃到箭口河官兵追得緊衆人情急鬼水過河因水勢溜緊淹斃多人我順溜洶至淺灘上岸逃走找著湯思蛟劉朝選的營頭就一路同走上年十一月間我與湯思蛟劉朝選在城口老林內被兵打散我帶幾十人分營逃走在老林內各處藏躲因沒有糧食二月間出來到雙河口會著宋國品合營幾天又被官兵打散四月二十日在桑渡河遇見同號的張二掌櫃名叫張思從合夥在古佛祠藏匿有官兵前來追殺我帶七八十人逃到鳳凰山又被官兵趕來拿住並訊張思從係雷士旺之大徒弟賊營內都稱爲二掌櫃雷士旺被官兵殲斃該犯卽分路各處竄走各等語質之同獲各犯及軍營平日認識該逆等

之眼目均指認現獲賊首係廣向瑤是實臣查該逆從前跌巖落水本未撈獲屍身今據供瀆而未死連年在各處逃匿日久稽誅仰仗

皇上天威復將該犯生擒可見此等積年首逆罪惡

貫盈斷不能倖逃法網臣審明後當將該犯廣

向瑤及老教掌櫃張思從偽總兵楊繼華偽先

鋒熊品一併戮割處死並梟首示眾其餘戰手

欽定剿平三省邪匪方略

正編卷三一六

概行正法至總兵張績一路前在八廟橋地方

將零匪一股辦淨後適探得賊匪一起在豐城

地方竄走張績當卽帶領官兵探踪追擊該匪

聞信卽連夜奔逃官兵冒雨窮追至沙罐場適

總兵田朝貴一路官兵探聞賊蹤三更後乘夜

發兵前進該匪正在山叻草房內避雨歇息田

朝貴率同參將張明德遊擊王志柱等帶領兵

勇乘只不備四面圍住將草房點火焚燒該匪

驚覺四竄官兵在火光中刀砍矛戳殲斃一百

一二十名生擒二十八名稟解前來臣親加查

訊此起賊匪係徐添德之堂兄徐添培爲首嘉

慶元年九月與徐添德一同起事賊營都稱爲

大師傅後因官兵追殺得緊改名鐵板道人衆

人又呼爲鐵元帥上年在西鄉地方被官兵剿

急帶領二三百人作爲一路秋冬總在竹谿竹

山一帶往來逃避本年二月間從界嶺過來與

玉山合夥被官兵連次剿散只剩一百四十多

人昨逃至沙罐場被官兵擒獲其活賊內有偽

先鋒劉學受一名係首逆劉學書之弟臣訊明

後一併凌遲處死其餘戰手概行正法查川谷

各路官兵踴躍爭先叠次殲除餘孽近日冒雨

剿賊不遺餘力將著名首逆生擒並將積年老

賊多名同時殲獲實屬奮勉出力當此功屆垂

成正應量加賞資以勵兵心除生擒首逆度向

瑤及擒斬各賊目之官弁兵勇查明另行核辦

外臣當即提取賞銀二千四百兩先行分賞各

路兵勇俾知奮勉至此時川北一帶僅有陳李

二裁縫一股零匪在寧廣交界地方游奕人數

聖朝聖德編卷三

七

無多又楊姓股匪前經田朝貴一路兵勇截剿

追至陝境天池寺近聞仍在川陝邊界竄匿現

有豐紳在廣元南江一帶防堵田朝貴在通江

一帶防堵兩路兵勇各有二千餘名足資剿辦

其東鄉開縣前中後三河及雲陽一帶餘匪無

幾有張績達斯呼爾代羅聲舉等分投搜捕亦

可即日肅清惟參贊德楞泰已深入楚境夔門

一路較為喫緊雖有達勒精阿武隆阿等在彼

防剿恐兵力尙單即添派鎮將前往亦恐布置

未能悉臻妥協茲臣即帶同總兵張志林一路

官兵一千七百餘名前往夔府察探楚匪情形

即於巫山大寧一帶擇定要隘與達勒精阿武

隆阿等分路防守顧住川楚邊界並可順便搜

捕奉巫等處零匪其大竹梁山等處本係張志

聖朝聖德編卷三

六

林帶兵搜捕今張志林既同臣前赴夔門薛大

烈病尙未愈此外再無鎮將大員可派查有參

將傅廷佐素日帶兵得力茲撥給兵勇八百名

令其赴大竹梁山一帶往來搜捕惟是夔府為

川省極東之處臣若久駐其地距西北太遠軍

情旦夕不同設陝境苟逆等股匪竄來恐各鎮

將不得主意臣遠在夔門鞭長莫及擬俟將軍

路布置妥協後仍回達縣東鄉一帶適中之地
以便兼顧各路奏入

上命軍機大臣傳諭勒保曰首逆度向瑤與冷添祿
王三槐等同時在川省地方滋擾日久稽誅前年
在箭口河猝遇官兵情急撲水被淹未死又復潛
匿老林近與張思從等合夥在古佛洞藏匿經勒
保飭催達斯呼爾岱羅聲臯等帶兵冒雨搜捕將

聖朝聖訓卷三

九

此股零匪悉數殲擒並將首逆度向瑤及老教掌
櫃張思從一併拿獲其豐城地方一股零匪係徐
添德之堂兄徐添培爲首改名鐵板道人並有鐵
元帥之號此次在沙壩場竄擾經總兵田朝貴率
同將弁上緊追殺將該逆生擒此等積年逆首罪
惡貫盈自難倖逃法網今被擒獲立正刑誅實足
以快人心而彰國憲勒保調度有方達斯呼爾岱

田朝貴羅聲臯冒雨帶兵能將逆犯擒獲甚爲出

力均著交部議敘並賞給勒保四喜白玉扳指一
個鑲寶石帶鈎一副黃瓣珊瑚豆大荷包一對小
荷包四個達斯呼爾岱田朝貴各賞給花大荷包
一對小荷包二個又發去玉搬指十個磁鼻烟壺
十個珓瑯翎管十個分賞出力員弁一兩重銀牌
二百面五錢重銀牌二百面賞給打仗出力兵丁

聖朝聖訓卷三

十

用示獎勵勒保摺內稱率同總兵張志林等帶兵
前往夔府察探楚匪情形卽於巫山大寧一帶擇
要嚴防顧住川楚邊界所見甚是至所稱俟將東
路布置妥協後仍回達縣東鄉一帶以便兼顧荷
逆此則不必陝省苟逆有經畧在彼督辦節次剿
殺所剩不及千名若果轟出山外自必就地殲除
斷不肯任其闖入川境復致再稽時日且川北地

方雖有陳李二裁縫及楊姓等股零匪在彼奔竄
 為數無多豐紳係本省提督現在廣元南江一帶
 防守又有田朝貴帶兵在通江等處堵禦兵力足
 資剿辦勒保自可無須兼顧惟當率領張志林一
 路官兵在川東防堵並督同達勒精阿武隆阿等
 搜捕零匪緊顧川楚邊境此時楚省滿添寶股匪
 人數眾多恐被德楞泰剿捕緊急又思逸入川境
 其樊人傑等匪亦恐長齡等逼剿入川勒保在川
 東駐劄設該匪等乘間窺至即可相機迎截與德
 楞泰等共收夾擊之效

聖旨 德楞泰奏言 前督兵入山冒雨趕

十六日 德楞泰奏言 前督兵入山冒雨趕
 抵南陽河為溪漲阻渡初四日據探報賊眾亦
 被當陽河水阻折回 恐水退後該逆又復遠
 颺即令先已過河之總兵滿尙佐副將馬元恭

將李東山沈洪等先行前進午刻雨止水消一
 半是夜四更後忽聞前山礮聲不絕料必賊匪
 撲營官兵鎗礮轟擊滿尙佐等所帶兵勇不過
 二千人未免見單而昏夜之中水勢莫測無法
 可濟天甫黎明即令兵勇趕緊搭橋辰刻橋成
 兵勇人夫渡訖其馬騾仍係鳧水而過 途次
 即據滿尙佐馬元恭等差弁解到獲犯王允恭等
 六十三名迨抵王家壩大梁見我兵營外鹿角
 扳倒數處血跡甚多查點各營殲斃賊屍八十
 三具旋又據馬元恭等帶到活賊瞿仁等一百零
 七名耳級七十三副刀矛旗幟極多訊據獲犯
 王允恭瞿仁等供稱這是藍號蒲元帥他營裏
 有五六千人見官兵追趕又進山來要走當陽
 河到房縣山裏去不料河水驟漲又折回獨木

聖旨 德楞泰奏言 前督兵入山冒雨趕

礮前門河要到東湖去探得官兵來的不多王家垵地方只有四個營盤蒲元帥叫冉苟兩個先鋒挑了二千好戰手夜裏悄悄來偷營不知官兵利害打死及帶傷者甚多苟先鋒親自督戰帶傷逃走眾人纔跑起來官兵又趕上擒殺不少我們被拿等語訊明王允恭罷仁等一百七十名均係精壯戰手臨敵擒獲一槩正法

聖朝聖訓

五

查蒲尙佐馬元等是日乘兩行抵王家垵山梁距賊只有六七十里是以卽於垵口擊營四座而該逆知大隊兵爲水間隔又見營盤無多乘夜撲營蒲尙佐馬元李東山沈洪等各率兵勇鎗擊箭射復用礮轟打竭力抵敵於黑暗之中直至五更後賊衆始行敗逃蒲尙佐馬元李東山等復酌帶兵勇緊跟掩殺追至十五里外之

碩頭溝口天已黎明該處兩山壁立巖溝內道

路窄小泥濘淤深前賊擁擠不開後賊遂回身

抗拒捨死不退兵勇極力剿殺又斃賊一百二

十餘名生擒一百零七名追出溝外忽見前面

獅子垵山梁復有賊夥前來接應蒲尙佐等見

賊衆兵單未便輕進遂卽撤回而接應之賊見

官兵未追亦卽半途而返

聖朝聖訓

五

遇大股兇悍賊衆與之對敵如殺傷數十人或

數百人無不卽敗竄從未見有賊匪被殺多

人愍不畏死仍然抗拒而不退者其兇悍情形

實堪痛恨

又探得黃號賴先鋒賊股七八百

人聞督兵趕剿蒲逆入山該匪遂由長峰堆

子向南而遁或西入川境或東竄歸巴均未可

定已飛飭達勒精阿武隆阿七十五等隨時

探明兇夥並移咨勒保查照又據同樊戴等逆

賊股已被長齡等截剿西折亦有斬獲茲臣於

初七日已過龍門河趕抵琵琶河探得蒲逆賊

匪由獨木礮鄔家埡女兒溝竄往木樹三坪查

此一帶均係老山箐林羊腸鳥道該逆竄走不

能迅速臣現在酌將兵勇分為兩路追擊該逆

或竄房縣之九道梁或向川境之大寧均難預

定臣惟有帶兵窮追趕剿完竣再當酌量另辦

他股奏入

上命軍機大臣傳諭德楞泰曰蒲添寶股匪探知大

隊官兵為雨水所阻其先經渡河之蒲尙佐等兵

數較單輒敢乘夜齊撲各營迨經官兵奮力抵敵

始行擊退而賊匪奔走至十數里外復又回身抗

拒怒不畏死實可痛恨看此情形賊勢尙形兇悍

且據獲犯供稱其營內尙有五六千人精壯戰手

尙有二千現又竄往木樹三坪一帶均係老山箐

林不可不趕緊剿辦又據奏黃號賴姓賊股七八

百人聞知德楞泰趕剿蒲逆該匪遂向南而遁或

西入川境或東竄歸巴現今移知勒保督兵兜剿

等語川省邊界現有達勒精阿等在彼防堵昨據

勒保奏到伊現又前赴川東夔府一帶察探楚匪

情形此股賊匪如竄往川境勒保自能設法堵剿

若東剿歸巴與德楞泰相距不遠並當分派將弁

前往截剿勿令奔軼至樊戴等逆經長齡等截剿

西折難保其不與蒲逆股匪合夥奔竄德楞泰尤

當留心偵探倘該匪等竟合夥一處長齡等在後

追剿吏可互相知會兩面兜截為滅此朝食之計

德楞泰惟當勉之又勉速成大功以受恩眷

欽定剿平三省邪匪方略正編卷三百十七 壬戌年

五月十八日丁亥惠齡奏言臣因王作正一逆係

劉永受股內緊要賊目當卽密差外委董益馮

登升改裝易服在劫山內潛加訪察至太平峪

西四溝地方訪得該處燒炭爲生之客民劉相

廠內曾有外來行客三人在彼住歇數日劉相

與鄰人黃昌文並交人一同出外總未回來形

《剿平三省邪匪方略卷三百十七》

跡可疑該弁等卽帶同眼線四處躡緝旋於左

家臺子店內將劉相黃昌文拏獲該逆王作正

在店房內密室潛藏聞風越牆逃遁外委董益

繞至店後半山趕上正欲擒拏該逆掣出小刀

拒捕適外委馮登升趕到協同拏獲又於店房

內搜獲同逃之子手張老么王恭兒二犯一同

押解前來又據坤山外委卞萬得在太平峪老

林內搜獲首逆阮正隆之子阮二娃並矛手何

大慶二名隨與前獲之探馬頭曹自富先後解

送到營臣率同委員六隔別審訊據王作正供湖

北上津堡人父親王中青向習白蓮教嘉慶二

年老師父張漢潮將我全家叫進營內後來張

漢潮被官兵殺了我父親自縊身死我同劉永

受逃到阮學勝營內阮學勝被擒我們又會上

《剿平三省邪匪方略卷三百十七》

辛聰從四川逃過陝西又遇官兵將辛聰衝散

我與劉永受帶領二百餘人在秦嶺一帶搶掠

裹脅希圖找尋苟文明合夥誰知連次被官兵

打散我帶傷逃到西溝遇見燒炭民人劉相求

他收留約他同做生意他見我身邊帶有二十

多兩銀子就約同鄰人黃昌文到左家臺地方

開店並未將我是賊營掌櫃的話告知黃昌文

隨即應允現在店房向未開張就被官兵拏獲
 又據曹自富供湖北宜城縣人嘉慶三年被李
 淮叫入張漢潮營內充當探馬頭自張漢潮李
 淮李漸都被官兵殺了我隨劉承受王作正一
 路逃奔本年春間劉承受王作正打仗帶傷逃
 走我剩四五十人逃到大峪又被官兵殺了二
 三十人我隻身逃出遇見民人陳正書向他哀
 求將我留在店裏他過嶺南探親未回我被官
 差拏獲又據阮二娃供湖北棗陽縣人阮正濼
 是我父親阮學勝是我叔祖我父親被殺叔祖
 被拏就跟著劉承受王作正當戰手今年春間
 劉承受王作正都帶傷不知去向四月間我同
 子手何大慶逃到老林內躲藏就被官兵搜獲
 是實又據何大慶張老么王恭兒同供均係子

刑部卷之七

三

手打仗不記次數各等語查該犯等均係積年
 巨惡罪不容誅臣於審明後即分別凌遲處斬
 此股首夥各逆均已搜捕淨盡其帶領王作正
 逃匿之客民劉相訊係知情故縱受賄隱藏情
 殊可惡相應請
 旨即行處斬其同行之黃昌文訊係事後始知並未
 得賄但該犯知而不首亦未便輕縱應請發往
 新疆給厄魯特為奴其窩留曹自富之民人陳
 正書一名獲日另結至苟文明一股賊匪經額
 勒登保督率扎克塔爾楊遇春楊芳等節次剿
 殺所剩不及千人連日分股散竄已十分窮蹙
 其正股尙在韭菜坪老林屯聚額勒登保現由
 入里坪光頭山自北面扼剿楊遇春由東面荷
 家溝寬截扎克塔爾楊遇春由西面獅子坪甘家

刑部卷之七

四

砭一帶兜圍日內一經得手此股亦不難殲盡
共棧西之張魏餘匪百餘人經慶成節次搜捕
該匪分股潛逃經遊擊朱集才帶兵剿殺擒賊
二十餘名其餘尙在紫柏山一帶老林藏匿臣
復飛催朱集才仍帶兵搜捕慶成亦趕緊分兵
入林搜剿可期尅日淨盡

聖鑒事

五

同日陸有仁奏言查棧西張魏餘匪分股零星
逃竄其竄至甘肅邊界者業經道員朱爾漢節
次剿殺賊即翻山南竄慶成已派遊擊李朝顯
等緊躡追剿現據遊擊朱集才稟稱另有賊匪
分出一股二三十名竄至王溝經該遊擊帶兵
剿捕節次擒斬餘匪無多四散逃竄其留鳳等
處老林內亦尙有藏匿零匪慶成現在棧內適
中之地督率搜捕並據署留壩同知劉經稟報

率同寨勇到處查拏現獲賊目張林臣已提至

漢中審辦又川省獲匪一股竄至西鄉菩提河

經委員易萬程督率寨總鄧正剛等堵剿殺賊

五名生擒趙元得一名陣亡寨勇郭啓貴黃有

恒二名賊見堵禦嚴密仍即遁入通江縣境訊

據獲犯趙元得供稱此股賊匪共二三百人係

楊步青爲首臣已飭令將陣亡寨勇家屬優加

聖鑒事

六

賞卹又楚省賊匪一股約三百餘人前竄至郎
縣之鮑家店陳家莊一帶逼近白河縣境臣當
即飛飭地方官將沿江船隻盡收北岸並令鼓
勵各處寨勇合力防堵頃據署白河縣知縣黃
袞稟報該匪因探知邊界堵禦嚴密折竄竹山
縣境距陝省邊界已遠臣仍嚴飭地方官隨時
確探嚴防勿稍大意至荷逆一股近據寧陝同

知張約稟報有分股三四百人竄至屬屬之悉
雲寨索取糧食寨勇認明是賊隨用鎗礮轟擊
六名賊即遠遁臣已將出力寨勇獎賞並示諭
各寨俱當照慈雲寨辦理使賊匪伎倆益窮自
不難尅期殄滅均奏入

上命軍機大臣傳諭惠齡曰惠齡奏搜捕零匪王作

正曹自富及阮正濫之子阮二娃等犯均係劉永

製署稽察編卷三

七

受股內緊要賊目於審明後分別正法自應如此
辦理外委董益馮登升二員改裝易服前往查拏
能於客民劉相店內將要犯盤獲不致漏網稽誅
尙屬能事董益馮登升俱著拔補把總以示獎勵
至客民劉相於首逆王作正逃匿時敢受賄隱藏
知情故縱情節甚為可惡著照惠齡所請即行處
斬其同行之黃昌文一犯知而不首亦有應得之

罪亦著照所請發往新疆給厄魯特為奴其高留
曹自富之民人陳正書一名仍著惠齡飭令嚴拏
務獲并訊明該犯若亦係知情容留與劉相情節
相同即著將該犯正法至苟逆現在分股散竄勢
已窮蹙諒早晚即可辦竣惟昨據德楞楞奏稱湖

北滿添竄等股賊匪尙敢偷撲營盤勢尙兇悍現

在德楞楞帶兵逼剿至房縣地方難保其不向陝

製署稽察編卷三

八

境竄逸而樊戴等股聞長齡亦有斬獲恐該匪亦
不免有折竄之事陝省平利紫陽一帶防堵事宜
關係甚重惠齡接奉此旨著即酌量情形如額勒
登保已將苟逆股匪辦竣親往平利紫陽一帶扼
要堵截則惠齡自營仍在峪口一帶搜捕餘匪若
苟逆尙在未淨額勒登保不能即日移師前往惠
齡可無庸在峪口駐紮著迅速馳往紫陽平利一

帶督同穆克登布辦理防堵楚匪事宜不可遲悞
惠齡前在峪口駐營原防苟逆奔竄出山今欣業
經降旨令額勒登保將該匪轟出老林聽其竄向
一路剿辦自易爲力所有峪口攔截事宜此時轉
非喫緊至陝楚邊界處所一切防堵事宜則皆惠
齡專責惟當擇要嚴防隨時堵禦設有竄陝之賊
卽隨地督剿與楚省共收夾擊之效

聖訓彙編卷三十七

九

上又命軍機大臣傳諭陸有仁曰陸有仁奏楚省賊
匪一股竄近白河縣境因邊界堵禦嚴密折竄竹
山現飭地方官確探嚴防勿稍大意等語現在楚
省蒲添寶樊人傑等股匪經德楞泰督同長齡等
追蹤逼剿至房縣地界該匪分股奔逃難保其不
竄入陝境茲已降旨令惠齡移駐紫陽平利一帶
督飭防堵該撫亦當嚴飭各邊界地方官弁實力

防堵毋令一名闖入爲要至該省需用軍餉前已
發銀四十萬兩茲不待該撫奏請又將粵省關稅
等項撥銀四十萬兩由豫省陸續解往應用該省
得此項餉銀接濟自更充裕陸有仁當飭令局員
樽節辦理源源供支勿令缺乏並不得以餉項敷
餘致滋浮冒

聖訓彙編卷三十七

十

上又命軍機大臣傳諭吉慶瑚圖禮三義助顏檢曰
前據三義助奏粵海關稅銀已湊足十萬兩解豫
存貯此項銀兩令河南巡撫轉解陝省備用外著
吉慶等再於關稅鹽課地丁項下湊撥銀三十萬
兩委員迅卽解赴陝省交陸有仁收貯應用
十九日戊子額勒登保奏言前因連日陰雨滂沱
內河流洶湧急切不能進發臣焦急如焚嗣於
初五六等日雨止水消官兵漸次歸集臣卽帶

領由八里坪而進據探報賊匪自楊遇春扎
 克塔爾於大山壩華基寨等處剿殺之後勢漸
 窮蹙遁入杜家墳東窺安溝灌溝一帶老林扎
 克塔爾格布舍等緊躡追剿沿途擒斬十餘人
 該匪等四散奔竄有由瞿家溝菲萊坪北趨田
 峪金峪之勢經_臣所派之叅將吳亨衍遊擊王
 兆龍由秋木菴碾道迎擊殺賊七八名生擒四
 名賊眾不敢北竄卽向東南逃往兩河金雞河
 一帶扎克塔爾等帶兵由光頭山進剿該匪遂
 由冷水溝向江口奔逃江口守備陳超帶兵出
 擊殺賊二名生擒二名該匪向北折竄金雞梁
 老林藏匿扎克塔爾等是日跟追至徐家壩楊
 芳在甘家壩扼其西竄之路楊遇春亦帶兵由
 八斗坪前來賊匪連夜遁入磨子溝老林內擊

聖朝聖鑒編卷三十一 十一

獲探信賊匪張興魁等六名供稱苟文明因官
 兵追殺緊急與張二張三商量分路逃走躲避
 官兵當有元帥靳士黃並頭目海姓王姓各帶
 領一二百多人在老林中分路奔竄其苟文明
 與張二張三帶領四五百人由金雞河翻入磨
 子溝藏躲晝伏夜出不令官兵知覺等語當將
 所獲各犯概行正法查該匪被剿窮蹙分夥潛
 奔使官兵不能知其確蹤實堪憤恨_臣遂知會
 扎克塔爾格布舍等卽由兩河菲萊坪覓路兜
 剿磨子溝大股賊匪務須深入痛剿毋令久匿
 並派令副將張廷楷蕭福祿遊擊王兆龍等帶
 兵由七畝坪顧北進剿並令兩路多帶劈山礮
 酌量地勢向各處林箐內轟擊俟該匪竄出再
 用鎗箭竭力追殺_臣督率副將王兆夢遊擊劉

聖朝聖鑒編卷三十一 十二

匪標等帶兵於東面之馬蝗溝設伏以備截擊
該匪知數路官兵直向林內逼剿不敢存住由
南溝竄入苟家溝扎克塔爾格布舍等卽由喬
家溝繞赴金雞梁顧住西面進剿副將張廷楷
蕭福祿由柿園溝顧住北面進剿臣現又親帶
官兵由喬家溝策應而進其分出小股賊匪亦
在附近一帶藏匿聞楊遇春楊芳等亦由金雞
河廟溝南溝一帶追剿而來距苟張大股不遠
是該匪實係震懾兵威不敢出林遠遁臣現在
督飭數路大兵不避艱險不分晝夜聯絡逼剿
定可聚而殲除至穆克登布一路官兵近日在
平利安康紫陽一帶堵剿地方寧謐派令弁兵
鄉勇等各三四十人遠赴川楚邊界偵探賊蹤
並相機緝捕四月初四日行至大寧之加當灣

剿平三省邪匪方略

正編卷三二七

詢之該處寨民據稱有賊匪二百餘名在附近
硝洞山老林屯聚該弁等當卽帶領兵勇假扮
教匪彼此答話將該匪引誘出林立時擒獲偽
總兵向倫偽先鋒李玉生等七名殺斃五名賊
匪齊來抵禦該弁等因眾寡不敵遂卽折回太
坪峒駐劄訊據向倫等供稱係湯思蛟劉朝選
分出餘黨先鋒夏一品爲首向在老林藏匿等
語次日該弁等仍探蹤前進而該匪已乘夜向
萬古寺一帶遠竄初八日復探得龍門溪有賊
匪百餘人距太平洞約八十里該弁等連夜前
往二更後行抵該處見賊匪依傍老林一半在
林內露宿一半在民房熟睡該弁等遂與各兵
勇商酌先將賊匪刀矛潛從房內取出卽將房
門堵住四面縱火焚燒賊匪驚醒奪門逃竄經

剿平三省邪匪方略

正編卷三二七

兵勇連殺數人餘賊隨跳上房屋而房屋已被
燒倒塌賊匪冒火衝突悉被擒戮林內之賊聞
聲前來接應弁兵等奮力迎剿殺斃二十餘人
生擒八名兵勇等亦有被賊子戮傷者餘匪不
知我兵多寡仍即遁入箐林逃竄該弁等亦即
帶領兵勇折回訊據獲犯張三喜等供稱係自
號張子聰股內餘匪易老掌櫃為首易老掌櫃

剿平匪黨編卷三

五

在房內已被殺等語當即查明屍身經獲犯指
認屬實穆克登布當即將賊目向倫李玉生訊
問明確凌遲處死其餘十三名概行正法臣當
即飭知穆克登布將該弁王義如黃大文兵勇
等優加獎賞現聞德楞額等截剿樊戴王曾一
股賊匪得獲勝仗惟恐該匪被剿狂奔由二竹
逃入陝境臣並已飭知穆克登布桑吉斯塔爾

喜明等務須嚴密扼截與楚省官兵兩相夾擊
一鼓集事又據總兵富蘭稟報四月二十二
一等日有各股剿散零匪由通江竄近西鄉邊
界該鎮同都司關騰於七里溝等處殺賊二十
餘人擒獲四名餘匪十餘人仍遁入川境現仍
嚴防邊界至張魏餘匪前次由寧羌竄入廣元
者經豐神劉清率領兵勇於麻柳壩斬獲四十
餘人生擒十三名該匪現剩七八十人向南江
奔竄尚有殘匪一百餘人在畧沔之戰壩林紫
栢山老林潛匿慶成現在分撥官兵入林搜捕
其前此竄過棧東之零匪數十人經江口遊擊
朱集才帶兵於清溪河柳川舖老林搜獲三名
賊斃十六名尚有二三十人奔竄沙壩馬莊溝
一帶仍即帶兵跟蹤緝捕

剿平匪黨編卷三

六

同日吳熊光奏言查樊曾各逆在賊股中最爲狡猾雖節經官兵剿散而仍固結狂奔實堪痛恨因前月二十七日開霽後二十九至本月初四日復連日陰雨淋漓該匪不擇路徑遂由興山水月寺苟家堙竄至保康屬之管峪溝施家莊等處有北逸之勢節據逃出難民黃志榮等供稱樊人傑與王國賢們商量此次所走路徑

欽定剿平三省邪匪方略

正編卷三二七

總躲閃官兵出其不意使農民不及防備攫取糧食要走穀城房縣一帶盤繞再進老林躲避官兵等語探聞長齡將鍋帳一切留在後路緩行挑帶奮勇馬步官兵及練勇等星夜由硃砂坪長坪偏東追剿前來孫清元吉林泰由歇馬河螃蟹溪自南而北以截賊匪折竄老林之路惟保康之西北一帶現屬空虛不可不亟籌攔

截查總兵李天林帶領兵勇千餘名在三竹搜捕餘匪臣趕即飛調前來恐兵力稍單適前調東路防守之副將蔣觀濤孫應奉等計日可到即擬與李天林合爲一路自北向東南迎擊可期與長齡孫清元吉林泰等三面夾剿設或該匪西竄二竹逼近陝境臣又飛札總兵穆克登布帶兵在陝楚交界扼要迎截更可四面圍攻以冀一鼓殲擒又二竹分竄零匪有三四百人在白河口老莊子一帶潛匿深山密箐內晝伏夜出時隱時見賊匪極爲鬼蜮經前派之都司達祥守備羅陞鄧興相等分投搜捕該匪藏匿不住又分出二百餘人由大木廠一帶北竄都司達祥等抄道東面擊截該匪即向鮑家店李家山等處西竄正值外委劉紹先首領張占魁

欽定剿平三省邪匪方略

正編卷三二七

六二一

等在彼堵禦該匪奪路衝撲鎗斃賊匪十餘名
 外委劉紹先在前猝受矛傷陣亡餘匪向竹谿
 之濫石灘過河經該處七寨義勇併力截擊淹
 斃十餘名餘匪即向小河口一路逃遁經原派
 搜捕之守備鄧興相帶領兵勇跟蹤前往諒可
 易於掃除至川楚疆域毗連德楞泰一路官兵
 往來無定所需軍火糧餉臣已叠次飛飭荆宜

聖鑒事

九

施道陳蘭森宜昌府知府金之忠暨沿邊各州
 縣令其不分畛域設法源源接濟均奏入

命軍機大臣傳諭額勒登保曰苟逆股匪自被楊
 邁春扎克塔爾在大山壩等處剿敗之後由韭菜
 坪北趨復經官兵追殺沿途小有斬獲賊匪仍分
 路逃竄總在老林藏匿現在扎克塔爾等繞赴金
 雞梁顧住西面張廷楷等由柿園溝顧住北面額

勒登保親帶官兵由喬家溝策應而進楊邁春楊
 芳等亦由金雞河一帶追剿而來距苟張大股不
 遠據稱數路大兵聯絡逼剿定可聚而殲除此正
 極好機會朕所日夕欣盼者但額勒登保摺內似
 此聚而殲除之語已非一次而苟逆在老林輾轉
 奔逃已及半載總未能痛加殲戮淨絕根株遷延
 至今萬難再緩再老林之內鎗箭不能得力早當

聖鑒事

十

用礮擊打且軍營並非缺少礮位何以額勒登保
 從前並未籌計及此直待朕降旨訓示始帶劈山
 礮酌量地勢向林箐內轟擊豈此等機宜必待朕
 一一指示耶至摺內稱恐樊逆等股被剿狂奔由
 二竹逃入陝境等語此則甚為可慮朕昨已降旨
 令惠齡前赴該處防堵額勒登保將苟逆一股辦
 竣後即遵照前旨前赴穆克登布駐紮之紫陽下

利一帶嚴密堵禦令穆克登布桑吉斯塔爾等帶
領湖北湖南官兵前往房竹等處幫同長齡等剿
辦焚逆股匪其南山一帶卽有一二零匪彼時儘
可令惠齡回至該處督同將弁搜捕無難悉數殄
除至張魏餘匪在沔畧老林藏匿額勒登保業經
知會慶成趕緊剿辦自可尅日殲淨倘慶成兵力
不敷額勒登保彼時或酌派楊遇春前往協助設
川陝交界東鄉西鄉一帶有竄匪闖入並可資其
堵剿

聖朝聖訓

三

上又命軍機大臣傳諭吳熊光曰吳熊光奏焚會各
逆北竄探聞長齡由硃砂坪長坪偏東追剿孫清
元等由歇馬河螃蟹溪自南而北以截賊匪折竄
老林之路吳熊光因保康西北一帶兵備空虚令
總兵李天林副將蔣觀濤等向東南合擊所辦尙

好至德楞泰一路現在剿辦蒲井各逆喫緊之際
所有應用糧餉吳熊光務須嚴飭道府等源源供
運毋致稍有缺乏爲要其在李家山等處堵禦賊
匪猝受矛傷陣亡之外委劉紹先著咨部賜卹

同日

上諭內閣曰陝省各州縣自軍興以來及今七載凡
被賊近賊及偶偏災各地方自元年至六年應徵

聖朝聖訓

三

各項錢糧查經加恩展緩現在大功將次告蒞小
民等自可共安耕鑿踴躍輸將但節年積欠既多
若同時新舊並徵民力仍恐拮据且本年據該撫
奏到各屬雨澤情形先後不齊麥田未能一律豐
稔朕心深爲廕念現在飭令該撫確查有應行撫
恤之處迅速奏聞另行加恩外所有陝省各屬內
節年被賊較重之寧陝等二十四廳州縣并屢次

被賊連年登經偏災之咸寧等四十廳州縣自嘉慶元年至六年實在民欠未完地丁正耗鹽課等項銀糧及各項借欠并沿邊一帶登被偏災之延榆綏鄜四府州所屬各州縣自嘉慶元年至五年實在民欠未完出借常平倉民欠春借並籽種口糧等項均著加恩再予緩徵一年以副朕厯念民艱至意

聖旨

奉

欽定剿平三省邪匪方略正編卷三百十八 壬戌年五月二十日已丑德楞泰奏言蒲逆乘夜撲營敗逃之後鑽入老林向獨木礮鄆家坪女兒溝逃竄臣恐其又折竄東南即督兵分路抄追令色爾滾蒲尙佐總管富登阿協領德寧阿等帶領馬步兵勇過其東南一路臣同賽冲阿溫春馬瑜等率領大隊尾躡跟追初十日趕抵彎腰樹探得賊匪於是夜五更自彎腰樹起營向上竄白玉坪楊岔河東北逃竄臣於三更時即督兵前進十一日未刻趕至楊岔河據哨探帶到寨民詢稱賊匪昨日屯紮楊岔河今日清早起營向馬家溝大路東去等語迨兵緊追至仙家坪已行一百三四十里時已日落趕上賊尾殺賊二三十名活捉李發祥等十三名大衆賊匪見

聖旨

奉

兵逼近向左邊順溝走寒水河上石坂溝入山
佔踞大埡口恃險抗拒臣察看大埡口兩山壁
立一線羊腸若兵勇競上亂石滾打未免費力
而左右又無小路可抄即使攻搶得手其大衆
賊夥勢必遠颺若非出其不意攻其不備斷難
痛剿查詢該處山內東走蒙古寺可出獅子巖
距房縣只有四十餘里吳熊光現在駐彼該處
兵備空虛臣即令色爾滾蒲尙佐等帶兵星夜
馳赴獅子巖扼據東顧臣由白玉坪黃龍山自
西而東雖道路迂繞一百二三十里賊若西走
即可迎頭截殺如尙屯聚亦可直搗其巢惟石
坂溝大埡口俯視仙家坪瞭然在目恐賊知大
兵繞道抄截又復遠颺即酌留兵勇數百名令
遊擊楊森帶領在彼牽綴大兵仍於仙家坪擊

欽定剿平三省邪匪方略

正編卷三二八

營陽爲追剿之勢並令每營另留兵勇數名於
各營內夜間多燒號火臣於二更時即全隊折
回白玉坪翻過黃龍等大山四重抄出賊前兵
至大壩池詢據寨民稟稱頃有持矛者四十多
人穿戴紅帽馬褂在小壩池一帶即令都司龍
必達千總謝金章等帶領鄉勇二百名改裝換
旗先往小壩池見房屋外豎有白旗兩桿賊匪
都在屋內做飯即帶領鄉勇直前將兩處房屋
圍住捉獲王宗賢等三十一名殺斃十三名並
無一名漏網臣大隊進至小壩池訊據王宗賢
等供稱元帥蒲添寶屯在後面二十多里水溝
地方派袁總兵帶四十四人前來探聽信息正
在做飯不想官兵就把我們擊住袁總兵叫袁
國林那個屍首就是等語當即斬訖申刻雨霧

欽定剿平三省邪匪方略

正編卷三二八

交加雖天氣將晚我兵已近賊巢若不趕緊剿殺該逆知覺又必連夜奔竄仍屬空勞無濟臣

即鼓勵兵勇無不踴躍飛馳疾進直至水溝後

山堽口見賊屯瓦房十餘所草蓬極多均係緊

靠天平老山查天平山老林內有小路抄出禱

禱腦即可扼賊匪竄入箐林之路當令叅將馬

文斌何君佐帶領兵勇先將禱禱腦佔踞臣兵

《聖朝聖編卷五》

四

分三路左路溫春中路賽冲阿右路馬瑜等各

帶兵勇衝入賊巢臣督兵策應因雨霧瀰漫賊

衆全不知覺立斃賊匪二百餘名生擒趙國友

周劉氏等一百零八名口雨霧益大賊衆齊竄

過溝西陡坎拒敵鎗石如雨與我兵相持半時

之久旋見戴藍頂花翎賊目率賊匪十餘人力

敵下壓勢極兇悍時有四川藍翎馬兵陳國俸

及奉

旨以七品陞用之鄉勇魏中材直前迎剿被魏中材

用矛戳倒取其翎頂纓帽正欲割取首級復被

大衆賊匪撲來搶去賊遂紛紛潰亂賽冲阿溫

春馬瑜三路官兵乘勢並進賊即向天平老山

而逃正值馬文斌何君佐率領兵勇自禱禱腦

壓下與賽冲阿等前後剿殺又斃賊一百六七

《聖朝聖編卷五》

五

十名有戴紅頂賊目帶領賊衆突出賊羣經巴

圖魯侍衛富僧德吉林委防禦常在瞥見趕追

被富僧德箭傷左背墜馬滾崖只拾得其紅頂

翎帽而回查此二賊目被箭矛所傷均未得其

首級其生死未能確知追至大凹又殺賊一百

四五十名先後共擒活賊一百六十六名口繳

來紅頂藍頂冬帽各一頂搶獲騾馬牛驢二百

二十三頭匹旗幟刀矛衣物極多其時霧氣朦朧雨勢淋漓天色已暮未便再行深入十三日復分兵搜捕又獲犯李宗華王郭氏等四十三名口卽令獲犯於活賊內遍行識認指出八口總兵王元洪馬重禮探馬頭蘇光全趙國清等首劉思元向榮華陳維遠等七名詢據王元洪等供稱我們在營內充當總兵這營裏係監監陳朝觀爲元帥他去年在陝西地方被官兵擊了只剩二百多人他兩子叫陳宗先陳宗恒年紀俱小稱爲少掌櫃都是蒲先鋒管事後來逃到湖北老林內遇着王四爺餘黨有三百多人白號張楊帶有三百多人還有黃號熊二姓的二百人都來會合共有一千多人總在巴東興山老林藏躲破些洞寨共湊有二三千人馬驟

製看邪匪竊盜案

六

三四百匹因山裏寒冷於十一月出山總在興山歸州東湖一帶擄掠蒲添寶在營裏掌事都稱他爲元帥他又派了井英冉起才張楊苟大秀四人做先鋒今年四月知道樊人傑來了商量同往襄陽去到東湖地方被大兵趕截將樊人傑的人傷了一大半我們不敢合夥蒲元帥說不如仍到興山老林裏躲避走到龍門河探有官兵跟進山來紮在王家壩口派出二千戰手是苟先鋒帶領偷營誰知官兵鎗箭利害傷了幾百人苟先鋒中了箭傷衆人就跑走了聞黃號賴大有卽賴先鋒帶有七八百人在長峰堆子一帶熊二姓就帶了黃號的三四百人由龍門河分營找他去了我們趕緊從百里荒逃走要到房縣去後面官兵緊追蒲元帥卽由仙

製看邪匪竊盜案

七

家坪翻山逃入大凹山內又怕官兵進來派了
 幾日戰手在石板河埡口堵住令袁總兵到大
 小壩探信明日欲由原路走白玉坪找尋樊掌
 櫃合營不知官兵忽然殺進營來殺的孛的不
 知去了多少再先鋒戴的紅頂子張先鋒戴
 的是藍頂子如今他們並無一定去向總探聽
 沒有官兵的地方逃走等語除王元洪馬重禮
 等七名轡割外其戰手張明志等二百二十名
 一概正法所有被脅男婦九十名口照例給票
 交隨營知府金之忠妥為分別遞送各籍查蒲
 添寶大股賊匪原有五千餘人自王家埡痛擊
 後向西北逃至房縣之彎腰樹陸續來營請票
 者已有六百二十餘名口官兵沿途擒斬並渙
 散外所剩約有三千七八百名此次仰仗

聖朝聖德編卷三

八

天威鼓舞官兵搗其巢穴計剿殺五百餘人生擒三
 百餘名此外尚有滾崖及自行逃散者無從查
 悉現探該逆所剩二千五六百名馬騾二百餘
 匹此股賊匪又已剪除一半查該逆已連夜折
 向東南逃遁非左走百家坪柏木壽陽即右走
 缺廠溝元杜坪竄入興山老林臣已飛飭色爾
 滾蒲尚佐等帶領兵勇緊躡追剿該逆如果與
 樊逆等合夥臣正可與長齡等協力併除此大
 打仗陣亡并受傷兵勇數名各各俟另行查明咨
 部辦理

同日吳熊光奏言臣探報有一股賊匪翻越老
 林晝夜狂奔由彎腰樹上竄向北竄至羊义河
 屯紮臣查該處可由獅子崖以出房縣亦可由
 漳洛河直達二竹當即飛飭總兵李天林帶領

聖朝聖德編卷三

九

續修四庫全書 史部 紀事本末類

兵勇趕至化龍堰相機堵截若樊會各逆仍由
原路大木厥化口西竄二竹亦可就近兼顧旋
據叅贊德楞泰來信德楞泰督師已由百里荒
老林追逼蒲逆股匪出山賊內裏脅紛紛逃散
官兵連夜趕抵江家坪詎該匪見有追兵從仙
家坪左手翻山向鬼子溝而逃前隊官兵已抵
上龕副都統色爾滾總兵蒲尙佐帶領兵勇由
獅子崖抄道迎剿德楞泰由仙家坪窮追以防
賊匪折竄現在德楞泰分兵三路漏夜兼程追
捕蒲井各逆係由東南而來長齡孫清元等追
剿樊會賊股由房屬之西北兜截總兵李天林
在南北適中之所扼要截剿一經得手正可二
面合圍聚而殲洗實屬極好機會但恐賊匪剿
急挺走翻越深山老林官兵緊躡窮追往來無

聖鑒事

十

定查房竹一帶寨落較多較之興歸等處貯米
更爲充裕惟餉銀不使寄存民寨臣趕卽飛派
鄖陽府阿霖候補知州沈堂寬帶餉銀趕赴德
楞泰軍營接濟支放仍飛飭沿邊各州縣不避
險阻設法供運以期無悞奏入

聖鑒事

十一

上命軍機大臣傳諭德楞泰曰此次蒲天寶大夥匪
衆三千七八百人在水溝地方屯紮經德楞泰分
兵三路衝冒霧雨進攻乘其不備痛加殲戮共計
斬殺五百餘人拏獲三百餘名并生擒偽總兵王
元洪馬重禮探馬頭蘇光全趙國清旗首劉思元
向榮華陳維遠等七名所辦甚好德楞泰著賞給
喜字玉搬指一個鑲寶石帶扣一副黃鞵大荷包
一對小荷包四個又發去雲玉搬指五個文竹小
刀五把文竹搬指套五個磁搬指套五個磁鼻烟

亞五個花大荷包五對小荷包十個分賞出力員
弁用示獎勵統俟將此股賊匪辦完後再加懋賞
其用矛戳倒頭戴藍頂賊目之鄉勇魏中材箭傷
頭戴紅頂賊目之侍衛富僧德侯辦竣蒲匪後再
行保奏以應陞之缺陞用現在該逆祇剩二千五
六百人折向東南逃遁勢已窮蹙德楞泰務當乘
此兵威勝勢趕緊追剿無難一鼓集事即使該逆
仍由原路走白玉坪與樊逆等合夥正可督率長
齡等趁賊匪湊集一處併力協剿以期聚而殲洗
德楞泰前次摺內稱長齡截剿樊逆亦有斬獲係
得之探聽並非據長齡呈報即本日吳熊光摺內
亦未聲敘長齡打仗殺賊情形伊究竟在何處剿
賊會否與賊接仗有無觀望逗遛情事著德楞泰
查明具奏

上又命軍機大臣傳諭吳熊光曰吳熊光奏德楞泰
分兵三路追剿蒲井各逆自東南而來長齡孫清
元等追剿樊會賊股由房屬之西北兜截總兵李
天林在南北適中之所扼要截剿正可三面合圍
聚而殲洗等語現在各路官兵將賊匪合圍自係
極好機會本日據德楞泰奏稱水溝後山埡口見
賊屯瓦房十餘所草窠甚多均係緊靠天平老山
德楞泰督率兵勇衝入賊巢等語從前教匪四路
奔竄素無定向以致官兵輾轉追逐如果賊有巢
穴可以攻圍剿辦轉易得手今蒲井等逆在水溝
後山埡口屯聚瓦房草窠該匪一時不能猝辦
或本係民房草窠被賊搶佔抑竟係賊匪在彼搭
蓋此時蒲逆等被德楞泰剿捕折向東南逃遁該
處現有居民着吳熊光派員詳查水溝後山埡口

是否果係賊巢賊匪在彼屯聚幾日卽行據實具奏毋得因地方官有失察處分稍存迴護又吳熊光派委知府阿霖候補知州沈堂寬帶銀兩趕赴軍營接濟支放楚省軍務正當喫緊之際糧餉最關緊要吳熊光務當飭令委員設法運供勿少貽悞

二十二日辛卯勒保奏言通籌川省大局川北

一擊看匪巢竊登皇

古

一帶楊姓零匪二三百人復由陝折竄通巴地界業飭總兵田朝貴帶兵剿辦其廣南邊界有陳李二裁縫殘匪百餘人遁入老林尙未殲淨又張魏餘黨顏中考魏洪升二逆近聞慶成已將魏洪升生擒所剩顏中考帶領殘匪百餘人有折竄川境之勢臣已寄信提督豐紳探信防剿以上三股零匪有豐紳田朝貴兩路官兵儘

數分剿其苟文明一股蹤跡距川界尙遠臣亦分囑豐紳田朝貴隨時探信防範至東鄉開縣前後中三河等處餘匪疊經官兵剿散均係零星四竄現有副都統銜達斯呼爾岱副將羅聲臯等爲一路遊擊羅思舉爲一路近日又派原任副將裕大榮帶領鄉勇爲一路分股搜剿而梁山之栢林漕大竹之蒲包山等處未淨零匪每起不過三四十人七八十人不等已派叅將傅廷佐帶兵搜捕均足以資辦理惟查楚省賊勢較多自叅贊德楞泰帶兵過楚後賊匪被剿情急必致闖入川境是川東雖現無大股之賊而防守較爲喫緊臣前調總兵張志林一路官兵前來同赴東路適張志林因傷發患病兩腿腫脹不能騎馬當令暫留調養復調總兵洪績

一擊看匪巢竊登皇

古

來營管帶兵勇隨同臣一路進發茲於十三日

已抵夔門查核各路探報楚省樊戴王曾崔胡

等逆一股經德楞泰剿敗後現已折竄興山之

界牌壩蒲逆一股現竄房縣所屬之九湖當陽

一帶此兩大股均未入川其劉姓熊姓二股賊

匪前由陳家坡分起竄川當經副都統達勒精

阿武隆阿等擒斬二百餘名並將賊首劉姓殲

擊著獲首編卷五

六

斃其後起熊姓一股竄至東坪壩聞得川省有

兵截剿仍連夜折回楚境惟本日探得巫山所

屬之牯牛窖鐵廠灣一帶**有楚匪一股竄來約**

有五六百人臣查達勒精阿武隆阿一路官兵

現在寶子山一帶距巫境較近當即飛札該副

都統連夜帶兵探蹤迎剿臣所帶官兵亦一面

分派繼進至楚匪既在興房歸巴等處則巫山

奉節大寧三縣邊界處處皆關緊要臣即日嚴

勘賊竄路逕分撥官兵寨勇扼要防守遏截賊

蹤至羅思舉在三河一帶搜剿初二日探得東

鄉鄭家灣地方有白號賊匪一起羅思舉即督

率兵勇由石堆窩陶家坪一帶取道探剿途次

正與賊匪迎頭相值該匪折回狂竄適有清查

練勇之委員楊世鯨知有官兵追賊即率團勇

擊著獲首編卷五

七

迎截殺斃賊匪二十三名生擒四十四名查訊

活賊內有湯長元一名據供係湯思蛟之子自

在砲通山被官兵剿散即與張簡一路同走本

日張簡帶領戰手二三十人先行逃逸餘匪在

後被兵擒斬至湯思蛟自去年冬間在砲通山

失散後至今並未相遇不知現在逃往何處等

語羅思舉即帶兵躡蹤搜捕初六日至尖山坪

探有剿散餘匪二十餘人在彼藏匿羅思舉當
卽分撥兵勇由大埡口兩路圍剿殺賊十名生
擒十六名內有林開聘一名據供係張簡股內
賊目初八日羅思舉移兵開縣龍祠地方路遇
散匪十餘人被圍練委員張一鶴率勇追逐正
在山溝奔竄羅思舉卽率兵勇圍捕殺斃賊十
名生擒七名查訊亦係湯思蛟股內散出之賊
訊以湯思蛟蹤跡亦不知下落初九日探得渡
口崖一帶有零匪五六十人羅思舉帶兵迎剿
殺斃十餘名生擒二十四名內有偽總兵唐化
鳳偽先鋒楊士祥二名據供亦係湯思蛟股內
散出賊目近有青號玉山帶領餘匪五人前來
合夥本日遇兵追剿玉山隻身脫逃餘黨四人
均已殲淨等語羅思舉當將節次所獲賊匪委

《聖諭廣訓》

六

弁押送達縣聽候審辦又據廣元縣稟稱該縣
所屬九子山地方前經豐紳剿剩之殘匪一百
餘人竄近該境富有辦理團練之委員試用吏
目汪順梁帶領太平祠姜家寨尖山寨雙祠子
四處團勇迎頭截擊賊匪竄入黃栢埡老林汪
順梁帶兵跟追不料路旁茅草內突出埋伏賊
匪數十人將該吏目汪順梁立時戕害團勇亦
有傷亡該吏目係屬文員委辦團練竟能奮勇
深入老林追賊悞中賊計致被慘害情殊可憫
相應請
台照陣亡例議卹以慰忠魂其餘陣亡受傷團勇
卽飭該道府等查明分別賞卹以昭激勸再前
據達勒精阿武隆阿等稟報在巫山邊界白菓
寺地方將首逆劉朝選殺斃臣細核賊蹤不甚

《聖諭廣訓》

六

相符茲據巫山縣將劉逆首級並原指認之夥

賊陳大明等解送來營臣當即提犯詳鞠據供

皆係青號餘匪查劉朝選係白號首逆不應所

帶皆青號之賊因查梁山有難婦王氏曾被劉

朝選搶掠姦佔為妻上年冬間經饒冲阿打仗

擒獲給屬領回當即就近飛提到案飭令將首

級辨認據稱並非劉朝選復將解到之陳大明

製看那匪首編卷三

三

詳加詰訊據供我被擄入夥未久但聽眾人稱

為劉元帥我並不知道他的名字前日官兵問

我可是叫劉朝選我便隨口答應今被嚴訊這

首級實係青號劉元帥等語除將該犯等分別

辦理外查白菓寺所剿偽元帥劉姓既係青號

賊目並非白號首逆劉朝選無疑是劉朝選一

犯仍舊在逃未獲臣現飭各路文武加緊留心

查訪合併陳明奏入

上命軍機大臣傳諭勒保曰此次勒保因川東邊防

緊要率同張績一路官兵於十三日進抵夔門據

各路探報楚省樊戴會王崔胡等逆現已折竄興

山蒲逆一股現竄房縣所屬之九湖當陽一帶此

兩大股均未入川與德楞泰昨日所奏無異至劉

熊二股賊匪經達勒精阿等迎截斬獲二百餘名

製看那匪首編卷三

三

並將賊首劉姓殲斃其熊姓股匪仍折回楚惟據

稱巫山地方另有楚匪一股竄來約有五六百人

昨據德楞泰奏訊據獲賊稱有黃號賴大有帶領

七八百人在長峯堆子一帶熊二娃帶了黃號三

四百人由龍門河分營找他去了等供今竄至巫

山之賊或即係賴姓等股匪亦未可定勒保應即

飭令達勒精阿等上緊截剿以期速就殄除至樊

蒲等股在興房等處往來竄逸賊蹤狡猾亦難保
其不乘間闖入川界所有巫山奉節大寧各縣邊
防處處皆關緊要勒保務須分撥官兵扼要嚴防
至川北之楊姓零匪及陳李二裁縫與張魏餘黨
爲數雖屬無多若不速行剿辦恐致裹脅蔓延勒
保當責成豐紳田朝貴兩路官兵趕緊搜剿並諭
以勒保現赴川東所有川北零匪卽伊二人專責
倘能趁賊匪殘敗之時剋期辦淨卽係伊二人之
功朕必加之懋賞倘勒保將川東賊匪辦完仍回
川北時尚不能剿竣各股零匪甚或稍有滋蔓必
將伊二人叅奏治罪如此嚴切札諭庶豐紳田朝
貴二人知責有攸歸倍加勤奮迅勉圖功至苟文
明股匪雖距川尚遠但恐被官兵逼剿折回川北
一帶勒保亦應飭令豐紳田朝貴隨時探訪留心

防範爲要其試用吏目汪順梁帶領團勇入林追
賊遇伏被戕情殊可憫着各部賜卹

同日

上諭內閣曰前據勒保奏稱達勒精阿武隆阿等在
大昌一路追剿青白等號餘匪擒獲多名並將首
逆劉朝選殲斃曾經降旨將達勒精阿武隆阿及
副將張良槐交部議敘茲據勒保查驗劉逆首級
將曾被劉朝選姦佔之梁山難婦王氏就近飛提
到案飭令辦認實非劉朝選首級旋向指認之賊
夥陳大明詳加究訊據供前日官兵所殺賊首原
只供是青號之劉元帥等語劉朝選一犯既未就
擒應卽飭令文武員弁嚴拏務獲其達勒精阿武隆
阿張良槐殲斃之賊既非首逆自不必給與議敘
但所獲劉姓亦係賊目且誤認劉朝選係得之賊

供尙無冒功情事亦不必究其稟報不確之咎

二十三日臣德楞泰吳熊光奏言臣德楞泰昨

於房縣所屬水溝地方冒雨繞道將蕭添寶賊

股痛殲大半只剩二千六七百人賊家連夜仍

翻石坂溝大壩口折回原路出寒水河十三日

走仙家坪向南入鞦韆溝色爾滾等先經派赴

獅子崖扼房邑之路探得臣德楞泰已在水溝

《聖訓》

《聖訓》

大獲勝仗賊勢不敢東逃仍回原路遂即帶兵

趕至仙家坪時賊已先南逃又接到臣德楞泰

飛札飭知色爾滾等倍加奮勇輕騎冒雨竭力

前追臣於十五日自仙家坪移營接續而進行

至東葛坪接到色爾滾蒲尙佐等稟報十四日

探得賊蹤相離六七十里二更時即自鞦韆溝

廖家坪進兵緊追至穆家溝趕上賊尾竭力痛

剿追過雙鳳溝殺賊百餘名又乘勝追至魯家

壩殺賊四百餘名生擒男婦三百餘名口時已

黃昏復鼓勵兵勇追趕二三十里殺賊七十餘

名活捉二百餘名時已二更逆眾被剿窮感四

散遁逃搶獲馬騾一百餘匹頭旗幟刀矛衣物

極多沿途乘隙潰散難民不知其數除所獲馬

騾分給出力官兵外其獲犯及耳級並旗幟刀

《聖訓》

《聖訓》

矛等送營查訊並查賊眾分爲數起一起四五

百人竄走龍池麻灣柏木壽陽歐家店一起一

百多人竄走茶園兩河口龍王廟一起一百餘

人竄走三股泉柴溝峪桐耳溝一起二百餘人

竄至七莊坪西嵩坪巖屋溝長嶺亦由柏木前

逃查詢各逆分竄之路雖多勢必仍歸柏木壽

陽一路計兵馬輕騎冒雨日夜已行二百餘里

鍋帳俱未趕上盡皆露宿因差幹練兵勇分路查探首逆確蹤再行馳追臣查蒲逆大股賊眾五六千人叠被趕剿茲剩祇有一千四五百名勢已衰殘雖分股逃散非竄興山即遁保康且聞樊會等逆已被長齡等由均穀兜向西來賊蹤亦已相距不遠正籌計間又接准臣吳熊光來信探得長齡等所追樊會等逆於十二日由均州之分道觀黑虎廟一帶向西竄來商令移師剿辦查現在樊蒲兩逆相較樊逆更為緊要且蒲逆業經連次痛剿狼狽分逃色爾滾蒲尙佐所帶馬步兵勇二千餘員名係頭敵勁旅可靠之兵以之跟剿可以濟事即飭令趕緊跟蹤前往臣德楞泰即於途次東折至獅子崖暫紮臣吳熊光到營會合彼此熟商查楚省兩股賊

欽定剿平三省邪匪方略 正編卷三一八

匪均已敗殘現在樊逆等自東北竄向西來窺其詭譎之心不圖入陝即欲渡漢但時常夏令江水寬深非船莫渡即山河內如黃龍灘官渡現值水漲之際斷難飛越此時自應與長齡等先將樊會等逆趕緊殲除不但楚境大局易於戡定即川陝亦不虞其滋蔓惟臣德楞泰除分撥色爾滾一路兵馬外祇有存營兵二千餘名臣吳熊光飭令總兵李天林所帶馬步兵勇一千餘員名隨同臣德楞泰一路預備派撥則兵力更為壯盛現在臣德楞泰督兵東進臣吳熊光即回房縣督辦糧餉軍火合併聲明奏入上命軍機大臣傳諭德楞泰吳熊光曰德楞泰等奏痛剿蒲添寶股匪大獲勝仗本日恭逢北郊大祀得此捷音實深欣慰蒲添寶股匪經德楞泰

六三七

於水溝地方痛殲後由原路折回奔逃德楞泰恐其被剿情急竄近房邑派令色爾滾蒲尙佐緊蹙追剿不予以暇色爾滾蒲尙佐二人冒雨進兵追過雙鳳溝痛加剿殺共計殲擒賊匪一千餘名實爲奮勇可嘉色爾滾蒲尙佐著各賞給玉喜字搬指一個花大荷包一對小荷包二個並發去一兩重銀牌二百面五錢重銀牌二百面交德楞泰分賞此次及前次痛剿蒲逆出力兵丁以示獎勵現在賊衆祇剩一千四五百人分竄興山保康一帶色爾滾蒲尙佐等所帶馬步兵勇二千餘員名俱係頭敵勁旅自敷剿辦但不可專注一股墮賊詭計令他股散竄又致蔓延德楞泰務當飭令色爾滾等確探賊蹤將此五起分股各匪設法逼歸一處免致分我兵力如能殲擒首逆並將全夥掃淨

臣係色爾滾蒲尙佐之功朕必當再加獎賞前次德楞泰督師大挫賊鋒色爾滾等始得乘勢殺賊是伊二人之功皆由德楞泰調度有方所致必當一併優加懋賞至摺內稱蒲逆勢已窮蹙有色爾滾等在彼剿辦德楞泰與吳熊光會商移師東趨探剿樊會各逆等語所見甚是樊逆爲積年著名首犯極爲狡猾可惡長齡孫清元吉林泰等帶兵剿捕總未得手此次德楞泰摺內雖稱長齡等由均殺一帶兜剿樊會等逆亦未將近日在彼如何打仗詳晰聲敘伊等會否與賊接仗有無觀望逗遛情事著德楞泰仍遵昨旨查明具奏

聖祖實錄卷一百一十五

天

聖祖實錄卷一百一十五

元

欽定剿平三省邪匪方略正編卷三百十九 壬戌年

五月二十五日甲午慶成奏言查魏張兩股餘匪

疊經痛殲所剩不過一百七十八人臣督令兵

勇窮追未予稍暇該匪狼狽萬狀分五六起散

奔紫柏山站巴林一帶老林該處山高徑仄

步艱險將弁兵勇裹帶乾糧分投入林探捕陰

雨連朝溪澗泛漲兵勇冒雨攀援前進並不停

剿平三省邪匪方略

息或尋賊蹤捕捉或乘夜潛往掩殺據各將備

陸續斬獲送到耳記四十一副活賊黃貴等三

十一名殘匪見兵勇搜捕緊急紛紛逃散身藏

短小器械衣帽無異民人驟難辨別日伏深箐

夜出呼哨聚集掠食有奉

旨卽以千總用之齊慎外委徐步雲等帶領兵勇令

所獲之賊引路尋至石峽子老林內見木廠一

處有賊二十餘人在彼炊爨該弁等一擁突入

賊不及防立斃賊匪八九名捉獲十一名僅有

三賊統林逃脫引路之賊於獲賊內認出偽先

鋒伍金華一名詢係伍金柱之弟伍逆殲斃後

投入魏張夥內充為先鋒該匪懇求願隨捕捉

餘匪並稱曾遇康元帥卽康二麻子要繞向甘

肅地方隨帶手下五六十人夜間西去其餘俱

剿平三省邪匪方略

各分開向密箐內藏匿夜間出林搶掠等語該

弁等一得康逆之信卽帶同該匪等不分晝夜

冒雨跋涉前追趕至畧徽交界之曹家山老林

詢問寨嗣民人昨日有數十人過去雖行徑張

皇並未傷人聲言鄉勇搜賊適有革鎮胡定泰

帶兵在該處附近林邊堵截探明實係殘匪在

林內藏匿胡定泰與都司玉林帶兵扼住山梁

齊慎徐步雲率領兵勇分兩路搜進果有賊匪數十人在巖坎避雨兵勇突然衝上匪眾駭不畏死竟敢憑高齊力下壓截倒兵勇三四人克悍異常齊慎等持矛首先率領兵勇衝殺短刃相接立斃賊匪十餘名餘匪力不能支隨即敗退伍金華告知此是康逆夥賊其死賊內身材長大頭有傷痕者是偽總兵張昌元該弁等緊跟追殺並令引路之賊招呼眾賊投出免死賊中有數十人棄械來投見一賊攔罵要死在一處齊慎徐步雲等料係康二麻子乘其眾心渙散之際一擁衝上匪眾亂奔康二麻子情急自用矛頭反戳齊慎上前拿獲所傷不重其餘毛澄等一十二賊俱同時就獲又於林箐內捕獲趙應珍等七賊臣訊據康二麻子據供本名學

孟湖北襄陽縣人嘉慶元年與張添倫楊開甲魏洪升顏中考同在一夥楊開甲張添倫被官兵殺死後我同張喜魏洪升三人管事本年二月間因川地難找糧食安過陝西丁佳蘭們先帶一股行走我們後帶六百餘人都到陝西道幾次被官兵打散張喜已被捉去顏中考鑽林遇見官兵搜山有同行吳道全眼見他跳崖跌死探馬頭劉楊兩裁縫因陝西官兵截殺緊急又帶一百零三人回川我與魏洪升各帶一百餘人約在秦領會合魏洪升先過棧東被擊我想繞躲官兵由西北過去不料繞到甘省邊界老林內就有官兵跟追殺來現被擊住我六七年來殺過人數走過地方不能詳記惟嘉慶四年臘月間我與楊張大股由川入陝行至沔縣

三

四

五

六

一五二〇年 續修四庫全書 2 反反月

地方遇官兵打仗曾用矛戳死一個戴紅頂花翎的將官後來聽說是姓韓等供查康二麻子充當偽元帥多年為楚匪主謀之人前獲楊魏張等逆訊及康逆情形與該犯自供俱甚脗合實屬罪大惡極且有戕害副將韓加業一節尤令人痛恨臣審明後即將康二麻子押出老林在留鳳大道衛劄示眾所有搜獲各賊除伍金

欽定剿平三省邪匪方略

正編卷三一九

華尙知悔罪現隨兵勇搜捕効力其餘盡係各股漏網戰手一概正法魏張兩股除魏張康三逆生擒正法外顏中考滾崖跌斃現剩殘匪僅二三十人連日續獲零賊半皆蓬頭垢面形同死囚防兵寨民俱能緝捕不值多兵守候搜剿隨酌留將弁兵勇同附近寨洞民人躡探嚴緝不使稍留餘孽臣現帶兵勇移出留鳳之間探

聽何路賊蹤相近卽帶兵馳往剿辦奏入

上命軍機大臣傳諭慶成曰此股張魏餘匪經前次痛剿後分五六起散竄紫柏山一帶老林慶成督率千總齊慎外委徐步雲等帶領兵勇裹糧入林冒雨前進斬獲多名並經拏獲之偽先鋒伍金華引路指認官兵奮力剿殺生擒康二麻子殲斃偽總兵張昌元等並據獲賊供稱顏中考亦已跳巖

欽定剿平三省邪匪方略

正編卷三一九

跌死是張魏前後兩股賊匪經慶成節次剿捕已斬戮殆盡現剩渙散逃匿零匪不難一律肅清慶成著加恩仍賞給太子太保銜並喜字玉搬指一個玉帶鈎一個黃辦大荷包一對小荷包四個千總齊慎外委徐步雲不避險阻冒雨追趕並身先兵勇將該逆擒獲實屬可嘉齊慎著以守備陞用徐步雲著以千總拔補又發去洋磁昇洲盒二個

花磁鼻烟壺五個堪廷罕搬指料四個花磁搬指
 四個一兩重銀牌一百面五錢重銀牌一百面著
 慶成分賞出力弁兵用示獎勵至伍金華係首逆
 伍金柱之弟從賊日久罪在不赦但經搜獲之後
 懇求願隨捕捉餘匪遂在前指引官兵得以跟蹤
 追殺將康二麻子等生致尙有悔罪自効之心伍
 金華如願入伍卽著慶成賞給一分錢糧派交齊
 慎徐步雲二人管束並傳知伍金華嗣後倘續有
 出力之處尙當予以官職仍密加防範如伍金華
 仍思逃竄及有滋事之處卽行正法再出示曉諭
 餘匪以伍金華係官兵擒獲本應立正刑誅之犯
 因其自知悔改隨營搜捕著有微勞尙加寬宥給
 與軍糧爾等如能及早棄械投誠或將賊股中首
 夥設法擒獻不獨寬宥一綫並可冀得官職如此

聖朝聖鑒編卷九

七

剴切宣諭使賊黨聞風解散可冀漸次投出亦搜
 捕餘匪之一法再康二麻子充當偽元帥多年爲
 楚甲之謀之人且曾經戕害副將韓加業實堪痛
 恨著將該犯首級送交韓加業之母告知此係戕
 害伊子之賊業經擒獲樹割示衆可將該犯首級
 卽在雙烈祠設祭以慰忠魂此時慶成帶領兵勇
 移出留鳳之間卽應在邊境一帶駐紮既可東防
 苟逆並可南扼陳李二裁縫官陝之路總之不論
 何股竄近卽相機截擊而苟逆一股尤爲緊要現
 經經畧等督兵搜捕勢極窮蹙指日必當轟出山
 外易於鉅走更當加意嚴防勿稍疎懈
 二十七日丙申額勒登保奏言查苟逆率領夥黨
 由南漢竄入苟家溝扎克塔爾格布舍由西面
 之廊溝石板溝進剿副將張廷楷參將吳享衍

聖朝聖鑒編卷九

八

等由北面之高橋柳林溝進剿臣親率副將王

兆夢遊擊劉健標等由苟家溝小北溝顧住東

面而進該匪聞風復由苟家溝匿入山林該處

山勢險峻並無路徑官兵等攀援進攻行抵半

山該匪於山上望見卽於大雨中翻越老林折

向傅家河磨子溝一帶逃遁扎克塔爾等率兵

追至傅家河口斬獲二十餘人餘匪翻山竄

臣

九

以賊匪現已分夥逃遁深山密林中人數愈

少其蹤跡愈形飄忽若徒以大隊官兵跟追實

屬徒勞無益扎克塔爾格布舍等已帶兵由兩

河菜子坪一帶追剿當卽知會扎克塔爾等挑

出精勁弁兵鄉勇八百餘名令副將張瑗遊擊

李東宣帶領爲一路臣所帶官兵內除令副將

張廷楷將英亨衍帶出精勁兵勇千餘名目

爲一路已由秋木巷碾道迎擊外又於本營挑

出奮勇弁兵三百餘名令遊擊黎炳守備丁永

安馬起龍等帶領亦爲一路均令不帶銅帳徒

步入林無論賊竄何方均各不避艱險竭力剿

殺臣並將所派官弁兵勇優加獎勵定以賞格

責令旬日之內務卽得手各官弁兵勇等衆欲

立功邀賞均各踴躍前進現探得苟逆四五百

臣

十

人由光頭山竄入天牢地牢復由該處竄往秦

嶺一帶張廷楷張瑗黎炳等已各帶兵勇分路

探蹤而進至楊遇春李應貴等連日帶兵由小

王澗一帶追剿賊目張二張三宋李等逆嗣該

匪被剿窮蹙宋李二逆又復分夥帶領一百餘

人由火地翻秦嶺向北面何家山奔逃楊遇春

派派精勁兵勇六百餘人令遊擊劉元明等帶

領追剿於十三日至金牛坪接仗殺斃十餘人

賊匪由金峪腦竄往太平峪該路兵勇已由高

關赴夾嶺一帶抄截其張二張三一股亦有二

三百人竄往黑圪塔虎豹河一帶西遁楊芳帶

兵緊躡追剿其餘尚有零匪一百餘人竄往寧

陝鎮安交界之栗札坪林內臣派令遊擊林榮

協同鎮安遊擊馬世勳帶兵剿捕此外並有剿

散零匪或數十人或數人不等於附近山林內

晝伏夜出臣派令弁兵分路剿捕先後縛送何

四海向正邦等十六名來營訊據供稱賊匪因

各路官兵剿殺不敢出林商量分夥在山內藏

躲現在苟文明與先鋒靳士貴王世貴等在一

路張二張三在一路宋李二人又在一路張二

四張士雲張三四張士熊等語於訊明後即將

各犯擬行正法訖伏念臣自入山剿辦以來兵

勇等陟險歷艱倍常勞若其帶兵各負自楊遇

春扎克塔爾格布舍以及鎮將備弁等無不棄

馬步行刻無停趾而賊匪總未能痛加殲洗實

無以仰對

聖明不禁愧悚交集臣

因老林之內兵力難施亦極

思將該匪驅逐出林易於為力是以數月以來

總係顧住方向向老林外轟逼該匪因兵威震

懾又無馬驟自料竄出之後大軍併力窮追即

無生路是以心懷疑懼甫被轟出旋又折入臣

現已知會楊遇春扎克塔爾等各於要隘劄營

所有銅帳馬匹悉行存留督飭兵勇深入山林

窮賊所向或白晝尋蹤剿殺或乘夜相機掩擊

以期斬獲渠魁掃除餘孽倘該匪於林內不能

存住向各要隘繞向他趨則存營官兵以逸待
勞俟其出林稍遠併力追剿自斷不致蔓延惟
不能聚而殲旃尚恐非一兩旬所能淨盡臣查
樊會一股聞有分竄洵陽白河邊界者穆克登
布帶兵赴平利會同喜明探蹤截剿臣刻因苟
逆尚未掃蕩未能統師前往心急如焚現在兵
力有盈無絀擬將湖南湖北官兵卽行撤出令
原帶將備帶赴平利一帶交穆克登布接管先
行整頓如遇賊匪竄近卽與楚境官兵併力截
殺臣俟各路兵勇於一兩旬之內或將苟逆痛
加剿殺或得獲一二首逆臣卽當酌量情形將
此間殘匪交派鎮將帶兵搜捕臣卽親赴平利
一帶以便令穆克登布帶領官兵入楚協剿臣
卽於該一帶扼要駐劄庶楚境賊匪得以迅速

蕙功而臣於陝楚兩省皆有兼顧於剿辦較爲
有裨再查江南壽春鎮遊擊蒲佑盛連年於川
省軍營帶兵剿賊打仗奮勇者有勤勞昨因乘
夜進兵昏黑中徒步行才誤被馬踢受傷甚重
於四月二十八日身故合併陳明
同日陸有仁奏言連日復據探報苟逆股匪經
官兵節次剿殺現已不敢拒敵惟分股零星奔
竄一股由寧陝傅家河竄入金雞梁一股由裏
槽老林竄入菜子坪向光頭山火地裏一帶奔
匿楊遇春扎克塔爾楊芳等分頭緊躡搜捕屢
有斬獲經畧額勒登保自八里坪馳至寧陝江
口居中截擊又有賊營分出零匪翻山攻撲盩
厔縣之天心小寨經通判雒昂率勇截剿賊
數名散出被裹難民數人賊卽向老林逃避又

有分股之賊二三百人由寧陝竄入鎮安粟札
 坪現經遊擊馬世勳知縣胡彬分帶兵勇堵剿
 又棧西殘匪經慶成派兵擒獲賊目康二麻子
 等其餘零匪數十人由倉子壩竄至寧羌黃壩
 壩官兵跟蹤追截又楚省竹山賊匪一股現在
 蛟龍觀一帶游奕逼近白河縣屬之東西壩臣
 業經飛飭署知縣黃袞鼓勵鄉勇嚴密堵禦並
 因江西省補解陝米六千餘石日內將抵白河
 其續撥湖南省協濟之糧頭批二萬石亦已備
 過襄陽計日可抵陝境而自白河至興安沿江
 一帶向無防兵臣復札飭地方官多募鄉勇於
 江岸分投護送至山內官兵分路進剿其兵糧
 一項前經到處趕運各寨堡均屬充盈本月初
 旬山中大雨連朝溪澗暴漲幸隨營糧員及各

地方官於各路存糧之處將口袋內米數改輕
 並加價僱募背夫翻山負路隨地設法趕運俾
 得均資飽食近已晴霽旬餘兵勇馳騁便捷而
 賊勢實已凋殘自更易於掃蕩再慶成一路前
 此擒獲首逆魏洪升並賊目張喜等欽奉
 諭旨令臣查明滿漢出力弁勇奏請鼓勵又穆克登
 布一路在紫陽平利一帶截剿各股零匪數月
 來斬獲多人兵丁內并有深入川境者尤為奮
 勇可嘉臣謹據實開單保奏候
 旨施恩均奏入
 上命軍機大臣傳諭額勒登保曰額勒登保奏荷逆
 夥黨因官兵逼剿緊急復又翻越老林竄往秦嶺
 一帶現在派兵分路進剿等語仍係敷衍塞責之
 奏聞之殊為煩懣荷逆一股賊匪於上年十一月

內由四川廣元一帶竄入甘省經慶成截回川境復越過陝境漢江皆由額勒登保將江岸防兵裁撤不能先事預防是以將額勒登保降爲男爵並降換單眼花翎自賊匪竄渡漢江後額勒登保又未能奮勇攔截任其逸入南山至今尚在奔竄南山老林爲賊匪往來熟徑額勒登保屢次報到或稱親自入山徒步督剿或稱派令將弁分路驅逼

製看聖鑒錄卷七

七

總未能一鼓殲淨卽每次摺內亦有擒斬數十人十餘人之語諒不過傷病落後之賊未必皆兇悍矛手且或卽係避賊難民亦未可定試思南山以內如果盡係陡壁懸崖從無人跡則山內寨民又豈能於此等地方栽種包穀賊從何處掠食且賊

匪可到之處卽我兵可到之處何至賊匪一經佔踞我兵卽跬步不前看來額勒登保所云徒步剿

賊之言亦未必盡可信矣額勒登保前數次摺內

尙云一二旬內可以蕪事今隔越數旬杳無捷報

而本日摺內轉云非一二旬所能爭盡似此愈期

愈遠任意遷延勢必遲至秋冬成何事體况據摺

內稱現在兵力有盈無絀擬撤出湖南湖北官兵

帶赴平利紫陽一帶交穆克登布接管防堵是現

有之兵尙足以分撥防堵可見兵力儘屬敷餘卽

製看聖鑒錄卷七

六

糧餉一項亦節據陸有仁奏到源源供運並無缺

乏兵多糧足尙復何所藉口乃擁兵株守與賊相

持竟至束手無策額勒登保前在軍營帶兵尙屬

奮勇且操守亦好是以加恩授爲經畧至扎克塔

爾本係番目

皇考高宗純皇帝格外加恩留京供職擢至御前侍衛

經朕特派前往軍營之人前因其打仗出力授爲

謬軍統領現又專辦苟逆一股乃曠日持久並不
上緊設法搜剿老師糜餉之罪即亦不能為伊
二人解免本應即予革職治罪姑念平日尚知奮
勉額勒登保扎克塔爾俱著加恩暫予革職留任
以觀後效提督楊遇春現在追剿張二張三等逆
此係零星竄匪剿捕益易為力尤當尅日辦竣即
移師幫剿苟逆果能將苟逆協同剿淨自當一律

聖朝聖編卷三

九

加恩現據陸有仁奏天氣業已晴霽旬餘額勒登
保已分派官弁兵勇深入山林相機扼擊著勒限
於六月內迅速辦竣即不能將各賊目概行殄滅
果能將苟逆殲擒提督遞到不但將額勒登保扎
克塔爾即予開復並當優加懋賞晉爵酬勲若再
延緩遲至七八月間尚未蕙事必將額勒登保扎
克塔爾革職治罪即楊遇春亦當一併治罪至苟

逆為賊中兇狡首逆亟應設法殲擒著照從前搜
捕徐添德高三馬五之例懸立賞格額勒登保即
出示遍諭軍營有能殲擒首逆苟文明者官員加
二等超擢兵勇即超補守備賞銀二千兩如賊隊
中有自行縛獻者不但免其從逆之罪並加恩拔
用千總賞銀一千兩其張二張三宋李等逆有能
臨陣殲擒一名官員加一等陞擢兵勇即拔補千

聖朝聖編卷三

十

總賞銀一千兩如賊隊中有縛獻者免其治罪外
並加恩拔用把總賞銀五百兩如此通行曉諭在
官員兵勇固思奮勉立功即賊匪聚黨聞知此信
亦必紛紛解體或能縛獻兇渠於剿捕甚有裨益
又據奏遊擊蒲佑盛打仗奮勇現因乘夜進兵被
馬踢傷身死者照軍營病故例賜卹
上又命軍機大臣傳諭陸有仁曰苟逆股匪前因額

勒登保等未能預為防堵以致該逆乘間竄入南山迄今已及半載剿辦總未得手老師糜餉咎無可辭已降旨將額勒登保扎克塔爾革職留任勒限於六月內將荷逆股匪速行辦竣並著陸有仁隨時察訪額勒登保等於革職留任後是否各知愧懼奮勉立功或心生怨望竟不効力據實密奏但額勒登保等正當剿捕喫緊之際一切軍火糧餉該撫務當設法源源供運毋令稍有缺乏為要

欽定剿平三省邪匪方略

正編卷三一九

同日

上諭內閣曰額勒登保將隨同慶成擒獲首逆魏洪升並賊目張喜等出力員弁兵勇及穆克登布一路弁勇開單保奏參將張奉廷遊擊齊國珍著加恩賞戴花翎都司張起鰲守備李如緒著加恩賞戴花翎把總王義如外委王進忠陳平川鄉勇王

欽定剿平三省邪匪方略 正編卷三一九

品頂戴周明李雲宋天鳳李學恒兵丁王貴朝輝勇向光武普勇侯均著加恩賞戴藍翎以示鼓勵

二十八日丁勒保奏言臣探得巫山所屬犛牛

窖鐵廠灣等處竄來賊匪一股當即飛飭副都

統達勒精阿武隆阿等就近帶兵迎擊臣一面

帶領總兵張績等一路官兵繼進探得該匪尙

在川楚交界之九灣子地方屯紮分出探路匪

夥五六十人已至隻保山達勒精阿武隆阿等

連夜帶兵前進十六日丑刻行至隻保山賊匪

正在草房內歇宿官兵四面圍住賊匪驚覺急

思奪路逃走用矛戳傷額外外委盧元何泳純

吳開成及鄉勇張彪等四人俱不甚重該弁等

率領鄉勇緊緊圍住並不少退達勒精阿武隆

阿傍令兵勇將賊匪所住草房放火焚燒跳出

欽定剿平三省邪匪方略

正編卷三一九

六四九

賊匪三人立時被兵擒住餘匪均在屋內焚斃
 火熄後查點賊屍共五十二具訊據活賊張一
 富等供稱係青號偽先鋒張萬年帶領矛手五
 十餘人先來探路後起賊匪尚在九灣子與此
 地相距十餘里等語達勒精阿武隆阿等恐後
 起賊匪知覺逃逸卽帶兵由茅山嶺繞出樟木
 埡抄道截擊辰刻行抵該處賊匪正在起竄見
 有官兵追擊卽回原路逃奔達勒精阿武隆阿
 等從旁衝擊將賊匪散為兩股後起賊二百餘
 人折竄北山當令副將鄭啟貴參將蕭太和等
 分兵追捕其前起賊三四百人向教場壩陳家
 坡一路東竄達勒精阿武隆阿等親率官兵跟
 蹤緊躡沿途擒殺賊四五十名賊匪奔上陳家
 坡山梁恃險抗拒我兵奮力上攻鎗箭齊發斃

賊十餘名生擒三名餘匪向野貓岩大山逃去
 我兵已入楚境四五十里天色向晚達勒精阿
 武隆阿等將兵撤回蓋河壩暫紮鄭啟貴蕭太
 和等一路官兵亦將賊匪追至大水井沿途擒
 殺頗多餘匪向長峯一路竄去當晚歸集兵勇
 各營共交生擒賊匪一百一十九名耳記三十
 七副賊旗烏鎗刀矛騾馬牛隻甚多活賊內訊
 出黃號偽總兵張大向青號探馬頭胡國祥牌
 頭蕭士龍何清等四名解送臣營聽候審辦其
 餘戰手胡大興等五十二名送勒精阿武隆阿
 等訊明後卽就地正法被擄難民解交巫山縣
 查明遞籍釋放臣於十八日行抵巫山提訊張
 大向等據供我係黃號龍紹周股內總兵去年
 八月間在陝西地方被官兵打散帶了四百多

聖祖實錄卷一百一十九

三

臣

聖祖實錄卷一百一十九

臣

人分路逃到興山遇見藍號冉先鋒井先鋒二人合夥今年四月間在興山拜佛坪分營後遇見青號熊總兵合營近日商量要同過四川不想被官兵殺來拏住那隻保山草房內燒死數十人是青號熊總兵差來探路的張先鋒叫張萬年帶領如今熊總兵大約又回湖北去了等語當即將該犯及各匪分別正法被擄男婦飭縣妥為贖送回籍臣查此起剿剩餘匪尙有三四百人既折回楚境本應跟蹤剿辦但此時楚省賊匪惟樊人傑蒲添寶兩股賊數衆多係德楞泰長齡等分投專辦之賊倘被剿急竄來必致復擾川境未便因此起零匪牽綴兵力轉致川省邊界空虛是以該副都統等所帶官兵仍令回至川界嚴防但巫山大寧兩縣邊界南至

《聖朝重慶編查覽》

三

火峯界嶺北至二郎壩一碗泉道路綿長達勒精阿武隆阿等一路官兵不敷策應是以臣現將所帶官兵二千員名儘數交與張續管帶飭令在巫山所屬之黃羅傘大昌八石坪界嶺一帶往來哨探顧住巫山邊界達勒精阿武隆阿一路飭令在大寧所屬之徐家壩后坪二郎壩通城一帶往來哨探顧住大寧邊界並飭該鎮將等無論有賊無賊總須帶兵常川會哨不得駐定一處致有顧此失彼之虞卽有大股賊匪竄入此兩路官兵共有四千餘名亦可併力合擊如此各專責成於東路防堵可期嚴密至陝省苟文明一股尙未辦淨該逆係川北起事之賊恐剿急仍欲回川臣若久駐川東距廣南一帶太遠陝省賊情不能隨時探聽得實是以

《聖朝重慶編查覽》

三

暫回夔城稍住數日倘楚匪無竄川之信即仍回東達一帶以便兼顧川北奏入

上命軍機大臣傳諭勒保曰此次青黃二號餘匪由楚省竄入川境勒保飭令達勒精阿等帶兵迎擊在隻保山及九灣子地方連次剿殺前後殲擒賊匪二百餘名官兵追入楚境四五十里勒保因慮及楚省樊蒲二逆剿急西竄飭令達勒精阿等回至巫山防守並添派張績在大寧一帶往來哨探勒保暫回夔城稍住數日倘賊匪無竄川之信仍向東達一帶兼顧川北皆應如此辦理楚省蒲添寶大股賊匪經德楞泰痛剿三次狼狽奔逃分派色爾滾等緊躡追擊現在德楞泰又移得勝之師會同長齡等追剿樊逆該二逆被剿情急均難保其不折入川境川省巫山大寧一帶與楚省交界

處所道路綿長勒保當飭令達勒精阿及張績等兩路官兵往來游奕分段巡防設有竄至之賊務須聯絡策應併力合擊與楚省追兵互相犄角總期就地剿盡勿致蔓延至荷逆股匪經陝省官兵轟逼出山亦恐闖入川境勒保回至東達一帶尤當留心兼顧隨時嚴密防剿為要

二十九日戊戌惠齡奏言近據探報荷文明賊匪

分股四竄忽東忽西總在秦嶺左右老林游奕其竄至孝義境內一股三十餘人前經署同知孫樹署都司張立功搜殺十餘人後該匪又折向西奔十三日竄至清風崖適寧陝江口營遊擊李英多聞信派令守備趙思正把總黃玉明帶兵前往搜剿鎗斃斃賊匪數名帶傷逃遁者五六人餘賊鑽入老林潛匿該守備等現在

聖朝重寶編卷五

三

聖朝重寶編卷五

天

帶兵入林搜捕其竄至太平峪內一股約一百七八十人由化嶺灣東竄經提督楊遇春所派軍功張必祿劉彪等帶領鄉勇迎頭截剿撲入賊夥立斃賊匪三十餘人生擒十七名餘賊折回西南鏡兒溝逃遁又據寧陝同知張約鎮安縣知縣胡彬稟報苟逆分股之賊三百餘人向東奔逸經過居安寨聯珠礮被寨勇鎗礮擊斃五名受傷而逃者十餘人餘匪卽由栗扎坪竄至鎮安縣屬之正河地方經該令傳集寨勇施放鎗礮擊被賊匪數名該匪仍折回乾岔河老林西竄查苟逆夥匪狡猾異常當此窮蹙之後多分股數東突西奔其意總在牽縴官兵不能兼顧並使官兵不知首逆之所在得以乘隙遠颺情形實堪痛恨經畧額勒登保探明該逆苟

欽定剿平三省邪匪方略

正編卷三一九

文明帶同逆子苟朝九苟三皮子並男女共五百餘人總在磨子溝一帶老林輾轉藏匿額勒登保飭令扎克塔爾楊遇春楊芳等各分兵勇躡剿分股之賊所有大隊官兵專注該逆正股並挑出奮勇官兵數百人僅携乾糧不帶銅帳馬匹步行入林扎克塔爾等亦均徒步督兵悉力搜殺不予稍暇該匪不能存立又翻過光頭山竄入傅家河老林額勒登保刻已帶兵趕至傅家河扎克塔爾由天半地牢一帶翻山追擊楊遇春由小玉澗安溝向東截剿楊芳亦由兩河甘家碾扼要堵截數路官兵分投圍剿無難卽就掃除至前次分竄田家河等處零匪一二十人經遊擊朱集才跟蹤搜捕該匪黑夜偷出老林假冒鄉勇至小河口地方向寨上覓食被

欽定剿平三省邪匪方略

正編卷三一九

寨勇全數擒獲縛送城固縣審辦棧東一帶已無零匪淮南山各峪內有節次官兵打散零星之賊三五成群隨處逃避臣當即派委文武員弁分入各峪督率寨勇尋蹤躡緝茲據太平峪委員未入流李枝瓊先後拏獲賊匪盧文盛潘思可等十名送營均係積年矛手有張漢湖阮學勝夥內者有宋應伏苟文明劉永受夥內者

現在委員審訊分別辦理奏入

上命軍機大臣傳諭惠齡曰苟逆竄入南山業經半載額勒登保督飭將弁奮力兜剿迄今尚未殲淨仍復多分股數東突西奔意在牽綴官兵不能兼顧賊固狡獪而兵亦無能實為可恨額勒登保等屢次摺奏總以苟逆奔竄地方多係深林密箐峭壁懸崖官兵難以深入窮追為詞茲閱惠齡摺內

稱苟逆分股之賊向東奔逃經過居安寨聯珠碑被寨勇擊斃五名受傷者十餘人是老林之內儘有民人結寨居住並非人跡不到之區且苟文明帶同逆子並男女共有五百餘人在彼輾轉潛匿若果山徑險仄豈能容此多人况有婦女在內又安能攀藤附葛而上且賊多至五百餘人每日所需口食不少該匪既無裹帶又無糧運非向各洞

寨搶掠即係洞寨民人有暗為資助之事惠齡係該省總督自當設法熟籌絕其口食或令官兵改扮寨民散入各洞寨幫同守禦俟賊匪索糧時誘令入內突出掩擊若訪係有人接濟則當隨處截

擊嚴行懲創使賊匪無食可掠飢困不支額勒登保等得以乘其疲敝分兵追捕何難一鼓殲除至擒獲首逆者無論官弁兵勇照從前勦擒徐添德

140200 續修四庫全書 史部 紀事本末類 2

高三馬五之例從優陞賞此外各賊目以次遞減
惠齡務卽曉諭寨民俾共知踴躍上緊擒渠於剿
捕更有裨益如果寨民等將首逆截擒則寨勇之
功卽惠齡之功朕必優加懋賞昨因額勒登保扎
克塔爾剿辦遲延老師糜餉已將伊二人革職留
任倘惠齡亦復因循延玩任令苟逆久匿南山則
惠齡亦不能辭罪也至楚省蒲樊等逆現經德榜
泰帶兵痛剿難保其不竄入陝境紫陽平利一帶
地方關係緊要如額勒登保已將苟逆辦竣移師
前往惠齡自當仍在南山一帶督率搜捕零匪如
額勒登保剿辦苟逆未能剋日竣事着惠齡卽親
赴平利紫陽督同穆克登布及該處防守將弁兵
勇嚴密堵禦毋任楚省竄匪一名闖入爲要

聖諭